


Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.5.19





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.5.19



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.5.19





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.5.19

Ab. 3/5



Ex Libris Joannis Nencini
1874






IN EPISTOLAS
CICERONIS AD ATTICVM,
PAVLI MANVTII
COMMENTARIVS,



*Cum privilegio Pauli III. Pontificis Maximi in
annos decem, Galliae Regis item in de-
cem, Veneti senatus in uiginti.*

VENETIIS, M. D. XLVII.

IN EPISTOLAS
CICERONIS AD ATTICVM
TAVELI MANVATI
COMMENTARIVS



VENETIIS, M. D. XLV.
per Johannem Iacobum

Ad illustrissimum et Reuerendissimum Sancti Angeli
Cardinalem, Pontificium in Piceno Legatum,
RINVTIVM FARNESIVM,
Pauli Manutij in suos commenta-
rios Ciceronis epistolarũ ad
Atticum præfatio.

B ENE audire, qui est recte factorum
fructus, omnes ferè uolumus, am-
plissime ac præstantissime Rinuti :
ipsum quidem recte facere, unde illud
quasi ex fonte deducitur, paucorum
hominum semper fuit : est enim tum perfectæ naturæ,
tum doctrinæ singularis : ut tamen natura sine doctri-
na facile possit ad laudem peruenire ; doctrina sine
natura laudabilis nunquam, turpis etiam sæpe sit .
itaque uel in agris inculto homines ingenio uirtutem
tamen coluere : doctrinis autem eruditi uiri, quæ ad
bene agendum esse instrumenta debuerant, ijs ad per-
niciem suarum ciuitatum sunt abusi. quid de Pisistra-
to græcæ historiæ loquuntur ? quid nostræ de Cæsare ?
doctum utrunque, & eloquentem fuisse ; ijs tamen
utrunque sensibus, ut exempla maiorum & legum
sanctissima iura contemnentes, libertatem suis ciuibus
eripere præclarum duxerint . ergo prima laus bonita-
tis est ; quæ nihil, nisi se ipsam, spectat, ipsa sibi finis
est : altera doctrinæ ; quæ nisi ad bonitatem referatur,
laudabilis non est ; ideoq̃, ut laudetur, finem sequitur
se ipsa præstantiorem . quod si quis est, qui alterum cū

* ij

altero coniunxerit, ut & bonus sit, & idem doctri-
nis institutus; neque rectum ideo solum cupiat, quia sit
ipse ad rectum natura propensus, sed quia, quod rectum
non est, id esse turpissimum intelligat: hic est, quem
in uita humana diuina bona consecutum putemus.
præclara res, sed exemplo minus nota: id autem, ut
ego opinor, ob eam causam, quod unusquisque in ui-
tam principis tanquam in speculum intuens, ad illius
similitudinem se ipse fingit, & format. ideoq; uiri sa-
pientes alterutrum recte cupiuerunt, ut aut reges phi-
losopharentur, aut regnarent philosophantes: utrum
esset, futurum ut ex uirtute penderemus. quod si fuit
ullum tempus, cum homines rationes & cogitationes
omnes suas in philosophia constituerent: tum profecto
coepit esse, cum auus tuus ad Christianæ reipublicæ, ni-
mium magno periculo fluctuantis, gubernacula Dei
iussu accersitus, sedit in sede Pontificia Pontifex di-
gnissimus, ea præditus non solum auctoritate, sed etiam
sapientia, ut hic nos in tantis tempestatibus seruare so-
lus à naufragio possit. cumq; laudandus est maxime,
quod optime ipse sentit, optimis semper in studiis consi-
lijsq; defixus: tum, quod optimos uiros asciuit sibi &
consiliarios, & suæ uoluntatis administratos. in quo ego
tantum soleo ponere; ut, si mihi ad alterutrum eligen-
dum optio detur, non bonum principem malim cum
bonis administris, quàm bonum cū sui dissimilibus. sed
bene, quod habemus utrunque; & Pontificem, qua-
lem res poscebat; & collegium tali Pontifice dignissi-
mum. itaque nunc emergit uirtus: honestum reuoca-
tur:

tur : desertæ per multos annos literæ patronos habent ,
diuq; , ut auguror , habebunt . tu Rinuti , fraterq;
tuus , duo clarissima Italiæ lumina , uterque Cardina=
lis , & Cardinalis uterque optimus , præclaram con=
suetudinem tenebitis ab auo traditam . certe enim non
ideo te Patavij per tot annos summi doctores erudie=
runt , ut ea , quæ tantis uigijs quærebas , consecutus
negligeres . amabis eadem , & fouebis : tuumq; erit
proprium studium non solum colendæ uirtutis , sed
etiam ornandæ . refer animum ad eos , qui multis an=
te seculis extincti , tamen in laude uiuunt : omnes re=
peries his gradibus ascendentes ad immortalitatem per=
uenisse . quorum tu quia facta imitaris ; non dubito ,
quin eorum semper florentibus nominibus ita tuum
nomen inseras , ut nunquam exarescat . materiem ha=
bes ad gloriam , Anconitanam prouinciam ; quam nunc
ita regis adolescens , ut ea prestes , quæ sæpe desidera=
mus in senibus . quæ quanquam ad eos solum , quibus
cum potestate præes , pertinere uideantur : tamen illa
tuæ ditionis terminis non continentur . scis consuetudi=
nem famæ . illa nos per ora hominum sublimes uehit :
benefacta simul & malefacta æque circumfert : sed
benefacta laudibus excipiuntur , malefacta conuitijs
exploduntur . itaque noli putare , te Picentibus solis
esse continentem , esse iustum , esse beneficum . Picen=
tes hæc uident , longinqui audiunt , & prædicant . te
aiunt esse , ad quem aditus omnibus pateat ; cui sit iu=
stitiæ , sit pietatis antiquissima cura ; cuius & potestas
timeatur , cum omnia possis ; & bonitas diligatur , cum

idem non plus licere tibi uelis, quàm quantum leges
præscribant. macete adolescens laudibus eximie, imita-
tor aui, maiorumq; tuorum. recte cogitasti, in impe-
rio laudem non esse, nisi cum is, qui imperat, impe-
rio dignus est. quod quia tibi siue à natura, siue à di-
sciplina, siue, ut ego arbitror, ab utraque simul con-
tigit: quod ad naturam attinet, referimus ad Deum:
de disciplina, te ipsum & laudamus, qui ad hæc præ-
clara inuigilaueris; & amamus, quia sunt amabiles
uirtute præditi. me quidem & multis abhinc annis,
cum Romæ te uidissem, atque allocutus essem, in tui
obseruantiam uoluntas inclinauit, iam tum de tua in-
dole expectantem ea, quæ consecuta sunt; & postea
Patauij, cum in studijs optimarum artium totus esses,
iudicium impulit. hæc tua Picentina legatio quasi ope-
ris perpolitio fuit: in qua thesauros philosophiæ, mul-
torum annorum studio congestos, explicas, & cum
provincia communicas. itaque cum ego multo ante, q̃
istam tibi administrationem summus Pontifex deman-
dasset, eos commentarios, quibus epistolas ad Atticum
illustrare sum conatus, in tuo nomine emittere statuif-
sem; postea simul cum tuis laudibus creuit uoluntas
mea. eos igitur nunc emitto, serius omnino, quàm
non nulli expectauerant; sed meam tarditatem opus
ipsum excusat. epistolas ad Atticum interpretanti pro-
perandum non fuit. alijs in rebus possum esse quan-
tumuis strenuus: in hac qui possum esse non tardus?
primum multa difficilia, deinde non ijsdem causis o-
mnia, sed alia propter breuitatem, alia propter histo-

rias, alia propter mores. huc adde, quodd mihi quibusdam in locis non satis fuit explicare ea, quæ aperta non erant; sed tentavi, num etiam paulo floridius possem, quàm nostri grāmatici solent. neque tamen sum nescius, fore multos, qui me in his cōmentarijs ut hebetem, quia non nulla minus acute uiderim; uel fortasse etiam ut cæcum, quia prorsus non uiderim, reprehendant. qui si mihi, cur id faciant, causas afferant probabiles; non committam, ut ijdem me etiam ut pertinacem possint reprehendere. amo enim ueritatem, neque eam in me ipso magis, quàm in alio: itaque complectar, sicubi eam uidero. tibi uero clarissime Rinuti, quod in has Ciceronis epistolas laboris impèdi, maxime ob eam causam cupio probari,

ut, si qui uere iudicare aut propter im-

peritiam non possunt, aut propter

maleuolentiam nolunt, eos

à consilio detrahendi

tua deterreat

auctoritas.

vale.

Privilegium à Paulo III. Pontifice Maximo
Paulo Manutio Aldi filio concessum.

C V M omnes , qui de literis iudicare possunt , ita
sentiant , Aldi Manutij Romani diligentia , doctrina , in
dustria factum esse , ut innumerabiles optimi libri , qui
in tenebris communi hominum damno latuerant , in lu
cem bono publico prodierint , neque solum prodierint ,
sed ea etiam correctione , & elegantia , ut studiosi utra
que re ad legendum inuitati , ex ijs libris maximam uti
litatem minimo labore possint percipere ; cumq; Pau
lus Manutius Aldi filius patris consuetudinem , quantū
in ipso est , uelit imitari ; quodq; in hoc genere uult , pos
se uideatur : Nos , uti recte agentibus pramia persoluan
tur , utiq; homines hominibus consulentes , institutum
bene merendi cursum nulla re impediti quamdiutissi
me teneant ; interdicto cauemus , ut quos libros Paulus
Manutius Aldi filius typis impressos emiseric , siue nun
quam antea diuulgatos , siue correctione restitutos , aut
quauis alia re auctos , eos libros cum ea correctione ,
cumq; ijs additamentis , quorum auctor Paulus fuerit ,
ne cui per decennium typis impressos emittere , ne ue
cui uendere ius sit . secus qui faxit , ei poenae multae ue
esto à sacris interdictio , & simul aurei mille nummi .
cuius pecuniae summa trifariam ita diuidatur , ut &
is , cuius opera indicabitur ; & magistratus , qui ex in
dicio ius persequetur ; & Paulus ipse , cui hac uirtutis
ergo concessimus , aequam quisque portionem habeat .
hoc privilegium qui in praefecturis sunt , quiq; ius dicunt ,
in

in uniuersa nostra ditione, quanta quanta est, religio-
sissime tuentor. quod haecenus licuit nemini, licere
uolumus Paulo Manutio Aldi filio, ut & Aldi defun-
cti manibus quasi gratia referatur, et filij adolescentis
optima ad uirtutem indoles extraordinario munere
decoretur.

Privilegium Regis Gallie.

FRANCOYS par la grace de Dieu Roy de France Aux Preuost de Paris Seneschal de Lion & atous noz autres seneschaulx baillyz preuostz Iustitiers et officiers ouleurs Lientenás. quil appartiendra salut & dilection Scauoir nous faisons que nous inclinans liberallement alla supplication & requeste que faicte nous a este en faueur de nostre cher et bien ayme Paolo Manutio librare demourant à Venize pour ces causes & affin quil ayt plus de moyen de se Rambourser & recompenser des fraictz. qui luy conuiendra faire à imprimer & mettre en lumiere les cōmentaires quil à piusnagueres faict & composez sur les epistres de Cicero ad Atticum & plus cōmodement puisse recueillir le fruit de sondit labeur auons inhibe & deffendu & deffendons a tous libraires & imprimeurs de cestuy nostre Royaulme pays terres & seigneuries de nostre ob-eissance quelz qui soynt que Iusque autemps & terme de dixans cōmencans au Iour & daete de ces presentes Ilz nayent a imprimer ne faire imprimer lesdit cōmentaires faictz & composez par ledit Paolo Manutio sur lesd epistre de Ciceron iceulx meestre & exposer en uente durant ledit temps sinon ceulx qui serōt imprimez par icelluy Manutio & non par aultres. Et ce sur peine de confiscation desd liures & demande arbitrarre. Sy uoullons & nous mandons & a chascū de nous en son regard & sy come a luy appartiendra, que noz presentes inhibitions & deffences nous faictes

crier & publier par tous les lieux et endroictz de uoz
iurisdic^{ti}ōs que besonig sera que si aucuns sont trouuez
faire ou auoir faict le contraire procedez. a lencontre
deulx par les peynes susd, & ainsi quil a partiendra
par raison. Car tel est nostre plaisir de ce faire uous a
uons donne & donnons plain pouoir pui^{ss}ante aucto=
rite commissiō & mandement especial mandons &
commandons a tous noz iustitiers officiers & subge^tz
que a uous en ce faisant soyt obey. Donne a solembay
le dernier iour de Nouēbre lan de grace mil cinqcens
quarantesept. Et de nostre Regne le trente deux i^eme.

Par le Roy

Delaubespine.

Privilegium Senatus Veneti.

CHE coll'auttorita di questo consiglio sia concessa
so à messer Paolo Manutio, che alcuno senza permis-
sione sua per anni uenti prossimi non possa stampar,
ne far stampare, ne uendere in questa nostra città, ne
in alcun luogo del dominio nostro, ne altroue stam-
pato in quelli uendere il suo cōmento sopra l'epistole di
Cicerone ad Atticum: del quale essendoli stato per il
passato concessa la medesima gratia, non ha potuto
hauer il frutto di quella per la graue infirmità sua: es-
sendo obligato di offeruare quello, che per le nostre leg-
gi è disposto in materia di stampe.

Die ultimo Maij in rogatis, M. D. XLVII.

I
IN PRIMVM LIBRVM EPISTOLA-
RVM CICERONIS AD ATTICVM,
PAVLI MANVTII
COMMENTARIVS.

EX EPISTOLA I. pagina I.

ETITIONIS nostræ,] Peti Con-
P sulatum à Cicerone, uideo esse qui credant:
imperite: non enim petit, sed prensat, anno
ante, quàm petat: idq; ex consuetudine; quòd, quid de
quaque tribu sperandum, aut timendum esset, tanto
ante scire non alienum uidebatur.

I.
VNVS P. Galba] Non, unus sine fuco,
ac fallacijs; sed, unus ex competitoribus: ideoq; ne
coire cum insequentibus posset, interposui quam gram-
matici notam subdistinctionis appellant. quod enim in-
fert, Non aliena rationi nostræ fuit illius hæc præpro-
pera prensatio: unum scilicet prensare Galbam, non
obscure significat. sed occurritur à quibusdam, negan-
tibus unum prensare Galbam, cum, paucis interiectis
uersibus, & de Antonio, & de Cornificio legatur. et
puto uidentur aliquid dicere, cum tamen nihil plane
dicant: neque enim animaduertunt, quod magnopere
oportuit, Ciceroni per plures dies hanc epistolam in
manibus fuisse, ut in eam aliud alio tempore conijce-
ret; neque prius missam, quàm Consules designati sunt
Cæsar et Figulus: quos tamen aperte indicat non dum
fuisse designatos, cum scripsit illam partem, De ijs, qui

A

C O M M E N T A R I V S

nunc petunt, Cæsar certus putatur. Ergo & pressa-
uit primo solus Galba, & idem postea cum Antonio,
& Cornificio. Huius autem generis epistolarum, quæ
pluribus diebus scriptæ sint, exemplum est in epistola
Celij, cuius initium est, Non dubito: fam. I I 5: et in
ea, quæ prima est libri I I I. ad Q. fratrem.

G A L B A: sex cõpetitores in Consulatus petitione
Cicero habuit; duos patritios, P. Sulpitium Galbam,
L. Sergium Catilinam; quatuor plebeios, ex quibus duo
nobiles, C. Antonium, M. Antonij oratoris filium, L.
Cassium Longinum; duos, qui tantum non primi ex
famijs suis magistratum adepti erant, Q. Cornificiũ,
& C. Licinium Sacerdotem. solus Cicero ex competi-
toribus equestri erat loco natus. Hæc Pedianus.

I.

M O R E maiorum.] Sine largitione. Ho-
nores, inquit Nepos de Attico, non petijt, cum ei pa-
terent propter uel gratiam, uel dignitatem; quod ne-
que peti more maiorum, neque capi possent conserua-
tis legibus in tam effusis ambitus largitionibus, neque
Reip. sine periculo, corruptis ciuitatis moribus.

I.

M I H I se debere] Propter defensas multorum
causas. Quintus frater in commentariolo de petitione
Consulatus.

I.

I N campo comitijs tribunitijs] Satis docet hic
locus, Tribunos pl. ante Consules solitos esse designari.
nam consularia comitia nõ dum facta, declarant quæ
paulo infra sequuntur.

I.

CERTI] Certo petitori, certi competitores.
non enim expono, CERTI, gratiosi ad populum:
cum inferat, Sunt qui etiam Caesonium putent: suban-
di, petiturum.

I.

ANTONIVS,] Hic in Aedilitate, &
Pratura Ciceronis fuerat collega, fuitq; etiam in Con-
sulatu. Plura Pedianus, ubi orationem exponit in to-
ga candida, & Quintus frater de petitione.

I.

AVT risisse, aut ingemuisse,] Quod Cor-
nificius, neque clarus à maioribus, neque sua uirtute
comendatus, tamen certus esse uideatur. RISISSE,
stultitiam Cornificij de Consulatu cogitantis. INGE-
MVISSE, temporum conditionem, cū ea, quæ sum-
mis uiris patere solis debeāt, etiā infimi sperare audeāt.

I.

VT frontem ferias.] Gemitus dolorem in-
dicat, percussio frontis etiam indignationem. Orato-
res, qui frontem ferirent, Cicero laudat in Bruto,
Quintilianus improbat libro XI, quod scenicū id ma-
gis, quàm oratorium uideretur.

I.

AQVILIVM] C. Aquilium Gallum, iu-
ris scientia clarum: quem Ciceronis anno petiturum,
simile ueri uidebatur, quod eodem item anno collegæ
fuissent in Pratura. Pro Cluentio.

I.

IVRAVIT morbum,] Ne uideretur.
A ij

COMMENTARIUS

animo humili, atque abiecto, qui Consulatum anno legitimo non peteret, ualitudinem, & simul iuris civilis occupationem excusauit. Sic infra 189. Veniam, & ipse perpetuum morbum iurabo. ne cœnas Apuleij Augur Auguris obire cogeretur.

I.

REGNUM iudiciale] Iuris interpretandi munus: in quo ita excellebat, ut quasi regnare uideretur, omnibus, qui maiore aliqua de causa in iudicium irent, ad unum consilij causa confluentibus.

I.

OPPOSUIT.] Contra rogantes ut peteret, hoc opposuit, ut diceret, se gerendo magistratum uacare non posse, occupatum in iure respondendo. Tale illud ad Quintum fratrem libro II. Mea factum est inuisa uerecundia, ut te proficiscens non tollerem. opposuisti semel ἀντίκτοιρ causam, Ciceronis nostri ualitudinem: conticuī. iterum Cicerones: quieuī.

I.

SI iudicatum erit &c.] Hoc dicit: si à iudicibus absolueretur. erat enim reus repetundarum, adeo manifestis criminibus, ut eum iudicare infontem nemo posset, nisi idem iudicaret meridie non lucere. absolutus tamen est, accusatore P. Clodio prauaricante: ut in oratione de Aruspicum responsis, & Pediani commentarijs. Et de Catilina libet quædam ἐν ἐπιτομῇ subscribere. Ex Prætura Africam obtinuit Consulibus Lepido & Volcatio, quo anno Cicero Prætor fuit: ut in oratione pro Celio, pag. 39. sed reuersum tamen Romam, ante quam Lepidus & Volcatius Consulatum peregris-

sent, atque etiam ante quàm comitia haberent Consu-
 libus creandis, declarat oratio in toga candida: in qua
 22 ita scriptum est: A quibus Catilina Consulatum pe-
 22 tis? à principibus ciuitatis, qui tibi, cum L. Volcatius
 22 Consul in consilio fuisset, ne petendi quidem potestatem
 22 esse uoluerunt? causamq; , cur eius ratio habita
 non sit, ponit Asconius interpres, quia querebatur re-
 petundarū. idem et apud Salustium legimus. quod cum
 ita sit, & cum appareat delatum esse Catilinæ nomen
 Consulibus Lepido & Volcatio: inter nominis delatio-
 nem, & iudicium, quo absolutus est, annum spatium,
 & eo amplius interfuisse necesse est: si quidem hanc
 epistolam, quæ Catilinam adhuc reum significat, scri-
 ptam constat Consulibus Torquato & Cotta, cum Cæ-
 sar & Figulus peterent. & de tam longo repetunda-
 rum iudicio uidetur Cicero significare in oratione pro
 Celio, cum ait, causam de repetundis Catilinam dixisse
 eo anno, qui est ipsius Præturam consecutus, id est, ut
 ex antiquis annalibus liquet, Consulibus Cotta et Tor-
 quato: cum, eo crimine accusatum Consulibus Lepido
 & Tullo, supra ex Cicerone, Pediano, Salustio do-
 cuerim: ut alijs Consulibus accusatus, alijs absolutus
 fuerit. ac mihi hæc accurate examinanti, mendum esse
 uisum est in historia Salustij, mendum inquam libra-
 rij: nam Salustium in ijs, quæ ipse uiderat, lapsum esse,
 absurdum est credere. scribit hæc in coniuratione:
 22 L. Tullo M. Lepido Consulibus, P. Antronius, et P. Syl-
 22 la, designati Consules, legibus ambitus interrogati, pœ-
 22 nas dederant. post paulo Catilina pecuniarum repetun-
 22 darum reus, prohibitus erat petere Consulatum, quodd

» intra legitimos dies profiteri nequiverit. Quæro, duæ
 dictiones, POST PAULO, quod referatur: nam
 Sylla et Antronio condemnatis, in eorum locum creati
 Consules Cotta & Torquatus: ut Peditanus in Corne-
 liana testatur. nulla igitur comitia consularia, quibus
 Catilina petere posset, post damnationem Syllæ et An-
 tronij. nam de comitijs insequentis anni, quæ Cotta et
 Torquatus habuerunt, significari non potest: primum,
 quia repugnat historiæ: quibus enim comitijs petere Ca-
 tilina prohibitus erat, ea non Torquatus & Cotta, sed
 Lepidus & Volcatius habuerunt, ut locus docet ex ora-
 tione in toga candida recitatus: deinde, quia, POST
 PAULO, non dixisset, si annum spatium intelli-
 geret. forte igitur corrigendum sic: Legibus ambitus
 interrogati, post paulo poenas dederant. Catilina pecu-
 niarum &c. ut POST PAULO valeat, paulo
 post designationem. Consulatum igitur Catilina ideo
 non petijt Consulibus Lepido & Tullo, quia, cum reus
 esset repetundarum, eius ratio habita non est: petijt au-
 tem Consulibus Cotta & Torquato, & repulsam tu-
 lit: petijtq; iterum Consulibus Cæsare et Figulo, iterumq;
 repulsam passus est. quod Florus in epitome Liuiani li-
 bri C II declarat his uerbis: L. Catilina bis repulsam
 » in petitione Consulatus passus, cum Lentulo Pratore, et
 » Cethego, & pluribus coniurauit de cæde Consulium, in-
 » cendijs urbis, opprimenda Republica. Legimus etiã in
 » oratione pro M. Celio: Studuit Celius Catilinæ iterum
 » peteti. Ex quo de duabus petitionibus dilucide patet.
 Hæc scilicet de re. Quod attinet ad uerba, dissentio à
 Beroaldo, & ab ijs, qui Beroaldum secuti legendum

existimant, MERIDIE NON LIQVERE.
quid enim? non hoc Cicero significat, fore Catilinam
certum competitorem, si iudicum sententijs absolueretur?
atqui non ambigitur. at uero NON LIQVERE
num ualet absolvere? potius indicium fuit condemna-
tionis, ut ex oratione pro Cluentio 39: et ex depraua-
tis Asconij uerbis in III. Verrina colligitur.

I.

PALICANO] Arbitror hunc esse M.
Lollium Palicanum, de quo his uerbis accusatione III.
» in Verrem: Oblitos ne igitur hos putatis esse, quemad-
» modum sit iste solitus uirgis plebem Romanam concide-
» re? quā rem etiam Tribunus pl. in concione egit, cum
» eum, quem uirgis iste ceciderat, in prospectum populi
» Romani produxit. Quo loco Pedianus Tribunū pl.
ait esse M. Lollium Palicanum. Et de claris oratoribus:
» Cn. Carbonem, M. Marium, aptissimos cognoui turbu-
» lentis cōcionibus: quo in genere nuper L. Quintius fuit:
» aptior etiam Palicanus auribus imperitorum. Item in
hoc libro, 17: Et Pedianus in Diuin.

I.

QVI nunc petunt,] Ut proximis comitijs Con-
sules designentur. nam ceteri, quos nominauit, non pe-
tebant, sed prensabant ad insequentis anni petitionem.

I.

CAESAR] Is est, quē à Triūuiris proscrip̃tū so-
ror Iulia, Antonij Triūuiri mater, seruauit. Plutarchus.

I.

CERTVS putatur.] Hic CERTVS ac-
cipio alio sensu, atque supra: non enim dicit, CER-

A iij

COMMENTARIUS

T V S competitor putatur; cum iam dixerit, De ijs, qui nunc petunt: sed, putatur fore ut Consul designetur.

I.

T H E R M V S] Q. Minutius Thermus, plebeius; is, opinor, qui postea partem Asiae Propraetore administravit: ut 75.80: & in epist. fam. 29.223:

I.

S I L A N O] D. Iunio Silano, qui cum L. Licinio Muræna Consul fuit, proxime post Ciceronem & Antonium.

I.

C V R I V M obducere:] Contra illos in campum Martium ducere Q. Curium, aleatorem notissimum: in quem est illud Calvi apud Asconium: Et talis Curius pereruditus. & O B D V C E R E proprie: quia candidatos amici & clientes in campum honoris causa deducebant. unde illud 22. Cum candidum deducerem, quærit ex me, num consueessem Siculis locum gladiatoribus dare. aut, C V R I V M O B D V C E R E, Curij vitia obtegere, cum horum tam infamis vita sit. sic obducta cicatrix.

I:

I N nostrum annum] In eum, qui proxime sequitur. N O S T R V M autem, quod is erat annus, quo per leges ei petere Consulatum liceret. ut in epistola ad Cassium: Hæc tolerabilia: illud non ferendum, quod est, qui uestro anno Consulem filium suum futurum putet. & in Rullum: est illud amplissimum Quiritès, quod hoc honore ex novis hominibus primum me, multis post habitis, affecistis; quod prima petitione; quod

anno meo. Et ad petendū Consulatū legitimus erat annus ætatis XLIII. ut latius in lib. de magistratibus.

I:

FIRMIOR] Thermo. cum enim Flaminiam uiam munierit, cuius curator est, firmissimus erit candidatus: itaque uidetur è re mea esse, nunc eum designari cum Cæsare; ne in nostrum annum reiectus, absoluta Flaminia petat.

I:

SANE facile eum &c.] Quis est tam Lynceus, qui sententiam tantis in tenebris uideat? uerba uero restituere quis sine uetustis exemplaribus possit? at illa, quæ quidem ego uiderim, cum uulgatis libris consentiunt. unum, quod in bibliotheca diui Marci, à Bessarione Cardinali cum alijs innumerabilibus dono datum, asseruatur, discrepat in uno, sed scriptura nihilo minus deprauata: habet enim, NVMITITERI, ubi est in impressis, NVNC CAETERI.

I:

ADHVC informata] Non dum perfecta, sed rudis adhuc, & impolita. quasi dicat, non certa & explorata, sed ut coniectura prouideri potest. Habes, inquit, quod ego de petitoribus cogito. & intelligit simul, & qui prensant, & qui petunt. Informare uerbum à formis deductum: & est, cum quid non perfecte formatum, sed in aliquam formæ similitudinem redactum. sic, Informata proscriptio, quæ tantum esset animo designata, 173.

I:

MVLTVM posse Gallia;] Gallia Togata

COMMENTARIVS

suffragiorum ius habebat¹. inde frequentes, appropin-
quante comitiorum die, Romam conueniebant. ad
» Quintum fratrem libro II. Magna manus, inquit, ex
» Piceno et Gallia expectatur, ut etiam Catonis rogatio-
» nibus de Milone & Lentulo resistamus. & oratione
» II. in Antonium: Ex omnium omnibus flagitijs nul-
» lum turpius uidi, nullum audiui, quàm, quòd, qui magi-
» ster equitum fuisse tibi uiderere, in proximum annum
» Consulatum peteres, uel potius rogares, is per municipia
» coloniasq; Gallia, à qua, cum Consulatus noster peteba-
» tur, non rogabatur, petere Consulatum solebamus, cum
» caligis, & lacerna cucurristi. Hircius autem quo libro
» persequitur quæ de Gallico bello Cæsar prætermiserat,
» in eo libro sic: T. Labienum Gallia Togata præfecit,
» quo maiore commendatione conciliaretur ad Consula-
» tus petitionem.

I:

CVM Romæ à iudicijs forum refrixerit,]
Circiter Idus Sextileis iudicia dimittebatur, subsequen-
tibus ludorum diebus, quorum primi Votiui XV II.
Cal. Sept. committebantur: nec ferè ad usque Ianua-
rium mensẽ retractata iudicia calebant. ideo infert,
Vt Ianuario reuertamur: cū obire tempus iudiciorum
uellet, in quibus propter eloquentiam uigebat.

I:

LEGATI] Cur Legati? quia senatori ab
Urbe diutius abesse non licebat, nisi iure libera legatio-
nis impetrato.

I:

AD Pisonem,] Non, Legati ad Pisonem; sed,

excurreremus ad Pisonem, Legati. is autem Togatam
Galliā administrabat. & adducor, ut hunc esse putem
C. Calphurnium Pisonem, qui Consul fuerat cum M.
Acilio Glabrione, altero ante, quā hęc scripta sunt,
anno: quem infra pacificatorem Allobrogum appellat.

I:

CAETERA] Respexit ad proximū mem-
brum: Illam manum tu mihi cura ut præstes Pom-
peij nostri amici. ut sit ordo: tu mihi eos præsta, quī
cum Pōpeio absunt: ego cætera spero fore, ut uolumus.

I:

HIS duntaxat urbanis competitoribus:] Mo-
do ne, qui Reipublicæ causa absunt, eorum aliquis
ad petitionem ueniat. nam quos mihi ex ijs, qui nunc
in Vrbe sunt, uideo competitors fore, neminem perti-
mesco.

I:

ILLAM manum] Nobiles uiros cū Pompeio
in Asiam ad bellum Mithridaticum profectos.

I:

CVRA ut præstes,] Effice, ut meam peti-
tionem adiuuent, missis Romam epistolis ad propina-
quos, & familiares.

I:

QUONIAM propius abes,] Cum tu in
Græcia sis, minus abes à Pompeio, quā ego, quī sum
Romæ: itaque per literas & cum ipso potes, & cum
ijs, qui unā sunt, de honore meo commodius agere.

I:

AD mea comitia] Satis erit, si me illa manus

COMMENTARIVS

literis adiunget: non peto, ut mea causa Romam ad comitia ueniat.

I:

CAECILIVS auunculus tuus,] De hoc Nepos in Attici uita, & Valerius Max. libro VII. Cap. IX.

I:

DOLO malo] Quod inter Varium et Caeninium diceret conuenisse, ut ad fraudandos Varij creditores earum rerum uenditio fieret, quas mancupio uenditas, ab eo, qui emisset, repetere non licebat, nisi si dolo malo emptas esse constaret. quod Caecilius factum affirmabat.

I:

LVCVLLVS,] Alij de Lucio Lucullo accipiunt, ego de Marco fratre: nam Lucius ab expeditione Mithridatica nondum redierat: redijt enim M. Catone Tribuno plebis, ut scribit Plutarchus: Cato autem, Tribunatum gessit Consulibus Muraena & Silano, ut idem Plutarchus, & in oratione pro Muraena, id est, biennio post, atque eo amplius, quam haec scripta sunt.

I:

P. SCIPIO,] Hic est Scipio socer postea Pompeij, quem ex adoptione Metelli Pij Quintum Metellum Pium Scipionem esse appellatum scribit Dion libro XL.

I:

MAGISTRVM] Auctionis. cum in auctione bona uenirent, ut inter haeredes, aut creditores diuiderentur; de sententia cohæredum, aut creditorum

eligebatur qui præisset auëtionî. is magister dicebatur. ut libro V I. 87 : de hæreditatum possessionibus, de bonis possidendis, magistris faciundis. Et Quintilianus libro V I. dictum recitat Ciceronis in Pletorij matrem: ludum habuisse, dum uixit; magistros, postquam mortua sit. ita infamem significauit & ab impudicitia, dum uiueret; & mortuam, ab ære alieno. Item pro Quintio: cui magistri fiunt, domini constituuntur, qui, qua lege, qua conditione pereat, pronuncient.

I:

SI bona uenirent,] Si bona Varij, Caninio adempta, in auëtionem uenirent, ut ex ea pecunia satisfieri creditoribus posset.

I:

OBSERVAT] Affectionis officio conlit: ut illud Philippica I I. Postea custoditus sum à te, tu à me obseruatus in petitione Quæsturæ. Et in epistola ad Gallū: Ego te in Consulatu obseruaram. obseruare enim dicuntur, qui aliquem officij honoris'ue causa deducunt, & reducunt.

I:

DOMITIVM] Aenobarbum, Porciæ uirum, quæ Catonis soror erat. fuit aliquot post annis Consul cum Appio Claudio Pulchro, mox in causa Milonis Quæsitore: postremo successor Cæsari datus, ut esset Proconsul in Gallia; orto inter Cæsarem & Pompeiū civili bello, Pompeium secutus; Corfinij captus, & inco-lumis dimissus; cum se rursus ad Pompeium contulisset, in acie Pharsalica à M. Antonio est interfectus.

2.

ETIAMSI id sit,] Etiam si propter ambitionem peccauerim.

2.

ΕΓΓΕΙ' οὐχ ἱερήιον, οὐδ' ἐβοείην] Homerus ἱλιάδος χ pronunciat hos uersus de Achille, qui Heclorem contento cursu sequebatur:

Ἐπεὶ οὐχ ἱερήιον, οὐδ' ἐβοείην

Α'ρνύθην, ἅτε ποσσὶν ἀέθλια γίνετο ἀνδρῶν,

Α'λλὰ πέρι' ψυχῆς Δέον ἔκτορος ἱπποδάμοιο.

Et latine Virgilius:

=Neque enim leuia, aut ludicra petuntur

Premia, sed Turni de uita, Et sanguine certant.

sensus est. Quod amiculo tuo nō satisfecerim, et causam fateor ambitionem fuisse, Et mihi tamen arbitror esse ignoscendum; quod, ut uides, hac me ambitio quasi cursus quidam non ad ludicrum, aut inane premium, sed ad Consulatum ferat.

2.

NON modo retinendas,] Quod in Satyro feci.

2.

HERMATHENA tua] Mercurij & Minervæ statua mihi à te missa.

2.

Ἡλίου ἀνάθημα] Hermathenam tuam in meo gymnasio ita belle constitui, ut totum gymnasium soli dicatum uideatur. quasi gymnasium illa statua maiorem in modum illustraretur.

2.

MVLTVM te amamus.] De Hermathe-
na . ut in proxima inferiore epistola : Te multum
amamus , quodd ea abs te diligenter , paruoq; curata
sunt . & 101.

2.

L. IVLIO Cæsare, C. Marcio Figulo Coss.]
Docui, non uno die scriptam epistolam: & cur dubite-
tur, causa non est. scripserat illud ante comitia consula-
ria, De ijs, qui nunc petunt, Cæsar certus putatur: & il-
lud, Nostris rationibus conducere uidetur Thermum fie-
ri cum Cæsare . comitijs uero habitis, cum Cæsaris
& Figuli designationem significare uellet, argute, ad
usitatam scribentium formulam, eorum nominibus
epistolam clausit. Designatis, cur non addiderit,
quidam sine causa mirantur: quasi uero ita peregrin-
naretur Atticus in rebus Romanis, ut hoc anno ge-
rere Consulatum nesciret Cottam & Torquatum, Cæ-
sarem autem et Figulum in proximum esse designatos.
sed & libro I. ad Quintum fratrem ita locutus est, ut
diceret, Crassum Consulem domum reduxi; cum ta-
men de designato loqueretur. Hic subiiciendum ui-
detur, quod forsitan ab re non est, de ordine epistola-
rum huius libri: quæ, ut infra notauimus, rectius opi-
nor disponentur, quàm quo modo ab imperitis librarijs
descriptæ nunc leguntur.

QVANTVM DOLOREM,

epistola I.

Hoc puto cum alijs argumētis, tum hoc præcipue, quodd

COMMENTARIVS

ante nullas ad Atticum misisse literas, indicat ipse non obscure, cum ait : Nunquam à Pomponia nostra certior sum factus, esse, cui literas dare possem . porro autem neque mihi accidit, ut haberem, qui in Epeirū proficisceretur : neque dum te Athenis esse audiebamus.

NON COMMITTAM,

epistola II.

Cum superiorem proximam ostenderim primam esse; secundus huic locus debeat, necesse est: iterat enim et de literarum missione, & de Quinti fratris animo erga Pomponiam. Existimo etiam (et hæc, quæ scribimus, scribimus opinantes, gratias habituri, si quis meliora derit) hanc epistolam diuidi in duas oportere, ut prior in eo terminetur, Quid agas omnibus de rebus, et quid acturus sis, fac nos quam diligentissime certiores: quæ est aptissima epistolæ clausula: deinde altera incipiat, Apud matrem recte est: quale est etiam sequentis epistolæ initium. Priorem autem scripsit, nullis Attici literis respondens, ut res declarat; alteram, cum responderet, acceptis ab Attico literis paulo post, quam ipse scripserat. Puto etiam unam non esse epistolam hac de causa, quod de signis non scripsisset duobus capitibus, sed coniuncte. nisi si hoc dicas, per aliquot dies in manibus habitam, & extremam partem spatio interiecto esse additam.

APVD TE,

epistola III.

Tertia est, quia scribit, se Cincio pecuniam curasse: quam curaturum, scripsit in proxima superiore.

NIMIVM

NIMIVM RARO,

epistola IIII.

Hæc superiorẽ proxima sequitur: in illa enim dubitat, utrum Lentuli naui Atticus uti possit: in hac ex Lentuli sermone affirmat.

CVM ESSEM,

epistola V.

Cũ enim in ea, quam tertia sede constituimus, ita scripsisset, Tulliola tuũ munusculum flagitat, me ut sponso-rem appellat: in hac, ut Atticum de munusculo magis urgeret, Tulliola, inquit iocans, tibi diem dat, sponso-rem non appellat. Et quoniam in hac epistola, signa Megarica non dum in nauim imposita, significatur; in illa uero, cuius initium est, CREBRAS, iam in Formianum aduecta perspicuum est: hanc nimirum apparet ante illam esse collocandam. quod cum ita sit; illud, quod in hac ita scriptum est, DE COMITIIS MEIS, accipio de Prætorijs: nam de Consularibus non potest: cum illa, quam post hanc esse scriptam ostendimus, à Cicerone Prætoris scripta sit, ut C. Marii condemnatio declarat: quem condemnatum à Cicerone Prætoris, testes locupletes affirmant Valerius et Plutarchus.

ET MEA SPONTE,

epistola VI.

In hac quia scribit idem, quod in proxima superiore, ut sibi Attici libri conseruentur; de comitijs prætorijs, non

COMMENTARIVS

de Consularibus, puto significari. & in hac quidem statos comitorum dies iam præterisse manifestum est: in illa, nondū aduenisse. ergo & hæc post illam constituatur, & de comitijs prætorijs accipiamus.

CREBRAS, epistola VII.

Cum de comitijs prætorijs in duabus superioribus agatur, ordo postulat, ut hæc sequatur proxima, quam Prætor scripsit, cum C. Licinium Macrum condemnasset. Plutarchus, Valerius Max.

PETITIONIS, epistola VIII.

Hæc uero cum anno, qui est Præturam consecutus, scripta sit, (scripta est enim Consulibus Cotta & Torquato, cum Cicero prensaret) recte hunc locum sibi uendicabit, proxime post eam, quæ in Prætura scripta est.

ABSTE, epistola IX.

Hæc quoque prensationis anno, sed in extremo, Consulibus iam ante designatis Cæsare & Figulo, scripta est, haud multo ante mensem Ianuarium, cum dicat, Tuo aduentu nobis opus est maturo; deinde inferat, Ianuario ineunte cura ut Romæ sis. accersit autem Atticum ad comitia sua, consularia uidelicet, non prætoria, quia Catilinam appellat competitorem suum: qui competitor esse non potuit in petitione Præturæ: quo enim anno Præturam Cicero gessit, Africam Catilina pro Prætor

adminiſtrabat, ut eſt in oratione pro Celio : ergo Præ-
turam geſſit ante Ciceronem . & cum in hac epiſtola
Atticum accerſat ad comitia ſua conſularia , manife-
ſtum eſt, pagina V : de comitijs conſularibus accipi nō
poſſe, ubi Atticum tantū abeſt ut accerſat, ut etiam pro
hibeat.

TEVCRIS ILLA,

epiſtola X.

Inter hanc, & proximam ſuperiorem integrum trien-
nium intereſt : tantum enim diſtat Conſulatus Meſſal-
le & Piſonis, cuius hæc initio ſcripta eſt, à Conſulatu
Cotte & Torquati, quo in extremo ſcriptam oſtendi-
mus proximā ſuperiorem . neque tamen hoc toto trien-
nio Atticum abſuiſſe credatur: fuit enim Romæ Cice-
rone Conſule, ut oſtendit pagina 15 : & pagina 22 :
ſed cum Romam maxime Ciceronis cauſa rediſſet, po-
ſtea rurfus in Græciam ad ſua negotia reuerſus eſt.
nunc, quibus quæque Conſulibus ſcripta, oſtendamus.

- I. QUANTVM DOLOREM, Con-
ſulibus L. Cæcilio Metello Cretico, Q. Mar-
cio Vatia.
- II. NON COMMITTAM, iſdem
Conſulibus.
- III. APVD TE, Conſulibus C. Calpurnio
Piſone, M. Attilio Glabrione.
- IIII. NIMIVM RARO, iſdem Cōſulibus.
- V. CVM ESSEM, iſdem Conſulibus.
- VI. ET MEA SPONTE, iſdem Con-
ſulibus.

COMMENTARIUS

- VII. CREBRAS, Consulibus M. Aemilio L. pido, L. Volcatio Tullo.
 VIII. PETITIONIS, Consulibus L. Aurelio Cotta, L. Manlio Torquato.
 IX. ABSTE, iisdem Consulibus.
 Consulibus L. Iulio Cesare, C. Marcio Figulo, nullæ literæ: M. Tullio Cicerone, C. Antonio, nullæ: D. Iunio Silano, L. Licinio Murena, nullæ.
 X. TEVCRIS, Consulibus M. Pupio Pisone Calpurniano, M. Valerio Messalla.

EX EPISTOLA II. pagina 2.

DE meis ad te rationibus] De petitione Cōsulatus.
 2.

COMPETITOREM nostrum] Non quia peteret, sed quia petiturus uideretur. nam comitiorum dies longe aberat, ut pote quæ anno proximo nō ante Quintilem mensem futura essent.
 2.

DEFENDERE] sunt, qui putent reum hic significari Catilinam de pecunijs repetundis ex Africa. mihi, rationem temporis, & epistolarum argumenta perpendenti, secus uidetur. nam si Consulatum Catilina petijt Consulibus Cotta & Torquato, ut supra satis superq; demonstratum est: apparet, iam fuisse absolutum crimine repetundarum: nisi enim absolutus fuisset, certe Consulatum non petijset. non potest igitur reus esse de pecunijs repetundis post Consules designatos Casarem & Figulum, quoniam quidem cum

iis petierat. nec dubiū est, quin post designationem Cæsaris & Figuli scripta sit hæc epistola. nam si ante designationem scripta esset, non suum competitorē Cicero Catilinam diceret, sed competitorē Cæsaris, & Figuli, cum quibus eum petiisse sæpe iam diximus. ergo in hac epistola reus Catilina non de repetundis, sed alio crimine, quo crimine absolutum, apparet ex eo, quia Consulatū petiit, & à C. Antonio pauculis centurijs, ut Pedianus ait, superatus est. defensum tamen à Cicerone non puto, quia in oratione, quam habuit in toga candida contra competitors, Catilinam, & Antoniū, aduersus se turpissime coeuntes, nullum ei patrociniū exprobrat, cum exprobrat Antonio suffragationem in petitione Praturæ, & Q. Mutio Tribuno pl. patrociniū suum in causa furti. exprobrasset autem eo magis, quod absolutus fuerat Catilina.

2.

S V M M A accusatoris uoluntate.] Ex indicum numero & accusator & reus reiiciebant, quos putarent sibi uel inimicos, uel, ut Asconij uerbis utar, ex aliqua re incommodos fore. Habemus, inquit, iudices quos uolumus, accusatore non reiiciente.

2:

S I N aliter acciderit,] Si nobis minus erit coniunctus in ratione petitionis.

2:

T V O S familiares, nobiles homines] Maxime Q. Hortensium significat, iam inde à Verris accusatione sibi infensum: quem infra quoque Attici familiarem appellat, epistola ultima libri I I. & Nepos in

B iij

COMMENTARIVS

uita. NOBILES autem HOMINES, quia
 patritius erat Hortensius: de quo & in oratione pro
 Quintio: Dicit Hortensius, excellens ingenio, nobilitate,
 existimatione. & Pedianus hac in argumēto Diuina
 tionis: Defendebatur Verres ab Hortētio, facile & prin-
 cipe in senatu propter nobilitatem, & in foro ob elo-
 quentiam Rege causarum.

2:

DESIDERIO tui] Qui tam diu abesses.

2:

QVOD uerita sit,] Deridet suspiciosa anicu-
 la inanem superstitionem.

2:

LATINAE] Mulieres: & festiue: quod
 mulier de mulieribus laboraret. nam, si ad historiam
 respicimus, ex populis Latinis non tam mulieres, quam
 uiri in montem Albanum hostias adducebant: et qua-
 triduoano sacrificio facto, accepta carne in suā quisque
 ciuitatem digressi reuertebant. ea dicta uisceratio, quo-
 niam ex hostijs carnes in partes caesae distribuerentur:
 & uisceratio mox à Caesare populo data, apud Sue-
 tonium. Ferias autem Latinas maximo Romanorum
 Latinorumq; magistratuum conuentu Consules procu-
 rabant, cum interea cum populo agere non liceret: ut
 ob eam causam Latinae aliquando à Consulibus instau-
 rantur, cum Tribunis pl. obsistere uellent, populares
 leges ferre cupientibus. itaque ad Quintum fratrem li-
 bro II. Consul, inquit, Lentulus dies comitiales exemit
 omneis: nam etiā Latinae instaurantur: nec tamen dee-
 rant supplicationes. sic legibus perniciosissimis obsistitur,

» maxime Catonis. Liuius, Strabo, Plutarchus, Dionysius.

2:

E I V S rei consolationem] Ridiculum est consolationem compositam ob mortem uetulae plus quam septuagenariae. etiam suspecta est mihi locutio, Eius rei consolationem. uidendum igitur, num, consolationem, legi possit: nam & id obscure tetigerat, cum dixit, Veritas est: neque enim uerita erat, ne celebrarentur Latina, sed, bellum inter Latinos & Urbem ne suscitaretur.

2:

L. S A V F E I V M] Equitem Romanum, philosophum Epicureum, Attici familiarem. 58. 98. & Nepos in uita.

2:

E X quodam rumore, an ex literis tuis ad alios missis?] Genus loquendi, quod in re parum certa uereres usurpabant: ut libro X I. de Quinto filio nihil audiri: sed quare ex Diochare Caesaris liberto. is dicitur uidisse an euntem, an iam in Asia? Et in Bruto: Summa senectute M. Cato legem suadens in Galbam multa dixit: quam orationem in Origines suas retulit, paucis ante quam mortuus est an diebus, an mensibus? Nec dissimile illud pagina 9. Proximus Pompeio sedebam: intellexi hominem moueri: utrum, Crassum inire eam gratiam, quam ipse praetermisisset, an esse tantas res nostras, quae tam libenti senatu laudarentur?

2:

D E nostro amico placando,] Lucelum intelligit. Infra, Accedebat hortator Salustius, ut agerem quam diligentissime cum Luceio de uestra uetere gra-

B iij

tia reconcilianda.

2:

DE te] Salustius me accusare solebat, quod Lu-
ceium tibi non placarem.

2:

NEC tibi] Qui etiā ipsius Salustij causa laboravi.

2:

C. PISONI L. F. Frugi] Is cū obijisset exu-
lante Cicerone, haud multo post nupsit Tulliola Furio
Crassipedi, ut in epistola IIII. libri. II. ad Quintū
fratrem, & in epistola ad Lentulum: tertio, P. Cor-
nelio Dolabellæ, cum Cicero Ciliciam Proconsul admi-
nistraret, ut in epist. fam. 122: & deprehenditur er-
ror Plutarchi, & Pediani, qui Tulliolam bis dunta-
xat nupsisse falso credunt.

EX EPISTOLA III. pagina 3.

QVINTI fratris comitia:] Quibus Aedi-
litem Quintus petebat: nam Praturam gessit triennio
post, Silano, Muræna Cōsulibus: proximisq; Consulibus
Pisone et Messalla, ex Pratura est in Asiam profectus:
ut pag. 10. petijt igitur Aedilitatem Lepido & Tul-
lo Consularum gerentibus, gessit Cotta & Torquato:
quoniam inter Aedilitatem & Praturam biennium in-
tersit necesse est, uacuum ordinarijs honoribus.

3.

ACVILIANAM controuersiam] Vi-
de in epistola sequenti, & in ea, quæ ab hac est tertia.

3.

PEDUCEVS,] Sex. Peduceus Attici ami

cissimus. Nepos in Attici uita.

3.

DE C. Macro tranſegimus.] Non alienum eſt
 ſubiicere, quæ Valerius & Plutarchus tradunt: Vale-
 rius his uerbis: C. Licinius Macer, uir prætorius, Calu-
 pater, repetundarum reus, dum ſententiæ dicerentur, in
 Menianum conſcendit: deinde M. Ciceronem, qui id in-
 dicium cogebat, prætextâ ponentem cum uidiffet, miſiſſe
 ad eum qui diceret, ſe non damnatum, ſed reum per-
 iſſe, nec ſua bona hæſtæ poſſe ſubiici: ac protinus ſuda-
 rio, quod forte in manu habebat, ore & faucibus co-
 arctatis, incluſo ſpiritu, pœnam morte præcurrit. quæ
 cognita re, Cicero de eo nihil pronunciauit. igitur illu-
 ſtris ingenij orator, ab inopia rei familiaris, et à crimi-
 ne domeſtica damnationis inuſitato paterni fati genere
 uindicatus eſt. Plutarchus ſic: τραπεζίαν μετιόντων ἄμα
 τὸν αὐτῷ πολλῶν καὶ μεγάλων, πρῶτος ἅπαντων ἀνηγορεύ-
 θη, καὶ τὰς κρίσεις ἐδοξε καθαρώς καὶ καλῶς βραβεύσαι.
 λέγεται δὲ καὶ λικίνιος μάκερ, ἀνὴρ καὶ καθ' αὐτὸν ἰσχύων
 ἐν τῇ πόλει μέγα, καὶ κράσσῳ χρώμενος βοηθῶ, κρινόμενος
 κλοπῆς, ὑπ' αὐτοῦ τῇ δυνάμει καὶ σπουδῇ πεποιθὼς, ἔτι
 τὴν ψῆφον τῶν κριτῶν διαφερόντων, ἀπαλλαγείς οἴκαδ' εἰ-
 κείραςτά τε τὴν κεφαλὴν κατὰ τάχος καὶ καθαρόν ἱμάτιον
 ὡς νενικηκὼς λαβὼν, αὐτὸς εἰς ἀγορὰν προίεναι, τοῦ δὲ κράσ-
 σου περὶ τὴν αὐλείον ἀπαντήσαντος αὐτῷ, καὶ φράσαν-
 τος ὅτι πάσσαις ἐάλωκε ταῖς ψῆφοις, ἀνατρεῖφας καὶ κατὰ
 κλιθεὶς ἀποθανεῖν. ſed Pedianus, ubi exponit orationē
 pro Cornelio, in eadem pagina loquitur pugnantia: di-
 cit enim, primo Prætozem fuiſſe Ciceronem M. Lepido
 L. Volcatio Conſulibus; deinde, paucis interiectis uerſis

bus, L. Cotta L. Torquato: errore ita manifesto, ut, Pe-
dianum tam foede lapsum, mihi persuadere nō possim,
peccatum potius à librario suspicer. utrum igitur pro-
bamus? ego non dubito, quin Præturam gesserit Con-
sulibus Lepido & Volcatio. cum enim Aedilis fuisset
Hortensio et Metello Cōsulibus, ut ex libro de claris ora-
toribus, et ex accusationibus in Verrem notissimum est;
Aedilitas autem à Prætura biennio distet, ut apparet
ex epistola ad Furnium, fam. libro X. Præturam ges-
serit necesse est Lepido Volcatio Consulibus: si quidem
honores omnes adeptus est anno suo, ut gloriatur in
II. de officijs. non esset autem Præturam adeptus an-
no suo, si eam gessisset Cotta & Torquato Consuli-
bus: nam ita inter Aedilitatem & Præturam trien-
nium interesset: cum biennium modo intersit, ut pro
locis intelligitur.

3.

CVI cum æqui fuisset,] Quem cum iure
damnassem. Prætor hanc epistolam scripsit, Lepido
et Tullo Consulibus.

3.

ACADEMIAE proprium meæ,] Hæc
Ciceronis uilla fuit, celebrata porticu et nemore, quam
nominavit Academiam ab exemplo Athenarum. Plin-
nius libro XXXI.

3.

COMMUNE omnium,] Gymnasiorum.
quia literis & ingenijs præesse creditur Mercurius.

3.

MINERVA singulare eius gymnasij.]

Cur Minervæ statua proprium & singulare ornamen-
tum Academiae Ciceronis? quia & Academia gym-
nasium erat Athenis, unde suam villam Cicero nuncu-
pavit; & Athenæ à Minerva conditæ, ac nominatæ:
si quidem Græci αθήνην Minervam vocant.

^{3.}
EVM locum] Academiam nostram.

^{3.}
CAIETAM,] villam in agro Caietano.

^{3.}
SI quando abundare cœpero,] Si quando erit,
ut mihi pecunia superet.

^{3.}
ORNABO.] Signis.

^{3.}
CONSERVA,] Quia se venditurū At-
ticus significauerat. Sic infra, Bibliothecam tuam caue
cuiquam despondeas, quamvis acrem amatorem inue-
neris: nam ego omnes meas vindemiolas ed reseruo,
ut illud subsidium senectuti parem. Et pag. 6: Libros
tuos caue cuiquam tradas: nobis eos conserva.

^{3.}
NOLI desperare] Velim speres, me tamen
posse tantā pecuniā cogere, ut emere tuos libros possim.

^{3.}
LVCII fratris nostri] Patruelis: de quo in
secundo de oratore, & quinto de finibus, utrobique in
proœmio: & apud Pedianum: et in Verrem 205.

^{3.}
AFFINEM] Quia frater fuit sororis tuæ

COMMENTARIUS

uiro, Quinto fratri meo.

3:

SORORE tua] Q. Ciceronis uxore.

3:

MISI] Erat enim Quintus in agro Arpis
nati. 4.

3:

SI cuius animus] Luceium intelligit: de quo
pag. 6.

3:

QVID dicas?] De mea uidelicet diligentia:
qui ne id quidem neglexi, quod fortasse negligendum
fuit: quantum enim hoc oneris est, quod mihi post mul-
ta mandata superimponis, ut, si cuius animus in te sit
offensior, ego recolligam?

3:

NEQVE id] Ne id quidem. ut in epistola ad
Petum: Quod altera epistola purgas te non dissuasor-
rem mihi emptionis Neapolitanæ fuisse, sed auctorem
commorationis urbanæ: neque ego aliter accepi.

4.

NIHIL esse iam quod laboraret,] Tadius
cum ab hærede nescio quid emisset; idq; postea comper-
tum esset non ad eum, qui uendidisset, sed ad puellam,
quæ esset in tutela, pertinere; postulantibus puellæ tu-
toribus restituere male emptum cogebatur.

4.

VSUCAPTA] Vsucapta res dicitur, quæ
a nobis occupatam nemo repetijt intra tempus lege de-
finitum. ergo is, qui Tadio quiddam ex hereditate uen-

diderat, recte se aiebat uendidisse : eam enim hereditatem usu cepisse : quod autem usu captum esset, legibus ad se pertinere.

4.

DE tutela legitima,] In lege uidetur ita scriptum fuisse: si quis quid usu ceperit, id usucapionis iure ad illum pertineto ; ut ex bonis tamen pupillorum, qui sint in tutela legitima, nihil usu capi possit . Hanc exceptionem dicit Atticum ignorare : quam si teneret, hereditatem, quæ esset in tutela legitima, iniquo usucapionis iure usurpatam recte uendi potuisse non putaret . Tutelæ autem legitimæ dicuntur, quæ, cum quis intestato mortuus est, eius liberis lege dantur . dari autem agnatos, & consanguineos, item patronos, idest eos qui ad legitimam hereditatem admitti possunt, scribit Ulpianus in consuetudine fuisse : et patronos ob eam causam, ut qui sperarent successionem, i'dem ea bona studiosius tuerentur . Pro Flacco, 162.

4.

IN qua dicitur esse puella,] Audio, inquit, qui tutores puellæ sunt, eos non à patre, sed à lege datos . itaque, cum tutela legitima sit, ex eius puellæ bonis usu capere nihil potuit is, qui Tadio uendidit.

4.

G A V D E O tibi placere.] Gaudeo te delectari possessione, quam in Epeiro emeris . & sanè omnis Attico pecuniæ redditus in Eperoticis & urbanis possessionibus constabat : ut in eius uita Nepos tradit.

4.

Q V A E tibi mandavi,] Loquitur de signis.

COMMENTARIUS

4.

T V iam dimensam,] Tu eam constitueras emere : et quasi iam emisisses, ita eius exædificationem animo designabas.

4.

HS C C C L D D D X X X.] Sestertij numi sunt. supputa: scutatorū summa erit duum milliū octingentorum & octo supra quinquaginta, ad nostratis pecunie rationem. Et ut de numeris aliquanto latius disseramus, de quibus video Priscianum incerte locutum: antiquas notas, quibus præter ceteras usi sunt ueteres Latini, & earum significationem è regione subiiciam. et, quod ad numerū figurarum attinet, tredecim erunt, totidem, quot Priscianus agnoscit: in ipsis autem figuris quiddam est cur ab eo dissentiam.

Antiquæ notæ :

significatio.

I	I	unus
V	5	quinque
X	10	decem
L	50	quinquaginta
C	100	centum
D	500	quingenta
CID	1000	mille
ICD	5000	quinque millia
CCID	10000	decem millia
ICDD	50000	quinquaginta mil.
CCCID	100000	centum millia
ICDDD	500000	quingenta millia
CCCCID	1000000	decies centena mil.

hæ notæ, si figuram consideres, eadem omnes sunt, nisi
 quod in quinque primis deprehenditur dissimilitudo.
 nam cum scribimus C I D, siue I D D, & inde quæ
 subsequuntur; non plus duabus utimur notis, I & C,
 hoc tamen obseruantes, ut C post I non tanquam auer-
 sa, sed quasi respiciens constituatur. sic unamquamque
 summam, quam uolueris immensam, explicari primis
 quinque notis animaduertes. Hæc est prima conside-
 ratio: sequitur altera, quod à prima nota ad usque
 eas, quas in extremo posui, alternis modo in quincuplū
 summa crescit, modo in duplum: quod, ipsas notas qui
 persequi singulas uoluerit, intelliget. Priscianus autem
 hanc rationem tractat imperite. primum, mille sic ait
 notari, X, & decem millia sic CXD: in quo repugnat
 uetustatis obseruatio. triplex enim genus est, quod anti-
 quitatem maxime testatur, lapides, libri, nūmi. & cum
 ego in singulis non ita negligenter sim uersatus, nun-
 quam tamen, X, pro mille comperi, nunquam CXD
 pro decem millibus. sed idem labat in sua sentētia: in-
 fert enim paulo post, Decem millia, quod uerisimilius
 est, notantur per M, circumscriptam ex utroque latere:
 et M putat mille significare, quia nominis prima sit li-
 tera. quorum alterum concedo, ut M mille ualeat: alte-
 rum, quia cum ratione pugnat, concedere non possum,
 ut M ideo mille significet, quod in uerbo mille princeps
 occurrat litera. mihi enim dubium non est, quin M in-
 de sit deriuata, quod ueteres pro quingentis hac uteban-
 tur figura I D, unde (contra Prisciani sententiam, qui
 de origine D nescio quid ridicule comminiscitur) facta
 est D, negligentia simul & ignorantia describentium,

dum antiquas notas elementa putant . ergo pro quin-
gentis, ut dixi, scribebant I D, pro mille C I D: unde
fluxit M, errorem creante similitudine, quod M quan-
doque ita scribitur M, ut minimum discrepare ui-
deatur à C I D. in antiquis autem libris & alias figu-
ras pro mille usurpatas licet animaduvertere, ut M M
quas peperit minus accurata librariorum festinatio, id
agentium, ut C I D uno calami ductu perficerent. etiam
∞ & ∞ pro mille reperias: quæ derivata sunt ab
M, corruptæ scilicet à corrupta. Quæritur etiam, cur
L quandoque pro I posita reperiatur, ut in hac figura
C C C L D D, & in similibus. huius quoque mutatio-
nis culpam sustinet librariorum inscitia: qui cum anti-
quam notam, I, longiusculam uiderent, exempli gra-
tia sic C C C I D D, decepti similitudine consonantē L
putarunt, et pro C C C I D D scripserunt C C C L D D.
Hæc de numerorum notis. reliqua erant nō nulla: quæ
quia non sunt maximi momenti, & quia satietati le-
gentium placet occurrere, prætermitto.

4.

P A T E R nobis decessit] Vt ipsi ratiocina-
mur, hanc epistolā scripsit multo ante petitionem Con-
sulatus: idq; satis uidemur probasse, cum de ordine hæ-
rum epistolarū diceremus. quod si ita est, non recte scri-
psit Pedianus Ciceronem in petitione Consulatus pa-
trem amisisse. sed idem de duobus etiā Ciceronis gene-
ris errauit, Furiū Crassipedem non agnoscens. Quod
autem nō nulli, P A T R O N O B I S D E C E S
S I T, putāt legendum: infirma cōiectura est: nam de
Patrone uiuo multis post annis mētio: ut 74. 78: 100:

LOCI

^{4:}
 LOCI sint eius,] Academia. 3. 5. 6:

^{4:}
 APVD matrem] Attici: quā extulit anno-
 rum nonaginta, cū esset ipse septem, et sexaginta. et Cæ-
 ciliæ gentis eam fuisse, conicitur: cum et Cæcilius fra-
 ter eius fuerit, is, qui Atticum testamento adoptavit; et
 mulieres nomine familiarum appellarentur. qua de re
 plenius in libro, quem de Romanis familijs ordimur.

^{4:}
 L. Cincio] Qui Romæ curabat Attici negotia.

^{4:}
 HS \overline{XXCD}] Sestertiorum nummorum vi-
 ginti millia quadringenta, hoc est, scutati decem ferè
 supra quingentos. cū enim hæc linea — superimpo-
 nitur notæ, ad eius notæ significationem addit millia.
 C uero cum præponitur his figuris D & M, detrahic
 centum. & omnino de insequenti nota præcedens mi-
 nor nota tantum demit, quantū ipsa significat: ut I V,
 ualet quatuor: V L, quadragintaquinque: X C, no-
 naginta: & huiusmodi.

^{4:}
 CVRATURVM] Pro signis Megaricis
 mihi à te emptis. in epistola sequenti. EA: signa.

^{4:}
 IN tua humanitate] Spero, inquit, fore, ut tu
 mihi, quæ tua humanitas est, bibliothecam conficias, in
 qua me otiosus oblectare possim.

^{4:}
 A' SVO procuratore] scripserat Atticus, cū

COMMENTARIUS

Acutilij procuratore se esse collocutum, eiq; pecuniam
 noluisse persolvere, cum eo tamen, ut satisfactione sibi ca
 ueretur, neminem amplius eo nomine petiturum; illum
 autē recusasse. Et amplius non peti, frequens est in sa
 tisfactionibus apud iurisconsultos locutio, quam et Cice
 ro usurpavit in epistola ad Sulpitium, fam. 216. cum
 » L. Messinium commendans, ita scribit: Te rogo, ut, si
 » quid satisfandū erit, amplius eo nomine nō peti; cures,
 » ut satisfidetur fide mea. nec dissimile illud in Bruto:
 » Ego tibi Brute non solvam, nisi prius à te cauero, am
 » plius eo nomine neminem, cuius petitio sit, petiturum.
 » Simillimum illud pro Q. Roscio: Quid ita satis non
 dedit, amplius à se neminem petiturum?

DECIDISSE]

Cum tutoribus puellæ. 4.

ILLE noster amicus,]

Luceius. 6.

CCLDD CCLDD CCCC]

Sestertiorū
 nummorū viginti millia quadringenta, totidem plane,
 quot proxima in epistola superiore. diuersis enim notis
 eandem summam explicauit.

MEGARICIS]

Ex Megaris Atticæ urbe.

HERMAE tui Pentelici]
 ex marmore Pentelico. Sudas.

EIVS loci,]

Academia. 3. 5.

^{5.}
 XYSTIQUE] Xystus quid sit, Vitru-
 vius lib. V. cap. XI.

^{5.}
 LENTVLI navis] Quò imponas signa.

^{5.}
 TVVM munusculum] Quod te illi ex Græ-
 cia missurum pollicitus es. 6.

^{5.}
 NE dubitaris] Ne te deterreat impensa : &
 confidito, futurum mihi unde soluam.

^{5.}
 NAVES suas.] Quas habet in Græciâ.

^{5.}
 POLLICETVR] Ad uecturâ signorum.

^{5.}
 CHILIVS] Poeta : de quo 13 :

^{5.}
 TE rogat Εὐμολπιδῶν πάτρια.] Rogat, ut ri-
 tus Eumolpidarum mittas. Eumolpidæ autem, sacro-
 rum præsides Athenis: de quibus Aeschines in oratione
 contra Ctesiphontem: ab Eumolpo Musæi filio, de quo
 Suidas, & alij. πάτρια σύγγραμματα Athenæus quoque dixit,
 idest, leges et ritus Syrorum, libro VIII. διαπνοσοφιστῶν.

^{5.}
 CVM essem in Ceramico] Atticus hoc episto-
 læ principio usus erat, Cum essem in Ceramico. quem
 Cicero imitatus, et ipse ita coepit, Cum essem in Tuscu-
 lano. Ceramici autem Athenis duo: de quibus Suidas
 his uerbis: κεραμικοὶ δύο ἦσαν: ὁ μὲν ἐνδοῦ τῆς πόλεως,

C ij

ὁ δ' ἐξέω: ἐνθα καὶ τοὺς ἐν πολέμῳ τελευτήσαντας ἔθαπτον δημοσίᾳ, καὶ τοὺς ἐπιταφίους ἔλεγον: ἐν δὲ τῷ ἑτέρω εἰσηκίσαν αἱ πόρνοι.

5:

DE nostro amico placando] De Luceio. pag. 6.

5:

HERMERA CLAS,] Mercurij et Herculis cōiuncta signa. IMPONAS: in nauim. 5.

5:

EIVS loci, quem non ignoras,] Academia: ut in epistola, quæ huic, et ea, cui hæc antecedit.

5:

PALÆSTRÆ,] Vitruvius lib. V. cap. XI.

5:

TYPOS] Typi statuæ sunt è gypso formatae, quarum ad similitudinem artifex deinde uel lapidem cædit, uel æs fundit. & apud Plinium eçtypa, imagines ad aliquod exemplum effictæ. typos igitur, quos in atrio tectorio, certis locis, ut solet, distinctos, posset includere, mandat Attico ut mittat. tectoria uero, parietum esse integumenta, et incrustationes ex arena et calce, notum est.

5:

INCLUDERE,] Sedibus constituere aliquanto intra tectorium excisis.

5:

PVTEALIA sigillata] Puteorum opercula, paruis signis exornata: qualia et hodie uidemus, in quibus incisæ delectant imaginiculae. Bessarionis liber, PVTEALIA SIGNATA: eadem scilicet sententia: nam siue de signis intelligas, siue de sigillis ὑποκο-

εἰς ἑκὼς, minimi refert, utrumuis licet accipias.

5:

DESPONDEAS] Venditurū te promittas.

5:

OMNES meas uindemiolas] Quidquid pecuniae possumus hinc inde contrahere, seponimus ad
 >> emptionem tuae bibliothecae. Supra, Libros, inquit, tuos
 >> conserua, & noli desperare eos meos facere posse.

5:

ITA esse ut semper uolui,] Optime ei cum tua sorore conuenire.

5:

PERMISISSE] Ut eorum causa Romae uenias. & de comitijs accipe non consularibus, sed pratorijs, ut supra docuimus in ordine epistolarum.

6.

SPONSOREM non appellat.] Antea, quod tu ei promissum munusculum non mitteres, me sponsozem appellabat: nūc sponsozem omittit: te ipsum, die dicta, in iudiciū uocat: itaque faciundum tibi est, ut promissum omnino soluas. In uulgatis libris, SPONSOREM APPELLAT, legebatur: ego negantem particulam interieci, sumptā ex antiquo Bessarionis exemplari, sententia mirifice comprobante.

EX EPIST. IX. pag. 6.

ILLVD suum arbitrium,] Apparet, Atticū in quadam arbitrium controuersia contra Luceij uoluntatem decreuisse. SVVM: quod saepe accusare solitus est.

C. iij

COMMENTARIUS

6.

EPISTOLAE tuæ,] Ad illum.

6.

NOSTRA legatio] Diligentia, quam ego, allegatus ad Luceium à te, soleo adhibere.

6.

HUMANITATI tuæ] Nam humanitatis tuæ non est, ab eo dissidere.

6.

DESIGNATVM] Prætozem, non Consulem, ut in proxima superiore.

6.

QVAMPRIMUM mittas.] De signis intelligi perspicuum est.

6:

TRADAS:] Vendas. 3. 5.

6:

TEVCRIS illa] Superiores omnes epistolæ ante Consulatũ scriptæ, hæc autem, ut è clausula manifestum est, ineuntibus magistratũ Messalla et Pisone, quĩ à Cicerone & Antonio Consules anno altero fuerunt: ut epistolarum haud paruum interiisse numerum necesse sit: nisi si toto superiore triennio Romæ mansit Atticus cum Cicerone. Neque mihi dubium est, quin, Teucris illa, principium sit epistolæ, cum inferat paulo post; Vt ad prima illa redeam: idest, ad id, quod scribere primum institui: ut appareat, fuisse primam epistolæ partem, in qua de Teucride ageretur. sic et infra 212: Ad prima redeo: idest, ad sermonem de suis libris institutum. TEVCRIS ILLA: C. An=

tonium, quem Cicero collegam habuerat in Consulari,
ficto nomine significari, declarant ea, quæ sequuntur.
eundemq; in epistola proxima iisdem uerbis appellat: et
in ea, quæ proximâ cōsequitur, promissa dicit præstitisse.

6:

LENTVM sanè negotium,] Tardat enim,
et procrastinat solutionē eius pecuniæ, quā debet. 8: 10.

6:

CORNELIVS] Amicus, aut affinis An-
tonij, qui se ad Terentiam dixerat rediturum, ut de ea
pecunia colloqueretur.

6:

CONSIDIVM, Axium, Selicium] Fœ-
neratorum nomina. Axius (inquit 168:) de XII mil
libus pudens: sæpe enim ascripsit, ut Gallio, quantum
is uellet, darem. Valerius Max. lib. 4 cap. 8.

6:

CONFUGIENDVM est:] Ut ab ijs
nummos sumamus; quando exigere ab Antonio non
possumus.

6:

CAECILIO] Et hic fœnerator erat, sed
benigniores aliquanto superiores tres: nam ab hoc nec
ipsius propinqui nummum auferre poterant, nisi cum
fœnore centesimarum. Seneca libro epistolarum XXI.
Quam durus fœnerator Cæcilius, à quo minoris cente-
simis propinquis nummus moueri non possit.

6:

CENTESIMIS] Centesimæ dicebantur
usuræ, quia singulis mensibus in fœnus centesima sortis

C iij

COMMENTARIVS

pars impenderetur: à menstrua. n. solutione potius appellatas esse centesimas credibile est, quā, quod nō nulli putant, quia centū mensibus usura sortem adæquaret.

6:

ILLA] Teucride.

6:

IMPVDENTIVS, astutius, lentius.]
Quia causis nectendis solutionem differret.

6:

LIBERTVM mitto: Tito mandavi:]
Verba sunt non Ciceronis, ut quidam existimant, sed Antonij, qui soluendæ pecuniæ diem produceret his uerbis, LIBERTVM MITTO; (subaudi, qui numeret) TITO MANDAVI; ut scilicet ipse tibi pro me satisfaceret. Antonij igitur, quem Teucridem appellat, σκλήρης hæ sunt, atque ἀναβολαί. nō enim ἀναβολὰς lego, sed ἀναβολαί, duobus ex antiquis libris, Bessarionis, & Canalcantis.

6:

NE SCIO, an ταυτόματον ἡμῶν] Antonius, inquit, nō soluit: sed, an casus noster ipse per se hoc efficiat, nescio, an hoc sua sponte ita cadat: ut deinde eius defendendi causa mihi nulla sit.

6:

POMPEIANI prodromi] Quos Pōpeius, ex bello Mithridatico reuertens, celeri cursu præmittit.

6:

ACTVRVM] In senatu.

6:

ANTONIO succedi oportere:] Antonij

de provincia Macedonia reuocandū, quòd in Thracia rem parum prospere gessisset. auctor Florus in epitome libri CII I. accusauit autem C. Antonium M. Celiū, & condemnauit, defendente Cicerone. & in oratione, qua deinde Cicero ipsum Celium defendit, hanc intelligit accusationem, cum ait: Ex Reipublicæ causa uictoriam est mihi quidem molestam, sibi tamen gloriosam cōsecutus. quod infra in eadem oratione apertius his uerbis: Accusauit C. Antonium collegam meum: cui misero præclari in Rempublicam beneficii memoria nihil profuit, nocuit opinio maleficii cogitati. Accusauit eundem, condemnauitq; Q. Maximus: ut in oratione in Vatinius.

6:

AGET Prætor ad populū.] Ut Romam euocetur ad causam de repetundis dicendam, quòd socios diripuerit. 23: & Dion lib. XXXVIII.

6:

EXISTIMATIONEM] Multum, inquit, de mea detrahatur existimatione & apud bonos, & apud populum, si C. Antonium manifestis criminibus reum defendam.

6:

MANDO tibi ut perspicias.] Et perspicere Atticus id poterat non magno negotio, qui esset in Græcia, proximus Macedonia, quā Antonius administrabat.

6:

IN cogendis pecunijs] Contra quàm legibus liceret. COGENDIS autem ex prouincialibus hominibus, auaro, & iniquo imperio.

COMMENTARIUS

6:

VALERIVS interpret] Externarum legationum causa senatus Valerio utebatur interprete, multarum linguarum perito. 259.

6:

CHILIVS QVE] Is, de quo supra, pag. 5.

7.

CONSTAT] Non dum enim aderat, sed Italiam iam attigerat, ex illo se referens memorabili Mithridatis bello.

7.

DIVORTIVM Mutiæ] Pompeius deui-
elo Mithridate reuertens cum in Italiam peruenisset,
nuncium remisit coniugi suæ Mutiæ, Q. Mutij Scæuo-
læ filia, quod adulterium cum C. Cæsare commisisset, ut
auctor est Suetonius. Et ut ex historia, maximeq; ex
Plutarcho colligitur, uxores habuit Pompeius quinque,
Antistiam, Aemiliam, Mutiam, Iuliam, Corneliam: cū
duabus, Antistia, Mutia, diuortium fecit: apud ipsum
duæ perierunt, Aemilia, Iulia: Cornelia superuixit. il-
lud addo; quod appelletur à Pediano Tertia, que ali-
bi Mutia nominatur, erratum non esse in nomine, sed
Mutiæ cognomen fuisse Tertiam: ut, cum sorores habe-
ret duas, utranque ætate maiorem, omnes autem Mu-
tiæ uocarentur, ex consuetudine, quæ tum erat, (nam
à patre, hoc est à familia, nominabantur filia) ipsa Ter-
tia dicta, proprii cognominis appellatione internoscere-
tur. Hæc, ut sperabamus, haud paulo uberius in libro
de familijs explicare consilium erat.

7.

P. CLODIVM] Eum, qui Ciceronem Tribu-
nus plebis, lata ad populum rogatione, quod cives Ro-
manos indicta causa Cōsul occidisset, publicatis bonis in
exiliū egit. & inimicitiarum causa ex hoc ipso, quo de
nūc scribit, pollutarum cærimoniārum crimine manauit.

7.

APPII] Hic est Appius Claudius Pulcher,
qui Consul fuit cum P. Seruilio Vatia Isaurico.

7.

C. CÆSARIS,] Erat enim Cæsar Pōtifex
Maximus, itemq; Prætor : & apud Pontificem Maxi-
mum, eius uxore sacrificium faciente, præsentē Vestā-
lium uirginum cœtu, Bonæ deæ pro salute populi suppli-
cabatur : cum ea sacra uiris aspici nefas esset. Pedia-
nus hac de re, Clodius, inquit, Quæstor designatus, de-
prehensus est cum ueste muliebri, cum intrasset ed, ubi
sacrificiū pro populo R. fiebat. Suetonius autem his
uerbis in Cæsare: Pompeiam duxit Q. Pompeij filiam,
L. Syllæ neptem: cum qua deinde diuortium fecit, adul-
teratam opinatus à P. Clodio; quem inter publicas cæ-
rimonias penetrasse ad eam muliebri ueste, tam cōstans
fama erat, ut senatus quæstionem de pollutis sacris de-
creuerit. Et infra: In P. Clodiū, Pompeiæ uxoris suæ
adulterum, atque eadem de causa pollutarum cærimo-
niarum reum, testis citatus negauit se quidquam compe-
risse; quamuis & mater Aurelia, & soror Iulia apud
eōsdē iudices omnia ex fide retulissent: interrogatusq;,
cur igitur repudiasset uxorem; quoniam, inquit, meos
tam suspitione, quàm crimine iudico carere oportere.

COMMENTARIUS

præterea Cicero ipse, Plutarchus, Valerius, Florus: quam Florus mendum continet, qui stuprum illud confert in Metelli, non in Cæsaris uxorem; aperte eum historia refellente; quod, id temporis Pontificem Maximum Cæsarem fuisse, notissimum est.

7.

PER manus seruulæ seruatum, et educum:] Plutarchus inductum quidem ait à seruula, sed mox à mulieribus extrusum.

7.

M. MESSALLA,] Opinor hunc esse aliū ab eo, qui Præturam petijt Cicerone Consule, de quo in oratione pro Sylla: opinor autem ob eam causam, quia, si Prætor designatus est Cicerone Consule, magistratum gessit anno proximo Consulibus Silano et Muræna: quorum annus eum annum proximus antecessit, quo Messalla cum Pisone Consul fuit. Cōsul igitur Messalla designatus esset in Prætura. quod inusitatum erat. sin autem Prætor designatus non est: multo minus consentaneum uidetur, anno post repulsam Prætoriam proximo Consulatum & petysse, & adeptum esse.

7.

ANCHORIS solutis] Cum soluisses, ilico nauigaturus.

7.

RELEVARIT?] Contrarium contrario reddidit, iocatus in uerbis GRAVIOREM & RELEVARIT: cum GRAVIOREM dicat epistolam, quæ scripta grauib; de rebus quasi pondus habet; ut tabellarius oneris partem releuare uideat.

tur, cū epistolam legat. Inepte alij RELEVERIT.

7.

CAESIS apud Amaltheam tuā uictimis]
Sicyonij pecuniā Attico debebant. ea causa Sicyonem
ire cogitarat. sed uenuste Cicero metaphoram sumpsit
de re militari; quod exercituum duces non ad bellū
prius exhibant, quā uictimas cecidissent. Amalthea in
Epeiro Attici uilla, studijs & libris dicata, quemadmo-
dum Academia Ciceronis, Puteolos inter & Auernum
lacum, in litore. 13.

7.

AD Sicyonem oppugnandum] Ad exprimen-
dam à Sicyonijs pecuniā. est autem auctore Plinio
ciuitas Achaia Sicyon.

7:

AD Antonium] In Macedoniam: quæ con-
tingit Epeirum à solis occasu. nescio, inquit, Sicyone mæ-
surus quandiu sis: nam inde ad Antonium se esse pro-
fecturum, Atticus antea literis significauerat.

7:

ACHAÏCIS hominibus,] Qui tibi in A-
chaia pecunias exigenti literas reddant.

7:

PRIMUM me nō esse rogatū sententiam,]
In senatu primi sententias à Consule rogabantur Con-
sules designati: si modo post consularia comitia senatus
haberetur: sin ante, rogabat Cōsul arbitrato suo, non
quem uellet ex omni senatorum frequentia, sed quem
uellet è numero consularium. & antiquæ consuetudi-
ni dabatur, ut quem ordinem interrogandi sententias

COMMENTARIVS

Cōsul Calendis Ianuarijs instituisset, eum toto anno cōseruaret. quo ordine Cāsar neglecto primum Pompeium post affinitatem Consul rogare sententiam cōepit, cum antea Crassum solitus esset. itaque cum hoc legere attentius, PRIMVM IGITVR SCITO ME NON ESSE ROGATVM SENTENTIAM; facile conieci, Calendas Ianuarias intelligi; quo primum die Consules inito magistratu senatum habebant de Rep. Quoniam autem, cū designati Consules fuissent, ij sententiam primi rogabantur: uenit in mentē, quēri posse, uter ex ipsis designatis prior rogaretur. nec difficile est quārenti respōdere: nā me quoque olim ex ipsa re in eandem dubitationem adductum, & aliquandiu hārentem, observatio uetustioris expediuit. Sciendum igitur, siue patritius, & plebeius, siue duo plebeij designati Consules essent, qui priore loco declaratus esset Consul, eum in magistratu priorem quoque sententiā rogasse: ideoq; rogauit in re Catilinaria non C. Antonius, sed M. Cicero, quia Consul priore loco declaratus: (nā genere pares erant, uterque plebeius) & hic pacificatorem Allobrogū rogat sententiam M. Pupius Piso Consul, ex familia plebeia: M. Valerius Messalla, etsi patritius, tamen non rogat: plebeius igitur anteponitur patritio: cur? quia priore loco declaratus Consul. uter in magistratu prior rogaret, ostendi: quo coniicitur, & uter rogaretur, cū designati essent.

7:

ROGATVM] A' M. Pifone Consule.

7:

PACIFICATOREM Allobrogum,]

C. Calpurnium Pisonem: quem Gallia praefuisse, qua
in provincia sunt Allobroges, diximus in epistola pri-
ma. et opinor id Pisonem Consulem dedisse propinqui-
tati, cum C. Pisonem sententiam primum rogauit.

7:

HOMINE peruerso] ipso Consule.

7:

TANTVM cauillator,] Vnum est in eo ca-
uillandi genus, praeterea nihil. Quid sit autem cauilla-
tio, docet ipse in II. de oratore his uerbis. Cū duo sint
genera facetiarum, alterum aequabiliter in omni sermo-
ne fusum, alterum peracutum, & breue: illa à ueteri-
bus superior cauillatio, hæc altera dicacitas nominata
est. sed cū in illo genere perpetuæ festiuitatis, ars nō de-
sideretur; natura enim fingit homines & creat imita-
tores & narratores facetos, & uultu adiuuante, & uo-
ce, & ipso genere sermonis: tum uero in hoc altero di-
cacitatis, nihil habet ars loci; cum ante illud facete di-
ctum hæere debeat, quā cogitari potuisse uideatur.
Nec alienum est subiungere, quid de hoc ipso Pione in li-
bro de claris oratoribus. Marcus, inquit, Piso quidquid
habuit, habuit ex disciplina; maximeq; ex omnibus, qui
ante fuerunt, græcis literis eruditus fuit. habuit à natu-
ra genus quoddam acuminis, quod etiam arte limaue-
rat: quod erat in reprehendendis uerbis uersutum, &
solers, sed sæpe stomachosum, nōnunquam frigidū, in-
terdum etiam facetum. is laborem, quasi cursum, fo-
rensem diutius non tulit, quod et corpore erat infirmo,
& hominum ineptias, ac stultitias, quæ deuorandæ no-
bis sunt, non ferebat, iracundiusq; respuerat, siue moro

COMMENTARIUS

» se, ut reputabatur, siue ingenuo, liberoq; fastidio. is cum
 » satis floruisse adolescentem, minor haberi est coeptus po=
 » stea: deinde ex uirginum iudicio magnam laudem est
 » adeptus: & ex eo tempore, quasi reuocatus in cursum,
 » tenuit locum tandiu, quam ferre potuit laborem: po=
 » stea, quantum detraxit ex studio, tantum amisit ex glo=
 » ria. Pedianus autē sic: M. Pupius Piso eisdem tēpo=
 » ribus, quibus Cicero, fuit, sed tanto ætate maior, ut ado=
 » lescentulum Ciceronem pater ad eum deduceret, quod
 » in eo & antiquæ uitæ similitudo, & multæ erant lite=
 » ræ. orator quoque melior, quam frequentior, habitus
 » est. biennio tamen serior, quam Cicero, Consul fuit: triū
 » phauit Proconsule de Hispanis, Q. Hortensio Q. Me=
 » tello Cretico Cōsulibus, ante Ciceronis Consulatum.
 » Ipse paulo post: Consul autem ille deterioris histrionis
 » similis, suscepisse negotium dicitur.

7:

G E N E R E illo moroso,] Cauillandi plura
 genera, sed illud morosum, cum facie risum mouemus,
 nulla sermonis festiuitate.

7:

E I V S autem collega] M. Valerius Messalla.

7:

L E V I T E R inter se dissidēt] Leuiter hic nō
 ualet, Parum, sed, Aliquantum: ut infra, 23. Mihi,
 quod defendissem, leuiter succensuit.

7:

I N F E C T V M] Inquinatum, contamina=
 rum: à labe metaphora deducta; quæ ex oleo facta,
 serpit late in ea re, quam semel infecit. Vereor, inquit,
 ne hoc

ne hoc malum, natum ex Clodij scelerata libidine, deinceps ipsum ex sese alia mala pariat. Paulo post aperte:
 » Vereor, ne hæc neglecta à bonis, defensa ab improbis,
 » magnorum Reip. malorum causa sit.

7:

VIRVM;] P. Clodium, Appij filium. 7.

7:

VIRGINES] Vestales: quas sacrificio interesse solitas, Plutarchus tradit.

8.

ROGATIONEM promulgasse,] Proposuisse, in uulgus edidisse; (hoc enim significat promulgare, auctore Festo) ut, si quis uellet Tribunus plebis, intercederet; nemine intercedente, lex ferretur. etiam ob eam causam, ut quiuis è populo, rogatione inspecta, per otium examinare posset, antiquanda mox esset, an sciscenda.

8.

NUNCIVM remisisse.] Quod à Clodio stupratam suspicaretur. Suetonius, Plutarchus.

8.

QVAM ipse fert,] Id est, cuius lator futurus est: nam rogationi ferendæ nondum dies uenerat: quæ tamen ne ipso quidem die lata est, concursu optimatum comitijs dimissis. pag. 9:

8.

DE religione,] De pollutis sacris.

8.

ANTIQUETVR.] Antiquare, & abrogare putat amicus meus in suo libro idem esse: quem

D

COMMENTARIVS

exempla ueterum refellunt: nam antiquat populus la-
tam rogationem, cum perferri non sinit; abrogat au-
tem iam perlatam.

8.

OPERAE comparantur.] Homines merces
de cōducti, quorum suffragijs rogatio tollatur.

8.

LYCVRGEI] Acerrimi legum propugna-
tores, qualem fuisse Lycurgum historiae narrant, qui
Spartanis leges dedit.

8.

SCIN quem dicam?] Forte Pōpeium intelli-
git, paucis ante diebus è bello Mithridatico reuersum.

8.

PRAETORES] In ijs erat Q. Cicero:
cui deinde obtigit Asia, 10.

8.

AD III. Nonas Decembres,] Mendosa dies
in quadam Ciceronis oratione.

8.

METELLINAM] Quam scripserat con-
tra Metellum Nepotem. Legenda est epistola ad Metel-
lū Celerē, fam. lib. V. Gellius lib. XVIII. cap. VII.

8.

LIBER] Quo orationes continentur: uel li-
ber, oratio Metellina: ut infra 21:

8.

ETIAM.] Etiam est, quod scribam, prater
superiora. et est genus quoddam familiariter scribendi,
» multis locis usurpatū, ut 26: De muro statue quid fa-

ciendum sit . aliud quid ? etiam . quando te proficisci
istinc putes, fac ut sciam &c. 34 :

8.

ANTRONIANAM domū] Quæ fue-
rat L. Antronij Pati: qui Cōsul designatus, cū collega
suo P. Sylla lege ambitus interrogatus penas dederat ;
deinde coniurationis nomine dānatus, exulabat. 40.

8.

CCCCXXXVII.] Scutatis, ut nunc lo-
quimur, paulo minus undecim millibus.

8.

AMICORVM facultatibus] Ut ego, qui
domum emi præclaram in Palatio, à P. Sylla pecuniā
mutuatus. & innuit, Messallam ad Antronianæ do-
mus emptionem ipsum quoque usum esse facultatibus
amicorum. Gellius lib. XII. cap. XII.

8.

TEVCRIS illa] C. Antonius, qui debitā
Ciceroni pecuniam non soluebat. 6 : 10.

8.

ISTA confice :] Expedi tua nomina, quæ
istuc habes : exige, inquit, à tuis debitoribus, ut redi-
re ad nos mature possis.

8:

PRIMA concio Pompeij] Quā primam ha-
buit ex bello Mithridatico reuersus.

8:

FRIGEBAT.] Iacebat, studiosum sui iam
neminem habebat.

D ij

COMMENTARIVS

8:

L. Fufius] Prænomen abest à Bessarionis antiquo libro: & recte abest: non enim hic L. Fufius, sed Quintus: de quo in Philippicis orationibus, & in Dionis historia, & Pediani commentarijs.

8:

IN concionem produxit] Licebat Tribunis plebis, quemcunque uellent, arripere, & in concionem productum cogere pro ipsorum iure et potestate, ut, quibus de rebus esset interrogatus, ijs de rebus responderet. itaque Tribunus pl. C. Carbo minorem Africanum, ex cisa Numantia redeuntem, ab ipsa porta in concionem cum produxisset, quid de Tiberij Gracchi nece sentiret, interrogauit.

8:

QVO consilio] Quibus iudicibus uteretur in causa Clodiana.

8:

DE Clodiana religione] De sacris Bonæ deæ, Clodij scelere contaminatis.

8:

PROMVLGATA rogatione] Ab ipso & Pisone Consulibus.

8:

DE istis rebus] Mallem, DE NOSTRIS REBUS: idest, de cōiuratis supplicio affectis. quod factum Pompeius satis à se probatum significabat, cum senatus omnia consulta penitus laudasset. nam Cicero animaduersione illa usus fuerat auctore senatu: ut qui senatum laudaret, Ciceronis idem acta confirmare uis

deretur. In hac ipsa epistola paulo post, An, inquit,
esse tantas res nostras, quæ tam libenti senatu lauda-
rentur? & infra, 12: De nostris rebus nimium
diu tacuerat Pompeius.

9.

QVOD hi suspicarentur homines] Hi, quibus
præsentibus Pompeius loqueretur, & à quibus lau-
dem excepiisset. SVSPICARENTVR: non
dicit, uiderent, sed, suspicarentur, propterea quod Pō-
peius tantum modo γενικῶς senatus decreta laudauerat,
de Ciceronis rebus nominatim nihil dixerat: sed ex
laudatione senatus, quid de Ciceronis Consulatu senti-
ret, conijciebant.

9.

IN aristocratiā] Tum, cum optimatis perso-
nam maxime sumo. nam ἀριστοκρατία, status est opti-
matū in Rep. duobus tamen antiquis libris, Bessarionis
& Caualcantis, abest hoc, IN ARISTO-
CRATIA.

9.

VARIE PINGERE] Admodū exor-
nare: μεταφωρικῶς: quia uarietas in pictura delectat.

9.

DE flamma, de ferro] cum incendijs urbem,
ciuitatem cæde, mea uigilantia, meaq; uirtute dico es-
se liberatam.

9.

(NOSTI illas ἀμύθους)] Non discedit à
tralatone. nam ut piclores ἐκ τῶν ἀμύθων, quæ sunt
ampullæ pigmentorum, sumunt quæ ad colorandum

D iiij

COMMENTARIUS

apta nouere ; sic orationem suam Cicero cum uolebat eloquentiæ ueluti coloribus illustrare , ad illa loca , de flamma, de ferro , quasi ad suas λικύβους confugiebat. in libro tamen græcarum dictionū qui, λικύβους, interpretatus est, hunc Ciceronis locum nominans, uertit, uniformis dicendi copia, sententiam, ut mihi quidem uidetur, non assecutus.

9.

V T R V M Crassum] Genus loquendi à ueteribus usurpatum, cum, de duabus rebus utram crederent, ignorabant. tale ferè illud est 173 : is dicitur uidisse, an euntem, an iam in Asia ? & illud 2 : Nos hic te ad mensem Ianuarium expectamus, ex quodam rumore, an ex literis tuis ad alios missis ?

9.

M E I S omnibus literis in Pompeiana laude perstrictus] Locus est huiusmodi in oratione pro lege Manilia : ubi Pompeium ita laudat, ut, quod illi tribuit, Crasso detrahat, qui seruile bellum solus confecerat. locus hic est. Testis est iterum, & sæpius Italia, quæ cum seruili bello tetro periculosoq; premeretur, ab hoc auxilium absente expetiuit : quod bellum expectatione Pompeij attenuatum, atque imminutum est, aduentu sublatum, ac sepultum. A B I L L O : à Pompeio.

9.

N O V O auditori] Modo enim redierat Pompeius Mithridate deuicto.

9.

H A E C erat ὑπόθεσις,] Argumentum hoc est

rat orationis meæ, DE GRAVITATE SENATVS, qui Catonis sententiam secutus, de coniuratis sumendum supplicium censuerat: DE EQVESTRI CONCORDIA, cum equites Romani ad opprimendam coniurationem cum senatu mire consenserunt; ut in oratione pro Sestio, & apud Plutarchum: DE CONSENSIONE ITALIAE, quæ senatusconsultum de puniendis nefarijs ciuibus apprime laudauerat: DE IMMORTVIVS RELIQUIIS CONIVRATIONIS, hoc est de supplicio affectis Lentulo, Cethego, Cepario, Statilio, Gabinio, reliquijs coniurationis in urbe Catilina emissio: DE VILITATE, quæ in urbe fuit ipso Consule. multis enim Consulibus infamiae fuit, quod eorum anno ciuitas caritate laborarit, quam vitare providentia potuerint. DE OTIO; quod ciuitati Consul peperit coniuratione oppressa: ut

» in I. de officijs magnifice gloriatur his uerbis. Nobis
 » Remp. gubernantibus non togæ arua cessere? neque
 » enim in Rep. periculum fuit grauius unquam, nec maior
 » ius otii. ita consilijs, diligentiaq; nostra celeriter de manibus
 » audacissimorum ciuium delapsa arma ipsa ceciderunt.
 » quæ res igitur gesta est unquam in bello tanta?
 » quis triumphus conferendus?

9.

ἀρεῖος πάρος.] Seuerus, & fortis, ut Athenis Ariopagitarum consilium, à Solone constitutum.

9.

FERENDAE,] Ad populum.

D iij

BARBATVLI iuuenes] Dicitur cum lasciuia nota : nam apud Romanos, barbam alere, moris non erat . 13 .

GREGEX Catilinæ,] Magnam manum nobiliū adolescentum Catilinæ, varijs libidinum illecebris captam, ac deuinctam, consuetudine tenuerat; ut qui, pro cuiusque studio, alijs scorta præberet; alijs canes, atque equos; sua pecunia emptos, dono daret; postremo neque sumptui, neque modestiæ suæ parceret, dum illos sibi obnoxios, fidosq; efficeret . Salustius, & hic ipse in oratione pro M. Celio.

FILIOLA Curionis,] Filio C. Curionis, qui Consul fuerat cum Cn. Octauio . sed filiolam uocat ad mollietē, & impudiciā indicandam. Hic est C. Curio, qui Cæsaris postea partes secutus, in Africa periit. ANTIQVARET, rogationem. 8.

LATOR rogationis,] Non quod iam ferret, sed quod eo die laturus esset : non tulit autem, quia, bonis uiris manifestum ambitum in re turpi, & Consulibus Pisonis turpissimam suffragationem non ferentibus, comitia sunt dimissa.

PONTES occupant.] Quibus cistæ suffragiorum superimpositæ . pontes igitur occupant operæ Clodianæ, ut ex ijs quas uellent tabellas suffragium laturis ministrarent, eas inquam duntaxat, quæ

in scripta essent, uti rogas. Libro I. rhetoricorum ad He-

- rennium : Cepio, ut Saturninum contra senatus con-
sultum, intercedentibus collegis, legem de semissibus et
trientibus aduersus Remp. uidit ferre ; cum uiris bonis
impetum facit ; pontes disturbat ; cistas deicit ; impe-
dimento est, quo secius feratur lex. Et libro III. de
legibus : Pontes etiam lex Martia fecit angustos. Et
fastorum libro V. Pontes puto fuisse mensulas angustis-
simas pedibus altioribus, pontes ad similitudinem di-
ctas, non ad ueritatem. et singulas conuicio singulis
tribubus aut curijs appositas, cistis superstratas, suffra-
giorum tabellas continentibus.

9:

MINISTRABANTVR,] suffragiū
laturis distribuebantur.

9:

VT nulla daretur, uti rogas] Cum populus in
campum Martium conuenerat, uti rogationem aliquā
aut acciperet, aut antiquaret; tabellæ singulis binæ da-
batur, diuersæ in scripta: altera sic, VTIROGAS;
quæ significabant, se rogationem accipere, et uelle uti
rogasset is, qui rogationem tulisset: altera cū litera A;
quæ erat antiquata, idest sublata, rogationis nota. Li-

- uius libro X. Ego hanc legem Quirites, quod bonum,
faustum, felixq; sit nobis, ac Reipublicæ, uti rogastis,
subeundam censeo. tametsi suspicor mendose scriptū
in Lilio, ROGASTIS: non enim populus rogat,
sed rogatus iubet. mallem igitur, ROGATI, aut
ROGATISITIS: ut et libro XXXIII.
omnes quinque et triginta tribus, uti rogata, iusserunt.

COMMENTARIVS

» libro autem de legibus III. Vos, inquit, legem, ut uis-
» deo, antiquastis sine tabella. **NULLA**: corrupti
igitur, qui tabellas ministrabant, cum eas tantum da-
rent, quibus antiquari rogatio posset.

9:

ROSTRA Carō aduolat:] Inde concio-
naturus maxime in Pisonem Consulem: nam de Ro-
stris ad populum concionabantur.

9:

VT Consules populum &c.] Refertur hoc ad
uerbum **DECERNERETVR**.

9:

NULLVM S.C. facienti] Curionis erat
sententia, ut senatusconsultum, de promulganda roga-
tione factum, tolleretur. ei ita sentienti haud plures quā
quindecim homines assenserunt. quid autem Curio spe-
ctabat? hoc uidelicet: ut sublato senatusconsulto, a po-
puli iudicio, cuius seueritatem pertimescebat, ad Præto-
rem, eiusq; consilium, in quo tum gratia tum pecuniæ
futurus locus esset, quæstio de incestu Clodij transferre-
tur. senatus populum iudicem uolebat, quem intellige-
ret maiore negotio corrumpi uniuersum posse, quā Præ-
torem, & certum iudicum numerum, qui Prætori in
consilio assiderent. ergo non de iudicio, sed de iudiciū
genere dissidebant.

9:

FVSIVS tertium concessit.] Tertium ces-
sit, cū ante bis cessisset. uel potius, **TR. TVM CES-
SIT**: ut sit **TR.** pro **TRIBVNVS**: nam ue-
teres quandoque & **TRIB.** & **TR.** scribebant:

quod utrunque ualebat TRIBVNVS, unitatis numero : multitudinis, TRIBB. & TRR. sicuti PRAETT. et PRR. de Prætoribus. Potest enim ita disputari : FVSIVS TERTIVM CONCESSIT, falsum est : neque enim ter actum est in senatu de Clodiana re : neque Fusiuss ante cesserat : cuius etiã opera factum erat, ne à senatu asperius decerneretur, ut ait Pedianus in Miloniana. rectius igitur, TVM CONCESSIT, uidelicet cum tam frequenti senatu agi, & decerni rem uideret : ideoq; Clodij miseræ conciones, destituti à Tribuno, infensis patribus. Bessarionis tamen antiquus liber, itemq; Caualcantis, TERTIVM CONCESSIT.

9:

MISERAS] Sine auctoritate, quibus fidem populus non haberet : aut, MISERAS, humiles, ad misericordiam eliciendam.

9:

LVCVLLVM, Hortensium, C. Pisonem,] L. Licinium Lucullum, Q. Hortensium, C. Calpurnium Pisonem, omnes consulares.

9:

MESSALLAM Consulem] M. Valerium Messallam : sed cum alter esset eodem prænominis, is qui Consul postea fuit cū Cn. Domitio Caluino, differentie causa CONSVLEM adiecit.

9:

TANTVM] Contumeliosis uerbis in me non utebatur : hoc unum dicebat, comperisse omnia, et me auctore fieri, quæ contra ipsum fierent.

COMMENTARIVS

9:

DE prouincijs Pratorum,] Ut proximi super-
rioris anni pratoribus Prouinciæ decernerentur.

9:

DE legationibus,] Audiendis : quod Februa-
rio mense, quo scripta est epistola, fieri solitum, multis lo-
cis facile est animaduvertere : ut ad Lentulum : Sena-
tus haberi Februario toto non potest, nisi perfectis, aut
reiectis legationibus . Et ad Quintum fratrem : sancit
lex Gabinia, ut ex Calendis Februarijs usque ad Calen-
das Martias legatis senatus quotidie detur.

9:

DE ceteris rebus] Decernebat senatus, ut, ante
quā rogatio de incestu Clodiano lata esset, nihil omni-
no ageretur.

9:

VNO uitio minus uitiosus,] Piso Consul ani-
mo est bonis uiris infenso ; re minus nocet, quia tardis-
simus est, et in agendo minime omnium efficax. ita mi-
nus uitiosus est, quod inertia uitium habet.

9:

ILLAM concionem,] Quam habuit produ-
ctus ad populum à Fusio Tribuno pl. 8:

10.

PSEUDOCATONE.] Ita studioso
partium bonarum, ut Catoni simillimus existimetur.

10.

TEUKES] C. Antonius persoluit, quod promise-
rat. idem pag. 6 : 8:

10.

RELIVVM dodrantem] Vniuersa hæ-
reditas libræ, siue assis nomine significatur. et quia do-
drans nouem unciarum est ; factum, ut nouem item
hæreditatis partes dodrante significantur. ergo Argi-
letani edificiij hæres erat Quintus ex quadrante, quæ
quarta pars est ut in libra, sic in hæreditate: reliquum do-
drantē, hoc est reliquas nouē partes, emit à cohæredibus.

10.

HS DCCXXV,] Ad nostratis pecuniæ ra-
tionem, scutatis decem et septem millibus supra centum
& uiginti quinque.

10.

VENDITAT] Vendere cœpit : ut, dor-
mitat, dormire cœpit.

10.

VIDERO hominem. ualde petitur. renauabo
operam.] Non dimitto quā pridem amplexus sum
sententiam, ut legendum putem: Video hominem ual-
de pœnitere. et pulchre cōuenit cum antecedenti mem-
bro : quo membro satis aperte significatur, nō stare per
Luceium, quo minus dissoluta gratia cōglutinetur. im-
pressam quidem lectionem eo magis suspicor non care-
re mendo, quòd & Caualcantis, & Bessarionis anti-
qua exēplaria nō nihil à uulgata scriptura dissident :
habēt. n. sic : PETITVR IRENAVABO.

10.

ASIAM] Eam Quintus per triennium ad-
ministravit. 291.

COMMENTARIVS

IO.

ΦΙΛΕΛΛΗΝΕΣ] Asia enim in Græcia esse dicebatur, & græco sermone Asiatici omnes utebantur. ideo in epistola ad fratrem Græcos sæpe uocat homines Asiaticos. & alijs in locis. Et M. Celijs in epistola ad Ciceronem, Turpe, inquit, tibi erit, me pantheras Græcas non habere.

IO.

C V R A Q V E, & effice,] Cum scilicet in Asia fratris legatus eris. id enim Cicerò futurum opinabatur. sed omissam ab Attico prouinciam, perspicuum est infra, 13. 15. & in uita.

IO.

I P S I Quinto] In Asiam cum imperio proficiscenti.

IO.

D E T V O negotio :] De exigenda à Sicyonijs pecunia.

IO.

D E iudicio,] Quo P. Clodius est absolutus.

IO.

ὑστέρων προτέρων] Primum. n. respondebo, cur ego minus, quam soleam, præliatus sim : deinde, quod tu primum quæsieras, id ego secundo loco rescribam, quid acciderit de iudicio Clodiano.

IO.

ὁμηρικῶς.] Homeri exemplo, qui hystero-logia sæpe utitur.

IO.

D E F E N D E N D A fuit,] Pugnaui, in-

quit, ut omnino, quemadmodum senatus decreuerat, rogatio de incestu Clodiano ad populum ferretur: acriterq; in eo senatus decretum, auctoritatemq; defendi.

IO:

ILLE] P. Clodius.

IO:

IN Pisonem, in Curionem,] Qui Clodio fauebant. & Pisonem Consulem intelligit.

IO:

NISI iudicum genus] Fusius enim à Praetore, & eius consilio fieri iudicium uolebat: in rogatione autem consulari, ut populus iudicaret, scriptum erat.

IO:

CONTRAXI uela,] Qui antea causam Clodianam uehementer oppugnaueram, destiti, et contentionem omisi, cum ex inopia iudicū haud dubie conijcerem, quis exitus iudicij futurus esset.

IO:

PRO testimonio,] Cum Clodius iudicibus se probaturum affirmaret, quo die in sacris Bonæ deæ deprehensus diceretur, eo die Interamnæ apud C. Cassinium Scholam fuisse: Cicero contra testatus est, eo die se Clodiū domi conuenisse, et allocutū esse. Plutarchus.

IO:

ITA notū, atque testatum,] Notissimū enim erat, et maxime testatum, Clodium eo die Romæ fuisse.

IO:

ILLVM in infamiæ relinqui sordibus,] Nam si Fusius intercessione impediret, quo minus de re Clodiana populus iudicare posset, itaq; iudicium de Clodio

COMMENTARIVS

nullum fieret : Clodius tamen in infamiae sordibus iaceret : quem non innocentia uideretur in iudicio seruasse , quod fortasse nunc uideri potest , sed Tribunus nocentem iudicio eripuisse.

IO:

INFIRMO iudicio] Quod facile corrupti posset. firmissimum autem, et integrum ab omni laebe, populi iudicium fuisse.

IO:

PLUMBEO gladio iugulatum iri] Quous iudicio condemnatum iri. Nam ut ex plumbo gladius acie minus esset firma, quam qui e ferro : sic iudicium populi, quasi ferreus gladius plumbeo comparatus, multo esset firmitus, quam iudicium a Praetore datum.

IO:

VT reiectio facta est] Accusator et reus in iudicio reiciebant, quos aliqua de causa sibi infensos fore suspicarentur. in causa Milonis quinos ex singulis ordinibus reiectos, Pedianus docet.

II.

ACCVSATOR,] Lætulus. orat. uol. II. 252.

II.

CLAMORIBVS maximis,] Clamores oriebantur, quia reus et accusator iudices reicerent admodum dissimiles, hic homines nequissimos, ille optimos & integerrimos.

II.

TANQVAM Censor bonus,] Censores enim eiciunt e senatu, quos nequam & improbos noverunt.

TANQVAM

II.

TANQVAM clemens lanista] Lanistæ nō gladiatores sunt, ut sensit amicus meus in suo libro, sed gladiatorum domini, & magistri, qui gladiatorum familias in ludo exercerent, & locarent. patet ex epistola M. Antonij, Philippica XIII. 255: & ex oratione pro Sex. Roscio, 21. 38. et ea, quæ est in Pisonē, in qua Rempubicam lanistæ comparat, quia Gabiniū & Clodium, tanquam lanista suos gladiatores, pugnantem spectaret, et utriusque interitū, quia malum utrumque ciuem nosset, ita cuperet, ut lanista duorum gladiatorum, quos male se gerentes uideret.

II.

FRUGALISSIMVM] Quia dixerat, nequissimos, cōtrariū contrario reddidit. Et respexit ad pecuniam: quia frugi homines egere non solent; quo spei minus est, in iudicio corrūpi posse. tales igitur reijciebat Clodius: retinebat minime frugales, idest egētes.

II.

VT appellantur,] Consilium iudicum ex triplici ordine constabat, senatoribus, equitibus, Tribunis ærarijs, (sic enim appellabantur: Varro) lege, quam Prætor tulerat L. Aurelius Cotta. Pedianus.

II.

AERATI.] Aere alieno obstricti. unde oberatus.

II.

TVI ciues] Athenienses. etsi ciuitatis beneficio ab Atheniensibus delato noluisse Atticum uti, Ne-
pos tradit. Respexit igitur non ad ius ciuitatis, sed ad

E

COMMENTARIVS

» Pomponij cognomen. Etiam infra 21: tuus, inquit, ille
» cuius Demosthenes in Philippicis orationibus enituit.

II.

XENOCRATEM] Hic testimonio dicto, cum ad aras, ut mos Græcorum est, iurandi causa accederet; una uoce omnes iudices, ne iuraret, reclamauerunt. In oratione pro Balbo, et apud Valerium Max.

II.

TABVLAS Metelli Numidici] Q. Metello, Quinti filio, Numidico, causam dicente de pecunijs repetundis, cum ipsius tabulæ circumferrentur inspiciendi nominis causa, fuit index nemo, ex illis equitibus Romanis grauissimis uiris, quin remoueret oculos, & se totum auerteret: ne forte, quod ille in tabulas publicas retulisset, dubitasse quisquam, uerū ne an falsum esset, uideretur. In oratione pro Balbo.

II.

ABIENS Consulatu,] Cum in concione Consulatum pridie Calendas Ianuarias deposuit. deponebant enim eo die.

II.

DOMVM reductus.] Eius frequentia meminuit his uerbis in oratione in Pisonem, 80: Quo quidem tempore is meus domum fuit è foro reditus, ut nemo, nisi qui mecū esset, ciuiū esse in numero uideretur.

II.

PRAECLARI Ariopagite,] Ironia. nā Ariopagite uere et religiose indicabant: at uero in Clodiano iudicio plerique iudices pretio sententias uenderunt.

II.

AD consilium.] Actum est in consilio iudicū,
num à senatu præsidium esset petendum, quo tutius
iudicare possent. omnes, præter unum, censuerunt.

II.

D A T V R negotiū magistratibus.] Ut præ-
sidium iudices habeant.

II:

ΕΩΕΤΕ] Homeri uersum usurpat, & Musarum
opem implorat, cum iudicij corrupti narratione, quasi
rem magnam, orditur.

II:

N O S T I Caluum,] M. Crassum, ut puto,
significat, tribus modis eum designans, primum à cal-
uitio, deinde ex Nanneianis cum appellat, postremo
cum dicit, Illum laudatorem meum, de cuius oratione
erga me honorifica ad te scripseram. nam laudatum à
Crasso Ciceronem, apparet in epistola, quæ ante proxi-
mam legitur. Surrexit, inquit, Crassus, ornatissimeq;
de meo Consulatu locutus est, ut ita diceret, se, quòd
esset senator, quòd ciuis, quòd liber, quòd uiueret, mihi
acceptum referre. Et quia Crassus Sylla Dictatore in-
gentes diuitias, congefferat, bonis proscriptorum paruo
pretio emendis; Nanneij autem proscriptorum è nu-
mero fuerunt, quorum bona à Crasso emptæ uerisimi-
le est, indeq; eum non mediocriter fuisse ditatum: per
iocum appellat eum ex Nanneianis: quasi dicat, Nan-
neiorum facultatibus ditatum. Nanneios autem Di-
ctatore Sylla prosriptos, & interemptos fuisse, cogno-
scitur ex libro, quem ad Marcum fratrem Quintus

E ij

COMMENTARIVS

Cicero scripsit de petitione Consulatus.

II:

ET eum ex ludo gladiatorio,] Veteres in magna seruorum multitudine habebant quos in ludo gladiatorio docendos, exercendosq; à lanistis, idest à magistris, curarent: quos deinde populo spectandos loco muneris exhibebant. ET EVM: non modo seruum, sed seruū ex ludo gladiatorio, hoc est ex omnibus uilissimum. nam alij colebant artes nobiliores, literas, musicen, picturam, et huiusmodi. CONFECIT TOTVM NEGOTIVM: Iudices corripit.

II:

INTERCESSIT, dedit.] Partim promisit se daturum, partim etiam dedit. Tale illud libro
» VI. 85. Adscribit, intercessisse se pro ijs magnam pecuniam. Et illud oratione II. in Antonium: Orabat Curio, ut te contra suū patrem, si sestertium sexages peteret, defenderem: tantum enim pro te intercessisse dicebat.

II:

SVMMO proposito periculo] Quia plenum forum erat seruorum.

II:

CATVLVS] Q. Lutatius Catulus consularis, quem Sylla Dictator optimum uirum appellauerat. Plutarchus in Pompeio.

II:

XXXI fuerunt,] Ergo iudices fuerunt in causa Clodij quinquaginta supra unum, totidem, quot in Milonis causa, in qua senatores indicarūt XVIII,

equites XVII, Tribuni aerarj XVI. hoc ex Pe-
diano.

12.

FACTVM esse sciebant,] Incestum Clo-
dij significat.

12.

CALVVM, & Plautum, & Spongiam,]
Iudicum cognomina: quos quasi per contemptum no-
minat: nam Caluus, & Plautus, & Spongia, cogno-
mina sunt à partibus corporis male affectis, & à vitijs
imposita.

12.

CVM religio, cum pudicitia] Religionē Clo-
dius polluit, cum ingressus est ed, ubi sacra Bonæ deæ vir-
gines Vestales celebrabant. pudicitiam violavit, quia in
ijs sacris adulteriū cū Pompeia commisisse suspicio erat.
hæc autē cōciderūt, quia violatas uli indices nō sunt.

12.

IVDICIORVM fides,] Quæ concidit
corruptis à Clodio iudicibus.

12.

SENATVS auctoritas concidisset,] Quo-
modo concidisse videtur senatus auctoritas? quia fa-
ctum nō est quod senatus censuerat, ut populus de Clo-
diano incestu indicaret.

12.

NVLLA in re consistere unquā sum passus:]
Omnibus in rebus ei sum aduersatus.

12.

DESPONSAM homini iam Syriam]

E ij

COMMENTARIUS

Propemodum senatus promiserat & desponderat Pisoni Syriam provinciam, ut eam anno proximo Proconsul administraret. Cicero contra pugnavit, & desponsam ademittit, cum diceret, non esse habendam eius rationem à senatu, cuius opera senatus auctoritas concidisset. nam per Pisonem steterat, quo minus rogatio ex senatusconsulto ad populum ferretur. ut pagina 8.

» Piso operam dat, ut ea rogatio, quā ipse fert, et fert ex
 » S. C. et de religione, antiquetur. Et pagina 9 : Piso
 » Consul lator rogationis, idem erat dissuasor.

12.

ABIECTVM] Quod uideret, in iudicio Clodiano uictam ueritatem improbitati cessisse.

12.

CONTENTIONIS,] In ipsa altercatione omnia, inquit, habere tum uim, tum uenustatem uidebantur : quæ nunc si à me perscriberentur, prorsus ut languida insulsaq; iacerent : itaque pauca narrabo.

12.

ἀγῶνα uos appellatis.] Atticū ut hominem Græcum agnoscit, quia diu uixerat Athenis, & ad cognomen respiciens.

12.

VNA plaga accepta] In Clodij absolutione.

12:

NE aut ignorando] Hoc membrum refertur ad illud, Neque dissimulandum : alterum membrum desiderari uidetur ; ut, quoniam duo proposuit, ignorantem, et timorem, sit quod utrique reddatur : idq; etiam postulat disiunctiua particula A V T.

12:

LENTVLVM,] Eum, qui cū Catilina cōiurauit, et in carcere necatus est. Salustius, Plutarchus.

12:

CATILINAM,] Ego ter absolutum Catilinā inuenio : crimine inter sicarios, ob necē M. Marij Gracidiani; ut apud Dionem libro XXXVII. de incestu, quōd Fabiam uirginem Vestalem stuprasset; ut apud Orosium libro VI. repetundarum ex Africa, ut apud Pedianum, Ciceronem, Q. fratrem de petitione Consulatus.

12:

PVLCELLVS puer] Ludit in formā, & cognomen Clodij : in formam, quia facie puellae similis erat, ut scribit Plutarchus in Cesare, et Cicerone : in cognomen, quia Clodius Pulcher, cognomine Claudiae familiae patritiae, appellabatur : erat enim & altera Claudia familia plebeia, in qua Marcellorum cognomina. adscriberem alia de Claudiorum gente : sed neque locus exigit, & reseruantur antiquitatum Romanarum libris. sic, Furor Pulchelli, dixit pag. 22.

12:

BAIAS] Baianas aquas : quo tum ualentinis, tum etiā lasciuiae causa frequentes conueniebant.

12:

FALSVM:] Aptius fortasse, SALSVM: ut ironia sit, hoc sensu : Salse uero Clodi, et peruenuste, opinor, tibi uideris dixisse, cum obiecisti, me ad Baias fuisse. uerum non sentis, quā hoc sit frigidum ? at concedo : salsum est, & acutum, quod in me coniecisti :

E iij

COMMENTARIUS

notasti perbelle mollitiem meam, quā balnea delicatus homo petierim. quid tum? conferamus nostrū uterque factum. Ego ad Baias, tu in operto fuisti: num quæ similitudo? nulla prorsus. nam mea mollities cum tuo scelere non uidetur esse comparanda.

12:

IN operto] Cum in intimam Cæsaris domum, ubi Vestales in operto sacra faciebant, muliebri uestitu penetraſti. Ita locutus est et paradoxorū V. cum eundem Clodium exagitans, Familiarissimus, inquit, tuus de te priuilegium tulit, ut, si in opertum Bonæ deæ accessisses, exulares. quo modo, igitur, tot legibus eiectus in exilium, nomen exulis non perhorrescis? Romæ sum, inquis: & tu quidem in operto fuisti.

12:

HOMINI Arpinati] Quasi semirustico. nam si homo Romanus ad aquas calidas iret, ferendum: si Arpinās, non item.

12:

A QVIS calidis?] Baianis. calidæ enim balnearum aquæ.

12:

PATRONO tuo,] Sorori tuæ. Patronū appellat, quia mulier potens, & amatorum gratia ualens, Clodium sepe non secus ac patronus defenderet. cuius etiam opera Sex. Clodium fuisse absolutum, legitur in oratione pro M. Celio.

12:

QVI Arpinateis aquas concupiuit.] Quæ me hominem Arpinatem, quem tu derides, sibi coniugem

optavit. Hoc Plutarchus in Cicerone.

12:

NOSTI enim marinas.] Cum stuprum a pi-
ratis passus es. De Aruspicum responsis.

12:

CVM Rex tui mentionē etc.] Q. Marcus Rex,
qui unam ē Clodij sororibus in matrimonio habuerat,
moriens in testamento nullā Clodij mentionē fecit. Clo-
dij autē fore sperauerat, ut hāres ab eo relinqueretur.

12:

DOMVM, inquit, emisti,] Omnino fuit hoc
Ciceroni inuidiosum: qui cum homo nouus esset, do-
mum emisset in Palatio, quæ P. Crassi fuerat uiri con-
sularis. idq; etiam ei Salustius obiicit in oratione. emis-
eam Cicero HS tricies quinquies, ut est in epistola ad
Sestium, fam. libro V. cum à P. Sylla, qui tum reus
erat, mutua uicies accepisset: quod Gellius refert libro
XII. capite XII.

12:

IVRANTI tibi non crediderunt.] Quia
cum Cicero iuratus, ut mos erat, testimonium in Clo-
dij reum dixisset, iudices tamen eum absoluerunt.
Pedianus de testium iureiurando.

12:

XXI iudices] II, qui te suis sententijs cōdēnarūt.

12:

XXXI,] Qui te, nūmis ante acceptis, absoluerūt.

12:

MISSVS est sanguis inuidiæ] Profuit no-
bis ad extinguendam inuidiam, uideri nostrum testi-

monium non ualuisse.

12.

SINE dolore:] Paruo meo dāno, haud magna mea mercede. & μεταφορικῶς dixit, sine dolore: quia bene habet, cū sanguis mittitur sine dolore agrotantis.

13.

FAVTORES illius flagitij] Illi ipsi, qui Clodium absolutum uoluerunt, nunc absolutionem pretio emptam confitentur.

13.

CONCIONALIS hirudo aerarij] Quae in concionibus nullum poscendi finem faceret, insatiabilis ut hirudo. et HIRUDO AERARII, quia omnis publica largitio, siue in plebem, siue in quē uelis alium facta, opes imminuit aerarij.

13.

COMESATORES coniurationis] Catilinæ consortes in coniuratione. quem supra gregem uocauit Catilinæ, pag. 9.

13.

GLADIATORIBVS] Cum munus gladiatorium significare uult, gladiatoribus, dicit, ut libro proximo, 22. Querit ex me, num consuessem Siculis locū gladiatoribus dare. & Philippica IX. item in epistola Asinij, libro X fam. & dare gladiatorium, Pedianus dixit, cum subintelligeret, munus.

13.

SINE ulla pastoritia fistula] Pastores, qui fistula scienter utantur, ita interdum delectant, ut, qui audiunt, influentem sensibus uoluptatem gesu signifi-

cent. At nos, inquit, populo ita chari sumus, ut ludorū, gladiatorumq; confessu mirandas ἐπισημασίας, idest significaciones daret, non ulla pastoritia fistula permo-
tus, sed amore, studioq; impulsus.

13.

AVLI filium:] L. Afranium: quem ad pe-
tendum sequentis anni Consulatum Pompeius trude-
bat. petijt autem, & obrinuit. bello civili, cum Petre-
io Legatus Pompeij fuit in Hispania. uictum, & post
impetratam ueniam arma inferentem Caesar interfe-
cit. AVLI FILIVM: sic appellat, opinor,
quodd pater nullo honore, nulla uirtute insignis fuisset:
» quasi per contemptum: Etiam infra, Auli, inquit, filius,
» quam ignauus, & sine animo. & 20:

13.

SED quibus &c.] Nummis.

13.

DETERIORIS histrionis] Histrioni si-
milis est M. Piso Consul, sed nō boni histrionis: est enim
cauillator genere illo moroso, quod etiam sine dicaci-
tate ridetur. pag. 7:

13.

DIVISORES] Qui populo pecuniam di-
uiderent, si Consulem Afranium creasset.

13.

CATONE, & Domitio] Affinitate con-
iunctis: nam Catonis sororem habebat Domitius in
matrimonio. Plutarchus.

13.

INQUIRI] Num domi diuifores haberet.

COMMENTARIVS

13.

CVIVSMODI diuifores haberent] Le-
gendum fortaffe, uel, CVIVSCVIVSMODI,
pro, qualescunque, quod honestis etiam de causis domi
possent diuifores haberi : & in epistolis, quæ familiares
dicuntur, lib. IIII. 53. ubi scriptum est, Cuiusmodi
res esset, libri sunt manuscripti, in quibus legatur, Cu-
iuscuiusmodi res esset: uel, CVIVSCVIVSMO-
DI, igitur legerem, uel, CVIVS DOMI: ut sit:
cuius magistratus domi diuifores habitarent, eum ma-
gistratum aduersus Remp. facere. nam & paulo an-
te, Consul suscepisse negotiū dicitur, & domi diuifores
habere. Et in huiusmodi uoce alibi quoque reperio fa-
ctam esse transpositionem literarum, indeq; similem
errorem fluxisse: ut in Oratore, Numerus non domo
depromebatur. HABERENT: habitarent,
apud magistratus: ut apud Plautum in Bacchidibus:
Quis istic habet? & Digestorū libro VII. titulo II.
Quidā Iberus, qui habet post horrea mea. sed Bessa-
rionis, & Canalcantis antiqua exemplaria, HABE-
TARENT.

13.

SIMVL cum lege Aelia iniit,] Tribunatum
iniit seruatis auspicijs ex lege Aelia.

13.

SOLVTVS est Aelia, & Fusia,] Cum
lex ferretur, omnes magistratus obnunciandi, idest
impediendi, potestatem habebant. obnunciatio autem
lege Aelia dabatur. ergo Tribunus pl. M. Aufidius
Lurco legem de ambitu laturus, ne obnunciatione im-

pediretur, solutus est à Senatu & Aelia lege, & Fusia, facto senatusconsulto, ut ij, qui obnuntiandi potestatem haberent ex Aelia lege, & Fusia, moram ne afferrent, quo minus de ambitu lex primo quoque tempore ferretur, qui obnunciasset, eum senatum existimare aduersus Remp. fecisse. Sed quæritur ab hominibus non imperitis; cum Lurco Tribunus Aelia lege solutus, quæ de auspicijs erat, obnunciationem non timeret, cur additum sit ET FUSIA. respondetur: quia senatus, quo maturius lex ferretur, sustulit non solum obnunciationem, sed etiam religionem eorum dierum, quibus ferri lex non poterat: cum certi dies essent, quibus legem ferri lex Fusia non sineret. itaque P. Clodius, ut leges & quas uellet, & quo tempore uellet, ferre posset; perniciofa rogatione tã Aeliam legem, quàm Fusiam sustulit. in cuius Tribunatum inuehens Cicero

- » in oratione pro Sestio, Mitto, inquit, eam legem, quæ
- » omnium religionum iura, auspiciorum, potestatum, omnes
- » leges, quæ sunt de iure, & de tempore legum rogandarû, una rogatione sustulit. & in Pisonem: Te
- » inspectante, & tacente, à P. Clodio, fatali portento prodigioq; Reipublicæ, lex Aelia & Fusia euersa est, pro-
- » pugnacula, muriq; tranquillitatis, atque otij.

13.

CLAVDVS homo promulgauit.] Cum ironia: quasi non bonum omen possit esse, cum legem claudus homo promulgat; idq; potissimum sit contra Aeliam legem, quæ auspicia tuebatur. Promulgare autem supra diximus quid significet.

13.

DILATA] Quia comitia plures dies abstulissent, visum est, ut ante lex ferretur.

13.

PRONVNCIAVERIT,] Promiserit se daturum. nam candidati nummos tribubus promittebant, si sibi, quem petebant, magistratum demandassent.

13.

HS ∞ ∞ ∞] Scutatos septuaginta quinque. sunt enim sestertii nummi.

13.

DEBEAT] Quotannis quasi tributū pendat.

13:

ἀποθέωσι] Ego meum Consulatum ita ornavi, atque illustravi præstantissimis rebus gestis, ut eum C. Curio recte ἀποθέωσι vocarit: quoddamquemadmodum clari viri magnis meritis in deorum numerum relati ἀποθέωσι consequuntur; ita ego mearum actionum amplitudine effeci, ut meus Consulatus, quasi numen quoddam, cum religione colendus esse videatur. sed vides ne Tite Pomponi, Consulatum nostrum, si homo turpissimus Afranius Consul factus erit, nō iam futurum ἀποθέωσι, sed fabulis illis simile, quæ de Saturno et Iove ne narrantur? quæ ut inanes, & fictæ parvipenduntur.

13:

FABAM nummum] Hic antiquos libros videro dissentire. Bessarionis exemplar, **FAMAM MIMVM**: Causalcatīs, **FABAM MIMVM**. ego, nec ita magna literarum mutatione, legendum pu

to, FABVLAM NVMINVM: ut ueteres fabulas significet, qualis illa de Ioue cycno, de Saturno expulso, de Minerua è capite Iouis orta, & huiusmodi, quibus poetæ suos libros referferunt. & recte FABVLAM NVMINVM: ut quoniam, ἀποθεώωσι, dixit, quasi ἀντίθετον referat.

13:

MINVS commode fiat:] Ne Quintus frater meus excandescat, quia Legatus cum ipso in Asiam ire nolis.

13:

IN prouinciam non sim profectus.] Consul cū in prouinciā Galliam ire posset, neglexit. 21: et in epist. fam. 60. 246: & orationū II. uol. 123: et III. 80.

13:

AMALTHEO] Attici gymnasio in Epeiro. supra muliebri genere dixit Amaltheā, 7. et ita gymnasium nominauit à multitudine librorum: quia capra Amalthea, quæ Iouem aluit, fabulosis poetarum carminibus celebratur, quodd altero cornu ambrosiam, altero nectar copiose fuderit. ergo uel à copia nomen indidit gymnasio, uel quodd legendis in eo libris animū pasceret suauissimo cibo, sicuti Amalthea suo prædulci lacte Iouem pauit: uel ab utraque causa.

13:

CONTENTI erimus,] Amaltheum tuū ornare uelles epigrammatis egregie de me scriptis. ego, quod mittam, nullū habeo itaque tuis cogemur cōtenti esse: nā & Chilius abest, & Archias de me nihil scripsit. Petierat enim Atticus, ut, si quid Archias de Ci-

COMMENTARIVS

cerone scripſiſſet, mitteret; itemq; , ſi quid Chilius. erat autem uterque poetica laude inſignis. Extat pro Archia luculenta oratio. de Chilio ſupra, pag. 5.

13:

GRAECVM poema] L. Lucullum Græcæ linguæ peritiſſimum fuiſſe, Plutarchus tradit, ut etiã historias græcæ ſcripſerit : de quibus pagina 19.

13:

AD Cæcilianam fabulam] Vereor, ne Lucullus, quoniam græcum poema pertexuit, nunc græcas etiã comoedias ordiatur Cæcilij poetæ comici exemplo : ut ab eo epigrammata expectare non debeamus.

13:

ANTONIO] Macedonia adminiſtrati. 6:

13:

GRATIAS egi :] Scripſi, gratiſſimũ mihi feciſſe, quod te, tuãq; negotia ex meis literis humaniſſime ſit complexus. In epiſt. fam. 62 :

13:

VINDICAVI.] Vltus ſum, quia tu quoque raro ad me ſcribis.

13:

CINCIVS] Hic Romæ Attici negotia curabat.

13:

FACERE] Conſtruere gymnaſium eiufdem nominis in Arpinati : de quo 23.

13:

MAGNA mihi &c.] Quintus Cicero iracunde ſcripſerat ad Atticum.

POST

14.

POST sortitionem provinciae,] Postquam ei
Asia provincia sorte obuenit. quo perspicuum fit, non
eo solum iratum fuisse Quintum, quia cum ipso Lega-
tus in Asiam Atticus ire nollet.

14.

VISVRVS] In itinere, quod in Asia haberet.

14.

A' DOMESTICIS] A' sorore tua: quæ
cum uxor sit Quinti fratris, animum illius iracundia
commotū sedare, tibiq; restituere & potuit, et debuit.

14:

INTEGRITAS, et magnitudo animi tui:]
INTEGRITAS: quod amicitiam cum fide
colas. MAGNITUDO ANIMI: quia tuis
commodis non inferuias.

14:

DOMESTICO'QUE] Filiam, filium,
uxorem significat.

15.

NEGLIGENTI esse. nō licet.] Quo ma-
gis tuum consilium desidero.

15.

PROPTER ambitionem] Ut honores con-
sequeretur.

15.

DIGNITATEM] Partem ex honoris
bus, quos gessi.

15.

QVOD una non estis,] In hoc munere ada-

F

ministrandæ Asiæ.

15. ILLA, quæ uiolata,] Vinculum illud affinitatis, quo coniunctus es cum Quinto fratre, non nihil uidetur esse laxatum: sed rursus astringetur, & in ueterem gratiam coibitis.

15. HAEC nostra] Amicitia, quæ inter nos est, quam sanctissime conseruauimus, eadem semper erit, semperq; à nobis religiosissime coletur.

15. COMMVTABILI] Propter equites à senatu alienatos.

15. NOSTROS equites] Quod & ipse, & Atticus erat ex ordine equestri.

15. QVAERERETVR.] Id enim ad equites pertinebat, qui cū senatoribus, & Tribunis aerarijs
 » lege Aurelia iudicabant. Infra, 22: Quid uerius, in-
 » quit, quàm in iudicium uenire, qui ob rem iudicandā
 » pecuniam acceperit? censuit hoc Cato. assensit sena-
 » tus. equites curiæ bellum.

15. ID] Quod senatus ita decreuisset.

15. NEQVE aperte dicere:] Ne, si quererentur, suam ipsi culpam proderent, & ideo queri uiderentur, quod acceptæ pecuniæ crimen ad eos pertineret.

15:

NON uerecunda] Quid enim impudentius,
quàm senatus æquissimum decretum reprehendere?

15:

DELICIAE] Accipiendum à contrario sen-
su. nã leuitatem, et impudentiam equitũ significat. 23:

15:

ASIANI,] Asiæ publicanĩ, idest equites :
nã omnes publicanorum societates ex ordine equestri.

15:

DE Censoribus conduxerunt,] A' Censoribus
conduxerunt Asiæ uectigalia . nam locandorum ue-
ctigalium cura penes Censores erat. & est perelegans,
& usitata locutio, qualis illa ad Sestium, Ego de Cras-
so domum emi.

15:

PERSPECTA,] In eã partem, ut equi-
tum ratio duceretur. quod tamen factum non est, Ca-
tone contra acerrime pugnante . & ut dicam, quod
mihi in mentem uenit, in eas causas inspicienti, quibus
afflicta Respublica concidit : ex hac primum radice
enatum ciuile bellum uidetur . cũ enim urbs Roma ex
tribus ordinibus, senatu, equitibus, & plebe constaret:
duobus ordinibus libertatem tuentibus, nulli unquam
improbo ciui satis firmæ uires ad opprimendam Rempu-
blicam fuissent . itaque in oratione IIII . in Catili-

» nam, hanc, inquit, cum equitibus Romanis coniunctio=
» nem si perpetuam in Rep. tenuerimus ; confirmo uo=
» bis, posthac malum ciuile, ac domesticum ad. nullam
» Reip. esse uenturũ partem . Hoc uir prudentissimus

F ij

non uidit Cato : qui animo optimo & summa fide u-
tens, dum ærarium nimis pertinaciter defendit, equites
à senatu alienauit . ita duorum ordinum disiuncta
concordia, euersum est quod erat summum Reipublicæ
firmamentum. at Cæsar, qui ad tyrannidem specta-
ret, in Consulatu suo auide occasionem amplexus, equi-
tum, qui à senatu nihil adhuc impetrabant, causam
suscepit, effecitq; , ut tertia debitæ pecuniæ parte se-
natusconsulto leuarentur . quo facto equestrem ordinem
sibi adiunxit : (& iam antea plebem tenebat) unde
imminutæ senatus opes, & res omnis publica ad tres
uiros, Cæsarem, Pompeium, Crassumq; translata . ubi
sunt, qui, cum eloquentiam in Cicerone laudarunt, ut
imprudentem, atque etiam, si dijs placet, ut pernicio-
sum patriæ ciuem insimulant ? scilicet ea, quæ consecu-
ta sunt, non uidit, imo uero & uidit, & , ne accide-
rent, etiam prouidit . non ille senatui auctor fuit, ut
equitibus, & si non æqua postulantiis, tamen concor-
diæ causa consuleretur ? non agrarijs legibus restitit ?
cum id agi uideret, ut populus beneficio uinctus, à qui-
bus agros accepisset, ad eorum arbitrium leges malas
ferret, ueteres bonas abrogaret. nō Pompeium monuit,
primum ut societatem cum Cæsare ne coiret, deinde ne
dirimeret ? quoties ille in his epistolis proximam Reipu-
blicæ calamitatem non falsus uates canit ? quoties que-
ritur de auaritia magistratuum, de uitijs principum,
de stultitia bonorum ? illum ipsum, quem tanti facie-
bat, quem omnes historiæ prædicant, Marcū Catonem .
» in Republica peccantem reprehendit . Orbis (inquit
» 28.) in Republica est conuersus, citius omnino, quàm

potuit. id culpa Catonis. Culpam autem intelligit eā,
 quia equites à senatu disunxerat. quod ipsum officio=
 rum III. aperte declarat his uerbis : Ego cum Cato=
 ne meo saepe diffensi : nimis enim mihi uidebatur prae=
 fraete arariū, uectigaliaq; defendere, omnia publica=
 nis negare, multa socijs ; cum in hos benefici esse debe=
 remus, cum illis sic agere, ut cum colonis nostris solere=
 mus ; eoq; magis, quod illa ordinum coniunctio ad sa=
 lutem Reipublicae pertinebat. Et in epistola ad Len=
 tulum : Dignitatem illam consularem, fortis et constan=
 tis senatoris, nihil est quod cogitemus : amissa est cul=
 pa eorum, qui à senatu & ordinem coniunctissimum,
 & hominem clarissimū abalienarunt. Hoc igitur,
 si ad rerum exitum spectamus, grauissimum Catonis
 peccatū in Republica fuit : alterum, quia Pompeij af=
 finitatem contempsit ; ut ipse dicebat, Reipublicae cau=
 sa ; ne quando Pompeium minus recta cupientem aut
 adiuuare contra legum religionem, aut oppugnare con=
 tra ius affinitatis cogeretur. sed illud non uidit, infrin=
 gi posse popularium ciuium exitiosam potentiam, tanti
 uiri opibus ad senatus auctoritatem adiunctis. cumq;
 in uno Pompeio, utram in partem se dedisset, ma=
 gnum esse momentum uideretur : fuit praecauendum,
 ne alienatus à senatu, ad eos se conferret, cum quibus
 postea coniunctus popularem Caesaris causam firmavit,
 publicam euertit. perdidit igitur Rempublicam Cato
 non minus, quàm Pompeius, aut etiam quàm Caesar :
 si quidem euentorum causae nō minus, quàm ipsa euen=
 ta, considerantur. repudiatus enim à Catone Pompe=
 ius, filiam Caesaris Iuliam duxit uxorem. inde in Re=

COMMENTARIVS

publica nihil iure actum, nihil more, cuncta ad gratiā administrata, socero & genero sibi inuicem suffragantibus. Hæc uisum est ut subicerem, aliena fortasse à proposito, sed pangebam Rhamberto meo, petenti ut in his commentarijs sumptam grammatici personā quādoque deponerem. cui si satisfactum est, ex illius iudicio satis uberem capio fructum industriæ meæ. deinde sexcenti reprehendant, non laboramus.

15:

METELLVS.] Q. Cæcilius Metellus Celer, Consul designatus anno legitimo: Prætor enim fuerat Cicerone Consule, idest biennio ante: quod erat spatiū inter Præturā & Consulatum legibus cōstitutū.

15:

QVI erat dicturus,] Ego pro QVI non dubito quin legendum sit DIV. nam quia Catonis consuetudinem norat, diutius eum pro ærario contra equites dicturum non ignorabat. Ita locutus est & M. Cælius in epistola quadam: Renunciatum nobis erat, Hirum diutius dicturum. prendimus eum: non modo non fecit, sed cum de hostibus ageretur, & posset rem impedire, si ut numeraretur, postularet, tacuit. Solebat autem hoc Cato, ut, cum quid in senatu perficī nollet, diem dicendo eximeret. Valerius libro II. cap. V.

15:

A' ME conglutinatam concordiam.] CONCORDIAM equitū, et senatus. CONGLUTINATAM autem in Consulatu. 16: 22:

15:

IST A sunt infirma,] Meum praesidium est concordia senatus & equestris ordinis. sed quoniam ea minus firma est, munio me amicitia Pompeij.

15:

VIDEO, quid dicas.] Dicis, cauendum mihi esse, ne Pompeij causa de instituto actionum optimarum cursu defleam. sed noli laborare: cauebo, quae sunt cauenda.

15:

DVO enim soli] Ratio, cur Luceius, cum disferre Consulatus petitionem antea cogitasset, postea, statim petere, animum induxit. nam cum duos modo sibi fore competitores uideret, M. Calpurnium Bibulum, C. Iulium Caesarem; maiorem spem nactus est adipiscendi Consulatus. multis autem competitoribus, petere ipse non esset ausus, qui se non ita gratiosum esse in suis fragijs intelligeret.

15:

CV M eo coire] Cum eo societatem inire contra Bibulum. Luceium enim Caesar collegam malebat in Consulatu; ut qui non dubitaret, Bibulum optime de Republica sentientem suis actionibus aduersaturum. itaque (ut Suetonij uerba recitemus) è duobus Consulatus competitoribus, L. Luceio, Marcoq; Bibulo, Luceium sibi adiunxit, pactus, ut is, quoniam inferior gratia esset, pecuniaq; polleret, numos de suo communi nomine per centurias pronunciaret. qua cognita re, optimates, quos metus ceperat, nihil non ausurum eum in summo magistratu concordii & consentiente collega;

F iij

COMMENTARIUS

auētores Bibulo fuerunt tantundem pollicendi, ac ple-
rique pecunias contulerunt, ne Catone quidem abnuen-
te eam largitionem è Republica fieri. igitur cum Bi-
bulo Consul creatus est.

15.

PER Arrium] Arrij opera, qui erat utrique
familiaris.

16.

CUM hoc] Cum Luceio, ad Cæsarem Consu-
latu deiiciendum.

16.

POSSE] Quasi difficile esset.

16.

MOLESTE rogo,] MOLESTE re-
fertur ad personam legentis, id est, cū molestia tua: quo-
modo etiam dixit Terentius, Quorum opera suo quis-
que tempore usus est sine superbia. non enim intelligit,
sine superbia eos fuisse, qui usi sunt, sed eos, quorū ope-
ra quisque usus est.

16.

ABEST] Asia. n. Propratore administrabat.

16.

AMANTISSIMVS.] De fratre dictū,
non de Metello. est igitur apponenda nota, quæ perio-
dum claudit.

16.

METELLVS] Consul: qui in consuetudi-
ne ita non hilari esset, ut homo nō uideretur, sed litus,
atque aer, & solitudo mera. Et apparet, hunc Cice-
roni amicissimum fuisse, cum unū nominet ex tot ami-

corum numero. 17. 18. 22 :

16:

EXHAURIRE] Effundere ex animo meo,
ut deinde me non angant.

16:

QUANQVAM animus &c.] Mihi quidam animus nō deest in administranda Republica: sed quia diutius eam uideo stare non posse, spē destitutus quotidie minus curo.

16:

FABVLAE Clodianæ:] Quid propter sceleris nouitatem non minus nota res esset, quàm quæuis fabula.

16:

EMPTO, constupratoq; iudicio.] EMPTO: quia indices accepta pecunia Clodium nocentem absoluerunt. CONSTUPRATO: quia noctes certarum mulierum, atque adolescentulorum nobilium introductiones non nullis iudicibus pro mercedis cumulo fuerunt.

16:

IMPOSITVS] Quasi onus inuitis. L Afranium intelligit. 17 :

16:

DE ambitu,] Ut, qui nūmos in tribu pronuntiasset, si nō dedisset, impune esset; sin dedisset, ut, quoad uiueret, singulis tribubus HS tria millia deberet. 13.

16:

DE iudijs,] Ut quæreretur de ijs, qui ob rem indicandam pecuniam acceperant. 15.

COMMENTARIVS

16:

NVLLA lex perlata.] Cum & de ambitu, & de iudicijs factum esset senatusconsultum, et ex senatusconsulto promulgatum esset; Tribuni pl. intercesserunt, quo minus lex ferri posset. in quo Respublica magnum vulnus accepit.

16:

EXAGITATVS senatus,] A' Tribunis pl. seditiose concionantibus.

16:

ALIENATI] A' senatu: quia decreuisset, ut quaereretur de ijs, qui ob iudicandum acceperant. 15.

16:

ILLE annus] Proximus superior, Consulibus Pisone & Messalla.

16:

DVO firmamenta Reip.] Senatus auctoritatem, & ordinum concordiam.

16:

PER me unū constituta] In Consulatu. nam
 » in epistola ad Lentulum, Tenebam, inquit, memoria,
 » nobis Consulibus ea fundamenta iacta Calendis Ianuarijs confirmandi senatus, ut neminem mirari oporteret,
 » Nonis Decembribus tantū uel animi fuisse in illo ordine, uel auctoritatis. Hoc primū fuit Reipublicæ firmamentum, à Cicerone constitutū. ad alterū quod attinet, idest ad ordinū concordiam: legimus, & notauimus, quod oratione IIII. in Catilinam scriptum est
 » his uerbis: Quid ego hic equites Romanos commemorē? qui uobis ita summa ordinis, consilijq; concedunt,

- „ ut uobiscū de amore Reipublicæ certent : quos ex mul-
 „ torum annorū dissensione huius ordinis, ad societatem,
 „ concordiamq; reuocatos, hodiernus dies uobiscum, atque
 „ hac causa coniungit. quam coniunctionem si, in Con-
 „ sulatu confirmatam meo, perpetuam in Republica re-
 „ nuerimus : confirmo uobis, posthac malum ciuile ac do-
 „ mesticum ad nullam Reipu. esse uenturum partem.
 „ Et in epistola, quæ superiorem prima antecedit : Sta-
 „ tum illum Reipublicæ, quem tu meo consilio, ego di-
 „ uino confirmatum putabam, quī bonorū omnium con-
 „ iunctione, & auctoritate Consulatus mei fixus et fun-
 „ datus uidebatur ; nisi quis nos deus respexerit, elapsū
 „ scito esse de manibus. Et in prima sequētis libri : Equi-
 „ tatus ille, quem ego in cliuo Capitolino, te signifero ac
 „ principe, collocaram, senatum deseruit.

16:

ABIECIT,] Quo modo senatus auctoritas
 abiecta ? quia factō senatusconsulto de ambitu, & de
 iudicijs, nulla tamen lex perlata. nam cum ex senatus-
 consulto promulgata rogatio esset, intercedentes Tribu-
 ni pl. impedierunt. quo planum factum est, haud ma-
 gni senatus uoluntatē aestimari. ORDINVM :
 equitum, et senatus. 15.

16:

INSTAT] Adest: quale illud in Pisonem,
 Instant magnificentissimi ludī. et in Catilinā : Confi-
 do poenā aut instare iā plane, aut certe appropinquare.

16:

EGREGIVS.] εἰς οὐρανὸς. quasi egregius
 non possit esse Afranio Consule. 17.

COMMENTARIVS

16:

IVVENTVTIS] Dea, quæ iuuentuti præ-
esse creditur : quæ et Iuventas dicta . unde in libro de
claris oratoribus ludi Iuuentatis à Salinatore facti . hæc
sacra à iuuenibus instituta, Festus tradit.

16:

NON committerentur :] Dictum eodem sen-
su, quod ludos committere . quod infra suo loco exponetur.

16:

SVIS sacris] Sacris Iuuentutis, quibus ipse
præesset.

16:

INITIAVIT.] Argute : nam cum, ui-
tiauit, dicturus esset, iocans in literarum mutatione intu-
lit, initiauit, ne discedere uideretur à sermone de sacris
instituto.

16:

MENELAVS] Lucullus, uitiata mulieris
uir, ut Helena Menelaus.

16:

ILLE pastor Idæus] Stuprator Helena Paris,
à pastoribus in Ida monte educatus, pastorq; ipse diu
creditus.

17.

TAM Menelaum, quàm Agamemnonem]
Tam Marcum Lucillum, quàm Lucium eius fratrem.
Paris, inquit, ille Troianus solum Menelaum affecit in-
iuria, fratrem eius Agamemnonem separatim nulla re
laxit : noster autem Paris Memmius tam Menelaum con-
tempnit, quàm Agamemnonem ante contempserat : idest,

qui ante Lucio Lucullo iniuriam fecerat, idem nunc
 Marcum eius fratrem non dubitavit offendere. sed de
 iniuria in Lucium illata, quaeret aliquis, unde hauriam.
 unde, nisi ex historiae fonte? Plutarchus in Lucullo,

- ἄναβας, ἰνκνιτ, εἰς ῥώμην, πρῶτον μὲν κατέλαβε τὸν ἄδελ
 φον μάχκον ὑπὸ γαίτου μεμμίου κατηγορούμενον ἐφ' οἷς ἐπρε
 ξε ταμιδῶν σύλλα προσάξαντος. ἔκκενον δ' ἀποφυγόντος,
 ἡδὲ τοῦτον αὐτὸν ὁ μέμμιος μεταβαλλόμενος, παρώξυνε
 τὸν δῆμον, καὶ ὡς πολλὰ νεοσφιμένῳ, καὶ μηκύναντι τὸν
 πόλεμον, ἔπειτεν αὐτῷ μὴ δοῦναι θρίαμβον. ἐλθόντος
 δ' εἰς ἀγῶνα τοῦ λουκούλλου μέγαν, οἱ πρῶτοι καὶ δωατά
 ταιοι καταμίξαντες ἐκντοὺς ταῖς φυλαῖς, πολλὴ δ' εἴσει
 καὶ πονοδῆ, μόλις ἐπεισαν τὸν δῆμον, ἐπιτρέψαι θρίαμ
 βῶσαι. Et in Vticensi: λούκουλλος ἐπανελθὼν ἐκ
 τῆς στρατείας, ἧς ἐδούξε τὸ τέλος καὶ πλὴν δούξαν ἀφῆκε
 πομπῆος, εἰς κίνδυνον ἦλθεν τοῦ μὴ θριαμβεῦσαι, γαίτου
 μεμμίου κατασασιάζοντος αὐτὸν ἐν τῷ δήμῳ, καὶ δίκας
 ἐπάγοντος.

17.

- LIBERVM non putavit.] Nihili fecit, li=
 beri hominis loco nō habuit. ut illud libro III. in Ver=
 rem: Superbia qua fuerit, quis ignorat? quemadmo=
 dum is tenuissimum quēque contempserit, despexerit,
 liberum esse nunquam duxerit.

17.

NUMMOS vobis diuidere] Nummos in
 uestra tribu uiritim diuidere. In Plauti Aulularia ma
 gister curiae argentum diuidit in uiros.

17.

TRADVCIT:] Ut adoptione plebeius

COMMENTARIUS

fiat . nam quia Tribunatus plebis patritio homini non dabatur, ideo Clodius, qui patritiae gentis erat, ad plebem transire adoptionis iure cogitabat: ut deinde Tribunus factus, Ciceroni diem ad populum diceret, quod ci-
 22 ues Romanos contra leges occidisset . Infra, Hæc sunt
 22 in Rep. nisi illud etiam ad Remp. putes pertinere, He-
 22 rennium quendam, Tribunum plebis, tribulem tuum,
 22 sæpe iam de P. Clodio ad plebem traducendo agere co-
 22 pisse. huic frequenter interceditur.

17.

SUFFRAGIUM de re Clodij ferat .]

Suis suffragijs comprobet adoptionem Clodij. quod an-
 no proximo Caesaris Consulis opera factum est . de quo
 22 Suetonius : Cicerone in iudicio quodam deplorante
 22 temporum statum, P. Clodium inimicum eius, frustra
 22 iampridem à patribus ad plebem transire nitentem, eo-
 22 dem die, horaq; nona traduxit . Vide Gellium de
 iure adoptandi, & arrogandi, libro V. Cap. XIX.

17.

ACCEPI in senatu, ut soleo :] Exagitavi
 in senatu, ut soleo huiusmodi homines . IO : 12.

LENTIVS : ignavius, & tardius.

17.

HABERE dicit causam promulgatam .]

Bessarionis antiquus liber, HABET DICIT: Ca-
 ualcantis, HABET VT DICIT. in antiquis li-
 bris HABERE ego quidem nondum uidi . itaque
 quod mendosum esse potest, id ut exponam non labo-
 rabo . putavi aliquando sic posse corrigi : AB RE
 DICIT CENSVM PROMVLGATVM:

hoc sensu : Metellus ait, sine causa censum promulgatum : id est, propositum esse decretum senatus, ut comitia Censorum Consules haberent, quo census haberi posset. in quo imminuit auctoritatem suam : indicat enim cupiditatem Censuræ. dum Consul est, Censores creari nolle ; uellet, cum è magistratu exierit ; ut creari tum ipse possit. confirmat nostram sententiam quod est in epistola clausula de censu promulgato : et quod est pagina 20 : de eiusdem Metelli cupiditate triumphandi. potest etiam sic : AVET, VT DICIT : in quo Metellus suam imminuebat auctoritatem, qui promulgatum iri ab Herennio causam Clodianam cuperet, ut pugnare posset : cum illud idem de Clodio diceret, quod antea solitus esset, sua se manu, si fureret, interfecturum. hoc autem ab eo dici solitum, legitur in oratione pro M. Celio, pag. 50. AVET autem cum H scriptum ab antiquis, ex uetustis lapidibus apparet. fit igitur mutatio nulla : siquidem Q B pro V in iisdem lapidibus incisam obseruauimus, ut baleas pro ualeas.

17.

AVLI autem filius,] Alter Consul L. Afranius Auli filius. 13.

17.

QVI Palicano] Quem Palicanus, sicut facit, quotidie probris maledictisq; uexet. De Palicano in epistola I.

17.

AGRARIA] Lex de agris pag. 18.

COMMENTARIVS

17.

PROMVLGATA est] Proposita : ut
intercedat, qui uelit; nemine intercedente, ad populū fe-
ratur. A FLAVIO: Tribuno plebis. LE-
VIS: minimi ponderis, quod in ea populare nihil
sit. 18.

17.

PLOTIA.] Legis Plotiae, huius opinor, apud
Suetonium, & Gellium mentio : & alterius Plotiae le-
gis de ui, apud Asconium, Celiū, Ciceronem. sed
hanc, Flauiae quam comparat, puto nō perlatam, quod
& ipsa, leuis ut Flauia, populare nihil haberet.

17.

QVI poterat,] Cui propter opes, et auctori-
tatem maximis rebus partam, licebat tueri Rempubli-
cam, is silet.

17.

TOGVLAM illam pictam] Ludit in ue-
stem Pompeij triumphalem : qua, illi concessum est, ut
certis diebus uteretur. auctor Dion libro XXXVII.
et Paterculus libro II. sensum explanemus. Pompeius
Remp. non curat, neque ijs aduersatur, quibus debe-
ret : quæ sita gloria contentus, uerbum contra quenquā
facere non uult : tacitus fruitur inani gloriola pictæ
togulæ. Toga picta imperatores ufos in triumphis, Ca-
pitolinus docet in Gordiano.

17.

PISCINAS suas] L. Lucullum, Q. Hor-
tensium designat, homines consulares, magnaq; prædi-
tas auctoritate : itemq; L. Philippum : qui non consu-
laris

laris, erat tamen eloquentia, gravitate, honore florentissimus civitatis. hi piscinis ita delectabantur, ut omnē de Republica curam uiderentur abieciſſe: qui non intelligerēt, amiſſa Republica nec ſuas piſcinas ſalvas eſſe poſſe. hos appellat piſcinarios 18: 20. et libro 11. 22:

- » Noſtri, inquit, principes digito ſe cœlum putant attingere, ſi muli barbati in piſcinis ſint, qui ad manū accedant. & eodem libro 28. Si erit nebulo iſte cum hiſtinaſtis in gratia, non modo de Cynico conſulari, ſed ne de iſtis quidem piſcinarum Tritonibus poterit ſe iactare. Plura Plinius, Plutarchus, Macrobius, Varro.

17.

RESPONSVM] De locatione Aſianorum ueſtigalium. 15:

17.

PATITVR.] Diem enim dicendo eximit. ita res non perficitur. quod anno ſequenti facere contra rem Caſar Conſul prehendi, & in carcerem duci iuſſit. Gellius, Suetonius, alij.

17.

NIHIL decernere] Eſt enim prius explicanda publicanorum cauſa: quam Cato uetat ad exitum perducī.

17.

ETIAM legationes] Puto fore, ut legationes audiri non poſſint menſe Februario, ſed ut in aliud tempus reiſciantur, dum, quod agitur, de publicanis expeditur. Februarius autem menſis legationibus audiendis dabatur. Ad Quintū fratrem, in epiſt. fam. Pedianus.

G

17:

NE absens censeare,] Dicam te uenturum, ne
Censores absentem censeant.

17:

S V B lustrum] Paulo ante lustrum: quod fie-
bat omnibus iam census. Liuius libro I. Seruius Tullus
censu perfecto, instructum exercitum omnem sue, oue,
taurisq; tribus lustrauit: idq; conditum lustrum appel-
latum, quia in censendo finis factus est. sub lucem,
Virgilius dixit: sub horam pugnae, Suetonius: pro,
paulo ante. GERMANI NEGOTIA-
TORIS: quia negotiatores peregrinabantur: &
quanquam censum audirent Romae promulgatum, re-
ditum tamen quam maxime poterant differentes, qui
a sua re admodum egre diuellerentur, non nisi sub lu-
strum ueniebant, ciuibus ferè omnibus iam census.
GERMANI, ueri, nimium cupidi, & in lucello
supra quam satis est occupati. unde, Germana ironia,
germana patria, germani Campani, & huiusmodi
apud Ciceronem.

17:

QVOD tu soles facere] Qui hebes in literis
non sit, intelliget, opinor, aut subesse mendum in hoc
membro, aut in eo, quod huic proximū antecedit, abun-
dare T A M. restituerem sic, diuinationi si locus esset:
Si tam breues epistolas uelim mittere, quam tu soles;
facile te superarem. SCRIPTO: sunt qui re-
ponant SCRIBENDO, ex ingenio scilicet: nam
antiqui libri, quos quidē ego uiderim, SCRIPTO.

17:

GALLICI belli uersatur merus.] Hedui et Sequani bellum inter se gerebant. sed quoniam Hedui fratres populi Romani; propterea de exitu belli Romæ timebatur; tum, quodd, Heduis uictis, summum erat periculum, ne gens bellicosa in Italiam irrumperet. Cæsar libro I. pag. 10.

17:

FRATRES nostri] Senatus, cognita Hedui fide, fratres, consanguineosq; sepe numero appellauerat. Cæsar, Plutarchus, Strabo, Tacitus.

17:

PUGNANT] Cum Sequanis. ad extremum Sequani, Germanis mercede conductis, uictoria potiti. Cæsar.

17:

HELVETII] Quibus anno proximo superiore Orgetorix persuaserat, ut de finibus suis cū omnibus copijs exirēt: perfacile esse, cū uirtute omnibus præstarent, totius Galliæ imperio potiri. Cæsar initio lib. I.

17:

PROVINCIAM] Allobroges, provinciam populi Romani.

17:

CONSVLES] Afranius, et Metellus: ut citeriorem Galliam tuerentur, ulteriorem bello peterent.

17:

VACATIONES ne ualerent:] Oclaua in Antonium, Grauius, inquit, esse tumultum, quā bellum, hinc intelligi licet, quodd bello Gallico uacatio-

G ij

» nes ualent, tumultu non ualent.

17:

CVM auctoritate] Qui statuerent, quod ipsis
è Republica uisum esset. nam erat quandoque legatio=
num genus sine auctoritate, duntaxat cum mandatis.

17:

Q. METELLVS Creticus,] Qui Consul
fuerat cum Q. Hortensio, et Cretici cognomen assum=
pserat à Creta deuicta. Pedianus in Pisonem.

L. FLACCVS: qui Prator fuerat Cicerone Cõ=
sule. Salustius, Cicero, Plutarchus. τὸ ἐπὶ τῇ φά=
σιν μύθον: quasi dicat: duobus clarissimis uiris, Metel=
lo consulari, & Flacco pratorio nō recte Lentulus, qui
nullis honoribus commendetur, additus est tertius. Pro=
uerbium hoc apte usurpatur, ubi dissimilia commiscen=
tur. quid enim unguento cum lente? Gellius libro
XIII. cap. XXVIII.

18.

CVM hæc domi nascantur?] Quid. n. alio=
rum laudationes expectem, cum tantopere lauder à se=
natu? et quasi se excusat, quia dixerat, Nos duo quasi
pignora Reipublicæ: quid enim, inquit, externos lau=
datores expectem? Cum sermo habetur ijs de rebus,
quas in nostra potestate sitas alij sine causa suppeditāt,
recte usurpamus, Nobis nascuntur ista domi.

18.

AGITABATUR] Valde Flavius la=
borabat de agraria lege perferenda: nihil non ten=
tabat.



18.

AUCTORE Pompeio :] Qui agros diuidi uolebat ijs, qui sub ipso militauerat. Dion lib. XXXVII.

18.

POPVLARE,] Quod populo ualde placeret. 17.

18.

PRAETER auctorem:] Praeter Pompeiū : quem populus diligebat.

18.

SECUNDA concionis uoluntate] Quod sine summa eloquentia fieri nō poterat, ut populus contra sua commoda concionanti assentiretur.

18.

TOLLEBAM] Tria capita dicebam & probabam non recte in lege esse posita.

18.

LIBERABAM] Persequitur ea capita, quae tollebat ex lege. LIBERABAM : eximebam ē lege : possessoribus relinqui uolebam. Flavius autem in lege tulerat, ut priuatis ademptus diuideretur populo Romano ; priuatis tantū pecuniæ redderetur, quantum pro eius agri emptione numerassent.

18.

P. MVTIO, L. Calpurnio Coss.] Quo anno Tribunus Tiberius Gracchus legem agrariā tulit.

18.

PUBLICVS fuisset :] His enim Consulibus eum agrum senatus priuatis uendiderat : ut post eos Consules publicus ager non fuerit.

G iij

COMMENTARIVS

18.

SYLLANORVM hominū possessiones]
Victor Sylla donauerat amicis suis eorū agros, qui Ma-
rium secuti contra ipsum arma tulerant.

18.

CONFIRMABAM] Syllanis possiden-
tibus eripi nolebam.

18.

PUBLICARAT,] Quia Mariū inuissent.

18.

NEQVE diuiserat,] In epist. fam. 203.
» Volaterrani, inquit, Syllani temporis acerbiter sub=
» terfugerunt benignitate deorum immortalium : sum=
» moq; studio populi Romani à me in Consulatu meo de=
» fensi sunt. cum enim Tribuni pl. legem iniquissimam
» de eorū agris promulgassent ; facile senatui , populoq;
» Romano persuasi , ut eos ciues , quibus fortuna peper=
» cisset , saluos esse uellent.

18.

IN sua possessione] Nam in lege Flauius po=
suerat, ut, quando eorū agri à Sylla publicati fuerant,
publice diuiderentur.

18.

VNAM rationem] Vnum illud caput Cice=
ro probabat, de pecunia ex nouis uectigalibus cogenda:
quo tamen in capite non nihil à Flauio dissidebat . ille
enim eam pecuniam pro agro priuatis adempto nume=
rari uolebat, agrum illum fieri publicum, & populo di=
uidi, aut minimo locari : (id enim fieri solitū , scribit
Plutarchus in Tiberio) Cicero autem ea pecunia alios

agros populo emi, priuatis autem suis possessiones conseruari. ita & populo satisfacibat, & priuatorum commodo consulebat.

18.

Ex nouis uectigalibus] Non ex omnibus, (nimum enim id fuisset) sed ex nouis. quæ autem erant noua uectigalia? bello scilicet proximis annis quæsitæ, nationibus maxime per Cn. Pompeium in populi Romani potestatem redactis. Plutarchus hæc tradit: cum tributa, quæ Reipublicæ pendeantur, quinquagies decies centena millia fuissent, ex Pompeij uictorijs aucto imperio facta esse octuagies & quinquies decies centena millia.

18.

PER quinquennium] Per tot enim annos uectigalia locabantur.

18.

POMPEIO] Quo auctore lex ferretur.

18.

AGRARIORVM] Hominum de plebe, qui agros cuperent ad egestatem depellendam.

18.

NOSTER exercitus,] Hæc est manus fautorum meorum. infimi enim et pauperes, ut rerum nouarum cupidi, Ciceronem haud omnes amabant, quem scirent in Consulatu acerbissimum iis fuisse, qui res nouas quæsierant. locupletes contra in oculis ferebant, cuius uigilantia sublatam coniurationem intelligerent, quam egentes & perditii ciues diuitum fortunis insensu fecissent.

G iij

COMMENTARIVS

18.

SENTINAM urbis exhauriri] Cum ho-
mines sordidi migrarent in eos agros, quos pecunia pu-
blica emptos acceperant.

18.

BELLO,] Timore Gallici belli, maximeq;
Heluetiorum.

18.

REFRIXERAT.] Omissa fuerat.

18.

ILLE alter] Alter Consul L. Afranius.

18:

AD plebem traducendo] Ne idem iteremus,
vide supra, 17.

18:

INTERCEDITVR.] Legem promul-
gauerat de Clodio adoptando. ei legi intercedebat alij
Tribuni.

18:

VT opinor,] Præter hæc opinor, inquit, nihil
est, quod ad te scribam de Republica.

18:

ILLARVM Nonarū Decembrium] Quo
die supplicium sumpsit de coniuratis. Pro Flacco : O
Nonæ illæ Decembres, quæ me Consule fuistis : quem
ego diem uere natalem huius urbis, aut certe saluta-
rem appellare possum.

18:

DISIVNGI,] Primum, quod moleste tu-
lissent factum esse senatusconsultum, ut de ijs, qui ob

iudicandum pecuniam accepissent, quaereretur : deinde, quod non impetrassent de inducenda locatione Asianorum uectigalium. 17.

18:

PISCINARIOS] Piscinarum studiosos Hortensium, & Lucillum : uterque enim Attici amicus, Hortensius etiam familiarissimus : ut 39 : & Nepos in uita.

18:

FIRMIORA praesidia] Cum disjungi uiderem senatus & equitum concordiam ; quod mihi speraueram fore firmissimum praesidium ; (si quidem eorum sententias, auctoritatemq; secutus, in perditos ciues animaduenteram : ut ex ea re si qua unquam in me Tribunitia tempestas oriretur, senatus & equites pro mea salute pugnaturi uiderentur) ad alia praesidia conuersus, coniunxi me cum Pompeio, & in gratiam redij cum iuuentute .

18:

TACVERAT,] Non dum laudaueras eas res, quas ego in Consulatu gesseram . laudaueras autem Crassus non libente Pompeio. 9.

18:

EX illarum rerum dissensione] Quia Pompeio non probarentur quae in Consulatu gessissem.

18:

IN sua ratione] Ad priuatas opes retinendas.

18:

QVAE erant in me incitata,] Propterea quod acerbe in iuuentutem Cicero erat inuectus. 10 :

COMMENTARIUS

18:

POPVLARE, ac dissolutum:] Omnibus do operam ut satisfaciam, ita tamen, ut nihil agā, quod quasi uiro graui minus dignū reprehendi possit.

19.

EPICHARMVS] De quo Horatius, opinor in epistola ad Augustum:

- » Dicitur Afranij toga conuenisse Menandro,
 - » Plautus ad exemplum Siculi properare Epicharmi.
- Inuenit comoediam Syracusis, ut testatur Suidas, quin etiam hunc locum, quē Cicero adducit, recitat in di-
ctione νύφειν.

19.

DE tuo autem negotio,] Factum erat senatusconsultum alijs de rebus, sed hoc additum in extremo, ut liberi populi soluere ne cogerentur. 23.

19.

PEDARIORVM] Senatore, qui curules magistratus gessissent, curru in curiam honoris gratia uehebantur: ceteri pedibus itabant: unde pedariorū nomen. Gellius libro III. cap. XV III.

19.

NOSTRVM] Qui maioribus honoribus functi sumus.

19.

ME esse ad scribendum] Me affuisse, dum scriberetur senatusconsultum. nam in senatusconsultis adscribebantur eorum nomina, qui affuissent: eaq; dicebantur senatusconsulti auctoritates. in epist. fam. 117. & in proœmio libri III. de Oratore.

19.

ALIAM rem] Primo relatum est non de populis liberis, sed alia de re, ut ex ipso senatusconsulto potes intelligere : deinde ex sententia Servilij additum est illud, ne liberi populi cogerentur soluere. quod si de populis liberis primo actum esset, ego, qui scirem à Sy-
 cionijs pecuniā tibi deberi, tua causa repugnassem, ne-
 que scribendo affuissem. 23.

19.

A' P. Servilio filio,] Viuebat enim pater P. Ser-
 uilius Isauricus. sic ad Quintum fratrem libro II.
 » carpebatur Pompeius à Bibulo, Curione, Fauonio, Ser-
 » uilio filio. et ad eundē libro III. P. Servilius pater
 » significat, ualde te sibi gratum fecisse, quod de sua uolū-
 » tate erga Cæsarem diligentissime locutus esses. & ubi
 patri & filio prænomen idem esset, additum est, pater
 & filius, ut internoscerentur : ex quo in his epistolis
 sepe, Quintus pater, Quintus filius.

19.

IN postremis] Et hic pedarius erat, ideoq; in
 postremis sententiā dixit, cum ante dixissent curuliz-
 bus magistratibus functi. annum agebat alterum &
 trigesimum: quod supputantibus liquebit : Cōsul enim
 fuit anno suo, idest ætatis anno XLIIII. collega Cæ-
 sare iterum Consule, ut scripsit ipse initio lib. III. de
 bello ciuili. & à Consulatu Afranij & Metelli, qui-
 bus scripta est epistola, ad Consulatū Cæsaris & Servi-
 lij anni undecim numerantur. ut nostra supputatio
 cum ratione congruat. annum igitur agens alterum
 & trigesimum, non dum ad Aedilitatis gradum per-

COMMENTARIUS

uenerat : qui primus erat curulis magistratus , septem annis infra legitimum annum Consulatus . Hæc uberiorius in libro de magistratibus .

19.

CONVENTVS] Recentī re homines cōueniebant, ut inducendi senatusconsulti rationem inirent, quòd illud, De populis liberis, additum esset cum iniuria, damnoq; multorum . postea conuenire desierunt, cū intelligerent immutari nō posse. Idem pag. 20.

19.

TVIS blanditijs] Quando iudicio cū ijs agere non potes, impediēte senatuscōsulto proxime factō.

19.

NVMMVLORVM aliquid] Attico enim Sicyonij debebant. 7. 27.

19.

HOMINI Attico] Tibi . ludit in cognomen Attici .

19.

DE suis historijs] De bello Marsico grace scriptis. Plutarchus.

19.

BARBARA quedam , & obsoleta] Non Attica, sed barbara, et nimis antiqua.

19.

TERTIVM poema] Tertium opus de Consulatu meo, uersibus conscriptum. primus enim commentarius grace compositus, alter latinus, tertium poema.

19.

Τῶν πατέρων ἀνῆσται] A' filijs patres laudantibus,

quod ipsi laudabiles non sint, transtulit Cicero ad se ipsum laudantem, quasi qui non laudaretur ab alijs.

Plutarchus in Arati principio dilucide exponit, & ait esse τὴν παλαιὰν παροιμίαν.

19.

QVOD potius sit,] Quod sit laudabilius nostro Consulatu.

19:

SECVS esse dictum] Scripserat enim Atticus, se putare, Quintum & Romæ, & in itinere de ipso minus commode locutum. 14.

19:

EPISTOLAM reddidit,] Rescriptam ad eam, cuius initium est, Magna mihi.

19:

INIVCVNDIVS] De discordijs Quinti & Pomponiæ.

19:

MODERATISSIMVM fuisse] Quod ea moderatissime tuleris.

19:

NEQVE de statu nostræ dignitatis est recedendum:] Recederem autem, si susceptam de Rep. curam abjicerem. Responderat Atticus ad illud, Vtor Pompeio familiarissime, quod est pag. 15:

19:

NEQVE sine nostris copijs] Non debeo Pompeij amicitiam tanti facere, ut veteres amicorum copias negligam. sine quibus intra alterius præsidia venire, idest uni Pompeio me totum credere, tutum non est.

COMMENTARIVS

sic igitur faciam : firmabo , ut institui , meas opes amicitia Pompeij : & tamen, quia non unius fidei sunt omnia committenda, veterum amicorum praesidia non dimittam.

20.

ET is, de quo scribis,] Manifestum est, Cn. Pompeium intelligi.

20.

NIHIL non summissum, atque popolare.] Verbum enim non faceret, quod quenuquam de populo possit offendere. quo minus expectare ab eo constantiam, & animi firmitudinem debeo. ergo non commitemus, ut sine nostris copiis intra illius praesidia ueniamus.

20.

FLUCTV ANTEM sententiam confirmasse,] Cum eius animus in tuenda Republica nutare interdum uideretur, confirmaui.

20.

A' SPE malorum] Sperauerant enim improbi homines contentionem mihi fore aliquam cum Pompeio ex illarum rerum, quas in Consulatu gesseram, dissensione. 18 :

20.

AD mearum rerum laudem] Tantum abest ut propter eas res a me dissenserit, ut eas etiam in senatu non semel, sed saepe laudarit. 18 :

20.

NULLAM rem tanti aestimasse.] Nihil mihi tanti fuisset, ut cum eo me coniungerem.

20.

(BONOS viros] Quos paulo ante suas copias uocauit.

20.

Σπάρταν] Rempublicam, quam semel tuenda suscepī, nunquam deferam. adagium est in Suida, et Plutarcho, σπάρταν ἔλαχες, ταύταν κόσμει: de ijs, qui bus cum fortunæ munere contigisset ut Sparta nasceretur, degenerare à tam nobilis patriæ testata uirtute sine magno dedecore non liceret.

20.

POST Catuli mortem] Perierat non multo ante: nam Consulibus Pisone & Messalla, anno proximo superiore uiuebat: ut pagina II: & apud Plutarchum in Crasso.

20.

HANC uia optimatum] Rectam rationem in Republica.

20.

NEC comitatu] Scribit Plutarchus in Crasso, Ciceronis, Catuli, Catonis fuisse quandam in defendenda libertate societatem, & consensionem.

20.

RHINTON] Poeta comicus Tarentinus: de quo Suidas.

20.

Οἱ μὲν παρ' οὐδ' ἐν εἰσιν, οἷς δ' οὐδ' ἐν μέλει.] Iambicus senarius. latine sic: Alij quidem propè nihil sunt, alijs autem nihil curæ est. qui me, inquit, recta sentientem adiungere, et in optimatum uia pergentem

COMMENTARIUS

forsitan sequi uellent, infirmi ab auctoritate nō possūt :
 & qui possent, negligunt.

20.

PISCINARI] Hortēsius, & Lucullus;
 quos Ciceronis, noui hominis, dignitas angeret. 17.

20.

A' CVRIA] Sape curiam pro senatu, forū
 pro populo ponit, figura grammaticis obseruata. A'
 CVRIA igitur, a senatu. ego me, inquit, ad popula
 rem rationem nō dabo, ut Pompeius, ut Caesar, ut omnes
 non boni ciues : senatui semper ita affixus hærebo, ut
 nulla res diuellat.

20.

REBUS meis consentaneum :] Ne dissen
 tiam à me ipso, qui in Consulatu meo nihil gessi non
 auctore senatu.

20.

NON multū spei est in senatu :] Vt senatus
 factū senatusconsultū de liberis populis inducat. 19. 23.

20.

I AM,] Nam initio fuerant, qui querere
 tur : quod epistola proxima dixit: Conuentus, qui ini
 tio celebrabantur, iandiu fieri desierunt. 19.

20.

ALIA uia] Quando in senatu spes non est.

20.

AD quos pertineret,] Non animaduersum est,
 illud, De populis liberis, addi sine multorum detrimen
 to non posse. 23.

PARTIM

20:

PARTIM maleuolentia,] Sunt in senatu,
qui odio prosequantur eos, ad quos intelligunt ex sena-
tusconsulto rei familiaris iacturam peruenire : itaque,
ne inducatur, pugnabunt.

20:

OPINIONE æquitatis] Ut ea, quæ recta
sunt, constanter rueri uideantur. & OPINIO-
NE AEQVITATIS, quasi non tam de ipsa
æquitate, quàm de opinione hominum, & inani qua-
dam specie laborent.

20:

MEDIOCRIVS] Quasi aperte Metel-
lus ostenderet, se bellum malle, quàm otium.

20:

AVLI uero filius] Afranius Consul. 13. 17.

20:

MAGNI nostri ὑπὸ πτωχῶν.] Pompeij macu-
la & infamia : quia Pompeij potissimum opera ad
Consulatum Afranius peruenerat. 13.

20:

SER. Claudius] Frater Pæti . de quo in epi-
stola ad ipsum Pætum his uerbis : Seruius frater tuus,
quem literatissimum fuisse iudico, facile diceret, hic
uersus Plauti non est, hic est, quodd tritas haberet aures
notandis generibus poetarum, & consuetudine legen-
di. Frater autē Claudius Papirij, non germanus (nā
eodem uterque appellaretur nomine) sed aut consobri-
nus, aut ex eadem matre, diuerso patre. 23.

H

PER legem Cinciam licere capere] Iocatur in
legem Cinciam, quæ erat de donis et muneribus. In I I.
» de oratore, Sæpe, inquit, sententiose ridicula dicuntur,
» ut M. Cincius quo die legem de donis & muneribus tu
» lit, cum C. Cento prodisset, & satis contumeliose, quid
» fers Cinciole, quæssisset: ut emas, inquit, Cai, si uti uelis.
» & in de senectute: Quadriennio post factus sum Præ
» tor: quem magistratum gessi Consulibus Tuditano &
» Cethego, cum quidem ille admodum senex suasor legis
» Cinciae de donis & muneribus fuit. Et Liuius libro
» I I I I. Quid legem Liciniam excitauit de quingentis
» iugeribus, nisi ingens cupido agros continuandi? quid
» legem Cinciam de donis & muneribus, nisi quia uecti
» galis iam, & stipendiaria plebs esse senatui ceperat?

CINCIVS] Hic Attici negotia Romæ pro=
curabat. 4:

AGIT maximas gratias:] De eo, quod ipse
tua sponte ipsius causa iam fecisti. Tale illud in epist.
» fam. 31. Omnino tibi agit gratias: sed idem scribit,
» meas literas maximum apud te pondus habituras.

IN LIBRVM II. CICERONIS EPIS-
TOLARVM AD ATTICVM,
PAVLI MANVTII COM-
MENTARIVS.

21.

VNTI mihi Antium] Huc se nobiles
E Romanos animi causa contulisse, legimus in
Strabone. aberat autem Roma Antium sta-
dijs CCCVII, hoc est milliarijs XXXVIII cū
dimidio. nam, ut ait Plutarchus in C. Graccho, Το
μίλιον ὀκτὼ σταδίων ὀλίγον ἀποδεί.

21.

GLADIATORES M. Metelli] Gla-
diatorum certamina cum alij cupide uiserent, ego cu-
pide reliqui.

21.

LEGI enim libenter,] Quod & tua essent,
& de rebus meis, ideo libenter legi. sed ad genus ora-
tionis quod attinet, horridula mihi, atque incompta ui-
sa sunt. et LIBENTER quasi diligenter: ut
contra non libenter legunt, qui negligenter.

21.

ORNATA hoc ipso, quod ornamenta neglexe-
rant,] Fortasse imitatus est Terentij figuram ex
Phormione:

Virgo pulchra: &, quo magis diceret,
Nihil aderat adiumenti ad pulchritudinem.
quale etiam uetus illud in mulieres odoratis unguentis
non utentes: Ideo bene olere, quia nihil olerent. quod
est apud Plautum in Mustellaria. cui sententiæ nō dis-

H ij

COMMENTARIVS

similis illa Varronis in satyra Menipea, quam recitat
 » Macrobius libro III. Bellaria ea maxime sunt melli-
 » ta, quæ mellita non sunt.

21.

ISOCRATIS *μυροβόλιον*,] Non disce-
 dit à tralatione unguentorum, quia dixerat horridula,
 & olere. Attici oratio, quia sine pigmentis, horridior:
 nitida Ciceronis, quia cum pigmentis.

21.

EIVS discipulorum] Multos docuit Isocra-
 tes: quorum notissimi Ephorus & Theopompus; ille ut
 ingenio tardior, et calcaribus concitandus, sic uita pro-
 bior; hic ut acrior, & freno coercendus, ita & impro-
 bior. Hæc Suidas. Isocratem apud Plutarchum deri-
 det Cato maior, quod eius discipuli senescerent dicendo,
 ut apud Ditem causas agerent.

21.

STRICTIM attigisti,] Cursim legisti,
 missum uidelicet ab alijs: (iam enim diuulgatus erat,
 siquidem & Possidonius eum Rhodi legerat, ut infra
 proxime) post autem eum, opinor, accepisti, quem ego
 L. Cossinio dederam.

21.

FASTIDIOSE] Cum omnia in eo dili-
 gentissime examinasset, usque ad fastidium.

21.

ORNATIVS] Quod homo Græcus ui-
 deretur præstare posse.

21:

ADOLESCENTVLORVM studijs ex

citati,] Quia uidemus adolescentulos eloquentiæ studio teneri.

21:

FUIT enim mihi commodum &c.] Licuit enim mihi ad Demosthenis imitationem curare, ut orationes aliquot meæ de Republica in Consulatu habitæ legerentur.

21:

IN senatu Cal. Ian.] De lege agraria contra P. Seruiliū Rullum, Tribunum plebis: quæ extat, sed initium desideratur. eamq; significat in epistola ad Lætulum, cum inquit: Memoria tenebam, nobis Cōsulibus ea fundamenta iacta Calendis Ianuarijs confirmandi senatus, ut neminem mirari oporteret, Nonis Decembribus tantum uel animi fuisse in illo ordine, uel auctoris tatis.

21:

ALTERA ad populum] Quæ extat. Plinij uerba hæc sunt libro VII. cap. XXX. Sed quo te M. Tulli piaculo taceam? quo ue maxime excellentem insigni prædicem? quo potius, quàm uniuersi populi illius gentis amplissimi testimonio, & tota uita tua Consulatus tantum operibus electis? Te dicente, legem agrariam, hoc est alimenta sua, abdicauerunt tribus. te suadente, Roscio theatralis auctori legis ignouerunt, notatasq; se discrimine sedis æquo animo tulerunt. te orante, proscriptorum liberos honores petere puduit. &c.

21:

DE Othone,] Pro Sex. Roscio Othone: cui plebem Cicero reconciliauit, moleste ferentem, quod is legem tulisset, ut equites in theatro separatim à plebe in quatuordecim proximis ordinibus sederent. Plutarchus in Cicerone, & Plinius libro VII. item in oratione

H iiij

COMMENTARIVS

pro Muræna, & Pedianus in Cornelianæ .

21:

PRO Rabirio³,] Pro C. Rabirio perduellio-
nis reo, ad Quirites . extat.

21:

DE proscriptorum liberis] Sylla proscriptorum
liberis aditum ad magistratus lege obstruxerat. his pe-
tentibus, ut, abrogata Syllæ lege, honores capere liceret,
Cicero Consul dissuasit . Sed operæpretium est recitare
locum ex oratione in Pisonem, quodd huic epistolæ non
» parum lucis asferre uideatur. Ego, inquit, Calendis Ia-
» nuarij senatum, & bonos omnes legis agrariæ, ma-
» ximarumq; largitionum metu liberaui. ego agrû Cam-
» panum, si diuidi non oportuit, conseruaui : si oportuit,
» melioribus auctõribus reseruaui . ego in C. Rabirio per-
» duellionis reo XL annis ante me Consulem interposi-
» tam senatus auctõritatem sustinui cõtra inuidiam, at-
» que defendi. ego adolescentes bonos & fortes, sed usos
» ea conditione fortunæ, ut, si essent magistratus adepti,
» Reipublicæ statum conuulsuri uiderentur ; meis inimi-
» citijs, nulla senatus mala gratia comitiorum ratione
» priuaui . ego prouinciã Galliam, senatus auctõrita-
» te, exercitu, & pecunia instructam, & ornatam, in
» concione deposui. ego L. Catilinam, cædem senatus, in-
» teritum urbis non obscure, sed palam molientem, egre-
» di ex urbe iussi . ego tela extremo mense Consulatus
» mei intenta iugulis ciuitatis, de coniuratorum nefarijs
» manibus extorsi.

21:

QVA Catilinam emisi ;] Extat.

21:

QVAM habui ad populum] Extat, & item
quæ consequentur duæ.

21:

INVOCARUNT;] Mallem, Indica=
runt: ut subaudiatur, cōiurationem. indices enim Al=
lobroges Consul Cicero in senatum introduxit. In ora=
tionibus: & Salustius.

21:

DVAE breues,] Vna, quæ in Rullum ad
populū tertia legitur, breuissima: alterā desideramus.

21:

» LIBRIS] Orationibus: ut in Oratore, Nos
» etiam in hoc genere frequentes, ut illa sunt in quarto
» accusationis. quartā enim orationem in C. Verrem
intelligit.

22.

PVLCELLI] Clodij pag. 12:

22.

METELLVS impedit,] Obstitit enim, ne
plebeius fieret P. Clodius: ut in oratione de Aruspicum
responsis, & pro M. Celio.

22.

NON simulat,] Ante causam occultauerat,
cur ex patritio plebeius fieri uellet: nunc non simulat:
præferet, ideo se de transitione ad plebē cogitare, ut de=
inceps Tribunus fieri possit. quod patritio nō licet. 17.

22.

IN SICILIA] Vbi Quæstor fuerat. Quæ=
sturam autem Aedilitas conseqnebatur: sed plebeijs ho=
minibus inter utranque interpositus Tribunatus plebis

H iij

COMMENTARIVS

patebat. Clodius autem patritius, quia Tribunatu legibus excludebatur, Aedilitatem se statim petiturum ditatarat: postea, ut Ciceroni diem diceret, plebeius factus Tribunatum petijt, & adeptus est.

22.

S A E P E dictitasset.] Sic Bessarionis et Causalcatitis uterque liber. Subaudi, se esse petiturum. omnino abundare uidetur dictio **S A E P E**, cum frequentatiuum uerbum sequatur: sed ferri potest, cum & Matius in epistola ad Ciceronem dixerit, Frequentes uentitasse, pro saepe uentitasse.

22.

P A T R I T I I S] Patritij Sergius Catilina, Cornelius Lentulus, principes coniurationis.

22.

A' F R E T O] Quod iacet inter Messanam Siciliae ciuitatem, et Regiū Calabriae, in extrema Italia.

22.

P R O D I R E] Cum summa celeritate usus, praeter spem omnium affuerit.

22.

T R I B V S horis Roma Interamnā:] Designat illud tempus, cum Clodius de sacris polluitis accusatus, quod noctu intrasset eam, ubi Vestales pro populo faciebant; apud iudices testimonio Cassinij Scholae probauit, se, qua hora diceretur inter sacra deprehensus, Interamnā fuisse: quod tamen perspicue falsum intelligebatur, quia & Cicero eum, et multi eo die Romae uiderant, tribus horis ante horam deprehensionis: ut tum quidem Interamnā esse Clodius non potuerit,

nisi si tribus horis Roma Interamnā posset accurre-
re. quod cum non posset, propter locorum maiora in-
terualla; cauillans tamen Cicero, factum id à Clodio
dicit, quia iudicibus probare uisus est, quoniam est abso-
lutus. 22.

ITEM ante:] Cum noctu introiuit domū
Cæsaris, ubi sacra Bonæ deæ à mulieribus celebrabātur.

22.

CVM iri maxime debuit.] Cum afficiendus
supplicio fuit, quod Bonæ deæ sacra uiolasset. Et ioca-
tur in ambigua significatione: nam ire obuiam, prodi-
re obuiam proprie ualet; μεταφορικῶς, resistere: ut li-
bro IIII. Huic obuiam it Cato. Qua ratione et Bru-
tus in quadam epistola dixit, Maleuolentiæ hominum
in me, si poteris, occurres.

22.

CVM candidatum deducere,] Candidatos
ad commendationem clari uiri Martium in campum
deducebant. Q. Cicero de petitione Consulatus.

22.

SICVLIS locum gladiatoribus dare.] Si-
culis meis clientibus locum dare, ubi gladiatorum certa-
mina spectare possent. amicis enim, et tribulibus ad spe-
ctacula locus dabatur: ut in oratione pro Muræna.

GLADIATORIBVS: cum gladiatores pu-
gnarent. sic locutus est 34. Et in epist. fam. 164: et
in prima in Antonium in extremo, et in nona item in
extremo. 22.

NOVOS patronos instituam.] Nouos pa-
tronos Siculis dabo, quando tu, uetus eorum patronus,

COMMENTARIUS

locum ijs dare gladiatoribus non consueſti. Et patronus Sicularum Cicero iam inde à Quæſtura ſua Sicilienſi.

22.

SED ſoror &c.] Quia ſe ipſum designauit, cū dixit, NOVOS PATRONOS, (nam & ipſe Quæſtor fuerat in Sicilia) intulit, Sed locum dare Siculis non facile potero, cum ſoror mea, quæ tantum habeat loci, unum mihi ſolum ad ſpectandum pedem det. quaſi dicat: poteris igitur tu multo minus, cui conſularis ſoror nō eſt. CONSVLARIS: uxor Conſulis Q. Metelli, quæ propterea loci plurimum in ſpectaculis haberet. PEDEM: de pede, qui eſt in menſura, Clodius intellexit, Cicero uertit ad genus concubitus, quo mulieris utrunque pedem tolli ſignificat Ouidius in tertio de arte amandi:

Melanion humeris Atalantæ crura ferebat.
nec dubitabatur, quin Clodius cū tribus ſororibus rem
» habuiſſet. unde illud in epiſtola ad Lentulum: Qui non
» pluris fecerat Bonam deam, quàm tres ſorores.

22.

NON conſulare] Obſcœnum, minimeq; dignum, quod à Cicerone, homine conſulari, diceretur.

22.

MALE conſularem.] Facit enim, quæ Conſulis uxorem non deceant.

22.

SEDITIONOSA:] Hanc fratris Clodij patronum appellauit pagina 12: et, gratia multum poſſe, oſtendit in peroratione orationis pro M. Celio, cum eius opera Sex. Clodium dixit abſolutum.

22:

VIDETVR refrixisse.] Tota res agraria interpellata bello refrixerat, dixit pag. 18.

22:

MOLLI brachio] Leuiter : tralatione ab ijs, qui pueros errantes leuiter percutiunt.

22:

DE populari leuitate] Vt grauiorem se ciuem in Republica præstaret. 20.

22:

BENE gesta,] Bello Mithridatico.

22:

CONSERVATAE] Extincta coniuratione.

22:

CVIVS nunc uenti ualde sunt secundi,] Quòd uictor ab Hispanijs ad triumphum decessisset.

22:

NVM tantum] Quantum tu uideris suspicari, qui me de Pompeij familiaritate obiurgas.

22:

QVAM quæ execaret] Ciues enim populares, minus recte sentientes, quos alij non sapientes oppugnarent, ego potius studeo lenire, et artificio quodam ad Reipublicæ partes traducere. ita non uideor improbandus, qui, quod in ciuitate, quasi in corpore, uitiosum est, sanare uelim potius, quàm execare. Notat nimiam, Catonis maxime, seueritatem, quæ Reip. noceret.

22:

EQUITATVS ille,] Equites Romani, quos ego cum senatu coniunxeram.

COMMENTARIVS

22:

IN cliuo Capitolino,] In æde Concordiæ ad
radices assurgentis Capitoli. qua in æde Consul Cicero
senatum consuluit, quid de coniuratis deprehensis sta-
tuendum uideretur; cum etiam equites Romanos ad-
hibuisset. quod initium fuit eius cõcordiæ, quæ inter equi-
tes et senatũ est consecuta: ut supra docuimus, 16:

22:

TE signifero, ac principe,] Cum te quoque,
equestris ordinis principem, ad eam consultationem ad-
hibui. sed persistit Cicero in translatione rei militaris:
et quia dixerat, EQVITATVS; intulit, TE
SIGNIFERO: cum nihil aliud significet, quã,
in senatu Atticum, qui principem locum ordinis eque-
stris obtineret, cum cæteris equitibus affuisse.

22:

NOSTRI autẽ principes] Principes ciues,
Lucullus et Hortensius, piscinarũ studiosi. 17. 18: 20.

22:

MVLI barbati] Barba gemina mulos insi-
gniri labro inferiori, Plinius libro IX. cap. XVII.
scriptum reliquit.

22:

NOLINT obesse,] Reipublicæ. et Poma-
peium maxime, ac Cæsarem intelligi, perspicuum est.

22:

VERIVS,] Aequius: ut pro Muræna:
» Negat uerum esse allici beneuolentiã cibo. item Cæsar,
Linus, Virgilius, Horatius.

22:

IN iudicium uenire] Accusari apud indices.

23.

EQVITES curiae bellum,] Indixerūt, subaudi : & curiam accipe pro senatu : ut sit continens pro contento.

23.

RENVNCIANTIBVS ?] Petentibus ut locatio Asianorum uectigalium induceretur. pagina 15 :

23.

RETINENDI ordinis causa] Ne ordo equester alienaretur à senatu . publicani enim equites Romani.

23.

FACIENDA iactura] Fuit satisfaciendum equitibus locationis inductionem postulantibus , quanquam id cum ararij iactura fieret.

23.

CONSVLE in carcere incluso] L. Flavius Tribunus pl. Metellum Consulem in carcerem inclusit, quia legem agrariam perferri non sineret. alijs tamen Tribunis opem ferentibus , & Pompeio suffragante, aliquot post horis exiuit. Dion libro XXXVII.

23.

ASPIRAVIT nemo eorum ,] Maxime equites Romanos significat : quorum opera cum Cicerone Consul usus esset in defendenda Republica, post alienati à senatu propter senatusconsultum de iudijs , & quia de inductione Asianorū uectigalium minime impetrabant, non modo non concurrerunt ad opem Metello ferendam, aut iuvandos optimates in seditionis tumultu , sed nec aspirarunt , idest ne animo quidem se favere indicarunt.

23.

MERCEDE conductos] Quid ergo, inquires,

COMMENTARIVS

feremus istos equites, in iudicio pecuniā accipientes ?

23.

LIBERTINIS, arque etiam seruis] Præstat, equites Romanos corruptos et mercede conductos, iudices habere, quā libertinis et seruis seruire : à quibus contra perditos ciues opem implorare cogemur, si equestris ordinis præsidio priuamur.

23.

ἄλις ποῦσῃς .] Sat studiū : subaudi, positum est à nobis in tuenda ordinum concordia. nunc, ut dies postulat, ita uiuamus : quando iam officio satis, superq; fecimus.

23.

MEAM tribum tulit honestius,] Tribum ferre dicitur, cui tribus uel magistratū petenti, uel modum aliquod suffragijs defert.

23.

QUA' M suam,] Vtranque tulit, sed meam honestius, quā suam.

23.

LVCEII perdidit.] Non tulit tribum Luceij. Et apparet Fauonium magistratum petisse. nec mirum, perdidisse Luceij tribum : quippe cum Luceius Cæsaris, Fauonius Catonis familiarissimus esset, Cato autem & Cæsar cum natura, tum uitæ instituto dissidentes. perdidit igitur tribum hominis non amici, Ciceronis tulit, qui senatus partes sequebatur, ut Cato, & Fauonius ; non populum, ut Cæsar.

23.

INHONESTE,] Cum nō haberet, quod in Nasicam dicere posset. turpiter igitur, et inhoneste accusauit.

23.

MODESTE] Cum uideatur laudare Fauonium, reprehendit: nam, MODESTE, leniter, frigide, non uehementer: quod est uitiosum in accusatore.

23.

MOLONI] Qui Fauonium Rhodi eloquentiam docuerat.

23.

NUNC tamen petit iterum] Repulsam igitur tulerat priore petitione.

23.

REIP. causa.] Iactatio Fauonii cum excusatione quoddam iterum peteret: iterum enim petere non sua, sed Reipublicae causa: alioqui post priorem repulsam non fuisse petiturum.

23.

QVID agat,] De petitione sua. petijt enim paulo post Consulatum cum Bibulo et Caesare, sed praeteritus est.

23.

CUM Caesarem uidero,] Qui cum Luceio contra Bibulum coiuerat: ideoque Luceij omnia consilia, quod ad petitionem attineret, scire poterat. supra 15:

23.

SICRONII te laedunt,] Qui debitam tibi pecuniam non soluunt. 19.

23.

CATONI, & eius aemulatori Seruilio] Quorum opera factum est senatusconsultum de populis liberis. Non dum igitur curulem magistratum Cato gesserat, cum S.C. factum est: supra enim, Illud senatusconsultum summa pedariorum uoluntate, nullius

» nostrum auctoritate factum. 19.

23.

E A plaga] Illud senatusconsultū nō tibi solū,
sed multis præterea bonis uiris detrimentū attulit ; qui
creditam ante pecuniam ijs populis, quos senatus proxi
me liberos esse iussit, exigere non possunt. 19. 90.

23.

DEINDE in dissensionibus] Planius ad sen
tentiam, NE IN DISSENSIONIBVS.
ut hoc dicat : Quando ita senatus decreuit, laudemus :
nam reprehendentes, qui assentiret, non haberemus :
frustra autem dissentire stultum est.

23.

AMALTHEA mea] Gymnasium & ip
se Amalthæ nomine extruxerat Attici exemplo. 13 :

23.

INDIGET tui.] Quod attinet ad orna
tum, & τοποθεσίαν. 13 :

23.

VINDICEM æris alieni] Coniuratio Ca
tilinæ propter æs alienum facta, odio maxime credito
rum. recte igitur uindex, & seruator creditorum Ci
cero, quia coniuratos occiderat. & uindex dupliciter
ponitur. uindex coniurationis, qui coniurationem oppri
mit : uindex libertatis, qui libertatē restituit : ut hic, uin
dex æris alieni, qui creditores seruat : quod μεταφορί
» κως dixit in epistola ad Sestium, Non putant ei num=
» mos deesse posse, qui ex obsidione faeneratores exemerit.
sic, ultor Catilinæ, in oratione in Pisonem : & ultor
» inimicorum, in epistola ad Lentulum : diuerse : nam il
lud

lud pro Catilina, hoc contra inimicos.

23.

AERE non Corinthio,] Sensus est: Tusculani & Pompeiani ædificatio magnum mihi æs alienum attulerunt. sed iocatur in ambiguitate uerbi: cum æs Corinthium maxime laudaretur.

23.

HOC circumforaneo] Quod ab argentarijs fœnerantibus sumitur, qui tabernas habebant in portibus circa forum.

S PERAMVS ESSE

O T I V M : uide 17 : 20 :

23.

PROGNOSTICA mea] Puto libellũ fuisse, qui prognostica Ciceronis de Republica complectetur.

23:

AD OCTAVIUM] Videamus, Octavius hic qui sit, & qua de re agatur: quod arbitror non omnibus patere. Hoc tempore Asiam regebat Q. Cicero, Macedoniam C. Octavius. de quo his uerbis in epistola II. libri primi ad fratrem: Et mediocri me dolore putas affici, cum audiam qua sit existimatione Virgilius, qua tuus uicinus C. Octavius? (sic enim legimus, nō Cn. ut patet ex infra scripto lapide) Et Suetonius in Augusto: Octavius pater ex Prætura Macedoniam sortitus, fugitivos, residuam Spartaci et Catilinæ manum, Thurinum agrũ tenentes, in itinere deleuit, negotio sibi in senatu extra ordinem dato. provinciæ præfuit non minore iustitia, quàm fortitudine: nanque Bessis, ac Thracibus magno prælio fuis, ita socios tractauit, ut epistolæ M. Ciceronis extent, quibus Quintum fratrem,

I

COMMENTARIUS

» eodem tempore parum secunda fama Proconsulatum
 » Asiæ administrantem, hortatur, & monet, imitetur in
 » promerendis socijs uicinum suū Octauium. Macedo-
 niam igitur administranti commendari Atticus cupie-
 bat, cum in ea prouincia negotiorū quiddam haberet :
 ideoq; et C. Antonio, eandem prouinciā ante Octauium
 regēti, Cicero eū literis cōmendauerat. In epist. fam. 62.

Lapis in hortis Colotianis, Romæ.

C. OCTAVIVS C. F. C. NP —
 PATER AVGVSTI
 TRIB. MIL. BIS. Q. AEDIL. PL.
 CVM C. TORANIO. IVDIX QVÆ-
 STIONVM.
 IMPERATOR APPELLATVS EX
 PROVINCIA MACEDONIA.

DEDI literas :] Commendatitias. cum ipso
 enim, ante quā discederet, nil eram locutus, quia non
 putabam te negotia in prouincijs habere, (erat autem
 Macedonia Romanorum prouincia) sed duntaxat
 in ijs locis, quæ Romanis magistratibus non parent, ut
 in Eperro, aut Athenis, aut Sicyone:

IN toculionibus] Manifeste deprauatus locus.

CICERONEM nostrum.] Quintum Ci-
 ceronem, Quinti filium ex Pomponia Attici sorore, erat
 autem apud auunculum.

23:

θεῖοι] Non libenter mecum solet esse Quintus fi-
lius, quod seueritatem disciplinæ meæ nō ferat: ut re-
cte me patruū putet, idest minime indulgentem: qua-
les patruī sunt: nam patres amore uicti filiis sæpe de-
negare non possunt, etiam quæ sentiant minus expedi-
re. itaque 159. Pater, inquit, nimis indulgens, quidquid
ego astrinxi, relaxat. et pro M. Celio: Fuit in hac
causa pertristis quidā patruus, Censor, magister: obiur-
gavit M. Celium. et apud Persium: Cum sapimus
patruos. apud Horatiū: Patrux metuentes uerbera
linguæ.

23:

πεληνοῦ] Librum Dicaarchi de populis Pele-
neis. de quibus Suidas.

23:

DICAARCHI] Quem infra suas deli-
cias appellat. Siculus fuit, Aristotelis auditor, philoso-
phus, rhetor, geometra.

23:

PROCILIO.] Qui et ipse multa scripse-
rat, grammaticus doctissimus: cuius scripta fortasse
magis Atticum delectabant, quàm Dicaarchi.

23:

MIHI heredes.] Obscurus, & forte mendo-
sus locus. neque secus antiqui libri.

23:

Ηρώδης] Atheniensis, & opinor is, de quo li-
bro XIII.

23:

QVA' M unam literam scriberet.] Atticus
enim literis significauerat, Herodem ad se accessisse, ut

I ij

scripta sua legeret. 23:

COMMINSVS accessit,] Venit enim ad te, ut scriptorū suorum molestissima lectione conficeret.

23:

LOLLIO] Lollia familia Romæ: et in antiquis libris ita scriptum, non, ut in uulgatis, lolio.

SANVS NON ES: non recte sentis. μεταφορὰ à corpore ad animū. VINO: alij, VINIO.

» placet: nota familia: & Horatius, Augusto reddes
» signata uolumina Vini.

23:

CALENDAS uenire,] Quo die C. Antonius, à Q. Maximo accusatus, causam dicere debebat.

23:

NON uenire?] Ex Macedonia prouincia redeuntem, quam auare & infelicitèr administrauerat. uide pag. 6.

23:

ITA ad me mittunt,] Ita mihi Roma scribitur à meis. NIGIDIVM: Prætozem.

COMPELLATVRVM: euocaturū, coacturū.

23:

HVC non uenis,] Quoniam Romam rectè proficisceris, nec uis de itinere defletere, ut in uillas ad me uenias; Romæ domi meæ coenato; tertio quidem Calendas, si poteris, idest illo ipso die, quo te ad urbem futurū scribis; si minus, utique pridie Calendas.

24.

OPINOR ὁπινώμαι] Opinor mihi debes ὁπινώμαι, quia Valerium absolutum significo.

VALERIUS] Non uidetur hic esse L. Valerius Flaccus : qui absolutus est Cæsare Consule, ut est in ultima epistola huius libri: nunc autem Consulatum nondum Cæsar inierat . aut igitur alius Valerius est : aut Flaccus bis accusatus.

24.

DEFENDENTE.] Mecum . Extat Ciceronis oratio.

24.

ATILIO] Qui pro Valerio absoluendo prensauerat.

24.

ET Epicratem] Iam non agitur de iudicio Valerij Flacci, sed responsio est ad alteram partem epistolæ ab Attico acceptæ. & EPICRA TEM opinor Pompeium, quasi, omnia tenentem : si quidem eo tempore princeps in Republica Pompeius . & infra nō semel eum fictis nominibus designat, ut cum appellat Sampsiceramum, Arabarchen, Hierosolymariū, Megabocchum : de quibus singulis suo loco. S V S P I C O R : suspicor, aliquid fecisse, quo notari lasciuia posset. & S V S P I C O R, de absente Pōpeio.

24.

E I V S caligæ,] De Pompeij lasciuia dicit se ex eius caligis suspicari, quibus in urbe solus uteretur, quoniam militare calciamentum erat, non urbanum. Et sanè Pompeius in uestitu, neglecta uulgarī consuetudine, inane quiddam amauit ad perspicuitatem. unde
 22 illud pagina 17. Pompeius togulam illam pictam silentio tueretur suam. Et Fauonius Pompeij cultū notauit his uerbis : Non refert, qua parte corporis diadema gerat . quòd candidis fascijs uteretur. Valerius Max.

I iij

24.

V T fasciæ cretatae,] Ita mihi non placebant eius caligæ, ut ante cretatae fasciæ non placuerant. Vetus Romanis crura fasciis induebant: sed Pompeius cretatas gestauerat, cum aliorum eo colore non essent. reprehendit Cicero P. Clodium in oratione de aruspiciis responsis, quod purpureis usus esset.

24.

κύρου παιδείαν] Cyri architecti doctrinam. Et alludit ad Xenophontis librum, qui inscribitur κύρου παιδεία. fam. 102.

24.

R ADIORVM &c.] Aiebat Cyrus architectus, cum radij oculorum per fenestras latis luminibus egredierentur, eas egressiones non tam esse suaves.

24.

E T ENIM] Argumentum pro fenestrarum angustis contra latitudinem. Ab oculis nostris exeunt radij, qui quo longius progrediuntur, eo latius, alter ab altero, disjunguntur: ut ab oculis nostris ad locum, quem spectamus, fiat radiorum quasi pyramis quædam. Et si hunc totum radiorum, idest visionis cursum grecis literis à principio ad finem notare uelis: in principio, idest in oculis nostris, unde uis oritur uidendi, statues α: extremum, quod spectamus, notabis duabus literis β γ: spatium inane, quod interiacet, quod disiuncti duo radij currunt, duæ item literæ signabunt δ ε. ergo si quis in cubiculo constitutus aciem aliquod per fenestram uelit intendere: quo angustior erit aditus fenestree, eo magis oculorum radios in exitu cohibebit; ideoq; erit illa suauior, quia radios disungi quam minime patietur;

Et ut suaves angustæ fenestræ, ita non suaves uastæ.
 ἢ οὐκ ἴσ, aspectus, uisionis initium, oculi ipsi.

24.

VIDES enim cetera.] Vides, cum ita sit,
 quo iunctiores radij per fenestras exeāt, eo illas esse sua-
 uiores. lato autem aditu non ita iuncti exhibunt: latis
 igitur luminibus fenestræ non ita suaves.

24.

NAM si &c.] Si per simulacrorum inciden-
 tias uideremus, & uidendi sensus, ut aiebat Epicurus,
 è rerum simulacris fieret, in oculos nostros sese inferenti-
 bus: sequeretur, ut ipsæ rerum imagines, εἰδωλὰ quæ
 dicuntur, non facile per angustas fenestras ingredi, &
 ad oculos peruenire possent, itaq; in ipso aditu impedi-
 ta laborarent. sed non ita est: neque enim, ut putat
 Epicurus, uisio fit ex imaginibus rerum ad oculos aduo-
 lantibus, sed potius, ut Stoici sentiunt, ex radijs, qui ab
 oculis ad res ipsas emittantur. si Epicurum igitur sequi-
 mur, latæ fenestræ fiant, potius quàm angustæ; ne
 imagines ingredientres, paruo aditu coarctatæ labo-
 rent; unde aspectus oculis difficilior. sin Stoicis assen-
 timus: angustæ fiant potius, quàm latæ, ut radij quæ-
 maxime iuncti per eas emittantur: quo iuari uide-
 tur sensus oculorum. Et apparet, Ciceronem cū Stoi-
 cis sentire, quia infert, Nunc &c.

24.

NUNC] Positū pro, sed: ut alibi, cū superio-
 ra tollit. quale illud, Nunc ut Apelles, in epist. fam. 13:

24.

FIT lepide] Contra quā sentit Epicurus.

I iiij

24.

ILLA $\epsilon\kappa\chiυ\sigma\iota\varsigma$] Illa effusio radiorum per angustas fenestras. iuncti enim egredientes radij, deinde se effundunt. Gellius libro V. cap. XVI.

24.

SI reprehenderis,] In ædificio.

24.

AD mensem Ianuarium,] Quo Cæsar & Bibulus Consules magistratum inituri erant.

24.

IN QVA $\sigma\omega\kappa\rho\alpha\tau\iota\kappa\omega\varsigma \epsilon\iota\varsigma \epsilon\kappa\alpha\tau\epsilon\epsilon\upsilon\sigma\iota\nu$,] Ego tibi, inquit, de Republica nunc in utranque partem disputabo more Socratico : deinde ad extremum dicam, quæ mihi placeat sententia : quo modo ueteres illi Socratici solebant ; qui cum $\epsilon\iota\varsigma \epsilon\kappa\alpha\tau\epsilon\epsilon\upsilon\sigma\iota\nu$ disputassent, ad extremum, quid ipsis placeret, exponebant . Deinde incipit disputare. Agraria lex promulgabitur : quid agendū ? resistam, an quiescam ? si resisto : magnam subeo diminutionem ; afficietur iniuria Pompeius, Cæsar offendetur, uterque popularis. si quiesco : hoc quidem est deserere Rempublicam, nō secus ac si in Solonium, aut Antium abirem. magni igitur consilij res est : siquidem in utraque partem magna insunt momenta rationū . sed explica tuam sententiam Marce Tulli : dic aliquando $\pi\omega\delta \alpha\epsilon\epsilon\sigma\kappa\omicron\upsilon\tau\alpha\nu$. ego, inquit infra, non opinor esse dubitandum, quin semper nobis uideatur $\epsilon\iota\varsigma \omicron\iota\alpha\nu\omicron\varsigma \alpha\epsilon\iota\varsigma\omicron\varsigma \alpha\mu\upsilon\nu\epsilon\sigma\theta\alpha\iota \pi\epsilon\rho\iota \pi\alpha\tau\epsilon\upsilon\varsigma$.

24.

CAESAREM] Consulem : qui ad uoluntatem perferendæ legis incubuerat, ut à populo gratiam

iniret. Suetonius, Plutarchus.

24.

BALBUM] Gaditanum, sed à Pompeio ciuitate donatum: pro quo extat oratio.

24.

CONIUNGERET.] Alterum alteri offensum reconciliaret. unde triuuiratus ille Reipublicæ exitiosus. scribit Plutarchus: cum Cæsar Pompeiū & Crassum dissentientes uidisset, cogitasse futurum in primis è re sua, si eos coniungeret: ni faceret, haud ferè quidquam eorum, quæ moliretur, posse perficere.

24.

PAX] Quies: ut illud in somnio Scipionis, Quæso ne me è somno excitetis, & pax sit rebus.

SENECTVTIS OTIUM: summum otium: quale senibus esse solet: qui ferè nihil curant.

24.

Κατάκρισις] Sanctio. in tertio enim libro de Consulatu meo quasi sanctione quadā me ipse obstrinxi Reipublicæ, cum Calliopen induxi præscribentem mihi, quid agerem.

24.

εἰς οἶκον] Homeri locus Iliadis libro XII. de Hectore auguria contemnente, & unum esse optimum augurium affirmante, certare pro patria.

24.

AMBULATIONIBVS compitalitijs] Quia scripserat Atticus, se pridie Compitalia cum eo futurum. Compitalibus igitur, dum alij ludis operam dabunt, nos hæc ambulantes conferemus. De die compitalitio Macrobius lib. I. Sat. Varro de lingua lat. Ci

COMMENTARIVS

cero in Pisonem, & ad hunc libro VII. 105 :

24:

ROGAT] Ut ueniat ad nos . MA-
TREM : Attici : quæ uixit annos XC . Nepos in-
uita .

24:

SERAPIONIS librū] De geographia :
de qua Cicero scribere cogitabat . uide 27 .

24:

TRANSIGAS .] Cōficias : numēres pecu-
niam pro rebus , quas ab ipso emimus .

24:

IN eo , quod ostenderat ,] Ostenderat se haud
immenso pretio contentum fore .

24:

MALE empta] Nimio empta . RED-
DI : Titinio .

24:

VOLUNTATE Pomponiæ] Non igitur
solus Cicero , sed cum Quinto fratre , aut cum Pompo-
nia fratris uxore eas res de Titinio emerat .

24:

NVMMI potius reddantur ,] Si ea , quæ ma-
le empta sunt , Pomponia reddi non uult : solue Titi-
nio pecuniam uel quantam petet : prorsus explica rem ,
ne scrupulus ullus , aut negotij quidquam supersit .

SCRVPVLVS : negotium , aut molestia ex infe-
cta re .

24:

AD Tigranem ?] Legatus ad Tigranem Ar-
menie Regem Clodius ? 26 : 27 .

24:

SYRPIAE conditione :] Antiquus liber

Bessarionis, SYRPE CONDITIONES.
utrumque obscurum, & fortasse deprauatum.

25.

TEMPVS illud;] Cum aberit Clodius.

25.

QVINTVS noster] Qui Asiam regebat.

25.

IN otio confederit,] Tum explicatus, ut speramus, administratione provinciae, imperio tertij anni terminato.

25.

SACERDOS Bonae deae] P. Clodius: qui muliebri uestitu ad sacra Bonae deae accesserat, quo iure sacerdotes solent. ironia.

25.

CVIVSMODI futurus sit] Nihil enim acturus contra me uidetur, qui de legatione ad Tigra- nem cogitet. itaque nihil impedit, quo minus liberam mihi legationem liceat sumere. SCIRIPOS- SIT: hoc abest à Bessarionis antiquo libro. Causal- cantis autem exemplar sic: Sacerdos bene de te cuius- modi futurus sciis sit. uulgata lectio sententiā habet nō absurdam: sed cum in manuscriptis libris aliam scriptu- ram uideam; uenit in mentem suspicari, ne quis ex ingenio locum restituerit.

25.

QVOD à me ipso non desciuerim.] Quod de ueteri meo defendendae Reipublicae cursu gratiae cau- sa nō deflexerim.

25.

MAGNUM opus est:] Quia sunt diffici- les res ad explicandum. 27.

COMMENTARIUS

25.

PRÆTER quercum Dodonæam] Si quercus essent in Teretia saltu, ut in Epeiro tua sunt iuxta Dodonam ciuitatem; ego Epeirum ipsam mihi uiderer in Italia possidere. cetera nō minus abūde sunt, quā in tuis Epeiroticis possessionibus: quæ hoc uno præstant, quod proximas habent nobiles illas quercus Dodonæas, quæ uocales olim fuisse dicuntur. præterea nihil est in tota Epeiro, quod ego in hoc saltu non habeam. Herodotus lib. II.

25.

VECTIVM.] Chrysippum Vectium architectū, Cyri architecti libertū. de quo in epist. fam. 102.

25.

PALÆSTRÆ Palatinæ,] Quæ erat in Ciceronis domo Palatina. de muro enim, quem restitui uolebat, spectabantur ij, qui se palæstra exercebāt.

25.

POMPONIAM & puerum] Ipse enim consumere æstatem in itinere cogitabat, sumpta libera legatione. PVERVM, Quintum Ciceronem Quinti filium ex Pomponia. IN TIMORE RVINAE: propter infirmitatem muri, de quo palæstra spectabatur.

25.

ÆGYPTVM] Fore uidebat, ut Cæsar Cōsul Legatum mitteret ad sancendam cum Ptolemæo Aegypti Rege societatem. eam legationem & sibi deferri cupiebat; & tamen uerebatur, ne alieno Reipublicæ tempore discedentem infamia consequeretur. Cæsar libro III. de bel. ciu. 192.

25:

HIS mittentibus,] Casare & Pompeio legationem deferentibus: quibus Ciceronis discessus uoluptati futurus esset, quod, absente Reipublicæ patrono, ipsi se omnia sperarent ex libidine administraturos.

25:

Αἰδέομαι] Homeri uersus de Heclore ἰλιάδος ξ.χ.

25:

Πουλιδάμας] Conuiuium Catonis timebo, ut Polydamantis Hector, si certamen cum Achille recusaret. ἰλιάδος χ.

25:

EXCIPIAMVS,] Quod ad Aegyptiam legationem attinet, ne properemus, sed excipiamus, & expectemus, num deferatur.

25:

CONVLERIT] Quod Pompeij consilia probe nosset ob intimam familiaritatem. itaque patet 32: Velim, inquit, ex Theophane expiscere, quoniam nam in me animo sit Arabarches. cum eo loco Pompeiū designet. & 73: Pompeius mihi uidebatur in Hispaniam iturus. id ego minime probabam: quī quīdem Theophani facile persuasi, nihil esse melius, quam nusquam illum discedere. ergo Græcus incumbet. ualet autem auctoritas eius apud illum plurimum. Hic est Theophanes ille Mitylenæus, de quo his uerbis in oratione pro Archia: Quid noster hic Magnus, quī cū uirtute fortunā adæquauit? non ne Theophanem Mitylenæū, scriptorem rerum suarum, in concione militum ciuitate donauit? & Plutarchus sepe.

25:

SE destitutum,] A' Cæsare : cuius opera Consul se designatum iri sperauerat , propterea quod ei Consulatu petenti suffragatus erat : ut est pagina 25:

25:

NEPOS] Cum Q. Metellus Nepos proficiscatur, quem opinio erat in locum Auguris mortui petiturum ; cuius Auguratus deferetur ? Et innuit , Nepotem certum Augurem fuisse futurum, nisi Roma discessisset: cur ? quia fratris in locum surrogari æquum erat. perierat enim Q. Metellus Celer Augur ; ut ex oratione in Vatinius cognouimus : Nepos autem Celer fratrum filij ; ut libro V. epist. fam.

25:

PROFICISCITVR,] In Hispaniam ex Prætura , Proconsulis tamen titulo : itaq; eum Plutarchus appellat in Cæsare.

25:

DEFERATVR.] Delatus est P. Vatinius. legimus in oratione contra ipsum.

25:

CAP I possum.] Si enim isti Auguratu mihi deferrent, captus beneficio dissentire ab ijs in Republica non possem. non dum enim erat Augur Cicero, nec fuit nisi post reditum ab exilio. quanquam in epistola, quam scribit ad Catonem , dicit se Auguratum neglexisse : sed scribit ad Catonem, idest ad hominem seuerrimum, ab omni prorsus ambitione alienum.

25:

VIDETE ciuitatem meam.] Hemistichium

ex ueteri poeta, in miserabilem ciuitatis aspectum.

25:

QV AE putauit esse praeclara] Magistratus, & honores.

25:

EXPERTVS sum] Quia summi honores summa cum laude gesti, mihi tamen, ut uideo, contra perditorum conatus praesidij minimum attulerunt. iam enim, equitibus à senatu alienatis, cum Q. Catulus & Q. Metellus, duo fortissimi Reipublicae propugnatores, obijissent; Pompeij, Caesaris, & Crassi facta coitio esset; Bibulus Consul, armis foro pulsus, domi se teneret; senatus duces non haberet; afflicta langueret optimatum causa; non dubie Cicero impendentem exitij sui calamitatem suspiciebat.

25:

CVM omnibus Musis rationē habere] Proxime me literis dedere.

25:

RESERIBE certius,] Num ita grauiter laboret, ut desperetur.

25:

QVID de P. Clodio] Num legatus ad Tigranem proficiscatur.

26.

FLUCTVS numero] Quod ab ijs fieri solet, quos ipsum nihil agere delectat.

26.

LACERTAS] De terrestribus lacertis absurdum est intelligere: in quem enim usum caperentur? de piscibus recte accipietur. quanquam Plinius, Celsus, Martialis uirili genere lacertos scribunt: ego nō

COMMENTARIUS

uideo, quid repugnet, quo minus et lacertas scribi possit. nam si ad differentiam fit mutatio; cur non eadem fit in alijs nominibus, quæ & terrenis bestijs, & aquatilibus cōmunia sunt? ut, cū dicimus, Canis, Lupus, Leo, nomina sunt terrestrium animalium, sunt item piscium; nihil tamē ad differentiā mutatur. huiusmodi sexcēta.

26.

SERAPIONE, & Hipparcho] Qui scripserant περὶ τῆς γεωγραφίας.

26.

δμοειδῆς,] Nam & de montibus, & de fluminibus, & de situ urbium, aliāq; huiusmodi sæpius iterāda. quo fit, ut cum eadem res ferè semper occurrant, uarietate orationis distinguī uix possint.

26.

TYRANNIO] Qui & ipse scripserat τὰ γεωγραφικά.

26.

QVIN etiam dubitem] Placeret, QVI ETIAM: hoc sensu. Vide, quā sim complexus oriū, ut, qui antea peregrinari statueram, & in ea peregrinatione aliquid scribere τὸ γεωγραφικόν, nunc quandoque cogitem, omisso peregrinandi consilio Antij considerare. QVI ETIAM DVBITEM: cui etiam aliquando ueniat in mentem Antij considerare.

26.

HOC tempus] Quod ponere statueram, in peregrinatione.

26.

BVTHROTI] Procul à strepitu rerum urbanarum.

26.

PROXIMA est] Simillima est, quod ad solitudinem,

solitudinem, & amoenitatem attinet. Iterat idem libro

- III. 59. his uerbis : Scito Antium Buthrotum esse
Romæ, ut Corcyræ illud tuū. nihil quietius, nihil alius,
nihil amoenius. 26.

VATINIVM] Tribunum plebis, Cæsaris
Consulis ministrum in seditionibus.

26.

VIGINTIVIRIS] Quos Cæsar, perlata
lege agraria, ad æstimationem agri Campani creau-
erat: cum insuper quinque creasset, qui æstimatum di-
uiderent. 27. 135 : & Dion libro XXXVIII.

26.

VNUM esse saluum] Canalcantis liber, VI-
VVM EST SÆGIVM. Bessarionis, VI-
VVM EST SEGIVM. uulgata lectio lumen
interpretationis non desiderat, cum sententia pateat.

26.

πολιτῶν :] Reipublicæ opera nauanda, in
literis uidelicet, et libris, doctissimorum hominū exēplo.

26.

ἀνέκδοτα] Vel, recondita quædam, quæ in aper-
tum nō proferantur, tibi uni pateant: uel, qualia nemo
hactenus edidit. 26.

THEOPOMPINO genere] Theopom-
pus in historijs suis hominum mores aspersere accusabat.

26.

πολιτῶν,] Opera, quam nunc quidem, An-
tij dum sum, Reipublicæ nauo, hæc est, odisse improbos.

26.

DE Quinti fratris negotio,] Quod Q. Cice-

K

COMMENTARIUS

roni Asiam regenti à populo Romano in sumptum debatur, id sibi ille denario, idest Romana pecunia, nō cistophoro, qui nummus erat Asiaticus, curari uolebat. uide igitur, inquit Cicero, ecquæ spes sit denarij, an cistophoro contenti esse cogamur. Pompeianum appellat, quod in Asia magnam pecuniam Pompeius in cistophoro habebat, quæsitam quo tempore in ijs regionibus contra Mithridatem bellum gessit: è qua pecunia Quæstores numerari Quinto uolebant, tantundem ipsi postea Pompeio Romæ denario numeraturi. 32.

26:

DE muro] Palatinæ domus. 26.

26:

ALIUD quid? etiā.] Aliud quid est, quod ad te scribam? unum hoc reliquum est. quando te proficisci &c. sic locutus est pagina 8. & 34:

26:

QUEM non amabam,] Forre, Pompeium: quem amare desierat, quod Clodium ad plebem traduxisset. 28. DE PVBLIO: Clodio.

26:

LEGATIONE] Ad Tigranem. 24:

26:

QVID sit acturus.] Num ea sit usus. nā paulo post: Quā si ille contemnit, spectaculum egregiū.

26:

IN hominem] Tolle præpositionem IN, sententia patebit.

26:

AMISSVRVS.] Cū legatus longe gentium abiret: qui plebeius uideretur esse factus, non ut

inani legationum munere tempus consumeret, sed ut
Romæ plebis negotium gereret.

26:

PATRITIOS salutare] Vide Clodi,
quàm non sapienter egeris. Armenij Reges Romam
uenire solent, ut patritios saluent. tu autem patri-
tius cum esses, transire ad plebem uoluisti, quam ob-
causam? ut ipse Regem Armenium ires salutatum.

26:

LATORIBVS, & auspiciis legis Curia-
re:] Illis ipsis, qui eum ad plebem traduxerunt:
Cæsari uidelicet, & Pompeio: quorum alter Consul
legem tulerat de Clodio ad plebem traducendo: alter
Augur in auspicio fuerat. 29. 120. LEGIS CV-
RIATÆ: qua Clodius ad plebem traductus est,
Cæsare latore, auspice Pompeio. pro domo sua.

27.

VNVS uir] Cum in domo Cæsaris, Ponti-
ficis Maximi, inter mulieres deprehensus est. 7.

27.

IN uiginti] Creatis ad æstimationem agri Cā-
pani, cum diuisio tantum quinque uiris delata esset.

27.

PISAVRENSIS nebuloni] Bessario-
nis liber, item Caualcantis: PISAVRENSIA
NEPTILONI. alij aliter: nos quammaxime
ad antiquam scripturam accedentes, ita putamus esse
corrigendum: illa opima ad exigendas pecunias Dru-
so, ut opinor, Pisaurensi, an epuloni Vatinio reser-
uatur? ut, quæ Clodio promissa fuerat legatio, eam

K ij

COMMENTARIVS

- dicat Druso, aut Vatinius reſeruari. & eſt uſitata Ciceroni locutio, ambigenti hoc an illud ſit: ut libro I.
- » Nos hic te ad menſem Ianuarium expectamus ex quodam rumore, an ex literis tuis ad alios miſſis? & in
 - » epiſtola ad Trebatium: Cn. Octavius, an Cn. Cornelius
 - » melius quidem? is me ad coenam ſepe uocat. Item in
 - » Bruto: Paucis ante quam mortuus eſt an diebus, an
 - » menſibus? & libro XI. Is dicitur Quintum filium
 - » uidiſſe an euntem, an iam in Aſiam?

27.

BELLA relegatio] Non eſt hoc, Clodium legare, ſed ſpecie legationis relegare. Et argute, cum poſt uerbum IEIVNA, adſcripturus uideretur LEGATIO, ut contrarium contrario redderet, quia dixerat OPIMA; iocum captans repente uertit ſententiam, & intulit, BELLA RELEGATIO. In libro Beſſarionis antiquo uideo ſcriptum eſſe IEIVNA TABELLA RELEGATIO, tribus uerbis diſtincte: ut mutationis minimum ſit in noſtra lectione.

27.

AD iſtorum tempora reſeruatur.] Qui enim Clodium nunc ad Tigranem mittunt, ideo mittere uidentur, ut comitijs Tribunitijs Romæ ne ſit, itaq; petitione Tribunatus excludatur: id autem, ut Tribunatum illi non tam eripiant, quam ad iſtorum tempora reſeruent. quaſi arbitrato ſuo poſſent magiſtratus dare, cum uellent.

27.

INCENDE hominem] Incende Clodium contra Cæſarem, & Pompeium, qui eum tam contumelioſe tractent.

27.

EX Curione] Cognosce ex epistola sequenti .

27.

CONSULATVM sibi ereptum] Spera-
uerat enim, in petitione Consulatus usurum se esse Cæ-
sar's opibus, qui & ipse Cæsari petenti anno proximo
superiore suū studium, suamq; operam præstiterat. sed
Cæsar ubi ad Consulatum peruenit, de officio non la-
borans, Arrium neglexit. EREPTVM: non
quia Consules essent creati, sed quia Cæsaris promissis
Arrius destitutus iam de Consulatu desperabat: cum
se exclusum non dubie conijceret, Cæsare, Pompeio, &
Crasso sibi inuicem gratificantibus. 25:

27.

MEGABOCCHVS] Pópeius: qui in his
epistolis à Cicerone diuersis nominibus appellatur; Epi-
crates, qui omnia teneret; Sampsicramus, Arabar-
ches, & Hierosolymarius, hæc loca uictorijs adeptus;
Megabocchus, magnus Africæ rex, quia Domitium, &
Iubam Syllanis temporibus in Africa uicerat; Bocchus
autem in Mauritania, Africa parte, regnauerat.

27.

SANGVINARIA] Cædis cupida: uel,
facilis ad cædem committendam: ex Catilinæ sangui-
narij hominis disciplina. pagina 9. Concurfabant, in-
quit, barbatuli iuuenes, totus ille grex Catilinæ, duce fi-
liola curionis. & pagina 13. Nostri isti comesatores
coniurationis, barbatuli iuuenes.

27.

INIMICISSIMA est.] Magno odio

K iij

COMMENTARIVS

Megabocchus est huic sanguinaria iuuentuti. 27:

27.

AVGVRA TVS] Nā ex ambitione mul-
torum, qui locum Metelli petent, dissensiones inter istos
existent. 25:

27.

QVINQVE uiris] A' Cesare creatis ad di-
uisionem agrorū. 135. & Dion libro XXXVIII.

27.

LOQVI quosdā] Contra Cesare, et Pompeiū.

27.

NAUFRAGIA] Dissensiones, & rixas.

27.

EXIRE de nauī] Cum mihi facultas eripia-
tur administrandæ Reipublicæ. NON ABIE-
CTIS, SED EREPTIS: non sponte, sed
coactus omitto curam Reipublicæ. E' TERRA:
ipse extra periculum naufragij. quale illud Lucretij:
Dulce, mari magno turbantibus æquora uentis,
E' terra magnum alterius spectare laborem.

27.

DE muro,] De quo 25. 26:

27.

CASTRITIANVM mendum] Quid-
dā significat de Castritio, qui in Asia negotiatus erat:
ut ex oratione pro Flacco.

27.

CLO CCLDD LDD] Accipe nō de se-
stertijs maioribus, sed de sestertijs nūmis: alioqui, nimium
summa discreparet ab eo, quod sequitur de HS XXX.

27.

SCRIPSERAT,] Ex Asia prouincia.

27.

HS XXX] Subduc ad nostratis pecunia rationem: scutati erunt septingenti supra quinquaginta: proximi superiores, circiter mille quingenti.

27.

CICERO] filius meus. FRATRE SVO: patruele, Quinto Cicerone filio.

27.

DE Amalthea] Gymnasio Ciceronis: de quo 23.

27:

ANTE diem XVI. Cal. Maij,] Puta diem, XVI. Cal. Maij. nam idem significat. quasi, decimo sexto die ante diem Calendas Maij: ut tamen includantur Calendæ Maij. itaque in epistola ad Tironem, post diem Nonas Nouembreis constituit ante diem VIII. Idus Nouembreis, idest, VIII. Idus Nouembreis. est enim concisa locutio, cum dicimus, VIII. Idus: cum uero, ante diem VIII. Idus, plenior: nam est, ante diem Idus octauo die: ut & qui primus Idus est dies, & qui extremus, intra numerum recipiantur.

27:

DEDISTI,] Eam, quæ pueris exciderat in uia. HISTORIA DIGNVM: non leue quiddam, aut iocosum, sed serium, & graue: qualia sunt, quæ in historias referuntur.

27:

DE Publio] Aiebat, Casari & Pompeio bellum commoueri, quod a P. Clodio contemni legationem

K iiij

ad Tigranem uiderent. 26 :

27 :

MIRANDVM in modum] De quo pag. 33. VNUS loquitur, & palam aduersatur adolescens Curio. REGES ODISSE SUPERBOS : qui supra leges esse uellent : Casarem, Pompeium, & Crassum. Nec dubito, quin sit hemistichium ex ueteri poeta, cum in illud inspicio, quod legitur libro VI. 93 : Tibi ualde solet in ore esse, Grauius autem non contemnere se, & Reges odisse superbos.

27 :

OPINOR aliud agamus.] Ego, ex istorum societate ne quid mihi crearetur periculi, timebam. nunc cum & initia uideam dissensionis ipsorum inter ipsos ; & iuuentutem audiam hac ferre non posse : opinor, licet mihi animum a timore liberatum ad alias res traducere. quod idem in epistola superiore dixit, Vna spes est salutis, istorum inter istos dissensio.

27 :

HISTORIAE.] Scribenda, Theopompino genere. 26.

27 :

SAVFEIVM] Tardum, et negligentem : qualis Saufeius, qui laborem non fert, uel natura, uel, quia Epicureus, instituto, et consuetudine. uide 98.

27 :

QUONIAM putas] Hoc, inquit, tempore non putas diutius mihi esse manendum in Formiano, ut cratere illo fruar, quem scis me in delicijs habere, quod ad potationes aptissimus, et elegantissimus sit.

27:

A' I I I I. Cal. ad pridie Nonas Maij:] Verbum C A L. puto superare, et legendum, A' I I I I. ad pridie Nonas Maij: ut quarto Nonas ludi cōmitterentur, pridie desinerent: cum simile ueri sit, eo die Ciceronem Antij esse uoluisse, qui ludorū commissionem proximus antecessit: siquidem Antiū cogitat duntaxat ludorū causa. et erit perelegans locutio, A' I I I I. ad pridie Nonas: ne, Nonas, inepte iteretur. inculcatam suspicor diētionem C A L. ab hominibus imperitis, qui desiderari aliquid crederent post I I I I.

27:

AD Cal. Iun.] Ut in senatu adesse possim. qui ferē Calendis habebatur: ut exemplis infra docebimus.

28.

C V M Publio dialogos,] Atticus ad Ciceronē scribebat, ē Clodio se, quæ poterat, in sermone elicere.

I L L V M V E R O: illum autem maxime.

28.

Βοῶπις,] ἐπιθετον Iunonis apud Homerum, quasi bouinos habens oculos. Cicero transtulit ad Clodij sororem, tanquam alteram Iunonem, quæ cum fratre coire diceretur. 22.

28.

P A C T A sunt,] Promiserat Clodius Pompeio, se nihil acturum contra Ciceronem. 37. 38.

28.

N O N seruantur,] A' Clodio. H I E R O S O L Y M A R I V S: Pompeius, à Hierosolimis captis. T R A D V C T O R A D P L E

COMMENTARIVS

BEM : traduxerat Clodium. 26 :

28.

PVTISSIMIS] Luculentis, et splendide
scriptis : quibus illum ornavi. unde durum purum pu-
tum. GRATIAM RETVLERIT :
qui plebeium fecerit inimicum meum.

28.

NEBVLO iste] P. Clodius. CVM
HIS DYNASTIS : Cæsare, Pompeio, et Cras-
so, qui omnia possunt. 28.

DE Cynico consulari,] Nullam, inquit, non
modo in me, sed ne in Lucullum quidem, aut Horten-
sium poterit Clodius invidiã cõcitare. nam Pompeius,
Cæsar, & Crassus cum omnia teneant : qui fieri po-
test, ut ulla nos in invidia simus, spoliati opibus, et illa
senatoria potentia ? itaque, quod cõtra nos agat, Clo-
dius non habebit. Cynicum autem se uocat, quasi Dio-
genem quendam, seuerum hominem, minime delica-
tum : illos autem, piscinarum Tritones, quoddam ita pisci-
nis delectarentur, ut quasi Tritones in aquis uiuere ui-
derentur. et placet, ut illud CYNICO cum lau-
de dicatur : hac sententia : nõ modo me, cuius omnes
curæ ad uirtutem referuntur, sed ne istos quidem, qui
præter suas piscinas nihil curant, poterit Clodius in ullã
invidiã adducere. 28.

QVAM potuit :] subaudi, per publicas ra-
tiones. est enim POTUIT, licuit, debuit, æquum
fuit : quale illud pagina 31 : Potuerit intercedi, nec ne,
nihil ad se pertinere. & in oratione pro domo sua,
Senatus aliquid consilij capere potuit.

28.

CATONIS,] Qui equites à senatu alienavit 17. 22 :

28.

AUSPICIA] Docet in oratione pro domo sua, Clodium contra auspicia fuisse adoptatum, quia, quo die de eius adoptione lata lex est, Bibulus Augur de caelo servavit : & agi cum populo nefas erat, cum de caelo servaretur. Idem & in oratione de Aruspiciū responsis.

28.

AELIAM legem,] Quae erat de obnuntiationibus : qua Caesar neglecta, Bibulum collegam obnuntiantem armis foro expulit. Suetonius.

28.

IUNIAM, et Liciniam,] Iunia lege idem ferè cautum esse quod Licinia crediderim, quia simul ponuntur. sic infra, 64. Catonem lege Iunia, & Licinia scis absolutum : Fusia tibi ego nuncio absolutū iri. Quid autem Licinia lege cauebatur ? patet in agraria oratione II. & pro Domo : ut non modo ei, qui de aliqua curatione, ac potestate tulisset, sed ne collegis quidem, cognatis, affinibus ea potestas curatiove mandaretur. contra quam legem Caesar, & Vatinius fecerunt. Accius enim Balbus, ut in Suetonio legimus, qui Iuliam Caesaris sororem in matrimonio habebat, inter XX viros agrum Campanum plebi diuisit : cum & legem de agro diuidundo Caesar tulisset, et Licinia lex in curationibus mandandis affines eorum exciperet, qui legem tulissent. hoc exempli causa. plura pratero : ut de Pompeo Accij Balbi collega in XX uiratu : quod ex pagina 29. licet coniungere. Et ut aliud ex alio, in

» oratione in Vatinius ita scriptum est : Quero, postu-
 » latus ne sis lege Licinia, et Iulia ? corrupte, ut opinor :
 cum legendum uideatur, Licinia & Iunia. aut si, Iu-
 lia, recte : Iuliam quoque hic pro Iunia reponamus.
 alterutrum certe mendosum sit necesse est.

28.

CAECILIAM, et Didiam] Antea Ce-
 liam in uulgatis libris, nec aliter in manuscriptis. nos
 tamen quintum ab hinc annum, Caeciliam, in nostro
 libro reposuimus, primum ex oratione pro Domo, ubi
 Caeciliae legis & Didiae mentio iteratur : deinde ex li-
 bello Consulium : in quo uideo collegas Q. Caecilium
 Metellum, T. Didium Viuium, anno ab urbe condita
 DCLVI. nisi si quis contra ueritatem plus aequo
 pugnax, Celium, & in Consulium catalogo legendum
 contendat. quem facile ratio uincit, cum Metellus non
 Celiae, sed Caeciliae gentis cognomen sit. Et ut in eadem
 oratione scriptum est, Caeciliae legis & Didiae quasi uis
 et sententia haec erat, ne populo necesse esset aut id, quod
 noller, accipere, aut id, quod uellet, repudiare. Caesar
 autem, & Vatinius Caesaris consiliorum minister, in suis
 legibus ad popularia quaedam consulto admiscuerant
 perniciofa capita, ut populo legis accipiendae quasi ne-
 cessitas imponeretur. 28.

EFFVDERVNT :] Proiecerunt ; ut Res-
 publica periret. 28.

REGNA &c.] Hoc aperte in oratione in
 » Vatinius : Volo uti mihi respondeas, feceris ne foede-
 » ra Tribunus pl. cum ciuitatibus, cum Regibus, cum
 » Tetrarchis ? erogaris ne pecunias ex aerario tuis legibus?

» eripueris ne partes illo tempore carissimas partim à Cæ-
 » sare, partim à publicanis? Et in epistola ad Lentulū :
 » Tota interrogatio mea nihil habuit aliud, nisi repren-
 » sionē illius Tribunatus: in qua omnia dicta sunt liber-
 » tate, animoq; maximo de vi, de auspicijs, de donatione
 » regnorum. 28.

TRANSEAT,] Invidia discedet à nobis,
 & ad eos, qui hæc fecerunt, transibit. HABI-
 » TVRA : pro habitatura: ut apud Plautū, Quis hic
 » habet? & in libris digestorū. Habet post horrea mea.
 28.

A' THEOPHRASTO] A' Theophras-
 sti libris de Republica. quorū lectione ita delectabatur,
 ut Plutarchus Theophrastū Ciceronis delicias appelleret.
 28.

NOSTRA illa tempora,] Triennium quod
 fuit à Consulatu Ciceronis et Antonij ad Consulatū
 Cæsaris & Bibuli. In epist. fam. 12:
 28.

INVIDIOSA] Ad populum: cum sena-
 tus opes ex equitum concordia uigerent. TREIS
 HOMINES: Cæsarem, Pompeium, Crassum.
 28:

VATINII strumam sacerdotij διακω νε-
 stiant.] Vatinio Auguratum deferant. 26 :
 STRUMAM: struma tumidum fuisse Vatinij
 guttur, scribit Plutarchus in Cic. SACERDO
 TII διακω: sacerdotium pro Auguratu posuit &
 in epistola ad Catonem. διακω autem, qui Augura-
 tu, maiore' ue aliquo magistratu præditi essent, uteban

tur. in epistola ad Celiū.

28:

QVI peccauit,] Cuius culpa conuersus est
orbis Reipublicæ. 22 : 27.

28:

ΣΟΦΙΣΤΕΥΕΙΝ] Sapientiam quærere, philosophari,
missa Reipublicæ cura.

28:

SI ille cogitat,] Si quid ille aduersus me ini=
mice cogitat. uel corrige : Si ille cogit, at tantū dun=
taxat nos defendere. ut nihil mutetur, & , Tantum
duntaxat, ita dictum sit, quo modo dicitur, Tantum
modo, pro Tantū. 28 :

PROPRIVM artis huius,] Quia sophi=
stæ, si quis prior in disputando laceffisset, ulciscébatur.

28:

INGRATIS uectoribus] Pompeium no=
tat ; qui cum Ciceroni summe deberet, eius tamen ini=
micum ad plebem traduxerat.

29.

Τηγεΐ] Homeri uerba de Ithaca, Vlyssis pa=
tria. Quid, ego inquit, Arpinum te inuitem ? quod
amœnitate delectare non magis potest, quàm Ithaca
illa, in asperrimis saxulis, tanquam nidulus, affixa ;
fortes tamen uiros, nō minus quā Ithaca, gignit. Erat
autē Cicero Arpinū Formiano, Arpino Romā iturus.
ideo dicit, Romæ te fortasse uidebo. 27 :

29.

NEGENT illi] Cum Cæsar, & Pompeius
Clodium ad plebem traduxissent, eoq; mox non satis

amico uterentur, qui etiam delatam ab ijs Armeniam legationem contempsisset: negabant, illum plebeium esse factum, ideoq; nec Tribunatum posse petere. Hic Cicero indignans, quod regnum, inquit, est hoc? fecerunt, quod iure non poterant: nunc, quia poenituit, factum negant. sed si Clodius emittat ad me, qui meum hac de re testimonium tabellis excipiant, et obsignent: iurabo, Cn. Pompeium Antij mihi narrasse, in auspicio se fuisse, cum Clodius lege Caesaris ad plebem traduceretur.

29.

TRIBUNVM pl. factum esse] Cum Clodius Tribunus plebis factus erit, tum quid isti dicent? negabunt id fieri potuisse, quia non iure ad plebem transierit? Et quanquam non dum Clodius Tribunatum adeptus erat, Cicero tamen ut de re, quae iam sit, quia futuram non dubitat, ita loquitur.

29.

COLLEGAM Balbi,] In XX uiratu. Accium enim Balbum in XX uiris fuisse, Suetonius narrat.

29.

IN auspicio fuisse] Quod Pompeius negabat: cum tamen negare non posset. 26:

29:

COMMODE] Paulo ante, tantum, commodum.

29:

CURIO meus] Addidit MEVS, ad differentiam: quia pater Curio uiuebat, eodem pronomine: quemadmodum pagina. 27: ad eiusdem Curionis nomen adscripsit, ADOLESCENTEM: pagina autem 38. FILIVS.

29:

ISTA] Leges Cæsaris . quod Clodius in Tribunatu conatus est . Pro domo sua .

29:

DE illius adoptione] Negat se tulisse ad populum de Clodij adoptione , idest de transi-
tione ad plebem . nam Clodius adoptionis iure , cum patritius esset ,
ad plebem transijt . 26 :

29:

S V V M , Memmij , Metelli Nepotis .] S V V M : ipse Cæsarem oderat uel patris nomine , qui cum Cæsare inimicitias gerebat . De claris Oratoribus .
M E M M I I : hic anno proximo Prætor , cum L . D o m i t i o collega de Cæsaris actis retulit . Suetonius .
M E T E L L I N E P O T I S : qui oderat Pompeium propter diuortium sororis Mutiæ . 7 . et in fam . 60 :
& in Dionis historia .

29:

DE ruminatione quotidiana] De occultis consilijs , quæ Cæsar , Pompeius , Crassus quotidiana ruminatione contra Rempublicam inirent . DE C O G I T A T I O N E P V B L I I : de rescindendis Cæsaris legibus .

29:

DE lituis βοῶπιδος ,] P . Clodij sororem intelligit , quæ tãquam lituus fratrem ad contentiones exciteret . erat enim seditiosa . 22 . 28 . 29 .

29:

DE signifero Athenione ,] Acciperem de Sexto Clodio , qui fuit operarum P . Clodij dux , ut Athenio seruorum , nisi tempora repugnarent : si quidem ante
Tribunatum

Tribunatum nullas turbas P. Clodius potuit commouere, & Sexto Clodio seditionum ministro non nisi post Tribunatum usus est. potius igitur accipiendum uideatur de Vatino Tribuno plebis, qui tū erat Cæsaris consulis quasi signifer contra partes optimatum: ut etiam, ui perditorum hominum incitata, M. Bibulum Consulem, popularibus actionibus aduersantem, in uincula ducere conatus sit. In oratione in Vat.

29:

MISSIS ad Cneum,] Missis à Cæsare Capuam ad Pompeium, agros plebi diuidentem: erat. n. XX uir, ut paulo ante docuimus. & infra, Literæ Capuam ad Pompeium uolare dicebantur. 34.

29:

CONVIVII] Quod scripserat Atticus se esse iturum, et, quæ in eo conuiuio literis digna euenissent, omnia Ciceroni significaturum. 30.

29:

ἀσέλγους?] Delicatum uocat pagina 30.

29:

DESEDERIT,] Metaphoram persequitur: ut, quod fluctuauerat, desidat. A' ME FERRE: habere.

29:

DICÆARCHVM] Scriptorem luculentum. 23. 32. 90.

29:

κικέρον φιλόσοφος] Iocatur de se ipso: & πολιτικὸν Atticum appellat, quia Dicæarchum secutus anteponeret τὸν πρακτικὸν βίον τῷ θεωρητικῷ. 32.

L

COMMENTARIVS

30.
EPISTOLAM] Proximam superiorem
intelligit. DOMVM: Romam. RE=
GNVM uestrum: iniustam paucorū dominationē.

30.
SILERI:] Neminē reclamare iniquis Cæ=
saris actis.

30.
τῆλέπυλον λατρυγόνιν] Ex Homeri Od. κ.

30.
CRASSI Diuitis] Cognomen à maioribus
acceptum, & re confirmatum: quia fuit hic Crassus
Romanorum omnium ditissimus. CONSE=
NE SCIT: in dies magis magisq; obscuratur, quia
cum Cæsare aduersus patriam coierint.

30.
LITERAS ad Sicyonios] Scriptas à Con=
sulibus, ut tibi pecuniam soluant. 19.

30.
QVANTAM] Quia scripserat Atticus se
cum M. Bibulo sermonem habiturum, etiā cum Clodia
Publij sorore.

30.
ITA] Afferens ad me quæ cognoueris ex ser=
mone Bibuli, è colloquio βωπιδος.

30.
SAMPSICERAMVS] Pompeius, à
Regulo in Syria Sampsiceramo deuictō. Strabo.

30.
ὁ ἀνατρέπτους] Cæsar in Consulatu acta Pom=
peij sanxerat, legibusq; firmauerat: ut Appianus, et

Plutarchus : ideo, ne non satis firmæ essent Cæsaris le-
ges, Pompeius suo nomine timebat: quia senatus haud
multis ante annis & Liuias leges, quod contra auspi-
cia latæ essent, sustulerat. *ὁὐκ ἀντιθέπτους* ergo prop-
ter auspicia neglecta. 28.

30.

R V E R E] Iracunde furere. 36.

30:

A T comparem basilicæ?] At, inquit, basi-
licā habere me dicā? habeo tribum Aemiliam. Quod
enim basilicæ similem esse uillam suam dixerat; quasi
non bona esset comparatio, correxit, & intulit, Ae-
miliam hic ego habeo tribum, non uillam: quid enim
basilicæ comparem? in qua sunt homines multo, quā
in Aemilia tribu, pauciores. Neque, tribum, modo
uoluit dicere, sed addidit, Aemiliam, quod ea ceteris
tribubus plenior, & amplior esset.

30:

C O N T V B E R N A L I S,] Qui totos dies
mecum sit.

30:

C O M M O D I S S I M E] Nū uiderem, te
hic à me cōmodissime expectari, et excipi posse. 28: 29.

30:

F V N D V M Formianum] Qui mihi nunc
ex horum molestia odiosus est.

30:

E T tamen illud probem.] P R O B E, &
proxime, A G G R E D I E M V R, esset planius:
hoc enim diceret: Et tamen probe illud præstabimus:
magnum quid aggrediemur &c.

L ij

COMMENTARIVS

30:

QVIDDAM inueniri possit,] Scripserat Atticus, inuentum iri quiddam à Cesare super agraria re, quod nemo improbaret, nemo recusaret. 31.

30:

COMITIORVM dilatione] Bibulus domo pedem non efferens, edictis comitia differebat. neque uidentur hæc fuisse comitia Consulum designandorum (quippe ante Quintilem mensem non designabantur, hæc autem Aprili mense scripta sunt) sed legis agrariæ rogandæ.

30:

NIMIRVM in Publico spes est.] Afflicta Respublica iacet: quam Bibulus erigere non potest, quise, Caesaris metu, parietibus tenet. quis igitur eriget? spes iam nulla superest, nisi in Clodij Tribunatu: qui istorum est inimicissimus. ergo; etsi uideo, quæ mihi ab illo tempestas impendeat; fiat tamen, fiat Tribunus plebis. Et protulit hoc Cicero cum indignatione; quodd Reip. salus in uno posita uideatur, homine omnium perditissimo. uide 29: 31.

EX Eperro] Quod Atticus propediem erat iturus ad exigendas à Sicyonij pecunias. DISPUTARE: altercari. VT HOC NON SIT: ut mecum non disputet, non contendat.

31.

TAMEN seruet Remp.] Sic Bessarionis antiquus liber. itaque nihil muto, et expono sic: Ut Clodius mihi in Tribunatu negotium non faceffat, ut nihil cogitet contra me, tamen seruet Rempublicam (et dixit TAMEN, quasi uix credibile uideatur seruari

à Clodio Rempubicam posse) hoc est, et, quod non spe-
ratur, tamē faciat, ut Rempubicam homo perditus ser-
uet, rescindendis uidelicet Cæsaris actis : erit egregium
spectaculū uidere Clodiū Reipublicæ causa facere con-
tra eos, à quibus plebeius factus sit, ut cum ipsis Rem-
publicam oppugnaret. 26 :

31.

TE confessore] Te præsentē.

31.

INGEMVERAM] Ad Seboſi aduen-
tum. 30 :

31.

IN montes patrios,] Arpinum. PER-
GAM : quia iam ante Arpinū ire statuerat. 27 : 29.

31.

SI solus non potuero,] Arpini si solitudinem
non feram, cum rusticis ibi esse malo, quā in For-
miano cum his perurbanis.

31.

CERTI nihil scribis,] De aduentu tuo.

31.

TIBI præstoler] Sic oratione I. in Catilinā :
» Qui tibi ad forū Aurelium præstolarentur armati.

31.

CONTROVERſIA Muluiana.]
Publicani publica conducebant. ideo Muluius, cogni-
tor, ut puto, publicanorū, publicos agros à priuatis uin-
dicare conabatur, ut publicanorū neſtigal augetur.

31.

COMMVNEM cauſam] Non præcipuā
ipſius, ſed & tuam, & communem omnium publicos

L iiij

COMMENTARIVS

agros possidentium. PENDIS : pro agro publico . non litigas, ut nihil pendas, sed ut agrum retineas : hac uero ne pendere quidem uult .

31.

ILLIVS] Caesaris. ALIQUID : de agraria re .

31:

DEINDE, ut ego me consoler,] Maius aliquid ex tuis superioribus literis timueram . nunc ego me consolor : quia, quod scripsisti, neque eiusmodi uideo esse, quod ab omnibus probetur ; et id ipsum quod est, contra Caesarem ipsum esse intelligo : omnis enim expectatio &c.

31:

DERIVATA.] Expectatio illa omnis de agraria re, hunc exitum habet, ut ager Campanus plebi diuidatur .

31:

VT dena] Si dena singulis iugera diuidantur, ut proximis literis significas . RELIQUA OMNIS MULTITUDO : quia XX hominum millia diuisionem agrorum petebant. Appianus lib. III.

ILLIS : qui legem agrariam tulerunt. ABABLIENETVR : id non accidit ; quia Caesar, cum agrum Campanum intelligeret tantae multitudini non sufficere, praeterea Stellatam campum diuisit. Suetonius.

31:

PORTORIIS Italiae sublatis,] Caesar Consul, ut ab Italis quoque gratiam iniret, portoria sustulerat. uidelicet id agebat, ut Italis beneficio deuinctis, populo ex agrorum diuisione obligato, facilius mox ad tyrannidem aditus pateret . DOMESTICVM : in Italia . VICESIMAM : aurum

uicesimarium ærario sanctiore ad ultimos Reipublicæ
casus seruari solitum, scribit Liuius libro XXVII.
et erat uicesima tributum, cum de uicenis unum pende
retur. CONCIU NCULA: tribunitia.

PEDISEQVORVM: infimæ plebis: quæ,
si quis Tribunus de tollenda uicesima concionaretur,
clamore statim esset approbatura. PERITV=
RA: ne exigeretur.

31:

Φυσᾶ ᾠπ] Non iam dissimulat, sed, quid sentiat,
præsefert.

31:

Φοβίως ἄτερ,] Est in tibijs ligula, qua exem=
pta, spirant maiore sono.

31:

ISTVC adduci] Adduci, ut agri Campani
diuisionem, rem turpissimam, & Reip. maxime exi=
tiosam, Cæsari gratificans probaret.

31:

ἑσοφίζετο,] Malitiose suam culpam excusabat.

31:

PROBARE,] Cæsar, ante quàm legem
agrariam ferret, scriptam in senatu recitauit; si quis
quid improbaret, correcturum pollicitus. præter Cato=
nem contra nemo dixit. Dion libro XXXVIII.

31:

ACTIONES ipsum] Si Cæsar ijs legibus
deinde ad suam potentiam abuteretur, ipsum esse ac=
cusandum, sibi uitio dari non posse.

31:

POTVERIT] Hic quoque, potuerit, pro

L iij

debuerit : ut pagina 28 .

31:

REGE Alexandrino] Ut Rex Alexandriae Ptolemaeus à senatu & populo Romano socius appellaretur . Caſar lib. III. de bello civili, 192 .

31:

DE cœlo tum ſeruaffet ,] Agere cum populo non licebat, cum de cœlo ſeruaretur. Caſar tamen, ſeruante Bibulo , leges tulit .

31:

DE publicanis] Quos locationis Aſianae induſionem poſtulantibus , Caſar tertia mercedum parte releuauerat . 15 : & Suetonius .

31:

QVID QVID futurum fuerit,] Sic & antiqui libri: planius tamen, QVID FUTVRVM FVERIT : ut hoc dicat : quod Bibulus foro pulſus cum ignominia ſit, ſibi aſcribendum non eſſe: nam etſi legem agrariam probarit, de Bibulo tamen, legem impedire conante, ſe id, quod euenit, diuinare non potuiſſe .

31:

SAMPSICERAME] Pompei. 30 .

31:

IN monte Antilibano] In longinquis regionibus ueſtigal dediffe populo Romano, domesticum abſtuliffe? De monte Antilibano Plinius libro V . Strabo libro XVI .

31:

OBTINEBIS ?] Excufabis , tueberis, ut homines non reprehendant .

31:

INGRATIS animis] Quorum uitio fit, ut nemo libenter aut libere tueatur Rempubicam. qui si non essent ingrati, ac mecum, ut debebant, cōsentirent: non tibi ea liceret facere, quæ pessime facis: non igitur exercitu Cæsaris, sed illorum culpa nos opprimes. APPELLANTVR: sed non sunt.

31:

IN eam partem] Contra tam iniquam paucorū dominationē. 32.

HOC statui, &c.] Statui, cum Dicaërcho morem gesserim, etiam Theophrasto satisfacere: id est, cum agendis rebus multos annos dederim, nunc τὸν θεωφράστῃ κὸν βίον amplecti, & in studijs acquiescere. AD HANC FAMILIAM: ad Theophrasti sectā.

32.

AD me quoque fuit] Ad me quoque scribens uisus est πρόθε λέον, ὅπιθεν δὲ δρόκων, μέσση δὲ χίμαρα: ut ait Homerus Il. ξ. quod Quintus frater in ijs epistolis sibi non constaret, qui uideretur de Asiæ diuturna administratione modo sollicitus esse, modo minimū laborare. 32.

MANSIONEM suam] In Asia, quam Proprætor administrabat. 32.

ANNALES suos emendem,] De quibus emendandis non cogitaret, nisi tranquillo animo esset, minimeq; de mansione sollicito. 32.

DE portorio circunuectionis.] Cum publicani

pro rebus, quæ circumuehebantur, portorium sibi dicerent deberi; provinciales, & negotiatores negarent: Proprator Quintus dubia sententia fluctuans, rem ad senatum reiecit. 32.

DE consilij sententia] Reſtoribus provinciarũ suum cuique erat cõsiliũ. NON DEBERI: portorium publicanis. GRAECI: homines Asia- ni. QUID EGO DE EA RE SENTI AM: ut sciant, me sentire cum ipsis. 32.

SI possum discedere,] Elegans sententia, nec tamen hæcenus, ut uideo, satis nota. neque enim DISCEDERE proprie hic accipiendum, sed μεταφορικῶς: quasi dixerit: si possum consequi, si hunc exitum res habere potest, ne Græci causa cadat. Idem uerbum & Terentius usurpauit eodem sensu: apud quem ita loquitur Geta seruus in Phormione, 139: Modo ut hoc consilio possit discedi, ut istam ducat. 32.

SATISFACIAM publicanis.] Alijs rebus: cum in hac eorum animos offendamus. 32.

εἰ δὲ μὴ] Refertur ad proximum uerbum SATISFACIAM. si contigerit, inquit, ut publicanis deinde satisfacere non possim: haud tamen in mentem ueniet poenitere, quod in hac causa, quæ optima est, uniuersæ Asiæ, & negotiatoribus satisfacere maluerim. 32.

NVM etiã de cistophoro] Quod Quinto fratri Asiæ Propratori à populo Romano debetur, id uel

lem denario, idest Romana pecunia, curari. Quæstores
autem primo uolebant cistophoro, hoc est Asiatico nū-
mo: nunc etiam id recusare uidentur. 26 :

32.

ILLUD ne quidem] Ne illud quidē postulat
consuetudo latine loquendi : sed et, Ne quidem, apud
hunc ipsum alibi notauimus.

32.

QVOD extremū est.] Ut numeretur nobis ci-
stophori, summa Quæstorum iniuria, qui cogant nos
Romæ uti Asiana pecunia.

32:

MARITIMVM hoc] Formianum : quod
expectatus uenire noluiſti.

32:

SAMPSICERAMVS.] Pompeius.

32:

TIMENDVM sit] Nihil est, quod magis
timendum nobis putem, quā ne Pompeius, cum se o-
mnium sermonibus sentiet uapulare, & cum has actio-
nes δὲ ἀνατρεπτὸς uidebit, ruere incipiat. 30. 36.

32:

AFFINITATIS coniunctio?] Iuliam
Cæsaris filiam Pompeius duxerat uxorem, & Cæsar
Pisonis Calpurniam. Suetonius, Plutarchus, omnes histo-
ria. et, REPENTINA, præter opinionem: quia
Iulia, ante quā Pōpeio collocaretur. desponsa fuerat
Seruilio Cepioni.

32:

AGER Campanus?] Plebi diuisus, appro-
bante, atque etiam curante Pompeio. 31 : 29 .

COMMENTARIUS

32:

EFFUSIO pecuniæ] Significat pecunias
ex aerario erogatas, & publicanis redditas, Cæsaris lege.
Suetonius: & in oratione in Vatinium.

32:

DII immortales.] Interrupta oratio: figura,
ἀποσιώπησις quæ dicitur. quale illud Aeneidos I.
Iam cœlum, terramq; meo sine numine uentî
Miscere, & tantas audetis tollere moles?
Quos ego. sed motos præstat componere fluctus.

32:

NE et opera, & oleum] Ne frustra uideamur
in studio literarum ætatem consumpsisse. deflere enim,
infirmi, planeq; muliebris animi est: cū à libris præce-
pta fortitudinis peti soleant.

32:

ἀδιαφορία,] Aequanimitas mea: quod animus
meus nulla re uehementius afficitur.

32:

ID afficitur] Refertur ad illud, Quod est sub-
inane in nobis: hoc sensu: Quæ ambitio in nobis est, ea
nunc habet quo delectetur: siquidem Pompeij merita
in patriam non iam, ut antea uerebar, maiora, quàm
nostra, uideri possunt.

32:

* PHOCIS curiana] Hic ego diu cogitans
excogitare nihil potui quod probarem. antiqui libri tan-
quam in eadem silice omnes hærent.

32:

TV tamen] Ego te in Arpinati expecto: tu

tamen fortasse istinc te non mouebis, & aduentum nostrum expectabis. 32:

THEOPHANE] Qui Pompeij sensus, & consilia nouerat. 25.

32:

ARABARCHES.] Quod Arabia partem Syria adiunctam domuisset. ut supra, Megabochus, quasi magnus Africae Rex.

33.

Σκοπὸς] Huc spectarunt, hoc uoluerunt.

33.

TIMENT ullam] Ita de publico largiuntur, quasi timere uideantur, ne ullam cuiusquam rei largitionem praetermittant. ut CVIVS QVAM neutro genere accipiatur. cui sententiae congruunt Suetonij
 » uerba de Caesare: Quae, inquit, cuique libuissent, omnia
 » dilargitus est, contra dicente nullo, ac, si conareretur
 » quis, absterrito. 33.

FVSIVM] Caesaris amicū: qui Tribunus plebis fuerat altero ante anno, Pisone Messalla Consulibus: ut Consulibus Caesare & Bibulo, quibus scripta est epistola, Aedilitatem gerere potuerit, quae Tribunatum anno interiecto sequebatur. mihi enim simile ueri fit, hoc tempore in magistratu Fusium fuisse.

33.

DE singulis rebus,] Ego haec uerba facile suspicor fuisse glossema antecedentium Graecorum.

33.

CAMPANA lex] Lex de agro Campano diuidendo. qua in lege quodam capite scriptum erat,

COMMENTARIVS

ut candidati magistratum petere ne possent, nisi prius iurarent, se in eo magistratu, quem peterent, contra leges Iulias de agro Campano uerbum non esse facturos.

EXECRATIONEM: ut candidati, qui ad petendum coirent, se ipsi iureiurando execrarentur, si mentionē fecissent in magistratu de agro Cāpano aliter possidendo, atque ut ex legibus Iulij eius agri possessio cōstituitur. 31. 33.

LATERENSIS] M. Iuuentius Laterensis: de quo in oratione pro Plancio. & quoniam in Iuuentia familia mentionem incidi, non negligam quod in mentem uenit de corrupto Catulli hendecasyllabo,

O' qui flosculus es iuuentilorum:

cum legendum sit,

O' qui flosculus es Iuuentiorum.

ne illud quidem pratermittam, in quo omnes labi uideo, qui, Iuuentius, corrupte scribunt, cum pro litera c usurpant t, contra rationem analogiæ. est enim, ut à porco Porcius, ab hirco Hircius, ab oue Ouius, ab asino Asinius, sic à iuuenico Iuuentius. quæ latius in libro de familijs.

33:

SIBI ut sim legatus.] Cum in Gallias exibat.

33:

VOTI causa datur.] Defertur ab eodem. utranque neglexit: alterutram si accepisset, uitare potuit exilij calamitatem. & queritur ipse suam culpam in epistola ad Terentiam his uerbis: Meum fuit officium uel legatione uitare periculum, uel diligentia & copijs resistere, uel cadere fortiter. VOTI CAUSA: quia liberae legationes & aliarum rerum causa daban

tur. In orationibus in Rullum, pro Flacco.

33:

PVLCELLI] Putidum iam est toties ite-
rare, Pulchellum appellari P. Clodium Ciceronis ini-
micum. 12:

33:

HAE C] Libera.

33:

NON habet satis,] Plus autem haberet prae-
sidi legatio provincialis: quia libera legatione utentes
absunt sua causa, illi uero Reipublicae.

33:

FRATRIS] Qui anno insequenti ex pro-
uincia Romam, triennio post quam discesserat, reditu-
rus erat, et redijt.

33:

AD SIM, cum uelim:] Facile enim à Cae-
sare impetrabo. ergo hoc dabat utraque legatio, ut adef-
set, cum uellet: provincialis hoc amplius, ut ideo tutius
abesset, quia Reip. causa; etiam, quia praesidi multum in
Caesaris amicitia.

33:

HANC] Prouincialem.

33:

PVGNARE,] Cum P. Clodio, si mihi ne-
gotium facesset.

33:

MANVMISSO] A' Quinto fratre in
provincia.

33:

INTENDUNTUR.] A' P. Clodio. ut
paulo post.

33:

MANVMISSVM.] A' fratre.

33:

REVERERI saltem?] Irati Demiphonis

COMMENTARIVS

uerba apud Terentium in Phormione :

Ita ne tandem uxore duxit Antipho iniussu meo ?
Nec meū imperiū: age mitto imperiū: nō simultatem
Reuereri ? saltem non pudere ? = (meam
Cicero tertium uersum aliter extulit.

33:

IN magnis rebus,] Magnæ res non ualde me
angunt, Statij manumissio uehementer affligit, quæ
parua res est.

33:

CVM dignitate,] Nam in resistendo laus
erit. DECLINARE: si legatione utar.

34.

DIGNITATIS αλῆς tanquam δ'ευός:]
Satis dignitati cōsulisti. prouerbiū est, αλῆς δ'ευός, de
prisca illis glandes negligentibus post inuentas fruges:
cum satis diu cibum se petiisse à quercubus dicerent.

34.

POPVLARES isti] Cæsar, Pompeius,
Crassus. et cū ironia: quod populares dici non possint,
quos populus, etiā modesti homines sibilis insectentur.

34.

VNVS homo etc.] Ennij uersus de Q. Fa-
bio Maximo, cuius cunctatio collapsam rem Romanā
Punico bello restituit. Eundem uersum & Virgilius
libro VI. usurpauit.

34.

CVNCTANDO] Aptè, quod de Fabio
dictum erat, translulit ad Bibulum; qui contentiones
timens domi se tenebat, nusquam progrediebatur, ni-
hil agebat in Republica, animo tantum dissentiebat ab
actionibus

actionibus improborū ciuium . et RESTITVA T
magis placeret, quā RESTITVIT.

34.

AFFLIXIT:] Qui se cū Cæsare coniun=
xerit, & ab optima causa ad perditam descinerit .

NEMINEM: quia bonos inimicos habet, im=
probos non amicos. 36 .

34.

IIS uti,] Vereor ne Pōpeius Cæsaris, & Cras=
si institutam amicitiam retineat non tam uoluntate,
quā quōd bonos metuit, quos offendit.

34.

CVM illa causa] Cōtra Cæsare, et Pompeiū.

34.

VTOR uia.] Neque in hanc partem, neque
in illam declino . interiacet quædam quasi uia, qua
ego utor.

34.

IN theatro, & spectaculis] Ludis, gladiatorib=
us: ludi enim in theatro, gladiatores in arena .

34.

DOMINVS,] Is, qui gladiatores dabat.
ADVOCATI autem, qui cum eo in theatrum ue=
nerant. & apparet, dominum gladiatorum ex Cæsa=
ris & Pompeij amicis fuisse: quos populus oderat. uide
illud, Cum gladiatoribus Gabinij, 38 :

34.

LVDIS Apollinaribus] Quis Prætor urb.
præerat. de quorū origine, & die Liuius lib. XXV.
& XXVII.

34.

NOSTRA miseria] Hoc Diphilus, ut ait

M

COMMENTARIVS

Valerius Maximus, directis in Pompeium Magnū manibus pronunciauit. uersus sunt ex uetere tragœdia; quæ ludis Apollinaribus agebatur. COACTVS EST: clamore postulantis populi.

34.

EADEM] In omnibus libris, & manuscriptis, & impressis, ante legebatur, EANDEM VIRTUTEM, coniuncte: ego quintum abhinc annum, correxi, & aliter distinxī ex Valerio Maximo, libro VI. cap. II.

34.

VIRTUTEM istam,] Mire in Pompeiū: qui Cæsarem sero cœpit timere, quem ipse suis opibus ex tulerat. VIRTUTEM: opes, facultates, uires in ciuitate.

34.

CVM grauitur gemes:] Cum te, tantum potuisse, pœnitebit. Valerius, GEMAS: sed GEMES futuram calamitatem certius minatur.

34.

IN tempus] Non ut multis ante annis, & à uetere poeta, sed ut scripti uiderentur & ad huius temporis turpitudinem proprie notandam, & ab inimico Pompeij.

34.

MORTVO plausu,] Plausu ita tenui, uix ut exaudiretur. μεταφορὰ à rebus animatis. CVRIO: cui priuato magis plausum est, quàm Cæsari Consuli. EST INSECVTVS: post Cæsarem in theatrum uenit. PLAVSVM EST: quòd unus Cæsaris, & Pompeij nimiam potentiam libere insectaretur. 33. 27: 29:

34.

CAPVAM ad Pompeium] Qui Capuæ
XX uir agros diuidebat lege Iulia. necesse igitur est,
Capua Romam uenisse ludorum causa; Capuam, cum
ludos spectasset, statim rediisse. nam certe ante ludos
Apollinares, qui mense Quintili celebrabantur, Capuæ
fuit (ut pagina 29:) & ludis interfuisse non dubiū
est, cum illud aperte indicet, Petulanter inuectus est:
& Valerius Diphilum illa scribit pronunciaſſe directis
in Pompeium manibus.

34.

INIMICI erant,] Cæſar, & eius amici.

34.

STANTES] Maior enim ſignificatio be-
neuolentiæ, cum ad plaſum dandum ſurgitur. & lu-
dos equites ſpectabant in XIII. ordinibus ſedentes,
quos Roſcia lex dederat: cum antea ſedentes quidem,
promiſcue tamen cum plebe ſpectaſſent. Cur autem Cu-
rioni Cæſaris inimico plaſum equites dederunt, cum
ipſi Cæſari non dediſſent, à quo in cōductione Aſiano-
rum uectigalium tertia mercedum parte releuati ma-
gnum beneficium acceperant? (ut in Suetonio legimus)
quia non tam beneficij memores, quàm iniuriæ: Cæſar
enim, portorijs Italiæ ſublatis, agro Campano diuiſo, pu-
blica uectigalia uel maxime imminuerat: quo publica
ni, id eſt equites, offenſi, qui conducendis uectigalibus pu-
blicis lucrum facere ſolebant. 31:

34:

OMNIBVS:] Vniuerſo populo: cuius per
ſpexerant è ſibilis odium, è plaſu beneuolentiam.

M ij

34:

MINITABANTVR.] Se abrogatu-
ros non modo Rosciam legem, quæ XIIII. ordines in
theatro equitibus dedisset; sed etiam frumentariã, quæ
ad uniuersum populum pertinebat. quã à C. Graccho
latam, deinde à M. Octauio abrogatam, L. Apuleius
Saturninus retulerat, ut populo frumētum semissibus et
triētibus daretur. Liuius, Cicero, Pedianus, scriptor rhe-
toricorum ad Herennium.

34:

SVSCEPTVM ab illis,] A' perditis ci-
uibus: ut, SVSCEPTVM, de flagitijs eorum di-
» Etum sit: quo modo & in oratione pro Quintio: Quoa
» turpissime suscepas, perseuerare, & transigere non
» potuisti. & in flagitijs uerbū suscipere frequenter à
ueteribus usurpatum. SILENTIO TRAN-
SIRI: ab hominibus dissimulari.

34:

TAMEN ferendum] Non quia rectum sit,
sed quia corrigendi spes non est.

34:

IMPENDET negotium:] Si Clodius fiat
Tribunus plebis. nō dum enim habita comitia erāt. 35.

34:

CONSVLAREM exercitum] Bonos o-
mnes consularem appellat exercitum, quos sibi in Consu-
latu præstantissimis actionibus obstrinxerat.

34:

COSCONIO] XX uiro agris diuidun-
dis. INVITATVS: à Cesare: sed Cicero re-

cusauit. 135: & in oratione de prouincijs cōsularibus.

34:

MEAM] Veterem, quam apud improbos habeo, ex Reipublicæ defensione contractam. ALIENAM : ex Cæsaris inuidia bonis odiosus essem, quod eius de agrorū diuisione perniciosam legem uiderer approbare. ALIENAM, recentem ex aliena culpa.

34:

ILLI] Quī diuidendis agris præpositi sunt.

34:

LEGATVM.] In Gallijs. 133 :

34:

HONESTIOR] Quā si XX uiratum acciperem. sed oritur dubitatio, utrum XX uiratum Cicero repudiaret, ut est epistola II. libri IX. an Quinquu-
iratum, ut in oratione de prouincijs consularibus. hic nitendum est coniecturis; quibus, incertis & fallacibus, quandoque tamen locus est. mihi igitur non fit uerū simile, Cæsarem Cosconio Quinquu-
iratum detulisse, maioremq; ei habere honorem uoluisse, quā Balbo et sororis suæ uiro, & Pompeium generum suum arctissima affinitate contingenti; cui non Quinquu-
iratum, sed XX uiratum dederat: ut est in Augusto Suetonij. at Cosconius dignitate præstantior: primum, ridiculum est de dignitate loqui Cæsare Consule, qui collegam Bibulum armis foro pepulisset, M. Catonem, optimum ciuem, in carcerem duci iussisset, ad ambitionem, & gratiā omnia referret: deinde, ne id quidem: neuter enim cōsularis, prætorius nō minus Balbus, quā Cosconius: ut Suetonius refert. PERICVLI: quod mihi

M iiij

COMMENTARIUS

impēdet à Clodio. 34:

HOC non repudio.] Legationis honorem nō
recuso, sed pugnare tamen malo, quàm Legatus exire.
» eadem est sententia 33 : Hanc ego teneo : sed usurum
» me non puto: nec tamen scit quisquam. non libet fuge=
» re. aueo pugnare. magna sunt hominum studia.

34:

QVID ergo est?] Si non repudias, cur ergo
non accipis, & usurum te dicis? cur animi dubius de
liberationem non concludis? cur incertus pendes, cum
videas hanc esse honestam periculi declinationem?

34:

INTERVM dico,] Dixit enim, Me miserum
cur non ades?

34:

QVID aliud?] Quid aliud est, quod scribam?
sic pag. 16. et 26. : 34:

ἀντιρρόμεθα] Inuitus dissimulo.

34:

CAECILIVM] Auunculum tuum. qui
Atticum postea testamento adoptauit.

34:

EDICTA Bibuli] Bibulus Consul domo ab
ditus per edicta obnūciabat. Suetonius, Plutarchus, alij.

34:

DOLORE, & ira] Quia Bibulus edictis
eum acerbissimis lacerabat. 36.

35.

CAECILIVM] Attici auunculum.

35.

SATISFACIT] Quia Pompeium, ami=

cissimum suum, in amicitia nostra confirmat, meq; omnibus officiis colit. 39:

35.

PRAGMATICI] Rebus gerendis exercitati. 35.

SIMVL quid] Sic pagina 142. simul Cæsar Romam uenerit. Antiqui libri, SIMVL ET. forte, SIMVL VT: ex Academicarum IIII. et de finibus II. 35.

AB Amalthea] Ab otio, quo frueris in tuo gymnasio Amalthea. 7.

35.

NE nos prodat] Ne literæ aperiantur. inferre enim, ἀλληγορίας obscurabo. ἀλληγορίας: figuris sententiam obscurantibus. 34:

35.

NOVO quodam morbo] Nouum enim, & inusitatum est, ægrotantem agnoscere morbum, & sentire periculosum esse, nec tamen mederi. ACTA: a Cæsare Cōsule. 35.

VARIETAS in re nulla sit,] Quod omnes ea, quæ sunt acta, peræque detestentur.

35.

SINE internicione] Quia res ad certamen deduceretur: unde cædes, et internicio ciuitatis. CEDENDI: cum neque resistere possimus sine internicione, & cedendi consilium sit exitiosum.

35.

NOVO quodam genere] Cū populo charissimus sit, quia populares odit. quod euenire non solet.

M iiiij

35.

DIODORVS] Non est is, de quo in Bruto legitur: qui mortuus est post ortum civile bellū, idest multis annis post, quā hāc epistola scripta est. sic enim
 » in Bruto: Stoicus Diodorus cum habitauisset apud me,
 » mecūq; uixisset, nuper est domi meae mortuus. Quid
 si mortuus est Diodorus paulo ante, quā Cicero Brutum scriberet; Brutus autem scriptus est Cæsare III.
 & Lepido Consulibus: sequitur, ut Diodorus hic alius
 necessario sit, qui moritur Cæsare et Bibulo Consulibus,
 idest ante scriptum Brutum annis XII.

35:

HS fortasse centies.] Scutatorum, ut nunc loquimur, circiter CCL millia.

35:

ARCHILOCHIO] Acerbissimo: quales Archilochi poetae iambi.

35:

IN ante diem] In diem si dixisset, idem significasset. DISTVLIT: Latinis feriis edicendis, uel instaurandis: ut epistola VI. libri II. ad Quintum fratrem.

35:

LIBROS] Alexandri poetae. 37:

35:

QVID ego subtiliter?] Quid minuta persequar?

35:

ILLORVM] Cæsaris, & Pōpei. IRA
 TI: Pompeius, quia, Catonis sororem cum uxorem peteret, repudiatus est: Cæsar, propter ueteres inimicitias, & recentes iniurias. Plutarchus utrunque.

36.

AMICVS noster] Pompeius.

36.

DEFORMATVS corpore,] Qui tantum amiserit de ueteri dignitate. PROGRESSVM: in causa turpi. PRAECIPITEM: temerarium, sine consilio.

36.

DE edictis Bibuli] Ipsum accusantibus. 34.

36.

VNI Crasso] Qui Pompeij uetus inimicus, paulo ante Caesaris opera reconciliatus, animum tamen gereret occulta malevolentia suffusum.

36.

QVIA deciderat ex astris,] Quia summam laudem, summis rebus gestis quasitam, improborum coniunctione amiserat, homines eum misericordia potius, quam odio prosequiebantur, nec putabant sponte et consilio progressum in eam turpitudinem deuenisse, sed casu & errore lapsum decidisse. cur enim circumfluens gloria, uniuersae ciuitati charissimus, infamiam sibi ipse, & inuidiam strueret?

36.

VENEREM,] Coam: de qua Plinius, et de Ialysso Protogenis.

36.

PICTVM, & politum] Omnibus literis, et rebus ornatum.

36.

ACER in ferro] Quod ea tempestate gerendis bellis nemo acrior Pompeio, aut praestantior habebatur.

COMMENTARIVS

36:

DISTVLISSET;] Edicto comitia distulerat in ante diem XV. Cal. Nou. 35:

36:

E A' res] Dilatio comitorum, quæ populum offende-
bat, quia comitijs nummi diuidebantur. 17.

36:

AD Bibulum.] Ad ædes Bibuli cum clamore. Bibulus enim, post agrariam legem, domi inclusus
Consulatum peregit. Suetonius.

36:

AD tempus illud] Cum mihi Clodius negotium
faceisset.

36:

AD tempus] In tempore, cum res postulabit.

36:

SATIS mihi facit.] Officijs, & studijs
erga me. 35. 39: 37.

36:

DIVINITVS.] Affirmat enim, se prius
occisum iri à Clodio, quam me uiolatum iri. 35.

36:

DISCESSVROS.] A' pugna Clodiana.

36:

EGERIS.] Num pecuniam ab ijs debitam
exegeris.

36:

QVOD egisses] Abest hoc ab antiquis libris,
et simile quidpiã subaudiri potest: ut sit ἀποσιώπησης.

36:

SCIRE possemus.] Tu. n. in sermone, aut
ex ipso, aut è sorore, quid in me cogiter, eliceres. 28. 37.

36:

DENVNCIAT;] Minatur.

36:

IN eos,] In Cæsarem, & Pompeium. 29 :

36:

EXERCITVS] Quem Cæsar habebit Gal-
liarum Proconsul. 31 : IN NOS : qui ab opi-
bus, et exercitu minus firmi sumus. IVDICI-
VM : populi : ut ad populum causam Cicero diceret
de ciuibus Romanis & contra leges, et indicta causa
summo supplicio affectis.

37.

APPIVM] P. Clodij fratrem, qui anno
proximo Prætor est designatus. 53 : 54 :

37.

VARRONEM nostrum] Qui gratia ua-
let apud Pompeium : fuerat enim eius præfectus bello
maritimo contra piratas. De re rustica libro II.

37.

INEAT magistratum.] Hoc dicit comitijs
nō dum habitis, sed fore uidebat, ut Clodius Tribunus
plebis designaretur. 38.

37:

POMPEIVM Crasso urgente,] Quoniā
futurum est, ut Crassus Pompeium urgeat contra me;
intelliget, qua fide Pompeius mecum agat, & Clodiæ
narrabit, illa tibi, si aderis. ita fiet, ut, si intelligā Pom-
peium bona fide mecū agere, sine molestia sim, Clodij
furorem non timeam; sin aliter, credulitatis errore nō
decipiar. Βοώπιδα : Clodij sororem, (28.) qua

COMMENTARIUS

Crassus plurimum uteretur. EX IPSO, Cras-
so. AB ILLIS, Pompeio, & Cesare.

37:

POENITET.] Quod societatem cū im-
probis coiuerit. 36.

37:

ERVPTVRA.] Ad uim. 36:

37:

LIBROS Alexandri,] A' Vibio acceptos. 35:

37:

NUMERIVM] Numerius et familiae no-
men est, ut Cn. Numerius Fronto, in lapide antiquo,
quem in turri sancti Vitalis coedificatum uidemus:
» & prænomen, ut hic, et in oratione pro Cluentio: La-
» rinas quædam fuit Dinea, quæ filios habuit Marcū &
» Numeriū Aurios.

37:

SAMPSICERAMVM,] Pompeiū. 30.

37:

ILLIVS partis] Societatis contra causam
Reipublicæ. CONSENE SCERE: populi
gratiam amittere, et in inuidiā adduci, nemine tamen
eos oppugnante.

38.

IN multa commemoratione] Commemoratur
cū desiderio eæ res, quas in Consulatu gessimus. 37.

38.

Βωπιδός noster consanguineus] Expono sic:
Βωπιδός consanguineus, noster: ut, Noster, sit iro-
» nia: ut etiam pagina 34: Noster Publius mihi mini-
» tatur. & 36: Pulchellum nostrū facillime tenere-
» mus. Βωπιδός, Clodiæ. 28. CONSAN-
GVINEVS, frater Publius Clodius. DE-

IN LIB. II. EPIST. AD AT. 95
NVNCIAT : periculum nobis .35.

38.

DECLARATO illo,] Postquam Clo= dius designatus fuerit Tribunus plebis, & ante quàm ineat magistratū.37. 38.

NOSTER index,] Qui nobis olim Catil= nae socios indicavit. Dion, Suetonius. CAESA= RI : Consuli, prēmia promittenti. Suetonius, Ap= pianus, in Vatiniū. CVRIO FILIVS : acerrimus Caesaris, & illius partis inimicus. 33.

38:

NEGABAT] Eo consilio, ut, cum negaret quod omnibus notissimum erat, suspicionem crearet in Curionem. RESTITISSE : colloquendi cau= sa. FIDEM PVBLICAM : ut ipsi daretur impunitas, si alios indicasset.

38:

PAVLVS] L. Aemilius Paulus, qui Ma= cedoniā Quæstor obtinebat. in Vatiniū. postea Con= sul fuit cū C. Marcello. INITIO : cum Romæ esset, nō dum in Macedoniā profectus. CN. CAE= PIO HIC BRVTVS : M. Iunius Brutus, Ser= uiliæ filius, qui postea Cæsarem interfecit. adoptatum ab auunculo Seruilio Cæpione, de quo Plutarchus in Uticensi, credendum est : ut ex adoptionum institu= to Seruilius Cæpio Iunianus Brutus appellaretur : ab adoptante enim prænomen, nomen, cognomen accipie= bat is, qui adoptabatur. sed de Cæpionis Seruiliæ fra= tris prænominē Plutarchus nihil : ex Philippica X Quin= tum fuisse apparet, cuius in extremo de Q. Cæpione

COMMENTARIUS

hoc Bruto sæpe iterata mentio. quod antiquus nūmus, qui est apud me, cōfirmat, ita circūscriptus, Q. CAEPIO BRVTVS PROCOS. ut hic quoque uideatur legendū, Q. Cæpio, non, ut legitur, Cn. Cæpio, nam quod in quibusdam libris est, CN. CAEPIO ET BRVTVS, ut duo significantur, Cæpio, & Brutus; id ut perspicue falsum reijciatur: cum, unū significari Seruiliæ filium, aperte indicet quod his
 22 uerbis infra scriptū est: Cæpionem de oratione sua su-
 22 stulit, quem in senatu acerrime nominarat: ut appare-
 22 ret, noctem, & nocturnam deprecationem intercessisse. HIC BRVTVS, ad differentiam; quod alij essent Cæpiones eodem prænominē. LENTVLVS: L. Lentulus consularis candidatus. ex oratione in Vatiniū. CONSCIO PATRE: L. Lentulo flamine Martiale. De aruspicum resp. 246. in Vatiniū 34. 38:

CVM gladiatoribus Gabinij] Non dubito, quin abundet particula CVM: ut tempus significetur, quo Gabinus gladiatores populo dedit, opinor, ut eo munere gratiosior esset in petitione Consulatus. nam petebat hoc anno, et designatus est cum L. Pisone. tempus autem significari, eo certius est, quia sequitur proxime; In eo principem Paulum fuisse, quem constabat eo tempore in Macedonia fuisse. Omitto alia non dubia argumenta, ut hoc: non debuisse Veftium inter conscios facinoris admiscere Gabinij gladiatores, ne gladiatorum dominus Gabinus, qui erat Cæsarianæ partis amicissimus, in suspicionem adduceretur. Et ut opinio mea fert, gladiatores Gabinij fuere, de quibus pag. 34.

» Gladiatoribus quā dominus, quā aduocati sibilis cōscissi.

38:

CUM telo fuisse,] Quod lex uetabat. itaque P. Cornificius in senatu, ut inuidiam Miloni faceret, ferrum dixerat eum habere intra tunicam ad femur aligatū. Pedianus. 38:

ID esse actum,] Ita rem esse compositā à Cæsare, & Vectio. 38:

CATVLVM] Quem adolescens ætate prouectum Pontificatu deiecerat. Suetonius, Plutarchus.

IVSSERAT DICERE: cum eum de refectione Capitolij ad disquisitionem populi uocauit. Suetonius 4. PRODVXIT: nam priuato nō licuisset de superiore loco dicere, & concionem habere, nisi à magistratu concederetur. 53: 54: ASPIRARE NON LICERET: domi enim se tenebat armorū metu. Non dixit, Accedere, sed Aspirare: quod minus est. 39.

CEPIONEM] M. Brutum. NOCTURNAM DEPRECATIONEM: Seruiliæ, Bruti matris: quam Cæsar amauit.

39.

LVCVLLVM] Lucium Lucullum. In oratione in Vatinius. IN P. CLODIVM: cum accusatus est crimine pollutarū religionū. 7. L. DOMITIVM: Aenobarbum: qui Consul fuit cum Appio Claudio. VICINVM CONSVLIS: uicinus erat Cicero Cæsaris Consulis, quod ipse in Palatio, Cæsar autem in sacra uia habitabat, quæ secundum radices Palatii à Carinis in Capitolium tende-

COMMENTARIVS

bat. 25. Suetonius. AHALAM SERVI-
LIVM: qui sua manu Q. Melium regnum appe-
tentem occiderat. Linus. BRVTVM: qui Re-
ges exegerat. nota historia. REPERIRI: qui
occiderent ciues Melio similes, aut novos Tarquinius
expellerent. 39.

A' VATINIO,] Qui cum Veſtio, præ-
ſente populo Romano, collocutus, inculcauit, ut Piſo-
nem, & Laterenſem nominaret. In oratione in Vat.

39.

CRASSVM Diuitem] M. Crassum, qui
à Parthis occisus est: de quo 30.

39.

DE ui,] Lege Plotia: quia confessus esset se
cum telo fuisse. In epist. fam. 116: & pro Milone,
& Salustius in Catil. 10.

39.

IVDICIVM postulaturus.] Iudicium po-
puli. erat Tribunus plebis appellaturus. sic aduersus
Lucillum Prætorem C. Antonius Tribunus appellauit,
Damio aduersus Flauium. Pedianus. IVDICIA
FORE VIDEBANTVR: fore uidebam, ut
multi rei fierent, ex iudicio Veſtij.

39.

QVI nihil contemnere] Ideo non pertimesci-
mus, quia cauemus omnia. iudicium autem impende-
bat Ciceroni & ex iudicio Veſtij, & mox à P. Clodio
de necatis ciuibus Romanis.

39.

TIMVERAMVS,] Plutarchus hæc:
Cum

Cum senatores in curiam pauci conuenirent, Considius Cæsari causam dixit esse, quia milites illius, & arma timerent. cui Cæsar: cur et tu ob eandem causam non domi te contineres? quia, Considius, senectus me facit intrepidum. DISCVSSERAT: alijs metu silentibus, Cæsari declarauerat.

39.

QVAM quotidie timere potueramus,] Hoc Vectij indicio patefactū est, eadem quotidie nobis fuisse timendam ab ijs, qui rerum potiuntur. quorum uidemus quā scelerata consilia sint, cum perniciem bonis uiris quacūque ratione machinentur. Non timebamus, cum indicia non extarent; sed timere quotidie potueramus, ut nobis inscientibus impendentem.

39.

CATVLO,] Catulus anno proximo perierat, Afranio Metello Consulibus: ut pagina 20. placeret igitur LVCVLLO, cui negotium impendere uidebatur è Vectij nominatione: aut CATONE, qui hoc anno, idest Cæsare Consule, magnis cōtumelijs affectus est. sed antiqui libri, CATVLO: mendose: neque enim ad mortuum huius temporis miseriæ pertinent.

39.

CVM splendore uitæ, tum hoc tempore.] Cur infortunati? quia cum ita uixerimus, ut patriæ rationibus haud ferè ciuis quisquam fuerit utilior, nunc tamen tantum abest ut digna meritis præmia feramus, ut etiam in maximis molestijs, periculisq; uersemur.

36.

MORATVS EST] Placeret, INODO=

N

R A T V S : quia, cum Pompeio aut Casari credere
periculosum uideret, eorum animos nosse, magni puta=
bat ad suas rationes interesse, propter insequentis anni
impendentem à Clodio tempestatem. Subscribere uide=
tur sententiae nostrae quod scriptum est pagina 32: Ve=
lim è Theophane expiscere, quoniam in me animo sit
Arabarches. et pagina 37: Per βοώπιδα intelligere
poteris, qua fide ab illis agatur. Et, Inodorari ἐλκτὰ,
proprie: nam odorari dicitur de rebus occultis, quae mi=
nime indicantur oculorum sensu. ut libro I I. de ora=
tore, Odoror quid sentiant iudices. Et ad hunc ipsum
libro V I. 74. Ego μυσικώτερον ad te scribá, tu sagacius
odorabere. Et libro X I I I. odorare Antoni δίαθεσιν.
Neque uero particula, In, praeposita priorem significa=
tionem ut contraria tollit, sed facit quod in uerbo au=
dio: ut, cum dicimus, Inaudire, significamus, id audi=
re, quod occulte agatur. item Inodorari indagare quod
in occulto latet. si, M O R A T V S, retinemus: ex=
pone, tardauit, repressit. sed fides mihi non fit, Varro=
nis auctoritatem fuisse tantam, ut morari potuerit con=
silia Pompeii: elicere quidem, aut odorari, pro familia=
ritate potuit. 39:

ἐλκτὰ, καὶ οὐδ' ἐν.] Senarii sunt apud Euripi=
dem, quos Andromache, Menelao irata, in Spartanos
communiter iacit.

Ὡς πᾶσιν ἀνθρώποισιν ἐχθιστοὶ βροτῶν

Σπάρτης ἐνοικοὶ, δόλια βολύματα,

Ψυδῶν ἀνακτες, μηχανορῆάφοι κακῶν,

Ελκτὰ κ' οὐδ' ἐν ὕγιες, ἀλλὰ πάντα πέριξ

Φρονουῶτες, ἀδίκως δὲ τυχεῖτ' ἀν' ἐλλάδα.

Spartanis igitur similes Pompeius & Cæsar, ἑλκτὰ,
καὶ οὐδ' ἐν ὕγιᾳ φρονεῖν.

39:

DE Flacci Prætura,] Cicerone Consule Præ-
tores L. Valerius Flaccus, C. Pontinius Vulturium, unū
ex Catilinæ socijs, cum Legatis Allobrogum in transitu
pontis Miluij exceptos comprehenderunt.

39:

QUORVM opera,] Quorum opera ita af-
flicta Respublica est, ut desperetur.

39:

MVNITI] Contra impetus P. Clodij, Tri-
buni pl. designati.

IN LIBRVM III. CICERONIS EPI-
STOLARVM AD ATTICVM,
PAVLI MANVTII COM-
MENTARIVS.

EX EPISTOLA I. pagina 40.

VM antea] Primā huius libri epistolam
opinor esse oportere, quæ nunc tertia est; se-
cundam, quæ secunda; tertiam, quæ quarta;
quartam, quæ prima; quintam, quæ quinta item est:
ut in eius fine ita legatur: III. idus Apr. Thurij.
Vibone enim puto iter fuisse Thurium, inde Tarentū;
inde Brundisium. 40.

ROGATIONEM,] Clodiam; ut mihi
intra quadringenta millia ne liceat esse. 40:

N ij

QUAMPRIMUM: ante quam ex Italia profisciscar.

40.

FACILIVS potes,] Hoc dicit: Cum Clodij rogatio permittat, ultra quadringenta millia ut ubiuis esse possim; sequitur, ut mihi in Macedonia liceat esse. quo facilius, ante quam ex Italia profisciscar, consequi me potes. non enim est, cur profectionem maturem: siquidem, quam mihi ad discedendum diem rogatio constituit, ante eam diem, uel nulla celeritate adhibita, ultra quadringenta millia licebit peruenire. quod si longius ire, ultraque quadringenta millia iuberet: difficilius consequi me posses: nam mihi esset properandi maior imposita necessitas.

Ex epist. II. pag. 40.

IN fundo Sica,] Ad Vibonem. Ex Bessarianis libro legi etiam potest, IN FVNDVM: qua figura in Divinatione dixit, Exteris nationibus, quae in amicitiam populi R. ditionemque essent. Et in Verrem libro septimo: Qui illam partem urbis tenerent, in eorum potestatem portum futurum intelligebant. quod Gellius notauit libro I. cap. VII.

40.

PRÆSERTIM non dum] Præsertim quod, rogatio Clodia cum non dum sit correctæ, nihil est quod me extrudat.

40.

CORRECTA.] Audierat Cicero sustineri à Clodio rogationis promulgationem, quod in ea quiddam ante uellet corrigere.

40.

SI te haberem,] Tuo. n. comitatu atque præ-

fidio fretus, auderem Brundisium petere. SE ITER
HABERE, Bessarionis liber.

40.

BRUNDISIVM referre.] Quod iter
discedens intenderam. ANTRONIVM: P. An-
tronium, unum ex coniuratis, qui in illis partibus exula-
bat, Ciceroni infensus iudici coniurationis. pro Sylla.

40.

AD nos] In fundum Sica. TOTIVS
REI: itineris mei. 40:

40.

TOTA calamitas] In qua insunt, prater
mea damna, et molestia, quas ex molestiis meorum ca-
pio: ut nunc cum te video mea causa tam molestum iter
suscipere. NARYCIOLOCRIDIS: de op-
pido Narycio Plinius, de Naryce Sudas: ut vel NA-
RYCII, vel NARYCE legendum videatur.
LOCRIDIS, in ora Locrorum.

Ex epist. III. pag. 40:

CVM tibi agam gratias,] Agam enim, si qua-
do meam dignitatem recuperabo: qua spe me vivere
coegisti.

40:

MVLTIS de causis] Duas posuit in proxima
superiore epistola.

Ex epist. IIII. pagina 40:

CONFECTVM] Placet, CORRE-
CTVM: ut in epistola, quae ante proximam legitur.

N ii

COMMENTARIUS

cogitavi sic, natum errorem è uicinitate, quòd ueteres
CONRECTVM scribebant.

40:

ILLO'] Ultra quadringenta millia. Petieram
Vibonem eo consilio, ut uel in Siciliam traicerem, uel
Melitã adnauigarem. postea rogatione lecta, intellexi,
si peterem Siciliam, progredi ultra quadringenta millia
ante rogationis diem non posse: de Melita uero non
esse cogitandum, siquidem ultra quadringenta millia
non esset. iter igitur pedibus Brundisium uersus cõtuli,
ut inde in Macedoniã nauigarem, quæ esset ultra qua-
dringenta. PERIRET: ne poenam subiret, quã
Clodius irrogabat ei, qui Ciceronem intra quadringen-
ta millia tecto recepisset. pro domo sua.

40:

SI modo recipiemur.] Nam nisi recipior, iter
mihi erit maturandum: ita me consequi non poteris.

Ex epist. V. pagina 40:

GRATIAS agit.] Pro tuis in ipsam officijs.

41.

ME ipsum] Non opes meas, aut honores, quæ
mihi nunc inimici ademerunt, sed me ipsum, qui idem
sum. THVRII: Thurium oppidum Plinius li-
bro III. cap. XI. inter duos amnes Crathin & Sy-
barim constituit. Bessarionis liber THAVRI.

Ex epist. VI. pag. 41.

IN Epeiro] In quã possessiones tuæ sunt.
CONSISTEREMVS: erat enim Epeirus ul-
tra quadringenta millia. 44: 45:

Ex epist. VII. pag. 41.

AD Cal. Maias.] Bessarionis antiquus liber,
 AD XIIII. CAL. MAIAS : & recte : ut
 Brundusij fuerit tresdecim dies : data enim literæ sunt
 pridie Cal. Maias , cum Brundusio proficisceretur . in
 epistola ad Terentiam , Nos , inquit , Brundusij apud
 M. Leniū Flaccū dies XIIII. fuimus . Et quia pro-
 ximā superiorem epistolam , Tarenti datam , post hanc
 scriptam esse perspicuum est : ideo datam suspicor non
 XIIII. Cal. Maias , ut est in impressis , sed Calendis
 Maij , cum iam in Asiam iter instituisset . POST
 DIEM TERTIVM EIVS DIEI : tertio
 die post , quā priores acceperam . antiqua figura , ut
 pridie eius diei , postridie eius diei , post diem tertium , et
 post diem quartum eius diei .

41.

APVD te] Domi tuæ , quam habes Buthro-
 ti . uel potius , in fundis ; cum inferat , ISTA SO-
 LITUDO ; quæ in urbe Buthroto non fuisset .

41.

SI liceret ibi omne tempus e.] Non licet au-
 tem cum propter Antronium , & ceteros exules , mihi
 infensos , qui ab Epeiro tantū quatrduo distant ; tum ,
 quia uereor , ne Clodius , & qui me eiecerunt , inter-
 pretentur , Epeirum non satis abesse ab Italia . diuer-
 ti autem in Epeirum paucorum dierum causa , quid at-
 tinet ? recta igitur in Asiam .

41.

SINE te .] Nam tecum in Epeiro tua liben-
 ter essem , sine te autē cur ? NAM CASTEL-

N iij

LVM &c. scripserat opinor Atticus; nisi uellet in suis fundis, quia minus tute uideretur, posse eum non longe esse castello munito. neque enim de Buthroto accipiendum puto: quæ fuit urbs, non castellum.

TRANSEVNTI: nã habitare uides me nõ posse.

41:

NOSTRI hostes] Antronius, & ceteri exules. 40. 42. ILLVD QVOQVE OPPIDVM: quodd si hoc de Athenis interpretarentur, multo magis de Buthroto: quod oppidum Italiæ propius adiacet, quàm Athenæ.

41:

NOSTRI consilij] Qui cesserim inimicis; cum potius cadere fortiter debuerim. epist. fam. 234.

41:

SPES] Reditus. et, ut miseri, aduersa timet omnia.

41:

INVIDORVM] Hortensium maxime designat: à quo se dicit sceleratissime, insidiosissimeq; tractatum, in epistola ad Q. fratrem lib. I.

41:

TEMPVS honestissimum] Mihi enim cum inimicis pro mea dignitate pugnanti si contigisset ut caderem, gloriosum fuisset. nũc exul præclaræ mortis occasionem sperare amplius non possum: finiendi tamen doloris potestas adempta non est: idq; potius mihi uideo esse cogitandum, quàm ut ullam medicinam faciam. Et uidetur de morte uoluntaria cogitare.

41:

MVTANDARVM rerum.] Mutato

autem Reip. statu, meæ quoque res, quæ nunc perditæ
iacent, commutabuntur.

41:

NIHILO minus,] Quinquā ex Italia pro-
fiscor. ACCEDEMVS: paruis itineribus.
nā in accessu tarditas est. CANDAVIAM:
montem Illyrici, qui Macedoniam Illyricumq; distermi-
nat. Strabo, Plinius. DVBITATIONEM:
quia non affirmavit, in Epeirum iter habiturum: sed
dixit, Aut accedemus in Epeirum, aut per Candauiam
tarde ibimus. DE FRATRE: ex Asia Romā
proficiente: cuius itineris ratio meum iter gubernabit.

NEC QVO MODO VISVRVS: af-
flictum dolore miseriarum mearum. VBI DI-
MISSVRVS: dolor enim, & luctus alterū ab al-
tero diuelli uix patietur. ID: cōgressus, et dimissio.

Ex eistola VIII. pag. 42.

INIMICORVM;] De Antronio, &
cæteris loquitur. 40. 41.

42.

HABERET, cum inde profisceremur.]
Si in Epeirum inissem, inde profisciscens per loca diffi-
cilia iter habuissem: montibus enim Epeirus à Mace-
donia discluditur. 42.

PEDIBVS] Terrestre iter significari no-
tum est. 42.

ISTIC quid agatur,] Timebat, ne quis ac-
cusaret reperundarum Quintum fratrem ex prouincia
redeuntē. 42: 47: 42.

VT acrius postularet:] Accusaret fratrem.

accusatorem Atticus in epistola sua nominarat, Cicero nomen omittit. NAVIGATIO: fratris.

42.

RELIQVA] Quæ fratri meo ab inimicis nostris uidentur impendere. HOC METV: ne frater postuletur.

42:

AD me consolandum.] Spes enim mei reditus in mutatione rerum sita est. 41: TIGRA= NE ENIM NEGLECTO: cum Pompeius Tigranem sibi à Clodio ereptū neglexerit, sublata spes omnis est mutandarum rerum. ego autem graues inter eos contentiones fore speraueram. subscribamus quæ Pe-
 „ dianus in Miloniana: Pompeius, inquit, post triumphū
 „ Mithridaticū Tigranē filiū in cathenis deposuerat a=
 „ pud Flauium senatorem: qui postea cum esset Prætor,
 „ eodem anno, quo Trib. pl. Clodius, petit ab eo Clodius
 „ super cœnā, ut Tigranem adduci iuberet, ut eum uide
 „ ret: adductum collocauit in conuiuium, dein Flauio
 „ nō reddidit, Tigranē dimisit, et habuit extra cathenas,
 „ nec repetenti Pompeio reddidit: postea in nauem depo
 „ suit, et cum profugeret, tempestate delatus est Antium.
 „ illico, ut deduceretur ad se, Clodius Sex. Clodium, de
 „ quo supra dixi, misit, qui eum reduceret. Flauius quo=
 „ que re cognita ad diripiendū Tigranem profectus est.
 „ ad quartum lapidem ab urbe pugna facta est: in qua
 „ multi ex utraque parte ceciderunt, plures tamē ex Fla
 „ uij, inter quos & M. Papius eques Romanus, publi=
 „ canus, familiaris Pompeio: Flauius sine comite Ro=
 „ mā uix perfugit.

42:

VARRONI] Qui Pompeium hortatur ad

meam causam amplectendam. HYP SAE O: hic Pompeij Quaestor fuerat; eumq; , ut Varro, hortabatur, ut Ciceronis patrocinium susciperet. cognomen est Plautiae familiae. 42:

IMPULSI, ac proditi] Pompeium notat: cuius fidem secutus, in eam calamitatem incidit: quam uitare potuit legatione suscepta. 33: 35. 37.

42:

DE fratre] De postulatione.

Ex epistola IX. pag. 42:

NE quid absens] Ne absens postularetur. 42.

43.

LICTORES dimitteret,] Qui dimittendi fuissent, si mecum manere uoluisset. nam imperatori transitus per alienam provinciam dabatur, morari diutius in ea cum imperio non licebat.

43.

MEI peccati] Peccaui enim, cum uobis uiuendi auctoribus parui: cum perire satius fuerit, quam in hunc casum incidere.

43.

A' POMPEIO. nunc Hortensium allice, & eiusmodi uiros.] Hoc totum est ex Attici epistola, ideoq; scribendum literis grandiusculis. NON DVM PERSPICIS: uis me in Pompeio, & Hortensio spem ponere: nō intelligis me horum insidijs, & scelere peris? 43.

QVORVM insidijs, quorum scelere] INSIDIIS Hortensij, qui me summa simulatione amoris, summaq; assiduitate quotidiana sceleratissi-

me, insidiosissimeq; tractauit. Ad Quintum fratrem li-
bro I. SCelere: Pompeij, cuius promissis de-
stitutus, in has miseras incidi. 37.

43.

NON licuit,] Per uos, qui mihi auctores ui-
uendi fuistis, cum ego interitum gloriosum erumnose
uitae anteferrem. 41: NEGOTIVM: metus
accusationis. 47: 43.

UT tibi placet,] Scripsisti enim, ut expectem
litteras tuas Thessalonicae: si quod forte ex actis mensis
Maij beneficium asseratur. 42: 43:

Ex epistola X. pag. 43:

SPEM] Ut ex tuis literis de reditu in patriam
sperare possim. AD TE: in tuas Eperoticas pos-
sessiones. 43:

ISTA euauerint:] Quae nunc agitis de sa-
lute mea. Et opinor Atticus ita scripserat, Haec si eua-
uerint, aliud aliquid uidebimus.

43:

ISTORVM:] Qui me eiecerunt. Et erat
discordia maxime inter Clodium, et Pompeium, ut de Ti-
grane, alijsq; de rebus. 42: et Dion libro XXXVIII.

43:

IN tam bona causa,] Qui patriam a coniura-
torum scelere liberaassem.

43:

NE uideret:] Ex Asia Romam redeuntem. 43.
LVCTVM: ex mea calamitate.

43:

INTRA parietes meos] Ab ijs, qui quotidie

mecum erant, qui me quotidiana assiduitate insidiosissime tractarunt, ut Hortensius, ut Arrius. ad Q. fratrem lib. I. 43:

VIVVS amitterem?] Pugnare, inquit, debui, ut hæc aut retinerem, aut cū vita simul amittere.

Ex epistola XI. pag. 44.

TV AE literæ,] Quibus scripseras bene sperandum. RVMORIBVS: hoc est quod dixit, Nuntij non optimis auctoribus. AD TE: in Epistolarum tuam. 44.

VT ego] Ut pro quā dixit, sicuti supra de Pompeio, ut ille tum humilis, ut demissus erat. est autē hic eo uenustior sententia, quo minus aperta. Cum me, inquit, obiurgas, quia meo casu nimis excrucier; facis, ut neque me uidearis amare, neque dolere dolorem meum; quem tamen ita affectum mea erumna esse arbitror, ut te ipsum consolari nemo possit. in hoc inquam tuū amorem, et dolorem non agnosco. qui enim amat, æque dolet: & qui æque dolet, non obiurgat.

Ex epistola XII. pag. 44.

PER senatum:] Nam per populum minus sperandum uidebatur Clodio Tribuno.

44.

IDEM'QVE] Qui me sperare uis per senatum, idem scribis caput proponi rogationis Clodianæ. quo capite cautū erat, ne quis referret ad senatum de Cicerone restituendo: ut 46:

44.

SECVNDVM comitia.] Habitis comitijs. 44:

44.

EODEM Tribuno pl.] Clodio Tribuno, qui
nostram causam, ut solet, acriter oppugnabit. & eo
minus post comitia sperandum est, quia Consul erit de-
signatus inimicus meus Q. Metellus Nepos. Videbat
autem Cicero futurum, ut Consul Metellus designaretur.

44:

ORATIONE prolata.] Non puto signi-
ficari orationem in Metellum Nepotem scriptam, sed po-
tius in C. Curionem. nam cum Metello pluribus uer-
bis Cicero concertauit, ut in epist. II. lib. V. fam. at
hic se nunquam uno uerbo concertasse dicit. de Curio-
ne autem 46.

44:

SANARI,] Si ullam spem uides mei resti-
tuendi. SIN PLANE PERII: si uides re-
ditum meum desperari, de oratione prolata minus labo-
ro. IACEO: non dixit, Sum, sed Iaceo, uer-
bo usus ad moerorem indicandum accommodato.

44:

COGITATIONE] Ita sum animo per-
turbatus, nihil ut non modo loqui, sed ne cogitare qui-
dem possim.

44:

SIDONA:] Locum hoc nomine propè Thessalo-
nicam non uideo fuisse. cumq; iam de mendo suspi-
cer, confirmatus sum in sententia, posteaquam Bessa-
rionis librum inspexi. cuius scriptura hæc est: VENI-
RE SI DOMITAM UT INTELLI-
GO. in Macedonia provincia Plinius oppidum enu-
merat Scydra: ut fortasse, (neque enim affirmo, cum
antiqui libri ueritatis lumen obscurent) pro Sidona re-

Etius legi possit, Scydra.

Ex epistola XIII. pag. 44:

TEMPORIS nō longinqui] Meq; ex tuis
litteris aliquid sperasse, quod tamen non diuturnū fuit,
moleste feram. 44:

MOTVM] Discordiam istorum. 43:

Ex epistola XV. pag. 45.

AGI de nobis] In senatu.

45.

REMORARI.] Non qudd ipse uideres
quidquam mihi esse sperandum, sed ut me à despera-
tione retraheres, ita scribebas. & cum omnes à me spes
abirent, eas tu ijs epistolis remorabare.

45.

NOSTRIS multis peccatis] Qui inuidis
credidimus, & legationem à Cæsare delatam, qua ui-
tari potuit hæc ærumna, nimis imprudenter repudia-
uimus: cum tantis miserijs uel mors fuerit anteponen-
da: cuius oppetendæ tempus honestissimum prætermisi-
mus. 41: CASVS: fateor enim, ea peccata nō
iam ulla prudentia posse corrigi: spei fortasse aliquid
est in fortuna positum. VIAE CELEBRI-
TATEM: qua frequentes Roma Thessalonicam
proficiscuntur, qui literas à uobis creberrimas afferre pos-
sent. A' PLANCIO: apud quem Cicero erat,
Quæstorem in Macedonia. 49:

45:

MINIME apposito] Amo enim in hoc lu-
ctu solitudinem, odi celebritatem.

45:

VNIVERSI] Omnes, quotquot istinc ueniebant. Vniuersum est enim, quod nihil excipit. NIHIL ESSET NECESSE: cum de mea salute spei nihil esse uideretur.

45:

SI aliquid] Quid si, NISI ALIQUID? hoc sensu: Nisi aliquid audiero, cur sperandū sit. 47.

45:

A'COMITIIS] Quod actum sit post comitia, hic autem expectabo, dum audiam.

45:

IN Asiam] Ut aliquo loco cōsidamus appposito ad tolerandam in hoc luctu calamitatem. nam hic me celebritas offendit. In oratione tamen pro Plancio, in Asiam non iuisse, legimus. Cum ad me, inquit, L. Tubero meus necessarius ex Asia uenisset, easq; insidias, quas mihi paratas ab exulibus cōiuratis audierat, animo amicissimo contulisset; in Asiam me ire Plancius propter eius prouinciæ metum non est passus.

Ex epistola XV. pag. 45:

VARRONE] Diximus supra, Varronem Pompeij familiarissimum fuisse. 39: DE VOLUNTATE POMPEII: Pompeium nostrā causam suscepturum. 48.

45:

SCINDAM] Augeam. à uulneribus tractatio: quæ scissa recrudescunt.

46.

ME & S uulneribus] Quod paulo ante dixit, Ne

Ne scindam ipse dolorem meum.

46.

SIMVLATIONEM aliorum,] Notat
maxime Hortensium, & Arrium: quorum promissis
destitutus in eā calamitatē inciderat. lib. I. ad fratrem.

46.

NIHIL puto sincere] Ita credendum de ini-
mici liberto.

46.

ILLAM orationem] In ipsum. 44: Placet
autem, ut de Curione patre potius accipiatur, quā
de filio: utpote cuius sententiam, auctoritatēq; in se-
natu pluris Cicero deberet aestimare. Præterea cum lo-
quitur Cicero de filio, semper aliquid apponit, ut cum
dicit, Curio adolescens, 27: 33. Curio meus, 29:
Curio filius, 34. 38. de patre cum loquitur, nihil ad-
scribit, ut 9: 10: 49.

46.

NISI quod erat,] Laudauerat in suis literis
Atticus Curionē.

46.

FACIT expectationem Cæsaris] Habet, cur
etiam à Cæsare opem expectemus.

46.

SI quid in te peccaui,] Quod officia, & studia,
tibi à me debita, prætermisi. IN ME ENIM IP-
SVM: quia commisi, ut tu, cum te mihi minus debere
intelligeres, cōsilio me non iuuares. DEBERES,
AC DEBVISSES: si fecissem, ut meo merito me
amares. amabas enim tua uoluntate adductus, nō meis
officijs impulsus.

46.

LEGEM de collegijs] Quatuor leges tulit

O

Clodius in Tribunatu, Reipublicæ perniciosas: anno-
niant, ut frumentum populo gratis daretur: alteram,
ne quis per eos dies, quibus cum populo agi liceret, de coe-
lo seruaret: tertiam, de collegiis restituendis, nouisq; in-
stituendis: quartam, ne quem Censores in senatu legen-
do præterirent, ne'ue qua ignominia afficerent, nisi qui
apud eos accusatus, & utriusque Censoris sententia dam-
natus esset. Hæc Peditanus in Pisonianâ. Leges au-
tem eas Cicero passus est à Clodio perferri, hac conditio-
ne, ne quid ille mox contra se moliretur. quam pactio-
nem Clodius, perlatis legibus, non seruauit. Dion libr.
XXXVIII. DE COLLEGIIS: ex qua-
tuor legibus eam nominat, quæ maxime contra ipsum
pro Clodio fuit: qui collegiorum nomine opes & serui-
tia in Ciceronis perniciem conscripserat. In orationibus.

46:

POTUIT,] Oportuit, debuit. non perfectum
est autem, quia merita mea nulla erant. tale illud 28.
» Orbis hic in Republica cõuersus est, citius omnino, quam
potuit. MEO, NON TVO SCELERE:
grauiter enim peccaui, & scelerate feci, qui multa, tibi
à me debita, officia non sum executus.

46:

RESPONSO] Cum ab eo contra Clodij
iniquissimam legem auxilium petij. 56: TVR-
PISSIMO CONSILIO: abeundi in exi-
lium: cum potius occumbere deberem.

46:

NVLLO nostro,] Neque enim ita meritis
unquam de te sum, ut à te diligì deberem. TVO

IPSIVS BENEFICIO: restitutum enim beneficio tuo non poteris non diligere.

46:

DE privilegio] Ut privilegium fieret de me restituyendo, hoc est, ut factio senatusconsulto ad populum ferretur. Privilegium autem hoc differt à lege, quodd hęc ad multos, illud ad unum pertinet. Cicero autem abrogari malebat legem Clodij: idq; firmitus videbatur: propterea quodd privilegio lex illa non tollebatur; quo timendum erat, ne quis rursus Tribunus plebis existeret, qui lege agere uellet: post abrogationem autem nihil huiusmodi timendum.

46:

IMPEDIET,] Cum abrogabitur lex Clodij. FERRI: de abroganda lege. SENATVSCONSULTO: ex quo ad populum ferretur, ut privilegium fiat de me renocando.

46:

PRIOR lex] Duas leges Clodius tulit: prior fuit contra eos, qui ciues Romanos sine iudicio populi necassent, qua in lege nominatim de Cicerone scriptum nihil erat, itaq; nihil eum ladebat: altera nominatim in Ciceronem, quoniam is ciues Romanos indicta causa condemnasset.

46:

IN uestitu mutando,] Nam si legem laudare noluerat, negligere saltem debuit. neutrum fecit: sed uestitu mutato populum rogauit, ne legē perferri sineret. quod ei perniciosum fuit. populum enim offendit, cum de antiquanda ea lege rogauit, in qua popularia multa de industria Clodius admiscuerat.

O ij

46:

SI quid ageretur,] Si quid ageretur de salute mea. LEGEM ILLAM: priorem Clodij legem. NE TANGATIS: primum, quia nominatim in ea contra me nihil est: deinde, quia populare legem abrogare, aut infirmare si uultis, populus offendetur. altera igitur date operam ut abrogetis, quando & minus popularis, & nominatim contra me est: priore ne tangite.

46:

TUTE scripsisti,] Is locus est huius libri epistola XII.

46:

NE referri, ne ue dici] Primum refertur, deinde dicuntur in senatu sententia, rogante senatores Consule, aut eo, qui senatum habet: non enim is semper est Consul: ut latius in libris antiquitatum.

47.

DOMITIVS] L. Domitius Aenobarbus, qui hoc anno Praturam gerebat, ut ex Suetonij Iulio colligimus. DE RE: de me reuocando. OMNIVM TRIBVNORVM PL. nam si unus modo intercedet, nihil agemus.

47.

QVO modo potero?] Non enim uidebor restitutus, nisi mihi una domus restituatur. eam autem Clodius Libertati consecrauerat.

47.

IN tuos ne agros] Eperroticos. 43: 44. CYZICVM: in Asiam. quod faciam, nisi mihi tue litterae spem aliquam ostenderint. 45: 47:

47.

T V A E prudentiæ] Qui es passus me, quo tu abundas, egere consilio; ac mihi persuaderi, utile nobis esse, legem de collegiis perferri. 46. P R A E S I = D I A : præsidia amicorum ad pugnandum parata.

47.

T V I S rectis crederem.] Quia dixerat se iturū in Epeirum.

47:

M E ipsum] Meam enim amentiam accuso, quoddā te tantum amari, quantum ego uellem, putavi.

Ex epistola XVI. pag. 47:

D A T A R V M,] Quas ā te, ut opinor, eo die datas, expecto. Et Cal. Sext. scripsisse Atticum putabat, quoddā cum ex ueteri consuetudine senatus Calendis haberetur; statim, senatu dimisso, quid actum esset eo die de Ciceronis re, scripturus Atticus uidebatur. Calendis autem senatum haberi solitum, suo loco infra docebimus.

47:

Q V A M cū lectæ sunt.] Malim sic: Quoddā cū latæ sunt, tum id, quod attulerunt ad spem, infirmant. L A E T A E : quia spem ostendebant meliorum rerū. I N F I R M A N T : quia certi nihil afferebāt: quorum alterum ad consolationem, alterum ad ueritatem.

Ex epistola XVII. pag. 47:

T R I S T E S,] Nunciabatur enim, reuersum ex Asia prouincia repetundarum accusatum iri.

47:

E X ante diem Non. Iun.] Erat idem, Ex Nonis Iunijs: sed figura usus est ea, qua et M. Varro in I. de re rustica.

O ij

47:

LIVINVS] Liwineius, puto rectius: nam
 & antiquus Bessarionis liber, EI VENIENS,
 corrupte quidem, sed literis tamen aliquanto propius ad
 nostram correctionem accedentibus: & in antiquis nu-
 mis Liwineius Regulorum est cognomen: ut omittam,
 quod fam. lib. XIII. ex ueteribus libris legitur, L. Li-
 wineius Trypho L. Reguli libertus. qui est idem, de quo
 nunc agimus. M. REGVLI: in Bessarionis li-
 bro sic, i Reguli: ut ex antiqua nota potius uidea-
 tur legendu L. quam M: praesertim cum & in eo loco,
 quem proxime ex fam. epist. adduximus, mentio fiat.
 de L. Reguli liberto. DE C. CLODII FI-
 LIO: accusatorem fore Quinti fratris C. Clodij filiu,
 eum, qui postea Milonem accusauit, C. Clodio Publij
 fratre natus. Pedianus.

47:

SESTII] P. Sestij, Tribuni pl. designati, pro
 quo extat oratio.

47:

NON tam exploratas a timore,] Quae me no-
 tam timore liberaret, quam Liuini sermo. et TIMO-
 RE de fratre.

47:

IN meo infinito moerore] Praeter eum moero-
 rem, quem ex mea calamitate suscipio, est quod me de
 fratre sollicitet.

47:

LIVINI] Et hic, ut supra, corrigendum.

47:

APPII quaestio est.] Eo magis timebat, ne
 Quintus frater repetundarum accusaretur, quod Ap-
 pius Publij Clodij frater anno insequenti Praetor ei quae-

stioni præfuturus erat. tum autem Prætor erat designatus. Caudalcantis tamen liber SPECTIO: ego sequor Bessarionis: in quo QUÆSTIO scriptum est. & quæstionem repetundarum exercuit Glabrio Prætor in Verrem, Cicero in Licinium Macrum.

48.

DIIVDICABITVR,] Restituar, nec ne. AD TE: in tuos agros in Epeirum, si spes erit. 47: CIRCVM HAEC LOCA: Thesalonice adhuc erat. SVSTINERI: susten-
tari, defendi, foveri. 44. AVT HORTER: ut me, fratremq; meum tuearis: quod tua spõte facis.

48.

CAVE,] Scribe, inquit, omnia, ut erunt, & diligenter, & uere: ac noli putare fore mihi aut molestam diligentiam tuam, aut acerbam ueritatem. CAVE: uidetur alterum uerbum desiderari: ut legatur, caue suspiceris, aut, caue timeas.

Ex epistola XVIII. pag. 48.

AVCTOREM] Qui referret in senatu, contempto Clodiae legis capite, quo cautum erat, ne referri, ne ue dici liceret. EST ALIQUID IN SPE? spei aliquid est? SECVNDVM COMITIA: habitis comitijs, de me in senatu actum iri. 44: 45:

Ex epistola XIX. pag. 48.

IN Asiam] Scripserat enim, Cyzicum se iturum. 47. 47: 48:

NOVIS magistratibus,] Tribuni pl. magistratum inibant Nonis Dec. Consules & Prætores Ca-

) iij

lendis Ian. NOVIS, designatis.

48:

AD salutem] In patriam.

48:

EX tuo portu] Non accipio μεταφορικῶς dictum, sed re uera ex portu: ut sit: ex quouis portu libenter ad salutem, ex tuo libentissime proficiscar. ex tuo autem, ex quo tu soluis, cum in Italiam a tuis possessionibus redis.

48:

AGE, quoquo modo coeptum est,] Innuit, non fuisse causam cur speraret: & ait, Quoniam sperare coepi, quanquam stulte, nullaque de causa, tamen parebo fratri meo, mihi ipse ne desim, obsecranti. AGE: cum dixisset, coeptum est, adscripturus aliquid fuit ad se reprehendendum, qui sperare coepisset: deinde id omisit, & intulit, Age, quoquo modo coeptum est: hoc est, quanquam non sapienter coepi, nec causa sit cur perseuerem, perseuerabo tamen, nec deseram &c.

48:

SESTII,] Tribuni pl. designati: qui se promiserat laturum esse ad populum de Cicerone restituendo.

48:

AVT, quod scripsi supra.] Aut nusquam facilius hanc miserrimam uitam uel sustentabo, uel, quod melius est, abiecero. CONSILIARIIS: Pópeio, Hortensio, Arrio.

48:

POTEST esse saluus,] Frater seruari potest: ego non possum, qui prorsus perij.

Ex epistola XX. pag. 48:

Q. CAECILIO Q. F. Póponiano Attico.]

T. Pomponio Attico, qui à Q. Cæcilio auunculo testa-
mēto adoptatus, heresq; factus, Q. Cæcilius Q. F. Pō-
ponianus Atticus dicebatur, uetere prænominē omisso,
nomine ita cōseruato, ut in anus desineret, cognomine
eodem: ex usitata adoptionum formula. ut in Var-
ronis libro I I. de re rustica, ubi legitur, Atticus, qui
nunc T. Pomponius, nunc Q. Cæcilius, cum nomine
eodem, legendum uideatur, cognomine eodem.

48:

ITA esse] Coniungitur epistola cum titulo.
ut illa ad Valerium, Cur enim tibi &c. libro I. fam.
Et ad Tironem, Quid igitur, nō sic oportet? lib. X V I.

49.

OFFICIO,] Et quidem ita, ut L. Lucul-
lum, cui maxime debebat, pratermiserit. Valerius
Max. libro VII. cap. IX.

49.

SI mihi] Non dicit, Cum mihi, quia incertū
est num id futurum sit; sed, Si mihi, dubitanter.

49.

PER fortunas] Genus obrestationis, quod usur-
pamus in re mīsera, nec unquam sine dolore. Per for-
tunas mīseras nostras, uide ne puerum perditum per-
damus: in epistola ad Terentiā. Per fortunas tuas,
dixit Celiū, per liberos Cicero te oro, & obsecro, ne
quid grauius de salute, & incolumitate tua consulas.
Denique ex antiquorum libris omnia undique colligan-
tur exempla: nullum erit, dolorem quod non indicet.

49.

DIEM'QVE natalem reditus mei] Natalem

COMMENTARIUS

appellat reditus diem, quodd, eum si uideret, iterū nasci uideretur. 49.

MAXIME tamen &c.] Cum nobis summa spes reditus ostendatur, summaq; in expectatione res sit, maxime tamen cogitabamus in Epeirum tuam deniam proficisci, locum eligendum de exilio cogitanti, bene autem speranti prorsus omittendum. aptior enim multo ad fouendam spem, & ad reditum parandum Thessalonica, quam Epeirus. itaque, cum amici scribant me cito in patriam rediturum, putavi commodius rei exitum Thessalonicae expectare.

49.

DE domo,] Cum Cicero ita scripsisset, Quid de domo? poterit ne restitui? aut, si non poterit, ego met quo modo potero? rescripsit Atticus his ferè uerbis, Nunc, ut domus tibi restituatur, laborandum nō est: restituatur modo salus; in qua sunt omnia. 47.

49.

CURIONIS oratione,] Quia Clodius Ciceronis domum Libertati consecrauerat, ideo Atticus cū Curione, qui Pontifex erat, sermonem habuerat de domo liberanda.

49.

TANTA hereditate] Ex qua accepit citius centies HS. Nepos in uita. OMNI OCCUPATIONE: magnæ enim existunt occupationes ex magnis hereditatibus. Atticus, quod ad eam hereditatem attineret, omnia scripserat explicata, nullam sibi iam occupationem superesse.

49.

SECUS à me erga te commissum, aut præter-

missum] Responderat Atticus ad id, quod Cicero scripserat, Mea officia & studia parum antea luxerunt, 46. EXCELSIOR: in hoc uidelicet, quod, cum ego multa in te officia à me sciam esse prætermissa, omnia tamen ipse pro mea salute ita nunc exequeris, quasi ego nihil prætermiserim, aut secus erga te commiserim. 49.

ROGATIO sestij] Sestius Tribunus pl. designatus rogationem scripserat de Cicerone restituendo, quam deinde in magistratu ferret. eam rogationem Atticus ad Ciceronem miserat. NEQVE DIGNITATIS: cū de me nominatim nō ferat.

Ex epist. XXI. pag. 49:

IPSI,] Integri. locutio antiquis scriptoribus usitata. Ego, inquit in epistola ad Celiū, cum Athenis decē ipsos dies fuisset.

49:

QVAMCVNQVE in partem,] Sive de mea salute spes aliqua erit, sive nulla. 48. 50. 52.

49:

QVIBVS putabis opus esse,] Sive ad cohortandū, sive ad gratias agendas. VT DES: meo nomine, sed à te scriptas.

Ex epist. XXII. pag. 49:

PISO] C. Piso Frugi, Tulliolæ uir. 2:

49:

RETINET] Thessalonicæ. 45. et in epistola ad Terentiam, fam. 232: DECEDERE: quæstor enim erat Plancius in Macedonia Prætor L. Apuleio. In oratione per Plancio.

49:

MILITES] Quos L. Piso Procos. L. Apuleio Pratori Macedoniae successurus, praemiserat. ab ijs autē ideo timebat, quod sibi Pisonē inimicissimū cognouerat, utpote cuius in Consulatu à Clodio pulsus esset.

49:

LENTVLVS] Consul designatus cū Metello Nepote. fam. lib. I.

49:

IN illius potestate.] Quia debebat Lentulo Pompeius. Vnde illud in epistola ad Lentulum, lib. I.
 » fam. Cui qui nolunt, ijsdem tibi, quod eum ornasti, nō
 » sunt amici. Et eodem libro: Virū excellentem, et tibi
 » tua praestanti in eum liberalitate deuinctum, illa episto-
 » la retinuisti.

49:

METELLO] Nepote, Consule designato, fratre P. Clodij. 50.

MEI studiosos] Quod eos semper defenderim. fam. 234: AD TE: in Eperrū scilicet. CUI CUI MODI: siue leta, siue tristia. 49:

Ex epist. XXIII. pag. 50.

MENSEM Ianuarius] Cuius menses die primo Consules Lentulus & Metellus magistratum inituri erant, acturumq; se Lentulus in senatu de Ciceronis re promiserat, egitq; . in oratione post reditum in senatu, et in alijs. VOLVNTATE: à Cicerone nō amplius aliena. TOTA POMPEII RATIONE: qui ad conficiendum Ciceroni reditum omnia studia, omnes opes instituerat conferre. quod re ipsa praestitit. in orationibus.

50.

PROMVLGATA,] De reditu Cicero-
nis : quæ tamen lata non erat, duobus reliquis Tribu-
nis intercedentibus, P. Clodio, & Aelio Ligure. Pro
Sestio. UTILITATIS : etiam si lex lata non
sit, hæc tamen octo Tribunorum promulgatio hoc at-
tulit utilitatis, quod mox à nouis Tribunis maiore stu-
dio in magistratu causa suscipietur : quippe cum intelli-
gent, Clodianæ potentie neruos iam esse magna ex
parte præcisos : quando de reditu Ciceronis promulga-
rint octo Tribuni pl. quorum nemo magistratus initio,
promulgante Clodio legem in Ciceronem, ausus erat in-
tercedere. Hoc utilitatis putabat Atticus eam promul-
gationem attulisse.

50.

CVM hac lege] Quæ desperata erat, cum in-
tercessissent duo Tribuni pl. Clodius & Aelius.

50.

A' NOSTRIS] Rectius legeretur, A' NO-
VIS. sequitur enim ἀντίθετον VETERVM. et
NOVIS pro designatis. aut NOSTRIS, no-
stram causam adiuvantibus.

50.

VETERVM] Octo Tribunos pl. signifi-
cat, qui legem promulgauerant.

50.

ORDINEM,] Senatorium.

50.

CAVENDA] Cauendum autem fuerat de
domo, & de bonis. quod Tribuni pl. omiserant.

COMMENTARIVS

50:

TRALATITIVM de impunitate,]
Quæcunque lata unquam lex fuit, in ea hoc scriptum
est, ut, si quid eius legis causa contra alias leges factum
esset, id latori impune esset. TRALATITIVM:
usitatum, aliunde tralatum.

50:

A' QVO] Ex octo Tribunis pl. quis caput
hoc inculcauerit.

50:

SANXISSE] Pœnam enim irrogabat ei,
qui suam legem abrogare, aut infirmare uoluisset.

50:

NVNQVAM esse obseruatas] Cum enim
leges abrogantur, simul abrogantur sanctiones, quæ
ipsis legibus continentur.

50:

SI id esset,] Si sanctiones manerent, leges
abrogari nō possent. leges autem abrogantur, sanctio-
nes igitur non manent, sed cum ipsis simul legibus ab-
rogantur.

50:

DIFFICVLTA TE abrogationis] In
omnibus legibus aliquid sancitur, quo difficilior sit ea-
rum abrogatio: ut cum uel popolare aliquid admisce-
tur, ne populus deinde legis abrogationem probet: uel
abrogationis auctori pœna irrogatur. ita se omnes le-
ges muniunt difficultate abrogationis.

50:

ILLVD ipsum abrogaretur,] Nihil muto,
ne discedam sine causa ab antiquis libris. Sententia
est: Si sanctiones nō abrogarentur, ne leges quidem ab-

rogari possent ; sed cum lex abrogatur aliqua , simul abrogaretur illa ipsa abrogatio , quæ ueterem legem tolleret : idest , nulla prorsus esset abrogatio , si sanctio maneret legis abrogatæ. 50:

QVO modo eam abrogari oporteat.] Omnis ratio abrogandi abrogaretur . illud ipsum abrogaretur , quod in noua lege abrogante ad ueterem legem abrogandam scribitur .

50:

CVM re uera ita sit ,] Nunquam esse obseruatas sanctiones earum legum , quæ abrogarentur.

50:

SI QUID] Hoc est tertium caput , quo sibi octo Tribuni pl. à sanctionibus Clodia legis cauebant . quod caput sine causa inculcatum esse Cicero ostendit : quippe quid opus est cauere ab ijs sanctionibus , quæ simul cum lege abrogantur ? si enim Clodia lex tollitur , tolluntur & sanctiones Clodia lege scriptæ . stulte igitur hoc tertium caput inculcatum.

50:

IN hac rogatione] De Cicerone reuocando .

50:

PROMVLGARE ,] Promulgatur lex , cum propalam constituitur , ut intercedat qui uelit , ante quam feratur . & est sensus . In hac rogatione si quæ res promulgatur , abrogatur , derogatur , obrogatur ex ijs rebus , quæ in legem Clodia scriptæ sunt , quasq; per eam legem abrogare , derogare , obrogare sine fraude non licet , quod ne ei , qui promulgauit , derogauit , ob eam rem poenæ , multæue sit ; eius hac lege nihilum

COMMENTARIUS

rogatur. quo modo locutus est pro Cæcina, Si quid ius non esset rogari, eius ea lege nihilum rogatum. ABROGARE, tollere. DEROGARE, detrahere, & infirmare. OBROGARE, contra rogare, opponere. 50:

SINE fraude sua] Sine fraude huius rogationis. sic enim Clodius sanxerat, ut, si quid unquam ex sua lege abrogaretur, derogaretur, obrogaretur, id eius rogationis, quæ abrogasset, derogasset, obrogasset, fraude factum indicaretur, eiusque rogationis aucto-ribus ob eam fraudem poena, multaque esset.

50:

QVOD uel qui] Hic emendare, QVOD VE EI QVI, ut modo totum caput interpretans ostendi. quod autem in extremo, EH IN R, ipsum item eodem loco et emendavi, et exposui, allato eiusdem formulæ exemplo ex oratione pro Cæcina. quod & alij uiderunt. aliter tamen in Bessarionis antiquo libro scriptum uideo, sic inquam, EH IIII.

50:

HOC in illis etc.] Quod Clodius in sua lege posuerat, ut ei poena esset constituta, qui promulgasset, abrogasset, derogasset, obrogasset; eo collegæ non tenebantur: siquidem Tribuni pl. si quam quis ex collegio suo legem tulisset, ea lege soluti erant. itaque cum hoc tertium caput, de uitanda legis Clodiae sanctione, qua ipsi non tenebantur, sine causa posuerint; uereor, ex octo Tribunis pl. ne quis id malitiose fecerit, ut deinde noui Tribuni pl. cum rogationem de me ferrent, multo magis eo capite sibi utendum putarent, quo usos uiderent

uiderent eos, qui tamen Clodia lege non tenerentur.
id autem Cicero nolebat; quod minime necessariū uideretur, cum lex abrogaretur, ab ijs sanctionibus, quæ in ea lege essent, cauere: abrogata enim lege, sanctiones non obseruantur. 50:

AD III. Nonas,] Nouembreis. pag. 50.

50:
QVID liceret.] Non licere ijs rogationem de me ferre. nam si damnantur ea sanctione abrogatores, utique quia faciunt contra legem Clodiam damnantur: ea igitur lex uiget, cuius obseruandæ sanctio suos abrogatores cōdemnat: nihil igitur licet cōtra eā legē.

50:
EIVSMODI caput,] Nemo enim sibi cauendum putauit à sanctione legis, quam abrogaret. neque opus est: nam si esset, omnes in abroganda lege eiusmodi capite sibi cauerent.

51.
NUMIUM,] Vnum ex octo Tribunis: qui non uiderant, tertium illud caput nullo consilio inculcari. hunc autem, cæteris præteritis, cum unum nominet, quasi quem sciret studio & fide erga salutem suam collegis antecellere: credibile est, Mummiū potius esse, quàm Numiū: qui Calendis Iunij, ut est in oratione pro Sestio, & post reditum in senatu, unus ex collegio Tribunorum pl. ad senatum de Cicerone retulerat. FUGERIT, latuerit. ATTULERIT: inculcarit caput illud.

51.
SIVE quod] Non discrepant ab impressis li-

COMMENTARIUS

bris manuscripti. nec dubium est, mendum subesse. ab-
erit autem, si legatur, Si enim quoddam: ut periodus inter-
rogationis nota claudatur. nunc sententiam indicabo.
Inuestiga, inquit, eius capitis addendi quis fuerit au-
ctor, & quare octo Tribuni pl. ad senatum de me re-
ferre non dubitarint. si enim ideo non dubitarunt,
quod observandum illud caput non putabant, quo Clo-
dius sanxerat ne de me referri, neque dici liceret; ijdem
postea tam cauti esse voluerunt, ut caput illud, quod ad
senatum referentes non observarent, in abroganda le-
ge Clodia metuerent?

SI.

SOLUTI cum essent;] Quia lege collegij
sui non tenebatur. 50: QVILEGETENEN-
TVR: aliorum collegiorum Tribunos pl. intelligit.
nam sui collegij lege Tribunus pl. nemo tenetur.
CVRANDVM: quis enim legis, quam abrogat,
sanctionem metuat? quis inquam de eo capite laboret,
quod abrogari cum lege simul intelligat? IDCAP-
VTV: quod octo veteres Tribuni pl. tulerunt.
FERRE: anno proximo, cum magistratum inierint.

SI.

T. FADIO] Quam T. Fadius Tribunus pl.
designatus anno insequenti de Cicerone ferret. De hoc
in oratione post reditum in senatu, & lib. I. ad Q. fra-
trem. T. VISELLIVS: iurisperitus, opinor:
et fortasse pro Titus, Caius: ut sit C. Visellius Varro
Ciceronis consobrinus, qui iuris civilis à patre Aculeo-
ne traditam tenuit disciplinam. In Bruto. SESTII
NOSTRI: cuius legem supra dixit neque dignitatis

satis habere, nec cautionis, cū et nominatim ferri oportet, & de bonis diligentius scribi. 49.

51.

DISTINERE,] Morari, tardare.

51.

MVLTTITVDINE comparata] Vt ex omni ferè Italia Romam cōuenirent ad diem rogationis ferendæ. quod factum Cicero sæpe gloriatur.

51.

PERFRINGANTVR,] Ea, quæ rem distinent.

51.

PRIMORVM dierum] Post initū à Tribunis pl. magistratum : quod Nonis Decembribus fiebat : ut est accusationis in Verrem libro II.

Ex epist. XIII. pag. 51:

VESTRO consensu] Consensistis, ut senatus provincias decerneret Consulibus designatis Lentulo & Metello, quam rem noui Tribuni pl. usque differri uolebant, dum ipsi magistratum ingrederentur : non ut senatusconsultum impedirent, sed ut non impedientes, eo quasi beneficio Consules ad nostram causam adiungerent. ORNATAS ESSE : uerbum est sæpe de provinciis usurpatum ab antiquis scriptoribus : quod ita accipio, ut cum ipsis provinciis simul decernerentur eæ res, quæ provincias administrantibus necessariae putarentur, ut milites, pecunia, huiusmodi. sic ornare classem in oratione pro lege Manilia, pro instruere. ornatae provinciae lege Curiata, quorum rectoribus imperium, exercitus, stipendiū, legati dabantur. sed lege Curiata non omnes ibant in provincias, ideoq;

P ij

COMMENTARIVS

non omnes publico sumptu. 65:

SI:

EXPERTES consilij] Hoc enim sine eorum consilio fecistis. NOSTRA CONCESSIONE: nisi enim concessum à nobis esset, ut à senatu consulares prouinciæ ornarentur, dilata res, à ueteribus Tribunis pl. ad novos deuenisset. quæ cū nostra concessione ante confecta sit, quàm ingressi magistratum sui iuris ui & potestate uti potuerint: iure nobis succensent.

SI:

DE Consulibus ornandis,] De prouincijs Consulibus decernendis. ita locutus est libro II. ad Q. fratrem: Referebatur de prouincijs Quæstorum, et de ornandis Prætoribus.

SI:

ADIVNGERENT:] Beneficio nō impediendi. POSSE ID LIBERE FACERE: quia nihil amplius à nobis expectent, cū iam sui uoti cōpotes facti sint, prouincias per senatū assecuti.

SI:

NIHIL posse.] Nihil enim ipsi per se Consules possunt, cum penes Tribunos pl. sit intercedendi potestas.

SI:

SE inuitis.] Ipsi Tribunis pl. qui causam habent, cur nobis succenseant.

SI:

NI ita nobis placuisset,] Vt senatus prouincias decerneret Consulibus designatis.

SI:

PER populum] Sæpe enim ad populum confugiebant, ut per eum prouincias, à senatu negatas,

obtinerent. ideoq; paulo ante, ut scribit Suetonius, cum
 Casari Galliam cisalpinam senatus dedisset, mox et co=
 matam adiecit, ueritis patribus, ne, si ipsi negassent, po=
 pulus & hanc daret. & post Casaris interitum, Cel=
 tica regionem cum desperaret M. Antonius à senatu
 impetrari posse, à populo accepit. Appianus, Plutar=
 chus, Dion.

51:

NULLO modo] Quia Tribuni plebis, cum
 lex de prouincijs Consularibus ad populū ferretur, in=
 tercedere potuissent. quo metu Consules ad concilian=
 dos sibi Tribunos pl. omnia nostra causa fecissent, si de
 nobis prius in senatu, quā de prouincijs ageretur. nunc
 uideo uestro cōsensu factū esse, prius ut ageretur de pro=
 uincijs. ita neque iam Consules tenemus, quibus, nulla
 nunc necessitate obstrictis, liberum est quidquid uolūt:
 & Tribunos plebis, cū iure succensere possint, uereor
 ne amiserimus.

51:

INUSITATA, ac noua:] Causam sub=
 scribit, cur inusitatum, ac nouum.

51:

ILLA constantia,] Cum senatus ante, quā
 de nobis actum esset, negaret se quidquā decreturum.

52.

NIHIL iam possit non decerni.] Cum illa
 constantia sit immutata, idq; uestra culpa, qui permis=
 sistis ut ageretur de prouincijs consularibus ornandis;
 iam nihil erit, quod nostræ causæ non anteponatur.

52.

AD quos relatum est,] Quos hac de re consula=
 tos à uobis esse scribis.

P ii

COMMENTARIVS

52.

LENTULO, uel Metello,] Ut diximus,
duobus Consulibus designatis. SIMVLTA=
TEM: hic est. n. qui Tribunus pl. Ciceronem Con=
sularu abeuntem concionis habendæ potestate priuau=
rat. fam. epist. libro V. & in Pisonem.

52.

QUEMADMODVM ceciderit,] Quem
exitum habuerit: idest, quam postea Consules uolun=
tatem ostenderint, & Tribuni pl. num succenseant.

52.

VERITAS,] Literarum tuarum. 48.

Ex epist. XXV. pag. 52.

TVVM à me discessum] Suspicio abunda=
re A' ME: ut, Atticum discessisse Roma, signific=
tur: quod ex amicorum literis Cicero cognouerat. no=
stram sententiã confirmat proxima insequens epistola.

PROSPICIO: quia tuũ ab urbe discessum
significant.

52.

INGRATI,] Si te accusemus, quodd hoc
tempore ab Vrbe discesseris; cui potius gratias agere
debeamus, quodd maxima in nos officia contuleris.

52.

OMNIA] Omnem etiam spem salutis. ne
uidear nimis ad desperationem propensus, hanc par=
tem omitto. AFFIRMASTI: literis tuis.

Ex epist. XXVI. pag. 52.

DE me] In patriam reuocando.

52.

LEGVM] In eo enim senatuscõsulto scriptũ

erat, non solum ut lex de Cicerone, sed ut alie item
leges alijs de rebus eodem tempore ferrentur.

52.

SI obreſtabitur,] Si quis Tribunus pl. legum
latione impediet. AVCTORITATE SE-
NATVS: de lege non laborabo, ſenatus auſtori-
tatem ſecutus in patriam redibo, etiam ſi mihi ob eam
rem dimicatio cū inimicis impendeat. legis tamē latio-
nem expeſtauit: redijt. n. nō ante pridie Nonas Sext.
FESTINA: iam enim erat Atticus in itinere.

Ex epiſt. XXVII. pag. 52:

EX tuis literis,] Quibus ſignificas, legum la-
tionem eſſe dilatam.

IN LIBRVM IIII. CICERONIS EPI-
STOLARVM AD ATTICVM,
PAVLI MANVTII COM-
MENTARIVS.

EX EPISTOLA I. pagina 52:

EC fortioſorem, nec prudentioſorem, quā me
n ipſum,] Tibi enim æque, ut mihi, &
fortitudo, & prudentia defuit: quī me ani-
mo debilitatum, meisq; cedentem inimicis, confirmare,
& à turpiſſimo conſilio reuocare debuisti.

52:

PROPTER meam in te obſervantiam]
Diligens quidem in meæ ſalutis cuſtodia fuiſti, ſed, meā
in te obſervantiam ſi conſideres, nimium id non fuit.

P. iiij

COMMENTARIUS

quodd si parem obseruantia meae diligentiam adhibuisses, certe me in exilium abeuntem, idest ad exitium praecipitantem, retinuisses.

52:

IN custodia salutis meae] Quod enim obseruatia meae debebas, ut dies & noctes, quid mihi faciendum esset, cogitares, id abs te praetermissum est. 46:

52:

EVNDEMQUE te &c.] Qui non satis diligens in meae salutis custodia fuisses, primisq; temporibus, potius ut in exilium abirem, quam civilem seditionem excitarem, cohortatus esses, quodd id mihi duceres prestare, eodem scilicet, quo ego, errore inductus; idem tamen postea nostrum dissidium acerbissime ferens, ad reditum mihi conficiendum omnia tua studia contulisti. ERRORIS NOSTRI: cum turpissimum illud, ac mihi perniciosum consilium cepi te approbante, ut ab urbe discedere. AVT TOTIVS: non dubito quin rectius sit AVT POTIVS: ut furorem potius, & amentiam dicat fuisse, quam errorem, cum discedendi rationem probauit. FALSIRVMORIS SOCIVS: cum tu quoque cum multis id diceres, breui me esse in patriam rediturum. quodd falsum fuit: per sexdecim enim menses miserum exiliu pertuli. 53.

EXEGERO.] Hoc dicit: posthac, id quodd antea minus feci, assidue tecum uiuam, ut eum fructum capiam, qui est in tua consuetudine suauissimus.

53.

FORENSEM,] Existimationem, et gra-

IN LIB. IIII. EPIST. AD AT. 117
tiam in foro partam multorum causis defendendis.

53.

MAGIS, quàm optaramus,] Neque enim
optandum putabamus, quod sperandum nō uideretur.

53.

FRACTA, dissipata, direpta] Post profes-
sionem Ciceronis ex urbe, bona eius P. Clodius publica
uit. postea direpta sunt omnia, quæ aut in domo, aut in
uillis fuerunt. domus direpta primum, deinde inflam-
mata, ac diruta. Pediani uerba in Pisonem.

53.

INSCRIBAM] In his literis. sic Horatius,
Inscribam nomen in actis.

53.

LATA] Ex senatusconsulto ad populum, de
me restituendo. LEX autem centuriata, ferente P.
Lentulo Cōsule.

53.

BRUNDVSINAE colonia,] Dies erat
idem, quo & Brundisium deducta colonia fuerat, &
Salutis ædes in Quirinali colle dedicata. quam ideo uo-
cat Attici uicinam, quod is habitabat in eodem colle.
Nepos in uita.

53.

ITALIAE] Cum ad suffragia de nobis fe-
renda Romam undique concurrerunt.

53.

ORDINVM,] Hominū cuiusvis cōditionis.

53.

COMITIIS centuriatis] Comitia centu-
riata erant, cum populus non fuisse in tribus conuocatus,
sed censu, ordinibus, ætatibus descriptus, suffragium, neo

COMMENTARIVS

nisi singulis de rebus ferebat. ideo centuriatis comitijs
 Consules creabantur, & Cicero ab exilio reuocatus.
 Hæc uberius in libro de comitijs: si quidem is, ad quem
 ego omnia refero, Deus optimus maximus mihi hoc de-
 derit, ut ea, quæ distincta quatuor antiquitatum Ro-
 manarum libris orsi sumus, liceat pertexere. HON-
 ESTISSIMIS: non de moribus, sed de nobi-
 litate dictum: ut, honesto loco natus. intelligit enim
 Brundusinae coloniae principes.

53.

ID ipsum] Hoc uidelicet, mihi eos esse inimicos.

53:

VSQVE ad Capitolium] Pro domo sua, vnus,
 inquit, ille dies, quo me populus R. a porta in Capitolium,
 atque inde domum sua celebrare, letitiaq; comitatum
 honestauit: &c. GRATIAS EGIMVS:
 quæ extat oratio, inscripta, post reditum in senatu.

53:

AD theatrum] Pediani uerba sunt in Milo-
 niana: L. Cæcilius Rufus Prætor fuit Lentulo spinthe-
 re Q. Metello Nepote Coss. quo anno Cicero restitutus
 est. is cum faceret ludos Apollinares, ita infima coacta
 multitudo annonæ caritate tumultuata est, ut omnes,
 qui in theatro spectandi gratia cōfederant, pellerentur.

53:

AD senatum] Quem in Concordiæ tēplo Me-
 tellus Consul habebat. Pro domo sua, 215.

53:

MEA opera] Quia Ciceronis restituendi cau-
 sa incredibilis multitudo Romam ad comitia confluxit

rat. unde grauior annonæ caritas paulo post exorta.
quod operæ Clodianæ ad inuidiam concitandam fa-
ctum esse Ciceronis opera clamabant. DECER-
NEREM: mea sententia.

53:

TVTO se negarent] Propter multitudinem
annonæ caritate concitatam, quippe quæ etiam L. Cæ-
ciliij Pratoris domum ob eam causam oppugnasset. Pro
domo sua, 214: Pro Milone, 109.

53:

MEO nomine recitando,] Cum meum no-
men recitaretur. Actiue posuit in proœmio de officijs,
orationem latinam legendis nostris efficies pleniorẽ.
Post senatusconsultum, eius nomen recitabatur, cuius in
sententiam factum esset.

53:

HABVI concionem:] Videtur esse oratio,
quæ extat, post reditum ad Quirites. quod si ita est,
præpostere factum ab ijs, qui eam ante orationem in se-
natu habitam collocarunt; cum pateat ex hac epistola,
post fuisse collocandam.

53:

DEDERVNT.] Concionem: nam cõcio-
nari privato non licebat, nisi magistratus curulis, aut
Tribunus pl. concionem daret. 54: PRAETO-
REM autem, qui concionem non dedit, intellige Ap-
pium Claudium P. Clodij fratrem: TRIBVNO S
P. L. Sextum Attilium Serranum, & Numeriũ Quin-
tium, de quibus in oratione pro Sestio, & Pedianus in
Pisonẽ, Cõcionẽ Clodio Prator frater Appius dat in epĩ

COMMENTARIUS

stola sequenti.

53:

LEGEM] Quæ ad populum ex senatusconsulto ferretur.

53:

MESSIVS,] Alij, Messinius: qui erat Tribunus pl. ut in oratione post reditum in senatu. nã cum quidem, qui legem conscriberet, in magistratu esse oportuit. quod de Messio compertum nō habemus. placet igitur, Messinius: & eo magis, quod qui Bessariōnis in libro scripsit, Messius, eiusdem manu in margine uideo scriptum esse, Messa is: ut uarietas augeat mendii suspicionem.

53:

NUNC] Postquā alteram Messinius scripsit.

53:

FAMILIARES hanc.] Quo maior est suspicio Pompeij uoluntatis: nam ipse quidem solet aliud sentire, & loqui. 60. & fam. 112.

53:

FAVONIO] Qui tamen consularis non erat, sed summa libertate utens, acerrime, quæ minus probaret, oppugnabat. 64:

54.

EO magis,] Neque enim, ante quā de domo Pontifices responderint, in rem nostram putamus cuiusquam animum offendere.

54.

SI sustulerint religionem,] Si decreuerint, quā partem areæ Clodius Libertati dedicauit, eam partem, sublata religione, restitui mihi posse; aream, in qua reaedificemus, amplissimam habebimus. Consules autem uel aestimabunt, quod super solum antea ædificatum, diru-

tum à Clodio est: uel, si id minus, quod nunc est demo-
 lientur, ipsi curam suscipient extruendæ mihi domus
 qualis antea fuerat. REM TOTAM: non
 separatim domum, sed quæcunque amisimus, omnia
 simul una æstimatione complectentur. singula tamen
 per se æstimata, proxima insequens epistola ostēdit.

54.

FLUXAE;] Quia non eadem, quæ paulo
 ante: cum quidam, absentem qui defenderant, incipe-
 rent præsentī occulte irasci, aperte inuidere. sic in episto-
 la ad M. Brutum: Huius belli fortuna ut in secun-
 dis, fluxa; ut in aduersis, bona. QVAEDAM
 DOMESTICA: de uxore accipiendum. nam
 & in epistola sequenti, Amamur, inquit, à fratre, &
 à filia: uxorem non nominat: quasi quiddam esset, cur
 ab ea se non æque, atque à fratre & filia, intellige-
 ret amari. ALTERIVS VITAE: ut post-
 hac rationem habeam non solum dignitatis, sed etiam
 salutis. nam antea dum ad unam dignitatem omnia
 refero, meq; ciuiū potentissimorum consilijs grauem ad-
 uersarium Reip. causa præbeo: me ipsum penè perdis-
 di. fam. 7: 16.

Ex epistola II. pag. 54:

DEBERI non potest:] Edenda est, quia fla-
 gitari à iuuentute uideo. figura eadem in epistola ad
 Trebatium: Quod præsentī tibi propè subnegarem, non
 tribuerē certe, id absenti debere non potui. & in To-
 picorum proœmio ad eundem: Non potui tibi sæpius
 hoc roganti debere diutius.

COMMENTARIUS

54:

QVI se dedicasse diceret,] Is erat P. Clodius.

54:

I AM partem areæ] Eam partem areæ, mallem: ut ea pars intelligatur, in qua Clodius Libertatis atrium edificasset: neque enim totam domum, sed eā partem solum, quæ cum Catuli porticu iuncta erat, dedica-
uerat, reliquum euerterat.

54:

DUBITAT,] Dubitabat, ordo postulat: cū sequatur, esset adiudicata. nemo dubitabat, inquit, quin senatus Pontificum decretum secuturus esset. quod ita post paulo euenit, facto senatusconsulto, quo statuebatur, uideri Ciceronis domū iudicio Pontificum religio-
ne liberatam; & ut magistratus curarent, ut ei sine ui edificare liceret. De Arusp. resp. 246:

54:

ILLE] P. Clodius. DEDIT: quia Prætor erat. alioqui non licuisset privato Clodio concione habere. 53:

54:

SVAM Libertatem] Atrium Libertatis à se extruētum dirui ne patiantur.

54:

ILLVC] Ad aream.

54:

PORTICVM Catuli] Quam in domo Flacci eversa de Cimbricis manubijs à Q. Lutatius Catulo factam, P. Clodius cum Ciceronis domo euerterat.

54:

QVI erant senatores.] Iis enim, qui senatores

non erant, ingredi senatum non licebat. & Pontificum collegium apparet non fuisse totum ordinis senatorij : cum Pontificiam dignitatem, etiam qui senator non esset, consequi posset : ut in oratione de Arusp. resp.

MARCELLINVS : Cn. Cornelius Lentulus Marcellinus, ordinis patritij, Consul designatus cum L. Martio Philippo, qui Caesaris Augusti uirricus fuit.

ROGATVS : designati Consules primi sententias rogabantur. LVCVLLVS : M. Licinius Lucullus Pontifex, consularis, & triumphalis. LEGIS SENATVM : legis Clodiae iudicem senatum esse, religionis Pontifices fuisse.

54:

LOCO] Ordine, ut quisque honoribus antecederet. manifestum, in senatu nullam Pontificum habitam rationem in rogandis sententijs perinde ac si Pontifices non essent.

54:

DIEM consumere ;] Ne S.C. fieret. licebat enim senatori, & quam diu uellet, & qua de re uellet, dicere. Gellius lib. IIII. cap. X.

54:

PRAETER unum] Prater ipsum Clodium. SERRANVS : Sex. Attilius Serranus Tribunus pl.

54:

REFERRE] Esset intercessio à Republica, nec ne. cum enim, non esse, statuitur ; agit senatus cum eo, qui intercessit, ut tollatur intercessio.

55.

AUCTORITATEM ordinis] Voluntatem senatus de Ciceronis domo, & Catuli portis

COMMENTARIVS

cu. quam appellat auctoritatem ordinis, quia senatusconsultum fieri non potuerat, intercedente Tribuno pl. sic in epistolis ad Lentulum senatus auctoritas dicitur, cum senatusconsultum fieri ob intercessionem Tribuni etiam non potuisset. ss.

SI quæ uis esset facta,] Quo minus posset Ciceronis domus, Catuliq; porticus restitui.

ss.

CORNICINVS ad suam ueterem fabulam redijt.] Cn. Oppium significat: nam Cornicen Oppiorum cognomen fuit: ut apud Liuium libro tertio ad ueterem autem fabulam ideo dicit, quod etiam antea idem Oppius hunc ipsum, generum suum, Calendis Ianuarijs, quo die P. Lentulus Cos. retulit de restitutione Ciceronis, intercedentem suppliciter rogarat, ut desisteret: quod tamen non impetrauit: idq; omnino causæ fuit, serius ut Cicero restitueretur. in oratione post reditum ad Quirites, & pro Sestio.

ss.

CAL. Ian.] Quo die, Lentulo referente, Serranus idem intercesserat: quasiq; soceri precibus commotus, cum ad deliberandum tum quoque noctem postulasset, postea tamē intercessionem non omisit. SIBI: Serrano: & sibi pro illi, contra regulam Vallæ.

ss.

ILLAM porticum] Necessæ erat, ut redemptores, si Catuli porticum restituere uellent, prius partem atrij Libertatis demolirentur. nā in ea porticu, quæ Ciceronis ædibus cōtinēs erat, itemq; in ipsius Ciceronis ædium parte atrium Libertatis Clodius edificauerat.

quod

55.

HS uicies] Sestertiorum nummorum uicies centenis millibus, idest aureis scutatis sexaginta millibus: ut subducenti patebit. emerat autem eam domum tricies quinquies millibus sestertiorum nummorum, ut est in epistola ad Sestium: cum à P. Sulla HS uicies mutua sumpsisset, ut ait Gellius libro XII. Cap. XII.

QVINGENTIS MILLIBVS: aureis scutatis quindecim millibus. DVCENTIS QVINQVAGINTA MILLIBVS: aureis scutatis septem millibus & quingentis.

55.

LEGARI] Cum quindecim sibi legaret rei frumentariae causa. 53: & fam. 98. PROXIMI CONSULES: Marcellinus, & Philippus, qui tunc erant designati.

55:

POSTVLABANT:] Ut legatione à Pōpeio delatam acciperem: quod futurū esset quasi uinculum arctioris cū potentissimo uiro amicitiae. in quo statuo firmum praesidium mihi esse constitutū ad impetus inimicorum. Epist. fam. 16.

55.

PETENDI,] PETENDI, Censuram: EXEVNDI, ad legationem.

55:

SCIS, quo sumptu, qua molestia] De sumptu, qui fieret in edificanda domo, ideo queritur, quia superficiem Consules, à Clodio dirutam, minoris aestimant, quam quanti fuerat, quippe scutatis tantum

Q

sexaginta millibus, cum ipse eam emisset centum quinque millibus. & SCIS, scire potes, facile tibi est cogitare, cum intelligas, si reficere uelim, & ad pristinam formam perducere, multo plus mihi esse erogandum pecuniæ, quàm quantum de publico ex Cōsulum æstimatione datum est.

55:

NEC relinquere possum, nec uidere.] Nam & me delectat, & uidere, euersum ab inimicis, non possum. PROSCRIPSI: hoc non reficio ut Formianum, sed uenditurus proscripsi. Proscribit enim domum, aut fundum, aut quiduis huiusmodi, qui diuulgato scripto se esse uenditurum significat. hinc proscripti, quorum nomina in tabula palam constituta legebantur, ut ad eadem quærentur præmio percussori promisso. SUBVRBANO: hoc reficere cogitat, propinquitatis causa.

55:

IN ea re,] In exilio meo, cum me sua pecunia sustentarunt. itaque nunc ab iisdem mutuari nō licet.

55:

SENSISTI tu absens, præsentis.] Quod proxime dixit, placet esse dictum de exilio potius, quàm de domo: ut queratur se sumptui fuisse amicis, non ut dignitatem aliquam, non ut cōmodum adipisceretur, sed ad sustinendam turpissimam exilij fortunam. illud enim, BENIGNITAS EXHAUSTA, de suppeditatis pecunijs accipio. extrema uerba, SENSISTI TV ABSENS, PRAESENTES, quia suspicor à mendo non abesse, non interpretor.

quanquam nihil est adeo mendosum, quin aliquid sententiae possit extorqueri: sed ego, non ut extorqueam, sed ut eliciam, operam do.

55:

COPIS,] Alibi copiae pro diuitiis, & pro exercitu: hic totum intelligitur quantumcunque possumus siue auctoritate, siue gratia. **MEOS**

DEFENSORES: eos, qui cum me absentem defendissent, & ab exilio reuocassent, reuerso deinde inuidere coeperunt, neque in ijs rebus, quae mihi erant propter rei familiaris naufragia necessaria, eam uoluntatem, quam expectaram, praestiterunt. epist. fam. 10:

OMNIA: quae mihi omnia uis inimicorum ademerat. **LABORATUR:** quod in proxima epistola dixit, In re familiari ualde sumus perturbati. & in hac ipsa, Domesticarum rerum consilia ualde impedita. ut eandem sententiam uarie ter exprimat.

55:

ΜΥΣΙΚΩΤΕΡΑ] De uxore significat, ut etiam in proxima epistola, cum dixit, sunt quaedam domestica, quae literis non committo.

Ex epist. III. pag. 55.

ANTE diem tertium Non.] Saepe diximus, idem esse, tertio Nondas. **EXPULSI:** a Clodianis. **LAPIDVM EX AREA** **NO**
STRA: lapides ad nostrae domus refectorem paratos, Clodiani sumptos ex area coniecerunt in domum Quinti fratris.

56.

IVDICIVM nolebat,] Tollebat, magis

Q ij

COMMENTARIVS

placeret : ut uis intelligatur, qua Clodius a Milone ac-
cusatus iudicia sustulerat, ante reditū Ciceronis ab exi-
lio . itaque in oratione pro Milone , Quis, inquit , hoc
credat , Cn. Pompeium iudicium expectaturum fuisse
in eius iudijs uindicandis, qui uel iudicia ipsa tolleret?
cum de Clodio intelligat . Et in senatu post reditū:
Milo Clodium de ui postulauit . posteaquam ab eodem
iudicia sublata esse uidit; ne ille omnia ui posset effice-
re, curauit . MANIFESTAM QVE :
ut a manifesto crimine tueri se non posset .

SED TAMEN CAUSAM : erat tamen
aliquis quasi angulus excusationis, quò confugeret : cū
posset inficiari a se factum, posset in alios culpam rei-
cere, posset etiam aliquid defendere tanquam iure fa-
ctum .

56.

DESIGNATOREM,] Curationis no-
men : unde Horatius , Designatorem decorat liſtori-
bus atris . DECIMVM : de hoc pro domo
sua his uerbis : Tu id te posse arbitraris omnium faci-
norum, & stuprorum omnium Decumis, & Clodij au-
toribus obtinere , quod M. Drusus in legibus suis ple-
risque , M. Scaurus, & L. Crassus non obtinuerint ?

GELLIVM : De hoc in oratione de Aruspiciu
resp. 258. in Vatinius 29 : pro Sestio 24 : extat etiam
Catulli epigramma in eundem, quod infra subscripsi,
Quid dicam Gelli , quare rosea ista labella

Hiberna fiant candidiora niue,
Mane domo cum exis, & cum te octaua quiete
E' molli longo suscitatur hora die ?
Nescio quid certe est . an uere fama susurrat ,

Grandia te mediū tenta uorare uiri?
Sic certe est. clamant Victoris rupta miselli
ilia, demulso labra notata sero.

56.

DISCEDEREM,] Domum reuertens: uel
DESCENDEREM, ut est in antiquis libris et Ca
ualcantis & Bessarionis: cū de Capitolio descendens,
Sacra uia, quæ à capitolio ad Carinas pertinebat, domū
abiret.

INSECVTVS EST ME: alij
putant periculum illud Ciceronis intelligi, de quo in or
ratione pro Milone his uerbis: Hæc eadem sica longo
interuallo conuersa rursus est in me, nuper quidem, ut
scitis, ad Regiam penè confecit. ego aliter sentio: ui
deo enim hanc epistolam scriptam esse P. Lentulo Qu
Metello Consulibus, orationem autem pro Milone habi
tam Pompeio tertium Consule, idest quinquennio ferè
interposito: ut eadem res significari non possit, cum in
oratione dicat, NUPER QUIDEM: quod nō
diceret de re tanto ante confecta.

56.

M. TETII Damionis] De Damione quodam
P. Clodij liberto Pedianus meminit in Miloniana: sed
hunc alium ab eo esse, manifeste apparet, quod neque
eadem res significatur, quæ in oratione, ut ratio tempo
ris declarat, & in eius uestibulum Cicero, tanquam
amici hominis, aut certe non inimici, Clodianorum im
petum fugiens discessit. neque uero, Damionem unum
Romæ fuisse, necessario putandum est.

56.

DIAETA curari incipio: &c.] Ab egro

Q iij

tantibus sumpta tralatio . sensus est . institui me tueri
cōtra meos inimicos moderatione quadam ; qua utens,
spero fore, ut huic malo dies quotidie magis medeatur,
sicuti solet diata non recte se habentibus . ferro ut res
agatur, minime uolo .

56.

TRVDI] Antiqui libri, VIDERI, mendose .

56.

ACIDINOS] L. Catilina, & C. Manlius Acidinus, duo cōiurationis duces, aduersus patriam arma tulerunt .

56.

IN CERAMIO] Præpositionem IN neque Caualcantis liber habet, neque Bessarionis : CERAMIO autem uterque . inspiciundi plures antiqui libri, si forte ad ueritatem aliquid afferant . nam nos quidem, CERAMIO quid hic sibi uelit, ignoramus . locum hoc nomine Romæ fuisse, nemo tradit .

56.

ANNIANA] Quæ prius C. Annij fuerat : a quo adoptatus Milo, qui antea fuerat ex Papia familia, et nomen simul, et hereditatem accepit, cum ex eius filia natus esset . EDVXIT VIROS : eduxit uiros, & occidit homines, nō sine artificio dixit, ut, cuiusmodi fuerint utriusque copię, ex nominibus appareat .

56.

ILLE se in interiorem partem ædium abdidit sula se .] Caualcantis liber, ILLE EX INTERIOREM AEDIVM SILLA SE . Bessarionis, ILLE INTERIOREM AEDIVM SYLLA SE . omnino locus ita deprauatus, ut,

nisi ueteres libri opem ferant, desperandus uideatur:
quid tamē, si sic? ILLE SE IN INTERIO-
RA AEDIVM SYLLAE: ut subaudiatur,
proripuit, abdidit. MARCELLINVS:

hunc primum nominat, quia primus sententiam roga-
batur, quodd esset Cōsul designatus. METEL-

LV S: Q. Metellus Cōsul: qui comitia adilitia ideo
fieri uolebat, ut Clodius Aedilis creatus, in iudicium de
ui, maxime propter fabros de Ciceronis area pulsos, uo-
cari nō posset: nā eos, qui magistratus gererent, accusari
ius non erat: itaq; Clodius Aedilitatē consecutus iudicio
se eripuit. Dion libro XXXIX.

CALV-
M NIA: cum astutia uteretur, multa; malitiosus
iniiceret, ut senatoribus dicendi tēpus eximeret, ne sena-
tus consultum contra Clodium fieri posset, qui, cum se-
natus censuisset ut Ciceroni sine ui domum suam aedi-
ficare liceret, fabros tamen de area per uim expulisset.

» Sic in epistola ad Lentulum: Res ab aduersarijs no-
» stris extracta est uarijs calumnijs. Et ad Q. fratrem
» libro II. Per obtrectatores Lentuli res calumnia extra
» eta est. DICENDI TEMPVS: quod tempus
ad dicendas sententias senatoribus dabatur.

OPPIO: potius crederem legendum, APPIO:
qui erat in senatu; & frater Clodij, ut adiunare uel-
let; & Prator, ut facile posset.

ETIAM
HERCVLE FAMILIARI TVO: Q.

Hortensium significat, quo Atticus intime utebatur, ut
» scribit Nepos in uita. et in epistola ultima libri II. Tuus
» familiaris Hortēsius quā plena manu nostras laudes
» in astra susstulit. ETIAM HERCVLE:

Q. iiij

quasi dicat, quod equidem antea non putaram, cum
et nostri, et publicæ causæ studiosus uideretur esse.

DE CVIVS CONSTANTIA: ironia
nam Atticus exulanti Ciceroni scripserat in hanc ferè
sententiam: Hortensij constantiā, et uirtutem cogno-
sces in tuenda Republica.

56:

FVRERE.] Homo iracundus: quem etiā
notat morositatis uitio in epistola quadam ad Q. fra-
trem. et FVRERE quoddā Metello diem eximi
uideret.

ILLE: P. Clodius.

SVA:

quibus Aedilitatem petiturus erat, cum candidatus es-
set.

56:

AREAE] De qua Clodius fabros expulerat,
contra senatusconsultū. 55.

INCENDIO=

RVM: quia Milonis domum, Ciceronisq; expugna-
re, et incendere conatus erat.

PERICVLI

MEI: cum me, Sacra uia discedentem, lapidibus, fua-
stibus, gladijs est insecutus.

56:

IUDICIO] Ut iudicium fieret in eum, qui ea
commisisset.

COMITIIS ANTEFER=

RET: cum diceret iudicium de ui prius esse facien-
dum, q̄ comitia haberentur: quod tamen factum non
est: itaq; Clodius iudicium effugit, comitijs creatus Ae-
dilis.

PROSCRIPSIT: Marcellinus.

DIES COMITIALES: seruare de coelo Au-
gurum est, obnuntiatio ad magistratus pertinet: ita-
que Marcellinus, qui est Augur, seruat de coelo; Mi-
lo, qui est Tribunus, obnuntiat. De diebus comitia-

libus Macrobius, Gellius, ipse ad fratrem.

CONCIONES : ad populum : ut adducerentur in inuidiam ij, qui comitia conarentur impedire .
uide 36 : 56 :

NISI Milo in campum obnuntiasset] Cum libro Canalcantis, a quo minimum differt Bessarionis liber, (habet enim, Miloni campum) ita lego, priore lectione repudiata : cuius, ut mihi quidem uidetur, eiusmodi sententia est, ut a ueritate dissentiat : neque enim quisquam erat, qui Miloni obnuntiaret : (quippe, Tribunus pl. cum esset, comitiorum ius non ad eum, sed ad Metellum Consulem pertinebat) uerum ipse Metello Consuli obnuntiabat, ut comitia, quibus Aedilitatem Clodius petebat, usque eò protruderet, quoad iudicium ante fieret de ui ; nihil dubitans, quin eo iudicio Clodius condemnaretur . præterea, si legas, ut antea, C. APPIVS, prænomena simul erunt duo, quæ esse non possunt . nam, quod ad locutionem attinet, obnuntiare in campum : me quidem non offendit : cum etiam uerbo, nuntiare, quandoque ueteres eadem ratione uterentur, & in loco, & ad locum ; ut ponere in gratia, & in gratiam ; esse in potestate, & in potestatem . quod Gellius obseruauit, lib. I. cap. VII. CAMPVM, Martium, quod populus ad comitia conueniebat. 56.

IN campum uenit .] Ut quod seruatum esset de cælo, a Marcellino Augure acceptum Consuli Metello comitia habere cupienti ipse Tribunus pl. obnuntiaret . DEIECTAS COPIAS : afflictas, & infirmas . itaq; legitur in Bessarionis ana-

tiquo libro.

56:

FRATRVM trium] Metelli, Appij, Publij.
 & Metellum etiam in oratione pro domo sua P. Clodij fratrem appellat, idq; ob eam rationem, quod Cæcilia mater fuerat Appio, & Publio, soror autem duobus Cæcilijs, ei qui Metellum Nepotem, & ei qui Celere genuerat. ita duo Metelli, Nepos, & Celer, Appio & Publio Clodij fratres erant patruels. nam et
 „ in oratione pro Celio, Quonam modo, inquit cum de
 „ Celere loquitur, furenti fratri suo patrueli Consularis
 „ restitisset, qui Consul incipientem furere, atque conan-
 „ tem sua se manu interfecturum audiente senatu dixe-
 rit? Ipsos autem Metellos, Celere & Nepotem, fra-
 tres fuisse, ex duabus epistolis lib. V. fam. notissimum
 est. germanos fuisse ideo non existimo, quod Quinti
 prænominis uterque utebatur. fratribus igitur geniti-
 quorum soror Appio Claudio nupsit, qui postea Ap-
 pio, & Publio pater fuit. TVRPIS: non
 ideo turpis, quod iam esset approbata Marcellini sen-
 tentia, sed quod homines intelligerent id agi, ut habendis
 comitijs iudicio Clodius eriperetur. nam etsi de appro-
 bata Marcellini sententia legitur in epistola I. libri II.
 ad Q. fratrem: tamen id factum esse eo senatu, qui ha-
 bitus est mense Decembri cum Clodius adesset, ipsa in-
 dicat epistola: hæc autem scripta sunt mense Nouem-
 bri, cum in eo senatu, quo sententiam ait de scripto a
 Marcellino dictam, Clodius non affuisset. scribit enim
 „ sic, Domi Clodius, egregius Marcellinus.

56:

XI. CAL. Ian.]

Quod aliquot ante annis

scripsimus in nostris scholijs, id nunc eadem coniectura ducti sine dubitatione affirmamus, uideri tollendam uocem IAN. quæ, ut cuius facile est uidere, locum hic habere non potest, cum dies significetur, qui XII. Cal. Decem. consecutus est.

COMITIVM: comitium in foro fuisse, uel hic locus ostendit, cum Metellus postulet ut sibi in foro obnunciatur, Milo autem in Comitium ueniat. Plinius etiam capite de ficis.

FVRTIM: ut Milonem falleret, cui dixerat se in Comitio fore; putans, ante se comitia in campo habiturum, quod Milo posset obnunciare.

BIDVO: decimo et nono Calendas, dum nundinae fuerunt. Plinius lib. XVIII. cap. III.

IAM CAMPVM TENEBAT: ne Metellus, confectis nundinis, VIII. Cal. comitia habere posset.

MARCELLVS CANDIDA TVS: ædilitius, qui tamen stertens parum laborare de comitijs uidebatur. Hunc autem Caium Marcellum potius, quam Marcum, puto fuisse. nam Marcus, qui Consul fuit cum Ser. Sulpitio quadriennio post, Aedilis esse non potuit Consulibus Marcellino, et Philippo, cum Aedilitas a Consulatu quinquennio distet, ut in libro de magistratibus ostendemus.

SINE LATERN A: ut eorum, qui Clodium expectabant, ignobilitas, et infima conditio notetur, qui sine laterna noctu prastolarentur.

FIERI: a Milone.

57.

SI SE INTER uiam] Inter uias, dixit Plautus: inter coenam, Cicero. correxit hunc locum aliquot iam annis amicissimus meus, coniecturam se-

COMMENTARIVS

curus, quia uidebat in Canalcantis libro scriptum, S I
SENTITVR VEIAM. neque nunc aliter
uideo scriptū in libro Bessarionis, nisi quod VEHIAM
habet pro VEIAM. CASVM ILLVM
NOSTRVM: exilij calamitatem, in quam inci-
di, quia pessimos ciues occideram. INVIDI,
ET PERFIDI: Hortensium, & Pompeium ui-
detur significare: quorum consilio usus, indignissimam
exilij calamitatem subierat. 43. 48. INER-
TI NOBILI: notat eos, quos à se defendēdo me-
tus auerterat. fam. lib. I. 13. PRO FA-
CULTATIBVS NOSTRIS: fratri red-
dimus, non quantum acceperimus, sed quantum nostrae
facultates patiuntur, ne, si id fieret supra facultate, ipse
deinde omnino exhaustus egerem.

Ex epist. I. pag. 57.

CINCIVS] Qui Romae Attici negotia cura-
bat. 57.

APVD me] Domi meae coenato, etiam si ego
absim. Erat enim Antij: ut 59. Sic etiam in epistola
II. libri II. in qua eum domum suā inuitat, cum ipse
abesset. AD NOS: Antiū, cum Romae fue-
ris. DESIGNATIONEM: ordinem,
quo bibliotheca mea digeratur. TYRAN-
NIONIS: grammatici. Suidas: et epistola III.
libri II. ad Q. fratrem. RELIQUIAE:
quia multos amiserat in illo fortunarum suarū nau-
fragio. 57.

DVOS aliquos] Misit Dionysium, & Me-
nophilum. 59.

57:

IN HIS locis] In Antiati.

57:

PILIAM adducere :] Si potes & a te ipso impetrare, ut in his locis consistas, et Piliam tecum adducere. Mirum autem, cur hoc de Pilia dixerit, quam nondum Atticus duxerat uxorem. nuptias enim celebravit pridie Iduum Februarij, ut est in epistola III. libri II. ad Q. fratrem. hæc autem scripta III. Cal. Februarij. accipiamus igitur sic, nuptias quidem nondum celebratas, sed desponsatam tamen fuisse. Et apparet, factis iam sponsalibus coniugium non semper esse consecutum : ut Suetonius de Iulia Caesaris filia, primum Seruilio Cepioni desponsa, deinde Pompeio collocata. AE QVVM EST : ut sine ea ne venias. TVLLIA : quæ nunc mecum est.

57:

NAE TV] CUR NAE? cum iã dixerit Mediusfidius. quid si, NOMENTI? ubi, & Ardeæ prædia Atticus habuit, præterea nusquam in Italia.

57:

EMISTI] Locum Atticus, & simul gladiatores emerat. eos lanistæ in eo loco exercebant.

PVGNARE : cum exercebantur in ludo.

HIS DVOBVS MVNERIBVS : gladiatores in funere dabantur, vel empti, vel conducti.

HIS, proximis, quibus populo spectaculum gladiatorum exhibitum est.

LIBERASSE : tanti locasses, quanti emerat : ita eos libertate donare potuisses, recepta pecunia in eos impensa.

COMMENTARIUS

Ex epist. V. pag. 57:

A I N T V ?] Locutio ad ostendendam admi-
 » rationem usurpata. sic in epistola ad Patum : Ain tã-
 » dem ? insanire tibi uideris, quod imitere uerborum
 » meorum fulmina ? Et ad hunc ipsum libro VI. &
 lib. XII.

57:

A D quem misi,] Aut Casarem, aut Pompeiũ.

57:

Q U I D ? etiam :] Quid præterea causæ fuit,
 cur cum librum tibi non miserim ? etiam hoc : sub-
 turpicula mihi uidebatur παλινωδία. Tale illud pag. 8.
 » Noui tibi quidnam scribam ? quid ? etiam . Messala
 » Consul Antronianam domum emit . Et pag. 26: De
 » muro, statue, quid faciendum sit . aliud quid ? etiã .
 » quando te proficisci istinc putes, fac ut sciam .

D V D V M E N I M C I R C V N R O D O : in-
 uitus dico, quod dicendum tamen est . uereor enim,
 ne me reprehendas, qui hoc in libro gratiæ causa ea
 laudari, quæ antea uituperabam. μεταφορὰ ab ijs, qui
 circumrodunt, quod non libenter comedunt .

57:

V T ipsi uolunt,] Nam re uera non sunt, quia
 nihil possunt . 58 . S I Q U I D Q U A M
 H A B E R E N T F I D E I : fidei nihil habent, cum
 publicam causam defendentes, me sociũ defensionis nõ
 tuentur ubi a' potentibus oppugnor .

57:

S E N S E R A M] Eorum perfidiam, cum ab
 inimico meo nefaria in me rogatione promulgata, in

periculo deseruerunt. INDUCTVS, RE-

LICTVS, PROIECTVS: δένωσις cum in
singulis inest augendi vis. QVI FVE-

RANT: perfidi uidelicet, atque ingrati, ut antea.
itaque te monente, rationem mutavi, meq; , quod an-
tea non feceram, potentium amicitijs munire coepi.

57:

NON etiam ut scriberem.] Monuisti tu quis-
dem, ut ea facerem, quæ Caesaris animum non offen-
derent, atque etiam quæ delectarent: non tamen, ut
etiam scriptis eum laudarem: quod ego nunc, a te nō
admonitus mea sponte feci.

57:

CONIVNCTIONIS] Cum potentibus,
optimatibus relictis. AD ILLOS: maxi-
me Bibulum, Catonem, Domitium, Curionem, Cæ-
sar's inimicos.

57:

MODICI fuimus ὑποθεσε,] Modice lauda-
uimus. uberem ὑπόθεσιν non cepimus, sed eiusmo-
di, ut modice laudaremus. VT SCRIPSI:
in ipso libro.

58.

VENDERE] Cum dicant, me post exilium
humili animo esse debuisse: cum Resp. maiorem etiam
animum, quàm unquam habuerim, mihi det, quæ decla-
rarit, se se non potuisse me uno ciue carere: Conuen-
dere aream, potius quàm in ea domum ædificare. fa-
cit enim inuidia, ut in Palatio magnifice habitan-
tem non ferant.

CONTRA Pompeij uoluntatē] Latius hoc
 » in epistola ad Lentulum his uerbis : In illis autem meis
 » actionibus, sententijsq; , quæ Pompeium uidebantur of-
 » fendere, certorum hominum, quos iam debes suspica-
 » ri, sermones referebantur ad me : qui cū illa sentirent
 » in Rep. quæ ego agebam, semperq; sensissent, me tamē
 » non satisfacere Pompeio, Casaremq; inimicissimū mi-
 » hi futurum, gaudere se aiebant .

INVIGILERAM manum] Locus hic ex il-
 lis est, quos ego quidem sine libris antiquis posse corrigi
 non sperarim . itaque, ut aliquid ex ingenio liceat cō-
 minisci, placet tamen fateri potius nescire quod nesciā,
 quam asferre quod non probem .

INVISIS,] Quid si, INVISES ? ut sit,
 Te inuisurum scribis, cum eris Romæ . nam certe non
 dum Atticius Romam peruenerat. quod illud declarat
 proxime subscriptum : Tu de uia recta in hortos .

VIATICVM Crassipes præripit .] Cicero
 post mortem L. Pisonis cognomento Frugi, Tulliolæ Fu-
 rio Crassipedi, Marcellino et Philippo Cōsulibus, colloca-
 uit. ei pro dote pecunia erat numerāda: ut Ciceroni ad
 uotiua legationem, de qua obeunda cogitabat, uaticū
 præriperetur . Nam quod uillas inuisere uellet ; quo-
 niam id paucorum dierum uaticum futurum erat,
 ut in epistola IIII. libri II. ad fratrem, ideo potius
 accipiendum uidetur de uatico legationis, quod opus
 esset

esset haud paulo maius in multorum mensium peregrinationem. 55

58.

DE VIA] Ne desleetas aliò : recta ex itinere in meos hortos te confer .

58.

VIDETVR commodius ad te :] Distingue sic . Tu de uia recta in hortos : uidetur commodius . ad te postridie scilicet : quid enim tua ? Expone sic : COMMODIVS : si de uia meos in hortos diuer-

tas,quàm si Romam pergas . Romam autem postridie scilicet . quid enim tua,citius serius uno die ?

SED VIDERIMVS : quasi dicat : sed hoc , ut tibi uidebitur . BIBLIOTHECAM:An-

tij : ut apparet ex epistola , quam antecedit insequens proxima . TVI : librarij, Dionysius , & Me-

nophilus. 57 : 59. PINXERVNT : ita scienter, & apte disposuerunt, ut quasi picta tabula in tuentium oculos delectare possit : idq; non solum constructione, idest ordine, sed etiam syttibis, idest membranulis ; quarum integumento libri à pulueris temporisq; iniuria diutius integri conseruantur . omnes igitur & apte cōstructi, & suis quisque syttibis inserti .

Ex epist. VI. pag. 58.

LENTVLO] L. Lentulo, Flamini Martiale, de quo 38 : & de Arusp. resp. 246. & Pedianus pro M. Scauro .

85.

NON ut Saufeijs, & uestri,] Non ideo uicem ipsius minime dolemus, quia Saufeijs, et reliquos Epicureos sequamur, qui nihil dolere soliti sunt, nisi quod ad

R

ipſos pertinet, aliena nō curant; ſed mehercule, quia mi-
nime dolendū eius interitu uidetur, qui tanquam deo-
rum beneficio, cum patria ciuilibus diſcordijs arderet,
ex eius incendio uideatur eſſe ereptus. SAVFE-
IVS, ET VESTRI: quia & Sauſeiſus, & Ata-
ticus Epicurei. 78. & Nepos in uita.

58.

NATURA πολιτικός,] Quod Atticus abſti-
neret adminiſtranda Republica, uocat eum natura
πολιτικόν, non conſuetudine.

PROPRIAM
SERVITVTEM: ſerui omnes uidemur: ita
nobis erepta libertas eſt uitio ciuium improborum. in
hac ſeruitute, quæ communis omnium eſt, tu quoque ui-
uis, ego autem habeo propriam, & præcipuam, qualem
præterea nemo habet.

COMMVNIFERVE
RIS NOMINE: non propriam, ſed commu-
nē ſeruis ſeruitutem. hoc uidetur ſignificare: ſed uer-
ba num uacent mendo, haud ſatis ſcio. ſuſpicionem au-
get Beſſarionis liber, in quo uideo ſcriptum, COM-
MVNI FVERIS NON NE. & proximo
membro VIRTVTEM pro SERVITV-
TEM.

58.

QVOD oportet,] Quod à bono ciue poſtula-
tur.

INSANVS: qui contendere uelim
cum ijs, qui omnia tenent.

QVOD OPVS
EST: opus eſt autem, ut loquar ad uoluntatem po-
tentium.

OPPRESSVS, ET CAP-
TVS: præmijs.

DOLERE: uicem Reipu-
blicæ.

INGRATVS: in Pompeium, qui
Rempublicam perdidit. in quem ingratus eſſe non de-

beo, cum eius potissimum opera ex acerbissima exilij calamitate emergerim.

58:

NE QVICQVAM,] Minime hoc faciendū est: eundum potius in bellum, & castra, si Pompei e' re sit. 58.

58:

Ταροι] Duces: cū septus comitatu bonorum, qui me ducem secuti essent, pugnare tamen cum Clodio nolui. epist. fam. 13.

58:

CVI utinam semper paruissem,] Tibi enim si paruissem, monenti iam pridem, Rempublicā quidem amarem, sed ita dignitati consulerem, ut salutis etiam rationem haberem, neque cum ijs, qui omnia tenebāt, spe eorum, qui nihil poterant, inimicitias susciperem: tibi inquam ita monenti si paruissem, nunquam profecto, fraude amicorum inductus, potentia inimicorum oppressus, indignissimam exilij calamitatem subiissem. 58.

58:

RELIQVI EST] Subintellige, Hoc quod dicam, ut quam Spartam nactus sum, ornem: id est, ut quando me cum Cesare & Pompeio coniunxi, ornem eos, & tuear, quibus rebus possim. hoc quidem reliquum est: sed ego, ut faciam, à me impetrare non possum: ægre enim adducor, ut à Republica desciscā, cuius illi rationibus priuatas opes anteponunt. ac penè mihi in mentem quandoque uenit, iterum illam amplecti, unam uel cum periculo curare: ut potius iterum exilij misérias perferam, quàm ea probem, quæ recta

R ij

non sentio : Philoxeni poetæ exemplo, qui, Dionysij tyranni uersus quia libere improbabat, in carcerem Lautumias coniectus est : deinde eductus, cum idem Dionysius alios item uersus ei legendos tradidisset, opinatus fore, ut metu carceris probaret ; sententiam non mutauit, sed uersibus lectis, demisso capite, ultro ad Lautumias tacitus iter conuertit. cumq; Dionysius ad abeuntem clamasset, Quod Piloxene ? ad Lautumias, inquit. ut intelligeret tyrannus, ab eo uersus non probari. Diodorus Siculus, Stobæus, Lucianus.

58:

τάυταν,] Hic malo notam subdistinctionis apponere, q̄ post ἐλαχες. non enim societatem cum Pompeio & Cæsare Spartam appellat: sed addendo hanc, significat, qualiscunque sit.

58:

VERVNTAMEN] Hæc dictio nō semper habet aduersandi uim, sed quandoque concludendi, ut hoc loco. Quasi dicat: Sed, ne longior sim, ne te multis teneam, ut indicem tibi animum meum, ego nunc mecum ipse rationem quæro, qua ista improbem.

IN HIS LOCIS : Antiq. VT : quo modo. ISTA : istorum acta, quæ ad tyrannidem spectant. et dixit COMMENTOR, quia rationem quæreret, qua, neque se illa probare, ostenderet, et Cæsarem tamen ac Pompeium haud magnopere ostenderet. Quæ autem erat hæc ratio ? uel ut scriberet de optima Republica ; quod fecit paulo post ; quibus in libris, quod esse debeat optimi ciuis officium, cum ostenderet, satis indicabat, acta se Cæsaris & Pompeij

non probare : uel ut ab Vrbe abesset ; ut absentie suae causam esse cōstaret, quod ea, quæ tum agerentur, non probaret.

CONFIRMABIS.] Approbabis consilium meum de istorum actis improbandis : quanquam mihi auctor fueris, ut cum ijs me coniungerem. 56.

FVL MEN.] Quibus ut fulmine sum ictus, quia Lentuli obitum nuntiarent. NON MISER : qui ereptus sit ex incendio patriæ. SERV I : quibus adempta libertas est potentia paucorum : itaque nostra uita nihil fœdus.

58: ILLA Hortensiana] Illa, quæ antea quoque monuisti ut scriberem. Et uidetur intelligere Hortensium librum de philosophia, quem postea scripsit. IN ALIA INCIDI : dedi me ad alia scribenda. INCIPIENDO : cum iam aggressus essem scribere illa Hortensiana, reuocaui me, & quod institueram, abieci, ne cum uidear iniuriam Hortensij, quæ tamen non grauissima fuerat, parum sapienter tulisse, rursus in eodem illustrando parum sapiens haberi possim : neque enim sapientis est, cui antea maxime succensueris, eundem paulo post maxime laudare.

58: ILLIVS amici,] Qui mihi antea fuerat amicus.

58: NON intemperiem] Sic in antiquo Bessarionis libro : & recte : significat enim, non grauem Hortensij iniuriã fuisse. intemperies enim ea est, quæ extra modum excedit : & ut intemperans in cupidita-

te, sic intemperans in inferenda iniuria dicitur.
De hac autem Hortensij iniuria, in epistola quæ ante
ultimam legitur, libro I. ad Q. fratrem. Nec mirū,
si eadem de re & nō intemperiem, & iniuriam dicit:
primum enim extenuat, deinde exaggerat, quo magis
ostendat, & se non sapienter tulisse non intemperiem,
& nunc item non sapienter facturum, si iniuriam
illustret. posset enim in hoc, ut in illo, reprehendi.

58:

ILLIVS iniuriam faciam illustrem:] Vis me
illum laudare, ut acceptæ iniuriæ uidear oblitus. e-
go iniuriæ quidem obliuisci uolo: laudare uero etiam
si uelim, hoc esset ipsam iniuriam illustrare, cum ideo
eum laudibus ornarem, quia me affecisset iniuria.

ΠΑΘΟΥΣ ΜΕΑ: intimis sensibus conceptus ex iniuria
dolor.

IN AGENDO: in actionibus meis.

SATISFACTIO: si Hortensium laudarem,
cui me ante nimis iratum ostendi, ideo laudare eum ui-
derer, ut illa quasi satisfactione lenitus mihi reconcilia-
retur. in quo leuitatis opinionem subirem, cum eum,
quem in agendo læsissem, in scribendo ornarem.

58:

LVCEIO quam misi,] Hæc epistola legitur
fam. lib. V. INVISA S.] Dum adifica-
tur. 55:

58:

SIGNIFICES:] Ostendas & tibi rem gra-
tam facere, quod in me liberalis sit; & me huius hu-
manitatis immemorem non fore. NIHIL
ΕΥΚΑΙΡΟΤΕΡΟΝ: propterea quod re familiari ualde com-
minutus, eam sine amicorum liberalitate non uidebar.

posse restituere. 54. 57.

Ex epist. VII. pag. 59.

DE QUINTO nostro,] De **Quinti** pueri
ualetudine. **VENERAT**: Roma.
MERA MONSTRA: grauiter eum agrotas-
re. tu autem, melius ei nunc esse, significasti.

59.

QVI illi dū] **Qui** pro utinam dixit, more co-
micorum. **QVOD** **EQVITIBVS** R.
conturbare solis licet equitibus Romanis. homo Græ-
cus Apollonius putat idem sibi licere. Conturbare est,
omissis ueteribus creditoribus, satisfacere ijs, qui postea
rius crediderunt. perspicuum est in oratione pro Plan-
cio 273. Fac, inquit, me multis debere, et in ijs Plancio.
» utrum igitur me conturbare oportet; an ceteris, cum
» dies uenerit; hoc nomen, quod urget, nunc, cum peti-
» tur, dissoluere? **SVO** **IVRE**: conturbat:
quia eques R. est. erat autem ordinis equestris **Te-**
rentia familia.

59.

DE **METELLO**,] **Nepote**: nam **Celer**
ante Ciceronis exilium perierat, ut est in oratione pro
Celio. **CIVIS** **NEMO** **ERAT** **MOR-**
TIVVS: subaudi, qui minus publicam causam tue-
retur. aut enim hoc, aut huiusmodi aliquid dicturus
fuit, sed omisit, recordatus Atticum, qualis fuerit **Me-**
tellus, nunc minime curare, curare autem illud, ut nū-
mos sibi ab illo debitos exigeret. ergo intulit, **QVID**
QVIDEM **TIBI**? quid hoc ad te, quod ego in-
stitueram scribere de Metello? scribam igitur de num-

R iij

mis, de quibus scio te laborare. nummi uero meo periculo sint: mihi crede, soluentur: spondeo ipse, in meque recipio. HAEREDEM FECIT? Metellus. PUBLIVM: Clodium, eius fratrem. 56: FECIT NON IMPROBE: non uidetur accusandus, si fratrem, licet malum ciuem, heredem fecit. perierat autem non in urbe, sed cum in Hispaniam Proconsul iret, aut cum eam iam peruenisset. certe hoc anno, idest Marcellino Philippo Consulibus, Proconsulem eum Hispaniae uocat Plutarchus in Casare. FUIT: improbus. Bessarionis liber, IMPROBI QVENQVAM.

59.

NON RETEXERIS:] Damni nihil facies: ordinem pecuniarum tuarum non mutabis horum nummorum causas: nam exiges.

59.

PRAESIDIA] Ne, dum edificatur, impetum aliquem Clodius faciat. ADMONEBIS: ut in locandis praesidijs opera tibi suam tribuat.

59.

ARPINATVM fremitus est incredibilis de Laterio.] Punctis male collocatis saepe fit ut sensus peruertatur. quod quidem hic usu uenerat. nam in omnibus libris, qui typis impressi leguntur, ita scriptum erat. Arpinatum fremitus est incredibilis. De Laterio quid quaeris? ut obscura, uel nulla potius fieret sententia. Fuit autem Laterium Q. Ciceronis uilla in ipsius patria Arpino; quam cum uellet uendere, Arpinatum erat fremitus excitatus. DOLVI: quod

patriam uillam cogitet uendere . CICERO
NEM : Quintum.

Ex epist. VIII. pag. 59.

Tyrotarichi] Edulium fuit, de quo Apicius libro
IIII. & in epistolis ad Papirium, fam. lib. IX.
RAVDVSCVLO : modico illo ære : raudum es
nim pro ære apud ueteres . scribis, inquit, si domum
habueris in Antiati, patina tyrotarichi, non pretio=
si edulij, te fore contentum, & raudusculum, id est mi=
nimum sumptum cogitare . μῦθῳ μέγαν : pro
uerbium de ijs sumptum, qui gloriantur, ante q̄ aduer=
sarium occiderint . loqueris, inquit, Attice & de tyro=
taricho, & de raudusculo, cum tamen domum nondū
emeris . Vel sic : Derides de tyrotaricho, & ais tenui
me uictu uti, ut ære meo alieno me exoluam : ne dixe=
ris hoc, nisi ubi factum uideris . quasi factu non facil=
limum esset .

59.

ANTIUM Buthrotum esse Romæ,] Ut Cor
cyra Buthrotum prope habet, oppidum amœnissimum,
& quietissimum : ita Antium Roma . VT
CORCYRAE ILLVD TVVM : ut est Cor
cyra Buthrotus illa tua, cuius te mire delectat habita=
tio . ILLVD TVVM : oppidum Buthrotium ,
tibi gratissimum . ALSIVS : quod estate
queritur . id autem maxime tum locorum opacitate,
tum aurarum fit aspiratione . Ad Q̄ fratrem, ἀπο
δ' ὑμετέρων nihil alsius, nihil muscosius .

59.

MENS] Cum antea, bibliotheca nōdum a Ty

COMMENTARIUS

rannione disposita, quasi corpus essent sine mente.

DIONYSII, ET MENOPHILI: quibus Tyrannio usus est glutinatoribus. 57:

59.

EIMHICH ΤΩ ΦΙΔΟC. ΚΟC.] Iis-

dem ferè literis reslituo sic: εἰ μὴ ἰσῆ τῷ φίλῳ ὀίκῳ: quod erit latine, nisi cuiusdam paria faciat chara domus: ut significet, se tamen æque sua domo delectari, ex ea uoluptatem eandem capere, quam ex Antiati. eadem est sententia libro XV. Hæc loca uenusta sunt, abditæ certe, & si quid scribere uelis, ab arbitris libera: sed nescio quo modo ὀίκῳ φίλῳ.

59:

PEGMATA.] Lignei cancelli, in quibus libros tuos soles disponere. quales mihi Dionysius & Menophilus tui faciundos curarunt. uel PEGMATATA, conglutinationes, quibus te uti solitum in libris compaginandis Dionysius & Menophilus aiebant. 57:

59:

MISISTI.] Dionysium, & Menophilum; quos ut mitteres, petieram. 57: Caualcantis, & Bessarionis libri, MISIT. quodd si ab antiquis libris discedendum est, (disceditur autem, si quidem in ijs MISISTI non est) malim sic: Eos, quia mihi libros illustrarunt, laudes. ut supra de ijsdem: Bibliothecam mihi tui pinxerunt constructione, & sittybis. eos uelim laudes. certe illud, POST QUAM MISISTI, frigidum, & perinane est: quasi potuerint illustrare, nisi missi essent. ut omittam, quod uterque uetus liber MISIT, non MISISTI.

59:

ILLVSTRARVNT] Venusta glutinatio
ne, & ordine. tale illud, Bibliothecam mihi tui pinxe-
runt constructione, & sitybis. 58.

59:

DE gladiatoribus] Tuis. uide 57: MA-
LE SIC EGISSE: uidetur legendum, Male se
geffisse.

59:

APENAS] Seruus. Et hic uidetur esse princi-
piū alterius epistolæ. DISCESSERAT:
cum literis ad te meis, quum epistola mihi a te reddita
est: in qua scribis fore, ut legem non ferat. quem autē
legem non laturum, & quam legem intelligat, quoniā
in diuinatione positum est, omitto.

59:

EO etiam melius] Quia dum ludi sunt, neque
iudicia in Vrbe exercentur, neque negotij publici quid-
quam geritur. abesse igitur licet. CONTE-
REMVS: in literis. nam infra, Nos hic uora-
mus literas cum Dionysio. 60:

59:

DE Trebonio] Hic Pompeio & Crasso Consu-
libus pl. legem tulit de prorogando Casari Galliarum
imperio. TIBI ASSENTIOR: forte,
Tribunatum ad istorum uoluntatē administraturum.
quod euenit. nam etsi Tribunus pl. nondum erat, ta-
men ita constabat eum proximis comitijs designatum
iri, ut Domitium, qui Consulatum petebat, repulsam
laturum.

πείρασιν nostra .] Sic antea . ego, repugnantibus libris manuscriptis, tamē pro nostra reposui nostrae: ut sensus hic sit . status iste Domitij simillimus est nostro, cum in exilium pulsi sumus : uel quodd ab iisdem læditur, à quibus olim ego: uel quodd præter opinionem: uel quodd uiri boni nusquam apparent, ideoq; uictrix regnat improbitas : unum tamen dissimile, quodd immerito nos olim afflicti sumus, Domitius nunc merito. nam casus ille noster forte etiam, quā hic Domitij, tolerabilior, & leuior fuit . quid enim miserius, q̄ eum fieri Consulem non posse, qui in tota uita tanquam designatus fuit, idest, quem suo anno fore Consulem non secus homines crediderunt, ac si iam designatus esset . si uero etiam ipse uidet, & in suis priuatis fastis notat, ex ijs, qui potentium partes tuentur, non minus multos in posterum fore Consules, quā hactenus fuerunt : (fuerant autem per quadriennium) quid illo miserius ? si per quadriennium Consulatu se uidet exclusum. et argute, IN CODICILLORVM FASTIS PAGINVLAS HABEAT FUTURORVM CONSVLVM : quasi dicat, adeo multos uidet fore Consules ante se, ut eos domi notans in suis fastis, longas paginulas compleat . nā in fastis publicis Cōsulum nomina scribebantur, ut scribit Liuius libro IX. Consul tamen factus est anno proximo cum App. Claudio Pulchro. FACTORVM : alij exponunt, Ex quo Domitius prensare coepit . quibus assentirer, si per historiam liceret . sed cum in Suetonio legam, Domitium eo anno Prætorem

fuisse, qui Caesaris Consulatum consecutus est, idest Pi-
sone Gabinio Consulibus; Præturam autem a Consu-
latu biennio distare sciam: intelligo, Domitium, ante
hunc annum prensare ob Consulatum non potuisse: si
quidem hic est annus post eius Præturam alter.

59:

NON plus, quàm cum altero] Cum Crasso:
nam Pompeius certus erat ob amorē populi. Suetonij
» uerba sunt in Cesare: cum L. Domitius Consulatus
» candidatus palàm minaretur, Consulem se effecturum
» quod Prætor nequisset, adempturumq; ei exercitus;
» Crassum, Pompeiumq; in urbem prouinciæ suæ Lucam
» extractos compulit, ut detrudendi Domitij causa alterū
» Consulatum peterent.

59:

EFFUGERE?] In lucem exire. & fortas-
se hoc poema significatur supra, 57: QUID
SINAT? forte, QUID? SINAS.

59:

QVOD eram exorsus,] Cum dicerem de Nat-
ta: tum enim & de Lusco simul institueram scribere,
sed interposui de poemate. TANTVLANE
CAVSA: minima enim causa, ideo cōmoueri, quia
cum Fabius Romæ fuisset assiduus, ad eum tamen non
uenisset. DE FIRMANIS FRATRI
BVS: consilia aduersus me ineuntibus.

60.

IN eo γεαμμὴν teneam] In antiquo libro, τὴν ἐω
γεαμμὴν. quid si, τὴν ἐξω γεαμμὴν? ut sit sensus. Quid
me mones, ut hoc statu Reip. qui impendet, in quo nō

optimates, sed potentes dominaturi uidentur, ita me geram, ut sapientem, Reiq; publicæ peritum ciuem decet; (hoc enim ualet πολιτικῶς) idest, ut potentibus neque prorsus assentiar, neque, sine ulla proficiendi spe, stulte repugnem; sed quasi lineam quandam teneam exteriorem, seorsumq; ab eorum rationibus cursum dirigam: ego uero ita faciam.

60.

ODORERE,] Causam elicias, qua se à me remouit.

DEGVSTES: leuiter in sermone tentes, ut scias, qui sit animus eius erga me. μεταφορὰ ἀ' cibis, quorum saporem degustando percipimus. & respexit ad illud, odorere.

Ex epistola IX. pag. 60.

CENSVM impendant] Rectius, IMPEDIANT. & quod sequitur, VITIANDIS, placeret INICIENDIS, eo magis, quodd in Besarionis antiquo libro scriptū est, INITIANDIS. iniiciuntur autem dies, cum intercalatur. intercalatio autem omnium rerum statuta tempora protraherebat, cum esset dierum interpositio. intercalatione igitur Tribuni pl. impedire censum, & extrahere poterant. uel, VITIANDIS DIEBUS, obnuntiationibus interponendis: quod fiebat à Tribunis: ut

64: HIC: Puteolis. 60: VT LOQVEBATVR: solet enim aliud loqui, aliud sentire. 62: & epist. fam. 112. SYRIAM SPERNENS, HISPANIAM IACTANS: C. Trebonius Tribunus pl. lege perlata Consulibus provincias, Syriā Crasso, Hispaniam Pompeio dederat.

Crassus in provinciam profectus est : Pompeius ad Vr-
bem mansit, in Hispaniam Legatos misit Afranium et
Petreium . IACTANS, ita exagitans quasi fa-
stidiret : ut ostenderet, se provinciarum administratio-
nem, quarum alij cupiditate flagrarent, minimi aestima-
re .

SIT HOC QVASI καὶ τὸ δὲ φοκυ-
λίδου : addamus hoc, ut loquebatur . ut sit tanquam
illud καὶ τὸ δὲ φοκυλίδου . cum enim Græci Phocyli-
dis omnia laudarent, quasi in adagiū uenit, ut, si quid
probarent, adderent, καὶ τὸ δὲ φοκυλίδου .

COMPONENDA : in theatro Pópeij . de quo
Plutarchus, Plinius, alij . MESSALAM :
qui deinde anno proximo petijt Consulatum, & obti-
nuit.

60.

NOSTRAM gloriam] Vt nostrum nomen
illius historijs celebretur. 58: AEDIFICIUM
NOSTRVM: domum, quæ ædificatur.

60.

SECVM haberet,] Mallem, Tecum haberes :
ut ea causa iret ad Atticum Quintus frater . & cer-
te apud Atticum Quintus filius, non apud patrem, 59.
LAETVM : placeret, Patum : ut sit Papirius Pæ-
tus, qui domum habuit Neapoli, ut epist. fam. 135.

60:

ESSE in regno.] Restitutum à Gabinio, Syriæ
Proconsule . nota historia ex Dione, Cæsare, alijs.

60:

PASCOR bibliotheca Fausti :] Hic est L.
Cornelius Sylla Faustus, Syllæ Dictatoris filius, Faustæ
Milonis uxoris frater, Pompeij gener : quem unum cū

Afranio, & L. Casare filio C. Caesar diuictio Pompeio uoluit interfici. PASCOR, mire delector. Et, ut opinor, initium est alterius epistolae EGO HIC: aut certe PVTEOLIS: quod, qui diligentius attendet, mecum sentiet.

60:

PROPTER Remp. sic.] Particulam SIC non arbitror uacare mendo. forte, HIC; ut paulo ante, Ego hic pascor. SVB IMAGINE ARISTOTELIS: in tua bibliotheca. IN ISTORVM SELLA CVRVLI: magistratus maiores intelligit: quia Consul, Prator, Aedilis curuli sella utebantur. quod autem ISTORVM dicit, ideo dicit, quia tum in Republica ex Caesaris, Pompeij, Crassi, quos significat, uoluntate omnia administrabantur. CVM EO: cum Pompeio. FORS: haec, inquit, ut Fortuna uult, administrantur. SI QVIS est: dubitat, utrum Dij curent mortalia: quia cum in Rep. neque bonitati, neque honestis artibus locus sit, magnum argumentum uidetur, Deos non respicere mortalia. quod sensit Epicurus.

60:

AMBVLATIONEM, ET LACONI CVM] in ipsius domo. uide Vitruuium libro V, cap. IX. X. QVAE CYREA SINT: quae Cyrus architectus fabricatus est. VT PROPERET: ut urgeat ipse architectos, & fabros. VT POSSIM TIBI &c: ut ego quoque habeam, ubi te possim accipere, acceptus a te

à te toties . quod nunc, non dum adificata domo, nō
possum. PARILIBVS: undecimo Cal. Maij:
nam eo die Parilia. VADEBAM: cum ad
me paulo ante uenisset . 60.

Ex epist. X. pag. 60:

A' Demetrio.] Scire . is erat apud Pompeium
gratiosissimus libertus . Plutarchus, Plinius, Dion .
PVTARENT: subducerent. & RATIO=
NES, publicorum uectigalium: quæ publicani con
duxerant . ea putatio ad Consules Pompeium &
Crassum pertinebat . GLADIATO=
RIBVS NE: putare ne uellent rationes quibus
diebus gladiatores pugnarent? ante, Pompeius
respondit .

60:

IS] Pompeius: à quo Demetrius omnia cogno=
scet, tu autem à Demetrio .

60:

VORAMVS literas] Hinc helluo librorum
M. Cato in libris, opinor, de finibus. HOMI=
NE MIRIFICO: refertur ad doctrinam: &
eundem appellat doctissimum 105 .

61.

PRIMVS dies,] Gladiatorum . quærit au
tem ἐπιστημίας . nam gladiatoribus ludisq; de bonis
improbis ne ciuibz quid populus sentiret, perspicieba=
tur . uide 13. 34 . CENSORES: num
Vrbem censeant, an id desperetur . 66: AP=
PIVS: Consul designatus. IAPVLEIA:
Appij frater P. Clodius, qui populum in Tribunatu

S

COMMENTARIVS

non secus, atque Apuleius Saturninus, concitaret.
Apuleiam autem appellat per contemptum, quasi ef-
foeminatum, & mollem.

61.

NOSTRVM librum] Commentarium ea-
rum rerum, quas in Consulatu gessimus : ut habeat,
unde sumat ad historiam conficiendam. epist. fam.

69. DEMETRII Magnetis : librum περ
ἐὶ ὁμωνοίας.

Ex epist. XI. pag. 61.

HALIMETI] In Bessarionis antiquo libro,
HALIMENTI. forte, ALIMENTII. ut
sit Cincius Alimentius, qui res Attici procurabat. Cin-
ciorum enim cognomen, Alimentius, fuisse, Liuius te-
ste probatur.

ANTE : Anteq̃ Roma pro-
ficiscerer : aut, Anteq̃ Egnatius Romam rediret.

AQVILIO : iurisconsulto. ut sit C. Aquilius Gal-
lus, qui Ciceronis collega fuerat in Pratura : ut in ora-
tione pro Cluentio, & officiorum lib. II.

61.

PRAESTO esse :] Macronis causam non
videor posse defendere, cum auetioni constitue-
rim interesse. Forte autem uel emere quidpiam
Cicero uolebat in auetione : uel ad eum bono-
rum pars, quæ uenibant, ex hereditate pertine-
bat. hereditates enim cum in plures essent di-
spertiende, quo id fieret commodius, auetione di-
uenditæ in pecuniam redigebantur.

POSTRIDIE CAL. quo die Romæ ero.

CRASSIPEDIS : generi mei. FA=

CIO FRAVDEM S. C: cum senatus uocatur, senatores, qui erant in Vrbe, adesse iubeantur in senatu: qui non erant, iuberi non poterant. Cicerone autem, ne citari posset, Urbem non est ingressus Calendis, quo die senatus habebatur, sed in hortis suburbanis consistere, & cenare uoluit. fraude igitur subterfugit senatusconsultum. quo in S. C. scriptum erat, ut senatores, qui in Vrbe essent, in senatum uocati uenirent, non uenientibus pignora auferrentur.

Oratione I. in Antonium.

MILONI:

quem Clodius de ui accusabat. hoc opinor intelligi. quod si ita est, hac epistola ante duas proximas superiores fuit collocanda. scripta est enim Marcellino Philippo Coss. (tum enim a Clodio Milonem accusatum, multis argumentis declarat epistola III. ad Quintum fratrem) proximæ autem Consulibus Pompeio & Crasso. Alij, PRAESTO MILONI, in eius nuptijs, interpretantur. sed dies non cõuenit: hic enim Romæ uult esse postridie Calendas; in epistola uero, quæ sequitur, ad XIII. Calendas; quo modo utrumque nuptiarum causa?

61.

PROMOVEBO.] Puto, quid significetur, minime multis liquere. sunt etiam, qui mutandum existiment. ego tueor antiquum uerbum, & expono PROMOVEBO, proficiam aliquid in Halimeti re. quo sensu & Terentius in Andria dixit, Nihil promoueris.

Ex epist. XII. pag. 61.

MILONIS nuptiæ.] Duxit uxorem Fau-

S ij

stam Sylla Dictatoris filiam. Pedianus.

61:

ERGO ut sit rata.] Bessarionis liber, Ergo
 & si irata fuisse. correctione opus est. quam a me nō
 inuentam, qui ingenio praestant, inuestigabunt.

61:

QVOD non placeret:] Quod mihi non pro-
 baretur. DEFVISSEM: Pompeio de me
 bene merito.

61:

RES istas,] Urbanas. CONSV-
 LES: Pompeius, & Crassus.

61:

CRASSVM quidem nostrum] Iocatur in
 Crassum: qui profectus est in prouinciam Syriam in-
 uito populo; cum Aemilius Paulus, & Ti. Gracchus,
 ille ad bellum Macedonicum, hic ad Hispanicum, po-
 pulo libentissimo profecti essent. Aequalem autem
 Pauli, & Gracchi eum appellat, quod ut illi olim ite-
 rum Consules, ita Crassus & ipse iterum Consul in
 prouinciā profectus est. PALVDATVM;
 paludamentum uestis erat imperatoria, qua induti ad
 bellum exibant.

61:

LIBRIS oratorijs] Tribus ad Quintum
 fratrem. 63:

Ex epist. XIII. pag. 61:

EOS, quos in manibus habeo,] De Republi-
 ca. 63:

DE COMITIIS,] Quando fu-
 tura sint. 61. FESTINE: festine potius, q̄

festine, postulat sententia. TOTOQUE
ITINERE : Asiatico, 62.

Ex epist. XIII. pag. 62.

DE Eutychede] Seruum Eutychedem Atticus
liberaturus, eum de suo uetere prænominē, nouo nomi-
ne, quod ipse à Cæcilio auunculo adoptatus acceperat,
T. Cæciliū Eutychedem appellare constituerat.

62.

IN meo dolore] In exilij calamitate.

62.

PITVANIOS.] Deprauatam dictionem
unius literæ mutatione corrigo, & pro PITVA-
NIOS lego PITVANIVS. Pituaniorum
enim familiam constat ex antiquis monumentis Ro-
mæ fuisse. & Pituanianæ mentionem in lapide uidi-
mus, idest mulieris ex Pituania familia in aliam fami-
liam adoptatæ.

62.

CATO] C. Cato, de culus absolute & in-
fra 64. PORCILIVS : & in Caudalcan-
tis, & in Bessarionis libro, PROCILIVS : ma-
neo tamen in mea ueteri sententia, ut legam POR-
CILIVS, quo modo legitur in libris à patre meo
impressis. fuisse enim Romæ familias complures, quæ
ab alijs familijs nomina sumerent, notum est, ut à Se-
stijis Sestilios, à Marcijs Marcilios, à Curtijs Curtilios, ab
Atijs Atilios. qua forma item à Porcijs Porcilij deri-
uati. de Procilij, aut de Procijs nulla mentio. aut igitur
PORCILIVS, aut PRETILIVS, cum
familia sit utraque notissima, à Porcijs & Pretijs re-
ponamus.

S ij

EX quo intellectum est &c.] Ex quo iudicio: nam Suffenatis, Catonis, Porcilij consilia de corrupendis tribubus patefacta sunt. duo tamē absoluti, nix unus condemnatus.

TREIS ἀρειοπαγίτας: ἀρειοπαγίτας de Suffenate, Catone, Porcilio: quodd qui in iudicijs, quæ administrare consueissent, ἀρειοπαγίτας, id est seueri & iusti iudices, haberi uellent, ij deinde, dum magistratum assequerentur, nihili facerent neque ambitum, quo se tam turpiter inquinarent; neque comitia, quæ differrent, ut largitioni spatium longissimum daretur; neque interregnum, quod res fluere uideretur comitijs dilatis; neque maiestatem populi Romani, quam negligere uiderentur, quia cum grauissimam iudicum personam sustinerent, flagitiosi tamen in petitione fuerunt, ut ipsorum scelere iudicia populi Romani male audirent: quo maiestas minuebatur.

PVBLIVS] Clodius. OTALVS: una interposita litera legerem, HORTALVS: ut Hortensius significetur. Hortensiorum enim cognomen Hortalus fuisse, patet ex Cornelio Tacito, qui de quodam Hortalo meminit Hortensij nepote.

VERITAS est enim pusilla,] In hoc uerborum ambitu suspicor latere mendum. & forte locus ita corrigendus: VERITA EST ENIM FILIA, QVAE NVNC LABORAT, NE ANIMVM PVBLII OFFENDEREM: uel, NE ANIMVS PVBLII OFFEN-

DERETVR. ut eum Tulliola rogauerit, ne Porcili-
cium defenderet contra P. Clodij accusationem; ue-
rita, ne Clodius eo facto grauius irritaretur. LA-
BORAT, morbo affecta.

61:

Τέμπη] Amoenissima enim regio. Varro libro
I. de re rust.

CONSVLEM: Appium
Claudium Pulchrum. & de hac Reatina causa Var-
ro libro III. Cap. II. de re rust. & Tacitus in pri-
mo annalium.

A'M. CVRIO: Varro-
nis uerba sunt apud Seruium in commentario Aen.
lib. VII. Lacus Velinus in Narem deriuatus a quo-
dam Consule. ut fortasse Consul fuerit M. Curius
Dentatus.

IN NAR: uel indeclinabiliter po-
suit, uel neutro genere. Virgilius uirili: sulfurea Nar
albus aqua.

61:

Ex quo est illa siccata, & humida tamen modice
Rosia.] Sic in duobus antiquis libris, Canalcantis,

& Bessarionis. est tamen, cur aliquid desiderem. pla-
ceret tale quidpiam. EX QVO EST ILLA

QVIDEM SICCATAS, SED HUMIDA
TAMEN MODICE ROSIA. quale illud

in epistola ad Quintum fratrem; De nouis Tribunis
pl. est ille quidem in me officiosissimus Sestius, sed ual-
de aduersante Clodio.

62:

VIXI cum Axio.] Incundissime fui: ut in-
fra in epistola nescio qua; Cum Pansa uixi in Pom-
peiano. & uilam habuisse Axium in agro Rosiano,

S iij

testis est Varro lib. III. Cap. II. de re rust.
SEPTEM AQUAS: Dionysius Halicarnasens
libro I. FONTEII CAUSA: ut agerem
Fonteij causam.

62:

MAGNO, & æquabili plausu] Qui mihi thea-
trum ingredienti a populo datus est. & addidit AE-
QUABILI, quia MAGNO per se non refere-
batur ad laudem, nam & plausus magnus datur o-
diosis hominibus, sed minime æquabilis, clamoribus, si-
bilis, omni strepitu permixtus; magnus autem, & æ-
quabilis ijs, qui diliguntur. MANVMIS-
SVS: quia, histriones omnes serui. Antiphon, inquit,
uix productus erat, cum populus ei libertatem postula-
uit. uel MANVMISSVS re uera, ante quàm
productus. NIHIL TAM VERVM:
quod in histrione reprehenditur: cuius est fingere, quæ
susceptæ personæ conueniant. IN ANDRO-
MACHA, ET ASTYANACTE: personis
expono, potius quàm fabulis. ARBVSCVLA:
mima: de qua Horatius 137. LVDI: ludos
Appollinares intelligit: de quibus infra. DI-
LATA: cum ludos Appollinares consequi soleret.
itaque infra de uenatione legitur à Bruto Pratore post
ludos Appollinares data.

62:

SEQUERE nunc me in campum.] Hoc di-
cit: Accipe nunc de ratione petitorum. petebantur
enim in campo Martio magistratus.

62:

FOENVS &c.] Idibus Quintilibus foeneratores pecuniam dederunt bessibus, idest, ut pro centenīs octoni amplius usurae nomine redderentur: cum antea supra trientem, dimidium quod est bessis, usura non fuisset. eam pecuniam ambitiosa candidatorum manus sumebat, ut tribubus pro magistratu alius alio plus promitteret. Idibus autem ut usurae soluerentur, in cōsuetudine fuisse, & Horatius testatur, et Cicero ipse in Catilinam, & Antonium.

62:

NON moleste fero.] Non quoddā amaret lucrum, auunculi Caelij foeneratoris heres: (nam is Attico adoptato decesserat, ut apparet 49. & apud Valerium Max. lib. VII. cap. IX.) sed quoddā priuatae rei finibus se continens, de Republica non magnopere laboraret.

62:

O' uirum, d' ciuem.] Ironia.

62:

CONFIRMANT:] Ad Consulatum. 66. **COS:** Coss. magis placeret: ut intelligat, Consules Appium Pulchrum & Domitium Aenobarbum, Memmio & Domitio Caluino Consulatum pactione pollicitos. pactio autem quae fuerat, aperte scribit in extrema epistola huius libri. **FREMIT:** ob pactionem à Consulibus cum Memmio, & Domitio factam: ipse enim Scauro studet Consulatum petenti. **DVBITATVR:** quia saepe animum occultat simulationis integumento. uide 60. **MESSALA:**

COMMENTARIVS

Consularis candidatus : qui deinde Consul factus est
cum Domitio Caluino.

COITIO CON
SVLV M : coierant , ut Memmium & Domitium
Consules crearent . POMPEIVS : qui
Scauro studebat .

63.

EA comitia puto] Consularia . de tribunitijs
enim nunc scribet . in Bessarionis libro , POMPE-
IVS ABSENS EST EX COMITIIS
PVTO.

63.

ARBITRIO Catonis petituos .] M. Ca-
tonem, postea Uticensem cognominatum, qui tum erat
Prætor, arbitrum constituerunt, ut damnares quē
eorum putasset in petendo pecuniam erogasse. Plinius
Secundus in proœmio.

HS QVINGENA:
singuli aureorum scutatorum deposuerunt quindecim
millia. alij, QVINGENTENA . non probo .
tantula'ne summa, eum de Tribunatu pl. ageretur ?

GRATVITA : ut Tribunatus pl. non pretio ,
sed populo detur.

PLVS VNVS CATO
POTVERIT : quandoquidem eius metu gratui-
ta fuerint comitia: quæ non solent esse gratuita omnium
iudicum metu .

63.

SERVILIUS edixit, ut adesset .] P. Ser-
uilus Isauricus Prætor, (ut in epistola sequente) qui
Consul fuit cum C. Casare II. ADESSET,
ad causam dicendam. sic Pedianus in argumēto Cor-
nelianæ : Cum P. Cassius decimo die, ut mos est, adesset
se iussisset .

63.

TRIBVS habet] Tribus hæ Messium uidentur absoluturæ, Pötina, Velina, Metia. AGITVR TAMEN SATIS : aliquid tamen proficitur, & si acres habemus aduersarios.

63.

AD DRVSVM.] Ut post Messium defensam Drusum. 64. 64: AD SCAVRVM: qui accusatus erat a P. Valerio Triario repetundarum ex Sardinia. iudicium Cato exercuit. Pedianus. CONSULES DESS: ij, qui Consules designabuntur. IN BRITANIA : quod Cæsar cum legionibus traiecerat. 65: LAELII

Ex epist. XV. pag. 63.

QVOD erat abs te,] Non est locus sine mendoc. supra Bessarionis liber PLERIQUE, non PLERAEQUE: & ESSET, non ESSES.

63:

BRVTO date:] Mallem, BVTHROTO: ut 66: 63:

IN aliquem locum,] In mea scripta.

63:

LAELII,] Antea, PAETI. & in Bessarionis libro, PETII. nos, LAELII, reposuimus, ex epistola V. libri III. ad Q. fratrem, in qua ita scribit: Sermo est a me institutus Africani, paulo ante mortem, Laelii, Philii, Manilii, Q. Tiberonis. Macrobius etiam cum Scipione locutum Laelium in libris de Rep. testatur. ISTVM APPELLAREM: Varronis mentionem facerem. E'gare

COMMENTARIVS
ἐκδοῖς : qui sint Aristotelis ἐξωτετικοί libri, Gellius ex-
ponit libro XX. Cap. II II. IN IIIS LI-
BRIS : in oratorijs. 64.

64.
VALETVDINE] Infirmissima . ut in or-
atione pro Rabirio . NON ALIENVS
A' SCAEVOLAE STVDIIIS : erat enim de
iure ciuili : & Scauola iuriconsultus . itaque adest in
primo libro : in duobus reliquis, praepcepta tradentibus,
uir grauissimus recte non adest . DISP-
TATIONI : haec dictio a' duobus antiquis libris,
Bessarionis & Caualcantis , abest . IOCVLA-
TORIAE igitur ad τεχνολογίαν refer, Scauola, ut le-
ue & ioculatoriam, persona minime dignam.

64.
LVCULENTA .] Bessarionis liber, Lucu-
lenta res Aureliani ut scribis indicijs : ut Aurelianum
indicasse dicat, luculentam rem esse .

64.
VT ille intelligat,] Tibi gratum esse, quod ei
non desum . NIHIL DIFFICILIVS:
Vestorio: cum tamen te & me utatur facillimis .

64.
LEGE Iunia, & Licinia] Ne idem iteretur, ui
de supra, pag. 28. FVSIA : uide supra, 13.
PATRONIS : patronum C. Catonis fuisse M.
Scaurum, scribit Asconius in argumento orationis pro
Scauro . IN GRATIAM REDIIIT:
altero enim ante anno, Consulibus Marcellino & Phi-
lippo, Tribunus pl. rogationem in Milonem promulga.

uerat . epist. III. & VI. lib. II. ad Q. fratrem.

64.

DRVSVS] In epistola extrema libri II. ad
 Q. fratrem, Drusus, inquit, erat de prænariatione
 a Tribunis ærarijs absolutus, in summa quatuor sen-
 tentijs, cum senatores, & equites damnassent.

IVDICIBVS REIICIENDIS AD V.
 NONAS QVINT : ut ad V. Nonas Quint.
 reijcerentur iudices, deinde iudicium fieret.

64.

DE prælio] Mihi locus uidetur deprauatus.
 DE PORCILIO, uel PRETILIO, rectius
 putarem : de quo in epistola proxima superiore.

RVMORES NON BONI : condemnatum
 iri.

IVDICIA : quibus etiam nocentes ab-
 solui non ignoras.

DOMITIO : Aeno-
 barbo, Consule.

64.

NON mihi ut quod.] Sic in libris antiquis,
 Bessarionis, & Caualcantis. mendum apparet : ne-
 que potest esse certa diuination, cum sententia lateat.
 quid tamen, si sic? S.C. quod hic Consules de prouin-
 cijs fecerunt, Quicumque posthac, non nihil Pompeio
 iam intelligebamus, enuntiationem illa Memmij ualde
 Cæsari displicere. ut respondeant inter se NON NI-
 HIL POMPEIO, et VALDE CAESARI : & Pompeij causam prouincialem hoc S.C. de-
 teriorem esse factam, significetur. QVICVN-
 QUE POSTHAC : uerba S.C. ENUN-
 TIATIONEM : cum C. Memmij pactionem

COMMENTARIVS

in senatu recitauit, quam ipse & suus competitor Domitius cum Consulibus fecissent. uide 67. CAE

SARI: cuius opibus in Consulatus petitione Memmius cum uteretur, enūciatione illa eum offendit. 62:

64.

DOMITIUS] Caluinus, plebeius: Messala patritius: Consules proximis comitijs designati.

LIBERALIS IN POPVLO: munere dato. 66.

64.

VT tacitum iudicium &c.] Quod factum non ederetur. Hoc autem decreuit senatus, ut qui nullo pudore prohiberentur ab effuso ambitu, largitionem omitterent, cum intelligerent futurum, ut irrita esset designatio, si damnati tacito iudicio fuissent. erat igitur ad cohibendam largitionis impudentiam quasi frenum quoddam taciti iudicii timor, ANTE

COMITIA: ne, si post comitia fieret, potentia designatorum deterriti iudices minus libere iudicarent.

CONSILIIS: iudicium. OMNIBVS

SORTITA IN SINGVLOS: iam facta erat in singulos candidatos iudicū sortitio, (nam non eadem erant omnium candidatorum consilia) sed iudicia nondum facta.

64:

QVIDAM iudices,] De ambitu. VEIETORANTIVS: in Caualcātis antiquo libro, ueietoranci; in Bessarionis, ueiotarantius. Opimij cognomen puto fuisse: sed potest esse mendum in literis.

IUDICARENT: tacitum iudicium facerent in

candidatos .

64:

RESCIDIT.] Placeret, RES AD S. idest, Res ad senatum. quam sententiam & proxima uerba confirmant, & illa paulo infra, senatus decreuerat, ne prius comitia haberentur, q̄ lex lata esset. & infra loquendi modus idem est. Intercessum non inuitis . res ad senatum .

TERENTIVS :

Tribunus pl.

64:

LEVI brachio] Non uehementer: qui ad populum de tacito iudicio leuiter tulissent .

64:

HIC Abdera] Hic summa fuit senatorum stultitia : ut Abderita uiderentur : de quorum stupore, atque insania multi scripserunt . & ipse infra, 105 : est, inquit, ἀβδερῖτικόν, idest, ratione carens, quasi factum Abderitarum.

NON TACENTE

ME : reprehendente leuitate stultitiamq; senatorum : qui cum antea decreuissent, ut ante comitia tacitum iudicium fieret, mox decernerent, ut primo quoque tempore comitia haberentur, omisso tacito iudicio .

64:

RES integra referretur .] Ad senatum : & RES INTEGRA, ut ageretur super tota re, quid omnino agendum, haberentur ne comitia consularia omisso tacito iudicio, an comitijs iudicium anteponeretur . eodem sensu dixit oratione IIII. in Catilinam, Referre tanquam integrum, idest, tanquam nihil esset

COMMENTARIVS

actum a' uobis. multa enim fecistis, quamobrem iam
damnasse coniuratos uideamini. Sunt, inquit, hæc e=
iusmodi, ut ij, qui in custodiã nominatim dati sunt, sine
ulla dubitatione a' uobis damnati esse uideantur. sed
ego institui referre ad uos P. C. tanquam integrum,
& de factò, quid iudicetis; & de pœna, quid censea=
tis:

64:

FERRILEVITER.] A' Consulibus,
molli brachio. NON INVITIS: Con=
sulibus, qui tulerant.

64:

PARTEM eius] Scaurum a' Cicerone de=
fensum, ex Asconio notissimum est, qui orationem in=
terpretatur. alij, PATREM EIVS: ex Pe=
diano: recte fortasse: sed ego hoc in Pediano, ut
accurate legerim, tamen non comperi: filium qui=
dem Pacuij subscriptoribus a' C. Valerio Triario
uideo accusatum, a' Cicerone defensum. quo de
Scauro agitur in hac epistola; cum eius pater Syl=
lanis temporibus adolescentulo Cicerone perisset.
nec meas tamen aures offendit locutio, cum par=
tem eius defendissem. at ita locutus alibi Cicero
non est. quid? non & alia sunt apud hunc ipsum
singularia?

64:

SINGVLIS diebus] Singulos dies comitia=
les Q. Mutius Scauola Tribunus pl. obnuntiatione
sustulerat: id autem, ne cum populo posset agi, itaq;
comitia traherentur. SATISFECERAT:
nũmos distribuerat, ut ea liberalitate Consul designa=
retur.

retur. **QVI OCCUPARANT**: qui ante dederant: ut Domitius, Messalla, competitors.

64:

HAE C negotia multarum nundinarum fore:] Hoc pendet ex eo, Rem non habes nullam. magnum, inquit, hoc tibi uideri oportet, tam frequentes esse largitiones, ut nundinae potius suffragiorum, ac mercatus quidam comitiorum, q̄ populi iudicium in designandis magistratibus, uideatur. **ANTIUM**, ET **FAVONIUM**: Antium Restionem, de quo Plutarchus, & alij. Fauonius autem Catonis imitator dictus, qui de Rep. quidquid sentiret, libere loqueretur. **CATO**: Prator eo tempore. **NIHIL TIMVERIS**: noli uereri, ne in senatu ita libere loquar, ut eos, qui rerum potiuntur, offendam.

64:

NON FECISSE uidentur.] Reus à iudicibus absolutus, his uerbis innocens pronuntiabatur, Non uideri fecisse. ergo hic Drusum, & Scaurum dicit absolutos.

64:

Q. Pompeio Rufo,] Hic, occiso Clodio, acerbissimas conciones Tribunus pl. habuit in Milonem, & Ciceronem. Pedianus in argumento Miloniana. **PRO IIS DICERE**: cum eos de ambitu reos defendes.

64:

TRIBVS libris,] Oratorijs.

65.

VT opinionem habeas rerum,] Ut habeas, mea

T

quæ sit his de rebus opinio . FERENDVM
EST : Gabinij turpem absolutionem significat .
ILLE : Pompeius, Gabinij amicissimus . MEAE
QVE DIGNITATIS : cuius causa constan-
ter, & libere me gessi . QVOAD MIHI SA-
TISFACTVM ESSET : quoad mihi satis-
fecisset : usque, dum mihi satisfactum uidisset .

65.

ΠΟΡΡΑΡΥΜΗΑ] Ex perturbatis literis
corrigerem : πρῶτα πρῶτα . vetus adagium est prora
& puppis, quo totum significatur : quod usurpauit e-
» tiam in epistola ad Tironem : Mihi prora & puppis,
» ut in proverbio Græcorum est, fuit à me tui dimittens
» di, ut rationes nostras explicares . Quod Gabinius igi-
tur absolutus sit, potissimū id fuit accusatorū infantia .
L. LENTVLI : Lucij Flaminis filij . ad Q. fra-
trem epist. I. & II. libri III.

65.

IVDICIA reliqua] Erat enim de maiestate
absolutus, sed præterea de ambitu, & de repetun-
dis accusabatur . uide ad Q. fratrem epist. II.
& III. libri III.

65.

NOBIS gubernatibus] Hoc est, quod dicit in
epistola longa ad Lentulum, Cū nostræ sententiæ ma-
gnum in senatu pondus haberent usque ad Casarem
& Bibulum Consules . tum quasi gubernatores in
puppi sedebamus, nunc uix est in sentina locus . V-
NVM : Pompeium, cuius opes etiā nocentissimos reos
absolunt . MVLTAM MIHI DANT SO

L A T I A : id autem consolator in primis, quod eos, qui mihi nullam gratiam retulerunt invidentes dignitati meae, magnis in Rempublicam beneficijs quæsitæ, nunc infinitam unius potentiam cernentes uideo dirumpi. **D E M E O S T A T V** : de statu dignitatis meae. **V N D E C E C I D E R I M** : casum intelligit exilij.

65.

P E D I B V S trahuntur.] Non laboro, etiam si pessime administrantur. sic locutus est in epistola ad Voluminium, fam. 110. **S T O M A C H V S** **V B I H A B I T A B A T** : ubi sedes iræ fuit. **C O N C A L V I T**. calorem concepit ad concoquenda, quæ dura sunt : idest, ut non ferenda feram tamen.

65.

F L V I T ad interregnum.] Interrex creabatur, cum urbs sine Consulibus esset, ut is haberet comitia consularia. **F L V I T** : tendit. quia cum hæc scriberet mense Nouembri, non dum habitis comitijs, quæ nec in expectatione essent, futurum uidebatur, ut res usque eo protraheretur, ut, anno confecto, cum nulli Consules essent, Interrex comitiorum causa crearetur. Quod autem in antiquis libris, **F V I T**, legitur; falsum esse constat; probabilius autem, ut correximus, **F L V I T** : siquidem in epistola ad Q. fratrem II. eadem de re eandem sententiam posuit, his uerbis : Res uidetur spectare ad interregnum.

A P V D T I M I D O S I V D I C E S : qui à Pōpeio, ad quem Dictaturam delatum iri non dubita-

T ij

bant, sibi timentes, si eius amicissimum Gabinium
damnaissent, absoluerunt. GABINIUS: qui
& ipse de ambitu postulatur, epist. III. libri III.
ad Q. fratrem. P. SVLLA: forte is, quem Ci-
cero defendit accusante Torquato. extat oratio.

QVIN FORIS ESSET: quin accusatione
excluderetur, Torquato de diuinatione contendente.
Alij sic exponunt: Nō dubitans, quin Gabinus in Vr-
bem non introirer, sed foris maneret triumphī causa,
cum ex prouincia reuerteretur. quod si fecisset, accu-
sationem Sylla faciliorem sperabat. CONTRA
DICENTE: contenderunt Torquatus & Sylla,
ut accusandi munus alter alteri eriperet. obtinuit Syl-
la: cum id ante non sperasset.

65:

HOC tamen agitur seuerius:] Non de parie-
cidij accipio, neque de ambitus crimine accusatis, sed
pene de omnibus reis: quod aperte illud ostendit, Mul-
ti alij urbani ne respondent quidem: qui certe non
ambitus rei: non enim multi candidati. Quo modo
autem, cum proxime dixisset, Omnes absoluentur, de
multorum condemnatione subiecit? quia HOC TA-
MEN scriptum est non eodem die, quo superiora. &
quia iudicia uidebat, contra q̄ putarat, seuerē admini-
strari; superiora corrigens intulit, Hoc tamen agitur
seuerius. VRBANI: per iocum: ut urba-
nos, & festiuos homines per iocum appellet, qui ac-
cusati ne responderent quidem, ne defensionem inutile
stulte dicerentur suscepisse. ET TAMEN:
quanq̄ Gabinus absolutus sit. ABSOLVTO:

maiestatis iudicio, Lentulo accusante : quod paulo ante cum scripsisset, de liberto cōdemnato per obliuionem omisit, hic omissum repetijt, non suo loco . ad fratrem epist. I. III. IIII. libri III.

65:

SOLIDIS pectoribus] Animi non infirmi, qui, postq̄ reus iudicatus est laesa maiestatis, statim magna libertate dixit, quae sequuntur. fuit autem uel graecum adagium, uel initium uersus ex aliquo uetere poeta . **LEGE PAPIA** : hac uidetur fuisse de maiestate .

65:

PONTINVS] C. Pontinus, qui Prator fuerat Cicerone Consule, moxq; in prouinciā Ciliciam Legatus cum eo profectus est . **AD IIII. NONAS NOV** : qui dies ludos plebeios primus, ut opinor, conseqnebatur . uide infra de ludis . **TRIVMPHARE** : de Allobrogibus. Dion libro XXXIX . & orat. uol. III. pag. 75 : **CATO** : M. Catonem hoc anno fuisse Pratorem, & iudicium repetundarum in M. Scaurum exercuisse, perspicuū fit ex Pediano : itaque quod sequitur **PRAETOR**, malle **PRAETORES**. **MVTIVS** : Scauola. 64 : **LATVM DE IMPERIO** : cur triumphare non licebat ijs, quorum de imperio latum ad populū non esset ? quia, nisi populus imperium lege curiata dedisset, exercitum habere Proconsules aut Propratores, et bellum in prouincijs gerere non poterant . ita sequebatur, ut bellum à Pontino gestum iniussu populi nullum esset, itaq; triūphi spes eriperetur .

T iiij

COMMENTARIVS

Qui autem sine lege Curiata, imperio à populo non ac-
cepto proficiscebantur in prouincias; ij & sine legio-
nibus ibant, & suo sumptu: qui lege Curiata, populi
iussu, ij cum legionibus, publico sumptu. Hæc uberius
in libro de magistratibus. APPIVS CON-
SVL: ut qui in Ciliciam prouinciam proficisci cogi-
taret sine lege Curiata. ideo, ut Pontinus etiam sine le-
ge Curiata profectus triumpharet, non Pontini magis,
q̃ sua causa cupiebat: cum sibi non lege Curiata à po-
pulo, sed lege Cornelia à senatu imperiū habenti, Pon-
tini exemplū speraret in triūphi petitione profuturū.
uide epist. fam. 17. TRIVMPHARE: Bes-
saronis liber, triumphaturum: utrunque recte.
SINE LEGE: Curiata. fam. 17.

65:

CONFECTA Britania] Cum Casari, quod
ageret in Britania, reliquum nihil esset. PROXI-
MO: proximis diebus; cum & alias ante accepisset.
sic arcano, & arcane; commodo, & commode, in-
differenter ueteres dixere. PILIVS: Piliæ pro-
pinquus, quam Atticus habebat in matrimonio. fam.
116:

65:

NOSTER,] Bessaronis liber, non. placeret,
nostri, cum sequatur, tuorum. VLLA VERI-
TAS: si præstare uis, quod promissisti. CICE-
RO MEVS: quem Dionysius erudiebat. 63.

ILLVD animaduertendū, esse in hac epistola mul-
ta inter se pugnantia: ut necesse sit, aut pluribus die-
bus scriptam, aut non unam esse epistolam.

Ex epist. XVI. pag. 66.

GRATVM aduentum] Aduentum Attici
in Italiam. PROMISSI : hoc est, quod in
proxima dixit, si ulla est in te ueritas, aduentare iam
debes. TRANSMISSIONIS : cum
ex Italia in Græciam cum periculo nauigasti.

66.

NAM Vestorio dandi sunt dies,] Nam Pu-
teolis merito pones aliquot dies in Vestorij nostri sua-
uissima consuetudine, ut illius urbanitatem, & quasi
Atticos sales ex intervallo regustes. erat autem Ve-
storius Puteolanus : & Puteoli in uia, quæ ex Apulia
Romam fert.

66.

GERMANAE puta uide] Etsi nihil immu-
taui: tamen non dubito, quin ita legendum sit, GER-
MANAM: PETI VIDE. ut sit sensus. ad-
uola mi Attice, & inuise similem Remp. Reip. illi no-
stræ, quam laudare solebamus. dicit enim, germanam
illius nostræ Reip. per ironiã, quasi prorsus dissimilem,
& plane mutatam. deinde sequitur : Vide magistra-
tus peti nūmis ante comitia tributim uno loco diuisis
palam. quæ uerba si quis diligentius expendat, singu-
la emphasim habere cognoscet. uide item, inquit, Ga-
binium absolutum, cum nocentissimus esset : conceda-
tur etiam, ut auctoritate floreat, & gratia.

66.

DE Messalla] Consulatum petente. supra.

66.

NULLA EST &c] Nemo ferè condoluit.

T iij

COMMENTARIVS

» AEDILITAS : Asconij uerba sunt . Aedilitatem
 » summa magnificentia gessit , adeo ut in eius impensas
 » opes suas absumpserit , magnumq; æs alienum con-
 » traxerit . EST PONDVS : magni ponderis
 est apud rusticas tribus memoria Scauri patris, optimi
 & clarissimi uiri, qui princeps senatus fuit . Asconius
 de Scauro, Plinius de tribubus .

66.

DVO plebeij] Nam Messalla & Scaurus pa-
 tritij : plebeij Domitius & Memmius . ergo cum Mes-
 falla Scaurus, cum Domitio Memmius contendebat.

ADIVVETVR : adiuuetur munere, tametsi nō
 gratissimo. 64. CAESARIS COMMEN-

DETVR MILITIBVS : ad suffragia uenien-
 tibus. POMPEII GALLIA : forsā Pōpeij

Galliā eos colonos appellat, qui ab eius patre Strabone
 deducti sunt in Galliam : ut Galliā Pompeij dicat Pō
 peij clientes a' patre relictos . SINON VA-

LVERIT : si Memmius intelliget hanc sibi ad Con-
 sulatum obtinendum haud satis esse, Tribunum pl. ali-
 quem inueniet , qui obnuntiationibus interpositis comi-
 tia in aduentum Caesaris detrudat . sic ad Quintum

» fratrem epist. II. lib. III. Consules comitia habere

» cupiunt, rei nolunt, & maxime Memmius, quōd Cæ-

» saris aduentu sperat se futurum Consulem . Aduen-

tum autem Caesaris in Italiam intelligit, (nam Romā
 ingredi Proconsul cum imperio non poterat) quemad-

modum uenit triennio post , ut M. Antonij Que-

storis sui commendaret colonijs & municipijs sacerdo-
 tij petitionem . libro VIII. belli Gallici. CATO

NE PRAESERTIM ABSOLVTO: Tribuni pl. iam nihil non audebunt, cum C. Catonem, qui nihil non ausus erat in Tribunatu, uideant absolutum. fuerat autem C. Cato Tribunus pl. altero ante anno Consulibus Marcellino & Philippo, multaque fecerat praeter ius & equum, ut est in I. libro fam. & in II. ad Q fratrem.

66:

PACCIANAEP epistolae] Hic apparet, diuulsa esse, et alieno loco agglutinata harum epistolarum membra. nam Pacciana epistola incipit respondere in epistola proxima superiore: (pag. 63:) ut, in hac quo modo respondere possit, non uideam.

66:

PAVLVS] L. Aemilius Paulus, qui duas basilicas, ueterem restituit, nouam extruxit. DISRVMPARIS LICET: ut homo ad rem attentus: quem necesse est disrumpi dolore, cum tantam pecuniam contemni uides, quae non in aedificium, sed in aream erogetur. VT FORVM LAXAREMVS: Suetonius hac de Caesare: Forum de manubijs incoauit: cuius area super HS millies constitit. Expendimus igitur, inquit, sexcenties HS, id est decies octies centena scutatorum millia, ut forum laxaremus, illud inquam monumentum, quod tu gloriosissimum fore dicebas. nisi sic exponas, sollacismi species uidebitur. CVM PRIVATIS: quorum aedes emimus, ut ijs solo aequatis forum laxaremus.

66:

TRIBVNITIIS comitijs] Caualcantis

Et Bessarionis duo antiqui libri, TRIBVTIS COMITIIS. placet: ut populum, qui ex regionibus et locis ad suffragia conueniebat, (hæc enim tributa comitia dicta, docet Gellius ex libro Lælij Felicis) marmorea septa, non, ut ante, lignea, concluderent.

66:

AD quid laboramus res Romanas? Quorsum igitur de rebus Romanis laboramus? qui enim hoc monimentum contemnit, apparet eum de rebus Romanis nihil laborare. sin autem laboramus; non est, ut hoc monimentum contemnere possimus. DE LVSTRO: Censores post censum Urbem lustrabant: sed censum lustrumq; simul Tribuni pl. obnuntiacionibus impediebant. 60. LEGE PLOTIA: qua iudicia inter tres ordines communicata, senatores, equites, plebem, declarat Asconius his uerbis: M. Plautius Silanus Tribunus plebis, Cn. Pompeio Strabone L. Porcio Catone Consulibus, anno II. belli Italici, cum equester ordo in iudicijs dominaretur, legem tulit adiuvantibus nobilibus, qua lege tribus singulae ex eo numero quinos denos suffragio creabant, qui eo anno iudicarent. ex eo factum est, ut senatores quoque in eo numero essent, et quidam etiam ex ipsa plebe. Bessarionis tamen liber, item Cavaucantis, LEGE COCTIA. Et sanè de lege Plantia uix est ut putem intelligi posse: primum, quia non de genere iudicium queri Ciceronem existimo, sed de criminibus, quorum impunitatem improbi assequerentur. at lex M. Plantij Silani tantum fuit de genere iudicium, de crimine nullo fuit. alia igitur hæc. deinde, ideo hic de genere

iudicum non agitur, quia iudicia nunc non lege Plautia fiebant, sed Aurelia, quam tulerat L. Aurelius Cotta Cn. Pompeio Magno M. Licinio Crasso Coss. ut cū senatoribus simul equites Romani, & Tribuni aerarij indicarent. eaq; lege iudicatum esse in causa Clodij, supra legimus libro I. item in causa Scauri apud Pedianum, in Miloniana, in alijs. quodd si PLAVTIA legimus, ab alio Plautio latam intellige, qui tulerit non de iudicibus, sed de certo crimine, & fortasse de ui: nam legis Plotiae de ui meminit Celius in epistola ad Ciceronem, fam: 116:

66:

C. DOMITIVS] placet, C. DECIMIVS, ut & Caualcantis, & Bessarionis liber habet. placet autem, primum, quia libenter sequor ueterum librorū auctoritatem: deinde, quia C. DOMITIVS mendose legi uideo: nunquam enim Domitia gens Caio praenomine usa est, sed tantum Cneo, & Lucio: ut in Tranquillo legimus.

67.

INTEGRAE] Ante quā hinc discederes.

67.

QVID egeris.] Num eum libertate donaueris. 62.

Ex epist. XVII. pag. 67.

NON oblitum] Non quia sim oblitus.

67.

COMMITTAMVS] scribendas demus.

EXCIDAT: excidant, Bessarionis liber. locus deprauatus.

P ACTIONEM] Pactio hæc erat. Memmius & Domitius Consules fieri cupiunt: Appius autem Claudius & L. Domitius Aenobarbus Consules id agunt, ut Cōsulatu functi in prouincias mittantur. promittunt igitur se operam daturos, ut Consules creentur Memmius & Caluinus: illi contra, se tres Augures daturos, qui dicerent se affuisse, cum lex curiata de imperio prouinciarum ad populum ferretur; & duos Consulares, qui se affuisse dicerent, cum senatusconsultum de ornandis & instruendis Consularibus prouincijs scriberetur: nisi hoc fecissent, HS darent ambo quadringena Appio & Aenobarbo. IPSE SVVS: mallem, IPSE, ET SVVS: & paulo post, FECISSENT. AMBO: Memmius & Domitius. HS QVADRINGENA: aureorum duodecim millia, non decem: sequor enim non Budaum, qui denarios octo in uncia esse falso credidit, sed Georgium Agricola, qui septem probauit ex Plinio, & Celso. CONSVLIBVS: App. Claudio Pulchro, L. Domitio Aenobarbo. IPSI: Memmius, & Caluinus. TREIS AVGVRES: nam cum lex ad populum fertur, tres Augures adsint necesse est, qui dicant licere per Iouem legem ferri. QVAE LATA NON ESSET: Augures igitur pretio erant adducendi, ut latam mentirentur. non licebat autem sine curiata lege imperium in prouincijs habere. ORNANDIS PROVINCIIS: instruendis, ut sceleret. CVM OMNINO: nam re uera neque lata

curiata lex, neque senatus fuerat: sed quasi utrunque
fuiſſet, ita provinciarū adminiſtrationem & lege cu-
riata & ſenatuſconſulto ſe daturos Cōſulibus promitte-
bant Memmius & Caluinus, ſi modo ipſi eſſent Con-
ſules facti. AFFVISET: puto FVISET
rectius.

67.

NOMINIBVS] Nomen dicitur, quod in
codicem refertur. PERSCRIPTIONI-
BVS: certa pecunie promiſſione, ut cautum eſſet
Cōſulibus de HS quadringenſis. hinc illud apud Te-
rentium: Perſcripſi omnibus, quibus debui. MVL-
TORVM TABVLIS: cum multi, Memmio
& Caluino amicitia aut affinitate cōiuncti, ſolutionis
promiſſione ſe obſtrinxiffent, perſcriptione ſuis tabu-
lis facta.

67:

ERAT idem:] Ita non commouebatur, qua-
ſi nihil turpe commiſiſſet. ALTER: alter Con-
ſul Domitius Aenobarbus.

67:

DIREMPTA coitione] Coierant candi-
dati Memmius Caluinus cum Cōſulibus Appio &
Aenobarbo. eam coitionem Memmius inuito Calui-
no diremit, cum prolatam pactionem in ſenatu recita-
uit. REFRIXERAT: amiſerat amicorum
ſtudia: cum illa pactionis enuntiatio Caeſarem offen-
diſſet. 64.

67:

AEQVITATEM animi mei] Quem videas

nihil his rebus commoueri .

67:

SELEVCIANAE prouinciæ,] Nobilis prouinciæ Ciliciæ, quam Seleucus urbibus auxit . PERSPICE : uides enim me nihil prorsus laborare , ut Procōsul in Ciliciā mittar: quam alij tam turpi pactione quærun: cum ego multo ante Consul fuerim, ideoq; multo, q̄ illi, facilius cōsequi possim. quare laudes uelim æquitatem animi mei, cum his pactionibus nihil cōmoueor. quod tibi argumēto est, prouinciā à me cōtemni. nisi enim contemnerem, commouerer . ideo autem nō cōmoueor, quia contemno. CONIUNCTIIONEM : mira est. inquit, æquitas animi mei : neutrá in partem ualde me iactō : & suauissimam cum Cæsare coniunctiionem tueri consiliū est . EX HOC NAUFRAGIO : cetera cum amiserim, teneo , quasi tabulam ex naufragio , suauissimam cum Cæsare coniunctiionem.

67:

HIBERNAM legionem] Ut sumeret quam uellet legionem in hiberna ducendam . COMMODVM : paulo ante: ut saepe apud hunc ipsum. SCRIBIT: Quintus. LEGATVM POMPEIO : uide I. epistolam huius libri.

67:

VT tu tamen aliquid expectes .] Ne nunc ex meis literis omnia cognoscas .

67:

AD ME] Hoc aut abundat , aut mendosum est . dicit enim , cum Romam uenies . Illud

addo, omnes huius libri epistolas, præter priores tres,
perturbato esse ordine; neque solum ipsa corpora,
uerum etiam membra: quæ suo loco restituere si-
ne uetustis libris frustra conarer.

IN LIBRUM V. EPISTOLARVM

AD ATTICVM PAULI MA

NVTII COMMENTARIVS.

Ex epist. I. pag. 68.

N DISCESSV] Cum à tuo
complexu in Tusculano diuulsus
sum, in prouinciam Ciliciam profici-
scens. NE QUID NOVI:
ne prorogetur annuū prouinciæ tem-
pus: quod esset nouum, & inusitatum. DESI-
DERIUM: urbis, & meorum.

68.

SATISDACTIONES secundum manci-
pium,] Puto eas esse, quæ de rebus mancipio emptis,
pretio nondum soluto, fiant. nam etsi mancipia uen-
ditor possidet ab emptore data: quia tamen ea possunt
fieri deteriora, ut deinde eiusmodi non inueniantur,
qualia emptor promiserit; satisfactionem secundum
mancipium uenditor quarit, ut sibi de mancipijs ea-

ueatur. PRAEDIORVM: pro quibus [Mē-
mius, & Atilius cum ab emptoribus mancipia accepis-
sent, satisfactione praeterea de mancipiorum probitate
& fructu sibi cauere uoluerunt.

68.

DE Oppio] Cicero Caesari debebat HS D CCC,
idest aureorum uiginti millia. exigebat Oppius absentis
Caesaris nomine. 70: 103: APERVISTI:
exposuisti, ostendisti te daturum, si urgeret. 70:
VERSURA FACTA: uersuram facit, qui ue-
tus ut aes alienum soluat, nouum contrahit. fit enim
conuersio quaedam, & mutatio creditoris. NO-
STRORVM NOMINVM: pecuniae mihi
ab alijs debita. cuius exactionem si expectare uellem,
sine uersura DCCC soluerentur.

68.

TRANSVERSVM uersiculū] Cum pa-
gina uersibus recto ordine subsequenter completā ni-
hil ultra capit; tum, si quid eiusmodi superest, quod
multorum uerborum non sit, scribere solemus de trā-
uerso. DE SORORE: tua, Quinti fratris
uxore. EGO, ET TV: ut inter fratrem meū
& sororem tuam uterque gratiam componeremus.

68.

DIES FECIT] Non dies in uesperum iam
urgens, (nam & Marcum fratrem eadem causa in
Arcano retinisset) sed dies festus Arcani pagi, quem
sibi Quintus in suo fundo celebrandum putauit.

68:

MVLIERES,] Terentiam, & Tulliolam,
quae

quæ Ciceronem prosequerentur. PVEROS:
 Quintum filium, & Marcum fratris filium. HO-
 SPITA: itaque inuitandi partes meæ non sunt.
 STATIVS: libertus Quinti, gratiosissimus ad-
 pud eum, ideoq; uxori odiosus. VIDERET:
 pararet, curaret, ut alibi.

68:

ANTE q̄ proficiscare] In Epirum. PON-
 TINVM: Legatum meum. Quatuor legatos ha-
 buit Cicero in Ciliciensi administratione, C. Ponti-
 nium, M. Anneium, L. Tulleium, Ciceronem fra-
 trem. fam. 245.

Ex epist. II. 69.

IVSTA itinera facere.] Procedere quotidie,
 quantum iustis itineribus possem. MEA MAN-
 DATA: ut mandarem, si quid eum me absente cu-
 rare uellem. NOBIS PROVINCIAS:
 nobis, qui provincias administramus. veniens de pro-
 vinciarum rectoribus dixit. nam ipse unam habuit
 provinciam Ciliciam. aut PROVINCIAS,
 quia simul habuit Cyprum, & dioeceses tres Asiati-
 cas, Pamphylia, Lycaoniam, Isauriam, tutelam
 Regis Cappadociæ.

69.

AD annum] Sic locutus est libro III. de Or-
 ratore. Ut tibi Cæsar faciendum est ad annum.
 TRIBVNVM PL: qui, si quis uellet provincia-
 rum tempora prorogare, posset intercessione impedire.

69.

RUFIO noster] Hic est C. Sempronius Ru-

V

fus, de quo in epist. fam. 116: quem hic per iocum appellat Rufionem. Quoniam autem cum Vestorio nescio quid ei erat controuersiae: arbitrum statuerant Ciceronem, ut cognosceret. deinde cum Sempronius se à Vestorio uideret obseruari, (obseruabat autem Vestorius, ut, si Ciceronem Sempronius adisset, statim & ipse accurreret, transigendaeq; controuersiae arbitrum moneret: quod Rufio nolebat, ut qui se non bonam habere causam intelligeret) hominē stratagemate fefellit: nam ad Ciceronem nō accessit. hunc Cicero gratiam sibi rem fecisse dicit, quod de controuersia audiri noluerit, id est, quod ad se arbitrum non accesserit, ut de controuersia, quam habebat cum Vestorio, transigeret. in quo quasi gratiam referre Ciceroni pro accepto beneficio uisus est, quod eum audiendi molestia liberauerit. TAM LONGE: Baulis in Cumænum. Baulis enim habuisse uillam Hortensium, constat ex Varrone, libro III. de re rustica, etiam ex Academicis. HORTENSIVS: hic non hominem, sed dignitatem indicat. AGENTEM ALIQUID: euentem, aut uendentem, ut in emporio. E' PANS AE VILLA: Causalcantis liber, EPENSE VILLA, corrupte, sed unde facile possit erui uera lectio. Bessarionis: EXPENSE SVA VILLA: ut aut legi possit, EXIENS E' SVA VILLA: aut, quo modo ego correxi Causalcantis librum secutus, E' PANS AE VILLA.

69.

NVNQV ID uellem,] Nunquid sibi mandarem proficiscens in prouinciam.

69.

INGENTIS molestiae,] Prouincialis.
 ALIORVM: quibus prouinciarum administra-
 tio longissima quæque ob auaritiam gratissima est.

69:

De auctoritate perscripta.] Senatus auctoritas
 quid sit, aperiendum est. Cum aliquid in senatu se-
 natorum maior pars decreuerat, senatusconsultum
 scribebatur, nisi Tribunus pl. aliquis intercederet. inter-
 cedente, senatusconsultum non erat, sed scribebatur
 tamen quod senatus eo die statuisset, eaq; perscripta au-
 ctoritas dicebatur. Ergo, cum senatus decreuisset M.
 Marcello Consule referente, ut Casari Gallias obtinen-
 ti ante tempus succederetur, itemq; ne absentis ratio
 comitijs consularibus haberetur, intercesserunt Tribu-
 ni pl. itaque senatusconsultum non est factum, sed au-
 ctoritas perscripta. quanquam M. Celi in epist. I.
 libri V III. fam. scrupulum inicit, qui de successio-
 ne prouinciarum Galliarum nihil a M. Marcello re-
 latum ait ante Cal. Iunias: hæc autem epistola scripta
 est ad VI. Id. Maias. IVSSOS IIII VI-
 ROS CREARE: qui suos municipes hortentur,
 ne, si forte facto S. C. ad populum feratur, suffragijs
 Marcello Consuli quidquã concedant. EX POM-
 PEIO: cum quo Tarenti sermonem habuit de
 Rep. 70:

Ex epist. I II. pag. 69:

QVID de ijs cogites, & quando,] Quid fu-
 turum putes de ijs rumoribus, & quando futu-
 rum.

V ij

69:

EDICTVM P. Licinij] Edictum provincia
le, ut edictum Asiaticum Q. Mutij 87: Ex ijs edictis
Cicero sumptū, quod utile provinciæ putaret, in suum
edictum transferebat.

69:

DIONYSIVS] Ciceronum puerorū magis
ster, qui & ipse cum pueris in provinciam proficisceba
tur. NICANOR: Attici seruus, 80:

69:

CONTINENTIA, & diligentia] In ad
ministranda provincia. A' PONTIO: cum
essem apud Pontium.

Ex epist. IIII. pag. 70.

SCRIBA] Meus, M. Tullius Laurea. Plia
nius.

70.

PRIMO, & maximo mandato,] De Tul
liæ matrimonio.

70.

AC NE ille] Cum in Bessarionis libro scriptū
videam, AC ME ILLVD QVIDEM LA
BAT: fit, ut ita corrigendum putem, AC NE IL
LVD QVIDEM LABAT, hoc sensu, Ac ne
illud quidem, de quo ante discessum meum collocuti su
mus, ex animo excidit, sed hæret. NON QVO:
subaudi, probem. CONTENTI ESSE:
ut ei Tulliola matrimonio iungatur. hoc enim intel
ligit.

70.

NON alienum,] A' Tullie nuptijs. VT
NOSTRIS POSSIT: uereor, ut is adduci

possit, ut nostris mulieribus, Tulliae & Terentiae, in consuetudine obsequatur: & si summe facilis sit. generum enim Cicero cupiebat, cuius comitate & obsequio mulieres latarentur. quod infra scribit de Dola-bella, pag. 95: ET TVIS ἡμετέρας: & quod scribis, tuas mulieres putare generum fore, qualem nostrae maxime uelint; id eis difficile cognitu. πρὸς τοῦτο IV ESSE: ad assensum, ad obsequium: ut assentiantur, ut obsequatur nostris mulieribus. ET QUIDEM SUMME FACILIS: horum uerborum iam sententiam ostendi. sed antiqua lectio E QUIDEM SUM FACILIS: cuius hic est sensus: quemquam illae probabunt, ego probabo, facilis in omnes partes. REI HABEBIS RATIONEM MEAE: suspecta sententia est, eo magis, quod in antiquo Bessarionis libro uideo scriptum, RES HABEBIS MI RATIONEM. NAM &c.

70.

AGENTE Servio] Libri duo ueteres, AGENTE SERUILO SERVIO. ut sensus sit: negotium suscipientibus P. Seruilio Isaurico, & Servio Sulpitio, grauiissimis uiris, & summa auctoritate praeditis, nobisque haud uulgari amicitia coniunctis, posset aliquid fieri probabile. sed utroque nostrum absente, neque Seruilius aget, neque Seruius. Et ut sine copula duo nomina iungatur, ita Ciceroni usitatum est, ut exempla recitare putidum uideatur.

70.

DE MARCELLO] M. Claudio Marcello Consule, collega Ser. Sulpitio. S. C. S-I E=

V iiij

RIT FACTVM, &c: si decreuerit Senatus
ut omnibus prouinciarum rectoribus supplementum
scribatur. REM TAMEN CONFICIES: ages tamen de supplemento: nam certe, ut
de ceteris senatus non probet, mihi tamen, & Bibulo,
qui Proconsul in Syriam ibit, attribui oportebit.
PROBE: quod ei in sermone significasti, me ad te
de eo scripsisse. 68: CVM VENERINT:
ages cum ijs.

70.
QVOD Cherippus:] Subaudi, de me locutus
est. HIC QVOQUE ^{πεὸς εὐσίου} SVSTV
LISTI: ne hic quidem scripsisti, quid mihi agendū
putes, sicuti nec de illo scripseras, qui tibi à Tullia nū-
ptijs uisus erat non alienus. SVSTVLISTI
igitur ^{πεὸς εὐσίου}, idest, non scripsisti ad assensum
tuum quid sit, quid tibi uideatur agendum, quid pro-
bes. O' PROVINCIA: cum indignatione.
etiam ne, inquit, quid Cherippus libertus de me cogitet,
aut dicat, mihi curandum est?

70.
HACTENVS, NE quid ad senatum.]
Hactenus mihi est curandus, ne, si à nobis cōtemnatur,
impulsus ab eo patronus eius Consul ad senatum re-
ferat de supplemento non attribuendo. & protulit
cum dolore, HACTENVS, NE QUID AD
SENATVM: quasi maxime curandus, cum tan-
ta res agatur.

70.
CONSVLE, aut numera:] Aut consilium

mibi Attice da, quo pacto me geram : aut, alia uia si non est, pecuniam liberto numera. minimum in eo damni faciemus : nam capies eum DC nummis sestertijs, idest pecunie nostratis aureis XV. (& posuit exigui numeri notas, non quæ pecuniâ definirent, sed quæ pecunie minimum significarent) qua summa facile adducetur, ut patrono suo, quod contra existimationem, aut uoluntatem nostram sit, (puta, de non dando supplemento, aut de proroganda prouincia) nihil persuadeat. C E P E R I S autem ex ingenio legimus, non, C E T E R I S ; mutatione ferè nulla : et DC pro DE. qui error alibi etiam est in uulgatis libris, ex antiquarum notarum ignoratione, & literarum similitudine ortus.

70.

Q V O D cum serosa.] subaudi, locutus es de illo, quod Cherippus de me dixit. Serosa autem Tremelliorum cognomen.

70.

R E C T E scribis :] Scripserat Atticus ; quoniam Brundusij ante Calendas Iunias Pontinus Legatus futurus esset, ut inde in prouinciam profecturus traiceret ; non fuisse causam, eum Cicero reliquos Legatos urgeret, Annium & Tullium. In epist. fam. 225. 245. legitur Anneius, pro Annius : ut necesse sit alterutrum esse mendosum.

70.

D E S I C I N I O] Hunc puto peritum fuisse in conscribendis edictis prouincialibus. N E I L L A E X C E P T I O : exceptionem quãdam dixerat si-

V iij

COMMENTARIUS

cinus in edicto sibi placere : quæ Ciceroni suspecta erat, ne forte in amicum negotiatorem, aut publicanum cum damno incurreret .

70:

QVINQUE præfectis,] Vide 71: DE OPPIO : uide 68. QVONIAM PHILOTIMVM HABES : libertum Terentiæ, qui te huius oneris parte leuabit . COGNOSCE RATIONEM : uide, quantum debeam .

70:

ET ut agam amplius,] Et ut uehementius à te contendā . Deinde intulit, si me amas . PROFICISCARIS : ex urbe . 70:

70:

PENE præterij .] Penè ad eam partem non rescripsi, in qua chartam scribis tibi deesse . MEA CAVTIO : mea interest cauere, ne tibi charta desit . DUCENTOS : sestertios nummos ad emendam chartam . sume de meo ducentos, ut posthac longiores à te literas accipiam, quibus & de meis, & de publicis rebus certior fiam . VELLE T : à te quærere .

Ex epist. V. pag. 70:

QVID narrem ; noui enim nihil :] Coniectura ducti sic correximus . uetusti libri, NOVI ENIM MIHI . nostram correctionem non dubito quin docti probent, eo magis, quod in epistola sequenti idem scribit : Nec tamen iam habeo, quid aut mandem tibi, aut narrem . mandauit omnia ; quæ quidē ut polliceris, exhauries : narrabo, cū aliquid habebo noui .

70.
EO autem die] Nam ferè senatus Nonis, Idibus,
Calendis habebatur.

71.
HS XX & DCCC.] Quæ Casari debemus. 68.

71.
QVOD auctore te uelle cæpi,] Casaris amici
tiam auctore te sum amplexus. hinc illud 57: Te
auctore resipiui. ADIVTORE: in soluenda
pecunia. sic enim amicitia retinebitur.

Ex epist. VI. pag. 71.

SECVM, & apud se] Et consuetudinem, &
domum significat. NOSTRVM NEGO-
TIVM: administrationem prouinciæ. EX-
HAVRIES: conficies, ut nihil supersit. 68:
DE CAESARIS NOMINE: De HS XX
& DCCC, quæ Casari debemus.

Ex epist. VII. pag. 71:

QVINOS præfectos &c.] Ut præfectis ute-
rer in mea iurisdictione ab ipso datis. QVINOS
autem in singulas prouincias mihi attributas. NO-
VOS: non eosdem, qui superioribus annis in his pro-
uincijs ab ipso delati præfuerunt, sed novos, qui non
præfuerint. VACATIONES IVDI-
CIARIAM CAVSAM: ut ob hanc unam
causam uacarent à præfecturis, si in iudicium uoca-
rentur. id autem Atticus mandarat, quia, si locus à
Pompeio relinqueretur, forte & ipse amicum alia
quem deferre præfectum uellet.

COMMENTARIUS

Ex epist. VIII. pag. 71:

CURSVM] Idoneam tempestatem.

71:

ROMAE] ROMA, uidetur legendum. non enim Romæ à Milone, sed in itinere ab amicis, de Milone scribentibus, literas acceperat. itaque paulo post, Rem, inquit, totam perspicias uelim: nobis enim scribuntur saepe maiora.

71:

QUOD Philotimus socius esset in bonis suis.] Volebat enim Milo suis necessarijs (ipse enim Massilia exulabat) bona restitui. Nec dubito, quin ea bona Philotimus ab hasta emerit pecunia Ciceronis, ipsius autem nomine: ut tamen ei, cum bona sua Milo recuperare uellet, aliquid pro fide & sedulitate daretur. apparet ex epistola M. Celi, in qua ita scriptum est.
 „ Quod ad Philotimi liberti officium, & bona Milonis
 „ attinet, dedimus operam, ut & Philotimus quamhone
 „ stissime Miloni absenti, eiusq; necessarijs satisfaceret,
 „ & secundum eius fidem, & sedulitatem aestimatio tua
 „ conseruaretur. Qua in epistola AESTIMATIO accipio, id quod Cicero Philotimo dandum censuerat, pro bonis fideliter, seduloq; seruatis.

71:

IN potestate nostra] Cum sciremus Philotimū bona fideliter Miloni redditurum. quæ si malus emptor, idest non æque amicus, emisset, abduxisset à Milone mancipia, quæ ille permulta secum habebat. cur enim, quæ in auctione emisset, uellet relinquere? fecimus autem ut Philotimus emeret, eo consilio, ut & ijs

mancipijs Milo posset uti, & redimere ab eo sua bona cum uellet, liceret: quod ab alio emptore licuisset.

ALIENIS: non iam Milonis, sed eius, qui ab auctione emisset. alij, ALIENVS: ego non uideo, cur mutetur. refer enim ALIENIS ad uerbum ILLVM, sententia dilucide patebit, & à uetustis libris non discedetur. FAVSTAE: Milonis uxori, cui uidebatur de dote cauere, si ea bona Philotimus emisset, à quo Milo recuperare aliquando posset, pecunia Philotimo uel sine usura reddita. RATVM: certa cautio. IPSI NOS: cum & ipse Cicero socius esset in bonis: ideo dixit in extrema epistola, Fide, fama, reque mea. SERVAREMVVS: alius enim si emisset, recuperandi nulla Miloni spes esset. prorsus igitur periissent ea bona.

72.

NIHIL nobis fuerat tanti.] Hoc enim consilio emimus, ut id denique fieret, quod ipse Milo uellet. ut uero eius bona ipso inuito possideremus, nihil nobis fuit tanti. LEVIORA: quia fortasse non sunt, ut scribuntur: nobis enim scribuntur saepe maiora.

Ex epist. IX. pag. 72.

MVNERIBVS TVIS] Attici res agebant Areus & Eutychides liberti & Corcyrae & Sybotis: eius igitur nomine ad Ciceronem munera detulerunt. CONCESSERANT: concesserant, corrige: aptius erit ad sententiam. SALIAREM IN MODVM: copiose admodum: quales erant coena Saliorum sacerdotum. SINE HIS IMPEDIMENTIS:

COMMENTARIVS

quæ scis me multa habere. & HIS (ut est in Bessarionis libro) nemo non uidet esse rectius, quàm ips.

72.

S V M M A modestia, & summa abstinentia] Modestiam, & abstinentiam non sine causa coniunxit: quia multi, quod superbe & auare administrassent, condemnati. EXTRAORDINARIUM: multis enim post Consulatum annis in prouinciam proficiscebatur: quod erat extraordinarium; cum alijs statim post Consulatum solerent. PARTHVS: Parthorum incursiones timet. 73: NOSTRA: nam, cum armis res geritur, fortuna dominatur. in pace autem quæ requiruntur, ea præstabo, modestiam, abstinentiã, & quæ in nobis ipsis, non in fortuna posita sunt.

72.

DE CXX, & de DCCC,] Caesaris nomen intelligit, de quo supra. & uidetur rectius sic, DE HS XX, & DCCC. ut 71. ANNVS NOSTER MANEAT: quæ nobis data est annua prouinciæ administratio, ea ne prorogetur, sed eadem maneat. NE INTERCALETVR: nam intercalatio dies interponebat: ita, diebus interpositis, longior fiebat administratio prouinciarum. DIONYSIVM: pueri Ciceronis magistrum, ab Attico traditum.

Ex epist. X. pag. 72.

XV. Cal.] Perspicue mendosum, ut in duabus quæ proxima sequuntur, epistolis apparet. corrige igitur, VII. CAL. VESTIGIIS TVIS:

quia diu Atticus uixerat Athenis, multamq; & iucundam sui memoriam reliquerat.

72.

LEGE Iulia,] Cum lex Iulia concedat, ut accipiam. 76. AB HOSPITE: publice enim hospitia magistratibus in provincias proficiscentibus dabantur, cum hospes cuique suus assignaretur: sed Cicero sumptum ubique fecit de suo, accipi ab hospitibus uetuit.

72.

EX hoc negotio emerferim.] Quod provinciam acceperim.

72.

ἐξδοι τίς] Verissimum est illud, Nemo artem, quam non nouerit, exerceat. Aristophanis uersus in Vespis.

72.

QUID ADHVC?] Quid accidit adhuc, ut te provincia offendat? NESICIO: non ferè quidquam accidit. VT PUTO, ET VULTV: placet, quod est in antiquo Bessarionis libro, VT PUTO, ET VOLO.

73.

DICUNTUR, ET TACENTUR] A comitibus meis, ineptis hominibus: ut de uxore difficili dicere solemus, neque loqui, neque tacere, cum oporteat. δύσκολοι μὲν εἰσὶν: non est, ut ea sedare possis, & tollere. βαδύτητα: summā taciturnitatem, summam in ferendo & dissimulando gravitatem, & prudentiam. 84. HVIVS

VIRTVTIS: quæ est in ferendo & dissimulan-
do. ERGO HAEC QVOQVE HACTE-
NVS: ergo nihil addam: hæc ipsa satis sint: ut in
hoc quoque meam βελότητα cognoscas. QUID
DE CAESARIS: pecuniam debuisse Casari Ci-
ceronem, supra diximus. 68. 71.

73.

DE Milonis] Et Miloni Philotimum debuisse,
diximus. 71:

73.

TVRBAE duntaxat?] In Bessarionis anti-
quo libro, VRBE: ut legi possit, VRBS: quod
tamen haud scio an maxime probem; cum intelligam,
si VRBS retineatur, superuacaneum illud uideri,
ET VRBIS ORNAMENTVM: si qui-
dem urbe ornamenta urbis continentur, ut ciuita-
te ciues. placet igitur, & rectius uidetur, TVR-
BAE: hoc sensu: Athenæ me delectarunt, hominum
duntaxat multitudo? imo & urbis species, atque or-
namentum, & amor in te ciuitatis, quadam in nos be-
neuolentia cōiunctus, sed multum ea philosophia, quæ
sursum deorsum agitur, Academia inquam, leuis,
& incerta, quæ nihil affirmat. O' Academiam, inquit
infra, uolaticam, & sui similem, modo huc, modo il-
luc.

73.

SI QUIDEM est in Aristo] Quandoquidem
eius philosophiæ princeps est hospes meus Aristus. In li-
bro de claris oratoribus, in extremo.

73.

TVVM,] Videtur Xeno Attici res curasse. 75.

QVINTO CONCESSERAM : ut ciu^s
domi Quintus frater esset.

73.

SIMVL eramus inuicem.] Amicus meus
Cosmus Gherius, Fanensis episcopus, doctissimus & san-
ctissimus adolescens, quem nisi mors immatura prae-
uisset, ueram antiquae uirtutis imaginem habituri fui-
mus; cum ego decimum abhinc annum Romam pro-
ficiscens, eius uisendi ac salutandi causa Fanum diuer-
tissem, hunc locum ut ita corrigerem, admonuit. cum
ego quaesisset, correctio esset ex ingenio, an ex libro ma-
nuscripto : uetustum librum Patavij se affirmavit ui-
disse ita scriptum. postea Caualcantis in antiquo libro,
cuius mihi ad paucos dies copia fuit, animaduerti, E-
RAMVS INVECIM, esse. nunc in Bessarionis
exemplari distincte uideo, INVICEM.

Ex epist. XI. pag. 73 :

MARCELLVS sedendi comes,] Hoc di-
cit : Marcellus, qui & ipse urbis otium amat, odio ta-
men Caesaris adductus Galliae transpadanae administra-
tionem ad se transferet. COMES : meus : utri-
que enim gratus est in urbe sedere, cum ex Praetura in
prouinciam ire neuter uoluerit. ET SI ILLE : & si
Caesar non decedet, ut Consul fiat : & si Consul non
erit. nam tum quidem nullam Caesari faceret iniuriam,
qui Consulatum gerens nihil ad se prouincias putaret
attinere. Scripserat Atticus Marcelli consilia de adi-
menda Caesari prouincia transpadana. quod tamen
factum non est. NON MINVS : quod si omnes pro-
uincias adimeret, cum adimat eam, quae sit illius studio

sissima, & in suffragiis multum possit. Alij exponūt,
De transpadanis fore neminem, qui magistratum ge-
rat prohibente Marcello. mihi non persuadetur Con-
sulis fuisse potestatem de provincialibus magistratibus tol-
lendis. quid enim? ut in colonia ne sit IIII uir,
ne Decurio?

73:

VARRONEM] Qui scire poterat; cum et
Pompeij familiarissimus, & eius in Hispaniæ admini-
stratione Legatus esset, nondum tamen profectus, sicuti
nec ipse Pompeius. HISPANIAM: ut
Proconsul administraret. THEOPHANI:
Mitylenæo, liberto: (ut in oratione pro Balbo) cuius
erat summa apud Pompeium auctoritas. NVS-
QVAM ILLVM DISCEDERE: ut urbi,
& Reip. præsidio esset, si qui motus exorirentur. 77:
IPSO S: integros.

73:

CN. Volusius aderat Quæstor.] Tres igitur
Quæstores habuit Cicero: nam & de Mescinio, & de
Celio tum ex his epistolis, tum ex illis, quæ familiares
dicuntur, notum est. opinor tamen duos dunta-
taxat fuisse, in diocesisibus Asiaticis Mescinium Ru-
fum, in Cilicia CN. Volusium; cui successerit Ce-
lius, qui uenit in exitu anni, cum Volusius aliquam
ob causam discessisset, ut & Pontinius Legatus di-
scessit. 92.

73:

TVVS] Legatus mihi ab amico tuo Titio
datus. DICROTA: biremes.

73:

73:

οἷα τ' ἀνδράποινα,] Adagium est, catellam dominae similem esse. id si uerum est, possum de meis comitibus sperare, ut in hoc imperio se mihi similes praestent.

73:

UT singuli dicunt,] Dicunt hanc abstinentiam non esse mihi familiarem, sed ad illam me composuisse per unum annum.

73:

EXCVSATIO.] Excusa me. posthac deferro praefecturam, quibus uoles. non tergiversabor, ut in Apuleio. statim sine ulla mora satisfaciam. 82:

73:

PATRONEM,] Philosophum Epicureum. BARONES: cum ioco dictum: nam Baro mulier philosophiae studiosa: molles autem, ut foeminae, & dediti uoluptatibus Epicurei. REM ILLAM CVRAE FVISSE: uide epistolam, quae prima est lib. XIII. fam. tum omnia patebunt. exulabat autem Memmius Athenis, de ambitu condemnatus. ad Q. fratrem lib. III. epist. II. & Appianus lib. II.

74.

EPISTOLA Piliae:] Missa ad Ciceronem, ut is ad Atticum Romanam iam profectum deferenda curaret, cum inter ipsos irent redirent frequentes tabellarij.

74.

νομιανδρίαν excusationem] Legitimam, ac uiro dignam: occupationum uidelicet. nam haec inuالتudinis mollior est, nec satis uiro digna: occupationum

X

COMMENTARIVS

contra : quoniam agere uirorum est. NE ACCE
PERIS : neque enim occupatio ulla potest esse tan-
ta, quæ cursum officij nostri debeat interrompere. eam
igitur quia nostra respuit amicitia, tollamus, cum alijs
utamur .

Ex epist. XII. pag. 74:

MENSE Quintili.] Vrente sole .

74:

ἀκροτηρέων iura] placet ἀκροτηρέων, observatio-
num à promontorijs .

74:

VT audiui,] Accusatum de ambitu post Con-
sulatum . ID IPSVM CONSILIVM :
quod ad te scripsi ut fieret, idem scripsi & ad Horten-
sium . Erat autem amicus Atticus Messallæ, (ut 64.)
Hortensius etiam patronus . fam. 112 : 113 : συ-
νηγωνίων : ob communis amici casum .

74:

MEOS] Scriptos περί τῆς πολιτείας. THAL-
LVMETO : literatus Attici seruus .

74:

HABEBIMVS Consules .] Consules iam
erunt designati .

74:

IPSIS] Quia iam de iudicio Messallæ me-
minit . aut : quod post comitia plerunque crebra so-
lerent fieri iudicia .

Ex epist. XIII. pag. 74:

SEXAGESIMO & quinto post pugnam
Bouillam .] Cum de cæde Clodij ad Bouillas fa-

Et non possit accipi, quæ multis ante mensibus fuerat;
libenter legerem, SEPTVAGESIMO ET
QVINTO: tot enim dies à Nonis Maijs, quo die à
Cicerone in provinciã proficiscente Atticus discessit (sic
enim patebit rationem attente subducenti) ad XI. Cal.
Sextilis numerantur. & Attici discessum ideo pugnã
opinor Bouillam appellari, quia cum Ciceronem profi-
ciscentem Bouillas usque prosecutus esset, ulteriusq; pro-
gredi uellet, Cicero autem recusaret, ortum est inter eos
quasi certamen humanitatis, agrẽq; discessus factus.
hoc autem eo magis opinor, quia simul eos in Tuscula-
no fuisse cum in prima huius libri epistola uideam,
prosecutum deinde Atticum usque ad Bouillas, facile
mihi fit ueri simile. Ephesum igitur, inquit, ueni ad
XV. Cal. sext. septuagesimo & quinto post quã
à te discessi.

75.

VERVNTAMEN decumanis] Sic &
in Bessarionis libro. placeret, VERVNTAMEN
CVM ROMANVS. ut hoc dicat: Græci, qui
Romanos magistratus odisse soliti sunt, quia prelati fa-
sces quasi minari uidentur eorum libertati; me tamen
cum imperio uenientem non minus lati exceperunt,
quã si Ephesius Prator, hoc est ex ipsis unus, essem.

75.

OSTENTATIONES meas] Quem
enim per multos annos me ostentaui, eum nunc re præ-
stem necesse est, modestum, abstinentem, iustum.

VTEMVR EA PALAESTRA: ita me
exercebo, ita geram, ut tu monuisti.

X ij

75.

CONFECTAE PACTIONES.] *Huius anni : nam sequentis confecit ipse : quod infra gloriatur. 87 :*

75.

THERMO'QUE,] *Q. Minutio Thermo Propratori. fam. 29. 233.*

75.

EDIDI.] *Cum ei tantūdem me dicerem reditūrum, quantum à te accepissem. 76.*

75.

DE illo domestico,] *De filiae opinor intelligit matrimonio : de quo discedens Attico mandauerat. uide 70. & in epist. fam. 44 :* DE CAE SARE : *de HS XX et DCCC, quæ Casari debita solui cupiebat. 68. 71. 72.* TE AVCTORE : *ui de 71. & 57 :* SI CVRAE EST : *si æstimas eam quanti in sermonibus ostendisti. 74 :*

Ex epist. XIII. pag. 75.

Ex ea die παράγγελμα ἐνιαύσιον commoueto.] Mandatum de annuo munere provinciali incipito curare : ne scilicet mihi tempus prorogetur. EX EADIE autem, quia fuisset absurdum agere de provincia non proroganda, ante quàm in provinciam esset peruentum.

75:

SEDITION] *Ideo facta, quia stipendium nō persolueretur. APPIO : Proconsule, qui provinciam Ciceroni traditurus erat. TVLLIVM TVVM: 73: . REI MILITARI; non ut*

bellum gereret, sed ut rem militarem collocaret.
epist. fam. 25:

75:

IN primis, quid illud] Placet, IN PRIMI-
SIS QVE ILLVD. & significat quod in proxima
epistola dixit, scrupulum quem non ignoras: uide-
licet de filia collocanda. SVBTILIORES:
scriptæ diligentius.

Ex epist. XV. pag. 75:

EX hoc die clauom animo uerbis.] Hoc totum
abest à Bessarionis libro, & à duobus item manuscrip-
tis, qui Romæ sunt apud amicissimum meum. nec
hercule, si tollitur, erit, quod in sententia desideremus.
sin retinemus, legi poterit, EX HOC DIE COM-
MOVEBIS. ut sit, quod in proxima dixit, πᾶ-
ρᾶγγελμα ἐνιαύσιον commoueto. et, EX HOC
DIE, quia fuisset absurdum agere de prouincia non
proroganda, ante q̄ in prouinciam esset peruentum.

75:

NON habeat satis magnum campum] Hoc est
» quod dicit in epistola ad M. Celium: Totum negotiū
» non est dignum uiribus nostris, qui maiora in Republi-
» ca onera sustinere & possimus, & soleamus. IVS
LAODICEAE &c: nihil, inquit, inter me &
A. Plotium interest. nihil ego hic plus ago, q̄ Romæ
Plotius Prætor.

76.

NOSTER amicus] C. Cassius (ut 77:)
qui mihi dignitate non comparandus, tamen habet
exercitum, ego duas tantum legiones, ac ne legiones

X iiij

COMMENTARIUS

quidem, nomen duntaxat legionem. tres enim cohortes aberant. fam: 34: **LEGIONVM EXILIVM**: quod erant infrequentes. **DENIQUE**: denique etiam si & exercitum, & quæ optari in provincia possunt, omnia habeam; tamen hæc non desidero.

76.

HOC instituto.] Ut de meo sumptus fiant, de alieno nihil sumatur. 72: 75: **QVOD TE CVM PERMVTAVI**: quam à te pecuniam accepi, tuis procuratoribus hic reddendam. 75.

76.

APPII vulnera] Quæ provincie imposuit illius auaritia. uide 84. **IN CASTRA**: ut rem militarem constituerem. 75:

76.

CVM MORPHAGENE] Latronum duce, ad quem fugitiuus Attici seruus confugerat.

76.

PRO MAGISTRIS scripturæ, et portus, & nostrarum dioecesium.] Sic habent duo antiqui libri, Canalcantis, & Bessarionis. forte legendum, **ET PORTVS NOSTRARVM DIOECESIVM**. ut sit sensus: dare poteris tabellarijs publicanorum, & dare item poteris scripturæ, & portus nostrarum dioecesium. certe enim & scripturam & portum intelligit intra ipsius dioeceses. 176: & fam. 227. & orat. uol. I. 143. Quod si quis legat, **PER MAGISTROS**, subaudietur, mihi reddendas in provincia; ut tabellarij ad promagistros

deferant, promagistri reddendas curent Ciceroni.

Ex epist. XVI. pag. 76:

PERDITAM] Vide 84:

76:

IMPERATA ἐπιτεφάληα] Imperatum ab Attico tributum in singula capita. uide fam. 36:37:

76:

NON hominis] Ut qui hæc tam immania ediderit, non hominem, sed feram dicas fuisse.

76:

OMNIVM nos uitæ.] Rectius OMNINO VITAE putarem: ut de prouincialibus accipiatur.

76:

LEGE Iulia] Legem de prouincijs tulerat Consul C. Iulius Cæsar. de qua in epist. fam. 28. & in Pisonem.

76:

ADVENTV nostro.] Hic locus in impressis libris non recte distinctus. ego sic interpungo. Ex domibus mehercule etiam, aduentu nostro. reuiuiscunt iniustitia &c. ut REVIVISCANT prouinciales.

76.

FORVM agit.] Quod ne ab ijs quidem fieri solet, qui breui tempore sibi successum iri putant: eo minus ab Appio debebat, qui posset iam suspicari sibi esse successum. 77. fam. 34. PROVINCIAM SVAM: Syriam. 77: IN CASTRA: ut æstiuos menses rei militari daremus. 75

Ex epist. XVII. pag. 77.

PHILOTIMI] qui tibi non dixit, esse qui ad

X iij

COMMENTARIUS

me proficisceretur. PAUCIS DIEBUS HABEBAM: aperta sententia, sed notandum genus loquendi, Paucis diebus habebam, pro, ad paucos dies habiturus eram.

77.

TRIBUNORVM,] Tribunorum militum. LEPTA: Quae Lepta praefectus fabrum. 35: CICERONES: filium, & fratris filium.

77.

DOMESTICA, & maxima cura] De collocanda filia. 70. 75. 75: BRUTO NO-STRO: Appij genero. 32:

Ex epist. XVIII. pag. 77:

CASSIVS] Qui, Crasso à Parthis caeso, reliquias exercitus Antiochiam reduxerat. ET MVLT A: uideas.

77:

INTER caesa, & porrecta] In ipso articulo discessus mei. sumpta similitudine à sacrificijs, cum inter caesa exta & porrecta sinistri quid accideret, ne listari posset, sed instaurari sacrificium necesse esset. Verebatur Cicero, ne, quo tempore discessurus esset, eo tempore eiusmodi quid accideret, ne posset discedere.

ONERIS: ut belli Parthici curam sustineret.

TEMPORIS: ut etiam si ad Parthicum bellum alius mitteretur, ipse tamen ne discederet, qui uideretur socios posse in officio fideq; continere.

DIMITTERE: ad bellum Parthicum mittere.

78.

COPIOSO à frumento,] In Bessarionis li-

bro, QVO PISO A' FRUMENTO. recte
 putamus COPIOSO A' FRUMENTO,
 figura eleganti, & usitata: ut COPIOSO re=
 feratur ad EXERCITV. itaq; olim coniectura
 ductus emendauit, eo fidentius, quod idem petro Dane=
 sio uidebatur. Quod autem supra non nullis in li=
 bris est, ET IN AMANO TVTO CON=
 SEDIMVS, non, ut in nostris, ETIAM MA=
 NV: TVTO CONSEDIMVS: id perspi=
 cue falsum: cum nunc ad montem Taurum Cicero
 sit, ad Amanum autem post contendat: ut 79.

78.

DEIOTARI] Galatiæ Regis. 87.
 BONO ANIMO ES: Pro, bono animo sis, an=
 tiqua locutione.

78.

SI integra in senatu] Nisi in senatu ante Cal=
 endas Ianuarias de prouincijs agetur.

78.

NIHIL accipiam iniuriæ,] Esset autem iniu=
 ria, si mihi prouinciæ tempus prorogaretur. CON=
 SVLES: qui Calendis Ianuarijs magistratum ini=
 bunt, & ut moris est, eo die ad senatum referent de
 Republica. Intelligit autem L. Paulum, & C. Mar=
 cellum, Consules designatos. TRIBVNVM
 PL: designatum: qui tum in magistratu nostra cau=
 sa impediet, ne quid noui de prouincijs decernatur. 69.
 NECESSARIVM: agitur de maxima mea
 re, maximeq; necessaria. SI OPVS ERIT:
 si Parthus coget. tuto enim erunt in insula Rhodo.

COMMENTARIVS

REM : uide 84: EXHIBEO PVPIL-
LVM : regem, qui mihi à senatu in tutelam est tra-
ditus, exhibeo creditoribus, ut exigant ipsi. NE QVE
DEFENDO: tutores enim dicti, quia pupillos tueā
tur. ego, inquit, iam non tueor : tutela me abdicō.
ET LENTA, ET INANIA : lenta, quæ
non explicantur, ad exitum non perducuntur: inania,
quia, quod sperare possis, non est : eget enim Rex: 85.

Ex epist. XIX. pag. 78:

VT Pōpeium expectaris,] VT ualet ETIAM
SI. & proxime ETIAM est pro TAMEN:
ut in epist. fam. 97. Ego cum meis, si quicquam nūc
cuiuspiam est, etiam in meis esse malui. ARIMI
NO : ab exercitu. fam. 114: SOLICITVS
SIS : de rebus urbanis, ut nos hic de Parthis.

78:

MESSALLAM.] Qui pro Attilio promise-
rat. Et, appellare, uerbum creditorum. appellare au-
tem quo tempore de ambitu reus erat Messalla, hominis
uidebatur de humanitate parum laborantis.

78:

ITINERIS nostri] Dum in prouinciam
proficiscitur. RELIQUA : postquam in prouin-
ciam peruenit.

78:

IAM ROMÆ] Cum Romæ es. & opinor
Romæ sibi iucundam esse filiam Atticus scripserat, quia
breui in Epeirum profecturus esset. nam Romæ man-
surus non scripsisset, filiam sibi Romæ esse iucundam,
sed tantum, filiam sibi esse iucundam. & dixit IAM,

quasi paucis ante mensibus natam . posset etiam sic ,
nisi repugnarent antiqui libri, IAM MIRE IV=
CVNDAM . ea post uxor Agrippæ fuit, eius, qui P^a
theon, quod nunc quoque integrum magna cum admi
ratione spectatur, Romæ condidit .

78:

T V I S condiscipulis,] Reliquis Epicureis: quor
um philosophiæ deditum Atticum fuisse, aut supra di
ximus, aut, quia notum est, omisimus . T A R E N A
T I N I S : legendum P A R I E T I N I S puto :
de quibus & Patro, et reliqui Epicurei laborabāt, ut si
bi à Memmio concederentur . uide 74 . & epist.
fam. 202 : I N M I L I T I A : suum in provin
ciam iter militiam appellat, quia cum agmine profici
sceretur . ut 90 . In hac peregrinatione, militiæ ue no
stra sæpe incensum ira uidi , sæpe placatum . Et 94 :
Hæc festinans scripsi in itinere, atque agmine .

78:

Q V O D scribis libenter,] Quid scribis, liben
ter te scribere de repulsa, quam C. Hirrus tulit in Ae
dilitatis petitione : agnosco amorem tuum . C V M
S O R O R I S T V A E F I L I I P A T R V O :
mecum : qui sororis tuæ filio patruus sum . τεγίφρασις .
C E R T A R E T : certare soleret . respexit enim ad
certamen de Auguratu : de quo in epist. fam. 113 .
& 119 . I N M E N T E M N O N V E N E
R A T : iocatur, quia scripserat Atticus , Moneo te ,
ut gaudeas . uel , I N M E N T E M N O N
V E N E R A T , ut de homine contemnendo .

78:

τό νέμεσάν interest τοῦ φθονεῖν.] Indignari pertinet ad invidiam. sensus hic est. indignari fortasse deberem, quod homo nulla re commendatus honores peteret: sed indignatio non abest ab invidia. potius igitur gaudebo; cum invidendi causa non sit.

Ex epist. XX. pag. 78:

SATURNALIBVS] Saturnaliorum diem XIII. Cal. Ian. fuisse, tradit Macrobius libro I. PINDENTISSAE: infra Pindenissum oppidum vocat, & fam. libro II. apud Gracos tamen πένδηλίσσος.

79.

IIS, quæ erant,] Inter Ephesum & Laodiceam. PERILLVSTRES FVIMVS: FVERVNT, antiquus liber Bessarionis. OTNEIS INIVRIAS REVELLIMVS SVPERIORES: hoc puto dici: Quacunque Atticus vulnera imposuerat, omnia sanauimus.

79.

QVOD * Dein] Bessarionis liber, QVOD IDEM QVOD IDEM. DEIN. ut fortasse repetitum sit QVOD IDEM negligentia librarii: erit enim aperta sententia, si legatur, QVOD IDEM DEIN APAMEAE &c. & patebit uerbum FECIMVS referendum esse ad Reuellimus iniurias superiores.

79.

QVINQVE dies] Aliter 76: & fam.

243:

79.

AQV ARVM diuortio] Antiqui libri duo,
IN, præponunt. ad sententiam nihil interest. Aqua=
rum diuortio diuidi montes dicuntur, cum in eos im=
bres delapsi, quia consistere in summo iugo nõ possunt,
bifariam diuiduntur, & deorsum præcipitant. Hinc
» illud epist. fam. 23. Mons Amanus mihi cum Bibulo
» communis, diuisus Aquarũ diuortijs. Et Linius quo
» dam libro, In iugo montis castra posuit ad aquarum
» diuortia. EA IPSA, QV AE: eo ipso in loco,
ubi &c. fam. 23: & 245.

79:

APPELLATIONE hac inani] Imper=
ratoria. nomen Imperatoris concupiuit: quod nos,
ut inane quidpiam, nihili ducimus.

79:

LAVREOLAM in mustaceo] Iocatur,
quoniam mustaceis lauri folia subicerentur, ut ait Pli=
nius libro XV. Mustaceorum confectiõnem Cato do=
cet in lib. de re rust. Bibulus triumpho cupiditate ad=
ductus uoluit cum obscuris, paucis, infirmis hostibus cõ=
fligere. ELEV THEROCILICVM: li=
berum: cuius incolæ ne Regibus quidem unquam pa=
ruissent. fam. 245. TERTIIS: triduum igitur
Saturnalia celebrabantur Ciceronis ætate. quæ de
re Macrobius plura. A D^{HS} CXX: manci=
piorum, quæ iam auctiõne uenierant, pretium erat au=
reorum tria millia.

80.

LIGVRINO $\mu\alpha\mu\omega$] Momo satisfacere quàm

non facile sit, uel prouerbiū declarat in rebus difficil-
limis usurpatum. Et puto M. Catonem intelligi, se=
uerissimum hominem, cui satisfacere magni negotij
fuit, usque eò, ut sua morositate & sibi, & Reipublicæ
perniciosas excitaret inimicitias, recte igitur Cato mo=
mus. Ligurinus cur, compertum mihi nondum est.
potest tamen ἀφελῶς esse scriptum, ut uere Ligurinus
aliquis fuerit maledicentissimus. ELEGAN=
TIVS: ea parte, in qua scribis de Ligurino momo,
80.

NEC tamen ego &c.] Venusta sententia.
Continentia, inquit, uirtus est uoluptati contraria: sed
cum ego ex hac integritate, abstinentiaq; mea tantā ca-
piam uoluptatem, quantam antea nunquam; conti-
nentiam non uocabo, quæ uoluptati resistit; integrita-
tem potius dicam, aut quiduis aliud, dum ne continen-
tiam. FVITANTI: tanta in me fuit, me ipso
insciente, integritas, & abstinentia.

80.

ἐν παρόδῳ, &c.] In cursu: quasi enim prates-
riens, & alias res agens, belli Parthici cura occupatus
ἐν παρόδῳ Regem Ariobarzanem, presentibus insidijs
circumuentum, nec opinantē liberaui. CONSI-
LIO: quia consilij mei fuit, ut triduum illud, dum in
castris ad Cybistra moror, in magno officio ponerem,
quodq; Senatus ad me de Ariobarzane scripsisset, id ad
ipsum deferrem. AVCTORITATE: quia
mei præsidiij spe insidias ij patefecerunt, qui ante meū
aduentum periculi metu occultauerant. epist. fam.
242: 244: ἀπρόσῳτον ME: tantum abest, ut me

Regis Ariobarzanis insidiatores muneribus corrupe-
rint, ut ijs ne accedere quidem ad me, aut alloqui licue-
rit. ergo, præter consilium, & auctoritatem, etiam in-
tegritas in me fuit. NE PILVM QVIDEM:
quod mirificæ fuit abstinentiæ; cum Regem Cappado-
ciæ seruasset, ex eius regno ne pilum quidem auferre.
BRVTVM ABIECTVM EXCITAVI:
hoc dicit: Rem Bruti desperatam restituui: quia Rex,
mihi tanto beneficio deuinctus, pecuniam Bruto debi-
tam, quam soluisset nunquam, me contendente solutu-
rum se promisit. 93. EST TOTVM: in hoc
omnia sunt. CAL. MARTII: quo die de pro-
uincijs ad senatum ex S. C. referent noui Consules L.
Paulus C. Marcellus. epist. fam. 117: RESI-
S T E T: si Cæsaris amici repugnabunt, ne successor
ei mittatur, uereor ne sit eadem prouinciarum omniū
conditio, itaq; nec de successore mihi mittendo agatur.
epist. fam. 115.

80.

IVCVNDE de Cæsare,] Grata mihi sunt,
quæ de Cæsare scribis à senatu decreta. Intelligit au-
tem S. C. Marco Marcello Consule referente factū:
quo senatus uoluntas aperte significabatur de succe-
ssore Cæsari mittendo. fam. 117: QVÆTV
SPERAS: Cæsarem senatus uoluntati cessurum,
prouinciam successoris traditurum. SALVI
SVMVS: de prouincia, ita ut cupimus, decedemus
annuo imperio terminato.

80.

INCENDIO PLETORIANO] Gra-

uiter fero de incensa Pletorij domo : sed eo minus molestum est, quod adusta simul est propinqua Leij domus, hominis non amici : Aut sic : eo minus moleste fero Pletorium condemnatum, quod ex appendice iudicij Pletoriani uocatus est Leius in iudicium, quod ea pecunia peruenierit, ut Rabirius ex damnatione Gabini.

80.

LVCEIVS de Q. Cassio] Q. Cassio Longino, qui anno proximo Tribunus pl. cum Antonio collega ad Caesarem profectus, propensum ad civile bellum impulit. contentio igitur inter Luceium & Cassium, cum alter Pompeio, alter Caesari faueret.

80:

TOGAM puram] Virile togam ; quam submebant praetexta deposita, anno XVI finito. IVBEOR : a fratre meo, sororis tuae viro. MONDERABOR : ut minus modesto, minus continenti : qualem se postea Quintus filius magis quotidie praestitit.

80:

ALEXIS] Attici servus amanuensis. 100. ADSCRIBIT : in literis tuis ab ipso scriptis. CUR NON SVIS LITERIS &c : cur non literas ipse ad me mittit, sicuti amanuensis meus Tiro ad te mittit?

80:

QV AERITVR κέρως.] Do operam, ut cornicini Phemio cornu, quale scribis, inueniam. 87.

80:

TVO, meoq; beneficio] Cum uterque puero fortasse

fortasse tutor esset. CONVELLATVR:
eripiatur.

Ex epist. XXI. pag. 80:

MEO tempore pernecessario,] Cum de provin-
cijs agetur, Calendis Martij. 80.

81.

NVLLO nostro ἐννεμέριματι.] Non pulsi à
nobis. PROVINCIA NOSTRA: Cy-
rhestica. IPSE: rex Parthorum Orodes, Pa-
cori pater.

81.

NVLLVS honos] Cum senatus ei provin-
ciam, per decennium à populo traditam, ante tempus
uelit eripere. qui erit difficillimus nodus: ut uerear,
ne successio provinciarum non facile expediatur. &
NVLLVS HONOS, quia Pompeius adesset:
qui si quò dimitteretur, nemo Casarem magnopere
oppugnaret.

81.

LEGATOS præesse.] Rectores enim pro-
vinciarum sine successore decedentes, Legatos, qui præ-
essent, relinquebant. fam. 198: 201: & Pompeius
Hispaniam provinciam diu per Legatos Afranium &
Petreium administravit.

81.

NE intercessor quidem] Si prorogabitur provin-
cia, Tribunum pl. inueniemus, qui prorogationem in-
tercessione impediat. sed uereor, ne S. C. eiusmodi
fiat, quo Tribuni ab intercessione summoueantur: qua
le illud epist. III. lib. IIII.

X

81.

STRVERE.] Qui hæc molestissima cogi-
tem, quæ fortasse non erunt. VELIM ITA
SIT: ut inania cogitans mihi ipse solitudinē struā.

81.

A' Lentuli triumpho] Post P. Lentuli triumphū
ex rebus in Cilicia gestis: ut multis mensibus post, q̄ de
cesserat, triumpharit, fortasse à Tribunis plebis impe-
ditus: quod & L. Lucullo obuenerat. γλυκύπικρον:
quia partim affirmas, partim dubitas: ut sit spes cum
metu, quasi dulce simul & amarū. MORAM:
ad decedendum.

81:

CENTVRIONI SCAMVLAE] mal-
lem, centurionis Camulæ: liberto uidelicet, aut seruo.

81:

DE Cybiratis pantheris.] M. Octauio Aedili
curuli designato, M. Celiij collegæ, roganti num Cicero
pantheras Celio missurus esset ad ea munera, quæ seor-
sum ab ipso daturus esset, Atticus respondit, se non pu-
tare. 88: & fam. 24. 112:

81:

AUCTORITATE tua] Auctor enim
fuiſti, ut ita me gererem, ut etiam Ligurino momo sa-
tisfacere. 80.

81:

TRANSITA] Quid si, TRANSI-
TANS? ut transitans L. Tullius acceperit, sed &
semel in diem, & tamen lege Iulia: quæ transeuntis-
bus magistratibus, magistratuumq; comitibus, ut fœnū

aliaq; ab oppidis & vicis sumministrarentur, iubebat.
(72 : 76 :) ergo semel in diem L. Tullius, tantum
quod necessarium esset : cum alij Iulia lege abusi, ex
omnibus vicis, etiam quod necessarium non esset, tran=
seuntes acciperent. In Bessarionis libro TRAN=
SITAM, item in duobus manuscriptis apud ami=
cissimum meum.

81:

Q. Titinio] Qui mihi legatum dedit L. Tul=
lium. CILICIAE PRAEFECI : ipse in
Asiam proficiscens, partem provinciae meae.

81:

CERTVM hominem,] Grauem. SED
MIRIFICE : aut SED accipe dictum ad au=
gendam laudem ; ut si dicas, homo eruditus, sed elo=
quens in primis : aut pro SED reponere ET.

81:

CIVES Romani pauci,] Cur nō Cyprij simul
& Romani? quia, cū Cyprij alios in iudicium uocant,
possunt de suo iure decedere, atque extra insulam ad
Proconsulem ire: cum uero uocantur ab alijs, utuntur
privilegio suo.

82.

ASIAE nostrarum dioecesium,] Non Asiae
uniuersae, sed tantum nostrarum in Asia dioecesium.
partem enim Asiae regebat.

82.

EANA] Sic duo antiqua exemplaria, Canala
cantis & Bessarionis. ego, FANA : cum in libris
manuscriptis E saepe reperiatur pro F, errorem creā

x ij

re similitudine . sententiam autem ipse confirmat in
epistola I. libri I. ad Quintum fratrem, cum pecunias
ad templum decretas non accepisse scribit . Τέλειπ-
πα : ne dicarentur ei quadrigæ aeneæ, aut marmoreæ.
IN HAC MEA ASIA : in hac parte Asiæ,
mei imperij quæ est.

82.

QVVM Phemio] Quum operam dabo, ut κέ-
ξας Aonium Phemio reperiatur . AONIUM au-
tem, quod Aonium regio cantoribus celebrata, ideoq; in
ea cornua præclarissima . ISAVRICVM non
respicit κέξας, sed FORVM . Bessarionis liber non
AONIUM, sed OMNIUM.

82:

AD IIII. Cal. Sext.] Integer non erit an-
nus, si uenit pridie Cal. decedit ad IIII. probabilius
igitur, AD III. ut est 92. PONTINVM:
legatum meum, hominem prætorium. fam. 26.

82:

POSTHVMA.] Vel uxor Pontini, uel
amica . NEGOTIANTI: uide 85.
TORQVATO IN LENIO TVO: cui
petenti, ut Lenio tuo præfecturam deferrem, negavi,
quia Lenius negotiator. 85: SYNGRAPHÆ
CAVSA: si præfectus ideo esse uellet, ut ea potesta-
te nummos à Salaminijis exprimeret; non esse, cur
præfecturam peterent: me enim curaturum, ut exige-
ret.

82:

FIDEM meam] Ut, quod promiseram, re præ-
starem . INIVRIIS: equitibus Salaminios ue-

xarat. supra ibidem, & 85: MEIS IN CIVITATEM BENEFICIIS: quia non accepissem, quod Pratori dare consueissent: & quia scripti equites ante certam diem ex insula decedere iussissem. 91: PRAETORI: Proconsuli: antiquo more, cum omnes magistratus, quibus pareret exercitus, Praetores appellabantur. sic in Verrem libro III. Cohorti praetoriae, pro, comitibus Consularibus: Pedianus. VECTIGALI: à me remisso.

83.

EDICTO translatitio,] In suum enim edictum ex aliorum edictis multa transtulerat. 87: CENTESIMAS: ut creditoribus centesimae usurae soluerentur. CVM ANATOCISMI ANNIVERSARIO: quae est usurarum in singulos annos quasi regeneratio.

83.

Quaternas.] centesimas, cum ego unas haberem in edicto.

83.

IUS ex illa syngrapha] Non de quaternis centesimis, sed de sorte, & unis centesimis, quae ipsa posse peti ex syngrapha uetabat lex à Gabinio Consule lata, cum pecunia data esset contra ipsam legem. quod ignorans Cicero cohorrui primo, ueritus ne ex illo S. C. cogeretur ius dicere de quaternis centesimis. postea animaduertit illud S. C. non de quaternis exigendis cauere, sed ne foeneratores sortem ipsam amitterent, quia contra legem Gabiniā dedissent, ne uel salaminij, praeter numeratam in publicum pecuniam,

I iiij

multarentur, qui contra eandem legem acceperant. lex autem Gabinia non modo poenam irrogabat foeneratoribus, & uersuram facientibus, à qua liberauit utrosque primum S. C. sed uetabat quoque ius dici ex ea syngrapha: cui rei fuit remedio secundum S. C. iisdem Consulibus factum, ut ius diceretur de sorte, & de unis centesimis, ut eodem iure esset ea syngrapha, quo cetera: nam ante secundum S. C. eodem iure non erat, cum de ceteris dici ius posset, de ea non posset. dabat igitur alterum S. C. idem ius huic syngraphae, quod aliae habebant ex edicto, ut ex ijs ius diceretur non supra unas centesimas. FRAVDI ESSET: ut neque foeneratores creditam pecuniam amitterent, neque Salaminij multarentur, quod contra legem uersuram fecissent. NIHIL SE INUVARE ILLUD S. C. iuuabat quidem, ne praeter amissam pecuniam etiam damnarentur, quod contra legem fecissent: sed non iuuabat, ut sortem cum foenore quaternarum petere possent ex syngrapha. quod nec alterum S. C. dedit, dedit autem, ut ex ea syngrapha ita ius dici posset, sicuti ex ceteris: quod primum S. C. non dederat. UT ET EA SYNGRAPHAE: corruptus locus, qui sanus id significaret, quod proxime ostendimus.

83.

DEDI VENIAM] Concessi: quod tamen non debebam: Salaminij enim, ut usura consisteret, aut numerare uolebant, aut in fano deponere: sed ego Bruti causam in Scaptium propensior: itaque rem sic reliqui.

83:

AVT BONO nomine] Stultus non erat, quia rem sic relinquens nihil amittebat : neque enim periclitaturus unquam de centesimis cum anatocismo, cum de his intelligeret Salaminios nunquam recusaturos . etiam usuram capiebat , quoniam in fano deposita pecunia non esset . ergo in hoc minime stultus : impudens autem, quia quaternas , contra quam esset in edicto , speraret . BONO NOMINE : honesto , quia centesimas cum anatocismo concedebat edictum . NON BONO : turpi : quia quaternas contra edictum . CONTENTVS ERAT : contentus erat futurus, cum quaternas plane desperasset . nam tum quidem aperte ostendebat, contentum se non esse . tacite igitur sic ratiocinabatur Scaptius, ut contentus tum esset centesimis, cum de quaternis non succederet . secum ipse uidelicet ita loquebatur : De quaternis non impetro : quid agam ? rem sic relinquere à me est : impetrabo fortasse ab alio Proconsule, Bruti gratia, cuius commendatio apud hunc Proconsulem minus ualet, quam speravi : differam, cum in dilatione spes sit, neque tamen damni quidquam, quoniam usura non consistit pecunia non deposita . Hoc est, quod queritur Cicero Salaminis timens, pag. 85 . Quid, inquit, is fiet, si huc Paulus uenerit : qui erat Bruti affinis . AVVNCVLO : M. Catoni, cuius uterina soror Bruti mater Seruilia .

83:

PERPETVO fœnore] Sine renouatione singulorum annorum, sine anatocismo, ne usura usura

x iij

rarum soluerentur, sed centesimarum perpetuum esset
 fœnus, non interruptum, non renouatum alio præterea
 fœnore adiecto. **DVCERENTVR**: in sup-
 putatione. Inde subduco, & rationes subducere.
QVID INTERSIT: quid lucri creditoribus
 fiat ex hoc S. C.

83:

ὁ δὲ πᾶσι.] **Quasi præter propositum, inter-**
ponam hoc de Luceio.

83:

HIS decretis] **Quæ pro debitoribus fiunt, qui-**
bus decretis Tribunus pl. aliquis excitabitur ad legem
de nouis tabulis ferendam, quoniam & senatus uolun-
tatem animaduernerit in debitores esse propensio-

C. IULIVS: C. Cæsar in Consulatu.

CVM DIECVLAM DIXERIT: malo
DVXERIT: quod alijs quoque uideo placuisse.
 ut diem Cæsar solutionis produxerit, qui consultum de
 bitoribus uellet. & **DIECVLAM** potius, quàm
 diem: quia parua res quæ uidebatur, summum detri-
 mentum attulit Reip. **PLVS**: tulit mali, perspi-
 cuum est subaudiri.

83:

MEDITARE] **Vt defendas.** **INTE-**
GRAM REM: ut Scaptius petijt. 83.

83:

DE ἐνδομύχῳ,] **De filia collocanda. uide 7 et**
POSTHVMIAE FILIAE &c: mallet,
FILIO: ut Posthumiae filium generum probet: quo-
 niam Pontidia de alio locuta certi nihil afferebat. 86:

83:

TAVRVS] Quem tabellarij ex Cilicia Ro-
mam euntes transfirent necesse erat. Quintus autem
Cicero Cilicie praefectus, trans Taurum: Marcus in
Asia, cis Taurum, ut mittere tabellarios Romam pos-
set.

83:

FVLCIO.] Ut tuis ne desit. 75. 80:
VALERIVM: Attici puto debitorem. QVO
DIE MYSTERIA: in quem diem incidant my-
steria. nam intercalatio ordinem dierum muta-
bat. sed Atticus, qui Roma propius abesset, interea-
lationis dies, & dies item reliquos certius nosse pote-
rat. 79:

IN LIBRVM VI. CICERONIS EPI-
STOLARVM AD ATTICVM,
PAVLI MANVTII COM-
MENTARIVS.

Ex epist. I. pag. 84.

D quintum termilia] Placet AD V. Ter-
A minalia: ut sit, die quinto ante terminalia: si
cuti, ad V. Calendas, die quinto ante Ca-
lendas. SIC ENIM POSTVLAS: hoc si
quis traiciat, & post verbum INSTITVAM
collocet; ut ego existimo, non inepte faciat. οἰκονο-

COMMENTARIVS

μῖαν MEAM : οἰκονομία est ordo in re domestica : μεταφωρικῶς hic sumitur pro ordine, quē scribentes seruamus . 84.

MEAM βαρύτητα] Gravitatem, & tolerantiam ; cum ea fero, & dissimulo, quæ ille commisit. sic
 76. Appij uulnera non refrico, sed apparent, nec oculi possunt . LIBERTATEM : quod non omnia Scaptio, quem mihi Brutus commendauerat, concessi. 82 : 83 .

84:
 HANC non nulli] Vel HANC interpretare, dissimilitudinem administrationis : uel HAEC corrige . 84:

COEPERAM :] Mea sfonte . SED : DICO ? sed eum nunc quidem minus amo . hoc dicturus fuit . deinde reuocauit se, ne Atticum offenderet Bruti amantissimum . DICO ? dico, quod uolui ? non faciam : & abieci quod eram dicturus , ne te offenderem . MANDATIS : Bruti.

84:
 POLLICEBATVR,] Ob acceptum à me beneficium . ILLI : Bruto, cui debebat . 80. PREMI COEPTVS : ut solueret eam pecuniam, quam à Pompeio bellum in ijs regionibus contra Mithridatem gerente mutuam acceperat . TALENTA ATTICA: talentum Atticū aurei sexcenti . IN VSVRAM MENSTRVAM : soluit Ariobarzanes usura nomine singulis mēsisbus talenta Attica XXXIII. nec ea tamen in usuram satis sunt . SORTE : pecunia Ariobarzani cre-

dita. ACCVSARE REGEM: qui Bruto non solueret, præsertim cum mihi promississet.

85.

VT pro Glabrione Scauola,] Pro Glabrione pupillo tutor Scauola fœnus, & impendium recusauit aduersus creditores pupilli: ita ego alterum duorum faciam, ut tutelâ Regis, mihi à senatu traditam, renunciem, ac deponam, aut aduersus eius creditores fœnus, & impendium recusem.

85.

DETULI:] At supra infraq; (82: 85:) dicit se Scaptio petenti negasse. nisi si duo Scaptij fuere, quod opinor: ut hic in regno Ariobarzanis negotiaretur, ille in prouincia Ciceronis. 83:

EI: Bruto.

85.

INTERCESSISSE SE] Apparet, quâ pecuniam Scaptius & Matinius Salaminij Romæ derant, eam pecuniam & ipsos mutuam sumpsisse, sponfore Bruto. nam intercedere uerbum est de sponsonibus usurpatum: ut oratione II. in Antonium:
 » Tantum pro te intercessisse dicebat. & hic pag. 11: Ac
 » cersuit ad se, promisit, intercessit, dedit.

85.

VT soluerent &c.] Vt omnem pecuniam Salaminij soluerent: & quoniam per sexennium ea pecunia usi fuerant, eius sexennij centesimas usuras soluerent. DVCTIS: subductis: unde ducere rationes. CVM RENOVATIONE SINGVLORVM ANNORVM: cū anatocismo

anniuersario, id est, ut usurarum centesimarum, quæ soluta non fuerāt, usuræ cum centesimis simul soluerentur. id enim est renouare fœnus per singulos annos; ut summa fiat, pro centesimis non solutis quantum noui fœnoris sexennio creetur, ducta ratione per singulos annos. 85:

QV AE erat in edicto meo:] Centesimæ usuræ consistere debuerunt, quas habebam in edicto meo me esse obseruaturum cum anatocismo: consistere autem ab eo tempore, quo tantum pecuniæ depositum fuisset, quātum deberetur ductis centesimis cum anatocismo. id Salaminij uolebant: sed ego postulantibus ut deponerent non concessi.

85:

SI HVC Paulus uenerit?] Si, inquit, acciderit, ut L. Paulus, qui nunc Consul est, Consulatu functus huc Proconsul mittatur: male cum Salaminij agatur: Brutus enim contra eos omnia Scaptij causa impetrabit: quaternas dare cogentur. Erat autem affinis Bruti Paulus, quod eius frater Lepidus Tertullam, Bruti sororem, habebat in matrimonio.

86.

MEO DECRETO &c.] Antiqui libri, quorum mihi copia fuit, omnes sic, Soluta res Scaptio statim quam decretum sit tu iudicabis. uideamus num tueri liceat antiquam scripturam: quod opinor licet. primum interpunge sic: Igitur meo decreto soluta res Scaptio, statim q̄ decretum sit: tu iudicabis: deinde expone: Igitur datum hoc sit à me Bruti gratiæ, ut quaternæ Scaptio soluantur meo decreto, idq̄;

statim quàm decretum sit : sit inquam res Scaptio soluta : tum decreti mei iudex ipse eris : plane tuo iudicio stare constitutum est : ad neminem prouocabo , ne ad Catonem quidem : quem certo scio, inique decretū à me, dicturum . te unum inquam decreti mei iudicē constituam : certe, quæ tua est æquitas, decretum meū probare non poteris, quanquam Bruti causa omnia cupias . patere igitur à me non decerni . Non enim reuera se esse decreturum Cicero dicit, sed utitur quodā simulacro, ut Atticus re ante oculos posita turpitudinē cernens excuset eum, quia pro Scaptio, idest pro Bruto non decreuerit .

86.

SEX libris] De Republica, & de optimi ciuis officio .

86.

CN. Flauio Cn. F.] Legebatur antea, CN. FLAVIO ANNII FILIO: corrupte : nam filij à prænomine patris ostendebantur: Annius autem non prænomen, sed nomen, idest familia . mendosam igitur dictionem semper credidi, mutare uero non audebam, cum & à Plinio lib. XXXIII. cap. I. & à Gellio lib. VI. cap. IX. hunc esse appellatum uiderem Cn. Flauium Anni filium . postea Lii lib. percurrens cum ad eum locum libri IX. uenissem, in quo Flauium hunc scribam Cnei filium uocat : Cn. F. ego quoque in Cicerone scripsi : itaq; Plinii, Gellijq; locus erit emendandus .

86.

ISTAM tabulam,] Flavius scriba, cum

populus, qui dies aut nefasti, aut fasti essent, ignoraret, eorumq; notionem à iuriscōsultis peteret, ipse fastos circa forum in albo proposuit, ut, quando lege agi posset, sciretur. quo beneficio populi gratiam, indeq; curulem Aedilitatem libertino patre natus obtinuit. T A B V L A M igitur fastorum.

86.

οὐκ ἐλαθεῖς illud &c.] Est hoc ἐκ τῶν ἀνιγμάτων : nam neque supra, neque infra quidquā est, quo niti cōiectura possit : nec diuinare nostrum est.

86:

IMPERATORE] Appellato . 79. PHILOTIMILITERIS : Roma scriptis . VNAS : quarum est principium, Saturnalibus mane, 78 : ALTERAS : hoc principio, Te in Epeirum, 80 :

86:

MIHI placere :] Ut nubat ei, de quo scribis : quem ex equestri ordine fuisse, proxima uerba declarant. 94.

86:

TVVM VETEREM gregem] Mallem de equestri genere, quā de patritio cogitasses. opinor enim, de patritio discedens Cicero mandauerat. Parui, inquit, tibi, monenti, ut me in meum ueterem gregem referrem, idest ut cum meis equitibus affinitatem iungerem.

86:

CORRECTA uero epistola Memmiana,] Quod antea scripseras de Memmio, Pontidiam scilicet nugari, postea correxisti, cum eam certa loqui signifi-

casti. 83: NIHIL NEGOTII FUIT:
 perducere me in eam sententiam, ut de uno Memmio
 cogitarem. MALO: generum. A' PON=
 TIDIA: de quo Pontidia sermonem habuit. 83:
 ADIVNGES: ad consultationem de Tullia.
 FRATRIS APPII: non puto intelligi de Ap=
 pio Claudio P. Clodij fratre, (hic enim tunc uiue=
 bat) sed de alio, cuius paulo ante mortui hereditatem
 Aufius adierat. AMOREM: ut non solum rei,
 quam Appius habuit, sed amoris etiam, quo me uiuens
 persecutus est, heres Aufius sit. Est autem nota locutio,
 cernere hereditatem, & hereditate: utroque enim
 modo ueteres Latini loquebantur. QUI: Appius
 potius, quam Aufius.

86.

IN BURSA.] Cum T. Munatium Plan=
 cum Bursam de ambitu accusauit. epist. fam. 96.
 131. & Philippica V. 207. lex enim Pompeia de am=
 bitu: ut Pedianus docet: & Plancum postea Caesar
 cum alijs lege Pompeia damnatis restituit. LIBE=
 RARIS: si de Tullia mea confeceris.

86:

FURNII exceptio] Furnium Tribunum pl.
 Ciceronis amicum legem opinor tulisse de rectoribus
 transmarinis, nisi Parthus moueret intra Quintilem
 mensem, eos posse decedere. at id ipsum tempus Cicero
 timebat, ideoq; exceptione illam minime probabat. uo=
 lebat autem omnino ferri, ut annuo imperio termina=
 to decederent: quod ipse non magis odio provinciae, q̃
 Parthorum metu cupiebat.

86:

REMOVENDVM QVE censeo] Quod attinet ad otium, & salutem Reipublicæ, nihil eum dissimulaturum putemus. Et hoc adscripsit Cicero, quia cum supra dixisset (60.) vsquequaque, de hoc cū dicemus, sit hoc quasi καὶ τόδε φοκλίδου: quibus uerbis perpetuum in Pompeio notauit dissimulationis uitiū: exceptione hic utendum putauit, cum de communi otio loqueretur. Remoueamus, inquit, ab eo uitiū dissimulationis. οἰκονομία: ordo, & dispositio rerum, quæ scribuntur. σχεδιάζοντα: qui scribis non ordine, sed ut quidque in mentem uenit.

86:

SED alter &c.] Frenis egebat Quintus, ut ingenio ualens plus etiam q̄ satis esset; calcaribus Marcus, ut tardior. ergo hic Ephoro, ille Theopompo similis, utrique Isocratis discipulo. Suidas.

86:

OBSERVABO,] Quo die Liberalia de more celebrantur, eo die (nempe XV. Cal. Apr.) togam puram Quinto daturus sum. Quoniam autem mutare dies solebat intercalatio, (& intercalatum esset, nec ne, Cicero ignorabat) ego, inquit, Liberalia sic observabo, quasi intercalatum non sit: suo inquam die observabo, quando mihi est ignota intercalatio.

89:83:

86:

IN amoribus est.] Carissimus est. nota locutio. fam. 110: A I V N T E V M: alij, A I V N T S E. malo E V M, ex antiquo libro Bessarionis: idq; magis postulat latini sermonis probata consuetudo.

86:

86:

THERMVM, siluium] vicinarum prouin-
ciarum rectores. BIBVLVM: Syriae Procon-
sulem. SCROFA: nostri cupidissimus. cui si
daretur occasio, iure posset me laudibus efferre.
LAVTVM NEGOTIVM: egregia mea pro-
uincialis administratio. INFIRMANT πο-
λίτευμα CATONIS: non ita publicam rem admi-
nistrant, ut Cato iubet. CAVSAM MEAM:
ne patiatur mihi provinciam prerogari. 77.

87.

DE AMIANO,] Hi tres, Amianus, Teren-
tius, Meragenes, videntur Attico pecuniam debuisse.
Et quod sequitur, SPEI NIHIL, expono, de exi-
genda pecunia. DIONYSIVS: Ciceronum
magister, tui amantissimus, qui adest, Et rem tuam
mecum curat. NULLVM VESTIGIVM:
hominem conuenire uolebam, ut agerem de tuo nomi-
ne. non modo non potui, sed nec ullum eius uesti-
gium agnoui. 87.

MERAGENES certe periit.] Attici de-
bitor est, ad inopiam redactus. PERIIT: decoxit,
perdidit omnem rem: ut de pecunia tua prorsus a-
ctum sit. MANDAVI: dedi negotium, ut,
quod de Rhosio scripsisti, ageretur.

87.

LANCIBVS &c.] Iocus, quia scripserat
Atticus, uasis fictilibus se esse usurum. Quid, inquit,
cogitas? in lancibus ex splendidissimis canistris oluscu-
la apponebas, ipsique nos pascere solitus es, cum praeterea

Z

COMMENTARIVS

nulum esset obsonium : in uasis fictilibus, quæ humilio-
ra sunt, quid appones? certe uiliora esculenta. INFELICITATIS : quasi infelicitatem quærat,
qui tam frugaliter cogitet uiuere.

87.

REPERTVROS :] li, quibus mādauī, pol-
liciti sunt se reperturos. 82.

87.

INEPTAS] Scripsit enim, ut ex Axij literis
cognoui, confectum per se Parthicum bellum : cum nō
ita res sit. 81. ALIQUANDO COM-

MOVEATVR : aliquando Parthici belli curam
suscipiat. quod non esse confectum ex Bibuli literis
intelliget, contra q̄ Cassius scripsit. 81. SVSTI-

NEBIT : bellum, & impetum Parthorum : quibus
ante q̄ in meam prouinciam perueniant, per Syriam,
prouinciam Bibuli, transeundum est. QUID IL-

LO FIET : antiqua locutio : ut in epistola ad Te-
rentiam, Quid Tulliola mea fiet? fam. 235.

QUADRINGENARIAS : quadringentis
militibus in cohorte, armatura Romana. quod sequi-
tur, ∞ ∞, significari duo millia, supra docuimus
narratione de numerorum antiquorum notis. IN

NOSTRA PROVINCI A : non cui ego
præsum, sed in prouincia populi Romani. 81.

87.

PRAETER illam exceptionem,] Exceptio
erat ex prouincialium cōmodo contra publicanos, id est
contra ordinē equestrem. nam publicani omnes equi-
tes. intulit autem, IN ORDINEM NO-

STRVM, quia & ipse, & Atticus equites . publi-
canis autem ferè semper cum prouincialibus negotium
erat è uectigalium exactione . & Bibulus equitibus
insensus, quia Casarem inimicum suum magno benefi-
cio deuincti studiosissime obseruabant . Suetonius .
ἰσοδυναμοῦσαν: exceptionē similem, quæ prouincialibus
magis, quàm publicanis consulat, translata in meum
ediētum ex ediētō Mutij Scauolæ Asiæ Proconsulis .
77. & fam. 17: 87:

EXTRA QUAM] Cū in pactionibus pro-
uincialium & publicanorum multa fierent contra fi-
dem bonā, Bibulus in ediētō suo scripserat, se non sta-
turum tabulis pactionum. hoc idem Cicero, sed teētius,
his inquam uerbis γενικῶς: Extra quàm si ita negotiū
gestū est, ut eo stari non oporteat, ex fide bona . EX-
TRA QUAM: cū hac exceptione. EX FIDE
BONA: ut ex bona fide cōuenit. teētior autē Cice-
ronis exceptio, quia neque pactiones, neque aliud quid-
quam nominatim, γενικῶς omnia complexus est: Bi-
bulus autem de pactionibus expresseerat, graui præ-
iudicio in ordinem equestrem: nam si pactiones non
seruarentur, magnum in eo damnum publicani face-
rent. 87:

OMNIA de publicanis:] De omnibus con-
trouersijs, quæ inter publicanos et prouinciales possunt
existere. MAGISTRIS FACIENDIS:
magistros auctonum intelligit: de quibus in epistola I.
VENDENDIS: ut ex ediētō primum à credito-
ribus possideantur bona; deinde, magistris factis, uen-
dantur.

87:

PEREGRINIS] Non Romanis, sed peregrinis, id est suis. 90: NVGATORIBVS: leues, inquis, erunt iudices, siquidem Græci erunt. quid refert? ipsi tamen ita exultant, quasi summum à me beneficiū acceperint. VOSTRI: qui Romæ iudicant. εἰρωνικῶς dixit. MANCIPEM: quasi non grauis iudex esse possit, qui ob quæstum publica cōducatur, uel ematur. 87:

NE cui molesti sint:] Acerbiore uectigalium exactione. itaque hoc accidit παραδοξότατον, id est maxime præter opinionem: ante enim molestissimi provincialibus publicani.

87:

VSURAS eorum,] Quas provinciales ex pactione publicanis penderent, donec debitum uectigal solueret. quod & Seruilius cognomento Isauricus, Ciliciæ Proconsul, ratum esse uoluit. ego autem (inquit) provincialibus amior: qui usuras, pactionibus adscriptas, non seruo: sed diem statuo satis laxam, qua uectigal publicanis debitum soluant: quam ante si soluerint, ad uectigal usuras tantum centesimas addent: si non soluerint, tum, quæ pactionibus adscriptæ sunt, eas usuras soluant. quod ne accadat, consulto diem statuo satis laxam, quo possint matura solutione usuras illas intolerabiles effugere. CENTESIMAS DVCTVRVM: hoc seruaturum, ut centesimas duntaxat cum uectigali soluant publicanis. quod illis multo erit facilius, quàm si usuras illas, quæ pactionibus adscriptæ fuerant, centesimis uidelicet non cōparandæ, ex

instituto Servilij cogerentur soluere. EX PA=
CTIONE: soluant, ut pactionibus adscriptum est: ad=
scriptum autem erat gravissimum fœnus: quod servauerat
Procosul Servilius. 87:

SOLVUNT tolerabili fœnore:] Solvunt
negligam iam ante debitum, cum centesimis: quod est
fœnus tolerabile. 87:

SI ILLAM iam habent] Causalantis liber
ILLA, etiam alter antiquus. mendum tamen rema=
net in particula SI. sequitur tralatio à mensura, co=
piam significans. publicanos ualde uerbis orno, crebro
inuito. μηδὲν αὐτοῖς: nihil ipsis tribuo: quamuis
eos habeam in delicijs, nihil tamen ipsorum causa fa=
cio, quod factum reprehendi possit. RELIQUA:
quæ perficiunt græcam sententiam.

88.

DE statua Africani,] Quam Metellus posuerat
omissa Censoris subscriptione. ὡς πραγμάτων ἀσυνκλά=
σων: quasi dicat, scribis ordine perturbato. quod su=
pra dixit, Te enim sequor σχεδίαζοντα. IPSVM:
ipsa res, σχεδίασμός tuus. uel, ME IPSVM, ipsa
me perturbator οἰκονομία.

88.

SCIPIONEM hic Metellus] P. Scipionem
Africanum minorem; quem Paulo Aemilio genitum
P. Scipio, Africani maioris filius, adoptauit. Metellus
aut, de quo loquitur, est Q. Metellus à Q. Cæcilio Me=
tello Pio adoptatus, cum ex gente Cornelia esset: itaq; Me=
tellus Scipio nominatur à Pediano in argumēto Milo=
nianæ, et in S. C. quod insertum epistolæ mittit M. Cælius

Z iij

ad Ciceronē. fam. 117: AD OPIS: ædē. è græcis fontibus figura deriuata. SERAPIONIS: Scipionis Nasicæ, à mancipio Serapione cognominati ob similitudinem formæ. Florus lib. LV. Plinius, Valerius Max. SI SECVS EST: si aliter est, atque ego scripsi in libris de Rep. BELLE ἡ πρόφασις: acute, nec sine causa dubitasti, utrum de Flauio & fastis ita sit. 86.

Τὸν τῆς ἀρχαίας] Illum ex ueteri comœdia celebrem. Horatius Sat. III. lib. I.

Eupolis, atque Cratinus, Aristophanesq; poeta, Atque alij, quorum comœdia prisca uirorum est.

ERRAVIT: de Eupoli. NON DIXIT: dixit & Valerius Max. ΤΥΟ FAMILΙΑ= RI: ex assidua lectione.

88.

XXDC] Quæ Philotimo soluta sunt à debito= re meo. RELIQUA MEA: quæ mihi reliqua debebantur.

88:

Τί λοιπόν?] Quid superest, quod ad te scribam? INAUDISTI: huius uerbi uis hæc est, ut nō nisi de rebus occultis usurpetur: ut in epistola ad Petum: Aquini & Fabrateriæ consilia sunt inita de me, quæ te uideo inaudisse. & apud Plautum, aliosq; eiusdem generis sunt exempla: ut legentes ad usum latinæ locutionis obseruauimus. NIHIL EIVS MO= DI EST: non est, ut quidquam inaudire potueris à me turpiter commissum: nihil enim committo. πολλοῦ γέ καὶ δ' αἶ.

88:

PROBE respondisse.] Cum respondisti, te nō

putare, pantheras mandato meo quæri, ut ad Celiū mit-
tantur. 81: FIDENTIVS: nam cum dixisti,
TE NON PVTARE, non satis fidenter respō-
disti: uellem affirmasses, non esse cur pantheras Celio
collegæ suo, seorsum ab ipso uenationem adornanti, su-
spicetur à me missum iri. CELIVS LIBER-
TVM: M. Celius Rufus, Aedilis Curulis designatus
cum M. Octauio, Philonem libertum miserat. fam.
118: SED A' CIVITATIBVS: sic in an-
tiquis libris. puto rectius ET DE CIVITATI-
BVS, literarum mutatione parua: siquidem pro
SED ueteres librarij scribebant SET: item IT,
QVIT, pro ID, QVID: aliāq; huius generis mul-
ta. scripserat ad Ciceronem Celius, ut & pantheras
sibi mitteret, & M. Feridij agros, (fam. 119:) qui
ciuitatibus fructus penderent, immunes esse uellet. De
agris respondet Cicero: In mea prouincia nihil cuiquā
adimitur, nisi si quid quis debeat: nam creditoribus
ut satisfiat, uolo. itaque non est, quod petas, ut ciuitati-
bus adimam fructus, qui ex agris capiuntur. ac miror,
cur petas: cum Romæ audire possis, nullum in mea
prouincia nūmum, nisi in æs alienum, erogari. quod si
non auditur, mea q; sunt obscura facta, ut tanquam in
tenebris lateam: moleste fero. NEC MIHI
CONCILIARE: pecuniam enim qui uel sibi,
uel alteri non debitam conciliaffet, legibus tenebatur.
NEC ILLVM CAPERE: significatur, inter
Feridium & Celiū conuenisse, ut, si Feridius à Celio
Ciceroni commendatus, de immunitate agrorum impe-
trasset, Celio pecuniam eius rei causa numeraret. quod

quidem flagitij nemini esse committendum, minime uero omnium Celio, cui pecuniā capere liceret eo minus, quod crimine repetundarum accusasset C. Antonium. ILLVD AVTEM ALTERVM: de pantheris. CIBYRATA S: ab urbe Cibra, homines uenandi studio deditos. fam. 119.

88:

MAGNA in gratia] Quia scripsisti ad eū, me scripsisse ad te, mirificum illum esse. 77.

88:

MANDAVIT,] Ante q̄ Roma discederes. QVEM IAMPRIDEM NVNQVAM VIDET: supra tamen 78: dixit, Quā nunquā uidi: ut uideatur hic quoque legendum, Quē nunquā uidit. ASCRIBITO: cum Romā ad uxorem tuam Piliam literas mittes. 88:

LITERAS daturum pridie Cal. Ian.] Locust ex epistola Attici: qui Ciceroni memoriam attulit clarissimi iurisiurandi, cum scilicet pridie Cal. Ian. iuravit Remp. a se esse seruata. epist. fam. lib. V. 60: & in oratione pro Sylla, in oratione pro domo.

PRÆTEXTATVS: cum effeci, ut summa Tribuni plebis Metelli Nepotis iniuria summo mihi esset honori. Prætexta magistratuum toga, & puerorū ad annū XVII. 88:

PARIA paribus] Qui in scribēdo nihilo sum ornatiore, q̄ tu es. 89.

POTVIT Luceius Tusculanum,] Vendere. nisi forte sibi retinet animi causa: solet enim ibi se cū suo seruulo tibicine oblectare. EXPEDITOS:

molestia æris alieni. QVIBVS OMNIBVS
EST: in quos omnes conuenit illud Homericum,
αἰδέσθαι etc. quod pecunias in iudicio, cum propter æs
alienū cuperent, tamen deterriti metu nō acceperunt.

89.

DE MEMMIO] Exule reducendo. & exu-
labat de ambitu condemnatus. Appianus lib. II.

CVRIO: C. Scribonius Curio Tribunus plebis.
fam. 114:

89.

NOMINE,] Pecunia ab Egnatio exigenda.

89.

IN mensem Martium] Vide 80.

89.

GENVARIOS] Nummos Genue cufos,
quæ erat in Cæsaris prouincia. TALENTA
ATTICA L: summam pecuniæ subiecit, cum ge-
nus posuisset. EXTORSISTIS: ad Mara-
thonis ædificationem. ODIVM POMPEII:
prorsus hæc non conuenire uidentur in Pompeij perso-
nam. si quid opis afferrent ueteres libri, malletm P O-
SIDONII: qui moleste ferret à Cæsare pecuniam
Athenienses abstulisse ad Marathonem ædificandum,
quam ipse suis Rhodijs datum iri non dubia spe credi-
derat. SVOS: quos suos certo putaret. C O-
MEDISSE, auide præripuisse.

89.

IN MERITO reedificando] IN MA-
RATHONE AEDIFICANDO, esset aper-
tius, nec αλογον, ut opinor: scribit enim Tranquillus,
Italiae, Galliarum, Hispaniarum, Asiæ quoque, et Græ-

ciæ potentissimas urbes Cæsaris munificentia præcipuis operibus exornatas. DILIGENTIOREM: uobis instantibus. 89.

CVRIO] Tribunus pl. NEQVIOREM: uerbum proprie usurpatum de hominibus luxu diffluentibus. 89.

VINDVLLVM:] Aut libertum Pompeij Magni, ideoq; patroni nomine utentem: aut gentilem. QVÆ RES: quæ hereditas. liberti enim patronis, & patroni æque libertis hæredes erant, cum aut intestati, aut sine filiis obiissent. sin gentilis erat, de gentilitia hereditate accipiemus.

89:

LAGVNCVLAE] Clarius, IMAGVNCVLAE. Bessarionis liber LANGVNCVLAE. HOMINIS BRVTI: ioco significat, Brutum re uera brutum esse, qui Vedio utatur. & argute HOMINIS BRVTI, quasi non homini magis, quàm bestiae similis esset. & , LEPIDI, plane hominis lepidi, si quidem hæc de uxore ferat. ILLIVS LEPIDI: subaudi, Vxoris: usitata figura: ut, Terentia Ciceronis, Mutia Pompeij. Ex sororibus Bruti alteram habuit in matrimonio M. hic Lepidus, postea Triumuir cum Antonio, & Octauiano; altera C. Cassius, is, qui Cæsarem occidit.

89:

προϋλαίων Eleusine facere.] Per amicos uidelicet: nam Appius iam ad Urbem peruenerat. προϋλαίων autem, ut esset in urbe celebri monimentum nominis sui. ID IPSVM: te putare, nos ineptos fore, si

προπόλαιον Academia fecerimus. IPSAS: ipsam urbem. nā Eleusin non tam Athenis propinqua, quā Academia, quā propemodum in portis erat.

89:

POST Leuētricam pugnam] Post pugnam, qua Clodius à Milone apud Bouillas cæsus est. Leuētrici cur uocet, minus notū, nisi forte quia memorabilis ē Clodij nece, ut illa ē Spartanorū & Cleombroti Regis occisione. DIE 20. recte: tot enim dies à Clodij nece (is III. Cal. Febr. est interfectus, Pompeio Consule) numerantur ad hunc diem. ut scripta sit epistola ad III. Nonas Martias, Cōsulibus L. Paulo, C. Marcello, altero post Pompeij Consulatum anno. 74:

Ex epistola II. pagina 89:

AB CINCIO] Romæ res Attici curante.
ID CONSILIVM: consilium Quinti fratris de dimittenda Pomponia Attici sorore. Staius autem Quinti libertus. ILLVM AVTEM: Quintū.
DE ISTIS REBVS: de quotidianis litibus cū uxore. 68: MILITIAVE NOSTRA: militiam uocat, quia cum agmine armato proficisceretur. uide 78: NEC SATIS EST &c. non mihi satis est, me tibi eum præstare, qui esse debeo: curam etiā suscipiam, ne quid ab illo secus, quā uolumus, fiat. SOLEO HORTARI: ut ista sedet inter patrem, & matrem.

90.

NEQVAM,] Inconsiderati, indiligentis, qui temere scriberet, quidquid in buccam.

IN Trophoniana Cheronis narratione] Cheronem loquentem induxerat Dicæarchus in libris περὶ τῆς εἰς τροφωνίου καταβάσεως. Athenaus. MARE TAM SECVTI: cum urbes ædificarent.

DE isto Dicæarcho] Glossema DICAERCHO suspicor. NON MINVS BENE &c. dignum, cui crederetur, ita Dicæarchum putabat, ut tu C. Vestorium, ego M. Cluuium. Et quoniam M. CLV VIO primi correximus; nostra correctio si cui minus probabitur, huic opponemus duorum antiquissimorum exemplarium auctoritatem, Causalcantis, & Bessarionis. quam nos eo facilius secuti sumus, quod & Vestorium Attici fuisse amicissimum, & Ciceronis Cluuium, utrunque Puteolanum, ipse nobis Cicero narrat tum in his epistolis tum in ijs, quas posterior ætas titulo Familiarium inscripsit. LEPREON: qui potest esse maritimum, cum Arcadia sit regio mediterranea? Tene autem, Aliphera, & Tritia, maritima oppida, ideo putabat Dicæarchus antiqua nō esse, quod Homerus τῶ τῶν νεῶν κατὰ λόγον, cum naues enumerat è Peloponneso discedentes, mentionem istorum non facit. TRANSTVLI: in libros de Republica. de quibus 86. 88. VT HABEAS: ut corrigas: nam Phliuntios non recte scripseram, analogia deceptus, quod ut ab ὀποῦς, σιποῦς, ὀπούντιοι, σιπούντιοι, item Phliuntios ἀ φλιούς deduci putaueram.

PRAETER Ciliciæ.] Asiaticarum igitur

dioecesium, non Cilicensium, forum egit. 82. & sam.

228. SVIS LEGIBVS : vide 87:

90:

IPSORVM furta Græcorū] CUR IPSORVM? quia Romani magistratus fuerant iuri dicundo: pecunijs autem publicis administrandis Græci ipsi præerant. primus autem Cicero permisit, ut ad ius dicendum suis etiam legibus, iudicibusq; uterentur: cū antea Romanis legibus ius dicerent Romani homines, aut Proconsul ipse, aut ab ipso dati.

90:

REDDIDERVNT.] Debitas pecunias. Veſtigalia autem publicani quinto quoque anno de Censoribus redimebant: & quinquennale spatium lustrum dicebatur. Varro.

90:

EX ILLA VETERE militia.] Quid me iam pridem antelucanis ambulationibus consuetudo assuefecit, cum ita excitabat exercebatq; ambitio, ut in bello milites uictoriæ cupiditas.

91.

EMERENTVR.] Annua prouinciæ administratio terminatur. sic emeritum annuum tempus (95.) pro confectum. & emerentur proprie stipēdia militibus. CVRIONIS NOSTRI: Tribuni plebis: qui S. C. fieri de prouincijs non patiebatur. TE VIDEBO: quia nihil noui de prouincijs decerneretur: itaque utar ea conditione, qua profectus sum, ut annuo imperio terminato reuertar.

IN mea prouincia] Cum Salaminij. RE-
GNO: Ariobarzanis. 85. TVRBULEN-
TIS IN REBUS: cum penè civilibus insidijs
oppressus est. 80. fam. 242:

A' PROXIMA quidem syngrapha,] Quid,
si, A' PRIMA QUIDEM SYNGRA-
PHA? ut centesimæ ducerentur & à prima syngra-
pha, et cū anatocismo. NEC PERPETVIS:
nec sine fœnoris renouatione, sed ut & ipsæ à sala-
minijs soluerentur, & ipsarum item usura, ducta ra-
tione per singulos annos quantum è centesimarum fœ-
nore noui fœnoris crearetur. ita centesimæ non perpe-
tuæ ducebantur, sed renouatæ quotannis: quod supra
dixit, cum anatocismo. 83. 85. QUI AIS: qui
uerū est id, quod scribis? & c. HABEBAT IN
SYNGRAPHÀ: non simul stant, uelle aliquid
perdere, & habere quaternas in syngrapha, quod est
hominis præter modum cupidi. FIERI NON
POTERAT: etenim erat interitus ciuitatis. 83.
EGO PATI POSSEM: qui in edicto transla-
titio, centesimas me obseruaturū, habere, cū anatocismi
anniuersario, nihil ultra. 83. AVLI LEX:
Auli Gabinij.

DE ITA sumpta] De uersura. uetabat lex
Gabinia ius dici, hoc est, debitores in iudicium uocari à
creditoribus de pecunia, quam uersura facta sumpsis-
sent. id ob eam causam, ne prouinciales homines Romæ
uersuram faciendo contererentur. IUS DICE=

RETUR ISTA SYNGRAPHA: ut Salaminij Scaptio & Matinio non soluentes iudicio cogi possent. 91.

HABET iuris idem,] Ista syngrapha nihil habere debet præcipui iuris, sed idem, quod cætera, hoc inquam, ut obseruentur centesimæ cum anatocismo. tantum enim senatus decrevit, ut ne'ue Salaminij, ne'ue ijs, qui dedisset, fraudi esset, iusq; diceretur ex syngrapha inter Salaminios & foeneratores facta: quod sine S. C. non potuisset, lege Gabinia uetante: ergo hoc senatus decrevit, ut & dantibus & accipientibus caueretur: id non decrevit, ut à foeneratoribus exigere tur quaternæ: quod Scaptius postulabat. 83. 85.

ORDINE] Sapienter. inde ductum, quod in ordine consideratio inest, & in consideratione sapientia. sic Philippica III. 191. Recte, atque ordine, eq; Rep. fecisse, & facere.

SPARTACO] Qui seruile bellum excitauit. TENERA INSVLA: imbelli, & delicis potius, quam armis, dedita: quæ uel paucis equitibus posset Scaptius ad lubidinem uexare. contra dixit Virgilius, Scipiadas duros bello.

NEGOTIATOREM neminem] Præfectum haberemus. 82: 85.

CVR potius, quam cohortes?] Fingit se mirari, cur Scaptius, cum pedites minore impensa possit alere,

COMMENTARIUS

equites tamen malit : sed occulte significat, Scaptij consilium esse, ut equitibus ad extorquendas pecunias, insulamq; diuexandam utatur . quod peditum non ita firmo praesidio minus auderet . Et de peditibus C O = H O R S dicitur, de equitibus T V R M A. itaque in oratione pro Marcello pedites equitesq; significat, cum inquit : Huius gloriae Caesar, quam es paulo ante adeptus, socium habes neminem : nihil tibi cohors, nihil turma decerpit.

91.

NEPOS] Is est, qui rem temere profundit. Sed est in Scaptium ironia, qui, non quia nepos esset, sed quia rapinas & uim cogitaret, ideo turmas mallet, quam cohortes. PRINCIPES: Cypri. SCIO: εἰσωνυκῶς : ex hoc, inquit, iudica, num uelint, quod ad me Ephesum &c. EOS LIBROS : quos de Republica, & de optimi ciuis officio scripsi . 86. SCRIPSISSE TE AD ME : ut equites Scaptio ad cogendam pecuniam darem.

92.

HIC omnia facimus,] Ne, a Dolabella accusatus, provincialium hominum testimonijs oppugnetur. » Epist. fam. 40. ad ipsum ita scribit : De me tibi sic pro mitto, atque confirmo; me pro tua dignitate in hac provincia, cui tu praesuis, rogando, deprecatoris; laborando, propinqui; auctoritate, cari hominis apud ciuitates; grauitate, imperatoris suscepturum officia, atque partes. HONESTE TAMEN : quatenus honeste possum. quasi essent non nulla, quae fieri pro Appio non honeste possent. NEC ENIM IPSVM ODIMVS : quanquam & inimici mei frater

frater fuerit, & inimicus ipse. BRVTVM:
Appij generum. fam. 32. POMPEIVS: cuius
filius Appij filiam habebat in matrimonio. fam. 32:
QVAESTOREM: quē postea decessens prouinciā
praefecit. fam. 26. 92.

PAMMENIA illa] Quae acta sunt de do-
mo pueri Pamenis. supra 80: CORCYRAEA:
quā Corcyra dedisti. 92.

POTENTIAE Vestorij.] Cui controuersia
fuerit cum homine tam fatuo, tam nullius consilij. Hic
est Sempronius Rufus, qui Rufio per irrisionē uocatur
69. idem qui in epistola M. Celij, fam. 116: CAE-
CILIAM: Attici filiā. LITERIS: cum Romā
scribes.

Ex epistola III. pagina 92.

IVVARE posses:] Non ideo scribendum ad
te fuit, quod me iuvare posses: quippe res dilationem
non fert: tu autem ab Vrbe longe abes. 80. 81.

92.
πολλὰ &c.] Quid significat? hoc: magnum est
intervallum: multa interiacent.

92.
NEMO igitur potior:] Neminem igitur fra-
tri deo praeferre, si honos est. fratre mihi nemo debet
esse potior. Alij BONVS pro HONOS, contra
ueteres libros Caualcantis & Bessarionis, nec mihi satis
probata sententia. PONTINVS: qui erat &
Pratorius, & triumphalis. EA LEGE: ut, cum
uellet, à me discederet.

AA

QVÆSTOREM] Celius non dum uenerat. Messinium igitur intellige. de quo & 94. 95.
SAGAX: quæro dictionem, quæ uituperet.
nam sagacitas neque uitium significat, neque laudem.
RAPAX, aut quid simile, cum sententia congrueret: sed libri ueteres, SAGAX. ut fortasse referri possit ad furta: quasi, prædæ latentis callidus indagator.

ANNUVS decretus] Mihi ad annuam provincie administrationem. cuius anni cum iam circumactus orbis sit: (adest enim dies ad decedendum constituta, III. Cal. Sext.) frater publico sumptu destitutus, qui tantum bellum sustinebit?

FRATREM;] Cum bellum periculosissimum impendeat. NVGARVM ALIQUID: leuem hominem Messinium. nõ pius, si fratrem relinquo: non diligens, si Quæstorem, rei militaris expertem. nam si fratrem relinqueret, esset quidem diligens, at non pius. 94.

TVA provincia] Tua Epeirotica negotiatio.
THESPROTIAE, ET CHAONIAE: rebus tuis curandis in Thesprotia, & Chaonia: quæ sunt Epeiri loca. CONVENERAM: reuerterat ex Asia in Ciliciam, in qua fratrem hibernis præfectum reliquerat, sed eum tamen non dum convenerat. 81: SI ID PLACERET: si mihi placeret, eum provincie proponere. QUID VELLET: utrum mihi placeret, relinquere, nec ne.

SATISFACTVM: quod difficillimum est, provincialibus simul & publicanis satisfacere. 87:

RES GESTAE: quas enumerat 77. & fam. 23.

245.

92:

CLAVSVLA difficilis in tradenda provincia.]
Hoc extremum non facile possum explicare, quis me de te provinciae praeficiatur. 92:

CERTIORA] Qui ab urbe propius absis.

92:

DE Curione, de Paulo:] C. Scribonio Curione Tribuno plebis, L. Aemilio Paulo Consule, utroque Caesaris causam defendente, accepta grandi pecunia. VI =

CEM: quod publicam causam deseruerint.

93.

CONTENTVS non fuit.] Quaternas ceteras mas postulavit. 83. 93.

IN Pompeium &c.] Ariobarzani creditorem.

84: PROLIXIOR: facilius, liberalior. unde proluxa & benefica natura, in epistola ad Appium: nec alibi semel, & ferè in hanc sententiam. PER

IPSVM: ipsius Pompeii causa. PRAESTARE: praestare aliquem dicimus, cum efficimus, ne quid is committat, secus quam volumus. ut ad fratrem lib. I.

In hac custodia provinciae non te unum, sed omnes ministros imperii tui sociis, & civibus, & Reip. praestare debes. & ad eundem lib. III. Ego Messalam Caesari praestabo. 93.

LIBERIVS] Maneo in mea veteri sententia, ut LIBERALIVS corrigendum sit: non correxi tam me, quia libri manuscripti in dictione LIBERIVS

AA ij

consentiunt. PROMISSA : Pompeio promissa, Bruto curata. IN APPII NEGOTIO : quem à Dolabella accusatū, omnibus officijs, Bruti maxime causa subleuauit. 92. & fam. 40: QVOD LABOREM : quid est igitur, quod animum meum sollicitet, cum in Ariobarzane, & in Appij negotio cumulate Bruto satisfecerim? sollicitat quod proxime scribam : in quo uereor ne Bruto satisfactum non sit.

93.

AMICOS habet meras nugas,] Dubitatur, cum AMICOS dicat multitudinis numero, cur proxime unum nominet M. Scaptium. Dubitantibus respondetur, plures nominari, primum M. Scaptium, deinde alterum Scaptium, postremo Caium. nam quod non omnes accusandi casu subiecit, figura est Ciceroni
 22 usitata, ut 90: His ego duobus generibus facultatem ci-
 22 uitatibus ad se ere alieno liberandas dedi : uno, quod
 22 omnino nullus in imperio meo sumptus factus est. Hic cum expectari uideretur ALTERO, quod VNO responderet; attende, quid subiecit. Hac autem re, incredibile est, quantum ciuitates emerferint. accessit altera. mira erant &c. MERAS NVGAS : leues homines, & quos amicorum numero habere Brutus non debeat. M. SCAPTIVM : in Bessarionis libro MANIVM SCAPTIVM. supra tamen de M. Scaptio legitur, non Manio, 82: 85. Nam quod alij Matinium ex Manio faciunt, necessariā correctionem putantes : mihi secus uidetur: tantum enim eos nominat, quos re cognitos meras nugas appellare potest, duos Scaptios, & Caium : Matinium dixit 82 :

non nouisse . praterea iam ostendi, non esse cur mute-
tur, cum dictio AMICOS inferiora spectet . hoc
addam, obseruasse me, in antiquis libris Manium saepe
esse, ubi in impressis Marcum: contraq; non nunquam,
ubi in his Manium, in illis Marcum, ut in libro de se-
nectute. addam & hoc, quod fortasse non nullis alie-
num à proposito uidebitur, ego tamen gratum fore pu-
to ueterum monumentorum studiosis: Manium tam
prænomen esse, quàm Marcum; deriuatum à mane,
ut & Lucium prænomen à luce. & ut à mane Ma-
nius prænomen, à Manius Manilius nomen: (nomen
pro familia usurpabatur) sic à Luce Lucius, à Lucius
Lucilius, nomen à prænominē. Et quoniam, ut diximus,
in duobus prænominibus Manio & Marco manuscrip-
ti libri saepe dissentiunt ab impressis: inde natus error,
quodd prænomena ueteres ferè una litera significabant:
ut diuinandum fuerit, M. utrum significaret, Manius,
an Marcus. 93.

ME seruaturum,] Ne præfecturam negotianti
darem. 81: 85. 93.

NOLVIT?] Contentus enim centesimis &
anatocismo Scaptius non fuit. 83. 91. 93.

SCAPTIO,] Is est, de quo 85. TRIBV-
NATVM: militū. 93.

CAIVS] Bessarionis liber, GAIVS. forte,
GAVIVS: ut sit is, de quo 85. P. CLODII
CANIS: cum Clodius uiueret. tamen amicum &
asseclam inimici mei ornare uolui præfectura, rogatus
à Bruto. sic in oratione in Pisonem, Clodianum ca-

AA ij

nem appellat Sextum Clodium.

93:

SI IN præfectis habuiffem,] Apparet, Cicero-
nem Caij opera usum non esse, cum tamen ei præfectu-
ram detulisset.

93:

CVLEOLVM uix auderem] Fam. lib.
XIII. 220: scribit ad L. Culeolum provinciae præfe-
ctum: sed eū hic significari, mihi nō fit uerisimile: Cu-
leolum aliū, nullius pretij hominem, uidetur intelligere.

93:

PETERE cibaria?] Quæ præfectis de publico
dabantur.

93:

OPERATIONE] Reponunt non nulli,
ORATIONE: quod languidius uidetur. operatio
ualet turpis instigatio.

93:

DE Appio,] Cum Appium socerum suum mihi
commendat.

93:

GRAVIVS autem] Sine dubio sumptum ex
ueteri poeta: & forte ita scribendum,

=Granius autem:

- 22 Non contemnere se, & Reges odisse superbos. ut Gra-
nium, falsum hominem & dicacem, cuius mentio in
libro de claris oratoribus, poeta nominet, ita dicere so-
litum, Ego neminem contemno, ne me quidem, sed su-
perbos odi. Vides igitur Attice, superbiam ex illo uersu
non amandam. IN QVO: cum ad me tam ar-
roganter scribit.

93:

INSCRIPTAM patri suo:] A te missam.
APERIRE: ante quā ad Quintum patrem mit-
tatur, is autem, Cicerone in Asiam proficiscente, præ-

fectus in Cilicia manserat. 81: DE SORO =
RE: te audisse, illum uelle sorori tuæ Pomponiæ nun =
tium remittere. NIHIL FORE ALITER,
AC DECEAT: diuortium non futurum.

94.

NIHIL amplius.] Alij sic interpretantur:
Hortensium filium non reprehendi, ne patrem offende =
rem. quasi uero patres reprehendentibus flagitiosos fi =
lios irasci aut soleant, aut debeant. Ego potius sic: ad
cœnam uocaui, quod esset Hortensij filius: alijs eum offi =
cijs non sum prosecutus, ne pater, cui scio odiosum, inui =
sumq; esse, moleste ferret, quasi ipsius iudicium repre =
henderem. odit enim Hortensius orator filiũ, quàm diu
uixit: heredem tamen moriens reliquit. Hæc Valerius
Max. lib. V. cap. I X

94.

NE offendam patrem,] Si filium habeam in co =
mitatu meo. MODERABOR: si comitem
effugere non potero; quod reliquum erit, ita eum tra =
ctabo, ut intelligat pater, quem ipse oderit, nec à me di =
ligi.

94.

SI nihil fuerit,] Hic uidetur legendũ, ETIAM
SI NIHIL FVERIT. Bessarionis liber. pro
FVERIT habet FIERI.

Ex epistola IIII. pagina 94.

DISCESSVS noster,] Si à fratre sciũgar.

94.

DE Tullia mea:] De matrimonio 86:

94.

DE literis meis.] Ad senatum, supplicationis

AA iiij

honorem postulantibus.

94:

ὁ ἀπελευθερώσας] Libertus Philotimus. πεφυρα-
νέναι τὰς ψήφους: rationes miscuisse, turbasse, id est, mi-
nus bona fide egisse in emptione bonorum Milonis.
κροτωνιάτου: Milonem designat, Miloni Crotoniata, cui
ius insignis fortitudo fuit, simillimum. ὁ τυραννοκτό-
νον appellat, quia P. Clodium, perniciose molientem,
occiderat. μή τι νοήσης: ne quid intelligas. hoc græ-
ca uerba significant: ego tamen aliquid desidero, ut po-
tius, Ne quid non intelligas, dixerit. neque enim aper-
te scribebat, sed μυστικώτερον. aut, μή τι νοήση: ne quid
resciscat Philotimus. εἰς δ' ἥπου: placeret, ἐν δ' ἥπου,
nisi ueteres libri repugnarent. esset enim ἐν δ' ἥπου τοῦ-
το, hoc quidem unū.

94:

QVANTVM uereor,] De rationibus à Philo-
timo minus sincere administratis. AGMINE: mi-
litū. 78:

Ex epistola V. pagina 94:

QVAM SI domi esses:] Quam si esses Ro-
mæ. ὁ tamen minus à me aberas, in Græcia cum
esses.

94:

QVAM argutissimas] Quæ omnia persequan-
tur diligentissime. Ita locutus est M. Celijs epist. fam.
III. Data opera parauī, qui sic omnia persequeretur,
ut uerear, ne tibi arguta nimium hæc sedulitas uideat-
tur. Deductum nomen ab arguo: quod est indico: ut
argutæ literæ sint, nimiam diligentiam indicantes: ὁ
nimium arguta sedulitas, nimiam diligentiam ostendens.

94:

ἔξ ἁγέως ἐπὶ τὰ λόφου &c.] Ex urbe septicolli scripsit ad me Camillus æs alienum uxoris meæ: ipsam tum ex bonis Crotoniatæ debere mnas XXIIII, & ex bonis Cherrhonesiticis XXVIII, & ex quibusdam bonis heredem fuisse DCXL: tum uero eam ne obolū quidem dissoluisse ex omni ære alieno Calendis alterius mensis: eiusdem uero libertum, cognominem patri Cononis, in uniuersum nihil curasse. hoc igitur primum, ut omnia seruentur: alterum uero, ut ne usuras quidē floccifacias, quæ ducendæ sunt ab ante dicta die. de minis quotcūque ei expēsas tulimus, ualde diffido. etenim erat apud nos diligenter considerans, ac propemodum quiddam sperans: cum uero despondisset animum, stulte abiit, fatus, turpe diu mansisse, inanemq; redisse. nunc interpretemur. CROTONIATÆ: Milonis. MNAS: exactas. CERRHONESITICIS: in Cherrhoneso exactas. 88. COGNOMINEM PATRI CONONIS: Timotheū igitur. AB ANTE DICTA DIE: à calendis alterius mensis. QUIDDAM SPERANS: ex quo apparet, eum inopia rei pecuniariæ laborare, cū à me dona expectarit. 95.

τὰ μὲν δὲ δόμῳ.] Quæ dantur: & subaudi, tenenda: ut dicat, bonorum Milonis possessionem non esse dimittendam. 95.

MOERORE SVO] Propter duos filios à Gabinianis militibus interfectos. Cæsar. lib. III. de bello Ci. & Valerius lib. IIII. cap. I. QVÆSTOR: Caninius: ad quem scribit fam. 28.

95.

MOLESTVS mihi non erat,] Non rogabatur, ut subsidio uenirem. fam. 28 :

95.

ARTICVLATE] Huius uerbi uim uideo multos ignorare: & fuere etiam, qui mutandum censuerunt. Articulate ualet distincte, sumpta metaphora à membris in corpore articulatis diuisis. erat autē adhuc infans Attica, quæ neque satis integre proloqui, neque loquentem quiret intelligere, nisi articulate pronunciasses, ac tanquam singula uerba numerasses. est enim articulus in oratione, ut inquit scriptor rhetoricorum ad Herennium, cum singula uerba interuallis distinguuntur, cæsa oratione, hoc modo: Acrimonia, uoce, uultu aduersarios perterruisti. libro etiam I. de legibus contraria posuit fuisse & articulatis.

Ex epistola VI. pagina 95.

ACCUSATORIS eius] P. Cornelij Dolabellæ.

95:

MECVM egerat,] De Tullie coniugio. & Nero hic est, opinor, de quo fam. 227: est autem Claudia gentis patritiæ: nam & Claudij plebeij fuere, sed hi cognomine Marcellorum: patritij, Pulchrorum, et Neronum. hæc uberius in libro de familijs. ADMVLIERES: Terentiam, & Tulliam. FACTIS SPONSALIBVS: cum Dolabella.

95:

ἐξαινεῖν.] Tanquam spinas euellere. & puto hoc dici: noli exulcerare animum meum numeratis

uitijs illius : non enim opus est , cum confecta res sit .
hoc quidem letari debemus , quodd eius obsequio & com-
mitate mulieres ualde , ut audio , delectantur . neque
enim satis probata superior Dolabellæ uita . quod &
Celij epistola declaratur , fam. 22 :

95:

PLACET hoc tibi?] Donasti frumento popu-
lum Atheniensem : probas igitur huiusmodi largitiones?
NON IMPEDIEBANT : licet hoc per meos
libros de Republica scriptos : quibus in libris improba-
ui equidem largitionem in ciues , (uidetur enim ad ty-
rannidem spectare) sed tua fuit in hospites liberalitas ,
in ciues largitio non fuit , quia tui non ciues , (Roma-
nus enim , non Atheniensis ciuis es) sed hospites Athe-
nienfes : cum Athenis diu uixeris ; ciuis autem fieri ciu-
posses , recusaris . Nepos in uita .

95:

QVONIAM Appius] Puto scriptum fuisse ,
QVOMIAM , antiquo more , id est , cum iam . sen-
tentia patet . Quamquam Appius de προπύλῳ Eleusine
faciundo iam nō cogitet , me tamen de προπύλῳ Acade-
miæ iubes cogitare . 89 : DE HORTENSIO :
de interitu Q. Hortensij oratoris . In Bruti procemio .
DE RELINQVENDO : qui prouinciæ præset .
FRATRI AVTEM : prouinciā tradere .
NEMO ERAT : præter fratrem , & Pontinum ,
Legatos , utrunque Prætorium : sed , fratri , non utile :
Pontinus discesserat . reliquos duos Legatos , Anneium
uidelicet & Tullium , neutrum Prætorium , Quæstori ,
præsertim nobili , sine contumelia non possum antefere-

re. fam. 26. CONTRA S.C. ultra annum a
senatu decretum. TRIENNIVM: triennium
enim Asiae Quintus praefuerat. fam. 26. AD PO
PVLVM: uulgo in me conijcerentur.

96.

QVAE fortuita hominum?] Placeret sic: QVAE
FERT VITA HOMINVM. ut fratrem
excuset; qui potuerit aliquid committere iracundius,
contumeliosius, negligentius, non deprauatae uitio uolun
tatis, sed quod ita ferat hominum uita, ut accidere &
haec, & similia possint. sic, Aetas fert, in oratione pro
Cluentio: Natura fert, de Somnio Scipionis: Adole=
scentia fert, Terentius in Heaut. & Vita hominum,
pro Sex. Roscio. sin FORTVITA placet, ad ui
tia fratris addentur fortunae casus.

96.

NON dimittebat,] Mansisset igitur in provincia
cū patre: facileq; , quia puer, & puer bene sibi fidēs,
commisisset, quod esset nobis magnopere dolendum.

ID CENSERE: dimittendum. censebat autem
Atticus, quia patris indulgentia deprauari filium intel
ligeret. 97: 96.

NON dico equidem &c.] Hoc significat: Nō
dico equidem, quod egerit, non laboro; sed tamen mul
to minus, quā si fratrem reliquisssem.

96.

SINE sorte] Quem illi fors non dederat Quæ=
storem, ut mihi Celium. DELEGIT: quem Hi=
spaniae praeficeret. hic Marcello & Sulpitio Coss. Pom=
peij Quæstor Hispaniae praefuit. eo anno petijt Tribu=

natum pl. insequenti cum Antonio collega pro Cesare intercessit; & deuictis Afranio et Petreio, in Hispania pro Praetore à Cesare relictus.

96.

ANTONIUM:] M. Antonium: quem in Gallia Caesar hibernis praefecit. Hircius lib. VIII. de bello Gal. & oratione II. in Antonium his uerbis: Quaestores factus: deinde continuo sine S. C. sine sorte, sine lege ad Caesarem cucurristi. Quo planum fit, Quaestoribus provincias assignari solitas S. C. sorte, lege. nam senatus decernebat, ut Quaestores sortirentur, uel inter se compararent: deinde sortitio, aut comparatio: tum de his lex Curiata ferebatur, si ordine res confierent.

96.

OFFENDEREM?] Non relinquerem? AUT ETIAM INQUIREREM IN EUM: antiqui libri, Bessarionis & Caualcantis, etiam alij duo minus antiqui, tamen manuscripti, UT ETIAM INQUIRERET MEUM. placet IN EUM: hoc sensu: ego sorte datum offenderem? ut offensus à me, mihi inimicus, etiam in eum inquireret, quem reliquisssem? SENECA UTI QUIDEM NOSTRAE: cui, si tam nobilem adolescentem offendissem, impendebant inimicitiae.

96.

παλιγγενεσία] Alij referunt ad generis nouitatē, ego ad dignitatē post exilij tempora renascentem. ante exilium enim, ut ipse testatur in epistola ad Catonem fam. 247: & provinciam ornatam, & spem non dubiam triumphī neglexerat: Auguratum denique, cum

non difficillime consequi posset, non appetierat: idem, post iniuriam acceptam, studuit quàm ornatissima senatus populiq; R. de se iudicia intercedere: itaque & Augur fieri uoluit; & eum honorem, qui à senatu tribui rebus bellicis solet, sibi expetendum putauit.

Ex epistola VII. pagina 96.

PERCUNCTANDO] Ages hoc tantum cum Philotimo: percunctaberis, de Milonis bonis ecquid agatur: & ut rem explicet, id est ut ipsa bona restituat, hortaberis. 71: 94: ALIQUID ITA TV: suspicor hoc esse ex ingenio: nam antiqui libri, Caualcantis & Bessarionis, ALIQUID AVT. probarem ALIQVANTVM.

96:

APVD duas ciuitates] Deposuit Laodicea, & Apamea: easdemq; totidem uerbis ad ærarium retulit, sicuti lex iubebat, quam Consul C. Iulius Cæsar tulerat. fam. 75.

96:

PVERORVM] Ut inde Cicerones pueros secum deduceret. 78.

96:

SED VOLO] Cupio Romam peruenire ante exitum anni, ut eo facilius impetrem de triumpho, dum uisunt in magistratu, qui supplicationes mihi decreuerunt. fam. 121.

96:

ESEAE] Sic in Caualcantis libro: Bessarionis autem, ESSE. utrunque deprauatum. forte ISSI. nam ex Cilicia nunc Cicero proficiscebatur in diocesem Asiaticas, ut Laodicea & Apamea rationes confectas prius relinqueret, dein nauim conscenderet. Issus autem

nota Ciliciæ urbs . est etiam manuscriptus liber apud
amicissimum meum, in quo simpliciter : Nisi eum gra
uiter ægrum reliquisssem .

Ex epistola VIII. pag. 96 :

NAVIGATIONIS tuæ,] Quia cōmo
de, & sine periculo ex Epeiro in Italiā nauigasti. 100.
OPPORTVNITATE PILIAE : quæ tibi
obuiam progressa, opportune aduenienti occurrerit.
SERMONE EIVSDEM : quodd tibi Pilia
narrauerit de Tullia mea Dolabellæ collocata. 95.

96:

EXERCITVM N.M.D.] Anno insequēti
petendi Consulatus causa. cū enim lex esset, ut absen
tes Consulatum petere non possent ; obtinuerat Cæsar
decem Tribunorum rogatione, Consule Pompeio, ut &
absens, & cū imperio posset petere. CASSIVM
TRIB. Q. Cassium Longinum, Tribunum pl. desi
gnatum, & L. Cornelium Lentulum Cruscillum, Con
sulem designatum. 96:

DE ILLO, qui &c.] Quem intelligat, obscu
rum est. repulsam quidem significari, non obscurum :
quam tulerit is, qui se Ciceroni solitus sit anteferre .
SORORIS TVAE FILII: Q. Ciceronis, quē
frater meus ex tua sorore genuit : cui ego patruus
sum. 66:

APHRACTVS Rhodiorum.] Quo peri
culose, tardeq; nauigauimus, ut integros XX dies con
sumpserimus. 165: 27.

A VCVPATVRI] Captaturi: ut, quæ pri

ma se idonea tempestas obtulerit, ea utamur. tralatio
ab aucupibus uolucres captantibus.

97.

DE raudusculo Puteolano,] Forte, quod pecu-
niam dissolueris, C. Vestorio Puteolano à me debitam.
uide 58 :

97.

VNV S hospes] Plus est, quàm, Dum unus
hostis : cum non modo hostes, sed & hospites Bibu-
lus timuerit. 100: DOMO SVA : cum do-
mo Consul se tenuit metu Caesaris collegæ.

97.

AT multa,] At longior fui.

Ex epistola ultima, pagina 97.

SOLENT tuæ compositissimæ,] Bellissime cõ-
structæ. nũc autem scripsisti uacillatibus literulis, manu
à morbo minus firma. Lucilij uersus in Oratroe sunt.

- ” Quàm lepide lexis compositæ, ut tesserulæ, omnes,
- ” Arte pauimento, atque emblemate uermiculato.

97.

SCRIPSISSE.] Ut intelligerem, non gra-
uiter agrotare, qui cum febris tamen scripsisses : quam
etiam febriculam nominares.

97 :

φυσικοῦ φιλοτιμίαν] Assentior ijs, qui φιλοτιμίαν
hoc loco è Suida interpretantur auaritiam. ut Philo-
timus designetur, qui rationes turbauerat in nominibus
Milonis. 94: 98.

97:

ILLAM ne attingas.] Alij, ATTINGAT.
probo. DICES : Philotimo : ut sciat eam me conser-
uari

uari uelle ad apparatus triumphi. 97:

97:

PRUDENTIAM *literarum tuarum*?]
Quia cum significare uelles, ἀβετεῖν te consilium de fra-
tre relinquendo, aperte non scripsisti, sed tecto uerbo,
ἐπέχων, usus es. in quo tuam prudentiam perspexi.

97:

DUBITATIONE dignum?] Dubitandū
non erat, quin Quæstor Celius provinciæ præponendus
esset. quod si quid esset dubitatione dignum, fratrē ta-
men relinqui cur placeret?

97:

τοῦτο μόνον] Hoc solum scribebas, ne Quintum fi-
lium relinquerem: causas, quare non esset relinquen-
dus, nō adscribebas.

97:

EADEM omnia,] Quid à fratre, si eum reli-
quisset, quid à fratris filio timendum esset. 96.

97:

NON fuit faciendum aliter,] Atque feci, qui
Celiū reliqui. DUBITATIONE LIBE-
RAUIT: cum enim ἐπέχων te uiderem, id est hæere,
& suspensum pendere, incertum quid esset mihi facien-
dum de relinquendo; ἐποχὴ hæc tua mihi omnem dubi-
tationem eximebat; cū intelligerem, fratrem relinqui,
tibi non placere. dubitare igitur non debui, quid mihi
esset agendum. ἐπιχεονία: diuturna: quo uerbo ad-
duci possumus, ut supra legamus, ἐπέχων ter scribebas.
Bessarionis tamen liber, TE.

97:

CENSORIBVS] App. Claudio Pulchro,

BB

L. Calphurnio Pisone Casoniano. REFERATVRNE: à Censoribus ad senatum, ut S. C. fiat de sumptu signorum & tabularum coercendo. fam. 123: MACTE SCRIBAS. ATHENIS: Bessarionis liber, MARCE ATHENIS: Caualcantis, IN ARCE ATHENIS. uerbum quidem SCRIBAS in neutro reperitur, ne in duobus quidem, quos habet amicissimus meus. corrigo igitur sic, & opinor recte corrigo: QVAESO, QUID NOBIS FUTVRVM EST? ut hoc dixerit Reip. timens. deinde, IN ARCE ATHENIS STATIO MEA NVNC PLACET: ut Attico, qui diu uixerat Athenis, significet, qua maxime urbis parte delectetur. STATIO: castrensi uerbo usus est, quia cum militibus erat.

IN LIBRVM VII. CICERONIS EPISTOLARVM AD ATTICVM,
PAVLI MANVTII COMMENTARIVS.

Ex epist. I. pag. 98.

PHILOSOPHI ambulant,] Philosophus enim sauseius ex heresi Epicurea: & omnes philosophi, quia præter sapientiam nihil curent, tarde solent ambulare; tardissime autem Epicurei, quia molles, & labore fugientes ex Epicuri magistri doctrina.

98:

LEGIONIBVS Cæsaris] Quas Cæsar Placentiam Idibus Octobribus adducturus esset. 97:
 φιλοτιμία EIVS: Philotimi: de quo 97: SECVS:
 falsum, de provincia scilicet fratri tradita. 97: DIMICATIONEM: civilem.

98:

MEVM proprium πρόσβλημα] Quæstionem ad me unum pertinentem, utram partem eligam, Cæsaris, an Pompeij, cum mihi uterque sit amicissimus. A PRINCIPIO: iam ante exilij mei calamitatem: quam ideo subiij, quia me ad Cæsaris et Pompeij perniciosam Reip. societatem, cum inuitarer, non adiunxeram.

98:

ἀλλ' ἐμὸν] Homeri uersus in Odyssea lib. IX. quem etiam in epistola ad Cæsarem fam. 2. 10. usurpauit. non potuisti, inquit, persuadere.

93:

OPTIME meritis;] Cum mihi exulanti reditum in patriam unus maxime confecit.

98:

NEC mihi iuncto] Ita putabam, ea coniunctione consuli tum dignitati meæ, tum etiā saluti. I VNCTO, Pompeij ad amicitia refertur: SENTIENTI, ad opinionem de Republica. neque me, inquit, ob amicitia Pompeij peccaturum aliquando in Republica putabam; neque Pompeium ea sensurum, quæ ego si sequerer, contentionem cum Cæsare susciperem.

98:

NVNC sentiat,] Quod eadem non semper sen

BB ij

ferit. CVM ALTERO VINCI: cum Pom-
peio. 98:

NE ratio absentis,] Ne possit absens Cæsar Cōsula-
rum petere. quod ei lege lata à decem Tribunis plebis
populus cōcesserat. VT EXERCITVM DI-
MITTAT: deposito imperio urbem ingreditur, Cō-
sulatū petere si uult. Hæc agentur à Pompeianis, id est
à Consulibus, & omni ferè senatu.

98: NON est locus] Id agam, ne contra Cæsarem
sententiam dicam: tergiuersabor, quantum in me erit:
sed Pompeiani non permittent, urgebunt.

98: DENS AE dextera?] Quas Cæsar mihi cum
suis obiiciet, quasi eas uel oblitus sim, uel contempserim.
VT ILLI HOC LICERET: ut posset absens
Consulatum petere. AB IPSO: Cæsare. RA-
VENNAE: quò Cæsar quotannis ad conuentus a-
gendos uenire solitus erat. DE CELIO: ut M.
Celium, amicissimum meum, Tribunum pl. inducerem
ad legem ferendam de habenda Cæsaris absentis ratio-
ne. quod factum est: latum enim à decem Tribunis
plebis, id est ab uniuerso collegio, Consule tertium Pom-
peio; quo anno Tribunus plebis fuit M. Celiu, ut ex
Pediano cognoscitur in argumento Miloniana.

98: AC NEO nostro] Vide infra, 120. & epist.
fam. 83: & in Cæsaris de ciuili bello libro I. 129.

99. ALLO DIVINO] Hoc uidetur dictum esse

ad gloriam Pompeij, quia Consul sine collega ex S. C. creatus fuerat, quo liberius posset perturbatam civilibus discordijs Rempubicam constituere: sed cum ironia dictum: quippe, cum ipse Consul pugnaverit, ut de habenda absentis ratione lex ferretur: quod contra morem maiorum, contraq; Rempubicam fuit. 120.

99.

ALITER] Contra Pompeium. αὐτὸς ὁμοῦ :
uide supra, 25: 99.

HANC ego plagam] Quam mihi nunc uideo esse accipiendam, quia necesse est in dicenda sententia aut Pompeiū offendam, aut Casarem. EFFVGI: quoniam abfui. MARCELLORVM: quia profectus ante est in prouinciam, quā M. Marcellus referret de successione Galliarum. Et anno proximo, Cōsule C. Marcello, de prouincia decedēs, tamen ad Urbem nō peruenit, tribus mensibus in itinere consumptis. Et dicit EFFVGI, quia licet C. Marcellus Consulatum nondum peregisset; tamen, quod erat eius anni reliquum, uidebat sibi esse in itinere ponendum.

99.

VT stultus] Primum in senatu sententiam rogari, honorificum uidebatur. nunc, inquit, ea me non tenet ambitio. quin ideo triumphum petam, ut extra Urbem maneam cum iustissima causa, dum de prouinciarū successione conficiatur. dicat igitur uel stultus suā sententiam in senatu primus, nō laboro. NIL MI SERIUS: prouincia. 99.

OMNIA illa prima,] Quæ primis literis ad te scripsi de comitum meorum continentia.

BB iij

V T ego amicio inuenirer] Quasi deberem ararij nostri emolumentum negligere, qui Cilicum et Phrygum ararijs consulueram, nullū ab ijs sumptum neque in me, neque in meos fieri passus. 90:

99.

EX supplicatione,] Mihi decreta: quæ solet esse triumphī prerogatiua: nam ferè triumphus eam consequitur. PLVS DECREVIT: quia cū mihi supplicationem non decerneret, tamen in sententia sua summis me laudibus ornauit, cum diceret, innocentia potius, & mansuetudine mea, quàm uī militum, aut benignitate deorum, prouinciam esse seruata. is autem fuit M. Cato, ut fam. 247: IRATVS HIRVS: ut à me in Auguratus petitione superatus. uide fam. 113. 121. 99:

SCRIBENDO] Senatusconsulto: quod ab amicissimis eius, cuius de honore agitur, fieri solet. fam. 248. 99:

DE sententia Catonis,] Supplicationem non decernente. 101. 99:

QV ID ille sententiæ dixerit,] Iniuriam Catonis in supplicatione non decernenda Cæsar commemorat: laudes, quas mihi idem Cato sua sententia tribuit, dissimulat. 99:

POTVISSE impedire,] Si, cum de hostibus ageretur, numerum postularet. fam. 121. 99:

MIRVS est &c.] Placeret, merus: &, germanus Lartidius, expono, quod Lartidij famosi furis

persimilis esset. intelligit enim Philotimum: quem & supra non optima fide bona Milonis administrasse ostēdit. 94: 97: HOC PRIMVM: quod proxime sequitur de Pretiana hereditate. ACCESSIT CURA DOLORI: ad dolorem ex amici morte susceptum accessit cura expediendae hereditatis. 97: QUID QUID EST: etiā si nō ita magna sit hæreditas, ut de ea ualde laborādū uideatur. 97: ILLE: Philotimus, ut opinor. 99:

ἀμεμπτα] Si ad te pecunia in triumphi apparatus redigetur, nō erit quod factum meum Philotimus accuset, tanquam sibi diffidentis, cum te, non quemuis, illi præferam, in pecunia triumphali, non domestica. ἀμεμπτα: causam accusandi nullam. VT LVBEBIT: tibi: faciam de Philotimo, quod suadebis: tuum consilium sequar. refertur enim ad illud, Dijungere me ab illo uolo. in Bessarionis libro, VIDEBIT pro LVBEBIT: quod fortasse VIDEBIT VR esse debuit. 99:

EXPERIAM VR.] De triūpho: nisi enim caute, considerateq; experimur, fortasse Tribunorum pl. intercessionem eliciemus. hoc tu cogites uelim: tecū simul ego cogitabo: ut ad euitandam intercessionem aliquid excogitemus.

Ex epistola II. pagina 100.

AVSTERMITIS] Duabus causis adducor, ut suspicer de mendo: primum, quia MITIS non necessaria dictio, cum idem significet, quod LENISSIMVS, atque etiam multo minus: deinde, quia ueteri-

BB iij

bus in libris scriptum uideo ANCHES MITIS.

100.

MANVM non amabā] Abundare puto MANVM, et esse non necessarium glossema: ut legatur, Ad similitudinem tuæ literæ. quod enim solet esse in repetendo uerbo uenustatis, id sentitur in uerbo AMABAM; si MANVM iteres, non item. alijs aliter fortasse uidebitur: ego de meo sensu iudico.

100.

TIRONEM] Qui mihi in memoriā redigitur mentione Alexidis, quoniā uterque similem nobis operā prabet. Alibi: Quod meus ad te Alexis facit. erat enim uterque à studijs, & epistolis. DILIGI: ipsum. EO: eius consuetudine.

100:

DE TORTORIO] Consentiunt cum impressis manuscripti libri. ex ingenio autem possim equidem afferre, quæ uerisimilia uideantur: sed in obscurissima re diuinātes cur inania captemus? ueri autem simile hoc sit, DE PORTO RO. id est de porto Romam.

100:

CICERONVM] Puerorum. sic 78. Cicerones nostri sunt apud Deiotarum. COHORTIS PRÆTORIÆ: cohors prætoriae est, quæ cum in castris, tum in agmine, atque acie semper adest Prætori. erant autem duæ, una euocatorum militum, altera nobilium adolescentum, qui sua sponte cū Proconsulibus exhibant, duntaxat ob hanc causam, ut usum rerum peritiores domum redirent.

100:

FECIT palam] Fecit heredem presente cohorte pratoria uniuersa: cum alij non palam, sed paucis adhibitis testamentum facere solerent. **TE EX LIBELLA**: omnium bonorum heredem. nam librae nomine significatur omnis hereditas. **ME EX TERVNCIA**: teruncia quarta pars est libra: ergo & quarta pars bonorum. scriptum erat in testamento, ut Atticus, heres ex libra, quartam deinde partem Ciceroni attribueret. **LIBELLA** dixit, familiariter iocatus de Attici emolumento.

100:

THYAMIM] Fluvium, qui, ut inquit Thucydides libro I. Theſprotidem, Cestrinamq; discriminat. & Atticum in Theſprotia habuisse possessiones, dixit 92: Puer autem Q. Cicero significatur.

100:

PROBARI tibi] Contra sententiam Epicuri tui: qui cum diceret, alterius causa fieri nihil oportere, ad se ipsum omnia esse referenda; tollebat σοφὴν φυσικὴν τὴν πρὸς τὰ τέκνα.

100:

BENE CONVENIANT,] Omnes libri ueteres, Bene eueniat: omnes etiam, quos uiderim, Prudentius, paulo post, non, Pudentius. Legamus igitur cum antiquis libris hoc modo: Bene eueniat, inquit Carneades, spurce, sed tamen prudentius, quam Lucius noster, & Patron: qui cum omnia ad se referant, nec quidquam alterius causa fieri putent; & cum ea re &c. Exponamus autem sic: Carneades in finibus bonorum & malorum multa tenet cum Epicuro, & spurce te

net: idem cum alijs, ut puta Stoicis, Academicis, Peripateticis, amorem naturalem erga liberos, ceterosq; homines tenet, & prudenter tenet, prudentiusq; quam Epicurus, qui omnia ad se refert: cum Carneades multa faciat eorum causa, quos naturaliter amat: alioquin inanis esset omnis amor, cum ij, qui omnia ad se referunt, eo ipso quodd se solos ament, omnia sua causa faciant. optat igitur Carneades, ut recte eueniat in illis primis ac summis naturæ bonis, in quibus liberi sunt, quos ipsi nobis fingere ad uoluntatem non possumus. Tecum, inquit, Attice faciunt natura & Carneades: qui quidem etsi uoluptatem in primis bonis habet, in quo spurce cum Epicuro sentit; non tamen habet solam; in quo prudentius, quam ille, sentit. cum uoluptate enim primis in bonis numerat ingenium, memoriam, ualitudinem, uires, formam, liberos, amicos; quos optat sibi contingere, quales uult; quorum causa, non solum sua, multa faceret; contra quam Epicurus. IN IIS LIBRIS: de Rep. 101.

DE RAVDVSCVLO Numeriano] Quodd paruam pecuniam mihi à Numerio debitam exegisti. INTEGRITATIS, IUSTITIAE: cum hæc in me esse dixit in sententia sua. NEGAVIT: supplicationem. A' PVERO: M. Cicerone filio. 101.

QVI eadem liber non iuraret:] Drusus Prætor, cum is, quem manumiserat, eadem liber non iuraret, quæ seruus iurauerat, negauit se manumisisse. negabo ego quoque: quoniam istos, memores beneficij quos putauit futuros, improbos ingratosq; experior. ADDI-

XISSE: iussisse, pronunciaſſe. VINDICA=
RENTVR: in libertatem: quodd prater ipſum alios
quoque ad eſſe oporteret, qui vindicarent. aderat enim
coram Pratore dominus, ſeruus, uindex, teſtes, ſcriba:
neque ſine his iuſta erat addictio liberorum in hoc gene=
re manumiffionis. 101.

PARTHI faciunt,] Sic expono: Parthi, a
quibus maxime timebamus, cum repente diſceſſerint,
faciunt, ut nihil mihi iam magnopere timendum putē,
cum uideam ſolere ea, quæ magnopere timeantur, quā=
doque ad nihilum recidere. REPENTE: ſum=
ma noſtra felicitate. 98: SEMIVIVVM: me=
tu exanimatum, qui porta pedē efferre non auderet.
RELIQUERVNT: ex ipſius provincia diſce=
dētes. 95:

Ex epiſtola III. pag. 101:

A TE ipſo ſcriptæ:] Ex quo de tua ualeitudi=
ne coniecturam feci: nam Alexidis manus indicabat te
non ualere. 101:

DICAEARCHO aſſentiri] Non quodd Di=
cæarchus nominatim provinciarum adminiſtrationem,
ſed quodd γενικὸς πρακτικὸν βίον laudaret, ergo & pro=
vinciarum adminiſtrationem. Atticus contra: ut qui
Ciceroni auctor eſſet de ceſſionis, cum primum ei per
S. C. liceret. alioqui Dicæarchus ualde Attico proba=
tus. 32. 101:

NOSTRA contentione] Quod cupidiffime
expetiui, ne diutius anno in provincia manerē, id per=
fectum quidem eſt, ſed nō noſtra contentione, aut ſua

dio, uerum quia nō est uerbum unquam in senatu factum, quo diutius anno maneremus. parui senatusconsulto, quod erat, ne quis provinciam diutius anno administraret. itaque culpam istius rei non sustineo, quod minus diu fuerim in provincia, quam fortasse mihi fuerit utile. utile autem fortasse fuit, quia cum in ipsam flammam ciuilis belli nunc intelligam me uenire, in dimicatione duorum mihi amicissimorum utram partē eligam, maximo est cum animi dolore cogitandum. 99.

101:

HOC melius?] Quod decesserim. OPPORTUNE DICI: uulgo: ut in hac re.

101:

HABD multum requireres] Diceres me illum ipsum, quem in sexto libro de Republica informauī. agerem enim, & libere dicerem, quæ de Republica sentirem. quod ne faciā, impedimento est triūphi cogitatio. fore enim intelligo, ut libere agens de Republica, multos offendam, quos in triumphī petitione aduersarios habere nollem. 104. NUNC IPSVM: nūc, cum iam de triumpho statuerim. & est genus loquendi cum emphasi usurpatum, ut libro XII. Nunc ipsum ea lego, ea scribo, ut ij, qui mecum sunt, difficilius otium ferant, quam ego laborem. REM TANTAM: triumphī cogitationem.

102.

ESSE cum imperio:] Extra Urbem manere. nam Urbem ingredientēs imperium deponebant. 99. ILLVM: Cæsarem. FABIO, CANINIQVE: Gallo, & Rebilo, utroque Cæsaris Le-

gato. Comm. lib. VIII. III. 102.

CVSTOS VRBIS] Minervæ statua ; quam
in exilium proficiscens, in templo Iouis in Capitolio po-
suit, cum hac inscriptione, CVSTOS VRBIS.
198. 102.

QVIBVS tu es contentus ;] Scribis enim, in
hac civili controuersia te satis putare, si ego tantum id
agam, quod Volcatius Tullus, & Servius Sulpitius,
homines consulares, qui se neutram in partem ualde in-
stabant. SI LICERET : non licet, quia utrin-
que uideo pugnari non de Republica, sed de unius ho-
minis potentia. 102.

CONSULE isto ipso] Cæsare : qui nunc se
Rempublicam ait defendere, oppressam potentia pau-
corum : cum eam Consul idem afflixerit, exitiosis legi-
bus per uim latis. IN CVIVS CAUSA
REIP. SALVS CONSISTEBAT : quodd
exilio Tullij infirmaretur acta senatus : senatus. n. Catil-
linā dānauerat. DEFENSVS : à Pōpeio. PO-
STERO ANNO : Consulibus Pisone & Gabi-
nio, cum in exiliū indignissime sum pulsus. ILLO
MODO : per uim : quia C. Trebonius Tribunus pl.
qui legem ferebat de prorogandō in alterum quinquen-
nium Cæsaris imperio, M. Catonem legi obsistentem in
carcerem duxit. PVGNATVM : à Pompeio
tertium Consule. 99. 120. VNO CIVE : Cæsa-
re : in quem unum translata uires Reip.

102.
τὸ σικάρως τῶν Ἀτρεΐδων :] Tutiorē partem : ut

in classe Achiuorum tutissima nauis Agamemnonis et
Menelai Atridarum . uel : utram principum partem
sequar. σύντομα : breuia . dic breuiter, quid sentias.

102: DAMNATOS,] A iudicibus. IGNO
MINIA AFFECTOS : à Censoribus . C.
CASSIO : prænomen suspicor abundare, & intel
ligendum de Q. Cassio Tribuno pl. qui ad Cæsarem
cum Antonio & Curione confugit. fam. 260.

102: ILLAM urbanam, ac perditam plebem,] Plebs
enim rustica laudatur, urbana non item : ut rustica tri
bus ingenuorum, urbanæ libertinorum. Plinius, Pedia
nus. QVI AERE ALIENO PREMAN
TVR : in quibus Dolabella .

102: OMNIS debet,] Duriuscule positum, pro om
nes debet. IN ALTERAM PARTEM:
in Cæsaris partem, quia rebus omnibus abundat.
ORNAVIT: supplicationes ei decernens, quas idē
mihi ante negauerat. 101:

102: VNVM etiam] Vnum addam de Rep. DE
SVA SENTENTIA: quodd ob amicitiam Cu
rionis, & odium Appij, à Rep. defecerit. fam. 125:

102: CUNCTI Luceijs sint addicti?] Bessarionis
liber, EN VCI LVCEIS SINT ADDI
TI. locus deprauatus.

102.

ID reliquum] Reliquū illud pecuniæ. NON
ACCUSABIMVR: ut negligentes.

103.

AMICORVM multitudine] Vel creditorū:
ut exhaustire nobis omne æs alienum non licuerit, cum
nimium multis deberemus: uel, temporibus eorū: quod
ait in proœmio libri II. de Off.

103.

SERPERASTRIS] Forte, CERBERA
STRIS: quasi, famelicis hominibus, & ad pecuniā,
tanquam Cerbero ad offam, latrantibus. aut SER-
PERASTRIS, uilissimis hominibus, qui nihil su-
blime cogitent, sed humi serpent, pecuniæ, qua nil sor-
didius, addicti. 99. NEMINEM: nullius pretij.
Bessarionis liber, NEMO.

103.

TABVLAS] Testamenti: quibus hæredem fe-
cit te ex libella, me ex teruncia. 100:

103.

HORTENSII] Non oratoris, sed filij. &
LEGATA, quæ hæres debebat testamento patris.
QVID HOMINIS SIT: quid agat, ut se ge-
rat. NESCIO ENIM: Puteolanum fuisse M.
Celium, apparet ex oratione pro ipso. Cū, inquit, omnia,
quæ ad portā Flumentanam sunt, Celius Puteolanus
emerit, nescio, cur ego contra omnia, quæ Puteolis sunt,
non emam, si modo ab Hortensio filio in auctione uen-
dentur. & per iocum, Homo Puteolanus portam VR-
bis occupauit, cur ego Puteolos non possim?

103.

IN addiderim:] In principio epistolæ ultimæ libri VI. ET TAMEN: contra sententiam tuā. DE RE VIDERO: sit oppidum, an locus, nunc non disputabo: ego quidem ut de loco sum locutus. A' C. LAELIO SCRIBI: id ipse non inficiatur in prologo Adelphorum.

103:

HOC mihi ῥήματα] Quod proxime sequitur de Cæsare. de quo multo est magis considerandum, quàm de Piræeo. ILLE: Cæsar, ut eius causam ne oppugnem. RELIQVVM QVANTVM SIT: quantum illi pecuniæ debeamus. 71. 107.

103:

SI LANGVIDIVS;] Si languidius de Republica sensero, facis hoc, dicet aliquis, quia nummos Cæsari debes: si fortiter, statim soluendum erit. ALIQVIS: Popeianus. REPETAT: Cæsarianus. A' CELIO: trapezita: de quo lib. XII.

103:

TARTESSIVM] Cornelium Balbum Gadanum, Cæsaris amicum. ex Gadibus enim alteram Tartesson esse dictā, Plinius tradit lib. V. cap. XXII. EXEVNTI: è senatu. NUMMOS: Cæsari debitos. CVRARE: planius, CVRARI: nec male tamen, CVRARE.

103:

ETIAM] Etiam superest, quod scribam. usitata locutio in familiaribus epistolis. 8. GENER: Dolabella. RELIQUA: mores non omnino probandi.

bandi. 95:

103:

APERVIMVS.] Scis enim, cum de moribus aliorum, qui me socerum cupiebant, diligenter scrutaremur, quales eos inuenerimus. APERVIMVS: quasi intime cognouimus, aperientes introspeximus. Bessarionis tamen liber APERIEMVS: manuscripti duo apud amicissimum, APERVERIMVS: placet.

103:

PERTE egimus,] Ut ei Tullia collocaretur. REVM: reuertentibus enim ex prouincia sepe erant qui diem dicerent, quodd prouinciam auare, aut crudeliter, aut denique contra quam e Republica uideretur, administrassent. RENTVR: irati, quodd eos a Tullia coniugio reiecerim. NEMO OFFERET: Bessarionis liber, OFFERET. duo manuscripti apud amicissimum, OFFERET. quos sequor: ut sit: ego enim pecuniam, ut ab accusatione desistant, nō offeram.

103:

A' PONTIO] Apud Pontium scripta, in Trebulano. 69:

Ex epist. II. pag. 103:

FRVGI] Quod proprie de libertis usurpatur, ut epist. fam. 63. Dionysius autem libertus erat, ut patet supra 62.

104:

SVSCIPERE PARTEIS suas,] Polliceri se pro sua parte adiuturum. REM: de triumpho. TRIBVNVM: qui deinde triumphum in tercessione impediret. PROLIXVS: abundanti. ILLVM: Cæsarē. DETOTARE:

CC

COMMENTARIVS

quam cum Hircio examinavit. AD SCIPIO-
NEM: Pompeij socerum: ad ipsum tamen Pompeiũ
non uenisse. Hic ab impressis dissentiunt manuscripti
libri: VENIRE habent, non VENISSE.

104.

ILLVM,] Caesare. ALTERVM CON-
SVLATVM: ut alterũ Consulatum absens petere
posset. 102. HAEC: summam potentiam, summã
dignitatem. RVERE: contra Rempublicam.

Ex epistola V. pagina . 104.

INVALETVDINE] Ex quartana. 100.

104:

NIHIL unquam] Quod agerem tua causa.
LVSCENIO: malo Tuscenio, ex antiquis lapidi-
bus. DIONYSIVM: qui tibi, quid actum à
me sit in rebus tuis, optime narrabit. 87. 89:

104:

IN Arcanum] Quinti fratris fundum: cum ob-
uiam uiro uenire debuerit. MEVM CONSI-
LIVM: qui negare uelim illum à me liberatũ. 101.

104.

PONTINVM] Prædiũ ad Pontinas paludes.
& ita ratio dierum constat: Pridie Cal. Tarracinam,
Calendis in Pontinum, IIII. Nonas in Albanum, III.
Romam. uerbum SVMAM crediderim abundare,
& additum ab aliquo, qui de Pontino Ciceronis Lega-
to acceperit. 104:

ITER Põpei] Cũ potius ad Vrbẽ manere debe-
at, quod Respublica, hoc rerũ tumore, uideatur eius tũ

consilio, tum etiam presidio indigere. erat enim Pompeius cum imperio, Hispaniarum Proconsul, quas absens per Legatos administrabat.

104.

SI HIC sinat:] si per Casarem liceat.
NOSTRUM NEGOTIVM: triumphum
significari, manifestum est. 104.

Ex epistola VI. pagina 105.

οὐ γὰρ &c.] Homeri uersus δδ. μ.

105.

SED rursus] Quia dixerat se dicturum quæ non sentiat, in quo non uidetur officio fungi boni ciuis: quasi peccatum suum excusauit. dicere quæ non sentias, malum est: sed rursus & hoc malum, me in tantis rebus à Pompeio dissidere.

Ex epistola VII. pagina. 105.

PRIVATIVS] Bessarionis liber, P V T A= T O: Canalcantis, P V T O. in hac dissensione librorum etiam atque etiam est considerandum.

105.

PHILOGENES] Libertus tuus. 89:
QV OAD LICERET: conuenerat inter nos, ut pecuniam sumerem à Philogene tuo: non sumpsi, quia non opus fuit: permisi, ut ipse uteretur, quoad meæ rationes ferrent. uide 75. 76.

105.

GRAVI de causa] Meum enim aduentum expectasset, ut, si de triumpho impetrarem, mecum simul

CC ij

Vrbem ingrederetur. 104:

105:

COMPITALITIVS dies] In oratione in Pisonem suspicor esse mendum, & legendum, Cum in Calendas Ianuarias compitalitiorum dies incidisset, nō, ut est in vulgatis libris, incidissent. unum enim fuisse diem compitalitiū, patet ex Macrobio, & Varrone.

ALBANVM: Pompeij. FAMILIAE: cuius hilaritatem die festo meus aduentus interpellaret.

105:

TVA λήϊς] Quartana correptio. TE COM MOVERI: in Albanum uelim te ad me uenire: sed rursus nolo te commoueas incommodo uoletudinis tuae.

106:

105:

MOLITVS erit,] Ut intercedat Tribunus aliquis, ne possim triumphare.

105:

Αβδερτικόν:] Ridiculū: risu dignum Democriti Abderitæ: nā neque iure fieri, neque necessarium esse, etiam si Respublica id ad Pompeium referat.

105:

VTAR ea porta,] Si Pompeius ideo perget in Siciliam me mittere, quia imperium habeam: ego, ne mittar, statim, quæ prima porta erit, ea in Vrbem ingre diar, abiecto imperio simul & triumphandi consilio.

105:

PER quem sine imperio] Cum enim factum esset S.C. ut successores in prouincias mitterentur, C. Curio Tribunus pl. Cæsaris causam defendens interces sit: & cū de intercessione referretur, primāq; M. Mar=

celli sententia pronunciata esset, qui agendum cum Tribunis pl. censebat; frequens senatus dissensit. ergo senatus culpa successores non missi: itaque sine imperio provinciae, id est sine magistratibus.

105:

SI CUM eo agi] Quo modo agebatur cum Tribunis plebis? fiebant in eos senatusconsulta acerrima, nisi intercessionem remitterent: ut de domo Ciceronis, cum sententiae gravissimae dicerentur in Serranum, qui senatusconsulto intercesserat, pertimuit, & intercessionem omisit. epistola 11. libri 1111.

106.

QVID ergo?] Cum igitur omnia videas infirma pro Republica, & imparata ad bellum, censes dandum Caesari, quod postulat? LEGIS DIES: unde epistolam sequentem, in extremo.

106.

CUM id datum est,] Datum enim Caesari est à decem Tribunis pl. lege lata, non solum ut absens, sed etiam ut exercitum retinens petere Consulatum posset. uel quoddam ita in lege scriptum esset: uel quoddam cum daretur, ut absens peteret, sequebatur, ut & illud daretur. ideo enim absens petere uult, ne exercitum dimittat: datur autem ut absens petat, datur ergo simul ut exercitum retineat.

106.

ANNORVM decem] Per tot enim annos Caesar Galliam obtinuit, contra legem Semproniam. Hoc si placet, placent & illa quamvis iniusta, me patria pulsum à Clodio, quem Caesar Consul ad plebem traduxerat; agrum Campanum diuisum; Clodium adoptatum

CC iiij

à M. Fonteio; L. Cornelium Balbum Gaditanū à Theophane Mitylenæo. hæc enim in actis Cæsaris numerantur. In oratione tamen pro Cornelio Balbo adoptionē Theophanis, quā hic improbat, exagitatam ab accusatore temporarij seruiens defendit. ITA LATVM, PLACET? hoc significat: Si dicam, non recte latū de decem annorum imperio; dicam in Pompeium, quo pugnante latum est, qui me illa reprehendere nō vult. quæ si probo; probem simul & ea necesse est, me pulsum, agrum Campanum diuisum etc.

106.

LABIENI] Cæsaris Legati. DIVITIAE: à Cæsare datæ. MAMVRRAE: quippe qui prius Romæ parietes crusta marmoris operuerit totius domus suæ in Celio monte, columnis omnibus è marmore solidis, Carystio, aut Lunensi, cum esset præfectus fabrum Cæsaris in Gallia. Plinius. BALBI HORTI: quos Pompeius dono dederat. 150.

106.

TRANSPADANI,] Epist. fam. 261. de Cæsare, Gallias, inquit, habet ambas inimicissimas, præter Transpadanos. PLEBS VRBANA: infima uidelicet, & perdita, ex urbanis tribubus quatuor; in quas transferri, ut inquit Plinius, ignominia fuit. 102.

106.

E' LEGE] A' decem Tribunis pl. lata. RATIO: absentis, in petitione Consulatus.

106.

QVID sit optimum] Optimum cum ualentiorē non pugnare. QVID FUTVRVM: ad

utram partem uictoria inclinatura.

106.

ID ENIM agere uidebatur] Qui iam pube-
sceret : aut, qui se colere & ornare diligentius incipe-
ret, ut speciem adolescentis assequeretur : quod ferè illa
ætas solet

Ex epist. VIII. pag. 106:

DIEM tuum] Diem quartanæ: τὴν ἀρτίαν. 105:

106:

RECTVM SIT] Præsertim mulieris testa-
mento: quasi magis licere uideatur mutare nomen, cū
à uiris adoptemur. Dolabellæ uero eo minus licet, cui
non omnia bona, sed nonam partem duntaxat Liui-
a legauerit. erat enim in triente cū duobus cohæredibus,
ut ad eum quasi triens trientis, id est trientis tertia pars
pertineret. QVANTVM: quantum bonorum in
Dolabellæ tertia parte trientis. MVTARE NO-
MEN: ut ex Cornelio Liuius fieret.

106:

LAVERNIVM] Hoc Lauernium non me-
mini. alij LITERNINVM: ut de fundo acci-
piatur. Bessarionis liber, LARVERNIVM.

106:

PARARI,] Ut eius ratio absentis ne habe-
atur.

107.

OCCVRREBAT:] Quem timens à dimi-
catione abhorreo. SIMVLATÆ: quam Cæ-
sar se uelle simularet, cum re uera belli cupidus esset.
PERICVLIS: quid enim non audebit Cæsar Cō

CC iij

ful cum Quæstor eius Antonius tantum ausus sit? quod paulo post subiciet. ANTONII: Tribuni pl. qui paucis post diebus cum Cassio collega ad Cæsarem profugit. fam. 260. 107.

A' TOGA pura,] A' prima adolescentia, post XVI. annum finitum. 80. DAMNATIS: de ambitu, lege quam Pompeius tertium Consul tulerat. qua lege damnatos Cæsar, uicto Pompeio, mox omnes restituit. ARMORVM: quæ minari uidebatur Antonius. ILLE: Põpeius. IPSVM: Cæsarem. QVÆSTOR: Antonius: Quæstor in Gallijs. 96. et Hircius lib. VIII. 107.

TIMERE] Ut simulatam, & periculosam. 107.

IRA relinquendæ Urbis] Hunc locum ut mendosum esse suspicarer, primum ipsa me adduxit sententia, obscuris inuoluta uerbis; deinde uarietas antiquorû librorû: Causalcantis enim exemplar pro IRA habet I: Eessarionis autẽ, INFRA: alij duo, ITA. minime tamen displicet IRA: hoc sensu: Ex illa sententia de pace fugienda, in qua ipse est, quia pacem simulatã putat; sequitur, ut Urbẽ sibi uideat esse relinquendã. ad bellum enim neque paratus est, neque parare potest, cū nihil adhuc senatus decreuerit, aut populus iusserit. IRA: necessitas ei molestissima. MOVET: perturbat. VT PVT O: quia Pompeius hoc quidem occultabat; ne, si diceret Urbem esse relinquendam, omniũ animi ad pacem uel iniqua conditione inclinarent; cū bellum ipse mallet. 107.

BVSTVM Basilij] Pediani uerba hæc sunt

» in Miloniana : Via Appia est prope Urbem monumen-
 » tum Basilij: qui locus latrocinij fuit perquam infamis.
 CUM SIT NECESSE: hoc, et quæ proxime se-
 quuntur, illud spectant, Quod horum malorum mini-
 mum putes. COMITIA: consularia.

107:

TAMEN quiescat,] Prohibere comitia Cæsar
 potest uel iure, uel armis: iure, si paret intercessorem
 Tribunum, qui comitia impediat, tamen ipse quiescat,
 nec arma moueat: armis, si non adhibeat intercessorē,
 sed exercitū adducat.

107:

REM adduci ad interregnum;] Cum enim co-
 mitia usque eò protrahuntur, ut insequens annus sine
 Consulibus sit, interregnum dicitur. Res igitur adduce-
 tur ad interregnum, si Cæsar per Tribunos pl. non pa-
 tietur haberi comitia sine sui ratione.

107:

SENATVM impediens,] Senatusconsultis in-
 tercedens. CIRCUNSCRIPTVS: factō
 aduersus eum senatusconsulto. eodem sensu de Clodio
 » dixit in oratione pro Milone: Senatus, credo, eum Præ-
 » torem circumscripsisset. & de Octauiano Philippica
 » XIII. parata de circumscribendo adolescente senten-
 » tia consularis. est enim in circumscriptione ignominia,
 et priuatio iuris. INTERCLVDENDVS:
 hoc enim, nisi Vrbe relicta, fieri uix potest.

107:

CONTRA dici nihil possit.] Non enim petet
 absens; quod contra leges est: sed presens, tradito exerci-
 tu; quod usitatum. SIC MALO: ut Consula-

tum petat tradito exercitu. ISTVC IPSVM
SIC: Caesarem, tradito exercitu, ad Consulatus petiti-
onem uenire. SI ID VOLET: si tradito exerci-
tu uenire uolet ad petitionem Consulatus.

107:

VIDE Consulem] Ecce iterum habebimus Cō-
sulem, qualem habuimus Consulatu priore, perditum
scilicet, & Reipublicæ exitiosum.

107:

ET eo Consule,] Eo magis est timendus Consul,
quia, eo Consule, Pompeio deliberatum est ab Vrbe dis-
cedere, & ad Hispaniæ administrationem se conferre.
in quo præsente magnum esset Reipublicæ præsidium
contra factiosi Consulis conatus.

107:

RECUSARI non potest,] Si enim, tradito
exercitu, uolet ad comitia uenire, recusare non possu-
mus. INEAT GRATIAM: quia, cum ex
lege à decem Tribunis pl. lata possit absens, et exercitū
retinens, Consulatum petere; tamē de suo iure decedens,
ne mali exempli rem insituat, tradito exercitu ad co-
mitia ueniat. TOLLAMVS: omittamus.

VT IDEM DICIT: paulo ante dixit, Putat ali-
quis: nunc de eodem accipe, & proxime, cum inferet,
Vt ait idem. inducit enim optimatē Reip. causam cō-
tra Caesarem agentem, & de tota re deliberantem.

PRAETERIT TEMPVS: quo modo præterit,
cū ad Cal. Martias Cruscelli Cōsulis finiatur annus, qui
est nonus ex quo Caesar in prouinciam iuit? non loqui-
tur de tempore præterito, sed quasi præterierit.

IMPEDIS:] Per Tribunos pl. MEI RATIONEM: absentis, & exercitum retinentis, quod à populo datum est. 106. NOSTRUM: nostræ voluntatis, qui, ut succedatur, decernimus. DE PVGNES: ex persona Cæsaris. CONCEDIS: quod postulo, ut absentis ratio habeatur. IN EA QVÆSTIONE: quo tempore, aut quo consilio pugnandum. pugnandi enim tempus ostendit casus, cōsiliū autem non à nostra prudentia, sed à temporibus petitur. hoc igitur omisso, affer, si quid habes, ad superiora.

Ex epistola IX. pag. 108.

LAUREATIS.] Imperatores & in literis, & in fascibus lictorum utebantur laurea, devictos hostes indicante. Cæsar de bello civili lib. III. 180: & in oratione in Pis. 108.

AMENTISSIMI consilij.] Temere et stulte Vrbe relicta. STVPENT: ex temeritate & stultitia Pompeij. sed quoniā proprie stupere dicitur is, qui torpore quodam captus languet immobilis, aut inopia consilij, aut aliqua re tarditatem iniiciente, videtur nō absurde posse corrigi, COARCTATVS, ET STVPENS. OMNES, SI IN ITALIA CONSISTAT, ERIMVS VNA. ut OMNES accipiat de ijs, qui causam Cæsaris improbant. ueni autem in hanc sententiā eo libentius, quod et in Bessarionis libro scriptū animaduerti STVPENS, non STVPENT: & particula ET pro

COMMENTARIVS

SED reposita, minima mutatio est: siquidem in antiquioribus libris per t scribitur SET.

108.

CONSILII res est.] Deliberabitur. OMNIA: Pompeij consilia de ratione belli gerendi.

Ex epistola X. pagina 108:

QVAES O, quid hoc est?] Quaeso mihi explica, quo consilio haec administrentur à Pompeio: ego enim non uideo. LABIENVS: Caesaris legatus, summa auctoritatis in exercitu. fam. 261. LOQVUNTVR: cum loquuntur de Caesare.

108:

LVCRETINO] LVCRATIVO, & Cavalcantis liber, & Bessarionis. obscurum, quid significet: nec abest mendi suspicio. Lucretilis Horatio mons est in Sabinis.

108:

QVID SI TV uelis,] Quasi dicat: si tyrannidem uelis, quod uolueris tamen nō assequere. ideoq; fortasse d Cicero non uis, quia si uelles, tamen adipisci non posses. Respondet: Noli putare me tyrannidem ideo nolle, quia, etiā si uelim, adipisci tamen non possim: sed puta ideo nolle, quia, uelle, per se ipsum duco miserrimum. QVIS EST: possum quidem uelle (quis enim non potest? libera cuiusque uoluntas est) sed nolo, quia summam miseriam in ipsa uolūtate constituo, maiorem tamen in re.

108:

AD NOSTRVM.] Pompeium. PERFORTVNAS: in re misera modus obtestandi. ἀπογῶ: mihi explicatum non est, utrū laudem, an secus:

dubius animi neutram in partem pendeo. T V M
NIHIL ABSVRDIVS: ego modo ἀπορῶ, mo-
do nihil statuo fieri posse absurdius. tu, quid sentias, ostē-
de. IDEM: faceres: quod maiores nostri non fe-
cerunt, qui, Vrbe reliqua capta, arcem tamen retinue-
runt. 108:

IN ARIS, & focis] In libertate: cuius ego cō-
servandæ causa, Urbem, hoc est parietes reliqui. hinc
pugnare pro aris, & focis, id est pro libertate.

108:

THEMISTOCLES:] Qui, copiis Persarū
in Græciam influentibus, consilium cepit de urbe relin-
quenda. PERICLES: Lacedæmoniorum bello.

109.

ἐπὲνθόμεθα] Lugebamus gloriam: quasi amissam,
& in Pompeio desideratam. Hom. ἰλ. 1. HOC
CONSILIVM: quodd Urbē reliquerit. EXI-
TVM HABITVRVM: non inutile futurum:
siquidem fugiens Pompeius mirabiliter homines mouet,
ut Cæsari, cui aliquid antea concedebant, nunc nihil cō-
cedendum putent, ne hoc quidem, ut præsens Consulātū
possit petere. consilium autem dicitur exitum habere,
cum succedit quod uoluimus.

109.

DELECTVS,] Militum. VAGVS
ESSE: ut specularer omnia. VIDERE: quia
Romæ es.

Ex epistola XI. pag. 109.

XII. CAL. IAN.] Ex epistolis post proxi-

mam sequentibus perspicuum fit, non esse scriptam hanc
mese Maio, sed mense Ianuario, itaque mendum esse in
uerbo IV N. 109.

LIBONEM.] Sexto Pompeij filio socerum
hunc fuisse, tradit Appianus. nec bonum ciuem iudicat
infra, 147. 109:

ISTVM] Casarem. φαλαγγιστὸν : similes a-
Eliones actionibus Phalaridis tyranni.

109:
RERVM prolatio,] Rerum prolatio, & res
prolata, uideo scriptum à nemine, quid significet. signi-
ficat autem, ut ex accurata multorum locorum exami-
natione collegimus, tempus illud, cum homines feriaran-
tur. declarat maxime Plautus in Captiuis ex persona
parasiti:

- „ Vbi res prolatae sunt, cum rus homines eunt,
„ Simul prolatae res sunt nostris dentibus.
„ Quasi cum caletur, cochleae in occulto latent,
„ Suo sibi succo uiuunt, ros si non cadit :
„ Item parasiti rebus prolatis uiuunt.
„ Et pro Murana, ubi iurisperitos agit: Sapiens existi-
„ mari nemo potest in ea prudentia, quae neque extra Ro-
„ mam usquam, neque Romae, rebus prolatis, quidquam
„ ualet. et ad Quintum fratrem: Res prolatae: ad inter-
„ regnum comitia adducta. et epistola V. libri XIII.
„ Meam stultam uerecundiam qui legari noluerim ante res
„ prolatas, ne deserere uiderer hunc rerum tumorem. RE-
RVM igitur PROLATIO, siue RES PRO-
LATAE, idem est, ac si dicas, uacatio à muneribus :
quae maxime erat ludorum diebus. ludorum autem no

mina, Votui, Romani, Victoriæ, Plebei. quorum primi
 Votui X VII. Cal. Sept. commissi, per quindecim dies
 celebrabantur: & cōtinuo Romani per decem dies: cū
 interea res prolata dicebatur. Confectis Votuis & Ro-
 manis, rursus ad negotia: iudicia fiebant: senatus habe-
 batur: tum publice, tum priuatim quisque satagebat in
 sua re: hoc usque ad V III. Cal. Nouembris. nam cū
 inter ludos Romanos & ludos Victoriæ dies intersint
 XL V. quod aperte ipse declarat libro I I I. in Verrē:
 recte subducenti perspicuum fiet, ludorum Victoriæ cō-
 missionē incidere in diem V III. Cal. Nouembris. ite-
 rum igitur res prolata. Victoriæ autem ludi, cumq; his
 Plebei cōiuncti, dies auferebant octo: ut ad I I I. No-
 nas Nouembris & magistratus, et cuiusvis ordinis ho-
 mines intermissam rei siue publicæ, siue priuatæ admi-
 nistrationem repeterent. itaque 65: Pontinus uult ad
 I I I. Nonas Nouembris triumphare. ex quo patet,
 non fuisse diem festum I I I. Nonas Nouembris.

TARDABIT: quocunque tempore ad Urbem Cæ-
 sar uenerit, statim aget quæ putabit è re sua: non eum
 tardabit rerum prolatio, quo tempore nihil neque publi-
 ce fit, neque priuatim: contemnet antiquum morem:
 sine senatu, sine magistratibus decernet ipse ex li-
 bidine: refringet ærarium; publicasq; pecunias, ad
 usum Reipublicæ seruatas, Reipublicæ ad oppugnationē
 conuertet.

109:

I I S me dem,] Cæsari. αὐτὸς οὐκ ἔστιν ἄλλος: uide 25:
 PVERORVM: Marci filij, & Quinti Ciceronū.
 quibus intelligo me pessime cōsulere, nisi sequor eos, qui
 tenent, qui potiuntur.

109:

EVM finem statuit,] Ait, dum Pompeius in Italia sit, nos eum sequi debere: si cedit Italia, finem nobis esse faciendum.

109:

LICTORES] In epistola ad Celium, fam. 26: Accedit, inquit, molesta hac pompa lictorum meorum, nomenque imperii, quo appellor. eo si onere carerem, quamvis parvis Italiae latebris contentus essem. sed incurrat hac nostra laurus non solum in oculos, sed iam etiam in uoculas maleuolorum. MINVS EXPLICARI: quod in utranque partem multa occurrunt. ἀπορίαν TVAM: solebat enim Atticus non plane suam sententiam explicare, sed uti uerbo dubitationem significante, ut ἐπεὶ 97: ἔτι ἀπορίαν 146.

109:

ILLE] Labienus. ROMAE OFFENDERET: quod non euenit, quia nos urbem reliquimus: itaque non habet, cui prosit, cum ipsi nostram causam perdidimus.

110.

DOMESTICIS finibus] Qui tantum domestica tractes, rebus publicis te non immisceas. VRBIS: rerum urbanarum.

Ex epistola XII. pagina 110.

ILLI] Caesari: à quo cum discessit, uisus est eum sceleris damnare.

110.

PISONEM:] Qui cum ab urbe discesserit, generum suum Caesarem non expectans, quid de eo iudicet, manifestum est. hic est L. Calpurnius Piso, in quem extat Ciceronis oratio, Gabinij in Consulatu collega,
nunc

nunc Censor. fam. 238. Cæsar lib. I. de bello ci.

110.

NE PICENA quidem] Cum eius culpa Cæsar in Piceno oppida occupauerit : unde aditus ad Urbem apertus. 120. quod si Pompeius, in Piceno quantum esset nobis præsidij, cognouisset ; oppidis militum robore ante Cæsaris aduentum firmatis, nunquam in hanc deferendæ Urbis necessitatem deuenisset. quasi enim agger fuit Picenum Urbis tuendæ. placet tamen, quod in Bessarionis libro scriptum est, describere. in eo igitur libro sic: NE EPYCENEA QUIDEM.

110.

QVAM autem sine consilio res stet:] Placet, ut est in antiquo libro apud amicissimum meum, Quæ aut sine consilio res stet?

110.

DECEM annorum] Tot enim anni à Consulatu Cæsaris ad hoc tempus numerantur. & Cæsare Consule Pompeius se cum eo affinitate coniunxit, Iulia uxore ducta. inde eum per decem annos aluit, auxit, armauit.

110:

DVABVS inuidiose retentis,] CUR INVIDIOSE? quia Pompeius simulatione Parthici belli à Cæsare abductas retinuerat. quod factum magna in infamia fuit. itaque Cæsar libro I. de bello ci. Pompeius, inquit, infamia duarum legionum permotus, quas ab itinere Asiæ, Syriæq; ad suam potentiam, dominatumq; conuerterat, rem ad arma deduci studebat. INVIDIOSE igitur, cū odio & infamia. ALIENIS: quod aduersus Imperatorem suum inuitæ duceretur. Hircius libro VIII. INVITORVM:

DD

ut beneficij memoriam conseruantium, quodd agrum Cæ-
panum colerent lege Iulia datum. III:

IIIO:

DOLABELLAE,] Generi mei, qui apud
Cæsarem est: per quem uidetur mulieres tuto in Vrbe
esse posse. fam. 238. 239.

IIIO:

AC DE me ipso] Cui non tam salutis, quam di-
gnitatis est habenda ratio. DE IP SO: de Sexto
Peduceo.

IIIO:

μαρτυρὶς δ' ἄριστος.] Vates optimus is est, bene qui
coniicit. senarius est apud Euripidem.

IIIO:

AENIGMA Oppiorum] Videtur epistola prin-
cipium. NUMERO PLATONIS: Plato
enim Pythagoricis numeris philosophiam obscurauit.

III.

SANCTONES dicis in eo estu, aut diu.]
Caualcantis liber, SACCONES DICES: Bes-
saronis, SACCONE. mihi & hoc uidetur nume-
ro Platonis obscurius.

III.

L. CAESAREM] Filium. Suetonius, ubi
Cæsaris clementiam commendat, Nulli, inquit, perisse,
nisi in prelio reperiuntur, exceptis duntaxat Afranio,
& Fausto, & L. Cæsare iuvene. ac ne hos quidem uo-
luntate ipsius interemptos putant. Hic opinor initium
esse oportere alterius epistolæ; ne eadem iterentur, &
ut brevis epistola sit: nam certe breuitatem significant
uerba illa in extremo: Si scriberem ipse, longior epistola
fuiisset. MANDATIS: Cæsaris: quæ explican-

tur lib. I. de bello ci. et fam. 261. FERAT: Caesar.

Ex epistola XIII. pagina 111:

PARVUM prolixè] Inuiti. nec mirum est, lege
Iulia in agrum Campanum deductos, propensiores in
Caesarem esse. sic alibi prolixè facere, prolixè polliceri.

111:

SECVTORVM] Magis placet, ut est in Bes-
sarionis libro, SCVTORVM: quibus in ludo gla-
diatores exercerentur. LDDFVERVNT:
Bessarionis liber, BISFVERVNT, corrupte: na-
tus enim error ex ignoratione antiquæ notæ: quam si-
gnificare quinque millia, supra ex analogiæ ratione os-
tendimus.

VLLA dignitate] Quæ modo ulla dignitate
sint. epistolarum libro ad uxorem, Videte, inquit, quid
aliæ faciât isto loco fœminæ. quod eodẽ libro dixit, Ve-
stri similes fœminæ.

PRAESIDIA] Assentior legentibus PRAE-
SIDIA, non solum quia sic legendum perspicue signi-
ficant epistolæ duæ ad uxorem libro XIII. fam.
sed etiam quia vicissitudinem quandam harum di-
ctionum in libris observavi, ut alterius altera locum
occupet, quemadmodum in libro de Senectute, De præ-
sidio, & statione vitæ decedere: quod erat in quibusdã
libris, De prædio, & statione. præterea illud infra,
NON INCOMMUNE, aptius ad prædia, q̃
ad præsidia, refertur: nã de præsijs potius TVTO
dixisset. PRORENATA: si quid accide-
rit, in omnem euentum.

DD ij.

III: GENERO nostro] Dolabella : qui pro Cæsare contra Reipublicæ partes arma fert. SEX = T O : Peduceo. 110:

Ex epist. XIII. pag. 112.

ABDVCTIS præsijs] Ex oppidis, quæ occupauerat. QVAS TVLISSET: his uidelicet, ut Pompeius eat in Hispaniam: delectus qui sunt habiti, & præsidia nostra dimittantur: se ulteriorem Galliam Domitio, citeriorem Considio Noniano traditurum: ad Consulatus petitionem uenturum: absentis ratione haberi nolle: præsentem petiturum. fam. 261. AVDITVS in consilio: hic negantem particulam desiderari, declarat insequens membrum. IN SICILIAM: illi assignatam, cum Italiæ regiones descriptæ sunt, quam quisque tueretur. fam. 260:

112. VICERIT] Assecutus erit, quod uult: contentus erit Consulatu. QVO EST INGRESVS: arma enim nunc quidem infert Reipublicæ: quo scelere scelus esse maius nullum potest. ACCIPIENDA PLAGA: nobis: qui de nostro iure decedimus, cum à Cæsare latas condiciones accipimus. RELIQUIMVS: Lentulus enim Consul cum ad aperiendum ærarium uenisset, ad pecuniam Pompeio ex S. C. proferendam, audito Cæsaris aduētū, protinus aperto sanctiore ærario ex Vrbe profugit. Cæsar lib. I. de bello ciu.

Ex epistola XV. pagina 112 :

RESPONSIS Consulū ad Pompeiū,]
Confirmor in mea ueteri sententia, legendum esse, Re-
sponsis Consulū, ac Pompeij. quod epistola plane de-
monstrat, quæ ante proximam est superiorem, & quæ
post hanc proxima sequitur.

112:
NON dubitantem &c.] Labieni uerba sunt
lib. III. de bello ci. Noli existimare Pompei hunc esse
exercitū, qui Galliam, Germaniamq; deuicerit. omni-
bus interfui prælijs: neque temere incognitam rem pro-
nuncio. perexigua pars illius exercitus superest &c.

112:
VENIRE] Iterum. 112: 113:

112:
TIBI assentior.] Non esse, quod ab vrbe disce-
dant, quoad perspiciamus, quo loco sit res.

113.
PETEREMVS:] Nos enim tum Hispaniā
cogitabamus, ubi Pompeij maxima copiæ ducibus Afra-
nio & Petreio Legatis. HOC: Hispaniam petere.

113.
SEXTO] Peduceo. qui Pompeij causa disce-
dere ex vrbe non debetis, ac ne illum quidem amare,
qui uobis locupletibus ac bene nūmatis tā male cōsulue-
rit, vrbe sine præsidio relicta. ETIAM NVNC:
dum agitur de conditionibus. tum autem discedendum
uobis erit, cum, spe pacis exclusa, de hostili Caesaris ad-
uentu timebitis.

DD ij

113.

SI IN Hispaniam &c.] Eat Pompeius in Hispaniam, delectus, qui sunt habitus, & praesidia dimittatur: tum ego tradita provincia, ad Consulatus petitionem ipse ueniam. haec fuerunt conditiones à Caesare late. fam. 261.

113.

AD Pisonem,] Socerum suum. SERVIVM: à civilibus contentionibus abhorrentem. fam. 47:

113:

IMPROBIS,] Caesarianis. INVIDIS: Pompeianis, qui extraordinarijs Caesaris honoribus inuideret. 147:

Ex epist. XVI. pag. 113:

TURPE pace.] Et, turpi pace, & misero bello, placet, ut placere item alijs uideo. aut est turpe pro turpi, sexto casu.

114.

RESPONSA Pompeij.] Ad Caesarem, Romam missa, ut in publico proponerentur. 113. IACEBIT: suo malo repudiabit: populum enim alienabit, qui probat responsa Pompeij. SI ACCEPERIT: pax non honesta consequetur. ἀνατὰ πότον. PARATI: à militibus, & pecunia. CASSIVM: Quintum. nam Caius Pompeianus. fam. 260. NEGOTIVM VTILE: propter urbis portum. IN HISPANIAM: si erit, ut consistere in Italia non possimus.

114.

QUONIAM illius.] Quando huc deducta res est nostra culpa; qui Caesaris alterum Consulatum, quem,

ne si occasio quidem esset, repellere à Republica debui-
mus, (cur enim, quod populus concesserat, ut absens Cō-
sulum peteret, eriperetur?) repulimus etiam sine oc-
casione, cū & illi exercitus essent maximi, & nobis co-
piæ nullæ. 110: 114.

ROGATVS esset.] Imperfectus sermo: deest
enim, intelligo, Scio, aut simile quid. vitium esset in or-
ratione, sed corrigi ferè semper animaduertimus in se-
quenti particula SED, quæ narrationem quodam mo-
do excipit cadentē. 115: & fam. 234: A' GRAE-
CIS: officium non colentibus.

114.

AB Egnatio soluat.] Sumptam ab Egnatio de-
bitore suo pecuniā tibi numeret. VT EODEM
FOENORE VTERENTVR: cōcessit eis, ut
idem, quod antea, fœnus soluerent, cū uideret exaëtio-
nem uniuersæ pecuniæ hoc tempore difficillimam esse.

Ex epistola XVII. pagina 114:

CONCIONIS] Probantis responsa Pompeij
ad Cæsarem. SVIS: ab ipso latis. 112.

114:

IIII. NON.] II. Nonas, cum alijs lego, ex epi-
stola proxima superiore. FVRNII, CVRIO-
NIS AD FVRNIVM: Curio, qui erat apud
Cæsarem, Romam scripsit ad Furnium, irridens L. Cæ-
saris legationem. eas literas Furnius cum suis literis ad
Ciceronē misit, ut ex Curionis literis uideret spem pacis
esse nullā. IRRIDENT: et ex sentētia et ex Bes-
saronis libro, IRRIDET, legimus. CAESA-

DD iij

COMMENTARIVS

RIS: qui tempus tereret mandatis de pace hinc inde
ferendis referendis. lib. I. de bello ci.

Ex epistola XVIII. pagina 114:

IN Italia] Si cum Pompeio mors in Italia sit op
petenda, non recuso. nec tuum consilium exquiro, si ma
neat Pompeius in Italia, quid mihi agendum sit: deli
beratum est enim, & fixum.

II5.
ALICTORES,] Impedimentum & molestia
fugienti. DV CES: Pompeium maxime designat:
quo duce uictoriam non sperat. 110. PHALA
RIM: tyrānum cæde gaudentē. PISISTRA
TV M: mitiorem, & studiosum maxime literarum.

II5.
IAM calere] Iam habere, quod de te ipso cogites,
solicitu de statu rerum tuarum, quia uideas Urbem à
Cneo nostro sine presidio relictam Cæsari patere. calere
dicuntur, quos molestissimis rebus perturbatos inexplica
bilis agitat cogitatio. animus enim æque curis exerce
tur, ut labore corpus. & quoniam animi sedes est in ce
rebro, quod pertinent ferè omnes uenæ: animo affecto
quasi percussus commouetur sanguis, & sanguinis
motum consequitur calor. SVAS NONAS:
ante constitutas. 112.

Ex epistola XIX. pagina 115.

CONQVISITORES] Delectui habenda
do præfecti. ILLE: Cæsar: metu Cæsaris iam præ
sentis non audent. NOMINA: nomina dabant

ad bellum ituri. SPES: uictoriae.

115:

MANDATA] Pompeij. CONSUL:
Lentulus: nā Marcellus non dum uenerat. ILLE:
Caesar. IN NAVI: Casarem fugiens.

115:

NEQVE mehercule &c.] Satis, inquit, scirem,
quid mihi esset agendum, si Pompeio duce uictoriae spes
esset. sequerer inquam eum, quas cūque terras peteret.
nunc ancipiti cura distrahor: nam neque uideor eum
sequi debere, à quo omnia sint acta turpissime: &, nisi
sequor, & ciuis & amici officiū defero. NEQVE
EGO: quia dixerat, Turpissime, culpam à se amouet:
Ego, inquit, particeps ullius consilij non fui. agam ra-
tū, quod me deceat. amicū sequar bene de me meritū.
SATIS FACERE: quodd nullum maius nego-
tium susceperim. fam. 261.

Ex epistola X X. pagina 115:

HVIVS autem nostri.] Tarditatem, aut, igna-
uiam, dicturus fuit; sed omisit: & causam, cur omise-
rit, adscribit. ἀποσιώπῃς. 114.

116.

QUI POSSVM?] Cum Caesar omnia oc-
cuparit. QVO: cum, ubi sit, nesciam. ISTI:
Caesari.

Ex epistola X X I. pag. 116.

LENTULO, & Thermo] P. Lentulo, Q.
Thermo.

116.

ET SI uiuere.] Subaudi, non uiuere est, cū tur=
pem uitam uiuas, qualis erit manentis in Italia.

116:

QVOD patior facile,] Quod ita mihi non dis=
plicet, dum nihil committā mea persona minus dignū.

Ex epistola XXII. pagina 116:

ME QVIDEM non nimis,] Qui Philotimi li=
teris fidem non haberem. 116. CASSII LITE=
RAE: ad Cassium Capua missa à Lucretio. Cassius
enim cum Cicerone erat in Formiano. 116.

Ex epistola XXIII. pagina 117.

ILLVD eum scisse;] Scisse eum malas causas
obtinere: neque enim, male agere, difficultatis est. sunt
qui legant, EVM NESCISSSE: ego sequor &
Bessarionis librum, & cum eo congruentem sententiā.

Ex epistola ultima, pagina 117.

NON uenit &c.] Non mihi accidit, quod tibi:
scribis. n. te saepe exoriri, id est à metu aduersae fortune
respirare: ego autem nunc paulum exorior: quod an=
te usu mihi non uenit. QVOTIES EXO=
RIOR: uerba sunt ex Attici epistola. PICEN=
TIVM COHORTIBVS: cum Domitio con=
iunctis. 116. 117.

INTERDICTA,] Et inuidiose & false di=
ctum: quasi Caesar iam putaret sibi, tanquam Praetori,
arrogandum esse ius in ciues, ac iam proponeret inter=

dicta, animaduersurum se in eos, quos secundo lumine,
paulo post, Romæ offendisset. cum nunc de fuga nemo
cogitet. SECUNDO LUMINE: cras. sub=

auditur autē, Moriere. In oratione pro Rabirio Post=
humo, Regum, inquit, sunt hæc imperia, Animaduer=
te, & dicto pare. &, Præter rogatum si querare.
et illæ minæ, Si te secundo lumine hic offendero, moriere.

RESPVNTVR: timore sublato. AFRAN=

NIO: firmos exercitus habere in Hispania. IN=

TEGRVM SERVEM: ut neque Cæsari, neque
Pompeio me dem. 117.

CERTE uideri possum.] Cū negauerim, quoad
de pace actum est, me ducem ciuili bello futurum. quod
ideo negavi, non quia, suscipere id muneris Reipublicæ
causa, rectum non iudicarem: sed memineram, quod
olim eiusdem Reipublicæ causa feci, cum Catilinæ con=
iurationem oppressi, id mihi summam perniciē attulisse,
pro recte factis in exilium pulso. MVLTOR=

RECTIVS FVIT: quanto enim rectius facit,
qui perniciosam Reipublicæ coniurationem extinguit,
quàm is, qui ciuili bello copias ducit. 117.

EVM,] Cæsarem. CNEVS NOSTER:
cum in tertio Consulatu pugnavit, ut decē Tribuni pl.
legem ferrent, qua Cæsari absenti Consulatum petere
liceret. ALTERVM: quia Consul ante fuerat
Cæsar Bibulo collega. PRO SVIS GESTIS
AMPLISSIMIS: scripserat enim epistolam Pó=
peius ad Cæsarē, in qua erat, Pro tuis rebus gestis am=
plissimis. 123:

QVEM METVAM,] *Cæsarem novi: cuius animum ne offenderem, ideo me ducem civili bello futurum negavi. is enim solet iniurias acerbissime persequi, ut olim, cum, à me læsus in iudicio quodam, P. Clodius inimicum meum, frustra iam pridem à patribus ad plebem transire nitentem, eodem die traduxit, Suetonius.*

QVAMOBREM.] *Quia vereor, ne, cū ego pro Pompeio Cæsaris inimicitias suscepero, ipsis in gratiam redeuntibus ego præsidio nudus Cæsari poenas luā. Hic tacite notat in Pompeio ingrati animi vitium: cuius fautor dignitatis cum iam inde ab adolescentia, in Prætura autem, & in Consulatu adiutor etiam extitisset, se tamen ab eo Clodianis temporibus destitutum recordabatur.*

PVERI] *Cicerones, quorū magister Dionysius.*

PARTHICVS casus] *In nostras provincias subita Parthorum irruptio; ut Pompeium, aut Cæsare aduersus eos proficisci res cogat. CASVS: proprie de Parthis, quorum subitæ & inopinatæ irruptiones.*

IN LIBRVM VIII. CICERONIS EPI-
STOLARVM AD ATTICVM,
PAVLI MANVTII COM-
MENTARIVS.

Ex epist. I. pag. 117:

NEC tamen lata,] Nam ex Lucretij literis co-
gnoueramus, Vibullium cum paucis militibus è Piceno
currere ad Pompeium. 116: SED IN EA: re-
dit ad argumentum epistolæ Pompeianæ. pendet enim
periodus ex illo, Cetera de rebus in Piceno gestis.
CAPVT IPSVM: Vrbem. EVNDVM:
Luceriam. 118.

LAVTORVM, & locupletum,] Illud ad
mollitiem, hoc ad opes refertur. uideo, inquit, futurum,
ut neque lauti pro Pompeio incommoda subire, neque
locupletes suas fortunas in discrimen uelint adducere.
MVNICIPIIS VERO HIS RELI-
CTIS: ora maritima, cui ego præsum, relicta. quod
cum acciderit, omnes prorsus, qui exierant, desperatis
Pompeij rebus in Vrbem redibunt.

118.

HOS lictores] Quia mihi cum lictoribus ad vr-
bem accedenti triumphum deferet Cæsar. quem non
accipere periculosum erit, accipere inuidiosum ad bo-
nos. 120: COMITVM: hos enim uideo in vr-
bē redituros. 109: 118.

NEC stultior est,] Significat, malle se Lepidum,

COMMENTARIVS

Volcatium, Sulpitium imitari, ad urbem redeuntis, quam Domitium, aut Appium, Pompeij comites fugientis: quorum alter stultitiæ nomine male audiebat, alter inconstantiae. BENEFICIO: cum mihi exulanti reditum in patriam confecit. REMVNERERE: non minus longis epistolis.

Ex epistola II. pagina 118:

GLADIATORIBVS suis] Quos Pompeius binos singulis patribus familias distribuerat. III: POSTVLABAT: exigere uidebatur, ut Pompeium laudarem. ILLVM: Caesarem. EFFVGERE: uix enim fieri potest, ut ad Caesarem scribes, non offendam aut ipsum, aut Pompeium. QVIMAGIS EFFUGIAS: id est, nihilo magis effugiam.

ALIUD tu honestum,] Significas, debere me Pompeij causa mtueri, idq; & honestum, & me dignum uideris iudicare: quod ego secus iudico: ducis enim culpa uagamur egentes cum coniugibus, & liberis: hoc non modo non honestum, sed etiam turpissimum. PERDITISSIMIS: Caesarianis.

119.

EXPVLSI,] A Caesare. EVOCATI: a Pompeio. NONERVNT: propediem enim uideo bonorum, id est lautorum, & locupletum, urbem refertam fore; municipijs uero his relictis, refertissimam. 118. NE CAPVAE QVIDEM: urbe relictam si Capuae saltem consedisset Pompeius, minus turpi-

ter fecisse, minus peccasse uideretur. PARVM
EST DIGNITATIS: quia & dux sine exer-
citu, & transfuga: illi autem magnorum duces exerci-
tuum, & Hispania rectores, Pompeij Proconsulis Legati.

119.

IN me * illud] Verbum græcum & hic,
& paulo post, ubi inane spatium est, desideratur: hic
quidem fortasse, κάθομον: quia supra dixerat, Me hor-
taris ad memoriā factorum, dictorum, scriptorum etiā
meorum.

119.

TVM se mihi] Ante quā Urbē relinqueremus,
omnes causam Reipublicæ enixe adiuturi uidebantur.
RES GESTAE: in Piceno. POMPEII
LITERIS: ad Pompeium missis: ut 116: Cassij li-
teræ, ad Cassium missæ.

119.

VBI erit διπλῆ.] Quem ego nota, quæ διπλῆ ap-
pellatur, in margine adscripta indicaui. διπλῆ autem
duplici figura notabatur, aut hac < in extremo uer-
su, aut hac > ante primā dictionem collocata. & δι-
πλῆ, quia duplici linea formaretur. Isidorus libro. I.
Etymologiarum, & Laertius in Platone.

119.

SED non ita] Mendosus locus, & in mendo cō-
sentit uterque Causalcantis & Bessarionis antiquus li-
ber. nihil igitur ausim immutare: subsidium à manu-
scriptis libris expectemus.

119.

ALIQUANTO secus,] Nunc ais te putare,
si Pompeius Italia cedat, mihi unā cedendum: antea

monebas, ne me dare incerta et periculosa fuga. 116.

119.

TRIGINTA] Ne dū unus. ESSENT:
Athenis, à Lacedaemonijs impositi. PEDEM POR=
TA: ut mihi liceat eius exemplo domi meae uiuere.
TECVM LOQV AR: non enim literis commit=
tenda. VIDER O: considerabo, quid mihi agen=
dum, Pompeium sequar, an in Vrbem redeam, aut in
aliquod oppidum uacuum à bello secedam.

Ex epistola III. pagina 119:

SALVTEM meam,] Cum ab exilio sum eius
ope restitutus. CONSILIO, VEL FOR=
TVNA: refero consilium ad familiarem bene meri=
tum, fortunam ad ducem Reip. SACERDO=
TIO: auguratu. 120.

PER uim, & contra auspicia] Cum Caesar, lege
agraria promulgata, obnunciantem collegam armis fo=
ro expulit. Suetonius, Plutarchus, alij.

120.

GALLIAE ulterioris] Suetonij uerba sunt:
„ Initio Caesar Galliam cisalpinam, Illyrico adiecto, lege
„ Vatinia accepit: mox per senatum Comatam quoque,
„ ueritis patribus, ne, si ipsi negassent, populus & hanc
„ daret. 120.

ADOPTANDO] Adoptione Clodius fa=
ctus est plebeius, statimq; Tribunus pl. rogationem tu=
lit in Ciceronem, quia ciues Romanos contra leges occi=
disset. QVAM RETINENDI: hinc illud in
„ epistola M. Antonij: Mi Cicero te rogo, ut tibi omnia in=
tegra

» tēgra serues, eius fidem improbes, qui tibi, ut beneficium
 » daret, prius iniuriā fecit. 162. PROVINCIAE
 PROPAGATOR: ut Caesari provincia in alte-
 rum quinquennium propagaretur. quod Tribunus ple-
 bis C. Trebonius tulit, iterum Consulibus Pompeio &
 Crasso. 102. IN OMNIBVS: intellige suppli-
 cationes maximas decretas, decem Legatos, stipendium
 ex arario, legionem de ipsius exercitu concessam.

120.

LEGE quadam sua,] Cum enim Pompeius le-
 gem tulisset de iure magistratuum, acciderat, ut eo ca-
 pite, quo absentes à petitione honorum summouebat, ne
 Caesarem quidem exciperet per obliuionem. deinde lege
 iam in aes incisa, & in ararium condita, correxit erro-
 rem, unumq; Caesarem excepit. Suetonius. SVA: quā
 Consul tulit. FINIENTI: ante tempus lege Tre-
 bonia datū. Suetonius. CONDICTIONES:
 à Caesare latae. 113.

120.

NVLLA causa,] Optimam enim causam Pom-
 peius ipse sua tarditate & ignauia perdidit. INA-
 NISSIMA: cum ab hominum frequentia, tum
 à comitatibus. AB IMPETV: non eiusmodi
 regio, ut bellum aut in ea sustinere, aut ex ea inferre
 possimus. MARITIMA OPPORTUNI-
 TAS: ut classe fugere possemus. CEPICA-
 PVAM: cum Italiae partes describerentur, quā quis-
 que partem tueretur. fam. 260: SINE CAV-
 SA: ideo inuite, quia sine causa.

120.

IN alteram partem:] In Caesaris partē. IPSI:

EE

COMMENTARIVS

Pompeio. CVM ILLO NON: simul cū illo
discedere ex Italia non possum: ire enim Luceriam ad
eū tuto mihi nō licet. CVM ESSEM PRO=
FECTVS: sic Bessarionis liber, et recte: neque enim
proficisci est peruenire, sed discedere ut peruenias.
aliq, Profecturus. 120:

NAVIGANDVM] Si Pompeium Italia
cedētem sequi uolumus. ALIQUID SE HA=
BERE POPVLARE: quod populus probet:
quia multis ab eo beneficijs ornatus, cōtra tamen arma
tulerim. 67: 119: 120:

COMPEDES,] Detinent enim me; ut ne=
que exire ex Italia, neque ad Urbem ire, neque obscuro,
humiliq; loco latere possim. 118. & fam. 26:

120:
RESTITERO,] Remāfero. IN HAC
PARTE: apud Casarē. IDEM FECERO:
clarissimos uiros, & in Republica principes, Philippum,
Flaccū, Scaeuolam imitabor, qui patriā bellum inferre
noluerunt. 120:

QV O QV O modo] Quia, cum in Vrbe remā=
sisset, mox interfectus est iussu Consulis C. Marij iunio=
ris. Florus. FORE VIDERE: ut occideretur
in Vrbe, quam uideret in potestate crudelissimorum.

120:
THRASYVLVS,] Atheniensis: qui ar=
matus accessit ad patriā moenia, ut eam à triginta ty=
rannis liberaret. 120:

SERVIRE tempori;] Seruitutē ferre, & in
patria manere. NON AMITTERE TEM=

PVS: excutere seruitutis iugum, ubi possis.

121.

SCIPIONEM] Socerum suum. DVA= BVS: infra scribit Pōpeius XIIII. cohortes misisse Brundisium. 129: PRAEMISERAT: quod argumento est, Pompeium de ope Domitio ferenda non cogitare, sed habere in animo cū suis copijs mare transire.

121.

FAVSTO] Duos gemellos Sylla Dictator ex Metella suscepit. alterum Faustum, quo de hic agitur, quem postea victor Caesar sustulit: alteram Faustam, quæ Miloni nupsit, nominari uoluit. Plutarchus.

121.

A' CONSVLE] Antiqui libri, CONSV= LIBVS: sed placet CONSVLE, ex ipsa Pōpeij epistola. 129: FABIVM TVVM TRAN= SISSE: in castra Afranij. EXQVIRENS: ut scribas ad me, si Pompeius Italia cedit, quid mihi censeas agendum.

Ex epistola IIII. pagina 121:

MEMORIA bona.] In literis. MELIO= RE: memorem enim huius iniuriæ sentiet.

121:

EFFVGISSE scis,] Scire te oportet: ut il= lud in epistola Celij, fam. 123: Prope oblitus sum, quod fuerat scribendum: scis Appium Censorem hic ostenta facere. DESERTVM: amissa Italia. CON= FECTA RES EST: de Italia actum est.

EE ij

COMMENTARIUS

Ex epistola V. pagina 121.

FVRIOSE] Sine ratione. CERTIOR
FVIT: se furiosè fecisse.

122.

EVMISSE πολλὰ μάτην &c.] Hoc totum
ijsdem ferè literis uidetur posse resitui, sic inquam:
Euenisse: πολλὰ μάτην χέρεσσιν ἐς ἡέρα θύειν δῆτα. ut
sit spondaicus ex uetere poeta. EVENISSE: ut
mihi malediceret; cum derem manibus frustra feriret,
iratorum more. SED MEAM MANSVE-
TVDINEM: seruabo: non pergam ei merenti ma-
ledicere. iam enim coeperat in Dionysiu maledicta re-
torquere, cū dixit, suo capiti. seruat autem suam mā-
suetudinem, quia non pergit maledicere: sed iram ostē-
dit, quia non perficit orationem.

122.

CORFINIENSI,] Vide 121. AD
EVM: in Græciam.

Ex epistola VI. pagina 122.

AD CONSVLEM: L. Lentulum. 127.
VIII. CAL: aut hic XIII. legendum, aut infra
VIII. legendū, 127. 131. NVNC, VT EGO
&c: placet eorum coniectura, qui ita legunt: Nunc,
ut ego non scribam, tua sponte te intelligere scio, quanti
etc. PRIMO QVOQUE TEMPORE:
ut possimus quamprimum Domitio subuenire.

122:

IN ADVENTV] Fore, ut Pompeius Corfi-

nium adueniens magnum inimicis terrorem inferat.
MVTASSE: Bessarionis liber, MVTASSET.
locus deprauatus. 122:

NON esse æquum,] Iocus est. quasi fuerit hoc
in Pilæ manu, ut quartanam ipsa posset abijcere.

HABERE: quartanam: in quam inciderat. 104.

VESTRÆ CONCORDIÆ: ut cum tu
ualeas, ipsa ægrotet. ALTERA: quartana.

Ex epistola VII. pagina 122:

AMICO nostro] Pompeio.

123.

VICTVS sum:] Victus enim Pompeius Ita-
lia cedit. uide igitur, quæ in solitudine uerser; cum
neque Pompeium, tam multa peccantem, sequi debeat;
& manere in Italia, peracerbum sit; propterea quod
neque ista, (132.) quæ à Cæsare fiunt, uidere possum,
neque ipsum Cæsare. QVENVNQVAM &c.
nunquam putavi futura. non enim hæc tam misera,
tam calamitosa timui, quæ uix uiderentur euenire pos-
se, quæ tamen nunc uideo euenisse. MEIS: Vrbe,
propinquis, amicis. MEMETIPSO: non modo
meis careo, sed nec ipse colere possum eas artes, eamq;
uitam, cui me diuturna consuetudo assuefecerat.

123.

VIATICO,] Quod erat ex Italia exeûti ne-
cessarium. MONETA: locus erat, ubi moneta cu-
debatur. inde uult à Philotimo pecuniâ sumi, tradito,
quod etiam nunc solet, auro argento'ue infecto. NE-
MO: ex ijs, qui debent. OPPRIS: fœneratoribus.

EE iij

TVIS CONTUBERNALIBVS: qui domi-
tuae ita frequentes sint, ut contubernales tui uideri pos-
sint. 30: APPOSITA: de uiatico scripsi ad
Philotimum: tibi cetera mandabo ad hoc meum disce-
dendi consilium apposita.

Ex epistola VIII. pagina 123.

AD CONSVLES.] Legeré, AD CON-
SVLEM: primum, quia, Domitij literis acceptis scri-
psisse Pompeium ad Lentulum Consulem, supra mani-
festum est, pag. 122. & pag. 127. deinde, quia CON-
SVLEM potius, quam. CONSVLES, Bessario-
nis liber significat: habet enim sic, consut: & lineam
illam, quæ l literâ interfecat, scimus, cū pro apice super-
inducitur, modo e, modo m ualere: ut hic fortasse pro
utraq; à festinante librario posita sit.

123.

FVLSISSE] Quia uidebatur Pompeius in
ijs ad Consulem literis de ope Domitio ferenda cogita-
re. 127. & FVLSISSE, quasi non uidisset antea
τὸ καλὸν Pompeius. sic de Casare, ὁ ἄνθρωπος ἀμενέ-
& miserum, qui ne umbram quidem unquam τοῦ κα-
λοῦ uiderit, 108: 123.

πρὸς ταῦθ' ὅτι χρεὶ,] Locus Aristophanis in comæ-
dia, quæ inscribitur Ἀχαρνῆς, hic est, Πρὸς ταῦτα κλέων,
καὶ παλαμάδω, καὶ πᾶν ἐπ' ἐμοὶ τεκταίνε' ὀδῶ. uerbum
αὐτὲ κλέων Cicero omisit, quia iam dixerat, exclamas-
se: de suo interposuit, ὅτι χρεὶ; ut significet, plane oportu-
m fuisse Pompeium ita exclamare: reliquum uidetur ad
præscriptum ueteris poetæ corrigendum. sensus est aut

hic: Omnia faciant, omnia contra me moliantur, & struant: ego, quod rectum est, sequar. Aut hic: Omnia tentatote, omnemq; in me spem ponitote seruandæ Reipublicæ. ut uerba sint Consules cohortantis, profitentisq; se ducem contra malos ciues. ideo autem probari potest posterior hic sensus, quoniam, cum illa sint ad duos, recte accipiendum uidetur ad item duos Consules à Pompeio exclamata. 123.

A T ille tibi,] Hunc loquendi modum latine scribentes apte usurpabunt subitis in rebus, & præter expectationem contingentibus. magistro Cicerone fiet.

πολλὰ χαίρειν τῷ καλῷ D I C E N S : abiecta honesti cura : ut illud in epistola, opinor, ad Voluminium: Multam salutem & foro dicam, & curiæ. 123.

Q U O A D T E plura scribam.] Quo possim ad te plura scribere. negantem enim particulam neque Caualcantis liber habet, neque Bessarionis.

Ex epistola I X. pagina 123.

EPISTOLAM meam] Ad Cæsarem. 118: 147: 123:

ILLE IPSE: Pōpeius. 117. I T A T E M P V S F E R E B A T : temporis causa ita scripsi ad Cæsarem. V O S D V O : tu, et Sextus Peduceus: qui Cæsari Romam uenienti obuiam prodire ad quintū milliariū cogitatis. 123:

N V N C ipsum] Hoc ipso tempore. nunc ipsum enim plus ualet ad indicandum, quàm nunc; ut et & supra docuimus. R E C I P I E N T I : Cæsari

EE iij

se ad Urbem recipienti obuiam prodibitis ad quintum miliarium, unde autem se recipienti? à uictoria de ciuibus parta, pulsus Italia Reipublicæ partibus.

123.

MINIME uos quidē:] Quia tempus ita fert: & uos non ex animo, sed simulate gratulatu-
ros probe scio: ueruntamen, si obuiam proditis ad quintum mi-
liarium, & à bello ciuili redeuntem gratulatione exci-
pitis, quis distinguet simulationem à uoluntate? uolun-
tas inquam hæc uidebitur, non simulatio. uoluntatis
enim hæc signa sunt, non simulationis. CONTVR-
BANTVR: quæ signa uoluntatem à simulatione
distinguerent, ea ita conturbantur hoc officio gratula-
tionis, ut internoscendi facultas non detur. QVÆ
VERO: uideo fore, ut senatuscōsulta fiant, cuiusmodi
Cæsar uoluerit.

124.

TULLO] In libro Bessarionis, VLLO: nos
TULLO non dubitauimus quin legendum esset, cū
hic Cicero significet L. Volcatium Tullum, qui Consul
fuit cum M. Aemilio Lepido. de quo etiam epistola hu-
ius libri prima, Nec me, inquit, M. Lepidi, L. Volcatij co-
mitum pœniteret. & 146. ILLIUS: Tulli.
AB ALIIS: ad alios missæ.

124.

MINVS mouebant.] Exissem ex Italia, quā-
uis illi non exirent. habet enim à me Respublica innu-
merabiles actiones pro salute patriæ quasi quædam pi-
gnora, ut iā à me ipso uix uidear posse dissentire. quod
illis æque nō accidit. minus enim multa dederunt Rei-
publicæ pignora: (132.) ut ab illis non eadem, quæ à

nobis, expectentur: ideoq; , si manent in Italia Pompeio discedente, lenior eos vituperatio sit cōsecutura, quā me, si idem consilij capiam. nūc autem auctoritas tua facit, ut manendum putem.

124.

RELIQVI temporis] Scribis enim sic: posterius me profuturū Reipublicae, si mansero. PRAESENTIS TVENDI: vis enim me in Italia manere: quod tuta mansio sit, discessus & mihi periculosus, nec Reipublicae utilis. 145:

124.

ALTERVM] Caesarem. PLAVSVS QVAERERE: consequi, ut laudetur, cum Rempublicam oppugnet: Pompeium autem, qui defensionem suscepit, vituperari: cur? quia Caesar Domitium, aliosq; ciues, sibi inimicos, Corfinij captos conseruauit; Pompeius deseruit.

124.

NISI erit conuentus.] Habet amicissimus meus in antiquo suo libro, Nisi non erit conuentus. quod cū aliquandiu cogitans examinasset, ut in librorum disensione soleo, ueni in hanc opinionem, detrusum suo loco NON in alienū migrasse; uitiosumq; esse, POSSE NON ARBITROR, NISI ERIT CONVENTVS; sincerum, POSSE ARBITROR: NISI NON ERIT CONVENTVS. putabat enim Cicero ante Lentulum esse cum Pompeio transmissurum, quā a Balbo conueniri posset. apertius 125: 138.

124.

OMNIS HAEC] Qua Caesar uirur.

COMMENTARIVS

VNAM ILLAM: in extremo timendā: ut deinde victor, abiecta clementiae simulatione, omnes tollat.

124.

BALBV S maior] Is, quem Tartessium vocat 103: HAEC CREDIS: ἡρωικῶς. HOC τῆρες: Caesar.

Ex epistola X. pagina 124.

IN nummis haberet,] IN NOMINIBVS HABERET, est in amicitissimi antiquo libro: quod magis placet. est enim hic, ut saepe, nomen pro debitore. NESCIRE QVO LOCI ESSET: elegans locutio, pro, nō plane sibi nota esse, ea se uelle recognoscere.

Ex epistola XI. pag. 124:

CONSISTIT] Tum consistit consilium, cū cogitando aliquid explicauimus. NIHIL EXPLICATVR: quod mihi nunc accidit: ideoq; leuatur cura.

124:

ILLVD tamen] Cum uerear, ne, nihil cū proficiam quotidiana lamentatione, de decori sim studijs, ac literis nostris: lamentationi tamen totos dies damus. ETIAM: praeter quā quidd nihil proficio. NOSTRIS LIBRIS: de Republica.

125.

NON ariolans] Non diuino furore cōmotus, ut olim Cassandra, cui uera praedicenti tamen nemo credidit.

125.

IAMQVE mari magno] Hemistichium ex uo

teri poeta: cuius integri sunt uersus ex persona Cassan-
drae uaticinantis libro I. de Diuinatione:

- 22 Iamq; mari magno classis cita
- 22 Texitur: exitium. examen rapit,
- 22 Aduenit, & fera ueliuolantibus
- 22 Nauibus compleuit manus littora.

125.

NON multo secus] De bello ciuili, atque Cassan-
dra de Troiano. NON OCCURRIMVS:
non licuit nobis Pompeium adire, cum discessurus esset.

120: 127.

125.

PROSCRIPTIO] Quae nominatim est
de certis. PERTIMESCENDA: uterunque
uincet, aut Caesar, aut Pompeius. VNIVERSE:
aduerbium omnes comprehendens, ut generaliter.

125:

QVOD quierim:] Quod nullum maius nego-
tium susceperim, & Pompeio ex Italia exeunte reman-
serim.

125:

BRVNDVSIVM] Ut Pompeium fugien-
tem assequeretur. PARTHICIS REBVS:
quarum exitus inanes. nam etsi Parthi subito cursu in
prouincias irrumpentes magnū inferunt terrorem; ta-
men haud magna calamitas consequitur, iisdem conti-
nuo discedentibus.

Ex epistola XII. pagina 125:

ADDVXIT,] EX Piceno. Caesar lib. I. de
bello ciu.

COMMENTARIVS

Ex epistola XIII. pag. 126.

VIRTVTEM, industriamq;] In colligendis,
adducendisq; Corfiniū militibus. IN EA ORA:
Campana. 109. 126.

EPPIVM,] Eppiorum familiam non novi.
Caualcātis liber, et alius amicissimi mei, OPPIVM:
ut ex utraque parte Oppij fuerint, Cæsaris, & Pom-
peij; sicuti et Domitij fuere, Calvinus pro Cæsare, Aeno
barbus à Pōpeio. 126.

CVM auctoritate,] Vt consularem. CON-
SIDIO: fortasse Noniano: de quo fam. 261.
T. AMPIVM: eum, ad quem extāt epistolæ, fam.
89. 161.

Ex epistola XV. pag. 126:

DIALIO] Placet, quod alijs, ut & hic, & 129:
legatur, D. Lælio: qui Pompeianus fuit. Bessarionis li-
ber, DICALIO. alius DVELLIO.

127.

CORFINII aēta] Domitium, & eos, qui
unā essent, Cæsari se tradi disse.

127:

FORTISSIMIS uiris] Domitio, Lentulo,
Vibullio, alijs, qui Cæsaris in potestatem uenerunt.

127:

DE VRBE] Non relinquenda. DE ITA-
LIA: relinquēda. EADEM TIMEREM:
Cæsarem Consulem. 107: LARGE: liberaliter,
prolixè.

128.

D V X I meam rationem] Hoc cogitavi: quid?
non esse mihi faciendum, ut Caesaris animum offende-
rem: itaque pacis auctor fui, uel cum ijs conditionibus,
quas ille ferret, qui bello civili nihil miseriùs intelligere.
feci; id eo libentius, quia, cum ad pacis condiciones ui-
derem à te honorifice, largeq; responderi, meum consiliũ
non arbitrabar à tua sententia discrepare.

128.

M E R I T I S] Catilinæ coniuratione oppressa,
lege agraria dissuasa, discordia inter equites & plebem
sublata, Senatus auctoritate in Rabirio defendendo
confirmata, proscriptorum filiis administratione Reipu-
blicæ remotis, ne illam parentum memores in magistra-
tibus turbarent. S V P P L I C I A: exilium, publica-
tis bonis. S I O F F E N D I S S E M E I V S
A N I M V M: si Casarem quauis leuiter offendissem:
nedum, si, bello suscepto, me inimicum illi aperte inimi-
cum ostendissem. quasi dicat, si quid cõmissem, quod
ex illius uoluntate minus esset. C V M I A M I N
A R M I S E S S E M V S: postquam Tribuni pl.
ex Vrbe fugerũt: quo facto in armis esse cœperũt. di-
cit idem in proxima epistola. S V B I C E R E R
E I S D E M P R A E L I I S: uerebar scilicet, ne,
uobis in gratiam redeuntibus, ego deinde tuo præsi-
dio nudatus, Casari, quem offendissem, pœnas darem.
Notat autem latenter perfidiam Pompeij, cuius in a-
micitia iam ante Clodianis temporibus parum senserat
esse præsidij. Antiquus liber, obijceret pro subijceret.
E I S D E M: ut olim pro Republica. pugnandum, in-

COMMENTARIUS

quit, mihi cum Cæsare fuisset, sicut olim cū P. Clodio.
uide 160: 128.

VIDERETVR habere populare.] Vt ego
potissimum deligi uiderer, in quem improbi ciues impe-
tum facerent: ut ego ad perniciem non minus appete-
rer, q̄ appetuntur ea, quæ popularia sunt. HÆC:
hæc incommoda, quæ pertimui, si offendissem Cæsaris
animum. DENUNCIATA: ab ijs, qui Cæsaris
cōsilia nouerant, ut à M. Celio. fam. 124: HO-
NESTE VITARE: uidebar autem honeste ui-
tare, cum pacem suaderem. in quo nō tam meis, quàm
Reipublicæ rationibus consulebam.

128.

RATIONEM nostram] Cur pacem suase-
rim. RELIQUI: desperata pace cur ad te non ue-
nerim. non enim licuit: ut in hac ipsa epistola iam
ostendit. CONDITIONIBVS: ut ad pa-
cem res deduceretur.

Ex epistola XVI. pagina 128:

VATICINATIONEM] Vsurpauit. n.
illud Cassandræ, iamq; mari magno. 125. EXCV-
SATIONEM: æque apud Cæsarem, et Pōpeium.

128:

NEQVE tum peccaui,] Neque contra Cæsare
peccaui, cum Capuam accepi: neque contra Pompeiū,
cum, allatis de pace conditionibus, caui, ne Cæsaris ani-
mum offenderem. IMPARATAM: ex Bessario-
nis libro, & ex sententia IMPERATAM lego:
ut id muneris à Pompeio mādatum significet: quod a-

» perte 109. his uerbis: Vult me Pompeius esse, quem to-
 » ta hæc Campana, & maritima ora habeat ἐπισκοπον,
 » ad quem delectus, & summa negotij referatur.

IAM: Capuam accepi, sed iam imperatam. quam
 nisi accepissem, incidissem in suspicionem non solum
 ignauia, sed etiam perfidia: ignauia, quasi delectus ha-
 bendi curam defugerem: perfidia, quod is deessem, qui-
 buscum Reipublicæ causa me coniūxerat. DELE-

CTVS: hoc uerbum subaudiri mallet, & esse ordi-
 nem hunc, Nō solum ignauia, sed etiam perfidia. Bessa-
 rionis liber DEIECTVS habet. NOLVI: iā
 ostendi sententiā postulare VOLVI, nō NOLVI.
 ANIMVM EIVS: uide, quæ scripsit in proxima.

128. NEQVE ENIM SVSPICARI
 DEBVI: quod supra dixit, Suspicionem assequi non
 potui. 127: ET PLANE: & ut uere dicam,
 ideo non transiui, quod, quid rectum esset, quid Reipu-
 blicæ utilius, non plane uidebā, cogitare diligentius uo-
 lebam. SIGNIFICATA: mihi esse manen-
 dum in Italia: ut 125. 124.

128:

ECQV AE pacifica] Vtrum me deceat in Ita-
 lia remanere, quod pacificam aliquam personam Res-
 publica uideatur desiderare, cuius auctoritate inter
 Casarem et Pompeium discordiæ sedentur; (quod ef-
 fici nisi ab eo potest, quem sibi uterque putet esse ami-
 cissimum: quem ego me duco esse, cum hætenus qui-
 dem neutram in partem peccauerim, ut proxime osten-
 di) an ad bellum proficisci, quod pacifica persona Rei-
 publicæ nihil, bellator prodesse plurimum possit.

128:

T V A cōsilia.] Clodianis temporibus, cum mihi suadebas, ne omnia officio metirer, sed salutis simul rationem haberem, conseruanda Cæsaris amicitia. quod quia non feci, in maximas arumnas incidi.

129.

T H E O P H A N E M, Culeonem:] Vtrūque Pompeij amicissimū. I N G E M I S C E N S: quia tuis consilijs non parui. A D I L L O S C A L C V L O S: hoc dicit: quod tum non fecimus, nunc, nostris casibus moniti, faciamus.

129.

L E N T V L V S, Domitius] Létulus Spinther, Domitius Aenobarbus, quos Cæsar, Corfinio potitus, dimiserat incolumes. 134: 129.

M. M A R C E L L O,] Marcus cum Seruio Sulpitio Consul fuerat altero ante anno. reponere igitur C. pro M. ut est in historia.

Ex epistola X V I I. pagina 129.

C O H O R T E I S X I X,] X I I I I. à Vibulio, V. ab Hirro adductis. 125: S V A S X I I. supra X I. est in eiusdem Pompeij epistola. T R I B V S: Corfinij, Albæ, Sulmone.

129:

D V A B V S legionibus] Vide quæ diximus 110: F A V S T V S: Sylla Dictatore natus 121. D V B I O A N I M O: uide 110:

129:

E T I A M uideo C. Marcello,] Bessarionis liber, A L T I A

IN LIB.VIII.EPIST.AD AT. 225
ALTIA VIDEO CENSORI MAR=
CELLO:ego sic, AC ITA VIDEO CEN=
SERI MARCELLO.

Ex epistola XVIII. pagina 130.

QVITE impedian,] Albani, Marfi, & Peligni
duces, qui suas cohortes cū periculo ad Pompeium ire
nollent.circiter enim XX cohortes Domitius coegerat
ex Alba,& Marfis,& Pelignis, et finitimis ab regioni=
bus.Cæsar de bello ciu.lib.1.124. PICENO, ET
CAMERINO: adductæ à Vibullio, & Hirro.
125:

Ex epistola XIX. pagina 130:

METVSCILIO] Bessarionis liber, ME=
TVSTILEO, habet. DVAE LEGIO=
NES: quas dubio animo habeo. PICENTI=
NIS: ex Piceno adductis à Vibullio, quæ tum erant
cum Domitio. 130:

MILITVM animos] Quibus non magnopere
confido.110: 129: RECEPTVM: ipsa oppida:
quæ receptum habemus: amissis, quò nos reciperemus,
nò esset.

Ex epistola XX. pagina 131:

QV O'D inter se ne noti] Mallem, Qui inter se
nec noti sunt: ut milites dicat non modo tirones, sed
nec inter se notos. aut, Qui inter se ne noti quidē sunt.
quod magis placet, quia scriptum est in antiquo libro
amicissimi mei. & erit hæc sententia: Cæsar's milites

FF

quia ueterani sunt, ideo familiares inter se sunt, et amicissimi; quod plurimū prodest ad robur exercitus: nostri uero ne noti quidem inter se sunt; tantum abest ut familiares amiciq; sint: quo minus est illis contra ueteranas legiones committendum.

Ex epistola XX I. pag. 131:

S P E S dubia] Quia in eo uictoria Caesaris futura, si Pompeium assequatur. uictor autem de pace non laborabit.

131:

Q V A E autem impendere] Vastationem Italiae: de qua scripsit 125.

Ex epistola XX II. pagina 132.

A B S V N T propius,] Propinquiora sunt. sic & alibi locutus. H V I V S P R I M I T E M P O R I S: uter felicius sit, Caesar in assequendo Pompeio, an Pompeius in transmittendo.

132.

D I A R I I S] Bessarionis liber, & alij duo ueteres, D I C T I S: sed frigide nimis, ut mihi uidetur. D I A R I A si legis, pro uictu quotidiano accipe. Martialis, Horatius. aut, si mauis, D I A R I A expone stipendia in singulos dies militibus proposita, si quā celerissime iter ad Pōpeium conficerent: ut si singulis diebus menstruum stipendium, id est XXX denarios, polliceretur. & sane usitatum hoc erat, ut duces pollicitationibus ad milites uterentur, ubi difficile aliquid consequi uellent. uictus uero quotidianus neque magnum premiū est, & si liberalior sit, etiam impedit celeritatē.

MEVM CONSILIVM: nō exeundi ex Italia.
IDONEI AVCTORES: auctores in Italia
remanendi. intelligit enim Attici literas, VIII. Cal.

- 22 Martij datas, quibus ille ita scripserat: Si M. Lepidus, et
22 L. Volcatius remanent, manendum puto. 146.

QV ANQV AM HAEC: quae à Casare sunt.
VNVS VIR: Pompeius.

132:

SI manet,] Si sentis quod antea, mihi in Italia
manendū. AD ID, DE QVO DVBITO:
ad hanc meam deliberationem 134:

132:

AVT Lepidi, &c.] Desperatis uetat Hippocra-
tes adhibere medicinam: ego quoque in hoc loco, cuius
emendandi sine ueteribus libris mihi quidem spes non
est, τὴν τοῦ ἱπποκράτους γραμμὴν tenere constitui.
CORENI: uidetur legendū CORFINII: quo
in oppido magnam pecuniam Domitius habuerat.
NON REDDITAM: falsum: nam redditam
à se Casar scribit lib. I. de bello ciu.

Ex epistola XXIII. pagina 132:

AE GYPTA] Liberti nomen, à regione, ut Ci-
lix. PRAEMISSVS: captus à Casare Corfinij,
deinde ad Pompeium cum mandatis de pace missus.
NON EST VISVS: Pompeius enim, alienus
à pace, eum non remisit. ET QVEM ADMO-
DVM: hoc ad uerbum EXPECTAS refertur.
REDEVNTEM: Brundusio, Pompeio Italia pul-
so. ET AVT HEMONIS: de Attico dictū:

FF ij

COMMENTARIUS

quod proxima uerba ostendunt: sed locus deprauatus.
 FVGAM: transitionem in Epeirū. 135. CVM
 FASCIBVS: erat enim Proconsul: nam ei in sor
 titione consularium prouinciarum Gallia obuenerat.
 VT SCIAMVS: fortasse enim illius exemplum
 secuti aut dimittemus, aut retinebimus lictores.
 CONVELLERVNT &c. effecerunt enim ut
 Pompeiū mare transeuntem sequi cogitarem, cū antea
 labarē. 132. 124. IOVI IPSI INIQVVM:
 iratum dijs hominibusq; Pompeium in Italiam reditu=
 rum. epist. fam. 161. Venit paratus Seruilius, Ioui ipsi
 iniquus. CONSULES: mare transeuntes. uide
 paulo infra. 133.
 VIDERIS non dubitare,] Vide secundam
 proximi libri, 135. 133.
 TRANSIERVNT.] Consules enim pri=
 mum, deinde paucis post diebus Pompeius transijt. Cæ=
 sar lib. I. de bel. ciu. 133.
 APPIVM,] App. Claudium Pulchrum, Cen=
 sorem, collega L. Pisone Caesaris socero. qui transeundi
 ius non habebant: neque enim Censores cum imperio
 sunt, ut Proconsules. POMPEIVS: Hispaniarum
 Proconsul. SCIPIO: Pompeiū socer, Syriae Procon=
 sul. SETENAS: Bessarionis liber, SETEO=
 NAS: nos hunc ignoramus. mentionem Fausti mi=
 ramur omissam: de quo Proquaestore 135. FAN=
 NIVS: 112. 173: VOCONIVS: quid si, Copo=
 nius? qui Prator Pompeiū secutus est. SESTIVS:
 174. NIHIL DESERO: sic antiqui libri.
 DISSERO cum insequentibus uerbis conueniret.

¶ placet, quia Distero est in antiquo libro amicissimi mei. ut parua omnino mutatione corrigatur.
 PROPEMODVM RECTVM: non dicit, plane rectum: dubitat enim, ut 128: BIDVO: lippitudine liberatus.

Ex epistola XXIIII. pagina 133:

SI huc te reijcis. ¶ si hanc suscipis curam.
 TALI TEMPORE: suspicaretur enim, pacis mentione astute fieri, ut, spatio interposito, Caesar eum assequi posset. 133:

CV M timere desierit, ¶ Cum trans mare profectus in tutum locū se receperit. tum enim nullā fraudē in pacis conditionibus timere poterit. MEVM: uel quodd uterque ex Cornelia gente: uel quodd ab eo Balbus maxima beneficia acceperat: ut 141: VO= LVISTI: optasti, ut ei Balbus meus mansionem in Italia persuaderet. 124. QUIDVIS POTIVS ESSE: cum summam Reipublicae curam ad Pompeium detulerit, ipse nomine tantum Consul alteri pareat. TIBI: mansionem probanti. NOBIS: de Caesaris animo promittentibus. RELATORE: ad Consules enim pertinet relatio de Rep. TOTVM: praecleara sententia, nec satis aperta. nō enim hoc solum est aduertendum, Proconsulem populi Romani Domitiū a Caesare obsessum: sed illud simul, nisi ita factum esset, magnam civium cadem fuisse futuram. si enim Caesar expectasset, ut Domitius suas XXX cohortes ad Pompeij legiones adiungeret: Pompeius aucto exercitu in aciem descendisset. quod malum Caesaris uigilantia ui-

COMMENTARIUS

tauit : Domitium enim de profectione ad Pompeium
cogitantem oppressit: quo facto dimicationem sustulit.
130. PROBATURVM : ostendam recte fa-
ctum à Cesare. SCIO, ET: Bessarionis liber, SCI-
ET: ego aut, SCIO, ET: aut, SCIS, ET. id est,
profecto intelligis. RES: quæ ad sanguinem specta-
bat. MEI: filij. 134. DE CAESARE: de
Cesaris animo ad cõcordiã propeso. SCRIPSIT: ad
te. PROBABIT: Caesar. QUAE CVNQVE:
sive pax erit, sive bellum. aut, sive secunda fortuna
utetur, sive aduersa. BELLISIME: legerem
VERISIME: nã in Bessarionis libro VELIS-
SUMME: ut in antiquo libro scriptum primo existi-
mem VERISSUME, ad veteris orthographiæ ra-
tionem: unde imperitis librarijs occasio mendi.

Ex epistola ultima, pagina 133:

OCCVLTVM & tum iter] Bessarionis li-
ber, OCCVLTVM METVM ITER. pla-
ceret, OCCVLTVM ET TVTVM ITER:
ut hoc unum se non prouidisse dicat, qui possit occulte
& tuto ad mare Adriaticum proficisci, cum tota Italia
Cesaris armis praesidijsq; teneatur. 136.

134.

ILLVC autem,] Ad mare superũ. RES: ne-
cessitas, quoniam infero mari hoc tempore anni, id est
hieme, uti nō possumus. 136: QVA VENIAM:
cum omnia Caesaris armis teneantur. CEDEN-
DVM: discedendum, ILLE: Pompeius.

134.

OCCVRRVNT?] Caesari Pompeium Italia pellenti. 127: DEVM: ut deum Caesarem colunt: diuinis honoribus prosequuntur. DE ILLO: de Pompeio in Capania egrotante. 138. et Plutarchus.

134.

HIC Pisistratus] Caesar Pisistrato similis. uide 115. GRATVM EST: quod ea non faciat, quæ timebantur. QVOS HONORES: Caesari haberi.

134.

IVDICES DCCCL,] Iudices omnes: qui DCCCL fuisse uidentur: CCC quidem senatorij ordinis fuerunt, ut epist. fam. 117: reliqui tum equites, tum Tribuni aerarij. ex tribus enim ordinibus iudices eligebantur: ut declarat Pedianus. DELECTABANTVR: ideo scripsit M. Celi in quadam epistola: Video Pompeium senatum, quiq; res iudicant, secum habiturum. LVCERIAS: proscriptionem Luceriae denunciata. 125. QVICVNQVE SVNT: quid ipsi faciant, non specto: ego, nisi faciam quod me dignum est, reprehensiones timeo, ut Hector apud Homerum. exeamus igitur ex Italia.

134.

DOMVM quem expecto.] Sic & antiqui libri. DOMITVM alij legunt. mihi DEMVM placeret: ut sit ἀποσιώπησης; & reticuerit uel augurij causa, uel doloris, pulsum, aut captum. quod sequitur, IIII. NONAS, Martias significat. 138:

FF iij

IN LIBRVM IX. CICERONIS EPI=STOLARVM AD ATTICVM,
PAVLI MANVTII COM=MENTARIVS.

Ex epist. I. pag. 134:

XIIII. DIE] Legendum XIII. tot enim sunt dies ab VIII. Cal. ad pridie Non. SOSIVM, ET LVPVM: Prætorē utrunque. 122. 129: AVDIREMVS: quid Brundisij actum esset. AD MARE SVPERVM: ut in Græciam transmitteret. 136:

134:

QVI & nunc,] Quo modo nunc præsidio Reipublicæ, cum domi maneant? aliud ergo dicit, aliud intelligit, εἰς πόριν κῶς. 136. 134.

135.

IMPROBORVM] Cæsaris. PERSE=QVAMVR: stomachose dictum in Pompeium, qui suadentibus L. Luceio & Theophane Mitylenæo perniciosum Reipublicæ bellum suscepisset. PER=SEQVAMVR: faciamus, quod Luceio & Theophani uidetur.

135.

NAM SCIPIO] Connumerat eos, quos aliqua causa uidetur adduxisse, ut contra Cæsarem armarerent. SORTE: quia ei sorte obuenit. GENERO: Pompeio. IRATVM: quia sententiam dixerat, ut Cæsar ante certam diem exercitum dimit-

teret: si non faceret, aduersus Rempubicam facturū
uideri. Caesar lib. I. de bello ciu.

135.

MARCELLI] Marcus, & duo Caij: qui omnes Caesaris dignitatem oppugnaverant. MANERENT: in Italia. INIMICITIARVM: cū P. Cornelio Dolabella, & M. Celio Rufo, qui Caesaris partem sequebantur. PRAETER HVNC: qui erat Censor. 133. CASSIVM: qui erat Tribunus plebis. 116. PROQVAES: Bessarionis liber, PROPE: forte, PROPR. id est Proprator, ex Caesaris I. de bello ciuili. VTRVMVIS: possem arbitrato meo in Italia manere. neque enim mihi est Caesar infensus: (cū utroque amicitia par. 98:) neque magistratus persona cogit: cū imperiū possem deponere, & abiecto triūpho in Urbem introire. ACCESSERIT: malim, ACCEDET, cum in antiquis libris ACCEDERET scriptum sit. HVIVS FORTVNAE: quā subimus ad Pompeiū proficiscētes. NON ERAT AEQVVM: quia Caesaris Legatus fuit in Gallia, neque Pompeio debet aequae atque ego.

Ex epistola I I. pagina 135:

DIE tuo,] Die quartanae. 106: 137.

135:

ADESSE,] In senatu. 137: CONTRA: contra detrahentes disputem? DETRIVM-
PHO: uide epistolā III. lib. VIII. OLIM: Clodianis temporibus, cum in locum Cosconij mortui est

inuitatus. 34:

135:

ἀπαρξήσας ἱάσθαι] Impeditam, & reprehendendi
licentia carentem. putat enim me plus uidisse, quam se,
cum ei dicerem, in municipiis parum roboris nostrae cau-
se futurum: delectus inuitorum fore: quod utrunque
docuit euentus: pacem uel iniustam utiliore esse, quam
iustissimum bellum: Urbem non esse relinquendam: pecu-
niam ex aerario sumendam: Picenum occupandum, ut
Caesari aditus ad Urbem praecluderetur. quibus in rebus
mihi ille si paruisset rectissime moneri, haud paulo me-
lius & sibi & Reipublicae consulisset.

135:

T V M erit inimicus:] Tum non recusio, mihi ut
sit inimicus: erit enim iure: nunc irasci non potest, quia
Brundisium ad ipsum non iuerim: neque enim potui,
cum inter me & Brundisiū Caesar esset. τίς δ' ἐστὶ
δοῦλος: seruire, inquit, est mortem timere.

136.

ERIPIEBAT] Erepturum Caesarem aiebat.
NON SVNT ENIM CERTE BONI:
quia domi manent. 134.

Ex epistola III. pagina 136.

MATREM] Catonis sororem Porciam. Plu-
tarchus. AD VRBEM: ad Urbem esse Procon-
sules dicebantur: & Domitius Galliae Proconsul. Pro-
consulibus autem Urbem ingredi, nisi deposito imperio,
per leges non licuisse, supra diximus. QVOD
DELIBERO: de transeundo in Graciam.

136:

ITER interclusum] Omnia enim Caesaris armis,
praesidijsq; tenetur.

136:

TRANSIISSE] Cneum. EVM: Caesa=
re, ut persequi posset. DIVTIVS IAM NE=
SCIRE NON POSSVM: necesse est, ut iam
sciamus.

137.

IN ipsum tuum diem] In diem quartanae. 106:

Ex epistola IIII. pagina 137.

FVSIVS,] Fusius Calenus, & ipse Caesaria=
nus. SCELVS POMPEII: qui, nulla re of=
fensus, contra ius veteris amicitiae atque affinitatis omni
ratione Caesaris dignitatem oppugnasset. SENA=
TVS: qui ad Pompeij nimis infirmi voluntatem ini=
quissima senatusconsulta contra robustissimum Caesa=
rem, contraq; Tribunos plebis fecisset. VILLA: For=
miana. CVR TVM IN CVRIA: si ad urbem
Caesar vocabit, & adesse in senatu voluerit. DIC
M. TVLLI: cum sententiam rogabor in senatu, non
tam de Republica, quam de ipso Pompeio; quid dicam?
quo modo me explicabo? 135:

137:

CAVSAE euentorum] Significat, Pompeij cul
pa in eam calamitatem incidisse Rempublicam, qui per
decem annos Caesaris potentiam auxerat: ut se quidem
inimicum esse Caesari dicat ob euenta, sed inimiciorem
Pompeio ob causas euentorum. RELIGIOSVS:
tristi omine infamis, ut exponit Gellius. ILLE
ETIAM ANNVS: cum Clodia rogatione tri=

COMMENTARIVS

stem exilij calamitatem subiij. HOC DEFEN-
DENTE: accusat Pompeium tanquam prauarica-
torem, ac desertorem in patrocínio. 35. NE DI-
CAM GRAVIVS: poterat enim dicere, non mo-
do se desertum, sed armatum etiam à Pompeio inimi-
cum suum. uide 37. 137:

TEMERITATEM, ignauia, negligentia.]
Pompeij peccata. TEMERITATEM in susci-
piendo bello, cū esset imparatissimus. IGNAVIAM,
& NEGLIGENTIAM in gerendo. BAL-
BI: cui fidem habui, affirmanti Cæsarem optimo esse
animo erga Pompeium, et concordia cupere. 124. 133.

137:

EGO igitur,] Refer ad illud, Ego uero hæc offi-
cia &c. APVD HOMERVM: Thetidi respo-
det Achilles, αὐτίκα τεθνάειν, ἐπεὶ οὐκ ἄρ' ἐμελλον εἰ τοῖσιν
κτενομένω ἐπαμῦναι. NON εἰ τοῖσιν SOLVM:
uult Achilles apud Homerum ulcisci Patroclum, quia
socius; ego ferre opem Pompeio, quia etiam de me bene
meritus. TALI VIRO: rerum gestarum glo-
ria circumfluenti. CAVSAM: Reipublicæ.

137:

OPTIMATIBVS uero tuis] Noli putare
me ad Pompeium iturum, quod optimatum sermonibus
mouear, aut quod ijs inseruire uelim, mansionem meā
reprehendentibus, profectionem laudantibus: sed me
mouet tum beneficium, tum dignitas Pōpeij, eo magis,
quod agit causam Reipublicæ. HVIC DENT:
Cæsari. quanquam Cæsar aberat, sed uultu letitiam
ob Cæsaris uictoriam significabant. DATVRI: cum

Brundusio redierit. DECRETA: à municipijs facta, ut omnes uota facerent pro salute Pompeij in Campania ægrotantis. VICTORIA: Cæsaris, qui, uniuerſa Italia occupata, Pompeiũ cedentem perſequebatur. TVM: cum illa pro salute Pompeij decernebant. 138.

NOS adhuc] Initium alterius epistolæ. A MINORE BALBO: Cæsaris nomine rogaturo, ut in Italia maneret. 124. QVOD IS: quod Balbus minor Canusij audiſſet Lentulum Conſulem tranſmiſſiſſe: qui ad Balbum patrem Canuſio id ſcripſit. ALBAE: ex Domitij cohortibus. 129. CVRTIVM: Biuium Curium nominat Cæſar lib. I. de bello ciu. CVRTVM, Beſſarionis liber. MINVTIA: alij, NVMICIA: placet, ex epistoſta Horatii XVIII. 138.

ABDAM.] Ne uidear Cæsarem Brũduſio redeuntem fuſſiſſe. RELICTVRVS: ut Cæsari meo nomine diceretur, me ideo Arpinum iuiſſe, quod ibi Ciceroni meo togam puram dare uellem. 80: HIC: Formijs. 137. QVO: itionem ad Pompeiũ ſignificat. QVA: quæ maxime iter ἀναπάντητον. 134: 138.

CVRTIVM] Ad quem ſuæ cohortes tranſſerunt. ASPICERE: tam grauem. QVID ALIOS? quaſi dicat, multo minus alios Cæsarianos. DVM VRBEM AMAMVS: ſpe pacis ab hac ora Campana diſcedere nolui: quia ſperabam fore, ut apud illum meæ literæ, cohortationesq; ad pacem plus ualèrent, ſi me bellicis negotijs non admicerem.

COMMENTARIVS

ita mox Brundisium ad Pompeium proficisci non licuit, cum iter illud Caesar interclusisset. 135:

138:

DICITVR] Non uere : nam conscendit Idibus Martijs : ut infra 150: SEPTENTRIONES : non secundi Graciam petentibus. PRAECIDISSE : ne Caesar consequi posset. L. METELLO : is est, de quo plura 157 :

138:

QUALICVNQVE CONSILIO VSSO,] Etiam si non optimo consilio usus est neque in suscipiendo bello, neque in gerendo. αὐτοῦ φαντασία : animo enim species quadam turpitudinis occurrat. AVT CONSOLATIONE : reflexit ad Terentij uersiculum, Aut consolando, aut consilio, aut re inuero. Q. TITINII FILIVM : Titinio quidem natus, sed adoptatus à Pontio, ut epist. ult. lib. IX. NON VALVISTI : non enim licuit tibi per quartanam Roma discedere. οὐκ ἐξήκουσας : utroque nostrum, quid optimum factum, cogitate. Homerus IX. κ. 139.

V. T. populari, ut ea] Nullam opem ferentibus antiquis libris, non audeo mutare, quod deprauatum intelligo. 139.

BELLVM crudele,] Ex utraque parte. ideoque nolebam interesse. non enim CRUDELE de uno Pompeio dictum. SVSCIPIA POMPEIO : qui pacem uel iniquissima conditione probare debuit. CVM IIS : qui crudele bellum et exitiosum gereret exponit, cur se bellicis negotijs, ut alij, commiscere noluerit.

Ex epistola V. pagina 139.

IMP.] Ob res in Gallia gestas.

139.

COMMODO] Pro commode, ut arcano pro
arcano, & quæ grammatici alia notarunt. GRA-
TIASQUE AGEREM: quod hætenus ab ar-
mis abstinueris.

Ex epistola VI. pagina 139:

τὸ συνέχον] Argumentum firmissimum ad meā
mansionem defendendam. Quintilianus capite ultimo
lib. III. Sed potius uidetur sic exponendum: Effecisti
quod proximum erat, cum non posses recreare.

139:

FACTVMQUE nostrum] Mansionem.
SEXTO: Pduceo. ANIMADVERTA-
TUR: quasi Casari sponte occurrā. NEC
HIC, NEC ILLIC: neque Formijs, neque ad
Vrbem. quia scripserat Cicero, se Arpinum cogitare,
ne redeuntem Brundusio Casarem uideret.

139:

V T idem tribuam Pompeio,] Ne Pompeium
ulla re lædam, neque adsim cum in senatu cōtra illum
agetur. 138: QUID ONERIS: ne non fe-
rat, uereor: bellum enim cupit.

140.

V T in Milone] Cuius causam defendi, non quia
iustam putarē, sed feci adductus beneficio. V T IN:
forte dicturus fuit, Vt in Gabinio, quem cū odio pro-

COMMENTARIVS

sequeretur, & nocentem putaret, rogatus tamen à Pō-
peio de se optime merito defendit. quo iudicio Gabi-
nius condemnatus, quoniam causa non iusta, ut Milo-
nis. Dion lib. XXXIX. idq; significant illa uerba
» in epistola ad Marium, fam. 95: Cogor non nunquam
» homines de me non optime meritos, rogatu eorum, qui
» bene meriti sunt, defendere. SI ILLINC BE-
NEFICIUM NON SIT: si Pompeio nō de-
berem. EIVS QVOQVE REI: ἀχρεΐας
crimen me non posse subire, etiam si ad Pompeium nō
proficiscar. ABIECERO: ut intelligas me de
eo minimū laborare. agemus tamen de eo obtinendo:
interea, ut tu scribis, obrepet anni tempus, quo liceat no-
bis ad Pompeium uel infero mari tuto nauigare. 136:

140.

SATIS ille erit firmus.] Nā alioqui, nauigan-
dum ad eū sine spe uictoriæ, nō censes. DE ISTO:
de uiribus Pompeij. quod ad hanc partem attinet, uide,
inquit, quid sperare possis: promitto tibi, si firmus erit,
regulam &c. ANTIQVORVM: Philippi,
Flacci, Scæuolæ. 120:

140:

HABEAMVS igitur inde] Verbū INDE
à libro Bessarionis abest, & opinor recte abest. ID
QVIDEM: qua nauigatione abeamus. NON
PROFECTIS: malim, Non profectos; hoc sen-
su: Sciunt te non profectum ad Pompeium, & tamen
probant quæ adhuc fecisti. NIMIVM OPTI-
MATI: Pompeij partium studioso, & sæpe pro Pō-
peio mentienti. nec sine ironia dictum de liberto.
SVPEDITAT: tibi, ET MEVM: quod
tardius

tardius est, quàm tuum. AMBVLANDVM,
VNGVENDVM: quæ laborantibus quartana
præcipiuntur à medicis. SOMNVMA TT V=
LERVNT: curis ademptum. 139:

Ex epistola VII. pagina 140:

AVLVVS] Torquatus. PROPECTVS:
ad Pompeium. 140:

REATINORVM corona] Dolet Sabinos
in circulis ac coronis iacere sermones de proscriptione,
quam forsitan non cogitet Cæsar, cum adhuc clemen-
tiam in uictos ostenderit. EXIERINT: obuiã
Cæsari Brûdusio redeunti. CVIDICEREM:
quam rogarem, quo modo redeuntem Brundusio Cæ-
sarem exciperem, & amplexarer: sicuti rogat eam,
facie Mentori simulatam, Telemachus Vlyssis filius.
DIEM TVVM: quartana.

Ex epistola VIII. pagina 141.

RELIQVI] Marius, & Cinna. VALE:
scriberem, VALETE: cū ad duos mittatur epistola.

Ex epistola IX. pagina 141:

PIETATE] Vsurpatur erga eos, qui magnū
beneficium dederunt, ut hic erga Pompeium. LEN-
TVLVVM: Consulem. 133: HABEREM: à
Pompeio quidem ciuitate donatus, à Cornelio Lentulo
Corneliorum nomine, quod indicat Lucij cōmune præ-
nomen. uide orationē pro Balbo. MILONIA-
NIS: cum reum Milonem iudicio defendisti.

GG

COMMENTARIVS

Ex epistola XI. pagina 142:

PLABOQVE] Sic & Bessarionis & Caualcantis uetera exemplaria . manifestum mendum . sententia tamen hac uidetur, se iam supero mari transmissionem abijcere , & cogitare mansionem in Italia , dum commodius anni tempus adueniat , quo liceat infero mari nauigare: modo interea possit concessu Caesaris nullam Reipublicae partem attingere . ac uidetur totum hoc ita restitui posse: Assentio tibi, ut in Formiano potissimum commorer, etiam de supero mari . Balboq; , ut antea ad te, scripsi, ecquonam modo &c. nā duabus superioribus epistolis nihil aliud agit Balbus, nisi ut ostendat Ciceroni quarenti , quo modo possit Casari satisfacere. DICTA NOSTRI AMICI: quae Pompeius olim in nos fecit, dixit. DELICTA tamen ueteres libri . ME IPSVM: ita de illo bene meritum .

142:

SIMILIVRVS] Caualcantis liber sic , sic & Bessarionis . incerta coniectura si coner corrigere , quis praestabit nō magis deprauari? COMMENTARI: meditari, cogitatione exquirere. 136: SIT SANE, ITA UT VIS: eos probare, quae adhuc fecerim . quod uereor ut ita sit . NOSTI ILVD: quod de summis uiris solet usurpari, cum post magnarum rerum actiones in otium se conferunt: usurpatur autem hoc : Διονύσιος ἐν κορίνθῳ : id est, & Dionysius, Syracusarū regno pulsus, Corinthi ludum aperuit. hoc & de me usurpabitur; qui nullam belli partē suscipiēs, quasi omissa Reipublicae cura otiosus deest

commenter. MILITVM: qui cum Pompeio
transierunt. 138. 143.

LAVDAS,] Quia mare transierint. IRA-
TVS: Pompeius. IIS QVIDEM MAXI-
ME: pacis auctoribus: qui pacē ideo suadebant, quia
patriā maxime saluam uellent, cui exitiosum fore bel-
lum uidebant. at Pompeius, qui mirandum in modum
Syllani regni similitudinem concupiuit, belli cupidus,
ijs, qui pacem suaserant, id est nobis, ueniet iratus. 140.
EAM SALVAM: patriam, antiquissimam &
sanctissimā parētem. SERVANDO EVER-
TERE: seruari enim, & uindicari à tyrānide non
potest sine clade, interitūq; ciuium.

143.
DE SEPTENTRIONE] De regionibus
Septentrioni subiectis: in quibus Pompeius bellum cōtra
Cesarem parabit. EPEIRVS: tua: quod transire
cogitabas. 135. CVM ILLVM VIDERO:
Cesarem Brundusio redeuntem. 140: NE FOR-
TE AVT ABSIM: Arpinum, ante quā eum
conueniam, non cogito; ne aut absim illo redeunte,
aut, ut redeuntem conueniam, cursū huc illuc uia de-
terrīma: alterutrum enim necesse est. VENISSE:
ad Pompeium, è Syria, in qua fuerat Proconsul.
CONSILIVM EIVS: utrum in Italia man-
surus sit, an ad Pompeium iturus. 134:

143:
ISTE] Consules aberant Lentulus & Marcel-
lus. agebatur ergo, quis haberet comitia designandis in
proximum annum Consulibus. ISTE: si extaret

GG ij

COMMENTARIVS

Attici epistola, nomen haud ignoraremus. COM-
 MVNE: hoc ne consideremus; quoniam potest
 esse dictum non proprie de consularibus comitijs, sed
 communiter de omnibus rebus. INEPTVM:
 Caesarem, cuius in potestate omnia sint, mea gratia uti
 uelle. SENTENTIA CONSVLARIS:
 quod à me, viro consulari, quæ in senatu agentur, cu-
 piat approbari. TVM EX TVIS LITE-
 RIS: quibus respondebas ad meas de uerbo OPE
 quærentis. distingue à COEP I uerbo præcedenti: ut
 dicat & ipsum per se suspicatum, & ex Attici literis.
 HOC IPSVM ESSE: in hoc ope mea uti uelle,
 ut decernam de comitijs consularibus à Prætore haben-
 dis. NON MVLTTO SECVS: aut hoc ip-
 sum esse, aut aliquid huiusmodi. REM AD IN-
 TERREGNUM NON VENIRE: Inter-
 regem non creari, qui comitia habeat nouis Consulibus
 designandis, cum eius anni Consules abessent Lentulus
 & Marcellus. de Interrege autem dicemus in libro de
 magistratibus. sed quoniam Interrege creato, pertine-
 bat ad eum Consulum designatio; Consul uero Caesar
 fieri cupiebat: incertus de uoluntate Interregis, rem ad
 interregnum uenire nolisset: haberi à Prætore, quem
 sciret sui studiosum, consularia comitia malebat. quod
 cum fieri non posse comperisset, alia ratione quod uole-
 bat consecutus est: Dictator enim à M. Lepido Prætore
 dictus, comitia ipse habuit consularia, & Consul factus
 est cum P. Seruilio Isaurici filio. de bello ciuili lib. II.
 III. LIBRIS: nostris auguralibus. ROGA-
 RI: creari: unde comitia Consulibus rogandis lib. I.

de Diuinatione : & populum rogare magistratum dicebatur is, qui comitia habebat: id est populum rogare, ut suis suffragiis eum magistratum crearet, cuius magistratus causa comitia haberentur. et legimus in Liuiolib. VI. factum esse senatusconsultum, ut duos uiros Aediles ex patribus Dictator populum rogaret. VT COLLEGAE CONSULVM SINT: si enim creantur Praetores, ut collegae Consulū sint; creari à Praetore non possunt: nō enim collegae Consulū dicerentur, creati ab eo, cuius imperiū consulari imperio minus est: ideoq; à Cōsule creantur. Gellius lib. XIII. cap. XIII.

143:

HOC A' ME DECERNI] Ut ego in senatu mea sententia decernā, consularia comitia à Praetore haberi licere. 151. A' ME: Augure, & consulari: quod contentus non sit Galba, Scauola, Cassio, Antonio decernentibus, quanquā & ipsi Augures sint. de Antonio quidem Augure cognoscitur libro VII. de bello Gallico. τότε μοι &c. subaudi, cum à me decerneretur. TRANSIERINT: cum Pompeio.

144.

OMNIA POSTVLANTEIS,] In uictoria non modo Caesarianorum bona, sed omnium, qui in Italia remanserūt: ut tibi nō sine causa timeas. VIDERE SANE VELIM: etsi scribis, ex eius sermone spem pacis esse nullā. OPPORTVNE: quia fortasse me consilijs instruet ad Caesaris cōgressum opportunis, cum Caesari maxime sit amicus. 151: 152:

144.

LANVINO,] Fundo. PHAMEAM: eius

GG ij

fundi dominū. 149: SCIEBAM ENIM &c.
 sciebā te uoluptuarias possessiones nō emere, qui soleres
 querere, ager à te emptus quot annorum spatio tantū
 tibi redderet, quantū in eius emptionē contulisses. corri-
 gendū igitur, & distinguēdum hoc modo: Sciebā enim,
 te, quoto anno, & quantum in solo, solere querere.
 DELITIVM DIGAMMA: sic Bessarionis li-
 ber. corrigunt alij, DELITVVM DIA-
 GRAMMA: ut diagramma sit codex, in quem so-
 leret Atticus & fructus agrorum, et impensas referre.
 ILLVD: Lanuinum. VOLVI HS Q. nolui se-
 stertiorum nummorum quingentis millibus emere.
 ILLI DARET: ut Phamea Lanuinum daret nō
 mihi, quem fortasse minus bonum nomen putaret ob
 recentes mearum fortunarum ruinas, (restitutus enim
 ab exilio fuerat anno proximo ante Marcellini Consu-
 latū) sed prædi, qui HS Q. M. se daturū sponderet.
 CVM HABERET: cū Phamea Lanuinum Antij
 proscripsisset. IACERE: sic pro Q. Roscio iacere
 dixit pretia prædiorum. DEMENTIAS: insanos
 sumptus in Lanuino exornando à Phamea possessore
 factos. sic insanas substructiones in oratione pro Milo-
 ne in fundo P. Clodij. VAS TITATI: quæ im-
 pendet uniuersæ Italiæ. 140.

Ex epistola XII. pagina 144.

AEGRITVDO] Aegrotatio in corpore, acri-
 tudo in animo. Tusc. quæst.

144:

AD me scire,] Alij, Ad me scribere: placet: ut

subaudiatur, de consilio suo. 135: ALIENAN=

T V R: homines. IMM V N D A E: mulieri. sic

alienum causæ dixit in oratione pro Cæcina.

144:

A V I S illa,] De qua scis à Platone scribi in epi=

stola ad Dionis propinquos, cū se à Dionysij tyranni cu=

stodibus observatum, ne horto regie domui coniuncto

egredi posset, extra spectare, tanquam auem è cauea,

dicūt. M A R E: ut ad Pompeium nauigem.

144:

H A E S E R V N T illa.] Pompeius sæpe illud

usurpabat, Sylla regnum armis peperit, ego non pote=

ro? mihi autem potius illud in animo fixum hæret, ma=

le fecisse Tarquinium, impie Coriolanum, qui contra

patriam arma tulerint. T H E M I S T O C L E S:

ab ingratis ciuibus patria pulsus. M A L V I T:

quàm patriæ suæ bellum inferre. De claris oratoribus.

P A T R I A M: Athenas. Iustinus lib. II. I V R E:

cum causâ, non tamen recte: nemo enim recte contra

patriam arma fert. iure autem quo modo? ut patriâ

è manibus perditorum ciuium eriperent: quam tamen

ereptam ipsi oppresserunt.

145.

H V N C] Pompeium, quem adductus beneficio

sequerer. A L I Q V I D C O N V E N I R E T: ali=

qua ratione res componeretur. S C E L E R I S: sce=

ratus Cæsar, flagitiosus Pompeius, uterque dominatio=

nem cupiens. leuius dixit in Pompeiū. 125. S P E=

R A R E: ut aliquid conueniret: uel, de causâ no=

sira.

GG iiii

RES nunc tota,] Neque enim uideo, quod tum
 sperabam, posse eos ad concordiam reduci. ALIA
 MEA: pace enim desperata, nouum consilium intelli-
 go mihi esse capiundū. EXCIDISSE E' MVN-
 DO: miratus sum Pópeio Italiā reliquente, non secus,
 ac si sol è cœlo excidisset. MOLLIVIT: ideoq;
 otium amans, labores & incommoda fugiens, nullam
 hætenus belli partem suscepi. SIVE PERICV-
 LO: Bessarionis liber, SINE PERICVLO:
 placeret, SI VEL PERICVLO.

χρησμός] Oraculum, quia tanquam Apollo futu-
 ra prædixisti. AD POSTERVM: in futurum,
 in posterū. DE POMPEII CONSILIO:
 Pompeium de relinquenda Italia cogitare. MO-
 RAM DESERENDAM: Bessarionis & Ca-
 ualcantis manuscripti libri DEFENDAM pro
 DESERENDAM: tentavi, ex ingenio si possem
 probabile quid eruere: non successit. TURPE
 NOBIS: rectius duco, VOBIS.

DETESTARIS HOC] Discessum ex
 Italia. INCONSTANS: cum ante scripse-
 rim, ut Italia non cederes. MANENDVM
 PVTO: dum audias Pompeium alicubi constitisse.
 HANC vexίαν: flagitiosum Cæsaris comitatum. quē
 appellat vexίαν, quodd ad Cæsarem egentissimus & per-
 ditissimus quisque ita confluxerat, ut ad Vlyssē, cum
 ad inferos descendisset, vexίαν, id est mortuorum tur-

bam, confluisse scribit Homerus. 146: 153.

146. ἀπορῶ.] Dubius sum, quid te facere oporteat. D V =
BITARES: Attice. NON DVBITAS: mi=
hi esse manendum in Italia istis manentibus. IN IP=
SA FVGA: cum Pompeius Brundisium fugeret.
TVM POTERIMVS DELIBERARE:
cū sciemus, quid Brundisij actū sit. NON SCILI=
CET INTEGRARE: paululum enim hęc
expectatio Pompeij animum offenderit: sed hoc tamen
consilio rectius tibi consulis, quā si unā proijcias te.
VALDE VIDERO: nescio, utrum tibi suāsurus
sim, discessum ex Italia, an mansionem. vide 136.

146:

ADVERSVS me &c.] Sic & antiqui li=
bri. potest hic esse sensus: Para defensionem Attice tā=
tummodo aduersus me, si hęc mansio tua auctoritate
suscepta infelicitur cadat. nam si in fraudem incidero,
te auctore dicam incidisse. quod ad alios attinet, in
quibus sunt Lepidus & Tullus, satī scio non opus esse.
quibus ego conscius sum, eiusdem esse sententiæ, uidelicet
manendum esse. PECCAVI: hactenus. RE=
LIQVA TVEBOR: posthac dabo operam ne
peccem. REDITV: à Brundisio. HIS LITE=
RIS: ad te scribendis. SCIS: pro scito, ut supra.
CAESARI: à quo Corfinij captus, incolumis esset
dimissus. 148. LITERAS: quibus rogavi, ut
scriberet ad me de consilio suo, utrum mansurus esset in
Italia, an ad Pompeium profecturus. 134:

146:

QVINQVATRIBVS,] Forte hoc delendum, ut glossema ad diem XIII. Cal. Apr. qui dies est Quinquatruum primus. nam nisi deleatur, ante XIII. Cal. Apr. Quinquatrus uidebuntur fuisse. HAEC: Caesaris facta. TIMERE: ne crudelis esset in uictoria, & nefaria quæque committeret. Caesaris enim comitatum significat, quem & paulo ante *ἑκὼς* uocauit.

147.

PRVDENTIA potuit] Antiqui libri *Caualcantis* & *Bessarionis*, PRVDENTIA PPOSITIVS: & proxime, ubi est in impressis, IN QVIBVS ETIAM CRASSIPES, in manuscripto *Bessarionis*, IN QVIBVS CRASSIPES ERAT. INIMICOS: Pompeianos. OPTIMATIVM: eorum, qui non sunt Pompeium secuti, neque ullam belli partem attigerunt. unde illud in epistola ad Varronem, Crudeliter otiosis minabantur. MVNICIPIORVM: quia se ultro Caesari ferè omnia dederat. 144: de bello ciu. lib. I. LVCEIVM: cuius, Theophanisq; consilio Pompeius maxime utebatur. 135. TOTAM GRAECIAM: omnes Græcos, qui cum Pompeio erant, liberos, & amicos: qui apud eum gratiosiores erant, quàm ut è tanti uiri dignitate uideretur.

147.

HAS PESTES] Caesarianos: quorum pessima facta ne uideā, ad dissimillimos nostri proficiscar. ILLVC: cum se Pompeio coniunxerit: nam in Syriam erat profectus. 135. FAVSTVM Syllæ

Dictatoris filium, qui erat in Pompeianis praesidijs. 135.
 Bessarionis tamen liber, EMASTRVM. de Libo-
 ne autem 109. CONVENIRE: in Vrbe: ut
 eorum bona uendant. μακροψυχίαν: animum longin-
 quas regiones spectantem. HISPANIAM: pro-
 uinciam suam, in quam iturus putabatur comparandi
 belli causa. FUGAM NOSTRAM: ex Vr-
 be. NVNQVAM IAM &c. nondum ego ad
 te scribere intermisi. earum intervallum à me qui-
 dem nondum fuit.

Ex epistola XIII. pagina 147:

CVM primum potui,] Statim è provincia re-
 uersus. CONTRA CVIVS HONO-
 REM: ne posses Consulatum absens petere: quod tibi
 populus concesserat Pompeio tertium Consule. 99.
 AD TE ADIVVANDVM: ut de habenda
 absentis ratione M. Celijs Tribunus pl. unà cum cete-
 ris collegis legē ferrent. 98: BENEFICII: à Pō-
 peio accepti. POSSIM: ut mihi abesse per te liceat.
 ingratus enim mihi uidear, si adsim, cum in senatu cō-
 tra Pompeium de me benemeritum agetur. 138: ET
 PACIS VTRIVSQUE: antiqui libri ET
 PACIS ET VTRIVSQUE: uidetur subesse
 mendum: nam PACIS CONCORDIAM
 haud scio quàm recte dicatur. PACI recte esset.
 CONSERVARI: ne cogas me iniuriam facere
 Pompeio, sed conserues, ut hactenus fui, amicum utrius-
 que uestrum. DE LENTVLO: quem capto Cor-
 finio incolumem dimisisti. QVI MIHI FVE=

COMMENTARIVS

RAT: cū me Consul ab exilio restituit. IN POMPEIVM: quem socium & adiutorem Lentulus habuit in me restituendo.

Ex epistola XIII. pagina 148.

MVTIANVM] Q. Mutij Scauolæ, qui Damasippo est interfectus. Florus lib. 86. epit. ITINERIS: ad mare superum. NAVIGATIONIS: ad Pompeium. CONGRESSVS, SERMONIS QVE: ut & grauitatē in congressu tenerem; & ita loquerer, ut neque ad Urbem uocāti concederem, neque tamen alienam ab illo uoluntatē ostenderē. 152:154. SVM ADMIRATVS: quodd nobiscum esse noluerit. 148.

148:

VIRI boni] Sic & libro II. de officijs, in extremo, optimos uiros εὐεργετὰς dixit foeneratores. PERSCRIBUNT: nomina debitorum in codicem referentes. SEDEO: sedere dicuntur, qui turpi otio languent.

148:

ADFINIS] Sic in antiquo Bessarionis libro. pateret sententia, si sic: Quid censes igitur, & quidnā est tui consilij? (ut hæc sint Attici uerba, Ciceronis autem quæ sequuntur plena desperationis) quid? finis huius miserrimæ uitæ. VNA: cum Pompeio. CALAMITATIS: nimis enim graui scelere uideor Pompeium in calamitate deferere.

148:

DERATIBUS] Ratibus teneri exitus Brundusini portus, ne Pompeius possit effugere. quod si ita esset,

non scripsisset eum Dolabella primo uento nauigaturum. HANC Εὐμερίαν: Pompeij fugam putat Cæsaris Εὐμερίαν. AB IIS EPISTOLIS: Leptæ, Matij, Trebatij: qui scribunt circumuallatum esse Pompeium, ratibus exitus portus teneri. MERA SCELERA: de consilio Cæsaris intercludendæ Pōpeio fugæ.

Ex epist. XV. pag. 148:

ACTVM] Brundusij. PRISTINAS COGITATIONES: de profectione mea ad Pompeium: quem cum scripserit Dolabella primo uento nauigaturum, nauigasse puto, quoniam pridie Quin quatuor tempestas fuit ad nauigandum maxime idonea. COLLECTA: cum locos ex epistolis tuis descripsi, quibus mihi mansionem in Italia suadebas. 145. CONSOLATIONEM MEAM: quod unā cum Pompeio non ierim. CULPAE, AC TEMERITATIS MEAE: uidebar enim mihi peccasse, temereq; fecisse, quia profectus cū Pompeio non essem: nunc non uideor, quoniam in eo tua consilia sum secutus. ILLIVS: Pompeij. ILLA: studium, operamq; in me restituendo. SUPERIORVM: superioris iniuriæ, cum me suum præsidium contra meos inimicos implorantem deseruit. 156: TAMEN ILLIVS &c. tamen eum adiuuare deberem. SIMILITVDINEM: primo me deseruit, cum patria pulsus sum; deinde adiuuit, ut restituerer: item ego, quod ante omisi, nunc facere debeo, ut eum adiuuem. QVAM OB CAVSAM: nō

COMMENTARIUS

tam ut mihi beneficium daret, quàm ut inimico meo, grauitèr offensus, iniurià redderet. ILLI: nunc amicus ero: quem si offendi, quodd ante ad eum non sim profectus; nunc proficiscens resarciam. ita sequar illius temporis similitudinē. ILLECTI: sic liber Caluacatis: aliter Bessarionis: habet enim, DILECTI: ut fortasse non absurde legi possit, EIECTI: nam à Casare quidem eiectus Cicero uidebatur, quoniam Cōsul Clodium ad plebem traduxit. Suetonius.

149.

NAM ego hunc] Casarem. ἐσάλπιζεν: mallet, ἐλάπιζεν, id est, ostentabat, supra ueritatem narrabat: quoniam subiunxit, Sit hoc λάπισμα. & est intercisa comprehensio: nam cum ITA dixisset, nihil reddidit. nisi si ad illud spectes, quod infra positum est, Quare ita paratus est. SE POLLICERI: uideo hic alios quoque de mendo suspicari: nec sine causa: nam neque peditum, equitum uel numerus adscribitur; & SE quod referatur, non est. VECTIGAL: quod in stipendia militum conferri solet, sed omnia omnium bona, quibus ad sustentandos exercitus utetur. ILLVM: Pompeium: quem secuti non sunt: ideoque merito iratum putant. EGO AUTEM &c. uereor, ut exire ex Italia mihi liceat, non tam quia Casar omni utetur artificio, omnibusque blanditijs, ac precibus aget, ut remaneam; quàm quod eius preces uideo esse pro imperio. γοντείαν: malitiosas blanditias. ILLA ἀλίμενα: importuosa loca: quæ scripsi me cogitare, primum ut laterē, deinde ut comitatu meo uti possem: (celebri enim loco laureatorum licitorum comitatus

sermonem hominibus dabit. 158.) quod utrumque si Brundisij suppetat, ibi malim esse. VERVM : uerū hac de re deliberabimus, cum sciemus, quid Brundisij actum sit, num Pompeius classe abierit. SCIMVS : mallet, SCIEMVS.

149:

NON nimis excuso :] Iam non laboro, ut me excusum, quia non iuerim ad Pompeium; cum ipsos uideam coenas in Vrbe, quasi Reipublicæ recte sit, & facere, & obire. SEXTVS : Peduceus. FORTIORES : si eos id fecisse uiderem, quod me facere oportuisse dicunt : hoc est, si ad Pompeium ipsi profecti essent, armaq; contra Cæsarem sumpsisent.

149:

TROIANVM somniaueram.] Falso credideram. Troia dictus locus is, in quem primum egressus est Aeneas, uicinus agro Laurenti, Ardeati, Antiati, Lanuino. VOLVI Q. quingentis millibus emere. uide 144.

149:

MONSTRA] De Brūdisio. REFORMAT DAT : ueretur, ne in eandem calamitatem incidat, si ad Pompeium transeat. NARRAT. AGAT? distingue sic, Narrat, quid agat. SATISFACTVM : quod suscepto bello arma pro eo sumpsit. putat se prestitisse, quod debuit : nunc pugnare contra Cæsarem, a quo est incolumis capto Corfinio dimissus, non uidetur sine scelere posse. PROSPECTARE : Bessarionis liber PROSPECTARET. forte sic: PERSPECTARE (quia scilicet ualere Cæsarem uidet, Pompeium iacere.) TA =

COMMENTARIVS

MEN NE HAEC POSSE FERRE? id est
 Poterit igitur Lentulus, quamuis & Caesaris beneficio,
 & iam perspecta re moueatur, in Italia manere, &
 his malis interesse? Neque uideri potest temeraria con-
 iectura, cum TAMEN potuerit esse scriptum sic, tñ.
 & alibi quoque, tamen ne, usurpatum à Cicero-
 ne obseruauimus. HOC: mansione. NON
 CREDEBAM: ut nuncijs de pace missis oppugna-
 retur. MISER. TORQVETVR: ^{et per uiam}.
 SENTENTIA: discedendi ex Italia. HOC:
 māsione.

Ex epist. XVII. pag. 150:

AD TE VIII. Cal.] Bessarionis liber, IX.
 CAL. & recte: nam cum proxima insequens epistola
 scripta sit VIII. Calendas, hanc ante datam esse con-
 stat. QVAMPRIMUM TRAIICERE:
 ante quàm exitus portus iactis utrinque molibus præ-
 cludatur. CN. CARBONIS, M. BRVTI:
 quos Pompeius Sullæ socius occiderat. EXILII
 POENA; Bessarionis liber PENAS: totus locus
 perturbatus. PER VIM: quasi iudices eū Pom-
 peij Consulis metu condemnassent: quia, cum iudicium
 Milonis ageretur, exercitum in foro, & omnibus in tē-
 plis, quæ circa forum sunt, collocauerat. Hæc autem
 Caesaris criminatio ideo suscepta, ut inuidiosam Pom-
 peij potentiam redderet. nam nec ipse, qui Milonē que-
 ritur per uim expulsus, postea eum restituit, cum cæ-
 teros restitueret lege Pompeia damnatos. ARMA
 HAEC CONTRA; tulisset: Pompeius autem
 omnibus

omnibus minabatur, qui ipsius in praesidijs non fuissent.
 SED QVIS VLLI NON DICAT? di-
 stingue sic: Sed quis, ulli non dicat. hoc sensu: non in-
 fans ille quidem est, sed ita obscurus, ut, quis sit, nemini
 possit dicere. PRO FECTVS: subaudi, nar-
 rabat. ILLINC: Brundusio. A' TE NI-
 HIL &c. distingue sic: A' te nihil: ne ante prorsus
 quidem quid literarum.

Ex epistola XVIII. pagina 151.

VENIAM,] Ut concedat, ut absim, cum ali-
 quid in senatu contra Pompeium agetur. 138: A'
 ME IPSO: ad Pompeium proficiscar. quod haec-
 nus à me non impetraui. ILLE: Caesar. GRAE-
 CIA M: ut ipsum Pompeium continuo persequatur.
 quod cū ita sit, quorsum haec loca legionibus munivit?
 nam si in Hispanias contra Pompeij legatos proficisci
 cogitaret, ideo maritimos exitus uideretur clausisse, ne
 Pompeius, ipso absente, Italiam classe peteret. STI-
 MVLAT: nunc haec me uexat sollicitudo, quodd cum
 Caesare cōgressurus sim. IS VERO ADEST:
 haec uerba faciunt, ut epistola, TVAS IX (sic enim
 scribendum uidetur, non XI) uideri possit VIII. Mi-
 seram autem, VII. haec VI. AVGV RV M
 DEC RET VM: ut Augures decernāt, licere Præ-
 tori comitia consularia habere, aut Dictatorem dicere.
 143: RAPIEMVR: Romam; ut Augur, &
 senator id decernam: aut, si recusabimus ire, uexabi-
 mur. DICTATOREM: quod factum est:
 nam postea Caesarem M. Lepidus Prætor ex lege ad po-
 HH

pulum lata Dictatorem dixit.

151.

HIHIL expedio,] Cogitatione nihil explico, nisi hoc, exitum mihi impendere aut Q. Mutij, qui est à Mario iuniore occisus; aut L. Scipionis, quē Sylla proscript. Florus, Orosius. τέτλα : κύντερον : perfer : grauius tulisti. hoc proprium nostrum non est, ut fuit Mutij, & Scipionis, qui Sullam desideratum à populo quamprimum rediturum uidebant. Pompeius autē, cuius causa mihi omnia perferenda sunt à Cæsare, neque amatur, neque speratur cito rediturus. NVLLA QVERELA: quod Pompeius Italia pulsus sit.

151:

VENIAM daturū:] Concessurum, ut absim, cum in senatu cōtra Pompeiū agetur. 138: POSSIM VIDERE: ut ex eius sermone comparem me ad Cæsaris congressum. 144. 152: αὐτός : ipse d Cicero excogitabis. VT AIT ILLE: ut alloquitur Telemachum Minerva Mentori simulata, δδ. γ. QVAE DESCRIPTA ATTULIT: mirum, cur, quis attulerit, non dicat.

151:

QVAM sim antiquorum hominum:] Quam sim antiquis hominibus similis: qui ex sua natura cæteros fingeant, ut est in oratione pro Sex. Roscio, pag. 22: item ego cum te finxerim ex natura mea; meumq; sensum secutus, grauius putarim Dionysij iniuriam laturum esse, quam me: nunc ex tuis literis mea opinionis erratum agnosco. PHILARGYRO BENE: respondisti. RELICTVM: ab ipso.

Ex epistola XIX. pagina 152.

HABEO gratiam illi:] Quia tecum aget, ut
ad Urbem uenias.

Ex epistola XX. pagina 152:

QV ID praeipi?] Quid attinet anticipare de
Caesaris congressu? 155. TIRONE: Patris agro=
tante. 100. INDE, &c. Bessarionis liber IN ID
MODO NVNTIANT. non dubito, quin de=
prauatus sit locus.

Ex epistola XXI. pagina 152:

ORATIO] Cū Caesare. BENE EXI=
STIMARET: quia me gratum uideret in Pom=
peium: GRATIAS AGERET: non enim hoc
fecit: quoniā in eo perseveraui, ne ad Urbē irem. 154.

153.

NOSTRO IVDICIO:] Ideo me ad Vr=
bem non ire, quia de eo non recte existimarem.
CVM MVLT A: cum multis uerbis ostenderem,
dissimilem aliorum esse causam: me enim beneficio de=
uinctum non posse sine maxima culpa interesse, cum
in senatu contra illum agetur: ueni igitur, inquit Cæ=
sar, & causam age non meam magis quā Pompeij,
de pace inquam age. IRI: à te. EXITVM:
sermonis. VT DELIBERAREM: subaudi,
diceret. NON FVIT NEGANDVM:
dixi me deliberaturum. etsi iam deliberaueram: mihi
enim fixum est, aut in senatum non uenire, aut ea di=

HH ij

cere de Republica, quæ sentio. sed petenti ut delibera-
rem, non fuit negandum. EGO ME AMA-
VI: feci, quod magis ex animo meo fuit. quod iam
pridem non feceram: quia potentibus in Republica
post exiliij tempora inseruiui. AMABO liber Bessa-
rionis: eadem sententia. COMITATVS: Cæ-
sar: νεκρία quam tu appellasti in epistola tua. 146.

153.

EROS Celeri] Flagitiosus libertus Q. Metelli
Celeris, qui perierat Marcellino et Philippo Consulibus.
CELERI autem pro CELERIS: qua ratione et
Virgilius dixit, Reliquias Danaū, atque immitis Achil-
li. Et opinor, =Infelicis Oronti. SERVII FI-
LIVS: Seruij Sulpitij filius erat in comitatu Cæsaris.
154. REM PERDITAM: Et perdita Cæsaris
causa, Et copię eiusmodi, ut sperare nihil possis. actum
igitur de salute Reip. FVERVNT: quia Brun-
dusio redibant. Et cum admiratione protulit: quasi
uix credibile uideatur tot homines conuenisse ad Cn.
Pompeium circumsidendum. EXTREMVM:
ut tuum consilium exquirere. καταικίς: forte καταιγίς,
tempestas, procella. VIRVM: non dixit, homi-
nem, sed uirum; ut Atticus id uerbum usurpet, quo
Cicero in epistola quadā usus erat, cū scriberet fortas-
se sic: Ego cum uirum uidero: ἐμφατικῶς de Cæsare.
ἀλλὰ τέλειαν: corruptæ literæ. antiquus liber, Λ Λ Λ
TEACAN. non placet in obscuris diuinare.
ILLVM IPSVM: Pompeium 135: VT AN-
TEA: cum scribebas, Videamus Et Cneus quid agat,
Et illius rationes quorsum fluant. 145.

153:

EXTREMUM fuit de congressu nostro.]
 Primum differebas tua consilia, dum scriremus, Pompeij
 rationes quorsum fluerent. nempe scimus: Italia pul=
 sus mare transiit. differebas etiam, quodd, cum scires
 me cum Casare ad Urbem redeunte congressurum,
 scire uolebas, in eo congressu quid is aut à me petisset,
 aut petenti mihi concessisset. extremum igitur fuit, quod
 expectares, de congressu nostro. AGENDVM
 EST: deliberandū, quid me agere oporteat. πολιτικὴν:
 de Republica: ut scribas ad me quæ Cæsar egerit in
 aduentu suo.

Ex epistola ultima, pagina 153:

QVI hinc absit.] Qui cum Casare non sit.
 VNQVAM HOMINES PVTAVI: re=
 cordatus paulo ante HOMINEM dixisse, corre=
 ctionem subiecit. monstra quædam semper putavi, non
 homines. QVO' PLACET: quod iam cōstitui=
 mus.

153:

NEC præter me] Quo gratior Pompeio aduen=
 tus noster esse debet. nam alij non tam ipsius amore,
 quàm Cæsaris metu Italia cesserunt. INCOM=
 MODIS: exilio. 120. IMMITISSIMVS:
 pacē in senatu Ser. Sulpitius dissuadebit, quia scit Pō=
 peium amicum sibi nunquā fore, quoniam filium mi=
 sit ad eum affligendum. HIC QVIDEM: Pō=
 tius quidem Titinianus cum Casare contra Pompeiū
 arma tulit, quia, cum inclinatam uideret Pompeij for=
 tunam, rerum suarum ruinam Casare uictore perti=

HH iij

COMMENTARIVS

mult. Seruius uero indigne fecit, qui filium miserit.
neque enim quidquā cognare magis debuit, quā quid
eum ciuem, qui summos honores in Republica gessisset,
& agere, & sentire par esset. quā à Pontio non ex-
pectatur: ideoq; minus turpis. 139. **SVPERVM**
MARE: Adriaticum. **OBSIDETVR:** Casa-
ris praesidijs. 136: **INFESTVM HABEBI-**
MVS: infestum reddemus. sic, Sollicitum habere, pro
solicitem reddere, alibi dixit. &, Dymaeos mare infe-
stum habere, epistola I. lib. XVI. Est autem senten-
tia, Pompeium classem parare ad intercludendos Italiae
commeatus, id est ad patriam fame necandam: ad hūc
se iturum. (143.) & cum iracunda ironia **BONI**
CIVES, AMANTES PATRIAE.

154.

IN AEGYPTVM.] Quoniam quidem ne-
que de Aegypto, & Arabia cogitare debemus: (cur
enim eō nos abdamus? 147.) & exercitu pares esse
Caesari non possumus. classe igitur bellum geremus.
CONGRESSV: Caesaris. 152: **CENSEAS:**
mihi agendum: etsi nulla iam dubitatio est, quin mihi
sit eundem ad Pompeium.

IN LIBRVM X. CICERONIS EPI=

STOLARVM AD ATTICVM,

PAVLI MANVTII COM=

MENTARIVS.

Ex epist. I. pag. 154:

ATERIVM] Fundum in Arpinati.

L 59. FIRMITVDINEM ANI=

MI NOSTRI: quodd ab honesto nō di=

uellar: id est, quodd in Cæsaris congressu neque indulgen=

ter sim locutus; & in eo manserim, ne ad Vrbem ac=

cederem. 152: 154. SEXTO: Peduceo. DE=

CEMBRIBVS: quo die in coniuratos animaduier=

ti. QVID NAM ERGO? senatus mandauit,

ut de coniuratis supplicium sumerem: mandata si exe=

quar, uideo mihi ab improbis ciuibus magnam inuidiā,

magnāq; pericula impendere; quodd à me contra leges

actum obiciunt, quæ ciues Romanos occidi uetant: quid

ergo faciam d Sexte? tum ille me ad præclarum faci=

nus Homericis uersibus incitauit. Iliadis x.

154:

NON in longum tempus] Tantum ut expecte=

mus, quid de pace decernatur in consessu senatorum:

nam, in senatu, non libet dicere. E M P T V M:

pretio à Cæsare inductum, ut de pace ageret in senatu:

cuius nomē fuit in Attici epistola. QVID NO=

BIS AGENDVM P V T E S: putas enim dis=

cedendum ex Italia. D A R I: à Cæsare, quasi à

HH iij

COMMENTARIVS

Rege. POPVLARIS TVI: quia tu quoque Atticus. MEI: quia migrare Athenas cogito. HINC ABERO: cū filiis abibo ex Italia. ALTERVM: me abfuturum hinc: de filiis minus certum.

155.

SI de pace] Sic Bessarionis liber antiquus: & sententia non obscura: itaque nihil muto. PRO- VINCIA: Hispania. 136.

155.

ISTE summarius] Emptus pacificator. mallet enim NUMMARIVS. ut, nummarij iudices, pretio corrupti, 12. & placet ἀγωνικὸς dictū esse, NISI FORTE: quia scit Casari persuaderi non posse, ut quiescat. DIXI: ipsi Casari. 153. GRA- VITATEM: in congressu Casaris. DE IV- VENIBVS: de Ciceronibus. AVDISTI: forte, nolle me eos erudiri à Dionysio. 155:

155.

HAE C est ἀλν,] Hæc animi mei sollicitudo, et mē- tis error, in quo nūc sum, mortis instar est: angor enim, quod neque ad Urbem uenerim, ut inter Casarianos de Republica libere agerem; neque bonos uel cum pericu- lo sim secutus: alterutrū enim certe oportuit: aut enim bonos sequi debemus, quorum de Italia relinquenda te- merarium consilium fuit; aut, si Italiam relinquere non placet, neque temeritatem bonorum imitari, aga- mus hic libere quæ sentimus, & pro Republica, & cō- tra improborum audaciam. HOC, QVOD AGIMVS: mansio hæc nostra in Italia, neque ho- nestæ, neque tutæ.

155:
ISTVM, &c.] Vide, an sit L. Cornelius Balbus, qui filium Brundisium miserat. ME: non me, sed istum legatum iri arbitror. **SI ACCIDERIT, VT LEGARER:** & consuetudo latini sermonis postulat, **VT LEGER:** & ego eo proclivius in hanc opinionem descendo, quod antiqui libri **VT LEGERER.**

Ex epistola II. pagina 155:

AGERENTVR'QVE] Pararetur à meis ad navigationem. **MMTEYCA:** corrupta dictio, sed, ut opinamur, ad navigationem pertinens. **ARDET:** abeundi cupiditate. **NEC EST QUID QVAM:** nec videmus, aut quæ loca petamus, aut eò perueniendi quæ sit ineunda ratio.

155:

TULLIA mea scripsit:] Opinor eum mihi commendans, & superiora excusans: aut, ad me profecturum. sed ego ideo nolim ad me profectum, quia neque hoc tempore eo mihi comite opus est; & homini non amico nostra incommoda spectaculo esse nollem. 155. **INIMICVM ESSE:** quod scribis te facturum, si ego uelim.

Ex epistola III. pagina 155:

PROFECTVS] Caesar, ut in Hispanias iret contra Pompeij Legatos Afranium & Petreium, & Varronem. **LONGIOREM:** quæ est huius libri prima. **VISVM TE:** puto esse epistolæ ini-

COMMENTARIVS

tium. NON VENERIM: in senatū. TVL-
LIVM: Volcatium Tullum, non Tullium. SER-
VIVM: Sulpitium. QVIA NON IDEM:
quia non ijs concessisset, quod mihi, ut in senatum non
uenirent. CVM FILIOS MISISSENT:
Servium designat. 154.

Ex epistola IIII. pagina 156:

ISTOS] Pompeium, & Cæsarem. AL-
TER ARDET: Cæsar. EXPVLIT: Pompe-
ium. ALIA EX PARTE: conatur & in Græ-
ciam persequi, & ei prouinciam Hispaniam eripere.

156:

AD pedes stratos] Suppliciter rogantes, ut nos
contra sceleratam Tribuni pl. rogationem defenderet.
HVIVS: Cæsaris: cui dicebat se iniuriam esse fa-
cturum, si contra Clodium ageret. ELAPSVS:
quia classe fugit.

156:

DESERTA per se patria, aut oppressa] De-
seruit Pompeius, oppressit Cæsar.

157.

PROFICISCAR,] Ad Pompeium. AL-
TER: filius. MAIORE PIETATE: nam
Quintus filius & patri & patruo inimicus: ut paulo
post. EIVS: Quinti filij. IPSIVS: ipsum Quin-
tum uidemus nunc earum literarum poenitere, quas ad
Cæsarem scripsit. ITER: ad Cæsare. SIMVLA-
TIO'VE PIETATIS: quia simulauit ideo
se ire, ut Cæsari ostenderet, nos optimo in illum esse ani-
mo: quod contra fecit. SVIS: Cæsaris.

157.

HAEC ipsa timide:] Ad te scribo, quia scio tibi
dolorem allatura: reliqua celauimus. NULLA
NOSTRA CVLPA: non in educatione uitiū
fuit, sed in natura. HORTENSII FILI-
VM: qui erat cum Curione in Caesaris partibus. de
hoc Valerius Max. 157.

METVIT.] Quia nostrum consilium de re-
linquenda Italia patefactum Caesari sit. QVAE
AD NOS DELATA: quæ de Quinto filio au-
diuimus. QUID FUTVRVM SIT: uereor
enim, ne Caesar, cum nostrum consilium cognouerit,
nos obseruari, & fugientes retrahi iubeat. NAM
SI HABEREMVS &c. iacente Republica ni-
hil audeo contra prauam huius naturam; ne uidear
aduersari, nō quia deprauatus pessime de nobis merea-
tur, sed quia pro Caesare faciat. quod si esset aliqua
Resp. consolationem abs te nullam quærerem: consiliū
ipse caperem aut ad seueritatem, aut ad indulgentiam.
IRACVNDIA: magis placeret IRA, ut est in
antiquo libro; quia uidetur iracundia non iram, sed
naturæ ad iram procliuitatem ostendere; ut si diceret,
hæc scripsi iratus, rectius uideretur, q̃, hæc scripsi ira-
cundus: sed uideo in hac ipsa pagina iracundiam pro
ira iterum usurpatam, item alibi. IGNOSCE S:
quia scripsi, quæ tibi scio fore acerbissima.

157:

LEGE Pompeia] De ambitu: quam Pompeius
tertium Consul tulerat. Pedianus. IN SICILIA:
qua Catonem expulit. Caesar lib. I. de bello ciu.

157:

PROPIVS factum esse nihil,] Quam ut Metellus Tribunus pl. cum ærarij fores complexus ueraret Cæsarem ingredi, occideretur. EVM: Cæsare. VOLVISSE: minatum esse Metello, si pergeret obstare, quo minus ex ærario pecuniam posset sumere.

157:

DE AERARIO:] Quia, cum ærarij clauēs nō inuenirentur, refractis foribus publicas pecunias abstulisset. Plutarchus. 158.

SEX tui fascēs?] Cæsar Curioni Siciliam prouinciam assignauerat, quam pro Prætorē administraret: ideoq; & fascēs ut imperium habenti dederat.

CURLAVREATI? neque enim laureatis utebantur, nisi post uictoriam de hostibus partam. at Curio neque adhuc uictoriam ullam erat assecutus, & bellum cū ciuibus gerebat. IPSO: Cæsare. CVR

SEX? nam duodecim & Paulus Aemilius Prætor ad bellum Ibericum proficiscens usus est: quod Consulibus tantum licebat: sex cæteris magistratibus dabantur.

CVPIVI &c. egi cum Cæsare de senatusconsulto ab amicis & familiaribus occulte faciendo, quo mihi Siciliam prouinciam cum imperio, fascibusq; datam constaret: at ille, qui nunc senatui maxime est infensus, ita respondit: Senatum contemne, à me omnia profici-

scentur. SVRREPTO: nam si palàm ageretur, Pompeianus aliquis Tribunus plebis senatusconsulto intercessisset, ut L. Metellus, qui omnia, quæcunque Cæsar agere instituit, intercessione impediuit. itaque in epistola Celi, 173: His, inquit, intercessionibus plane incita-

tus est Cæsar. & libro I. de bello ciu.

158.

PETIISSE ab eo,] Ut ubiuis esse possem.
PHILIPPVM: qui Acciam, Iulia Cæsaris sorore
natam, habebat in matrimonio, post Octauij prioris ui-
ri obitum. uitricus igitur Octauij, qui post Augustus.

158.

NIHIL impetrabat.] Petens, ut in senatū ue-
nirem: quod si refugerem, ne adessem, cum de Pompeio
detraheretur, uenirem tamen, et agerem de pace. 153.
NUNC IPSVM: uide 123:

158.

TUAM provinciam] Siciliam: quā nauigan-
dum mihi erit, ad Pompeium in Græciam proficiscen-
ti. licebit ne hoc mihi per te, & tua præsidia?

158.

EST VERVM profecto,] Mallem, EST
PROFECTVM, hoc quidem sermone, quem cū
Curione habui.

158.

EXPECTATVRVS,] Cæsar: ut Inter-
rex comitia Consularia haberet: quod fieri solebat, cū
anno finito nulli dum designati Consules essent.

EXPECTATVRVS: dū Lentulus & Mar-
cellus annum Consulatus tempus perfecissent. AN:
an potius, ante quā ab Vrbe discedat, decretum ab
Auguribus fieri uelit, quo uel Consules creare Prætor
possit, uel Dictatorem dicere, qui deinde Consules creet.

143: 151. QVO MODO DIXERIM?
quasi turpe quiddam, nec dicendum, occultat; quod cō-
tra morem maiorū sit, aut Consules creari à Prætorē,

aut Dictatorē dici. uel est incerti animi significatio, cū ignoret, quid acturus Cæsar sit de comitijs cōsularibus, si haberi ab Interrege nolit: ut sit, Quo modo dixerim Cæsarem hoc explicaturum? AD SE: aiebat Curio deferri ad se Consulatū à Cæsare, sed se nolle proximis comitijs designari. alij AD SE ad Cæsarem exponunt. NVLLO NEGOTIO: iurabat in re graui, sed etiam si nulla grauis esset causa, iuraret tamen pro Cæsare. ESSE DEBET: existimo ita esse.

158:

AFFIRMABAT,] Dolabella potius, quàm Curio, si consideretur illud, DICO QUID? affirmabat igitur in suis literis. ILLVM: Cæsarem. GRATIAS AGERE: quòd ab ipso non rogatus, ultro scripsisset ad me, ut ad Urbem uenirem. IVBEBAT: Bessarionis liber, VIDEBAT. utrocunque modo, mendū tamen remanet. DOMESTICIMALI: à Quinto filio: qui sermonem habuit cum Hircio, mox cum Cæsare. 157. ILLVM: Quintum filium. ME INVITO: profectus est ad Hircium.

158:

QV AE pro illo sit suspicandum,] Et hoc nō dubito quin mendū cōtineat. SVPLICANDVM est in Bessarionis libro. CONVENTO: à te Attice, ut ex eo certum sciremus de Quinto filio. NESCIO QUID: nescio quid mali ex hac Quinti filij profectioe creatum. sed uelim quàm minimo defungamur. & uidentur hæ uel commixtæ epistolæ, uel præposteræ: nam supra narrauit sermonem Hircianum.

158:

TV Oppios Terentiæ dabis] Tu Oppios(.123.)
 Terentiæ conciliabis, ut illi præsto sint, si quid ei opus
 erit. nam cauendum est illi tantū ab Urbis periculo:
 quod unum iam uidetur incommodum superesse. nam
 illud de turpitudine, quod me antea mouebat, si eo loco
 fœminæ Romæ manerēt reliquis abeuntibus, iam faces-
 sit, cum nobiliores fœminæ in Urbem omnes iam redie-
 rint. quoniam igitur mansura est Terentia, Oppios illi
 da. TIRONE: Patris ægrotante. TOTA
 MEA COGITATIONE: consilio abeundi.
 DIE: nauigationis meæ. LVNAM NOVAM:
 tum enim plerunque turbulenti sunt dies: ut id tempus
 maxime sit nauigantibus uitandum.

158:

HARVM RERV exitum non uidere.]
 Id est, actum esse de Republica, spem reliquā esse nul-
 lam. 158.

158:

DE QVODAM,] De Quinto filio: cuius no-
 men occultat: itaque & proximis uerbis penè senten-
 tiam breuitate obscurat, ueritus, ne in alienas manus
 epistola perueniret. ἀγνάδ' ἰαν: difficilem prouinciam.
 VTINAM TV: suscepisses iuuenem regendum.

159. MODESTIOR NON ERO: in
 » eo regendo. utar seuera disciplina: itaque 159: Quin-
 » tum puerum, inquit, accepi uehementer. & 166. Quin-
 » tum filium seuerius adhibebo. utinam proficere possem.

158:

EPISTOLAM] Misi. REQVIRERE:
 ut sibi commendarem aliquem meorū. COMMOS

COMMENTARIVS

DIVS: liberalius de pecunia pro diuersorio soluenda. NEGLIGENTIAM: qui tam negligenter cum Canuleio de die solutionis egisset: longiorem enim fuit impetraturus, si contendisset. DE CANULEIO: nota locutio, pro, à Canuleio: ut, De Crasso domum emissem, in epistola ad Sestium. ROGASSEM: ut ageret cū Canuleio amico suo. EMISSE: meo nomine. ADDICI: diuersorium. PECUNIAE: Canuleio soluenda. STOMACHOSIVS: subiracūde: qui tam angustam diem solutioni praefiniret. 165: IOCO FAMILIARI: quia sic epistolam inscripsi, Vecteno Monetali. uide 165: AGIT LIBERALITER: quia diem pecuniae longiorē fore pollicetur. CERTIOREM ESSE FACTVM: de eo quod tecum locutus est, se curaturum, ut solutionis tempus ultra Idus Nouembreis produceretur. TVO ITINERE: in Epeirū. 140:

Ex epistola V. pagina 159.

MORATUR.] Quia tempestas non est ad nauigandum idonea. ASTUTE: astute agerem, si profectionem meam ad Pompeium differrem, dum scirem, quid in Hispanijs ageretur. 159:

RETICE.] suspicor mendum subesse: suspicor autem non solum ex sententia satis absurda, sed etiam ex uarietate exemplarium: nam in Bessarionis libro, RECITET ET.

ET tamen] Et tamen etiā ob hanc causam breues

ues sunt. DE QVINTO FRATRE: Quinti
fratris causa. alij, DE QVINTO FILIO:
ut subaudiatur, regendo. SED VLO: hoc uidetur
significare: ita mihi saepe corrigendus. MONES:
ut caueam, ne quis profectionem meam ad Pompeium
odoretur. AB VNO ILLO: à Quinto filio: à
quo cauere difficilius est, quàm à ceteris, quia coniuncte
nobiscum uiuit. 157. MAGNUM OPVS: du-
ram prouinciam cepi. MIRABILIA MVL-
TA: de eius minime simplici ingenio. SI SINE
ILLO POSSEM: si pater abesset: qui relaxat,
quidquid ego astringi. QVOD TV POTES:
neque enim Quintus pater tecum est. IGNOSCO:
paterno amoris: à quo est in filium indulgentia.

159.

QVA, & quò,] Qua utar uia, quò iter inten-
dam. 155: 159.

E G O uero] Puto initium alterius epistolae: quid
enim infra iteret de Quinto filio? TERGIVER-
SATIONEM: scripserat Atticus, se quoque exi-
turum ex Italia, sed lente, & quasi tergiversantem,
ne uideatur Caesaris imperium refugere, & praesentem
Reipublicae statum improbare: ideoq; in Apulia, maxi-
me Siponti aliquàdiu mansurum. NEUTRVM:
neque pro Caesare, neque pro Pompeio: quorum neuter
pro Repub. pugnat. 159:

MELITAE,] Quae est insula Siciliae proxima.
161: 162: FUTVRVM: me. NIHIL, IN-
QVIES: nihil enim iuuas, si in acie esse non uis.
MELIORE TEMPORE: licet mihi tempe-

II

COMMENTARIVS

statem idoneam expectare; quoniam dubitandum mihi non est, ut aut mari Adriatico Dolabella, aut freto Siciliensi Curio meam unquam nauigationem impediant. ADRIATICO: cuius est comissa cura Dolabellæ genero meo. 159:

PRAECLARA *πυνοςία*:] Praclarū erit colloquium: statuemus enim de officio utriusque nostrum. 159:

VIXIT,] Iucundissime fuit. IACERE: odiosum esse plebi, quia pecuniā aerarij abstulisset. 157: NAVIGARE: Pompeij classem Curio timebat: quæ si fuisset, aiebat se de Sicilia abiturum. 158:

159: VEHEMENTER.] Seuere. 166. AVARITIAM: uideo eū ad Caesaris partes trāsisse, quia magnum ex eo congiarium à Cesare speraret. QVOD TIMVERAMVS: ne cum Cesare locutus esset de nostro consilio Italiae relinquendæ. 157.

159: DE OPPIIS Veliensibus,] De quibus uide III. 158: 159:

EPEIRVM] Tuam. NOSTRAM PVTABIMVS: utar ut mea, si acciderit, ut inde trāseam, cum ad Pompeium proficiscar.

Ex epistola VI. pagina 159:

EXPECTEM,] Ut differam profectionem meam ad Pompeium, dum Hispaniensis belli exitum audiamus. 160.

ISTVM] Caesarem. TRAHİ: duci. IP=

SVM CVRIONEM: quo nūc magis Cæsari-
nus nemo est. QUIESCAMVS: consilium eun-
di ad Pompeium omittamus. ISTVM: Cæsarem.
QVAM VICTVM: quā cū uictus sit, magisq;
dubitet, quā fideat suis rebus.

160.

GABINIO] Cæsaris amico: qui ab exilio re-
stitutus sententiam dicet in senatu, & quidem ante
me rogatus. Dion lib. 39.

160.

CHLOELIVM,] Bessarionis liber, CLO-
DIVM, & CATELI pro CATVLI. utrum
rectius, diuinare non licet: facimus tamen, quod nostri
muneris est, ut antiquam scripturam ostendamus. CA-
TVLI: clientē. A ME DEFENSOS: nō modo
inimicos, sed nec meos necessarios, qui me defendente
condemnati in exilium abierunt, restitutos à Cæsare
uidere in senatu sine dolore potero. DOLORE: quia
legibus condemnatos, armis restitutos uidebo. DEDE-
CORE: quia uersabor inter homines iudicio notatos.

160.

VT mihi liceat] Romæ uiuere, & in senatū ue-
nire Cæsare uictore. TAMEN NE DVBI-
TEMVS: id est, diutius ne dubitans, animoq; suspē-
sus cogitem, an Cæsari me uenditem, & in Italia ma-
neam? est uero abiicienda dubitatio, potiusq; de disces-
su maxime cogitandum. nam etiam si ei me nunc ue-
ditem, tamen non uideor expers periculi futurus, quo-
niam ab eo rogatus in senatum non uenerim. initio
dissensionis, eius partes sequi si uoluissē, præmium ali-

II ij

quod tulissem: nolui: nunc ei me uenditem etiam cum periculo? 160.

NON esse iudicium Casum Hispaniensem nō esse mihi expectandum: propterea quod in eo bellum non terminabitur. THEMISTOCLEVM EST: cogitat, quod olim Themistocles contra Persas, classe bellum gerere: ideoq; in Hispaniis haud multum ponit. PER SE: ut ipse praesens eas teneret: sed quasi de ijs non laborans, legatis, Afranio, Petreio, Varroni, negotium commisit. SEDENTES: otiosi, neutra partem adiunātes. ADVERSABIMVR: Pompeio. 160:

QVOD malum &c. Totus hic est perturbatus locus, ideoq; stellula è regione apposita notatus. Bessarionis antiquus liber dictionem MALVM non habet, & habet ANNI VALDE pro ANNIBAL. 160:

QVOD si iam &c. Officium postulat, ut Pompeium sequar. at periculosum erit; quoniam Caesar, cuius uenti secundiores uidentur, offendetur. ita sanè res habet: sed & mansio periculosa; si forte Pompeij causa, nunc afflicta, conualuerit. cum igitur utrinque periculum impendeat, satius est Pompeium sequi, id est recte facere, cum periculo, quàm in Italia manere, id est peccare, eiusdem periculi metu. AB ILLIS: à Pompeianis. SI PECCARO: si in Italia mansero. AB HOC: à Caesare. SI RECTE FECERO: si ad Pompeium 160: VT NON SIT DVBIVM &c. ut sine ulla dubitatione turpitudinem, quae est in māsione posita, fugere debeamus,

eo magis, quòd ne mansio quidem periculo uacat: quæ
 uel si salutaris esset, ob turpitudinē tamē consiliū capere
 discedēdi. NON SIMVL: obiectio. OMNINO:
 responsio. FEFELLIT EA RES: decepit, indu
 xit. id causæ, inquit, fuit, ne simul cum Pompeio mare
 transierim, quòd pacem existimans fore, ueritus sum, ne
 deinde Cæsar ob transitionem mihi esset inimicus. 128.
 FORTASSE NON DEBVIT: fortasse
 non tanti apud me istac suspicio esse debuit, ut propte
 rea Pompeiū de me optime meritū defererem. CVM
 IDEM: cum eodem tempore: uidebam enim, si pax
 esset, Cæsarem & mihi fore iratum, & eundem Pom
 peio amicum. SENSERAM: Clodianis tempori
 bus: cum Pompeius ideo me noluit defendere, ne Cæ
 sarem offenderet. cuius temporis similitudinem perti
 nui. 156: IIDEM: coniuncti eiusdem uolunta
 tis. AVGVRIA QVOQVE ME INCI
 TANT: ad discessum. auguror enim spe non dubia,
 nullo modo stare posse Cæsarem diutius, etiam nobis
 languentibus. 160:

AB APPIO] Bessarionis liber, AB ATHI
 CO. & quoniā hic liber sæpe pro Atticus habet Athi
 cus, ut in hoc ipso ambitu, Et tamen mi Athice: puta
 ui minore mutatione legi posse ATTIO, quàm AP
 PIO: ut de Attio Nauio intelligatur, qui, Tarqui
 nio Prisco Romæ regnante, auguralem scientiam sum
 mum in honorem adduxit. de quo lib. I. de Diuinatione
 ne his uerbis: Quis ueterum scriptorum non loquitur,
 quæ sit ab Attio Nauio regionum facta descriptio? qui
 cum propter &c. Liuius quoque lib. I. expono igitur

NON HAEC COLLEGII NOSTRI
AB ATTIO, non haec auguralis collegij ab Attio
deriuata, sed illa à Platone sumpta, qui scripsit nō diu-
turnam esse posse tyrannorum dominationem.

161.

FLORENTIS, ac nouos, ut uti diebus] Quo-
niam ab impressis libris manuscripti ne litera quidem
dissentiant, tentemus num elicere correctionem è con-
iectura possimus, ita ut ab antiqua scriptura quā mi-
nimum discedatur. Sic igitur fortasse corrigendum:
Florentis. ac nouus VI. VII. diebus. id est, Floren-
tissimus ac nouus sex septem diebus. ut, sex septem, di-
ctum sit, pro, sex septem'ue: quemadmodum dixit Ho-
ratiū, Si quadringentis sex septem millia de sint, Plebs
eris. cum paucos omnino dies Caesar in urbe moratus,
in Hispaniam contra Pompeij legatos contenderit. quod
ex ipsius cōmentarijs de bello civili planum fit. IPSI
ILLI: quæ antea eum spe licentiæ, rerumq; nouarum
diligebat. ut 102: IN METELLO: cui mortē
cum sit minatus, ostendit superiorem mansuetudinem
non naturalem fuisse, sed simulatam. item cum ex
aerario pecunias abstulit, dissimulatam antea cupidita-
tem diuitiarum indicauit: qua re cum ab eo & cades
& rapina timeatur, ex metu odium creabitur, ex odio
autem ea, quæ ceteris tyrannis euenerunt. 158.

161.

PATRIMONIUM suū] Nam & Anto-
nius, et Curio, et Dolabella, Caesaris socij, magno omnes
aere alieno oppressi.

161.

FEFELLERIT,] Hæc opinio de Caesaris nō

diuturno regno. TVLERVNT: 160, inquit, ad Pompeium eo libentius, quod Cæsarem puto, etiam languentibus nobis, diutius stare non posse. quod si me falleret, aliterq; , atque ego auguror acciderit; feram, ut multi excellentes in Republica viri; quos fefellerunt ea, quæ putarant: ideoq; Themistocles, & Africanus, & C. Marius in eos casus inciderunt, quos vitassent, si nihil illos fefelleret. NISI FORTE: nisi tu id censes, non esse mihi de discessu cogitandum, ut potius Sardanapali exemplo in patria, & in meo lectulo iners, ingloriusq; moriar, quàm, ut Themistocles, in exilio. IN SVO LECTVLO: in lectulo Sardanapali: simili in lectulo: Sardanapalus enim, cū interfecta turpiter uixisset, postea lectulo sibi in pyra apte cōstructo, in eo pyra incensa mori uoluit. LACE= D AEMONIORVM: quos publico Græciæ concilio cū offendisset, post ab ijs accusatus est apud Athenienses, quod societatem cū Rege Persiæ occulto coiuiisset. Plutarchus, Iustinus. SVORVM CIVIVM: à quibus in exilium actus est. ARTAXERXI: cui de subigenda Græcia pollicitus, postea cum uideret præstare non posse, uoluntaria morte, ueneno sumpto, uitam finiuit. Plutarchus.

161.

ILLA nox] Africanus minor mane in cubiculo suo mortuus repertus, putatur suorum scelere sublatus, maxime Sempronie uxoris, cuius fratrem Tiberium Gracchum Africanus in concione dixerat iure sibi cæsum uideri. quod profecto nunquam dixisset, si talem exitum prouidisset. ergo & eum, sapientissimum uirū,

II iij

COMMENTARIVS

aliquid fefellit. fefellit & C. Marium, qui cum L. Syl-
la nunquam profecto contentionem suscepisset, si diem
illum, quo Vrbe pulsus est, mentis acie prouidisset.

MATVRIVS: si acciderit, ut corruat iste, ante
quam ex hac uita decedamus; noui nihil accidet; quo-
niam id omnino futurum multo ante uiderim.

161:

VT ijs paream,] Vt Cæsaris imperio me summit-
tam, cum imperium mihi contra eum senatus dederit.
fam. 260:

161:

DOMESTICAS tricas] Propter rem fa-
miliarē à uiro suo Dolabella male gubernatā. fam. 27:
509yūs &c. quamuis eximia sit eius in nos pietas, &
amor, ideoq; metu periculorum, quæ mihi ad Pompeiū
eunti uidet impendere, uehementer moueatur: ire ta-
men uult; & quid rectum sit, magis, quam quid utile,
considerat. EX ITALIA: exiturū. ANTO-
NIO: quem Cæsar, in Hispaniam contra Pompeij le-
gatos proficiscens, Italiæ præesse uoluerat. Plutarchus.
NOLLE: me. hoc est Antonio dicendū. QVAM
CVRIO: magis placeret CVRIONE: & adiu-
uat uetustus Bessarionis liber, in quo uideo scriptū, CV-
RIONIS IS AD: ut, CVRIONE. IS
AD, ab antiqua scriptura minimum discedat.

Ex epistola VII. pagina 161:

PROPR.] Quodd ei Cæsar administrandam
tradiderat Italiam.

161:

QVAM putas,] Quia Clodio intimus fuerat
Antonius in Tribunatu. Philippica II. RVM O=

REM: quodd de tua ad Pompeium profectiōe audi-
uimus. DOLABELLAM: generum tuum, qui
nobiscum est. 162.

A' ἡλοτυπία mea] Quia moleste tuli te Augurē
creatum, cum me eiusdem honoris cupiditas amorq; te-
neret. INIVRIA TVA: non enim ea causa pe-
tisti Auguratum, ut iniuria me afficeret. itaque cum
ob eam rem quædam consecuta sit offensio, nata nō ab
iniuria tua, quæ nulla fuit, sed à ἡλοτυπία mea, qui
eundem honorem concupieram: danda mihi opera est,
ut omnia studia officiaq; tibi præstem, ne uidear ex il-
lius temporis memoria tibi esse infensus; cum intelligā,
& fatear, nullam mihi à te iniuriam esse factam: non
enim appellare possum iniuriā, quia tu petieris id, quod
ego cupiebam. 162.

TIBI omnia integra serues,] Sustineas te, &
ut hæcenus fecisti, neutram in partem inclines.
EIVS FIDEM IMPROBES: Pompeio ne
te credas. INIVRIAM FECIT: cum ini-
micum tuum Clodium præter amicitiae ius contra te
armauit: ut eius opera pulsus in exilium uidearis. noli
igitur spectare tam beneficium, cum te restituit, quàm
iniuriam, cum eiecit. NON POTEST: fieri
non potest, ut te non amet.

Ex epistola VIII. pagina 162.

HOMINVM fama] De tua profectiōe ad
Pompeium. 162:

PERICVLICAUSA] Alijs bellis civilibus cum
non nulli nihil melius putarent, quàm ab omni conten-

tionē abesse; tamen quia ducem alterutrius partis sibi scirent esse inimicum, uictorem timentes contrariam partem adiuuauerunt. quod tibi faciendum non est: qui ex superioris meae uitae testimonio scis me crudelitatem non amare, praetereaq; tibi esse amicum.

Ex epistola IX. pagina 162.

EXANIMAVIT:] Quia, cum pro certo haberemus, Caesarem in Hispaniam proficiscentem itinera tardius facere coepisse, Petreium cum Afranio copias coniunxisse, ipse nihil attulit eiusmodi. quod timorem attulit eo maiorem, quia scimus eum solere saepe pro Pōpeio mentiri. VOLARE DICITUR: ut nunc audimus, contra quam nobis erat persuasum. IN GERMANIAM: inde Galliam petiturum, ut Caesarem auertat ab Hispania. 159. MELITAM: uide 159. DVM, QVOD IN HISPANIA: dum sciamus, quod in Hispania actum sit.

163.

PVERI nostri.] Meus, & fratris filius. DE DIGNATIONE: de dignitate, de honesto.

163.

SI quid ab Afranio.] Si quid ex Hispania: quam Afranius Pompeij legatus cum duobus collegis administrabat. CREDENDO: si permittit, ut ex Italia discedam, caute tamen credam. OCCVL- TANDI: cōsiliij mei de discessu. SERVIVM: Sulpitium. 159.

163.

A' Posthumia & Seruiij filij.] Fateor, qui sit uerborum ordo, me non uidere: & ob hanc causam, &

quia Bessarionis liber pro SERVII habet SCIVI,
suspicio de mendo. **QVARTANAM**: qua diu
graviter laborasti.

Ex epistola X. pagina 163.

EANDEM rationem] Mitem & benignum
fore Casarem in aduersarijs dimittendis parta victo-
ria, ut fuit in ferendis pacis conditionibus.

163:

EXIIT.] Ex Vrbe. Iratus autem, quia lega-
tionem ad Pompeiũ de pace nemo suscipere uoluerat;
& quia, quasunque res agere instituerat, L. Metellus
Tribunus pl. intercedens omnes impedierat. de bello ci.
lib. 1.

163:

EAM causam,] Causam Casaris: quæ uinci
sine mea, Dolabellaq; tui perniciæ non potest. ita-
que uide quid agas. si tu ad Pompeium nauigas,
neceſſe est ego & Dolabella alterutrum horum facia-
mus, uel Casaris causam, in cuius uictoria salus utrius-
que est, odio prosequamur, aut relinquamus; uel, si no-
strā uictoriā cupierimus, impia cupiditate contra tuam
salutem peccemus.

163:

QVOD offensæ fuerit,] Forte enim ad Pompe-
iũ ire uis, quia uerearis, ne, si non ieris, eius animum
offendas. sed istam tamen offensionem minime uitauere-
ris: quandoquidem iam offendisti, quoniam ante non
simul cum eo profectus es.

163:

PARVM optimatem] Minus amantem Rei-
publicæ. **QVOD OPTIMVM SIT**: quod ad

COMMENTARIUS

tuam ipsius salutem pertineat. TOTVM: ne omnino eas ad Pompeium. OPTIMATIVM: tuam mansionem reprehendentiū. NON NVLLORVM: Caesarianorum; qui, quia si iam parva victoria, ita se insolenter efferant, ut ferre non possis.

Ex epistola XI. pagina 164.

ME cecum,] Qui ante non uiderim ea, quae nunc uideo, istos non daturus, ut ex Italia arbitrato meo exire possem: stulte igitur cunctatus sum.

164.

στυγᾶλην] Epistolā, quae occulte significet, profectio- nem ex Italia mihi non dari. λακωνικὴν: nā Lacedaemonij genus quoddam occultae epistolae, quo ad Imperatores suos scribentes utebantur, στυγᾶλην appellabant. Suidas, Gellius. EXCIPIAM: ad Missenum uenientē. contra est refugere. 161: TENTABO: num de discessu possim impetrare. AVDEAM &c. imperabit Antonius, audeam nihil properare: ego, missum me ad Caesarem, clamabo: interea cum paucissimis alicubi occultabor, ut, quid spectat animus, euolem. sic alij exponunt, CLAMABO reponentes pro CLAMABAM. antiqui tamen libri CLAMABAM. Bessarionis etiam pro CVM PAUCISSIMIS habet TVM PAUCISSIMIS.

AD CURIONEM: utinam ad Curionem possim in Siciliam. §

164.

σὺν θεῷ τοι λέγω.] Secreto hoc tecum communico, ut praeter deum et te nemo intelligat: me hinc omnino istis inuitissimis euolaturum. ACCESSIT: ex epistola

Antonij tugævixōs scripta. DE MASSILIEN= SIBVS: qui portas Cæsari clauferant. EFFE= CERAM: obtinueram à Curione, ut palàm nauiga= re possem. 158. SERVIVM: Sulpitium. 159: 163. OPVS ESSE: ut eius cōsilia cognoscam. forte enim & ipse mecum exire uolet ex Italia. 159:

164:

HIC] M. Antonius. CYTERIDEM: mi= mam, quam amabat. hæc est, de qua Virgilius,
=tua Galle Lycoris

Perq; niues alium, perq; horrida castra secutus.
quo loco uide quæ de ea Seruius. VXOREM: Fuluiam: quæ fuerat uxor P. Clodij. SVNT AMICORVM: ad satiandā amicorum libidinē. REDIERIT: Cæsar ex Hispania. ILLVM: Antonium. IUVENEM NOSTRVM: Quintum filium.

Ex epistola XII. pagina 165.

ALITER ad te] De Quinto filio non idem ad te scripsit, quod ad matrem sororem tuam: & recte: dolorem enim illi dedisset cōmemorandis filij uitij. & obseruandum latine dici, Aliter &, aliter ut, aliter ac, aliter atque. DE ITINERE, ET DE SO= RORE: de itinere Quinti filij, & de sorore tua à uiro suo fratre meo dissentiente. neque sanè unquam inter eos conuenit. 60: PRAESTARE: solue= re. 114. 165.

HÆC quoque,] Ferociam, & arrogantiam. EA VERO: quodd sit mendax, quodd auarus, quodd

suorum non amans. NAM SVAS RADICES: sunt enim vitia à natura profecta. 159: Quoniam autem in Bessarionis libro scriptum video NON SVAS RADICES, suspicatus sum ex ingenio repositum NAM pro NON. et sanè ἐμφασις haud paulo maior est, si legatur sic: Non sunt ab obsequio nostro, non: suas radices habent. qua figura & in oratione de Aruspicum responsis usus est, cum in Clodium inuehens, Non ignouit, inquit, mihi crede, non. nisi forte tibi ignotum putas, quod te iudices dimiserunt excussum et exhaustum, suo iudicio absolutum, omnium condemnatum. LANGVIDIORA CONSILIA: arma cum Pompeio non sumpsi, ne filij fortunas in discrimen adducerem. FORTIOREM VULT ESSE: vult me ad Pompeium nauigare, quia nihil, nisi de dignatione, laborat. 163. CRVEDELIOR: illius rationibus male consulens. Pompeianorum enim filij, si Caesar vincit, parentum poenas luent. VENIT: ad Missenum. 161: SCRIPSIT: se non passurum ex Italia quenquam exire. 164. 165:

AESTATE] Cū pueris in Italiam ex Cilicia reuertens. MONSTRA: ut de Balbo in senatum uenire cogitante. EI IPSI: Trebatio. ἀποτόμως: quia diem soluendae pecuniae nimis stricte definierat. 158: Στυμωτέγων ERA T: stomachosius ad eum scripseram. MONETALI: quod momonetam nimis amaret. in quo sum familiariter iocatus: quia & ipse ad me scribens, ascripserat, Proconsuli, non, ut debuit, Imperatori. EST HOMO: ut humanus errauit.

Ex epistola XIII. pagina 165:

IMPERATVM] Ne me patiat^r exire ex Italia. CVRIONEM NACTVS : quia Curationem nactus effeceram ut per eius provinciam palam nauigare possem, omnia me consecutum putabam. nūc uideo me nihil egisse: quoniam custodior undique, ne discedam. 158. AD HORTENSIVM : ut, quoniam inferi maris pars ei commiss^a esset, meā nauigationem ne impediret. REGINVS : & hic infero mari præerat. liberam igitur Cicero suam nauigationem putarat fore, cū neque Curio, neque Hortensius, neque Reginus impedimento futuri essent. id contra cecidit : nam Antonius & ipse eius maris curā postea suscepit: qui exitus ex Italia nō dabat. HVIC: nullam, inquit, apud Antoniū huius maris curam suspicabar futuram. 166.

COMPACTO] In omnibus libris, CVM PACTO. ego coniectura sum adductus, ut emendarem COMPACTO, hoc sensu: Occulte hinc cogito discedere, ne meā profectiōem Casariani resciscant: nam id si accideret, suspicari Pompeius posset accidisse me uolente, qui palam profectus essem, ut impedire. nō committendum igitur est, ut uidear compacto prohibitus. compacto dixit, id est consulto, & dedita opera. qua uoce Plautus sæpe in hunc sensum usus est. MAIORA QVÆDAM : inde enim tuta erit in Graciam nauigatio. 158.

166.

AD HVC nihil secundi.] Adhuc aduersa nobis

COMMENTARIVS

omnia fuerunt; ut uix uidear uerū posse credere, quod de Siculis audiui. RESISTERET: Curioni aduenienti. non restitit tamen, & prouincia cessit: ut est lib. I. de bello ciu. LVCVLENTVS AVCTOR: is, qui hac dixit. ἐγὼνικῶς. AVDIE- TVR: quid in ijs actū sit. EADEM DERE: de profectione ad Pompeium. Bessarionis liber, EADEM FERE. 166.

SEVERIVS adhibebo.] Seuero uultu, ut mones, semper accipiam. QUID QVAM SVPER: exspecto Ser. Sulpitium, nec tamen exspecto quidquam sani: id est, non puto eum, quod uiro dignum sit, esse facturum, neque mecum ex Italia exiturum. ER- RASSE: qui cunctatus sim, qui non ante discesse- rim. PROVIDERE: non ruere, non temere discedere, sed omnibus rebus ante circumspectis.

166.

QV AE accidere possunt,] Mihi, si discedam. possunt autem accidere mors & fortunarum ruina. SEDENDVM: manendū in Italia. ISTIS: Caesarianis. EFFECISSEM: quod est à nobis hac nostra mora contractum culpæ, id profectione ad Pompeium correxissem. SVSPECTVS: mihi: ut iter non audeam per eius prouinciam facere. 158. VI: statim, sine ulla mora, uel cum periculo. sed, ad- uersa tempestate, nollem. TRAHIMVR: hone- stum nos trahit ad Pompeium: nec, si quid nobis ob hanc causam accidere possit acerbius, recusandum.

166:

MASSILIENSIVM factum] Quoddam Ca- sari

sari portas clauferunt. de bello ci. lib. I. ODIVM:
 in Cæsarem. SIGNIFICATVM: à populo.
 ASSVMP SIT: Cæsar. RVAT: in fortunas,
 uitamq; ciuium. 164: DESPERARIT: se
 posse Pompeium uincere. EFFICIENDVM:
 mihi. PRIMVM QV ID QVE: explicemus.
 fam. 183. 166:

IV VENI,] Quinto filio. SVPPEDITA=
 BIMVS: præcepta ad uirtutem. PELOPON=
 NESVM IPSAM: qui difficilem prouinciam
 ceperunt, eos, ut sustineant quod susceperunt, hortamur
 his uerbis: Spartam nactus es, hanc orna: quod ij, qui=
 bus, ut Sparta nascerentur, contigisset, eniti uehementer
 deberent, ne tam nobili patria minus digni uiderentur.
 Sed Cicero, qui regendum Quintum filium susceperat,
 non contentus, si Spartam diceret, Peloponnesum dixit,
 ut plus significaret; quoniam pars est Sparta Pelopon=
 nesi. Sustinebimus, inquit, quam suscepimus, non Spar=
 ta, sed Peloponnesum ipsam. INDOLES: in Quin=
 to, quæ spẽ afferat futuræ uirtutis. ἥθος AKIM O=
 ΔON: quid, si, ἥθος ἀκίμων? ut hoc dicat: mores cu=
 rari & sanari quamuis corrupti possunt. quod quan=
 quam non est factum, fieri tamen potest: cum mihi
 persuasum sit, uirtutem disciplina tradi posse.

Ex epistola XIIII. pagina 166:

AD SPEM] Cur bene sperandum sit de Re=
 publica. 166:

ANTONII leones] De leonibus curru iun=
 ctis ab Antonio sunt qui intelligendum putent. ac nos

KK

quidem his assentientes aliquandiu idem putauimus :
sed postea quàm collatis temporibus ueritatem historia
tanquam in trutina coepi perpédere, assensum sustinui.
iunxit enim certe leones curru Antonius, ut Plutarchus
& Plinius docent; sed, ut ijdem tradunt, postquam in
Pharsalicis campis dimicatum est : at uero hanc episto-
lam confecto nondum Hispaniensi bello scriptam esse,
id est multis mensibus ante Pharsalicum praelium, tum
ex ipsa, tum ex alijs epistolis supra infraq; scriptis dilu-
cidum est. LEONES igitur expono, quibus Antonius
delectaretur : quod animi feritatem indicaret. IV-
CUNDIVS : potius enim mollem, iucundamq; ui-
tam, quàm mali quidquam uidetur cogitare. πολιτικοῦ : factum ciue dignum Rempublicam admi-
nistrante. εὐωνυκῶς. 167.

IRATVS] Quodd beneuolentiam in Pompeia-
ium ostendissent. EXVLIBVS : lege Pompeia
damnatis. 157: GRATVM : quodd eum Curio
cómendaueris. 122, 152: VECTENVM DIS-
LIGO : quoniam mihi amicum esse scribis. 165 :
REDDIDI : literas à te missas. SERVIVS :
Sulpitius. OBSERVARIT : antea coluerit.
IMPERATVM : ei à Cæsare. NEGARE :
quod ab eo petij, ut liceat mihi exire ex Italia. EX-
COGITABIMVS : de occulto discessu. 164: 166.
167.

OCELLAM,] Seruium Ocellam; quem Ce-
lius in quadam epistola bis deprehensum scribit in adul-
terio. RETARDATOS : impeditos Cæsaria-
nis custodijs, ne discedere possint ex Italia. ACVR-

TIO : opinor , quia debitam Attico pecuniam non solueret. cogitabat autē Atticus in Eperum: ut supra.

SERVIVS : initium alterius epistolæ. NVLLVS CONSILII : nihil enim constitui poterat, quod non incurreret in magnam aliquam difficultatem. fam. 47. ILLVM : Pompeium: iratū omnibus qui remanserant in Italia, Sulpitio magis, qui filiū cum Cæsare Brundisium miserat. 154. HVNC : Cæsarem Servio non amicum; quia dixerat in senatu, non placere sibi eum in Hispanias ire contra Pompeij legatos. fam. 46. 167:

ALTERIVS crudelitatem,] Pompeij : de quo sic in epistola ad Marcellum, An tu non uidebas mecum simul, quā illa crudelis esset futura uictoria? ETIAM LIPPITVDO : quæ, cum sit humor à capite fluens, non solet esse sine lacryma. VIGILIAS : quibus lippitudo curatur.

167:

SATIS BELLA] Cuiusmodi uolumus: non secunda Cæsari. DE DVABVS LEGIONIBVS : dici à certis hominibus alienissimas esse à Cæsare. 166: 167:

EXEVNDVM :] Ex Italia : cum diceret, multo se &c. DE FILII : de filio Brundisium misso ad affligendum Pompeium. ANIMVM : cū ob ea incitari ad discessum deberet. NOSTRO CONSILIO : discedendi. AD IDEM : cohortatione uocandus. NON MVLTVM EST : quod præuiderat, cum dixit, Servium expecto, nec ab eo quidquam speres.

KK ij

COMMENTARIUS

Ex epistola XV. pagina 168.

OCTO cohortibus:] Quæ videntur defectione à Cæsare cogitare. ERAT CONFIRMATIVUS: magis affirmabas de octo cohortibus. EXPENSVM TVLERIT: ita se excusat, debitorem suum sibi non soluere.

168.

CELIANVM illud maturescit] Propè adest, cū Celium imitaturus sim. VT PALAM: discedam, nec differam. differebat enim Cicero, quia vellet occultius discedere. PROPECTVRVM: statim.

168.

OMNES captiones] Vbi quid deliberauimus, statim aliquid, atque adeo multa contra occurrunt. POENITET: quia scit in Consulatu se iniuriam Cæsari fecisse: cuius ultionem timet. ὡ πολλῆς ἀγένης: abiectum, humilemque; animum: propter timorem poenitere summæ dignitatis, qua gloriari etiam deberet. IMPEDIRET: ne discedere possem ex Italia. HONESTIVS: remaneret.

168.

SUCCENSERE] Quodd mihi petenti ut exire ex Italia liceret, non concessisset. 164.

168.

IBITVR] Ad Pompeiū. ITA QUIDEM VT CENSES: palam, ut suades. NISI CIVIS &c. nisi spes de pace agendi. erit ante oblata: quod vix tam cito esse potest, ut ego non ante discesserim. ALIQVEM: personam grauiorem susce-

pturum, ut res cōponatur. QVIVIS LICET:
de pace agat. 168.

DATVR opera:] Vt sit, qualē uolumus. 166:
DE VSVRA: ut usuram tibi soluat. 165.
EGNATIO: debitore suo. 114.

168:
PVDENS:] Vide pudorem Axij. tantum
abest, ut soluat mihi XII millia, quæ dedi eius filio mu-
tua; ut insuper etiam petat. miram impudentiā. 165.
ASCRIPSIT: sic antiqui libri: SCRIPSIT
tamen mallem. GALLIO: aut FILIO legerē,
aut Gallium Axij filium puta: & quoniam Gallius et
Axius diuersæ familiæ sunt, Axio natum intellige, ado-
ptatum à Gallio, ut esset Gallius Axianus, ut supra Pō-
tius Titinianus Q. Titinij filius. 139. 154.

168:
POLLICITVS:] Gallio pecuniam.
TANTVM: quantū pollicitus sum. ME VE-
RO: scilicet: cū ironia. TV ISTOS: interrupta
oratio, figura usitata. uel, SED DII ISTOS:
nam in Bessarionis libro SEDVCTOS erat.
STVDIOSVS: est nostri. 165:

Ex epistola XVI. pagina 168:

PRAECIDERAT,] Hoc supra, 121:
CONSILIVM NOSTRVM: de discessu.
OBSERVABIMVS: ne quis resciscat, aut im-
pedire possit. CVRIO: à Cæsare missus, ut prō-
nunciam Pompeianis eriperet. 157:

KK ij

169.

VENTVM est ad me:] Venit ad me Ninius noster, dixitq; centuriones &c. POSTRI-
DIE: conuenire. AT EGO TIBI: ad orna-
tum TIBI dixit: & est familiaris antiquis scripto-
ribus locutio. fam. 125: VT TENTARE-
MVR: ut commentum hoc esset Caesarianorum, cen-
turionibus astute missis ad tentandum animum meū.

169.

SUSPICIONEM] Quæ potuit esse, si cē-
turiones expectassem, & allocutus essem. REDEO:
in Cumanum. HORTENSIVS: de quo 165:
COLLEGA NOSTER ANTONIVS:
qui ad me uenire noluit. collega autem in Auguratu.
168. MIMA: Cyteris. 164: SISTE: unde
Statōres, qui homines sistunt. cogitabat autem Atticus
Epeirum suam, ut supra.

Ex epistola XVII. pagina 169:

CAETERA eius.] Essent, qualis fuit ἐκτένεια.
uellem re tantum præstaret, quantum cupere uisus est.
ἐκτένεια: uolūtatis declarationē. VT I: omnia enim
sua officia, studiaq; detulit: quibus uti cogito. DE
EO: ut eius opera non dubitanter in discessu appa-
rando uterer. CAETERA: cum eo sum locutus.

169:

HABEREMVS:] Ut nobiscum posset dis-
cedere: (.167.) quandoquidem ratio exeundi ex Ita-
lia paulo facilior uidetur, q̄ antea putauī. AEQV I-
NOCTIVM: quo tempestas non solet esse ad na-

nauigandum idonea. IDEM MANEAT: ne nostrum discessum impediat, quoniam inferi maris partem curat. 165: 169:

DIPLOMATE] Cuius mentionem fecerat Cicero in epistola sua, cum diceret, se putare Atticum a praefecto urbano sumpsisse diploma, quo ei exire liceret ex Italia. IN MENTEM VENERIT: cum non debeas suspectus esse ut Pompeianus. PROFICISCI: in Græciam. LICERE: sine diplomate proficisci. PVERIS: uel seruis Attici, quos identidem in Epeirum mitteret; uel PVERIS Ciceronibus. COGITES: de transeundo in Epeirum. ETIAM NVNC: etsi iam discedo, scribe tamen si quid noui.

Ex epistola ultima, pagina 170.

TENVERVNT] Nam ad nauigandum non tranquillitate, sed uento opus est. INFANTIA: nam cum omnia promississet Hortensius, nihil praestat, more infantium: asseruor enim acerrime, ne discedam. HOMO: cum adhuc sit adolescens. proprie igitur INFANTIA.

170.

καταφυγῶν] Notum adagium de Corycaei occulto auscultantibus. QVO' OPTO: in Græciam. SI QVIS EX CVRSV: si quis mihi inter nauigandum occurrer, cui dare possim. HOC QVO=QVE: de discessu meo. TIMIDE: ne quis Corycaeus subauscultet, ad Caesarianos delaturus.

KK iiij

ITA omnia] Ita nostra culpa accidit, ut & tar

de & magna difficultate ex Italia exeamus. initio enim ad Pompeium ire, simulq; cum eo proficisci debuimus. ergo ut male posuimus &c.

170.

TEX BALBI autem sermone,] Balbus Attico in sermone opinor hoc dixerat, Casarem offensum, quia Cicero in senatum uenire recusasset. NON PROBAMVS: abijcimus consilium illud de mansione Melitensi. (159:162:) si quidem cum Casarem iam offenderimus, dubitare non debes, quin nos in hostium numero habeat. ego autem Melitam cogitabam, ne cum offenderem, cum oppidum à bello uacuum delevissem. eamus igitur rectè ad Pompeium, quando non licuit, quod querebam, Caesaris offensionem effugere. BENEVOLENTIA: ipsius Balbi. SUSPICIONE: quòd suspicaretur me ad Pompeium nauigaturum. INFELICIOREM: me.

170.

NEC fortiter, nec prudenter] Siue maneo in Italia, siue discedo: cum in mansione sit ignauia, temeritas in discessu, desperatis iam Pompeij rebus.

IN LIBRVM XI. CICERONIS EPI=

STOLARVM AD ATTICVM,

PAVLI MANVTII COM=

M E N T A R I V S.

Ex epist. I. pag. 170:

CCEPI] Hanc epistolam scripsit, cum
 A ex Italia profectus, ad Pompeium iam per=

uenisset. scripsit autem Romā. LIBEL=

LVM: libelli neque complicantur, ut epistolæ; neque

scribuntur: siquidem in his inscriptio illa, qua amicis

salutem dicimus, omittitur. LIBELLVM expono,

scriptum, non epistolam, eo sensu, quo in epistola Bruti

libro XI. Ut ex libellis eius animaduerti, qui in me in=

ciderunt. Alibi libellus aliud significat: sed quoniā hæc

ex eorum libris, qui dictionum sensa collegerunt, cuius

licet petere; quæ huius loci non sunt, consulto præter=

mittam. QUI EAS DISPENSAVIT:

Philotimus libertus: cui rerum suarum curam cum Ci=

cero commississet, deinde eum id fecisse pœnituit; ut

etiam paulo post his uerbis significat, Credens ei, cui tu

scis iampridem minime credere. EXISTIMA=

TIONIS: ut ijs satisfiat, quibus debeo: nam ob hanc

causam de existimatione Ciceronis agebatur. Cesar ini=

tio libri III. de bello ciuili, Ad debitorum tuendam

existimationem dixit. PERICVLA: partim quæ

iam sunt, ut in bello: partim quæ dubio rerum exitu

impendent.

CISTOPHORO] Nummi genus Asiaticum. Hanc pecuniam Cicero ex administratione Cilicie collectam, apud publicanos reliquit: deinde, quod ibi minus tuto fore uidebatur, dimidiam ferè partem exegit, & ad Egnatium argentarium transtulit. HS BIS, ET VICIES: si ad nostratis pecuniae rationem redigatur, ad aureos scutatos 60000. summa perueniet. & ut dicam quod sentio, de hac pecunia meminit, ut opinor, epistolarum, quæ familiares uocantur, libro V. pagina 76: quo loco non HS XXXII. sed HS bis, & uicies, legendum puto. quod autè ibi, eam omnem pecuniam Pompeium abstulisse infert, id uidelicet puto eum scripsisse, ut Rufum de HS centum amissis consolaretur, non quod re uera ita factum esset. nam ex duabus sequentibus epistolis apparet, eius pecuniae dimidiam fere partem à Cicerone exactam, & apud Egnatium trapezitam esse depositam: ut tantummodo, quod reliquum in Asia fuit, id Pompeius habere potuerit, nihil amplius: quod uidetur esse uerisimile, cum paulo post de Pompeio dicat, Cui magnam dedimus pecuniam mutuam. necesse est enim, ut hæc pecunia sit ex ea, quæ in Asia habebat in cistophoro. nam Romæ non erat unde sumeret; siquidem cum à Cilicia rediit, nihilo meliores offendit res domesticas, quàm publicas; ut ad Placium scribit epistolarum libro IIII. At uero, dicet aliquis, eam quoque pecuniam, quæ apud Egnatium deposita erat, fieri potest, ut Cicero mutuam deinde Pompeio dederit, non modo eam, quæ in Asia remanserat: atque ita quod ad Rufum scribit, confirmabitur, ut omnem

pecuniam Pompeius habuerit. Credibile non est: nam quo tempore apud Egnatium pecunia erat, Cicero egebat rebus omnibus, quemadmodum epistola, quæ post sequentem legitur, ostendit: ut, oppressum rerum omnium inopia mutuum pecuniam dedisse, uerisimile non sit. quod si quispiam roget, cur ea pecunia non uteretur, cum egeret: respondebo, Ciceronem, cum de dimittenda Terentia cogitaret, eam pecuniam hoc consilio uoluisse seruari, ut pro dote numerare posset. Hac de re suo loco.

170:

PECUNIAE PERMUTATIONE]

Si curabis, ut quod in Asia pecuniæ apud publicanos habeo, id tibi Romæ per eosdem publicanos numeretur.

FIDEM NOSTRAM: præstando quod promisi. EXPEDITAM: fidem. fides autem uerbum est proprium debitorum, & sæpe cum uerbis translatis apte coniungitur, ut apud Cæsarem initio libri III.

de bello civili, Cum fides tota Italia esset angustior, neque creditæ pecuniæ soluerentur. CREDENS EI: Philotimo, cui rerum priuatarum curam Cicero crediderat. SCIS: non est hic scis, pro non ignoras; neque ad scientiam refertur, sed ad cautionem. sensus est: Ego Philotimo credidi. tu cautior, iam pridem ei scis non credere. ut illud apud Terentium, Scisti uti foro. SERO INTELEXI, QUID TIMENDUM ESSET: de fidei existimationis meæ periculo, de quæ rerum domesticarum iactura, quod antea non intellexeram Philotimo credens. ob eamque causam ad te scribo, ut earum curam tu suscipias, tuamque administratione & diligentia pro-

uideas, ne quid de mea fide & existimatione detraha-
tur. 170.

INCOLVMIS esse, salutemq; ,] Hæc non
ad uitam pertinet, sed ad facultates: quæ Philotimi ne-
gligentia male affectæ cum essent; orat, ut eas Atti-
cus diligenter curet. nam quod ad uitam attinet, At-
tici opera qui egebat, præsertim Pompeianis saluis? at
uero in facultatibus ualde agebat, quarum conserva-
tionem, quo magis Atticum ad eas tuendas excitet, in-
columitatem appellat, & salutem suam.

Ex epistola II. pagina 171.

E O'QV E ipso die] Qui fieri potest, ut eo ipso die
hereditatem adeat, quo literas ab Attico accipit, cum
ex ijs literis de hereditate cognoscat? dicit enim, Si, ut
scribis, hereditas fidem & famam meam tueri potest.
hoc quidem certe quàm ueritati repugnet, nemo non
uidet. necesse igitur est, ut aut corruptus locus sit, aut
subintelligatur uerbum, datas; ad quod referatur illud,
Pridie Non. Febr. locutione non usitata, & mihi qui-
dem adhuc incomperta. Cernere autem hereditatem
quid sit, non necessarium est exponere: siquidem id alijs
ante nos ex ueterû scriptis ostenderunt. CREVI:
creuerat scilicet Atticus Ciceronis nomine, non Cicero,
qui cum Pompeio erat. dicit igitur, Creui, ad Atticum
respicens, qui id à se factum esse significarat.

171.

DE DOTE] Scripserat Atticus, Terentiam,
cum in sumptus necessarios non haberet, sumere de do-
te, cuius etiam nomine acceperat HS L X. turpe hoc

Ciceroni, contraq; eius existimationem uidebatur esse, qui uel uniuersam dotem uxori reddere debebat; uel, si minus id uellet, suis eam sumptibus alere; non committere, ut propter indigentiam detrudere quotidie aliquid de dote cogeretur. suscipe igitur, inquit, totam re, & illam meis opibus, tuis facultatibus tuere, ne posthac ipsa suam dotem quasi corrodere, ac diminueri cogere= tur. MISERAM MEA CVLPA ET NEGLIGENTIA: qui ante discessum meum curare debui, ut illi consultum esset, rebus domesticis expeditis: in quo meam culpa & negligentiam agnosco. OPIBUS: uerbum, opes, totum, quantumcunq; possumus, significat: & plus est, quam facultates: nam opibus facultates includuntur, facultatibus opes non item. 171.

QV A S accepi,] A' Philotimo, in domesticis rebus: quas ille, sibi à me commendatas, neglexit. Hoc apertius in epistola superiore. EX EA PECVNIA, QVAE FUIT IN ASIA: meminit superiore epistola. IBI, VBI EST: apud Egnatium. apparet ex epistola sequenti. QVAM APUD PVD PVBLCANOS: in Asia scilicet: in qua L. Scipio Pompeij socer cum imperio erat, pecuniasq; ab omnibus quo iure, quaue iniuria cogeat: ut Ciceroni tutius omnino uideretur, pecuniam apud Egnatium argentarium Romæ habere, quam apud publicanos in Asia, quæ Scipionis libidini & auaritiæ esset exposita. lege Cæsarem libro III. de bello civili.

171.

DE DOMO,] Id parari dixerat Chrysippus,

COMMENTARIUS

ut domo sua Cicero, quam habebat in palatio, priuaretur, propterea quod esset cum Pompeio. QVOD SI MIHI COMMUNE CVM CAETERIS ESSET: hoc, inquit, per se mihi dolendum est, quod domo priuer: sed multo magis, quod ex omnibus Pompeianis hoc incommodo unus afficiar, quodq; singularis sit mea calamitas. nam si commune mihi hoc esset cum ceteris, qui in eadem causa sunt, minor mea culpa uideretur, et eo tolerabilior esset. MEA CVLPA: quod ad Pompeium profectus sim.

171.

NISI quod tu efficis] Aptius, Nisi quid tu efficis. placet enim dubitanter poni: nam Atticum in ea re quidquam efficere, qui poterat certum esse Ciceroni, cum supra dicat, Tu nihil significasti? praeterea: Sed haec argumentis probare putidum est.

171.

POTESTAS mittendi non fuit,] Ut in exercitu; non enim facile tabellarios, cum uelis, mittere conceditur. TVIS: qui res tuas in Epeiro curant: nam ea transferat, ad Pompeium in Graeciam proficiscens. CVSTODIAS: eos, qui in exercitu obseruare solent, ne literae, aut nuncij Imperatoris iniussu quoquam mittantur.

Ex epistola III. pagina 171.

EAM, de qua tibi rescribi uoluisti,] Eam scilicet, quae sequitur. 171.

QVOD ad Cal. Quin.] Omnino Ciceroni erat in animo Terentiam dimittere: sed hoc differre duabus

de causis cōmodum uidebatur : & quodd ipsam minus
 offensum iri putabat, si matrimoniū nō propere abrūpe-
 ret, sed lente quasi dissueret: & quodd spoliari pecunia,
 quæ pro dote numerāda esset, dubio præsertim rerū exi-
 tu, nolebat. nam si ei de Pompeij uictoria certum fuisset,
 de pecunia cur laboraret non erat, quæ salua Rep.
 uiris bonis nunquam esset defutura, Ciceroni præser-
 tim, qui magnam Pompeio mutuam dedisset. cum uero
 dubius adhuc rerum esset exitus, pecuniam ipse habere
 in omnem euentum, quā Terentiæ pro dote reddere
 malebat. scripserat igitur Atticus, se scire cupere ad
 Cal. Quint. quid uellet Cicero, diuortium proferre, &
 pecuniam interea sibi habere, an diuortium statim fa-
 cere, & pecuniam pro dote numerare. utrunque, respō-
 det, graue est: nam & tam graui tempore tantam pe-
 cuniam, quanta scilicet apud Egnatium à me est, Ro-
 mæ habere periculosum uidetur; uel quodd nocturnæ
 domorum expugnationes fieri possunt; uel quodd timen-
 dum est, ne Cæsar, qui urbem tenet, eorum, qui cum
 Pompeio sunt, bona proscribat: & Terentiæ dare factō
 diuortio, non adducor, ut in rem meam esse credam,
 dubio rerum exitu, cum incertum sit uter uincat, Cæ-
 sar, an Pompeius: nam Cæsare uictore, nos, qui Pom-
 peium secuti sumus, in angustijs atque in magna rei pec-
 uniariæ difficultate essemus, tumq; diuortij facti, &
 pecuniæ Terentiæ datæ frustra pœniteret. Dicit autē,
 I S T A, quam scribis, abruptio: propterea quodd Atti-
 cus scripserat, sibi quidem uideri Terentiam quampriz-
 mum esse repudiandam, auctōrq; Ciceroni erat, ne dif-
 ferret, sed abrumperet: quod ex Attici consilio non se-

cisse Ciceronem deinde poenituit . significat hoc epistola huius libri antepenultima, cum dicit, Memini omnino tuas literas.

171:

ILLIVS consilio & uoluntati,] ILLIVS, Terentia. CONSILIO ET VOLVNTATI, nam si iudicabit hoc tempore diuortium esse faciendum, consilium illius & uoluntatem sequar. Terentia autem Ciceronem de diuortio permisisse, plane cognoscitur ex epistola, quam ad eā scripsit his uerbis:

» Quod scripsi ad te proximis literis de nuntio remittendo; quæ sit istius uis hoc tempore, et quæ concitatio multitudinis, ignoro. totum iudicabis quale sit: & quod in miserrimis rebus minime miserum putabis, id facies.

DE SALVTE NOSTRA, FORTVNIS'QUE: cum enim per literas tecum agebam, ad Pompeium profiscerer, nec ne; ad salutem, & ad fortunas nostras illa deliberatio pertinebat.

171:

NIHIL habet consolationis,] Nam incommoda, quæ mihi impendent, etiam si cum multis communia sint futura, nō ideo tamen leuiora fient. itaq; quod negas præcipuum mihi ullum incommodum impendere, ut assentiar ita esse, tamen ista res nihil habet consolationis; sed non ita est: nam etiam præcipua sunt multa: ex re uidelicet familiari, quam impeditam reliquerat ad Pompeium ex Italia profectus. hoc infra declarat his uerbis: Ea tamē erūt minora, si administratione, diligentiāq; tua leuabuntur. FACILLIME VITARE POTVISSE: si paulisper commoratus essem. nam prouidissem, ut & esset unde satisfac-

ret ijs,

ret ijs, quibus debeo: & Terentia pro uictu ne detrahere de dote cogeretur. Hæc sunt, quæ appellat grauissima incōmoda. 171:

SIT à me, ut est,] Quanquam Attico & Terentia de diuortio permittat, ostendit tamen eam pecuniam se nolle ad Terentiam dotis nomine transferri, quam apud Egnatium trapezitam deposuerat. & hoc dicit, ueritus, ne Terentia, si statuisset diuortium esse faciendum, Attico concedente, eam pecuniā auferret, qua priuari tam duris temporibus Cicero nolebat.

HOC, QVOD AGITVR: uter uincat, Cæsar, an Pompeius. non uidetur, inquit, diu bellum posse duci. VT SCIRE IAM POSSIM, QVID MAXIME OPVS SIT: VI, hic accipio pro etiam si. sensus est: Licet scire iam possim, quid mihi faciendum sit, dimittenda Terentia, nec ne: uolo tamen, quia belli exitus nō longe abest, interea pecuniam à me esse. deinde addit alteram causam, & ait, Etsi egeo rebus omnibus: quanquam etiam hæc causa est, cur eam pecuniam à me esse uelim, quod egeo rebus omnibus: ut oppressum rerum omnium inopia, priuari ea pecunia non oporteat. Ad intelligentiam autē huius loci maxime pertinet, si hoc teneatur, Ciceronis consilium fuisse, ut, ante quā dotem redderet, exitum rerum expectaret, ne, si quid durius in bello accidisset, pecunia priuatus egeret. NE QVID EI DE SIT: Terentia.

Ex epistola IIII. pagina 172.

ACCEPI] Hanc scripsit Dyrrhachij; & ut

LL

ex ipsa licet conijcere, post eam pugnam, qua Pompeius Imperator appellatus est. PRAEDIA NON VENISSE: scripserat Attico, ut pradia ueniret pro sustentanda Terentia. id quando, inquit, factum non est, sustentetur per te.

DE FRUSINATI] Fundum Frusinatem Cicero uendiderat, hac lege, ut redimere posset. de ea redemptione, quaesierat Atticus, quid cogitaret, num eam aliquando fieri uellet, an prorsus abiecisset. respondet, redemptionem se probare, quoniam ille fundus sibi futurus esset opportunus. redemptio tamen hoc tempore facta non est, ut patet ex epistola huius libri XIII.

NEC quae accidunt, nec quae aguntur,] Accidunt, casu; aguntur, ex consilio et uoluntate Pompeij.

UTINAM &c.] Fortasse enim ad Pompeium profectus non essem, si tecum de ea profectioe coram potius, quam per epistolas egissem. & hoc dicit, quia, profectum esse ad Pompeium, poenitebat; quippe qui nec quae accidebant, nec quae agebantur, probaret.

HIC tua, ut possum, tueor apud hos] Tua, quae ad te pertinent. apud hos, inquit, te defendo: omnibus enim, qui Romae remanserant, infensi erant Pompeiani. itaque dicit epistola, quae post sequentem legitur: Nunquam de te ipso, nisi crudelissime, cogitatum est. et infra eadem epistola: De Fannio consoler te? perniciose loquebatur de mansione tua. eodemq; loco, omnes,

» qui in Italia remanserant, hostium numero habeban-
 » tur. & ad Varronem, epistola VI. libri IX. Ego ui-
 » Etoriam etiam illorum timebam, ad quos ueneramus :
 » crudeliter enim otiosis minabantur. & Caesar libro I.
 » be bello civili : Pompeius discedens ab Vrbe in senatu
 » dixerat, eodem se habiturum loco, qui Romæ remansis-
 » sent, & qui in castris Caesaris fuissent. Dicit autem Ci-
 » cero, V T P O S S V M : ut ostendat difficultatem
 defendendi : nam Atticum purgare, quod Romæ re-
 mansisset, ægre apud iratos poterat.

172.

CAETERA Celer.] subintellige, Narrabit.
 nam Isidoro, quem nunc cum literis remittebat, com-
 mittenda non uidebantur. Celerem autem fortasse nō
 ita multo post ad Atticum missurus erat. Malim tamē
 legere, CAETERA CAELO, ut est in antiquo
 Speciani libro. quem si sequamur, sensus erit hic : Nos
 te, ut possumus, apud Pompeianos defendimus : cetera
 calamus, quæ scilicet ab illis in te & dicuntur, & cogi-
 tantur.

172.

QUID sit gestum noui,] Hæc & quæ sequun-
 tur, non eodem die scripta sunt, quo superiora : ut fit,
 cum epistolæ propter tabellariorum cōmorationem per
 plures dies in manibus habentur : cum interea multa
 in eas, aliud alio tempore, coniungere solemus. Prior epi-
 stolæ pars non optimam spem significat : unde illud, Si
 modo futuri sumus. & illud, Nec quæ accidunt, nec
 quæ aguntur, ullo modo probantur. addo etiam illud,
 Nihil poterat agi, quod mihi & meis rebus esset aptū.
 Hæc, inquam, Ciceronem ostendunt Pompeianorum re-

LL ij

bus penè diffidere. at uero ea, quæ sequuntur, nō item.
quid enim illud? Reliqua non uidentur esse difficilio-
ra. aperte declarat, in reliquo bello conficiendo negotij
non multum fore. cur autem hoc? quia scilicet factū
erat prælium illud ad Dyrrhachium, quo Pompeij for-
tuna superior fuit: quo ex prælio tantum fiduciæ ac
spiritus Pompeianis accessit, ut non de ratione belli cogi-
tarent, sed uicisse iam sibi uiderentur. Cæsar de bello
ciu. libro III. 180: 172.

CVRES, ut scribis,] Ut explicentur res do-
mestice. 172.

SOLICITUDO,] Vnde hæc sollicitudo,
prospera Pompeij fortuna? dixit enim, Reliqua non
uidentur esse difficiliora. Solitudinis, ut opinor, causa
hæc erat, quod omnino, siue Cæsar, siue Pompeius ui-
cisset, de libertate actum esse putabat: quod cum multis
locis significat, tum epistola V I. libri XI. ad Varro-
nem, dicens, Ego uictoriam etiam illorum, timebam, ad
quos ueneramus. Et ad Marcellum, epistola, cuius ini-
tium est, Et si perpaucis. EST QVE IN SPE
MAGNA: quippe qui ex Dyrrhachina pugna cō-
fidere suis militibus coepisset. epistola III. libri VII. ad
Mariū. INFIRMITAS CORPORIS:
cuius causa Pharsalico prælio non interfuit. Plutarchus
in uita. 172.

HACTENVS fuit, quod caute à me scribi
posset.] Ultra enim in scribendo progredi si uoluisssem,
minus caute fecissem. aperte scripsi, quatenus licuit. ul-
tra caute nō potui. 172.

II S literis, quas Pollex tulit] Opinor, proximis

superioribus : in quibus de pecunia , quæ Terentia pro dote numeranda esset, mentio fit. illud miror, quod in hoc diuortio nullam unquam primæ pensionis mentionem inuenio: ut adducar, mundum & ornatum muliebrem pro pensione prima fuisse : unde Cicero , siue Terentiā dimitteret, siue retineret, neque damni quidquam , neque lucri posset accipere . itaque in epistola ultima huius libri dicit se cæcum fuisse in pensione secunda, non in prima. ex quo apparet, in epistola præcedenti secundam pensionem significari. POLLEX, seruus Ciceronis à pedibus, 122. & in epistola ad Terentiam, Pollicem fac extrudas, id est cum literis remittas; nam cum ijs miserat, quas hic intelligit.

Ex epistola V . pagina 172 :

QV AE me causæ] Hanc scripsit Brundusij , post Pompeium acie Pharsalica profligatum . Dolet autem se in Italiam uenisse. idq; dum excusare aliqua ex parte uult, causis admodū acerbis, grauibus, et nouis coactū se dicit, ut impetu magis animi, quàm cogitatione uteretur. doloris autem causa erat illa, quod sibi, qui cum Pompeio fuisset, esse in Italia , neque tutum satis putabat , neque honorificum . nam neque certum habebat, se esse à Cæsare ueniam impetraturum : & sermones bonorum uerebatur, qui calumniari poterant, quod, cū antea semper acerrimū libertatis propugnatorem professus esset, nunc uno praelio uictus, non modo Reip. fortunam experiri iterum noluisset, uerum etiam in Italiā ad uictores se contulisset : ut ex Pompeianis nemo non sapientior uideretur fuisse. qui enim bellum renouatu

LL iij

ri in Africam iuerant, consilium secuti erant, si nō tutum, saltem honorificum: qui in oppido aliquo resederant, ut M. Marcellus, ij rationem si minus honorificam, tutam tamen elegerant: at uero Ciceronis factum neque tutum erat, neque honorificum: quin & minus tutum quā Africanorū; & minus honorificū, quā Marcelli. Hæc autem pluribus uerbis, ut appareat, cur Ciceronis dolor tantus esset, qui peccatum suum agnosceret; quod cum posset, aut saluti, aut honori consulere, neutrum fecisset. **UT ID, QVOD VIDES, EFFECERINT:** ut me in Italiā uenire coegerint.

172:

REM & summam negotij uides.] Non repertio, inquit, nec quid ad te scribam, nec quid à te petam: rem ipse uides, & negotij summam: uides per te, cuiusmodi res sit, & quid facere te oporteat. quid autem oportebat? hoc uidelicet: agere apud Cæsarem per eos, qui gratia ualere, ut Ciceroni in Italia tuto liceret esse. Hoc erat, quod ab Attico fieri uolebat: sed præ dolore non explicat: tantum dicit, Rem & summam negotij uides. uides, quid à te uelim, & qua in re tuo studio, tuāq; ope indigeam.

172:

TVENDI mei] Excusandi, & purgandi: apud Cæsarem scilicet, & eius amicos, à quibus Ciceroni timendū erat; utpote qui in eorum potestate esset, contra quos antea in bello fuisset.

172:

PLACERE] Tibi. ut de rebus meis commodius & cautius, quā per literas possumus, colloqua-

mur. unde illud pagina 178: Vtinam uel nocturnis,
 quemadmodum tu scripseras, itineribus propius te ac-
 cessissem. nunc nec ubi, nec quando te sim uisurus, pos-
 sum suspicari. 172:

PER oppida] Ut in oppidis diem consumam,
 noctu autem, ne uidear, iter faciam. id, inquit, difficile
 est: nō enim ita possum noctu iter facere, ut mane sem-
 per oppida reperiam, & diuersoria. & dicit, APTA
 DIVERSORIA, hoc sensu: Non ita disposita
 sunt diuersoria, ut mihi noctu iter facienti, semper ante
 lucem quasi ad præsriptum adsint, ut deinde totum
 diē in ijs possim consumere: ex quo necesse erit, ut oppi-
 da non semper ante lucē reperientes, aliquā diei partem
 quandoque in itinere ponamus: itaque fiet quod tu me
 nocturnis itineribus uelles effugere, ut ab hominibus ui-
 dear in uia. Sed fac posse, ut aptissima semper habeam
 diuersoria. quid refert? homines, inquis, te non uide-
 bunt in uia. at uidebunt in oppidis, & omnino accidet,
 quod tu nolles, ut me Brundusio discessisse, & ad Urbē
 propius accedere, Casariani resciscant. quod sine per-
 missu Caesaris facere tutum non est. Ac uidere licet Ci-
 ceronis angustias & difficultatem, cui neque propius
 accedere Caesaris iniussu liceret, neque ex Italia discede-
 re; Brundusij uero manere, in oculis uictorum, in sum-
 ma indignitate, molestissimum esset. AD ID,
 QVOD QVÆRIS: ne de accessu meo ad Cæ-
 sarianos deferatur. hoc est enim, cur me uelis noctu
 iter facere. 172:

ET animi & corporis molestiam] Animum
 enim curæ distrahebant; corpus, præter mœrorem, cœli

LL iiij

- » etiam grauitas debilitabat. unde illud pag. 183: Cor-
 » pore iam sustineo grauitatē huius cœli, quæ mihi labo-
 » re affert in dolore. 172:

DE VATINIO] Scire uis, quo animo Vatinius in
 me sit. hoc autem quæsierat Atticus, fortasse quod ue-
 reretur, ne Vatinius, qui Ciceronem antea diligere ui-
 sus esset, Cæsare uictore non eundem se præstaret, sed
 iniuriæ potius, quàm beneficij à Cicerone accepti, me-
 mor esse uellet. nam primum eum Cicero oppugnarat,
 deinde defenderat. 172:

QVINTVS auersissimo à me animo Patris
 fuit:] Quoniā in sequentibus epistolis de Quinti ma-
 ledictis in Marcum fratrem legetur, eius rei causam
 non ab re est hoc loco pluribus explicare. Cum Cn. Pō-
 peius Brundusio profectus in Græciam nauigasset, ut
 classe, quanta maxima fieri posset, comparata, Italie
 commeatus intercluderet, & Cæsarem fame affligeret:
 incertus M. Cicero quid ageret, in Italia resideret, an
 Pompeium sequeretur; suadentibus non nullis, & ma-
 xime Quinto fratre, ut ad Pompeium iret, paruit, &
 profectus est: ut ostendit epistola huius libri I X. cum
 » dicit, Cessimus, uel potius parui. ex quibus unus qua-
 » mente fuerit is, quem tu mihi commendas, cognosces ex
 » ipsius literis, quas ad te, et ad alios misit. loquitur enim
 de Quinto fratre. Profligato deinde Pompeio, cum in
 Italiam M. Cicero redisset, ueritus est Quintus, ne fra-
 ter, quo facilius à Cæsare ueniam impetraret, suæ ad
 Pompeiū profectionis causam in ipsum conferret. itaq;
 turpi & scelerato mendacio confinxit, sibi Marcum
 fratrem auctorem fuisse, ut ad Pompeium proficiscere-

tur: & ubicunque fuit, maledicta in fratrem conferre non destitit: idq; fecit Patris, ut patet ex epistola huius libri X. ideoq; dicit, Quintus auersissimo à me animo Patris fuit.

172:

PROFECTOS] Ad Casarem in Asiam, ut deprecarentur. apparet ex epistola sequenti.

172:

CVM cæteris] Qui ad Casarem eunt, ueniam petaturi, cum Pompeio quod fuerint.

Ex epistola VI. pagina 173.

DE me, ac de dolore meo,] De me, propter periculum, in quo uersor, cum in eorum manu sim, contra quos in bello fui. De dolore meo, quia uides me dolere, & angere, quod in Italiam uenerim, cum omnino aut in Africam ire cum cæteris Pompeianis, aut in oppido aliquo à bellis uacuo residere melius esset. QVA CONSOLATIONE: quæ scilicet in eo est, cum tu probas meum consilium, & me omnino tali tempore in Italiam uenire debuisse affirmas.

173.

TANTA erat in illis crudelitas,] Quid enim crudelius esse potest, quam generatim proscriptionem informare eorum omnium, qui in Italia remansissent? TANTA CVM BARBARIS GENTIBVS CONIUNCTIO: proscriptionis duas causas ponit: unam, quod Pompeiani sua sponte crudeles erant: alteram, quod barbaras gentes in exercitu habebant, quæ tantum de cæde et de præda cogitarèt. barbaræ autem gentes in Pompeij castris erant, Cappa-

doces, Thraces, Bardani, Bessi, & qui præterea initio libri III. de bello civili à Casare cōmemorantur, & ab Appiano libro II. 173.

VOLVNTATIS me meæ nunquam pœnitebit: consilij pœnitet.] Voluntatis, quod ab armis discesserim: consilij, quod in Italiam uenerim.

173.

OPPIDO aliquo] Vel Achaia, uel alicuius provinciae, quæ esset à bello uacua. ACCERSE-
RER: à Casare in Italiam: quod & tutius & magis honorificum fuisset. SERMONIS: quem subij, quod uno prælio uictus, statim, desperata Rep. et libertatis cura posthabita, in Italiam ad uictores, quasi ad seruitutem sponte uenerim. MINVS AC-
CEPISSEM DOLORIS: nam si tuto in oppido resedissem, ut puta Rhodi, aut Mytilenis: duntaxat Reip. causa doluissem. nunc me præterea existimationis & salutis meæ periculum sollicitat: existimationis, quod Reip. causam prodidisse, aut certe neglexisse uideri possum, qui unus omnium Pompeianorum huc me contulerim: salutis, quod uictoris in manu sum. IPSVM
HOC: quod me nunc angit, erroris uidelicet mei recordatio, qui impetu magis animi, quàm cogitatione usus, in Italiam ueniendi consilium cepi.

173.

IACERE,] Despectum, & sine dignitate: id enim hoc in loco significat, iacere.

173.

SINE lictoribus, quos populus dedit,] Populus proconsulibus in provincias euntibus imperiū dabat, &

liētores sex. imperium Proconsules, & cetera insignia prius non deponebant, quā in Urbem reuertissent. Cicero autem cum ad Urbem pridie Non. Ian. accessisset, hac de causa ingressus non est, quod fore sperabat, ut propter res in Cilicia prospere gestas Urbem triumphans inueheretur. quod cum ei senatus frequens flagitasset, ut est in quadam epistola ad Tironem; re per Lentulum Cōsulem dilata, ad extremum, celeri & inopinato Caesaris aduentu, Pompeium Vrbe relicta profugientem secutus est. ex quo factum, ut imperium & liētores retinuerit. itaque nunc dicit, Propius accedere sine liētoribus quī possum? in quo ostendit, se adduci non posse ut liētores dimitteret: ijs autem uti non audebat, nisi à Caesare, aut ab ijs, qui in Italia Caesaris locum tenebant, impetrasset: quod deinde impetrauit, ut apparet ex epistola sequenti. Et dicit, QVOS POPVLVS DEDIT, ad differentiam illorum, quā tantū Senatusconsulto, lege Curiata, qua populus imperium dabat, neglecta, prouincias acceperant: ut iustior Ciceroni, quā cuius, retinendorum liētorū causa esset, quos non à senatū solum, sed à populo etiam accepisset. Caesar libro I. de bello civili, 121:

173.

AD Oppidū] Ad Oppiū, omnino uidetur emendandū. ad eū enim accedens, liētores sibi fasces praeferre, et cū pompa antire noluit, ueritus, ne Caesariani milites ea re offensi impetū aliquē facerent: itaque eos in turbā cōiecit, et promiscue cū ceteris ire uoluit. CVM BACCILLIS: cū fascibus: nā ex bacillis, & uirgis constriētis fasces cōstabant, securi inserta, ut eius acies extaret.

RECIPIO tempore me domo. te nunc] Corruptus locus: quem restituere, & sanare uix uidemur posse: tentemus tamen; &, quod remedium in libris manuscriptis inuenire non licet, uideamus num id ex ingenio promere possemus. Adducor igitur ut putem, Ciceronem, cum de suo ad Oppiū accessu dixisset, subdidisse cum dolore & indignatione, Recipi, d tempora, me domo, & hunc? ut hoc dicat: uide quā sim miser, colere me homines, & ad me domum uenire solebant. nunc uenit tempus, cum me Oppius quasi dignitate superior domo recipiat, exire ad me nolit, intra parietes suo commodo expectet. O tempora, recipi me domo? ut illud, O tempora, fore cum Curtius non dubitet Consulatum petere? E T H V N C? tam abiectum uidelicet, tam despectum, tam sine dignitate? QVOD sequitur, sic interpūgo, AD OPPIVM. QVONIAM IIS PLACERET, MODO PROPIVS ACCEDERE; VT HAC DE RE CONSIDERARENT. Ad Oppiū, inquit, redeo, de quo scribere institueram. deinde, quem cum eo sermone habuerit, continuo subiungit. QVONIAM IIS PLACERET, MODO PROPIVS ACCEDERE; VT HAC DE RE CONSIDERARENT. de liētoribus uidelicet, num ijs placeret, ut eos mecum adducere. dixi, inquit, ut hac de re cōsiderarent. hoc enim uerbum subaudiendum est.

SI remansissem.] In Italia. si nunquam ad Pompeium in Grāciam profectus essem, ut contra Caesarem

pugnarem. QVAE RESTANT: prae-
 sunt mittenda: quae reliqua sunt, uide. ISTIS: Cae-
 saris amicis, qui Romae sunt, explora, inquit, quo ani-
 mo isti erga me sint, quo putent Caesarem esse. FA-
 CTVM NOSTRVM: quod propius ad Vr-
 bem accedens, lictores mecum adduxerim. quod Caesar
 magis probabit, si, me id fecisse de suorum sententia, co-
 gnoscet.

173:

DE POMPEII exitu:] Quem Ptolomaeus
 Aegypti Rex interfecerat. Caesar, Plutarchus, historici
 omnes. HOC PUTAREM FUTVRVM:
 putavi, quocumque uenisset, eum interfectum iri, cum
 homines despecta illius fortuna, gratiam eo facto se esse
 à Caesare inituros putarent.

173:

FANNIO] Hic est, quem initio belli civilis
 Pompeius in Siciliam cum imperio praemisit. pag. 112.
 deinde apparet, eum mare transisse cum ipso Pompeio;
 & numeratur inter eos, qui cum imperio erant. pagi-
 na 133. DE MANSIONE TVA: crude-
 liter tibi minabatur, quod in Italia remansisses. itaque
 de eius interitu consolandus non es.

173:

LVCIUS uero Lentulus] Ne de Lentulo qui-
 dem dolendum est (hic autem ab eodem Ptolomaeo Rege,
 qui Pompeium interfecerat, comprehensus, in custodia
 necatus erat) siquidem ut Fannius crudelis, ita hic ra-
 pax fuisset, qui Hortensij domum &c. OMNI-
 NO: omnino & à Caesarianis huiusmodi multa sunt,
 indigna uidelicet & iniusta: sed illud, quod Pompeia-

ni designabant, erat infinitum. non enim hunc aut illum proscribere cogitabant, sed generatim omnes, qui in Italia remansissent. SOLVTIORE ANIMO: nunc enim à curis districtus ualde sum, propter temeritatem mei consilij, quod in Italiam tam inconsiderate uenerim. 173:

VT deprecaretur.] Ut ueniam à Cæsare peteret, quod cū Pompeio fuisset. NIHIL AUDI VI: profectus sit, nec ne. 173:

ALEXANDRINAS literas] Alexandriae datas: in qua Aegyptij Cæsarem inclusum obsidione premebant. sic & Epeiroticæ literæ, & Olbiensis epistola, dixit, illud pagina 203: hoc 310. 173:

AN EVNTEM, an iā in Asia?] Figura, qua utimur, cum, ex duabus rebus utra sit, incerti sumus: ut
 » epistola II. libri I. Nos hic te ad mensem Ianuarium
 » expectamus, ex quodam rumore, an ex literis tuis ad
 » alios missis? & eodem libro infra: Proximus Pompeio
 » sedebam: intellexi hominem moueri, utrum, Crassum
 » inire eam gratiā, quam ipse prætermisisset, an esse tantas
 » res nostras, quæ tam libenti senatu audirentur?
 Huius generis etiam illud est in epistola ad Trebatium:
 » Cn. Octavius, an Cn. Cornelius quidem, is me crebro
 » ad cœnā inuitat. & illud in Bruto, Paucis ante quā
 » mortuus est, an diebus, an mensibus?

Ex epistola VII. pagina 174.

ISTIS placere,] Cæsarianis, qui Romæ sunt.

IISDEM ISTIS LICTORIBVS &c.
 Consulibus L. Lentulo, & C. Marcello, cum Q. Cas-
 sius, & M. Antonius Tribuni pl. Senatusconsultum
 contra Caesaris dignitatem fieri prohiberent; factum
 est per Caesaris inimicos, ut intercedendi potestate pri-
 uati, de sua salute cogitare die septimo cogerentur.
 itaque illi ad Caesarem, qui Rauennae erat, profuge-
 runt. Postea Senatusconsulta, quae Pompeius uult, &
 ut uult, multa sunt: iniuste: non enim recte Senatus-
 consultum fieri potest, cum Tribunis pl. intercedendi po-
 testas erepta est. sed Pompeius tamen ijs Senatusconsul-
 tis delectus habuit, pecunias exegit, provincias cum im-
 perio tribuit, ut Scipioni, Domitio, Fannio, Sestio.
 Caesar autem, deuicto Pompeio, ea Senatusconsulta im-
 probauit, quae post fugam Tribunorum facta erant, quod,
 tribunitia potestate sublata, nihil legibus, nihil more
 maiorum, nihil iure actum uideretur. quod cum ita
 esset, sequebatur, ut & provincias & lictores amit-
 terent ij, qui haec a senatu post fugam Tribunorum ha-
 buissent. quod si qui ex his erant, quibus Caesar lictores
 relinquere, et institutum tamen illud suum de Senatus-
 consultis improbandis retinere uellet: hac utebatur uia:
 lictores, quos a senatu habuerant, adimebat: alios dein-
 de ipse dabat. ita fiebat, ut & illi lictoribus uterentur;
 & quae senatus post fugam Tribunorum decreuerat,
 ne ualerent. itaque dicit Cicero, Cui non puto suos esse
 concessos, sed ab ipso datos: audio enim eum ea Sena-
 tusconsulta improbare, quae post discessum Tribunorum
 facta sunt. Sestius enim erat ex ijs, qui lictores, id est
 imperium, illis Senatusconsultis habuerat. & dicit,

COMMENTARIVS

S V O S, quos habuerat antea: A B I P S O D A-
T O S, à Casare. (supra autē, I I S D E M I S T I S,
id est, ijs, quos nunc habeo: non enim ex ijs erat Cicero,
qui lictores habuerant post fugam Tribunorum: sed
eos ante illud tempus, cum Ciliciam provinciam non à
senatu solum, sed etiam à populo acceperat. quod Ses-
tio non contigerat: qui pratoriam provinciam sortitus
erat, cum de illius imperio ad populum relatum non
esset. Casar libro I. de bello civili 121: Q V O D
C O N C E S S V M S E S T I O S I T: ut licto-
ribus ipse quoque uti posset. cui nō puto etc. S I V O-
L E T S I B I C O N S T A R E: hoc dicit: Casar,
si tantummodo Senatusconsulta uolet improbare, quæ
post discessum Tribunorum facta sunt, poterit nostros
lictores comprobare, id est eos, quos hætenus habui: nō
enim ego illis Senatusconsultis imperium accepi. quod si
nostros lictores minus probare uoluerit, plane constare
sibi non uidebitur: nō enim præstabit id, quod dixit, se
uelle ea Senatusconsulta, quæ post fugam Tribunorū
facta sunt, ut iniqua rescindere: sed hac ratione pror-
sus omnia Senatusconsulta tollet.

174.

L. M E T E L L V M] Hic est, qui superiore anno
Tribunus pl. cum esset, Casarem, ne pecuniam ex æra-
rio promeret, impedire conatus est. cui Casar mortem
minitatus, & ærarij foribus, ut Appianus inquit, effra-
» Etis, pecuniam abstulit. unde illud pag. 161. Duarum
» rerum simulationem amisit, mansuetudinis in Metello,
» diuitiarum in ærario. I L L V M: Casarem.
E D I X I T: edixit Antonius, ne cui ex ijs, qui cum
Pompeio

Pompeio contra Cæsarem in bello fuissent, liceret esse in Italia, exceptis Cicerone, & Lelio. RE IPSA EXCIPIT: quo modo poterat sine nomine re ipsa fieri Ciceronis exceptio? si sic uidelicet Antonius edixisset, Ex omnibus Pompeianis ne cui liceat esse in Italia, nisi quorum causam Cæsar cognouerit, aut de quibus Cæsar scripserit. Quo edicto Cicero, non nominatus, re ipsa tamen exceptus esset: siquidem Dolabellæ literis, Cæsaris iussu confectis, in Italiam uenerat. Cur autem nominari Cicero noluisset? duabus de causis: primum, quod grauius offendi Pompeianos intelligebat tam aperta significatione; eos porro iratos habere nolebat, si forte, ut incerti sunt bellorum exitus, uictores domum reuertissent: deinde, quod exceptio illa nominatim facta, quasi legem & necessitatem ijs, qui excipiebantur, imponebat, ne discedere ex Italia possent; ne scilicet beneficium Cæsaris aspernari, aut etiam renunciare uiderentur. unde illud epistola, quæ proximam subsequitur, Exceptionibus edictorū retineor: quæ si non essent
 » sedulitate effecta, & beneuolentia tua, liceret mihi abi-
 » re in solitudines aliquas: nunc ne id quidem licet.

174.

ASSEQUERE quod uis,] Ut minuatur dolor meus: quem inde capio, quod & in Italiā uenerim, & in edicto nominatim exceptus sim. ME BONORVM IUDICIUM NON FVNDITVS PERDIDISSE: bonos de me non male iudicare, neque consilium meum, quod in Italiam unus ex omnibus Pompeianis uenerim, prorsus improbare.

MM

QVID tu in eo potes?] Quid à te fieri potest, ut boni meum consilium non reprehendant? nihil scilicet: causam enim mei facti probabilem, quam afferas, nullam habes. ueruntamen si qua mei defendendi facultas existet, id me maxime consolari poterit. Et dicit, ID POTERIT, ut hoc significet, aliud ferè nihil esse quod possit. QVOD NVNC QVIDEM VIDEO NON ESSE: uideo nullam tibi nunc meæ temeritatis excusandæ facultatem dari.

SI quid ex euētis:] Nūc nihil uideo esse, quo meū factum tueri possis. sed si quid ex euentis nasceretur, obserua, & occasionem ne pratermitte. ut, si Caesar bellū ex sententia confecerit, ex illo euentu mei defendendi facultatem arripies, quam nunc quidem non habes: adhuc enim Pompeiani sunt in armis; & dum erunt, ego turpis uidear necesse est, qui stantem adhuc Reip. causam deseruerim. quod si uincuntur; meum consiliū ex euentis probabitur: dicar enim hunc exitum prouidisse; sapienterq; fecisse, quod in Italiam, id est in Caesaris potestatem uenerim; contra quem sine spe uincendi pugnare, aut frustra tergiuersari, stultum esset. VT HOC NVNC ACCIDIT: hoc scilicet, quod sequitur: in quo ex euentis defendimur: nam exitu Pompeij perspecto, minus reprehendor, quod cum eo post Pharsalicam pugnam fugiente profectus non sim. in quo sapiens fuisse nunc uideor; quasi de illo, quocunque uenisset, id, quod accidit, fore coniecerim. exitu uero non dum cognito, dicebar debuisse cum eo proficisci.

EX omnibus nihil tamen magis desideratur, quàm quòd in Africā non ierim.] Multa, inquit, in me desiderantur, uel quòd cum Pōpeio profectus non sim, uel quòd in Africā ad renouandū bellū nō ierim, uel quòd in oppido aliquo non resederim: sed ex omnibus tamē nihil magis desideratur, quàm quòd in Africam non ierim. NON PROBANT: qui Romæ sunt, qui scilicet pondus habent, & à quibus meum factum probari uellem. fortasse autē nō probant, q̄ multi boni uiri in Africam profecti sunt: ut tentare quiduis potius maluisse uideantur, quàm de Rep. desperare: cum ego contra fecerim. ET SCIO FUISSE ANTEA: quorū omnium iudiciū hoc fuit, uel barbaris auxilijs Rēp. esse defendendā. HOC LOCO VALDE VRGEOR: nō uideo, qui defendi possim. HIC QVOQVE OPVS EST etc. oportet, inquit, (nam alioqui defendi non possem) ex ijs, qui in Africam iuerunt, ut bellum renouarēt, casu aliqui sint, uel si fieri potest, omnes, qui suæ saluti consulere uelint, & consilium illud, quod ceperant, omittētes, abiectis armis Cæsari se credant. hoc si ita fit, meū factum minus condemnabitur; siquidem & alios salutem omnibus rebus anteposuisse constabit. sin autem illi in bello perseuerant, & si uincunt: uides, quid nobis futurum sit. quasi dicat: non solum in turpitudine erimus, sed etiam in periculo: turpitudine, quòd publicam causam deserui, maiore salutis, quàm dignitatis, ratione habita: periculo, quòd eos hoc facto mihi fore iratos intelligo. unde illud in epistola quadam ad Var

COMMENTARIVS

ronem: Si essent nostri potiti, ualde intemperantes fuisset: erant enim nobis perirati: quasi quidquam de nostra salute censuissemus. Dicit autē, HIC QVOQUE, propterea quod in Græcia multi fuerant, qui post denictum acie Pharsalica Pompeium saluti consulerent, & uictori aut se committerent, aut bellum certe rursus inferre nollent.

174:

SULPITII consilium] Quod se Ciceronis consilio non antepone, consolans uidelicet Atticus scripserat. CATONIS: qui bellum in Africa contra Cæsarem renouat. PERICULO VACVVM EST, ET DOLORE: itaque nostro consilio uidetur esse anteponendum: cum nostrum neque periculo uacuum sit, neque dolore; quod & in uictoris manu sumus, & hoc ipsum mali non casu nobis, sed culpa & temeritate nostra contractum est: cū quiduis facere præstiterit, quā in Italiam uenire.

174:

EXTREMVM est] Commemorat quæ cōtra se faciunt, & quæ obijci à bonis uiris possent. primū, inquit, reprehendi possum, quod in Africam non ierim: deinde quod non idem fecerim, quod Sulpitius, qui sedem tutam & à bello uacuam elegit: postremo, quod non in Achaia remanserim. hoc extremum est, sed hoc tamen facere melius fuit, quā Italiam uenire.

174:

DOMVM statim uenerint.] Quod nobis non contigit: nam & in Italiam uenimus, neque domum tamen statim uenimus, qui Brundusij adhuc iacemus.

illi autē uel in Achaia residebunt, uel impetrata à Cæsare uenia, domum recta se conferent. Brundisij uero maxime licitorum cura Ciceronem tenebat: quos neque dimittere uolebat, ut proxima superiore epistola ostendit; et secum adducere, propter militum licentiam periculosum uidebat esse. HAEC TV: hæc, quæ contra me sunt, uelim, ut cœpisti, in sermonibus ita extenuas, ac minuas, ut quamplurimos in tuam sententiam adducas.

174:

QVOD te excusas] Cur ad me ipse non uenias. VEL VT CVM IIS: hic particula VEL non iteratur, sed refertur ad illud, quod infra dicit, ALITER VM EST, CVR TE NOLIM DISCEDERE. nam duæ causæ erant, cur Ciceronis interesset Atticum Romæ esse: uel ut cum Cæsarianis ageret quæ agenda erant: uel, ipso absente, ne Terentia egeret; quam Atticus scripserat in sumptum flagitare. CONSILII MEI: quodd in Italiam uenerim.

175.

QVOD scribis Terentiam flagitare:] Hæc est altera causa, cur te nolim discedere, quia scribis Terentiam assidue pecuniam petere, quod eam esse in angustiis declarat. quæ, si tu abesses, omnium rerum inopia premeretur. IN HOC LOCO: præ dolore, inquit, in huius rei commemoratione diutius uersari nō possum. QVOD EAM DILIGIS: quodd ea tibi curæ est, quodd ei deesse nihil pateris.

175.

VT IN AMILLI,] Hoc dicit, quia fore suspicatur, ut ab ijs apud Cæsarem oppugnetur. patet ex epistola sequenti.

MM iij

COMMENTARIUS

Ex epistola VIII. pagina 175.

TEMERITATIS mea,] Quod in Italiā temere & inconsiderate uenerim. QVAM TV PRVDENTIAM MIHI VIDERI VIS: conaris enim mihi persuadere, non me temere fecisse quod in Italiam uenerim, sed prudenter: negasq; mihi quidquam tali tempore potius faciendum fuisse.

175:

NOSTI genus,] Nosti, quā maledicus, quā iracundus sit. non ignoras quantum in eo soleat esse acerbitalis & petulantia uirus: id in me nunc uniuersum euomitur.

Ex epistola IX. pagina 175:

NEC in ulla sum spe &c.] Nam si sperarem me hinc posse discedere, quod & incaute, & celerius, quā oportuit, ueni; leuior esset dolor: sed eam spem eripiunt mihi exceptiones edictorum. lege quæ scripsimus in epistolam, quæ ante proximam superiorem legitur.

175:

ANTE initum Tribunatum] Ante quā Tribunatum noui Tribuni pl. inirent. ueni autem ante in Italiam, ueritus ne illi me suis rogationibus impedirent. Tribuni pl. ante alios magistratus & designabantur, & magistratum inibant. alibi plenius. LEGE: fortasse à Tribuno pl. Dolabella perlata; in qua scriptū esset idē, quod in Antonij edicto. OPPRESSVS: quia me lex in Italia retinet, cū excipiat me nomina

tim, sicut edictum. uide 174. **MVLTAE'QVE
MVLTORVM AD ILLVM**: ad Casarem.
Multos autem ad Casarem scribere sciebat, propterea
quodd tabellarij, qui Roma ad Casarem in Africam
litteras ferebant, Brundusij, ubi ipse erat, necessario cō-
scendebant. 175.

CAVSA attulit.] Vbaldini liber antiquus,
Caus attulit. emendo, **CASVS ATTVLIT**.
nam quemadmodum, casus & consilium, casus &
iudicium; sic, casus & culpa, casus & error, antithes-
ta sunt. unde illud epistola huius libri ultima: Nihil
est enim contractum casu: sed omnia fecimus ijs erro-
ribus & animi & corporis, quibus &c.

175:

GENVS belli] Formidabile, &, quocunque
uictoria inclinasset, exitiosum. unde illud ad Marcellū:
» Omnia sunt misera in bellis civilibus: sed miseriùs nihil,
» quàm ipsa uictoria: quæ etiam si ad meliores uenit, ta-
» men eos ipsos ferociore, impotentioresq; reddit. Plane
enim uiderat, quid Casar & Pompeius spectarent, quæ
inter eos conflati belli causa esset, cum uidelicet utrique
non libertas, sed dominatio proposita esset. ex quo illud
» pagina 125. Neutri σκοπὸς est ille, ut nos beati simus: u-
» terque regnare uult. **IVERAM**: ad Pompeium
in Græciam. **MIHI PRAETER CAETE-
ROS CONCEDENDVM**: nam alios tan-
tum Reip. causa, me uero etiam beneficia, quæ à Pom-
peio acceperam, mouebant. **CESSIMVS, VEL
POTIVS PARVI**: cessimus, Italia: parui ijs,
qui suadebant, ut ad Pompeium irem.

MM iij

IS, quem tu mihi commendas,] Frater meus. commendauerat autem Atticus, ut eum Cicero apud Casarem deprecantem literis adiuuaret. unde illud pagina 183. Scribis illum per me Quinto fore placatiore. quo modo autem Cicero, qui & ipse fortuna minus prospera utebatur, adiuuare eum apud Casarem posset, & quo modo etiam adiuuerit, apparet ex epistola, quæ post duas sequentes legitur: in qua cõmendatitiæ sunt, pro Quinto fratre, Ciceronis ad Casarem literæ. FASCICVLVS: literarũ, quas è Græcia Q. Cicero partim Brundisium ad Vatinius, & Ligarium, partim Romam ad alios mittebat.

176.

NON modo fouisse, sed & tantam pecuniam illi dedisse honoris mei causa.] Cum scilicet eo Legato in Gallia usus est. HONORIS autem MEI CAUSA, propterea quod in eo Casar non Quinti Ciceronis, sed Marci rationem habuit. EIVSDEM GENERIS: plenas omnium in me probrorum. REDDI: ijs, ad quos mittuntur.

176.

HAC ille acerbitate] Nam in me acerbus & cõtumeliosus fuit iam inde ab illo tempore, cum ad Pompeium in Græciam nauigare coepimus.

176.

ISTAM miserã,] Tulliolum. PATRIMONIO, &c. uidetur dubitare de proscriptione: quod apertius ostendit paulo infra, cum dicit, Matri quoque eadem intellexi esse parata, quæ mihi.

176.

SI me non offendes,] Nam etsi te uidere plane uelim: tamen, futurum id ne sit, ignoro. Et hoc dicit, ut significet, sibi præ desperatione consiliū in alias terras migrandi penè iam esse captum.

Ex epistola X. pagina 176:

DIE natali meo] III. Nondas Ianuarij: apparet ex epistola V. libri VII. 104: et libro XIII. 218: OPERAS IN PORTV, ET SCRIPTVRA ASIAE PRO MAGISTRO DEDIT: portorio, & scripturae Asiae Magistri loco praefuit. De hoc ipso in epistola ad Silium his uerbis:

» Cum P. Terentio Hyspione, qui operas in scriptura pro
 » magistro dat, mihi summa familiaritas, summaq; con-
 » suetudo est. Scriptura autem quid sit, Pedianus in Di-
 » uinatione declarat his uerbis: Qui exigenda à socijs,
 » suo periculo exigunt, & Reip. representant, eorum ra-
 » tio scriptura dicitur. In illa autem societate & magi-
 » stri, & pro magistris erant.

176:

CVM illis ne querendi quidem locum futurum puto.] Siquidem alter frater est, alter patris filius. cū alijs si res esset, ulciscerer: cū his ne queri quidem mihi arbitror licere.

176:

ACTV scripseras,] Atticus ad consolandum Ciceronem, quæ poterat, omnia colligebat. itaque scripserat, eos, qui contra Caesarem in Africa bellum renouarent, infirmos plane esse, & imparatos. hoc autem ad minuendam Ciceronis molestiam uel maxime per-

COMMENTARIVS

tinebat, qui ex euētis aliquid existere cupiebat, unde cō-
siliū suū non temere captū uideretur. In epistola,
quæ ante duas superiores legitur, locus est huiusmodi :
SI QUID EX EVENTIS. in eum locū quæ
scripsimus, lege. apertior huius erit intelligentia.

176:

HISPANIA,] In qua Cn. Pompeius Ma-
gni filius bellū aduersus Cæsarem instaurabat. Appia=
nus libro II. Dion libro XLII. & XLIII.

QVID EST, VBI ACQVIESCAM?
nam si hæc, ut nunciantur, ita sunt: ualde ego reprehē-
dar, qui in Italiā ad Cæsarem uenerim, causa publica,
quam alij & fortiter & cum optima spe tueretur, de-
stituta. EOS' QVE: Quintum fratrem, et Quin-
tum eius filium. ACCVSES: literis ad eos
scriptis reprehendas.

Ex epistola XI. pagina 177.

IMMUTATA esse omnia,] Nā cum Cicero
ab Attico literas accepit, imbecillæ Pompeianorum uires
esse uidebantur; cum autem hanc epistolam scripsit,
firmissimæ erant. itaque infert, ILLA ESSE
FIRMA, QVÆ DEBEANT, nos stultitiæ
nostræ grauissimas penas pendere. & hoc postremum
adiungit, quia stultus sibi fuisse uidebatur, quoddam ce-
leriter in Italiam uenisset, belli Africani exitu non ex-
pectato. CVRANDA: Romæ. ACCEPI:
hic. Erant autem argentarij P. & Cn. Salustij, alter
Romæ, alter Brundusij. QUI VTAMVR: 213.

177.

QVO culpa maior.] Nam hoc ipsum mali,
quod & sustineo, & expecto, totum est mea culpa con-
tractum, qui tam stulte & inconsiderate in Italiam
ueni. ILLE: Quintus frater.

177:

TAMEN L. in eo] Tamē de eo, clarius esset.
ut nunc legitur, non puto locum carere mendo.

Ex epistola XII. pagina 177:

IS lenis in illum] Cæsar in Quintum. IS
ERO, QVI SEMPER FVI: faciam quod
semper feci, ut fratrem meum, quantum in me sit, ad-
iuuem.

178.

QVOD utinam ita esset.] Cupit, Pompeianos
Cæsari se dedere; ut ipse sapiens fuisse uideatur, qui
statim post Pharsalicam pugnam ad Cæsarem uenerit,
quasi, quid futurum esset, coniectura prospiceret.
ETIAM HISPANIA: cum etiam in Hispa-
nia contra Cæsarem bellum paretur.

178.

VELIM facias id, quod sæpe fecisti.] Scribas
ipse meo nomine. Hoc enim Atticus facere solitus erat.
» unde illud pagina 171: Quibus tibi uidebitur, uelim
» des literas meo nomine. & 172. Velim, si qui erunt,
» ad quos scribendum à me existimes, ipse conficias. item
172: 175, 179.

178.

PRAECLARAS generi actiones?] Εἰς αὐτὴν
κῶς. nā actiones Dolabellæ, qui hoc tempore Tribuna-

COMMENTARIUS

tum pl.gerebat, turpissimæ erant. auctor Dion libro XII. & Plutarchus in Cæsare. Ipse autem pagina
 » 179. Omnium, inquit, cōspectum horreo, præsertim hoc
 » genero. Et 180. Ad ea, quæ me conficiunt, gener acce-
 » dit. Et 183: O' dij, generum ne nostrum potissimum, ut
 » hoc uel tabulas nouas? SIMPLICEM: sine co-
 hæredibus; ut ego unus creuerim. 171.

Ex epistola XIII. pagina 178.

SERVII patris] Seruij Sulpitij. & addit,
 PATRIS, propterea quodd eodem prænominē & fi-
 lius appellabatur. ut apparet ex epistolis ad Sulpitium
 scriptis. Puto autem alio loco me dixisse, apud Roma-
 nos in consuetudine fuisse positum, ut, qui primi nati es-
 sent filij, patris prænominē uterentur.

178.

HVC uenerunt:] Brundisium. EXISTI
 MARE TE POSSE CERTO SCIO:
 uides enim, nulla omnino releuari posse dolorem meū.
 deinde infert, MIHI CVM OMNIA &c.

178:

AEQVVM postulant,] Quid postularint, co-
 gnosce infra, 180. & 179.

178:

NEQVE tam mihi desperaturi uidebamur.]
 Caualcantis liber manuscriptus habet, Neque tamen
 mihi desperaturi ita uidebantur: Vbaldini, Neque tñ
 desperaturi mihi uidebamur. Legendum puto, Neque
 tam desperatum iri mihi uidebantur. IN EA-
 DEM SVM VOLVNTATE: ut redima-

tur : quanquam res nostræ desperatæ sint.

178:

CUM id uidebatur sapienter facere,] Ante
quàm ille à Cæsare deuictus esset : quo tempore nobis
ca res honori fore uidebatur Rep. constituta. nunc au-
tem, quoniam fortuna tulit ut Cæsar uinceret, ex euen-
tis stulte fecisse iudicamur. TVO VILICO:
in Epeiro. NEQUE AB ILLO ROGA-
TI SUMVS : qui enim dare debui non rogatus?
QVID SIT, QVOD CONFICI POS-
SIT : unde nobis suppeditentur sumptus necessarij.
CAVSAM NOSTI : non est tibi ignotus rerū
mearum status. Et hoc dicit, propterea quòd cum illud
parum plane posuisset, Quid mihi de omnibus des consi-
lij (non enim exponit, quibus de rebus consilium dari
sibi uelit) adscribendum putauit, cur breuitate usus
esset: ideoq; intulit, ET CAVSAM NOSTI.
Et scis, inquit, res meæ quo modo se habeant, et quæ me
solicitent, etiam si ego minus explicem.

Ex epistola XIIII. pagina 178:

COMITES me & socios habere putabam:]
Qui in Africam ire noluerant, sed remanserant, ut à
Cæsare ueniam deprecarentur, eos sibi comites, & eius-
dem consilij socios fuisse dicit.

179.

CULPAE] Peccasse sibi uidetur, quòd Brun-
dusij maneat, cæteris ad Africanum bellum profiscen-
tibus. RECEPTVS : à Cæsarianis. SCRI-
PSE RIT : Cæsar.

COMMENTARIUS

179.

NON quodd ab isto salus data quidquam habi-
tura sit firmitudinis:] Cur ita putaret, causam attu-
lit pagina 182. sic enim scribit: Et alia timenda sunt,
ab alijsq;: & ab hoc ipso quæ dantur, ut à domino,
rursus in eiusdem sunt potestate.

179.

HOC genero:] P. Cornelio Dolabella, qui cum
Cæsare erat. HOC GENERO, tam turpi, tam
perdito, tam flagitioso. Et hoc, quemadmodum ego opi-
nor, ideo dicit, quodd Dolabella Cæsarem instigabat, ut
aut Pompeianorum bona proscriberet, aut tabulas no-
uas poneret. unde illud pagina 184. O' di, generum ne
nostrum potissimum, ut hoc, uel tabulas novas? Atque
etiam huc pertinet id, quod dixit pagina 178. Vides ac-
cessisse ad superiores ægritudines, præclaras generi actio-
nes. item pagina 180. Ad ea, quæ me conficiunt, gener
accedit. & ibidem: Suspicio coheredes dubiam no-
stram causam putare: id est, proscriptionem meorum
bonorum fore putant.

179.

QVINTVS pergit,] Quintus frater nõ ces-
sat de nobis detrahare. CVM CAETERIS:
ijs, de quibus supra in hac ipsa epistola.

179.

AD Minutium parentem scribam,] Ut mihi pe-
cuniam curet. TVAS LITERAS MIT-
TAM: quibus ad eum scribis, ut mihi usque ad HS
XXX curet: tantundè te Minutio filio Romæ nume-
raturū, Minutius tamen XII. sola curauit, ut ex epi-

stola, quæ proxima sequitur, apparet. POTVISSE
 MIRARER: subaudi, cogi et confici à te de rebus
 meis. NISI MVLTAE DE FVFDIA-
 NIS PRAEDIIS: hic quoque subintelligitur,
 HS cogi & confici potuisse putarem. quod tamen non
 ita erat: nam Fufidiana prædia, quæ ad Ciceronem
 hereditate peruenerant, non dum Atticus uendiderat:
 ut patet ex epistola sequenti. ET ID VIDEO
 TAMEN: quàm difficile sit XXX cogi.

Ex epistola XV. pagina 179.

VT eum scribere etiam pudeat de illis rebus.]
 Quasi bellum cum Ptolemæo rege coeptum confecerit,
 & negotij iam nihil habeat. Loquitur autem de Cæsare.
 AFFVTURI: in Italia, ut cum Cæsare di-
 micent. unde illud in epistola sequenti: Ante reditum
 eius, negotium confectum iri puto. ACHAEI: qui
 post pugnam Pharsalicam primum in Achaia reman-
 serant: deinde in Asiam iuerant, ut à Cæsare ueniam
 impetrarent. ij, omisso petendæ ueniæ consilio, aut ad
 Pompeianos, inquit, redituri ex Asia uidentur, aut loco
 aliquo, qui Cæsaris in potestate non sit, comoraturi.

179:

ALTERO,] D. Lælio, quem tamen à Cæsaria
 nis receptum iam esse, superiora epistola scripsit. sed ui-
 detur minus certum id fuisse: siquidem paulopost in
 hac epistola dicet, Solius meum peccatum corrigi non
 potest, & fortasse Lælij. ex quo manifestum est, incertum
 adhuc fuisse, num Lælius esset receptus.

179:

CVI neque ad illos reditus sit, neque ab his ipsis quidquam ad spem ostendatur.] Illos, Pompeianos. HIS IPSIS, Caesarianis.

179:

XII.] HS. De hoc in epistola superiore. QVOD SVPEREST: vsque ad XXX HS. ex quibus XII. tantum acceperat à Minutio, ut XVIII. superessent.

179:

PECCATI dolor,] Nihil, inquit, difficilius est, quam is dolor, quem ex peccati mei recordatione percipio. peccauerat autem in hoc Cicero, quod in Italiam uenerat, ut saepe iam dictum est. AETER-
NVS: nunquam. n. eo liberamur. SI SOCIOS ESSEM HABITVRVS. EGO, QVOS PVTA VI: putavi enim alios quoque in Italiam esse uenturos: qui deinde non uenerunt. HABET ALIORVM &c. ceteri Pompeiani, qui in Africam non iuerunt, excusari omnes aliqua re possunt, ego nulla. itaque illi reditum habent ad suos: quem ego me habere non puto, qui publicam causam, cum in Italiam ueni, quasi prodidisse uideor. NON VENIUNT IN DVBIVM DE VOLVNTATE: non existimari possunt noluisse in Africam ire; siquidem capti à Caesare, aut interclusi, non potuerunt. ego autem neque captus sum, neque interclusus: neque tamen in Africam iui: quodque grauius est, etiam in Italiam ueni. CVM SE EXPEDIERINT: nunc reprehendi non possunt, quia non iuerint: apparet enim non licuisse, cum alij capti, alij interclusi

terclusi essent. Si uero exeundi uiam nacli, ad exercitum Africanum se conferent; multo minus in dubiū uenient de uoluntate: ostendent enim se, cum potuerint, iuisse.

179:

FVSIVM] Q. Fusium Calenum, quem Cæsar Achaia præfecerat: & est is, ut opinor, qui Cicero= ni post Cæsaris obitū acerrime in senatu in M. Antoniū inuehenti respondit. Dion. TIMIDI: tantum timidi uideri possunt, nihil præterea: uenerunt enim sua sponte in Cæsaris potestatem, ne hostium loco habiti calamitatem aliquam subirent, quam supplices se posse effugere sperarunt. ego autem non timidus solum existimari possum, sed Cæsaris quodam modo cupidus, qui in Italiam, quasi conspectum & consuetudinem uictoris appetens, me contulerim: cum eadem ratione, qua ij qui ad Fusium uenerunt, consulere mihi possem. QVICVNQVE SVNT: etiam si Cæsaris causam acriter oppugnarint. CORRIGI NON POTEST: neque enim efficere ego quidquam possum, ut peccasse non uidear. alij autem, si qui peccasse putabantur, cum se ad Africanum exercitum contulerint, recepti non iam amplius reprehendentur: cum mea ratio non eadem sit: nā quoniam ego multo grauius, quàm ceteri, Pompeianos offendi; non recipiar ab illis; itaque fiet, ut solius meum peccatum non corrigatur. C. QUIDEM CASSIVM: rumor fuerat, Cassium ad Cæsarem Alexandriam ire, ut deprecaretur: quod omnino Ciceronis causam aliqua ex parte subleuasset: cum & alios esse constaret, qui uictori se crederent. Hic quoque, inquit, consilium mu=

NN

COMMENTARIUS

tasse dicitur : ut uideas me, præter Lælium, culpæ sociū habere neminem. GENER ACCEDIT: perditus, & Cæsari malorum consiliorum auctor, etiam in epistola superiore, PRAESENTIM HOC GENERO. in eum locum uide quæ diximus.

CAETERA : ut de domesticis rebus male affectis: ut de Terentiæ inopia : ut de Quinti maledictis.

EXPLERI: cū hereditas diuidi cōmode non potest, propter coheredū nō æquas partes; ad licitationē cōfugitur; quæ certior est, q̄ æstimatio. ita omnium bonorū repto pretio, expletur ea q̄ minor esse uidetur pars hereditatis.

Ex epistola X V I. pagina 180.

ISTA epistola] Quæ mihi à Cæsare reddita est. EXIGVE : sine pondere : ut quod illa epistola continetur, inane dicat. quod idem pagina 181: Inane, inquit, esset, etiam si uerum esset. AB ILLO: à Cæsare. à quo epistolam illam scriptam non fuisse, ostendit pagina 181. Intelligis, inquit, illud de literis ad V. Idus Febr. datis non uerum esse. Ac sanè fieri potest, ut Oppius eā, aut aliquis alius scripserit, ne Cicero desperatione adductus, rursus ex Italia discederet.

180.

DE pace] Quam Cicero cum omnino inter Cæsarem et Pompeianos factum iri putaret, ut ostendit in epistola ad Cassium, in Italiam uenit, statim post pugnam in Thessalia commissam. cuius eum consilij deinde poenituit : itaque infert : Cuius ego spe in hanc fraudem incidi. SPERANDVM : de pace.

180.

IN ASIA &c.] Enumerat, quot in locis pa-

rum secunda Cæsaris fortuna fuerit. IN ASIA : cum Pharnaces Mithridatis filius, pugna cum Cn. Domitio Caluino Asiæ præfecto prospere facta, Pontum occupauit. IN ILLYRICO : propter rem à Gabinio minus feliciter gestam : nam, præter alia incommoda iam accepta, in prælio cum barbaris commisso magnum numerum militum amisit; et ipse paucis post mensibus summa difficultate rerum omnium pressus, morbo interiit. IN CASSIANO NEGOTIO : cum Cassius & Marcellus Cæsaris in ulteriore Hispania præfecti, dissensione orta, & militum seditione facta, bellum aliquandiu inter se gesserunt. IN IPSA ALEXANDRIA : cum Cæsaris milites perturbati, & ab Alexandrinis loco pulsî, legionarijs circiter quadringentis, & classiarijs ac remigibus ferè totidem amissis, in naues refugerunt; Cæsar autem ipse, magno in periculo uersatus, natatione sibi consulere coactus est. IN VRBE : hoc est, quod dicit pagina 176: Urbane res perditæ : cum scilicet, absente Cæsare, & in bello, quod cum Alexandrinis gessit, occupato, multa male & inutiliter Romæ propter contentiones Tribunorum pl. et ambitionem Tribunorū mil. administrabantur : ut inquit Hircius libro IIII. quāquam aptius referetur ad M. Antonij libidinem, et auaritiā : de quo his uerbis in II. Philippica : In urbe auri & argenti fœda direptio. Et paulo post: Quid ego istius decreta, quid rapinas, quid hereditatum possessiones datas, quid ereptas proferā? IN ITALIA : hoc quoque ad M. Antonium refero: de quo sic in eadem Philippica : Italiæ percursatio comite mima : in

NN ij

COMMENTARIVS

» oppida militū crudelis & misera deductio. ILLE:
Cæsar: quem adhuc bello Alexandrino destineri, fama
erat. NEGOTIVM CONFECTVM
IRI: Africanos in Italia fore. unde illud in epistola
superiori: si ex Africa iam affuturi videntur.

180.

DE LITERIS:] Ad me à Cæsare missis: de
quibus initio loquitur epistola. Latitia autem bonorum
comota erat, propterea quod de Ciceronis incolumita-
te dubitandum iam non videbatur, Cæsare ad illum
scribente. HVIVS CONSILII: nemo
enim salutem à Cæsare petit. nam qui in Asiam iue-
rant, ut Cæsarem pro salute sua deprecarentur, progre-
di ulterius noluerunt, sed ibi Alexandrini belli exitum
expectant. Qui vero in Achaia sunt, Fusio, contra quā
antea fecerant, ostendunt se nolle deprecari, & primum
illud consilium de salute à Cæsare petenda mutauisse.
Puto autem legendum esse, AVFERVNT, non
AFFERVNT. puto tamen, non censeo.

180:

CONSTITVTVM] Deliberatio: nam
constituerunt, Cæsari se committere: sed interposito Ale-
xandrino bello, et Cæsaris rebus in discrimen adductis,
integrum sibi reseruarunt, belli exitum expectantes.
itaque mora Alexandrina effectum est, ut eorum causa
quasi corrigeretur, ut eorum culpa minueretur, ut eorum
peccatum leuius fieret: siquidem nihil fecerunt, quod
Pompeianos, qui in Africa bellum renouant, grauius of-
fenderet. et ut Alexandrinū bellū illorū causam inuit,
ita meam perdidit. nam quo minus secūda Cæsaris for

tuna est, eo magis reprehendor, qui in Italiam uenire properarim, causa Reip. desperata. AB HIS: à Caesarianis. 180:

SINE dubitatione] Noli enim dubitare, ut eorum ueritas me offendat.

180:

DE his literis:] Quæ mihi à Caesare redditæ sunt: uis autem me scribere, ut ille, cum mihi non iratum esse Caesarem audiat, ex hoc meo cōmodo letitiam capiat. sed, inquit, hoc non facio: primum, quod me istæ literæ non delectant; siquidem & exigue scriptæ sunt, & suspiciones habent nō esse à Caesare: deinde, quod, ipsum Quintum non esse erga me optime animatum, ex amici literis intelligo. ILLVM AD TE SCRIBERE: Quintū. 180:

SI putas rectum esse, & à te suscipi posse,] Duplex consideratio; num rectum sit, ut omnino de testamento Terentia moneatur; & num moneri ab Attico debeat. illud enim, si putas à te suscipi posse; ut opinor hoc ualet: si tibi ita familiaris Terentiæ uideris esse, ut agere cum ea de testamēto possis. CAMILLO: nam hic non minus, quàm Pomponius, Ciceronis res & negotia curabat: ut ostendit epistolarum, quæ familiares dicuntur, libro XI III. pagina 236. & 238. harum autem, quæ ad Atticum scribuntur, libro V. pagina 72. & libro VI. pagina 88: DE TESTAMENTO: cupiebat Cicero, à Terentia testamentum fieri, ut illa, cum res suas constitueret, satisfaceret ijs, quibus debebat. nam Ciceroni, Terentiā eius uxorem debere, minus honorificum uidebatur. monere

NN iij

autem eam de testamento, commodius erat, quàm de solutione : nam cum testamentum conficeret, necessario sequebatur, ut de solutione cogitaret.

181.

SCELERATE quadam facere] Nefarie
 » rem perdere: unde illud pagina 184. Cū hoc tam par-
 » uum de paruo detraxerit, perspicis quid in maxima re
 » fecerit? In epistola etiam ad Plancium Terentia sce-
 » lus appellat, eoq; se dicit esse adductum, ut diuortium
 » faceret. Quibus enim, inquit, pro meis immortalibus be-
 » neficijs carissima mea salus, & meae fortunae esse debe-
 » bant; cum propter eorum scelus nihil mihi intra meos
 » parietes tutum, nihil insidijs uacuum uiderem: nouarum
 » me necessitudinum fidelitate contra ueterum perfidia
 » muniendum putauī. QUID SCRIBAS DE
 » EA: rectius fortasse, Quid sentias de ea: num scilicet
 » tibi uideatur posse prouideri, ne rem perdat. ut Teren-
 » tia significetur. PRO DESPERATO: ea
 » de re nihil amplius cogitabo. omnino, inquit, hac in re
 » tuo consilio egeo, siue aliquid excogitas, siue nihil. nam
 » si aliquid; ne Terentia facultates conficiat, prouidebi-
 » tur: si nihil, mihi erit ea res pro desperata, itaq; cura
 » liberabor.

Ex epist. XVII. pag. 181.

EO breuiorem, quodd] Vbaladini liber antiquus,
 » Eo breuior est, & quodd. probo: ut duabus causis bre-
 » uior epistola sit; & quodd eam dederit properantibus
 » tabellarijs alienis; & quodd suos ipse missurus fuerit.

181.

CULPA mea.] Mea enim negligentia factū

est, ut Dolabella nubere: quem ego probare generum non debui, nisi prius omnia perscrutatus, non solum quod ad mores, sed etiam quod ad facultates attineret. quod si fecissem, eius aere alieno perspecto, nunquam passus essem, ut homini in tanta rei domestica difficultate constituto filia mea collocaretur. sed commisi, ut me absente res per amicos ageretur. quibus in Ciliciam proficiscens ita mandavi, ut, quoniam ego tam longe absentus eram, de Tulliae meae matrimonio agerent ipsi quod probassent. in quo meam negligentiam agnosco: tantam enim rem alijs committere non debui, sed in reditum meum integram referuare. Cur autem hoc à Cicerone putem significari, facit epistola ad Terentiam his uerbis

» scripta: Tullia nostra uenit ad me pridie Idus Iun. cuius summa uirtute & singulari humanitate grauiore
 » etiam sum dolore affectus, nostra factum esse negligentia, ut longe alia in fortuna esset, atque eius pietas ac
 » dignitas postulabat. Dixit autem, TALE INGENIUM IN TAM MISERA FORTUNA VERSARI, hoc sensu; quod Tullia uirum haberet tam perditum, tam flagitiosum, tam multa in Tribunatu nefarie molientem: siquidem in Tribunatu iniquas leges ferre Dolabella conatus est, maxime debitorum causa, è quibus ipse unus erat. Dion.

181.

CVM Salustio] Idem in epistola ad Terentiam:
 » Nobis erat in animo, Ciceronem ad Caesarem mittere,
 » & cum eo Cn. Salustium. Deinde consilium mutauit, cum de Caesaris aduentu nihil audiretur, ut in proxima sequenti, et in alia ad Terentiam epistola declarat.

NN iiiij

COMMENTARIUS

COMMUNI MOERORE: nam uterque in
moerore sumus. CONSOLANDIS: &c.
mendum uideo, correctionem adhuc quaero.

181.

LOCUTVM:] Me liberius loqui, quàm oportet.
NON ABHORRET A' MEA
SVSPICIONE EIVS ORATIO: quod
enim ipse dicit, id ego quoque suspicabar, genus sermonis
meorum istis non probari. NON DVBITO etc.
omnino, inquit, parui refert, quo modo loquar: nam
istis persuaderi nunquam poterit, ea, quae faciant, mihi
probari, etiā si oratione utar ad tempus accommodata.

QVID MEA INTER SIT: omnino enim ad
meas aerumnas accedere iam nihil potest. Idem signifi-
cat pagina 184: Quod, inquit, me mones de uultu, &
oratione ad tempus accommodanda; etsi difficile est, ta-
men imperarem mihi, si mea quidquam interesse pu-
tare m.

181.

NE profectum quidem illud] vel, ILLINC,
uel ILLIM, quod idem significat, legendū puto, aptio-
re sententia, quàm si ILLO legas. DE LITE-
RIS AD V. ID. FEBR. DATIS: de qui-
bus initio proximae superioris epistolae. INANE
ESSET, ETIAM SI VERVM ESSET:
nam etsi uerū esset, eas Casarem scripsisse; tamē apud
me non magni ponderis essent, quoniam exiguae, & ut
ita dicam, frigide scriptae sunt.

181:

NASIDIUM] Pompeianū, ex ordine eque-
stri, quem Caesar libro I I, de Bello civili à Cn. Pompeio

Magno L. Domitio, Massiliensibusq; subsidio missum refert. De hoc ipso in fine septimæ orationis in Antoniū.
 EMISSVS: ex Africa: in qua Pompeiani bellum contra Cæsarem parabant, & ex prouincia neminem exire patiebantur, ne de copijs eorum, aut de cōsilijs Cæsar scire posset. Nasidius autem fecerat, ut exire Terentio liceret.

Ex epistola XVIII. pagina 181:

VALDE esse impeditum] Graue adhuc & difficile bellū ei cū Alexandrinis esse. ME HINC EXPEDIAS: efficias, ut mihi Brundisio discedere concedatur: ubi cum reliquis etiam loci grauitas mihi ferrime perferenda.

181:

BELLVM] Illatum à Pompeianis, tum quidē uires in Africa Scipione duce colligentibus. VTE TVR: Cæsar, nō expectans ut in Italiam traiciant. ISTORVM: Cæsarianorum. VIA: ut huc, ubi ego sum, copię conueniant, in Africam traiciendæ.

Ex epistola XIX. pagina 182.

VELIM, quid erit, qualecunque erit, scribas.] Rectius, QVOD ERIT, opinor. DE PACE: nam si bellum fuisset, erat ei timendum non solū à Cæsare, contra quem pugnauerat; sed etiam à Pompeianis, quos reliquerat.

182.

DICITVR Idibus Sext.] Affuturus, cū Cæsaris ad me literis, affuit autem pridie Idus, ut ex dua-

COMMENTARIUS

bus epistolis ad Terentiam, quæ libro XIII. postrema leguntur, manifestum est.

182.

QV AE ad te antea scripsi.] Puto significari illas literas, quæ in fine libri ordine præpostero collocatæ sunt: nam ante hanc epistolam datas esse, dies ascripta declarat. In ijs ostendit, Brundusio discedere, sibi certum esse, cum dicit: Scribas ad me, cum habebis cui des, & dum erit ad quem des; quod longum non erit. Hic quoque idem ostendit; sed se tamen teneri, dum, ut in pessimis rebus, aliquid caueat. Brundusij, inquit, causa non est cur diutius iaceamus. modo tantisper comoremur, dum, ut in pessimis, aliquid caueamus, satis est. cautio autem hæc esse poterat, ut prius, quam discederet, de Cæsaris rebus, de belli Africani apparatu certiora cognosceret, ut ad inopiam Terentiæ propulsandam aliquid conficeret, ut pecuniam pro sumptu suo cogeret, denique etiam ut Philotimi aduentum expectaret, qui literas à Cæsare habere dicebatur.

182.

NIHIL unquam caui] Non enim caui, cum initio belli ad Pompeium in Græciam nauigavi: itaque dicit in epistola ad Cacinam; Vt Amphiaræus in fabulis, sic ego prudens & sciens ad pestem ante oculos positam sum profectus. Multo etiam minus caui, cum in Italiam reuerti: siquidem consilium cepi nec tutum, nec hnoorificum.

Ex epistola XX. pagina 182.

SELEVCEA Peria C. Trebonij, is] Velane

ti quis libris repugnantibus emendo, SELEUCEA
PIERIA C. TREBONIVS. fuit autē Pieria
Seleucia cognomen, auctore Plinio: cuius hæc sunt uer-
ba libro V. cap. XI. & eodem libro cap. XXI. nā
quodd, Trebonius, lego, non, Trebonij is; in eo mutatio
nulla est, siquidem ex duarum i. coitione efficitur u.

182.

QVOD ipsum est suspectum, notionem eius difer-
ri.] Nunc enim omnibus ignoscit, non quodd omnes
uenia dignos putet, sed quodd ad unius cuiusque causam
cognoscendam tempus nō habet: itaque notionem dif-
fert: quodd suspectum est. nam si nunc aliquibus igno-
sceret causa eorum cognita: ijs, quibus ignouisset, nihil
amplius timendum esset. cum uero omnibus ignoscat
incognita causa; suspectum uidetur esse: nam omnino
causam eorum, qui cum Pompeio fuerunt, illum dili-
gentius aliquādo cogniturum, uerisimile est. RED-
DIDIT: quæ abstulerat, arbitratus Pompeiano ius
recuperandi non futurū. nunc, Salustio à Casare re-
cepto, & ex eorū numero, qui hostes habebātur, exēpto,
reddere coactus est. 182.

IN Siciliam] Ut inde post in Africam contra
Scipionem & reliquos Pompeianos traicerentur.
ET PROTINVS ITVRVM: in Siciliam
uidelicet; ut ex epistola quæ proxima sequitur, apparet.
ego tamen libentius legerem, EO PROTINVS
ITVRVM, sensu eodem, sed magis aperto. Est au-
tem obseruandum, locutionem hic esse minus integrā;
cum uerbum desideretur, quodd participium, ITV-
RVM, referatur. qua tamen figura alibi quoque Ci-

ceronem esse usum animaduertimus, ut ad Lentulum
 epistola, cuius initium est, Legi tuas literas. sic enim scri-
 bit: Placebat illud, ut, si rex amicis tuis, qui per prouin-
 cias imperij tui pecunias ei credidissent, fidē suam prae-
 stitisset, & auxilijs eum tuis & copijs adiuuaret: eam
 esse naturam & regionem provinciae tuae, ut illius re-
 ditum uel adiuuando confirmares, uel negligendo im-
 pedires. Verbum enim, E S S E, unde regatur nō est.
 PROPIVS ACCEDAM: propius Urbem
 quod non fecisset, si Caesar, qui ex Asia ueniebat, omis-
 sa Sicilia ex Gracia in Italiam recta nauigasset: nam
 eum Brundusij, ubi erat, expectasset, ut aduenienti oc-
 curreret, & deprecaretur. itaque dicit: Quod si fa-
 ciet, id est si in Siciliam ibit, ego propius accedam.

Ex epistola XXXI. pagina 182:

ILLA sic scripsit, ut ego ad te antea:] Scripse-
 rat autem Terentia Ciceroni, cum ei HS X. mitteret,
 nihil esse reliquum. ut ex epistola constat, quae post duas
 sequentes legitur. quam epistolam ante hanc esse datā,
 ex ascripta die manifestum est.

182:

PHARNACES] Qui Pontum occupauerat,
 & excessurus sine bello non uidebatur. AD
 QVAM PRIMVM SVLLA VENIT:
 uenerat autem, ut legiones in Siciliam traduceret: quod
 Caesar Patris iturus erat. NULLAM PV-
 TANT SE COMMOTVRAM: nisi acce-
 ptis premijs, quae Caesar promiserat. unde in epistola se-
 quenti: Currunt ad illum pulsi à militibus, qui se negāt

» usquā, nisi acceperint. SI HOC ITA EST: le-
giones ex Italia nolle discedere, neque ullo pacto eos,
quos Cæsar misit in Siciliā, secuturas. EVASIS-
SEM: illo autem absente, dubius quid agerem, uenia
nondum impetrata, neque tamen desperata, Brundisij
inuitus permansi. 182:

» QV AE ad tempus accomodem] Vultum, &
» orationem. unde illud pagina 184: Quod me mones
» de vultu, & oratione ad tempus accommodanda; et si
» difficile est, tamen etc. NOSTRORVM IN-
IVRIIS: Quintum fratrem & Terentiam signi-
ficat: Quintum, qui maledictis offenderet: Terentiam
quæ facultates absumeret. DIGNVM NO-
BIS: nam orationem & vultum ad tempus accom-
modare, dignum Ciceronis prudentia fuisset. Hoc, in-
quit, non possumus, dolore perturbati: qui quidem dolor
efficitur & ex nostris peccatis, & ex nostrorum iniu-
rijs. peccata autem Ciceronis erant: primum, quodd
ad Pompeium in Græciam nauigasset, cum de Cæsa-
ris uictoria conijcere posset: deinde, quodd in Italiam
reuertisset, cum id neque tutum, neque honorificum
uideretur. 182:

» SVLLANA confers:] Credibile est, Atticum
in hanc sententiam scripsisse: Feramus quæ sub Sylla
tulimus: hæc enim eiusmodi ferè sunt. Hic Cicero re-
spondens, Sullana, inquit, genere ipso præclarissima
fuerunt; nam Sylla senatus dignitatem contra perdi-
tam & seditiosam plebem defendebat; moderatione
non admodum temperata; siquidem eos, quos sibi mi-
nus amicos fuisse intelligebat, occidit.

OBLIVISCAR, multoq; malim quod omnibus sit melius,] Dicitur uidetur deesse, ad quam refertur uerbum OBLIVISCAR. forte igitur sic: Obliviscar mei, idq; malim quod omnibus sit melius. nō lōge à uetere scriptura: siquidem in antiquis libris, quos Vbalдинus & Maffeus habēt, pro multoq; malim, legitur, mittoq; malim. 182:

NOSTRI nullam mentionē.] Scribis, inquit, Cæsarem mea causa Quinto fore placatiorem. uide, quā secus sit. Quinto filio, cum pro patre deprecaretur, omnia tribuit, nostri mentionem nullam fecit. ut apud Cæsarem non modo ego alios commendare non possim, sed etiam commendatione uidear indigere.

Ex epistola XXII. pagina 183.

EPISTOLAS illas] Quintus Cicero epistolas contra Marcum fratrem scripserat ad Cæsarem: Cæsar illas ad Oppium & Balbum misit: illi Attico dederunt: Atticus ad M. Ciceronem curauit perferendas. QVASI QVO ILLIVS &c. ne Cæsar quidem, inquit, illas epistolas à Quinto contra me scriptas ad Balbum & Oppium misit, quasi quo illius improbitate offenderetur, sed credo, ut incommoda diuulgarentur mea. 183.

NE illi obsint,] Scribis te uereri, hæc literæ, cōtra me ad Cæsare scriptæ, ne ipsi Quinto, qui scripsit, apud Cæsare obsint: id est, ne Cæsar hac improbitate offensus, difficilior illi sit ad ignoscendum. (nā, quod in Pōpeij partibus fuisset, hoc sibi ut ignosceretur, Quintus petebat.)

Hoc, inquit, non est, ut pertimescas. tantum enim abest
 ut ita sit, ut etiam Quinto statim omnia Cæsar cōcesse-
 rit, deq; illo ne rogari quidem se passus sit. quod idē
 in fine superioris epistolæ dicit his uerbis: Scripsi ad te
 antea, eum statim Quinto filio omnia tribuisse. & in
 ea quæ proximam superiorem præcedit. C. Trebonius
 se Antiochiæ dicebat apud Cæsarem uidisse Quintum
 filium cum Hircio: eos de Quinto, quæ uoluissent, im-
 petrasse nullo quidem negotio. Et aduertendum est,
 Ciceronem, cum eandem rem iterū & tertio significas-
 set, non isdem tamen uerbis usum esse. EIQVE
 REI MEDERI q: te. nā cum Balbo et Oppio Ro-
 mæ Atticus agebat, ut Quintum Cæsari literis commen-
 darent, ueritus ne illi epistolæ contra fratrem scriptæ
 nocerent: nam M. Ciceronem Cæsari putabat esse cu-
 ræ, ut etiam illius causa crederet Quinto fore placatio-
 rem. quod ex fine præcedentis epistolæ cognoscitur.
 NIHIL VALERE: causam explicat in epistola,
 quæ ante proximam superiorem legitur.

183.

CVRRVNT ad illum] Sulla & Messala
 erant ex ijs, quos Cæsar in Italiam miserat, ut legiones
 in Siciliam traducerent. quos milites male acceperunt,
 negantes se usquam esse ituros, nisi à Cæsare præmia,
 quæ superioribus bellis promiserat, accepissent. PVL
 SI A' MILITIBVS: nam XII. legio, ad quā
 primum Sulla uenerat, lapidibus egisse hominem dice-
 batur. In epistola præcedenti.

183.

VT multos dies in oppidum ponat.] Non expo-

no, Vt in uno quoque oppido multos dies Cæsar consu-
mat, sed, Vt ab oppido ad oppidum multorum dierum
itinere perueniat. quale illud est 198: Ne totum diem
in uillam. ubi subaudio Ponam, dum in uillam eo.

183.

QV C MODO agit,] Frequens locutio apud
Ciceronem: Quo modo nunc est, Consules transferunt.
Quo modo nūc est, pedem ubi ponat in suo, non habet.
Quo modo res se habet, nō est facillima. 133. 204: 307.
Quem ego sensum & loquendi modum secutus, legere
malui, QVO MODO AGIT, quā, ut antea,
QVO QVO MODO AGIT, quemadmodum
& pagina 239: Dicit autem QVO MODO
AGIT, propterea quōd Pharnaces Ponto, quem occu-
pauerat, non decedebat: ut ea res Cæsari in Italiam
proficiscenti moram allatura uideretur. COELI,
QVI MIHI: uidetur, QV AE MIHI, legendū.
LABOREM: languorem, non nulli. ego nihil mu-
to: refertur enim ad uerbum sustineo. AN HIS
ILLVC EVNTIBVS MANDEM, VT
ME EXCVSENT? HIS, Sullæ, & Messalæ.
ILLVC, ad Cæsare. EXCVSENT, quōd Brū-
dusio discesserim, & propius Urbem accesserim.

183.

VT in malis.] Iuua, inquit, me consilio. Plane
hoc non facile fieri potest. sed iuua, si non quantum
opus est, at quantum licet in malis. pagina 189: eodem
sensu dixit, Pro malis. Multo plus, inquit, proficeret
solitudo, si tu interesses. quæ mihi una causa est hinc
discedendi. nam pro malis recte habebat. & ad Tor-
quatum

» quatum epistola secunda libri V I. Quod, inquit, maio=
 » re in uarietate uersata est adhuc tua causa, quam ho=
 » mines aut uolebant, aut opinabantur : mihi crede, non
 » est pro malis temporum quod moleste feras . Dixit etiã
 » in Bruto non dissimili sententia : L. Celiu, ut tempori=
 » bus illis, ualde doctus . Et de Senectute : Multæ, ut in
 » homine Romano, literæ. Et in epistola ad Marcellum :
 » Ut in tali re , fortuna laudatur . Ut in malis , autem,
 » Ut in pessimis, Ut in perditis rebus, nota locutio est : ita=
 » que non asseram exempla : tantum dicam, in Vbaldini
 » libro manuscripto legi , Scio rem difficilem esse sed in
 » malis . in libro Canalcantis, Sic rem difficilem esse sed
 » ut malis . ut ex duorum exemplarium uarietate non
 » temere locus emendari uideatur. E T I A M : alte=
 » ra causa, cur propius accedere uellet . prima enim erat
 » illa, quod grauitatem cœli Brundusini uix iam corpore
 » sustinebat. 183.

D E testamēto,] Quod à Terentia fieri Cicero cu=
 » piebat, ut ijs , quibus debebat, satisfaceret. A N I =
 » M A D V E R T E S : quid ? opinor, id quod dixit in
 » epistola precedenti : Quid à Terentia in testamento
 » ponatur , Et quo modo ponatur .

Ex epistola XXIII. pagina 183.

V T C V M Camillo communicares,] Hoc quid
 » esset , de quo Atticum communicare cum Camillo uo=
 » lebat, ostendit pagina 181. Extremum, inquit, est, quod
 » te orem, cum Camillo communices, ut Terentiam mo=
 » neatis de testamēto. Easq; literas hic significat, cū dicit,
 » Quod ad te scripseram. S C R I P S I T, T E

OO

COMMENTARIUS

CVM EO LOCVTVM: antiqui libri duo, Vbaldini, & Caualcantis, habent: Scripsisse eum locutum. ut fortasse corrigendum sit, Scripsit tecum locutum: figura magis propria, quàm si legas, Scripsit te cū eo locutum. nisi si quis offenditur, quòd TE subintelligi uideat: cum huius generis apud Ciceronem multa sint.

183:

NISI illud] Hic dictio NISI idem ferè significat quod Sed: ut in epistola ad Memmium, libro XIII. 202: Nec cur ille tantopere contendat, uideo, nec cur tu repugnes: nisi tamen multo minus tibi concedi potest, quàm illi, laborare sine causa. Et ad Philippum, eodem libro, 230. De re nihil possum iudicare, nisi illud mihi certe persuadeo, te talem uirum nihil temere fecisse. ILLVD, testamentum, uel, quod scriptum est in testamento. SI ALITER EST, VT OPORTET: si testamentum à Terentia factum aliter est, atque oportebat, mutari iam non potest. Et hoc dubitanter dicit, quia certum nesciebat, an esset factum, ut re uera non erat: quod ex duabus præcedentibus epistolis apparet: quas post hanc scriptas esse, cum alia significant, tum illud in primis, quòd in hac Quintum filium ad Cæsarem esse profectum, in illis à Cæsare omnia dicit impetrasse. A' Nullo: Caualcantis liber, A' Nullo. corrigendum puto, AB ILLO, id est à Camillo. FORTIOREM: non putabam te prorsus ualere.

183:

PROFECTVM] Ut pro patre deprecaretur. HABERE AD ME LITERAS:

à Cæsare, quas accepit pridie Idus Sext. ut ex penultima epistola libri XIII. ad Terentiam cognoscitur.

GRATVLATUR: quod existimet Cæsare iratum mihi non esse, cum ad me scribat.

183:

NE cogitatione quidem] sensus est: Quintus frater mihi gratulatur, quod Cæsar ad me scribat. ego autem, tantum abest, ut propter has literas gaudeam, ut nihil ne cogitatione quidem reperire possim, quod mihi tolerabile possit esse. Dicit autem, IN MEO TANTO PECCATO, propterea quod grauius sibi peccasse uidebatur, qui statim post pugnam Pharsalicam, Pompeianorum uiribus non dum plane extinctis, in Italiam uenisset. idq; diuersis nominibus appellat, temeritatem pagina 175. stultitiam 177. peccatum

179: DE HAC MISERA COGITES: de Terentia, ne egeat. ad hoc autem, ut ex epistola sequenti coniicitur, Atticus ita respondit: Terentia nostra & tua parata erunt. DE QVO AD TE PROXIME SCRIPSI, VT ALIQVID CONFICIATUR AD INOPIAM PROPULSANDAM: significat literas III.

Nonas Quintilis datas, quæ sunt in fine huius libri, perturbato ordine, collocatæ. quibus in literis, quod ad inopiam propulsandam pertineat, hoc est: Te oro, ut in perditis rebus, si quid cogi, conficiq; potest, quod sit tuto, ex argento, neque satis multa ex supellectile, des operam. Volebat autem Cicero, cum propter Cæsarianorum licetiam de Urbis direptione timeret, ea, quæ pretij maioris erant, neque loci multum occupabant,

OO ij

COMMENTARIUS

ut argentum, aut aliquid simile, seponi & occultari, ne diripientibus pateret. quod apertius dicit in epistola sequenti, quoniam Atticus, Ciceronem de uenditione scribere, uidebatur esse interpretatus. DE IPSO TESTAMENTO: ut Terentia testamentum faciat. Et in dictione IPSO inest emphasis: quasi dicat, de quo scis me laborare, et de quo sæpe iam ad te scripsi. ILLUD QVOQUE VELLE ANTEA: uellem antea nobis curæ fuisset, ut Terentia testamentum faceret: sed omnia timuimus: nimis, inquit, timidi fuimus: nam ueriti sumus, ne, si illam de testamento moneremus, mulier suspiciosa offenderetur. Et dicit, ILLUD QVOQUE, ut ostendat alia etiam à se esse prætermissa. MELIUS QUIDEM IN PESSIMIS NIHIL FUIT DISSIDIO: erratum à nobis est, quod Terentiam antea de testamento non monuimus, ueriti, ne moleste ferret: sed in eo maior culpa fuit, quod dissidium non fecimus, cum in pessimis melius nihil esset. Et ostendit, ne ipsum quidem dissidium sine aliqua difficultate fuisse; sed, ut in pessimis, optimum tamen fuit. ALIQUID FECISSEMV S, VT VIVI VEL TABVLARVM &c. uel aliquid desideratur, uel in his ipsis uerbis mendum latet. sensus esset non absurdus, si ita legeretur: Aliquid fecissemus, ut uiri, uel tabularum, & quæ sequuntur. nam infert paulo post, Et uideremur aliquid doloris uirilis habuisse. VEL TABVLARVM NOVARVM NOMINE, VEL NOCTURNARVM EXPVGNATIONVM: causæ, cur dissidium honeste fa-

cere uisus esset. nam cum pecuniam, quam Romæ habebat, neque ipse domi suæ, aut apud amicos tuto custodire posset, cum nocturnæ domorū expugnationes timerentur; neque apud argentarios deponere, cum de tabulis nouis rumor esset, quibus creditæ pecuniæ, recuperandi iure sublato, amittebantur: dixisset, se quidem alia ratione sibi cauere non potuisse, nisi diuortium faceret, & eam pecuniam pro dote redderet. Ad hunc locum pertinent ea, quæ diximus III. huius libri.

VEL METELLE, VEL OMNIVM MAIORVM: sic omnes antiqui libri, quotquot ipsi uidimus. tentauī, si possem ingenio, aut sententiam assequi, aut locum emendare: neutrum successit. NEC RES PERIISSET: quam Terentia consumpsit. quod damnum, illa dimissa, effugissem. ET VIDEREMVR ALIQUID DOLORIS VIRILIS HABUISSE: Terentia dimittēda.

183:

MEMINI omnino tuas literas. sed & tempus illud, & si quid uis præstitit.] Quo modo nunc locus interpungitur, sententiam non elicio quæ probetur. mallet sic distinguere: Memini omnino tuas literas, sed & tempus illud. etsi quid uis præstitit. hoc sensu: Memini omnino, quid tu mihi olim scripseris, cum scilicet, ut diuortium facerem, suadebas: sed memini (hoc enim uerbum subintelligitur) & tempus illud: quod eiusmodi erat, ut de diuortio non uideretur esse cogitandum. nam cum ciuile bellum esset, & Terentiam dimittere, nisi dos redderetur, non possem: non fuit committendum, ut tam duris temporibus ea pecunia, quam

OO iij

COMMENTARIVS

habebam, priuarer. itaque cum dicit, Memini & tem-
pus illud; quasi se excusat, quodd Attici literis non parue-
rit. quasi dicat: illo tempore si Terentiae nuncium re-
missem, fore suspicabar, ut in magnam deinde rei
nummariae difficultatem inciderem: sed incidere tamē
in quamuis difficultatem praestitit, quam Terentiam
non dimittere. Et hoc significat, cum dicit: ET SI
QVIVIS PRAESTITIT.

183:

IPSA uidetur denunciare.] IPSA, Terentia:
DENVNCIARE, diuortium. AVDI-
MVS ENIM DE STATV REIP. reddit
rationem, cur Terentia uideretur diuortium denūcia-
re. STATV REIP. misero uidelicet, & perdito,
maxime propter Dolabellae Tribuni pl. ambitionem &
licentiam. unde Cicero coniecturam faciebat, Teren-
tiam diuortium esse facturam; utpote quae dubitaret,
ne, si Dolabella tabulas nouas posuisset, quod uelle ui-
debatur, tam perturbato statu ciuitatis de dote ueniret
in dubium: itaque uelle eam, dum liceret, sibi cauere,
diuortio facto, ante difficultatem illam temporum à Ci-
cerone dotem recipere, uerisimile erat. propterea non
dixit, DENVNCIAT, sed, uidetur denunciare:
quodd ipse, denunciaturam, coniectura perspiciat. Quodd
autem in nostro libro, contra quam in alijs omnibus, le-
gitur, DE STATV REIP. ODII, &c. sic
emendauimus adducti ueterum exemplarium uarieta-
te. nam liber Caualcantis habet, DE STATV
RIEI ODII: Vbaldini, DETESTARI
CLODI: Maffei, DE STATV RI CLODII.

V T hoc, uel tabulas nouas?] Subaudi, cogitet, in animo habeat, uel aliquid huiusmodi. HOC, quidpiam iniquius, de quo generum suum. Dolabellā audierat legem esse laturum. sed mihi magis placet, totum illud, HOC, VEL TABVLAS NOVAS, non duas res, sed unam significare. nam si duas significat, cur secundam nominat, primā non item? qui enim poterat Atticus intelligere, quid sibi uellet uerbum HOC, nisi à Cicerone apertius exponeretur? placet igitur, ut dixi, unam rem significari, & illud VEL TABVLAS NOVAS, interpretationem esse dictionis HOC: ut particula VEL sententiam non mutet, sicuti cum ponitur pro aut; sed augeat, quo modo posita est in quadā epistola ad Quintum fratrem:

» Tu nobis amicissimū Sestium cognosces, credo tua causa uel Lentulum. & in libris Academicis: Per me uel stertas licet, non modo quiescas. Legem autem de tabulis nouis Dolabellam pertulisse, non constat: sed laturū esse, rumor fuit: atque etiam tentasse apparet. cuius rei argumentum est, quòd in Philippica VI. Trebellium tabulis nouis aduersatum fuisse, legitur: & ex Dionis historia libro XLII. inter P. Dolabellam, qui debito- rum causæ fauebat, è quibus ipse unus erat, & L. Trebellium, Tribunos pl. graues & perpetuas fuisse contention- es, intelligitur. Trebellij autem Tribunatus dubio procul in Philippica significatur. Sed argumentari nō oportet: aperte L. Florus, Dolabella, inquit, de tabulis nouis legem ferente, seditiones excitatæ. aperte etiam Plutarchus in Antonio.

N V N C I V M R E a

COMMENTARIVS

MITTI: Terentiae: ut, quod illa factura est, praeripiamus. hoc enim refertur ad illud, IPSA VIDETVR DENVNCIARE.

183:

TERTIAM pensionem.] Vt reddam uniuersam dotem. nam dos, facto diuortio, tribus pensionibus soluebatur. TUM, NE VIM ABVSONA=SCETVR: sic Maffei liber: sic & Caualcantis, & Bessarionis. forte, Tum ne cum ab ipsa nascetur, an prius ego. id est, tum ne cogitandum de dote, cum ipsa dissidium denunciabit; an prius ego denunciem.

Ex epistola XXIIII. pagina 184.

QVAE dudum ad me, & quae etiam ad meam Tulliam] Hic locus antea in vulgariis omnibus libris mendose legebatur. nos eum ex antiquo Speciani libro restituimus. EA SENTIO ESSE VERA: sentio, nisi meum dolorem occultabo, grauissimum impendere damnum. Quod tamen damnum ostendit
 » Cicero vitari à se minime posse, cum infert: Istud feramus: quod cum tulerimus, tamen eadem erunt perpetienda, quae tu ne accidant, ut caueamus mones.
 GRAVISSIMA INIVRIA ACCEPTA: puto quod Brundisij, sine ulla dignitate, grauissimo caelo, diutius manere cogeretur: praesertim cum & ex literis Dolabellae, Caesaris mandato confectis, in Italiam uenisset (pagina 174.) & Oppius deinde ita promississet, Caesari non solum de conseruanda, sed etiam de augenda illius dignitate curae fore. pagina 173:

OMNI statu, omniq; populo] video enim mihi iratum fore Cæsarem, quodd contra eam pugnauerim; infestos Pompeianos, quodd ab ijs discesserim. EVNDEM EXITVM: perniciem, & interitum rerū mearū. AD MEAM MANVM REDIERO: locum, antea deprauatum, emendauimus ex antiquo Speciani libro: in quo ita scriptum esse, Vbaldinus Bandinellus, homo grauis, & certus, affirmauit. Mea, inquit, manu scribere incipiā. COM MOTI NEQVE EVM: eodem modo libri manuscripti. locus corruptus. quare ad reliqua pergamus. QVASI ITA SIT: non credo, inquit, testamentum à Terentia esse factum: sed quasi factū sit, quoniam de testamento cum ea sermonem iam habuisti, poteris monere, ut alicui cōmittat &c. QVONIAM IN SERMONE IAM VENISTI: hoc dicit, quia, nisi Atticus iam antea de testamento cum ea locutus esset, suspicari Terentia potuisset, se ideo moneri, quodd extra belli periculum ipsa non esset. quod Cicero nolebat: itaq; infert paulo post, Quam quidem celo miseram me hoc timere. opinor autem rectius, IN SERMONEM: nam, uenire in sermone, minus usitata locutio. opinioni nostræ subscribit Vbaldini liber. CUIVS EXTRA PERICVLVM HVIVS BELLIFORTUNA SIT: nam Terentiæ fortunas uidebat extra periculum belli non esse: sed eam celabat. Ostendit autem commodè Atticum illā de committendo testamento monere posse, siquidem cum ea de testamento iam

COMMENTARIUS

antea in sermonem uenerat : ut suspicari non ita posset, quam ob causam moneretur.

184.

DE illo altero:] Quod scilicet ad te scripsi, ut aliquid conficiatur ad inopiam propulsandam. De hoc autem duabus iam epistolis Atticum rogauerat, proxima superiore, & proxima sequenti. VENIRE NVNC NIHIL POSSE: hoc enim Atticus rescripserat. SEPONI, ET OCCVLTA=RI: ut argentum, & lautior supellex. declarat in epistola sequenti. QVAE IMPENDET: timebat Urbis direptionem, cum audiret quotidie cades & incendia fieri, omnia misceri, atque turbari, Tribunos pl. Dolabellam et Trebellium, alterum alteri infestum, opportuna Urbis loca hominibus armatis occupasse. Dion libro XLII.

184.

MITTO cetera,] Quae illa inique et scelerate fecit. QUID AD HOC ADDI POTEST: quid hoc indignius esse potest? HOC, quod proxime sequitur. SCRIPSERAS: ad Terentiam. apparet Atticum aliquid exisse, inde Romam ad Terentiam scripsisse, ut HS XII. quae de argento reliqua essent, Brundisium in Ciceronis usum permutaret. HS XII: aureos scutatos, ut nunc appellant, circiter trecentos. nam sestertium pro aureis scutatis est uigintiquinque, sestertius uero pro quadrantibus aereis duodecim.

184.

CCID] His notis decem millia nummum significantur. decem autem millia nummum, & decem se-

stertia, idem est, itemq; decem millia sestertium: nam nummus & sestertius nihil differunt. sestertius uero, siue nūmus, quadrantes æreos, quos hodie uocant, duodecim ualet: cum & quatuor sestertij denarium efficiant; & denarius, si ad Venetā monetam redigatur, pro sexdecim marculis sit, quemadmodum apud ueteres pro sexdecim assibus: ut appareat, quos nunc quadrantes dicimus, apud antiquos trientes assium fuisse. & denarios in argenti uncia sciendum est septem fuisse, ut apud Græcos drachmas octo. Cum igitur, ad Terentiam Atticus scripsisset, ut Ciceroni sestertia duodecim mitteret, decem tantum illa misit, duo reliqua auertit.

184:

NULLVS uenit,] Sic Plautus in *Asinaria*:

- » Quem in tonstrinam iusseram uenire, is nullus uenit.
- » In *Bacc.* Nullus affueris. In *Trin.* Nullus credas. Et Terentius in *Eun.* Nullus mones. In *Hec.* Nullus dixeris.
- » Ipse Cicero infra, Sextus ab armis nullus discedit.

ADVENTVM CAESARIS: cū Ephesum adueniet, confecto Alexandrino bello in Italiam reuertens.

184:

AUT nihil puto] Cum Philotimus Ephesi tempus tereret, coniecturam faciebat in ijs literis, quas ille à Cæsare ferre dicebatur, nihil esse, quod celerius perferri opus esset. nam si quid liberalius Cæsar scripsisset, uerisimile erat Philotimum literas sine ulla mora ad Ciceronem fuisse perlaturum. de his autem literis in epistola proxima superiore, & in fine libri XIII. ad Terentiā. QUID ILLINC AFFERATUR: à Cæsare, ex Alexandria. TE INTELLIGE

COMMENTARIVS

RE CERTO SCIO : intelligis enim, eam à nobis contractam esse culpam, ut neque apud Cæsarem locus, neque apud Pompeianos sit futurus. hoc apertius supra, in hac ipsa epistola : Nihil igitur mea minus interest, quàm de Cæsaris rebus quid afferatur. quæcūque eius fortuna erit, idem exitus me manet. In sequenti
 » etiam epistola, illum, inquit, discessisse Alexandria, rumor est: quod uerum, an falsum sit, quoniam mea nihil
 » interest, utrum malim, nescio.

184:

DIFFICILE est,] Cur difficile esset, ostendit pagina 183. SI MEA QUID QVAM INTERESSE PVTAREM: cur hoc sua nullam in partem putaret interesse, declarat pagina
 » 181: his uerbis: Non dubito, quin istis persuaderi nullo modo possit, ea, quæ faciant, mihi probari posse, quo
 » quo modo loquar. ego tamen utar moderatione, quam potero. quanquam, quid mea intersit, ut eorum odium
 » subeam, non intelligo.

184:

QVOD scribis, literis, putare, Africanum negotium confici posse:] Subaudiendum prænomen TE, quod referatur ad uerbum PVTARE. sensus hic est: Scribis te putare, inter Cæsarem, & Pompeianos, qui in Africa sunt, literis utrinque mittendis pacem posse fieri. unde infert: Si quid erit, quod consolationis aliquid habeat, scribas ad me. præter pacem autem, unde consolationem capere, aut quod optare posset, nihil erat.
 » itaque pagina 182. Vnū, inquit, est, quod mihi sit optandum, si quid agi de pace possit: quod nulla equidem

- » habeo in spe ; sed quia tu leuiter interdum significas,
 » cogis me sperare, quod optandū uix est. SI QUID
 AUDIERO CITIVS : hoc dicit , quia , cum
 Brundusij esset, propius aberat ab Africa, quā Atti-
 cus, qui Romæ erat.

Ex epistola ultima, pagina 184 :

OMNIA fecimus &c.] Designat hæc in pri-
 mis ; suam profectiōem ad Pompeium, cum in Græ-
 ciam nauigauit ; & reuersionem in Italiam, cum, Pō-
 peio acie deuicto, in Cæsaris potestatem sua sponte ue-
 nit. quod utrūque dicit se fecisse propter errores, & mi-
 serias, & animi & corporis, hoc est incaute prorsus, &
 inconsiderate ; cum intelligat, se, profectiōe ad Pom-
 peium, Cæsarem offendisse ; reuersione in Italiā, Pom-
 peianos : ut ob has causas locum sibi neque apud Cæsa-
 rem forz, neque apud Pompeianos sperare possit.

184 :

PROXIMI] Frater Quintus, uxor Teren-
 tia, gener Dolabella . Quintus filium miserat, qui eum
 apud Cæsarem accusaret ; odiumq; acerbissimū, & no-
 cendi uoluntatem ostenderat . Terentia facultates cō-
 sumperat . Dolabella Tribunatum improbe gerebat.
 De Quinto, 175 : 176. 176 : 177. 179 : 180 : 182 : 183. De
 Terentia, 181. 184. 184 : & in epistolis, quæ Familiæres
 appellantur, epistola penultima libri IIII. De Dolabel-
 la, 178. 179. 180. 184. & Dion libro XLII. Plutar-
 chus etiam in Cæsare. Recte igitur dicit, proximos nouū
 sibi dolorem attulisse, cum curare potius, quantum in
 ipsis esset, ueterem animi ægritudinem deberent.

QVOD longum non erit.] Significat, se aut in tantis molestiis non diu posse uiuere, aut in alias terras uelle migrare. CUNCTI POSTEA NVNCII: Maffei liber pro cuncti, habet, eunti: Vbaldini, euntes. 185.

SCRIPSI apud epistolas] Deprauata uerba: neque secus uetera exemplaria, nisi quod SCRIPSI T Maffei liber habet. MISERVMEAE: Caualcantis liber, miserrima. locus est ab omni parte corruptus. SIMILE NATVM: Vbaldini liber, ita leuatum. meum iudicium non interpono: propterea quod sensum uidere non possumus, cum ea, quae proxime praecedunt, & ipsa propter mendum obscura sint, & haec, quae consequuntur, iisdem tenebris inuoluant. CONSILIO DANDO: AT-
 » T AMEN: tale illud est 204: Tuas literas hodie
 » expectabam, nihil equidem ut ex ijs noui: quid enim?
 » ueruntamen, aliaq; alibi eiusdem generis.

CAECI fuimus] Cum eam Terentia dedimus. Cicero diuortium cum Terentia facere noluerat, ne secundam pensionem daret: quanquam Atticus auctor esset, ut omnino diuortium faceret. deinde, ne Terentia egeret, secundam pensionem dedit, neque tamen diuortium fecit. quod ita esse, constat ex epistola, quae ante superiorem proximam legitur: in qua haec sunt uerba: Placet mihi, & idem tibi, nuncium remitti. petet
 » fortasse tertiam pensionem. ALIVM MALE-
 » M: recordatus orationem esse de praeteritis, senten-

tiam non perfecit ; quodq; instituerat dicere, omittens,
intulit, SED PRAETERIIT.

185.

QVOD sit in tuto,] Hoc iteravit superiore
proxima epistola, cum dixit: seponi, & occultari pos=
sunt, ut extra ruinam sint eam, quæ impendet. NE
QVE SATIS MVLTa EX SVPEL=
LECTILE : non dicit supellectilem parum multā
esse, sed parum multa esse in supellectile, quæ pretij ma=
ioris sint, & seponi debeant.

186:

NEC ulla fore conditio pacis, eaq; quæ sunt, etiā
sine aduersario peritura.] Ponit duas causas, cur vi=
deatur adesse extremum : primum, quod inter Cæsa=
rem & Pompeianos pacis conditio nulla erit, et omni=
no decerneretur armis . deinde, quod, etiam si bellum à
Pompeianis non sit, tamen hæc uel sine aduersario peri=
bunt : corruant enim necesse est, cum nullo iure, nullis
legibus nitantur. Et hoc dicit, quia, cum Cæsar bello Ale=
xadrino detineretur, in Vrbe propter contentiones tri=
bunitias ad arma uentum erat; & militibus in ciuita=
tem receptis, per uim omnia gerebantur. Dion libro
XLII. & Hircius libro IIII.

IN LIBRVM XII. CICERONIS EPI
STOLARVM AD ATTICVM,
PAVLI MANVTII COM=
MENTARIVS.

Ex epist. I. pag. 185.

D CONSTITVTVM.] Secun=
A dum constitutum, prout constituimus. et præ
termittit loci nomen; ubi V. Calendas esse cō
stituerat; quod hac de re cū Attico ante discessum lo=
cutus erat, ut nominare necesse non esset. nā cum dicit,
V. CAL. I G I T V R; aduerbium I G I T V R hoc
designat, ut unā locuti sumus, ut tu scis me constituiisse.
Et observandum est, constitutum, esse uerbum iuris, ut
in oratione pro Cæcina, Qui ad cōstitutum experiundi
iuris gratia uenissent. Et pro Cælio, Cum sit ijs confite=
dum, nunquam se ne congressu quidem, Et constituto
coepisse de tantis iniurijs experiri. nam in iudicium al
ter alterum uocabat die constituta. Et quoniam sæpe
accidit, ut ij, qui litigant, non eo die, quem sibi ad agen=
dam causam constituerunt, iudicio disceptent, sed in
aliū diem differant: ideo in epistola ad Mariū, tra=
lacione à litigantibus sumpta, dixit, Si quod constitutū
habet cum podagra, fac in aliū diem differas: hoc
est, Si tu fortasse his diebus, quibus nos una futuros esse
uides, podagræ medicinam facere constitueras: differ
in aliū diem: ne te ex curatione infirmum Et lan=
guentem offendamus; sed bene ualentes, hilarius Et li=
beralius

beralius uiuere possimus. CURRERE: Romā:
quod hæc epistola data est, ut ea, quæ subsequuntur, de-
clarant. QVOD QVIDEM IPSVM:
osculum. & uidetur hoc in loco osculum non basium
significare, sed paruum os, cum sequatur, garriat.
QVID GARRIAT: apte, garriat, de puella:
nam infantes, cum loquuntur, hilaritate quadam &
sono uocis auiculas uidentur imitari. itaq; quod auium
proprium uerbum est, eleganter ad puellam transtulit.
SIN RVSTICATVR: hinc apparet, hanc
epistolam Romam esse missam. nam hoc intulit, cum
certum nesciret utrum Romæ Attica cum patre, an in
prædijs esset. AVT SCRIBES SALV-
TEM, AVT NVNCIABIS: scribes, si rusti-
catur: nunciabis, si tecum Romæ est.

185:

NOCTVABVNDVS] Qui de multa no-
cte ambulasset. SCILICET: hoc in loco SCI-
LICET asseuerationem significat, ut in epistola ad
» Lentulum, Me in summo dolore, quem in tuis rebus ca-
» pio, maxime scilicet consolatur spes, quod fore suspi-
» cor, &c. Et ad Atticum, 58. De Lentulo scilicet sic fero,
ut debeo: uirum bonum, & magnum hominem per-
didimus.

185:

QVOD scribis, igniculum matutinum:] Igni-
culum matutinum $\gamma\epsilon\gamma\omicron\nu\tau\iota\kappa\omicron\nu$ esse, Atticus scripserat:
itaque se, qui senex esset, more senum eo delectari. Cui
Cicero respondens, Est id quidem, inquit, $\gamma\epsilon\gamma\omicron\nu\tau\iota\kappa\omicron\nu$, sed
 $\gamma\epsilon\gamma\omicron\nu\tau\iota\kappa\omicron\tau\epsilon\gamma\omicron\nu$ memoriola uacillare. id est, tu quidem in
eo senem te esse ostēdis, quod igniculo matutino uteris;

P P

sed multo magis, quod memoria uacillas, (hoc autem
 uitio senes plerunque laborare solent) cum, quibus ego
 diebus ad Axium, ad te, ad Quintum fratrem literas
 dederim, sis oblitus: non enim ijs diebus dedi, quibus
 ipse putas, sed IIII. Cal. ad Axium, III. ad te, V. ad
 fratrem. Videtur autem, cum hæc epistola scripta est,
 anni tempus id fuisse, ut frigoris aut nihil, aut parum
 admodum esset; cum supra dixerit, Sin rusticatur: ru-
 sticari enim, tempestate frigida, non solemus; neque,
 Atticum filiolum infantem hieme rusticatum misisse,
 uerisimile est. Hoc attexere non alienum putauit: ut in-
 telligatur, eo tempore igniculo matutino uti plane γεγο-
 ντων fuisse. nam cum frigoris aliqua uis est, tum igne
 uti non dicetur esse γεγοντων: siquidem id non à solis
 senibus, sed omnino ab omnibus necessario fieri uide-
 mus.

185

IDEST V. Cal.] Teneo meum institutum, ut
 sine libris antiquis nihil affirmem: quid tamen, si lega-
 tur, II. Cal. hoc est, prid. Cal. ut ordo cōtinuetur, IIII.
 III. II. est autem & alijs in locis hic error, ortus, ut
 ego opinor, ab huiusmodi causa, quod librarij, ubi scri-
 ptum uidebant II, opinione decepti u literam esse puta-
 runt, & u pro II reposuerunt: deinceps alij peritiores,
 cum u intelligerent antiquam notam esse oportere, V
 fecerunt. HOC IGITUR HABEBIS,
 NOVI NIHIL: aduerbium IGITUR quod
 spectet, obscurum est: connecti enim cum superioribus
 non potest. sed, ut ego arbitror, ad Attici epistolam re-
 fertur: in qua huiusmodi aliquid fortasse posuerat,
 Scribes ad me, si quid habebis. cui Cicero respondens,

22 Hoc igitur, inquit, habebis, noui nihil.

185:

HIC rumor est,] Epistolæ initiū uoluimus esse: nam ante, quasi pars esset præcedentis epistolæ, cōtinua-
ta oratione legebatur. in quo illa inter se pugnare ne-
mo animaduuerat, quòd cum ita dicat; Hoc igitur
habebis, noui nihil: deinde, res nouas scribens, infert;
Hic rumor est, T. Murcum &c. Atque etiam illa mi-
nus inter se coherere nō intelligebatur, quòd superiora
scripsit uilla egrediens, cum Atticus esset Romæ; hæc
autem in Vrbe, cum Atticus, ut opinor, rusticaretur, Ro-
mæ certe nō esset. unde illud, Habes quæ, dum tu abes,
locuti sunt. & illud, De uia recta ad me. Quare hanc
partem, quæ antea præcedenti epistolæ cōtinens & ad-
iuncta fuerat, non sine causa, ut alteram epistolam, à
superioribus separatam uoluimus esse. T. MVR-
CV M: quem postea C. Cassius in suas partes tradux-
xit; mox falsis criminibus insimulatum Sextus Pom-
peius, Magni filius, in Sicilia interfecit. Appianus appel-
lat Sextum, non Titum; Cicero, Lucium, 188. Patercu-
lus prænomen non ponit. LOCUTI SVNT:
Romæ. LVDI: forte in honorem Fortunæ, quæ
Præneste colebatur.

185:

TRANSACTION] In Africa. interea, inquit,
depugnatum fortasse est in Africa, in quam Cæsar mē-
se Decembri contra Pompeianos Scipione Imperatore
bellum renouantes traiecerat. Hircius uero & isti lu-
dos curant, cœnisq; ac delicijs se dant; de rerum exitu
non laborantes, quasi certi sint Cæsarem uicisse. O

PP ij

COMMENTARIVS

MIROS HOMINES, subsequitur, cū ironia; quod fatui plane sint, qui tantis in rebus tam securo animo dies traducant. Manifestum autem est, de bello Africano intelligi; quoniam Alexandrinum confectum iam erat; Hispanum autem significari non potest, quod ei bello Hircius interfuit, ut ex ipsius ad Balbum epistola conijcitur. hic autem Romæ Hircium fuisse, apparet ex his uerbis, ibi Hircius, & isti omnes.

185:

A T Balbus ædificat] Ostendit Cæsarianos Africanum bellum nihil timere, cum alij ludis operam dēt, alij etiam ædificent; quod maiorem animi securitatem significat: quandoquidem ædificare non solet, qui rerū mutationem pertimescit. τί γὰρ αὐτῷ μέλει: quid enim ipsi curæ est? ita, inquit, Balbus ædificat, quasi non curet in Africa quid agatur. NON NE βεβίωται: Balbus, quomodo ipse sentit, qui non recta, sed uoluptaria querat; præclare uixit. tu autem nondum deliberaſti, quo modo sit uiuendum. βεβίωται, præclare acta uita est. nam uiuere quandoque ualet incunde uiuere. unde illud, Cum Panſa uixi: & illud, Quando uiuemus? Non ne uides, inquit, Balbo cum uoluptate uitam esse traductam? at tu interea dormis: non explicas quo modo uiuendum tibi sit, cum Balbus iam uixerit. DORMIS: nō decernis, quo modo sit hæc uita traducenda. EXPLICANDVM EST πρὸ βλημᾶ: nimium diu queris, utrum recta, an uoluptaria sequaris. hæc tibi quæſtio iam explicanda est: aliquando tibi est decernendum, utram partē eligas. SI QUID ACTVRVS ES: nunc enim nis

hil agis, quoniam nō explicas, utrum in uita melius sit. qudd si acturus aliquid es, & ijs rebus frui cogitas, quæ tibi post deliberationem magis expetendæ uidebuntur: explicandum aliquando πρόβλημα est. qui enim semper deliberat, & quærit, hoc an illud agat: nihil unquam agit. Refertur ad illud, TV INTEREA DORMIS. 185:

SI quæris, quid putem, ego fructum puto.] Quæris utrum cum uirtute, an cum uoluptate uiuendum tibi sit: ego, si meam sententiam scire uis, puto uoluptatem esse anteponendam. QUID PVTEM, in uita melius esse: hoc enim erat Attici πρόβλημα. FRVCTVM, uoluptatem, & usuram commodorum. frui enim absolute positum, est presentibus commodis & uoluptatibus uti. patet ex epistola ad Pætum libro IX. 137. Nihil, inquit, timeo: fruor, dum licet: opto, ut semper liceat. IAM TE VIDEBO: cito enim Romæ eris. AD ME: domum meam. SIMVL ENIM ET DIEM TYRANNIONI CONSTITVEMVS: Tyrannio grammaticus fuit eruditus, qui librum scripsit, de quo 187: is docuit Quintum Ciceronem filium, ut legitur in epistola ad Quintum fratrem, libro II. 309: de eodem etiam 57. 59. SIMVL DIEM CONSTITVEMVS, quo die suum librum legendum nobis det. 187: SIMVL, unâ, uterque: nam cum librum legere cum Attico uolebat: Atticus postea solus legit, cum Cicero Romæ non esset. unde illa Ciceronis quasi expostulatio 187: Verum, hoc fuit, sine me? subauditur enim, Tyrannionis librum te legisse; ut ex se

quentibus apparet. SI QUID ALIVD: si
quid aliud erit quod agendum sit,agemus.

Ex epistola II. pagina 186.

OBDVRETVR hoc triduum,] Quo se=
iuncti futuri sumus. OBDVRETVR, ab utroque
nostrum: nam tu quoque in eodem πᾶθε, & in eadē
molestia es; propterea quod ut ego te inuitus, ita tu me
non libenter cares. Expectabat autem Cicero eum in
Tusculano. QVOD ITA EST PROFE=
CTO: in eodem πᾶθε te esse.

186.

DE AVCTIONE,] Post auctiōem refer=
tur ad uerbum, uenias. auctiōi autem, quā Metho fa=
cturus erat, Atticum adesse Ciceronis intererat. nam
Metho illa auctiōe proscripti bona sibi à Casare dono
data uenditurus erat, ut Ciceroni solueret quod debe=
bat. De hoc latius paulo post. ET QVO DIE:
forte rectius, AVT QVO DIE, esset. CVM
LIBELLIS: oblecto. VENNONII: hunc
Cicero, uel Atticus potius in Ciceronis libro I. de Legi=
bus, exilem in historia dicit esse.

186.

NE nihil de re,] Quasi hæc superiora, quæ pro
xime scripsit, uerba sint, non res. Aut, DE RE, quā
nunc agimus, id est de expediēdo nomine Methoniano.
Metho enim Ciceroni pecuniā debebat. NOMEN
ILLVD, QVOD A' CAESARE: quod Cæ
saris beneficio recuperaui. nam Casar ei concesserat,
ut à Methone suum nomen posset exigere. alioqui ne=

mo non intelligit, quàm difficile fuisset Ciceroni homini Pompeiano exigere pecuniã à Methone, qui partes Cæsaris secutus erat : cum Pompeiani his temporibus summo in beneficio ponerent, si uitam ipsam tueri possent. ideo dicit, NOMEN ILLUD, QVOD A CAESARE, subintellige, recuperavi, cum amissum uideretur. Et obseruandum est, NOMEN hoc in loco significare id quod nobis debetur ; alibi id quod nos debemus. itaque & exigere nomina dicitur, pro exigere id quod nobis debetur : & dissoluere nomen, pro dissoluere id quod ipsi debemus. Libro III. in Verrem : Cũ reperiretur, pecunias sumpsisse mutuas, nomina sua exegisse, prædia uendidisse. Pro Plancio : Vtrũ igitur, me cõturbare oportet ; an cæteris, cum cuiusque dies uenerit ; hoc nomen, quod urget, nũc, cum petitur, dissoluere ? TREIS HABET CONDI-
TIONES : tribus modis expediri nomen illud potest. 186.

EMPTIONEM ab hasta,] Cæsar proscripsi bona dono dederat Methoni. quorum auktionem Metho cum facturus esset, possum, inquit Cicero, emere ab hasta, id est emere in auktione, (nam hasta ponebatur, ubi auktion fiebat) et accipere ex ijs bonis quantũ satis sit pro ea summa, quæ mihi à Methone debetur.

186.

PERDERE malo :] Quàm emere ab hasta proscripta ciuis bona. quod turpe erat : eoq; nomine M. Crassus, ille qui à Parthis cæsus est, male audierat, quòd Syllanis temporibus multorũ ciuium proscriptorum bona solus ferè propter auaritiam emisset : unde

PP iiiij

COMMENTARIUS

opes illæ immanes, & inuidiosa pecunia breui cōgesta.
HOC IPSVM PUTO ESSE PER-
DERE : non solum, inquit, in hac emptione turpitu-
do inesset, sed etiam, ut puto, iactura. nam si dominus
cōmutabitur ; quæ de bonis proscriptorum empta fue-
rint, rata non erunt. itaque hoc ipsum emere ab ha-
sta, puto esse perdere. Hinc patet, auctiōem illam, quā
Metho facturus erat, de proscripti bonis fuisse, cum in
ea turpitudinem inesse Cicero dicat. quod cum ita sit,
sequitur ut Cæsarianus fuerit Metho : non enim Pom-
peianorum bona, nisi suarum partium hominibus Cæs-
sar dedisset. recte ergo illud exposuimus, QVOD
A' CAESARE.

186.

DELEGATIONEM à mācipe annua die.]
Ex tribus conditionibus, primam posuit, cum dixit, Em-
ptionem ab hasta. nunc secundam persequitur. secun-
da, inquit, conditio est, si alius ea bona, quæ in auctiōe
uendentur, emat; eamq; pecuniam, quam Methoni pro
emptione debebit, mihi ad annum se esse numeraturū
promittat Methone ipso concedente. Hæc est quam uoc-
cat delegationem à mancipe : propterea quod ea ratio-
ne Metho non ipse Ciceroni pecuniam soluisset, sed so-
lutionis faciendæ curam delegasset mancipi, id est ei
qui illa bona in auctiōe emisset. mancipes enim dicun-
tur, qui aliquid in auctiōe emunt. DELEGA-
TIONEM igitur A' MANCIPE, translata so-
lutione à Methone ad mancipem. ANNUA DIE,
ad annum. hoc propterea scribit Attico, qui auctiōni af-
futurus erat; quo facilius inueniatur qui emat, cum

sciat se pecuniam non presentem, sed annua die soluturum.
186.

QVIS erit, cui credam?] Quem mancipem homini Pompeiano prastaturum putem, quod promiserit? AVT QUANDO ISTE METHONIS ANNVS VENIET: iste, cum indignatione dixit; quia Metho cum se antea soluturum esse ad annum promississet, nunquam tamen soluerat. quasi dicat, annus iste mancipi ad soluendum concessus, vereor ne Methonis annus futurus sit, cuius quidem exitus nunquam uenit.
186.

VECTENI conditione, semisse.] Tertia conditio Methoniani nominis explicandi. Faciat, inquit, Metho quod Vectenus debitor meus facit. pendat mihi semissem usuram pro ea pecunia, quam debet. Si hoc faciet, acquiescam, de exigendo nomine non agam, de sorte nihil instabo. Vectenum autem debuisse pecuniam Ciceroni, locus ille in libro X V. 244. satis ostendit: Vectenum, ut scribis, & Faberium foueo. duos enim debitores simul nominat: (nam de Faberij nomine saepissime in his libris) a quibus ne acerbius exigeret, Ciceroni Atticus scripserat. SEMISSE: semissis usura est, cum pro centum assibus (assis autem ad nostratis pecuniae rationem redactus, quadrantes aereos tres efficiet) semis assis, id est dimidius assis, singulis mensibus penditur. quod si ad annuam usuram subducamus, asses sex in anno pendentur. cum igitur pro centum nummis aureis dimidius nummus aureus in mense pendetur; si haec summa in asses diuidatur, pendi pro centenariis assibus dimidium assen reperietur. itaque sex

COMMENTARIUS

missis usura semper dicetur, cum pro centū nūmis, siue argenteis, siue magni pretij, siue parui, dimidius usura nomine pendetur. *οὐκ ἔστι*: considera: quid? hoc uidelicet, de tribus conditionibus, quas posui, quæ tibi magis è re nostra uideatur esse. **I S T E**: Metho. à quo auctiōnem fieri uellem, ut inde mihi satisfaceret. **AUCTIONEM NULLAM FACIAT**: plus dixit, quàm si dixisset, Auctiōnem non faciat. **NULLAM**, quasi me contempto, & de solutione non laborans. **LUDIS FACTIS**: Præneste. quibus de ludis in epistola, quæ proxime præcedit. **CLYPO**: nomen puto esse debere Casariani alicuius potentis, quem ludis Præneste factis putaret Cicero Romam aduolaturum, ut Methoni ære alieno laboranti subsidio esset. **NE TALIS VIR** *ἀλογονῶν*: ne Metho negligatur. ne scilicet ego eum ad pecuniam, quam debet, persoluendam possim cogere. **TALIS VIR**, *ἐργονικῶς*. *μελίται*: curabis: curæ erit: de hoc uidelicet Methonis nomine.

Ex epistola III. pagina 186.

RESTITUTVS est mihi dies festus: **C**uius iucunditatem abstulerat metus inualetudinis tuæ, quoniam quidem te sibi rubicundiores & inflammatiores esse uisum Tiro dixerat. est igitur is dies mihi restitutus, postquam ex tuis literis, nunc tibi satis recte esse, cognoui. Non enim recte se ualere Atticus scripserat, sed satis recte: cum in extrema epistola Cicero dicat, Adhibe ad conualescendum eam prudentiam, quæ ad omnes res soles. **ADDAM IGITUR, UT**

CENSES, VNVM DIEM: ad id tempus uidelicet, quod hic manere constitueram. nam, nisi ita facerem, unus dies amissus esset. quem hac ratione recuperabo, si unum addam. Et sciendum est, Ciceronem festos hic appellare eos dies, quos ruri ageret, propterea quod feriret ab omnibus negotiis, quemadmodum in Vrbe festis diebus fieri solet. VT CENSES: quia cum Cicero scripsisset, angere se propter Tironis sermonem de Attici rubedine, eoq; factum esse, ut festum diem amiserit, cum hilaritate illa, ad quam nos dare festis diebus solemus, frui minime potuerit; rescripsit Atticus: Adde igitur unum diem ut restituatur tibi is, quem amisisti: cum intelligas, de inuoluntate mea timendum tibi non esse. 186.

DE Catone πρόβλημα ἀρχιμήδους est.] Librum de Catonis uita scribere instituerat: sed ait difficile opus esse, quales Archimedis quaestiones: propterea quod assequi non posset, ut Casarianos eo libro non offenderet. NON ASSEQUOR: laboro, & contendo, sed non assequor ut scribam, non dicam quod libenter, sed quod aequo animo tui conuiuii possint legere. itaq; difficili in loco uersor, quemadmodum ii, qui Archimedis quaestionem aliquam explicare conantur. TVI CONVIVAE: Casariani, Balbus, Hircius, et alij: quos habere in conuiuiis saepissime solitus es. RECE- DAM: sensus est: Si Catonis sententias, quas de Rep. dixit, & consilia, quae item de Rep. habuit, omittam; eiusq; grauitatem & constantiam minus, quam ueritas postulat, laudare uelim: tamen hoc ipsum audire molestum illis erit: id est, hac ipsa Catonis laude, quam-

COMMENTARIUS

uis imminuta, tamen offenduntur: nullam enim pro-
sus eius mentionem fieri uellent.

186:

NISI hæc ornata sint,] HÆC, grauitas, & cō-
stantia Catonis in administranda Rep. ORNATA
SINT, ornatè scribantur. πρόβλημα igitur ἀρχιμή-
δους est de Catone scribere. nam si eum εὐδῶς, hoc est
parce, tenuiter, nō ut ueritas postulat, laudabo, tamē Cæ-
sarianos offendā: si uere, multo magis: propterea quodd
laudare eum uere nō possum, nisi hæc laudibus illustrē:
laudibus autem illustrari debent ob hanc causam, quodd
ille ea, quæ nunc sunt, & futura uiderit; & ne fierent,
contenderit; & facta ne uideret, uitam reliquerit.

186:

AT E D I O] Cæsari. ficto nomine. & fortasse
idem, de quo 193: PROBARE: ostendere, &
persuadere, recte esse factum. quasi dicat, Ex his nihil
erit, quod Cæsar non reprehendat: itaque eum offen-
dam, si scriptis illa persequi uoluerō. Hæc epistola post
confectum bellum Africanum scripta est, siquidem Ca-
tonis interitum ostendit, qui audita Cæsaris uictoria,
Utica se ipse occiderat.

Ex epistola IIII. pagina 186:

LUPERCO filio,] Romæ Lupercalia sacra
ad expiandos manes mense Februario celebrabantur.
inde Luperci, qui ea sacra Lupercalibus in Lupercali fa-
cientes, hæc illac nudi cursitabant. ipsa uero Lupercal-
ia à Lycæo Arcadiæ monte dicta, ut Ouidius scribit,
transtulisse in Italiam Euandrum, Arcadem Liuius re-

fert. sed ab Ouidio & Livio Sextus Pompeius discrepat, qui à Lupercis, amiculo Iunonis, id est pelle caprina, nomen accepisse tradit. De Lupercis & Lupercalibus Varro, Sex. Pompeius, Livius, Plutarchus, Ovidius de fastis, Cicero pro Celio, & in Antonium. S T A T I O : Quinti Ciceronis liberto : quem, cum in Asia Prætor esset, maxime propter fidelitatem manumiserat. De hoc in epistola, quæ est ante penultimam libri I. ad Quintum fratrem; & in ea, quam ad Marcum fratrem Quintus scripsit, libro XVI. ad Tironem.

D V P L I C I D E D E C O R E : duplex enim dedecus, & filium & libertum Lupercos habere, qui ea sacra non nisi summa lætitia & hilaritate Lupercorum more celebrarent, cum in tantis patriæ ruinis non lætari bonum ciuem, sed lugere conveniret.

T E R T I U M : Lupercum.

186:

O' S T V L T I T I A M, nisi mea maior esset, singularé.] S T V L T I T I A M, Quinti fratris. N I S I M E A M A I O R E S S E T, qui patria tyrannide oppressa, tamen hic maneam. mihi enim viro consulari, iudici olim inimicorum Reip. qui pro patria tantas res in Consulatu gessi, tam acrem libertatem defensorum in omni vita sum professus, multo minus concedendum est nunc tyranno servire; quàm Quinto fratri, Lupercum esse filium, pati. itaq; maior, quàm illius, stultitia nostra est.

186:

Q V O D autem osim hanc rem, ἐπεὶ ἔχεις ἀπὸ τοῦ te.] Osim, dixit, pro ausim, comicorum more. Quod, inquit,

ausim sub tyranno uiuere, mandatum hoc à te habeo: tu enim mihi hoc in mandatis dedisti, ne discedam; sed in patria potius, quàm externis in locis, uiuam. ἔργον. autem ualet mandatum, auctore Suida, qui ἔργον idē scribit esse, quod ἐντολή. alibi aliud significat: sed hic sententia postulare uidetur, ut pro mandato accipiamus. Et dixit, O S I M, quasi turpe quiddam.

186:

F A C, non ad ἀφ᾽ ὧσαν &c.] Sensus est: Quintus letatur, quod filium Lupercum uideat. hoc quidem stulte: nam Lupercalia tenuis admodum, neque satis honorifica res est; ut propterea ualde letari stultum sit. uerum fac & amplam rem esse, & honorificam: nunquid eum decet, cum Resp. perierit, ulla ex re uehementius letari; praesertim cū & ipse hoc tempore, qui summa ex rei familiaris angustia laboret? hoc autem Cicero μεταφορικῶς protulit, his uerbis: Fac eum non ad aridum letitiae fontem, sed ad Pirenen, id est ad uberissimum, uenisse: (Pirenen enim pro uberrimo fonte posuit; siquidem, cum et continue more fontium scateat, & aquas, ut Strabo refert, non diffuentes habeat, sed stantes, uberrimus sit necesse est) ἀμπνευμα σέμνον Ἀλφειοῦ πειρήνην haurire? in tantis suis praesertim angustijs. uerba sunt Pindari in Nemeis non de Pirene, sed de Arethusa fonte; quia in Achaia terra absortus Alphæus fluuius, diuq; subterfluens, tandem erumpit apud Syracusas in fontē Arethusam: ut quasi graui pressus onere, tum demum respirare uideatur. ideo uocauit Pindarus Arethusam ἀμπνευμα σέμνον Ἀλφειοῦ κρήνην. quo modo & hic legendum uidetur: ut non de Pirene lo-

quatur Cicero, quæ non est Αλφειοῦ ἄμπνευμα; sed ad Arethusam sermonem cōuertat, & recitet uerba græca in Attici literis usurpata. quod apparet, quia subiungit, Vt tu scribis. alioqui esset μνημονικὸν ἁμάρτημα, si Pindari uerba, de Arethusa prolata, Cicero de Pirene dicta acciperet.

186:

CATO] Liber, quem scripsi de Catonis uita. SED ETIAM BASSVM LVCILIVM SVA: subintelligitur, delectant. Sensus est: Catone meo delector, sed fortasse sine causa, quando etiam Bassum Lucilium, malum scriptorem, sua delectant.

186:

DE Celio, tu quæres, ut scribis.] Ciceronis consilium erat, ut omnia quæcunque posset, siue è suppellectile, siue ex argento, in auream pecuniam redigeret, ut scilicet temporibus tam incertis, tamq; periculosis, cū unius libidine cuncta gererentur, rebus suis contractis, & paratior esse ad omnem euentum, & facilius cauere sibi posset. aurum hoc non nisi ab argentarijs poterat cogere. & quoniam in huiusmodi rerum tractatione minus ipse uersatus, in auro timeret, ne sibi ab argentarijs imponeretur: Attico huius generis intelligenti, & ad hanc rem usu peritissimo, conficiendi negotij curam delegauerat. Hac, ut argumentum eorum, quæ sequuntur, præponere non alienum fuit. nunc ad Ciceronis uerba. DE CELIO, argentario. QV AE= RE S, num aurum nobis dare possit. quanquam non hoc modo uidendū tibi est, nū dare possit; sed illud etiā, num daturus bonum sit, nō adulterinū. hoc enim significat id quod sequitur, NO SCENDA EST

COMMENTARIUS

NATURA, NON FACULTAS MO-
DO: subintellige, Celij. unde illud in epistola sequen-
ti: De Celio, uide quæso ne quæ lacuna sit in auro.
Quod autem dicit, EGO NIHIL NOVI, ualet
hoc, Ego in huiusmodi rebus plane sum rudis: itaque tu
quæres. Iterat in eadem epistola quæ sequitur, cum di-
cit, Ego ista non noui. Hunc locum alij aliter interpū-
xerant, ut ita scriberent, Noscenda est natura, non fa-
cultas. modo de Hortensio, &c. nos sententiam, ut pu-
tamus, meliore secuti, distinctionis notā loco mouimus.

186:

DE Hortensio & Virginio tu, si quid dubitabis.]
Hos quoque argentarios puto fuisse. T V, subaudi quæ-
res: quæres autem hoc, num uiri boni sint, & num in
auro, quod daturi sunt, uitium timere possimus. SI
QVID DUBITABIS: hoc dicit, quia ipse non
admodum dubitabat: nam infert, Etsi, quod magis pla-
ceat, ego quantum aspicio, non facile inueneris.
CUM MUSTELLA: ages. Forte Mustella &
Crispus cohæredes erant. itaque agi cum Mustella non
poterat, nisi & Crispus, eiusdem hereditatis particeps,
adesset. etiam pagina 205. De Crispo, inquit, & Mu-
stella uidebis. & uelim scire, quæ sit pars duorum. Quo
in loco hereditatem significari, manifestum est, cum di-
cat, Quæ sit pars duorum.

186:

AD Aulum scripsi,] Et à Pifone argentario au-
rum sumere Cicero uolebat. hoc agebatur interprete
Aulo. & quoniam res diutius ducebatur; puto quodd
argentarius Pifo in permutatione facienda lucro usi-

tato

tato contentus esse nollet, sed aliquanto plus peteret :
 Cicero, qui rem ad exitum uellet perducere, ad Aulum
 scripsit, ut per eum Pisoni demonstraret, se optime nos-
 se, quantum pro auro, quod ab argentarijs permutatio-
 ne acciperetur, dari soleret: ut scilicet Piso, cum uideret
 Ciceronem, qui collybi rationem bene nossent, non facile
 adductū iri, ut præter consuetudinem penderet; æquio-
 ra postularet. Pisonem autem argentarium fuisse, ostē-
 dit etiam locus ille in libro XII. 205. Pisonem, sicubi
 de auro. Et ille 206. Si quid poteris, cum Pione confici-
 es: Aulus enim uidetur in officio futurus. Semp enim
 ubi quid agendum erat cū Pione, Auli opera, qui Pisoni
 familiaris esset, utebantur. **QVÆ BENE**
NOSSEM DE AVRO: quantum scilicet pen-
 di soleat ab ijs, qui ab argentarijs permutatione aurum
 sumunt. non enim hoc dicit, ut ostendat aurum se nos-
 se, cum supra dixerit, Ego nihil noui; & infra, Ego
 ista nō noui, referens ad aureæ pecuniæ cognitionem:
 sed ideo dicit, ut collybi rationem sibi notam esse osten-
 dat. **DEMONSTRAREM:** per Aulū inter-
 pretem. **TIBI ENIM** &c. ratio, cur ad Aulū
 scripserit. Videbam, inquit, idem quod tu, & hanc
 rem nimium prorogari; & mea referri, ut conficeretur.
ISTVD: hanc rem, quam cum Pione agi-
 mus interprete Aulo. **OMNIA CONTRA-**
HENDA: id agendum, ut omnia negotia ad exitū
 perducantur. **CONTRAHENDA**, μεταφορικῶς, ne longius abeant. **TE QUIDEM** &c.
 propterea quod dixit, Istud nimium diu duci, ideo hæc
 subscribit, ut ostendat, Attici id negligentia non fieri.

22

TVBVLVM] De hoc L. Tubulo in oratione
 » pro M. Scauro his uerbis: Si mehercule Iudices pro L. Tu-
 » bulo dicerem, quem unum ex omni memoria scelerat-
 » tissimum & audacissimum fuisse accepimus; tamen
 » non timerem, uenenum hospiti, aut conuiuæ si dicere-
 » tur cœnanti ab illo datum, cui neque hæres, neque ira-
 » tus fuisset. Quem locum Pedianus exponens, Lucius,
 » inquit, hic Tubulus pratorius fuit ætate patrum Cice-
 » ronis. is propter multa flagitia cum de exilio accersitus
 » esset, ne in carcere necaretur, uenenum bibit. Hæc autē
 » de Tubulo & de Scauola Cicero quærebat ab Attico,
 » ut ad libros de finibus uteretur, quos tunc in manibus
 » habebat. nam libro II. ubi differentiam ostendere uult
 » inter improbum, & callidum improbum; exempla po-
 » nēs, de L. Tubulo ita meminit, ut de improbo; de Q. Pō-
 » peio, ut de callido improbo. An tu, inquit, me de L. Tu-
 » bulo putas dicere? qui, cum Prator quæstionem inter si-
 » carios exercuisset, ita aperte cepit pecunias ob rem iudic-
 » andam, ut anno proximo P. Scauola Tribunus pl. fer-
 » ret ad plebem, uellent ne de ea re quæri, quo plebiscito
 » decreta est Consuli quæstio Cn. Cepioni. (Sic enim le-
 » gendum est, non Scipioni) profectus in exilium Tubu-
 » lus statim, nec respondere ausus: erat enim res aperta. nō
 » igitur de improbo, sed de callido improbo quærimus,
 » qualis Q. Pompeius in fœdere Numantino inficiando
 » fuit. Hæc Cicero: qui cum ignoraret, quo crimine Tu-
 » bulus esset accusatus, quæsiuit ab Attico his uerbis, S I
 » P O T E R I S, T V B V L V S Q V O C R I M I -
 » N E, subaudi, accusatus fuerit. Atticum rescripsisse ap-

paret, Quod Prator quæstionem exercens inter sicarios, pecunias cepisset ob rem iudicandam. itaq; Cicero, ut ostendimus, in libro de finibus scripsit. TRIBVNVS PLEBIS: quo in Tribunatu de Tubulo ad plebem tulit. PVTO, CEPIONE, ET POMPEIO: recte putabat, ex causa, quam subscripsit. nam cum P. Furio, Sex. Atilio consulibus Prator fuerit, inter Tribunatum autem & Praturam quatuor Consulatus, id est quatuor anni intersint: Cepione & Pompeio Consulibus Tribunum fuisse necesse est. ideo dicit in libro II. de finibus, ANNO PROXIMO, cum ab Attico certior factus esset, Cepione & Pompeio Consulibus Tribunum Scauolam fuisse; Cepionem autem & Pompeium post Metellum & Maximum, id est post annum, quo Tubulus Prator fuit, Consules sciret proxime fuisse. DABIS IGTUR TRIBVNATVM: scribes quibus Consulibus Scauola Tribunus pl. fuerit. Atticum rescripsisse constat, Cepione & Pompeio, ut supra ex libro II. de finibus proxime ostendimus. TUBVLVS QVO CRIMINE: subintellige, fuerit accusatus à Scauola Tribuno pl. Hic erratum erat in omnibus libris, quos uidimus, & manuscriptis, & impressis. nam pro Tubulus, uel tabulis, uel Tubulis, uel Tribulis legebatur. coniectura usi sumus, & Tubulus, recte, ut opinor, reposuimus. 187.

L. LIBO, ille, qui de Ser. Galba,] L. Scribonius Libo rogationem tulit in Ser. Sulpitium Galbam, quod Prator Lusitanos contra interpositam fidem occidisset. Hoc Cicero in Bruto, et Val. Maximus lib. I X. sed Flo-

QQ ij

COMMENTARIUS

rus aliter ubi epitomen facit ex libro Liuij XLIX.

QVI DE SER. GALBA, ad populum tulit.
Hic est Galba, quem Cicero in libro de claris oratoribus
artificium & vim ad animos eorum, qui audirent,
delectandos aut permouendos principem ex latinis ha-
buisset dicit. 187.

CENSORINO, & Manlio,] Hinc appa-
ret, gentem Manliam et patritiam fuisse, et plebeiam:
siquidem cum huic Manlio prænomen fuerit Marcus,
patritius esse non potest: quoniam gentis Manliæ decre-
to iam ante cautum fuerat, ne quis patritius M. Man-
lius uocaretur, ut in prima Philippica Cicero tradit.
Aut igitur Manlius hic plebeius est: aut, Manilius, legen-
dum; ut etiam libro I. Academicarum questionū: quo
in libro ita scriptum est: L. Censorinum, eum, qui Cōsul
cum M. Manlio fuit. Vtrocunque modo legatur, cōstat
ex Ciceronis uerbis in Philippica, non omnes Manlios
patritios fuisse. 187.

IN Bruti Epitoma Fānianorum, scripsi, quod erat
in extremo:] Locutio, qualis illa ad Trebatium: In
equo Troiano scis esse in extremo. In Bruti igitur Epi-
toma erat in extremo, Fannium, qui scripsit historiam,
generum esse Lælij. id Cicero ita scripsit, Brutum au-
ctorem secutus, cum etiam de Quinto Hortensio idem
accepisset. IN BRVTI EPITOMA: ante
has dictiones in omnibus libris uerba erant hæc, Epito-
me Bruti Fanniana, quas, ut otiosas, & eorum quæ se-
quebantur glossema, sustulimus. FANNIANO-
RVM: rerum à Fannijs gestarum, uel quæ in Fannia
gente memoria dignæ acciderunt. nam si homines in-

telligeret, Fannianorum dixisset. Sic etiam illud acci-
 pio, quod est in libro sequenti 207. Epitomen Bruti Ce-
 lianorum uelim mihi mittas. Alioqui, cum dicimus,
 Fanniani, Celiani, Sulpitiani, Iuliani, & similia; intel-
 ligimus homines ex Fannia, Celia, Sulpitia, Iulia fami-
 lia in aliam familiam adoptatos. quod si quis librum, aut
 epitomen scriberet de illustribus in aliqua familia uiris,
 ut puta de ijs qui in Fabia, Corneliaue gente insignes
 ad laudem fuerunt: nunquid ita loqueretur, ut dice-
 ret, Fabianorum librum, aut Corneliorum epitomen?
 si diceret, non recte. at uero, Fabiorum librum, & Cor-
 neliorum epitomen, recte diceret. unde illa Nepotis in
 Attici uita, de Iunia familia librum scripsisse, itemque de
 Fabijs, & Cornelijs. HVNC FANNIVM:
 C. Fannium Marci filium. HVNC, cuius historiam
 habemus. SCRIPSERAM: in libro de claris
 oratoribus. LAELII: hic est, qui cum Scipione Afri-
 cano inter paria amicorum celebratur: cuius nomine
 librum de amicitia Cicero inscripsit. γεωμετρικὸς:
 argumentis & rationibus apertissimis, quemadmodum
 geometrae solent. BRVTVS, ET FAN-
 NIVS: libri à Bruto & ipso Fannio scripti.

187.

BONO auctore Hortensio] Hic est Q. Hor-
 tensius orator, ætate sua post Ciceronem in eloquentia prin-
 ceptus. Augur Ciceronem in collegium cooptauit, & in-
 augurauit: Consul fuit cum Q. Metello Celeri: obiit
 L. Aemilio Paulo, C. Claudio Marcello Coss. cum Cicero
 ex Cilicia decederet, ut scribit ipse in proœmio libri de
 claris oratoribus, quo in libro multa de eodem Hortensio

QQ iij

sio: itemq; in fine libri III. de Oratore. BONO
 AVCTORE, historiæ perito, ut ei fides habenda ui-
 deretur. Alibi etiam, in hoc genere Ciceronem Hor-
 tensij memoria, cum uiueret, usum esse, apparet: ut pa-
 gina 215. Videor audisse ex Hortensio, Tuditantum in
 decem Mumij legatis fuisse. & 216. pagina, à tergo.
 EXPEDIES: Fannius, qui scripsit historiam, ge-
 ner Lelij fuerit, nec ne. DOLABELLAE: ex
 Africano bello reuertenti.

187.

ERGO & in integro omnia:] Hic principium
 puto esse oportere alterius epistolæ. Ergo, inquit, omnia
 mihi in integro sunt apud Cæsarem: animus illius erga
 me nihil est immutatus, quanquam Calendis Romæ nō
 affuerim, cum senatus habitus est. Cupiebat autem Cæ-
 sar quàm maxime, ut in senatum uenirent, qui ante ci-
 uile bellum optimates numerati fuerant, ut scilicet ali-
 qua Resp. uideretur esse, quæ re uera nulla erat. quod
 cum Cicero non uenisset, quæsivit ab Attico per literas,
 quo animo Cæsar id ferret. Atticus rescripsit, In inte-
 gro sunt omnia.

187.

MIHI etsi Calendæ uitandæ fuerūt] Sensus est:
 Romam uenire non debui, & quia calendæ mihi uitân-
 dæ fuerunt, ne in senatu adessem; & ut primas opti-
 matium carptiones effugerem. Verebatur enim Cicero,
 ne, si Cæsare ex Africa reuerso statim Romam uenis-
 set, & in senatu affuisset, boni eum in sermonibus ui-
 tuperarent, quod libertatis olim defensor acerrimus, tunc
 in senatum, qui haberetur à tyranno, uenire non recu-
 saret. INCESSIONVM autem & exetone

dixit, id est, origo, & prima causa uituperationum: nā
ante nihil commiserat, quo reprehendi ab optimatibus
posset. Et, INCESSIONVM, proprie: nam
incessere, Festus exponit, iactu uel uerbis petere. trāsfer
>> tur & ad alias res: itaq; dixit Plautus, incessere he-
>> rum dolis: Salustius, incessit ambos inopia: Liuius, in-
>> cessit patres timor: Idem proprie, incessere hostes ia-
>> culis. Cum autem locus hic Ciceronis ante esset corru-
ptus, & in antiquo libro Caualcantis legeretur, nicasio-
rum; in eo quem Vbaldinus habet, meassionum: corri-
gere ausi sumus, & incessionum, scripsimus, una tantū
litera, si quis accurate conferat, immutata. sententia
quidem ita commoda est, ut aptius nihil esse possit.
CALENDAE, Sextilis: nam Cæsarem ex Africa
reuerentem uenisse Romam VII. Cal. Sextilis, libro
V. in extremo Hircius refert. ut Calendas, quibus pri-
mum senatum habuit, quas Cicero dicit sibi uitandas
fuisse, Sextilis mensis intelligi uerisimile sit. Calendis
autem ut senatus haberetur, uidetur in consuetudine
>> positum fuisse. quod indicat etiam locus ille 195. Cir-
>> citer Calendas affuturus uidetur. uellem, tardius. Et
>> illud 222: Rogat magnopere, ut sim Calendis in sena-
>> tu. Item 259. Maxime dolebat, me Calendis Sextilibus
>> in senatu non fuisse. & 239. alibiq; non apud ipsum:
modo, sed & apud alios. CONFICIEN-
DAE QVE TABVLAE: tertia causa, cur Romā
uenire non debuerit. conficiendae, inquit, mihi erant ta-
bulae: ruri, uidelicet: nam in Vrbe propter occupatio-
nes non potuisset. His de causis, inquit, Romam uenire
non debui: sed debui tamen, ut te uiderem: nihil enim

℞ iiij

tāti est, ut à te absim. Et dixit, V T A' T E A B E S S E M, pro, ut abesse deberem. Hunc locum & mendosum, & perdifficilem correctione, & interpretatione, nisi fallor, ita illustravi, ut ijs, qui hæc nostra legerint, obscurus iam esse non possit. unum mihi uideor prætermisisse, conficere tabulas quid sit: quod Pedianus declarat his uerbis: Moris fuit, unumquenque domesticam rationem sibi totius uitæ suæ per dies singulos scribere; in quo appareret, quid quisque de redditibus suis, quid de arte, fœnore, lucro'ue seposuisset quoque die, & quid itē sumptus, damni'ue fecisset. Hæc Pedianus. eadem ferè Cicero ipse in Verrem libro III. & Suetonius in Iulio, qui eum scribit seruitia politiora comparasse immenso pretio, & cuius etiam ipsum pudere sic, ut rationibus uetaret inferri.

Ex epistola V. pagina 187.

NE QV AE lacuna sit in auro] Ne uitium sit in auro, quod à Celio argentario pecunia permutanda meo nomine accepturus es. Lacuna dicitur esse in auro, cum in nūmo, qui aureus uidetur, aliquid est, quod aurum non sit: quasi enim lacuna est in eo loco, ubi aurum non est: translatione sumpta à fundis, quos lacunæ deteriores faciūt. IN COLLYBO: in ipsa permutatione: nam argentarijs datur aliquid, cum pecunia permutatur. COLLYBVM autem Pollux exponit, pecuniæ permutationem. HVC AVRVM SI ACCEDIT: si præter detrimentum, quod in collybo patimur, etiam non bonum aurum habebimus ab argētario. HABES HEGESIAE

GENVS, QVOD VARRO LAVDAT: Hegesiae duo fuerunt, Cyrenaicus, & Magnesius; hic orator, ille philosophus. de philosopho, in primo libro Tusculanarum quaestionum, & Laertius in Aristippo; de oratore, Strabo libro X I I I. ipse in eo libro, quae inscripsit Orator. quo in libro, manasse ab hoc vitium illud, scribit, in quod incidunt ij, qui numeros in oratione frequentius infringunt, atque concidunt. cuius generis sunt Varronis scripta, utpote qui Hegesiam sequeretur. quod Cicero de numeris Hegesiae tradit, idem ferè Dionysius Alicarnassensis in arte. HABES HEGESIAE GENVS: Hegesiae librum Cicero ad Atticum miserat. Vides, inquit, Hegesiae scripta cuius generis sint. QVOD VARRO LAVDAT: sine causa, scilicet: nam uidetur hoc significare, Nunc Hegesiae librum legens, intelligis, quam recte eum Varro laudet. 187.

VERVM hoc fuit; sine me?] Subaudi, te legere Tyrannionis librū. & dixit VERVM, pro æquum, quo modo & in epistola prima libri I I.

L V E S: correxeris. nam luere hoc in loco id ferè ualet, ut illud libro V. de finibus, Lucretia stuprum per uim oblatum uoluntaria morte luit. T V A A D M I R A T I O: scripserat enim Atticus, se Tyrannionis librum cum admiratione legisse.

187:

A M O enim πάντα φιλόδημον:] Ratio, cur Attici admiratione delectatus sit. amo enim, inquit, quicumque popularium suorum studiosus est. popularis autem erat Attici Tyrannio, non quod uterque Athenien

COMMENTARIVS

sis esset, (nam neque Atticus, ut Cornelius Nepos in ipsius uita scribit, ciuem se Atheniensem fieri passus est, cum Athenienses uellent; & Tyrannio erat Amisenus, ut Suidas tradit) sed quod uterque Athenis uixerat. Eadem ratione in epistola primi libri X. Solonem Attici popularem appellat: & infert, eundem Solonem se putare popularem suum fore: non quod in Atheniensem ciuitatem Cicero ascribi uellet, sed quia ciuili bello inter Caesarem & Pompeium exorto, ne alterutrius partis esset, migrare Athenas, ibique habitare cogitaret. Alibi popularis ualet eiusdem ciuitatis, ut libro II. Academicarum questionum, Thales hoc Anaximandro populari & sodali suo non persuasit. uterque enim Milesius, auctore Laertio. TENVEM θεωρίαν: Tyrannionis considerationem in re tenui; quam tu, eius librum legens, admiratus es.

187:

REFERTVR ad τέλει?] Quid affert ad summam rerum acuta ista, ut scribis, et grauis θεωρία? quasi dicat: ut acuta, & grauis sit, quemadmodum tu scribis, Tyrannionis ista θεωρία, tamen in re uersatur minime necessaria. quāquam enim Cicero librum illum nō legisset, ἵπότεστιν tamen & argumentum nō ignorabat. ET PRO ISTO ASSO SOLE: rectius AT, quā ET, meo iudicio: respondet ad alteram partē epistolae ab Attico acceptae. ASSO SOLE: scripserat Atticus, se, cum domum Ciceronis, quae erat in Palatio, uenisset, in sole per pratulum, quod domui adiacebat, satis superque inambulasse. Respondet Cicero per iocum. Domi meae dum fuisti, prater siccū

solem nihil habuisti : at ego à te nitidum, unctumq; so-
lem repetam : id est, cum ad te domum ueniam, non so-
le tantum contentus ero, non mihi idem, quod tibi, satis
erit, in sole inambulare; sed coenam etiam cum sole exi-
gam. Solem assum uocat, quem coena non sequatur,
quasi sine succo, ut obsonia sunt assa : nitidum autem,
& unctum, qui cum coena sit. MISSVS AD
TE : cum tui nominis inscriptione : quemadmodum
& Cicero Oratorem ad M. Brutum misit.

Ex epistola VI. pagina 187:

TANTVM ne est ab re tua otij tibi,] Hoc
totum è Terentij Heautontimorumeno sumpsit. nam
in prima scena primi actus sic loquitur Menedemus :
Chreme, tantum ne est ab re tua otij tibi, aliena ut cu-
res, eaq; , nihil quæ ad te attinent? ORATO-
REM : librum, quem de perfecto oratore ad M. Bru-
tum Cicero misit: cuius inscriptionis est, Orator: itaq; etiã
in epistola ad Leptã, Oratorem, inquit, meum tantope-
re à te probari, uehementer gaudeo. MACTE :
uox, qua recte facientes laudamus simul, et hortamur:
ut exempla declarant. ueteres ea, & absolute, & cum
nominibus usi sunt. unde illud in extrema epistola li-
bri XV. Seruulos dicere aiebãt, agripetas eiectos à Bu-
throtijs. macte. Tusculanarum autem questionum lib.
I. Macte uirtute : ego enim ipse cum eodem ipso non
inuitus errauerim. & Virgilius, Macte puer uirtute
noua, sic itur ad astra. Plautus autem in Milite, Ma-
cte, dixit, pro ualde. GRATVM: quod Oratorẽ
meum legas.

NON modo in libris tuis, sed etiam in aliorum]
 Nam Orator describebatur à pluribus, eiusq; exempla
 erant non modo apud Atticum, sed etiam apud alios.
 ARISTOPHANEM REPOSVERIS
 PRO EUPOLI: perspicuum est, in Oratore subin-
 telligi: in quo hæc de Pericle: Si tenui genere uteretur,
 nunquam ab Aristophane poeta fulgurare, tonare, per-
 miscere Græciam dictus esset. Aristophanis autem græ-
 ca uerba Plin. in epistola quadā recitat, ἡ τρεῖς αὐτῷ, ἔργον
 τα, ξυμεκόνκα πλὴν ἐλλάδα. quod Cicero cum Eupoli pri-
 mum tribuisset, postea correxit, Aristophane reposito.

QVÆS O illud tuum] Atticus Cæsare de re
 Buthrotia cum rogaret, Quæso, sæpius iterabat. quod
 uerbum Cæsar quodam modo irridens, Attico se factu-
 rum omnia promisit; Buthrotiosq; , quorum agrum, ut
 diuideretur, proscripserat, decreto postea liberavit. hac
 de re in sequentibus libris, sed planissime in decimo se-
 xto, in extremo.

TANDIV] Febri laborare. supra, De Atticæ
 febricula scilicet ualde dolui, 186. & infra 189. 190:

Ex epistola VII. pagina 187:

QVÆS desideras] Ut ad te scribam. CO-
 DICILLIS: codicillos & literas multi, ut uideo,
 indifferenter accipiunt. ego aliter sentio. nam codicil-
 li tabellæ ceratæ erant, in quibus aliquid stylo aut bre-
 uiter, aut festinanter scriptum fuerat. itaq; ijs commo-
 dissime ueteres utebantur, cum scribere in codicillis pos-

sent uel in coena, uel in curia, uel in uia, uel ubicunque libuisset: charta autem non item, in qua scribere sine atramento & calamo non poterant. neque unquam in codicillis quidquam esse scriptum reperietur, nisi cū aut breuiter, aut raptim scribendum esset. Quare literæ erāt, quæ in charta scriptæ fuerant: codicilli, tabulæ ceratæ, in quibus aliquid uel breuitatis, uel festinationis causa exarabatur. EROTI: hic Ciceronis res domesticas administrabat. 204:

187:

IN ijs] Non in codicillis, sed in ijs, quæ non rogatus à te, scripsi: refertur enim ad proximum illud, Sed etiam plura, quàm quæris. COGITATIONIS: nam te monente cogitare cœpi, quam uitam Cicero meus, quoniam quidem adolescens iam esset, ordiri deberet. QUID DIFFERO? quid ego hanc moram interpono, ut ex eo scisciteris? ipse tibi nūc narrabo. Deinde narrare incipit. Exposui, te de mandato meo ei detulisse, ecquid uellet, ecquid requireret. uelle (subaudi, quod tibi hæc respondisset) Hispaniam, requirere liberalitatem: id est, uelle Cæsarem in Hispaniam sequi contra Pompeij filios: requirere, ut ego ei pecuniam liberalius suppeditarem.

188.

FLAMEN Lentulus] Hic est L. Lentulus Niger, flamen Martialis, quem cum uniuerso Pontificum collegio Ciceronis domum à P. Clodio consecratam, religione liberaffe, legimus in oratione de Aruspicum responsis 246. De eodē & de filio Pedianus ubi, Pro M. Scauro interpretatur, in extremo: item Cicero in epistola pe

COMMENTARIVS

multima I I. libri. sensus est: De liberalitate dixi me daturum, quantum filio suo Publius, quantum suo Lentulus dare solitus esset.

88.

QVOD tibi,] Quod tibi attuli, cum ad me retulisses filium in Hispaniam ire uelle. HAEC ARMA RELIQUISSEMVS? hæc, Pompeiana. CONTRARIA: subintellige, sequi. & contraria, id est Cæsaris. FRATRE: Quinto Cicero ne filio, qui familiarior & gratiosior esset apud Cæsarem, utpote qui Luperus in gratiam illius fuisset. nam Marcus filius nullo adhuc beneficio Cæsaris gratiam quaesierat, ac ne satis quidem illi notus per ætatem esse potuerat. Quintum autem filium cum Cæsare in Hispania fuisse, infra ostenditur 199: ubi eum Cicero impurum cognatum appellat.

188.

VELIM magis &c.] Volo, ut potius pecuniã à me, quantum uult sumat, quàm in Hispaniam eat. & dicit, SVA LIBERTATE, quia si Marcus Cicero in Hispaniam iuisset, cum id patri sciret non placere, nimirum liberius agere uisus esset.

188.

PERMISI] Ut in Hispaniam iret, si omnino ita constituisset. MAGNA RES: permittere filio, ut in Hispaniam eat contra Pompeij liberos. SIMPLEX EST MANERE: ILLVD ANCEPS: manere tutum est, & sine periculo. ire in Hispaniam, anceps: possumus enim aliquam in difficultatem incurrere: nam primum dedecus uidetur

esse, filium pati pro tyranno pugnare. deinde hoc cogitandum est; si casus tulerit, ut Pompeiani uincant, quid nobis futurum sit, qui filio permiserimus, ut contra eos pro Caesare dimicaret.

188.

DE Balbo & c.] Sic accipio. Dolabella, cum Tulliolam dimisisset, Ciceroni dotem debebat. eam tamen non numerabat, fretus gratia Caesaris, cuius partes in civili contentione secutus erat. Cogitabat igitur Cicero hac de re loqui cum Balbo, Caesaris amicissimo. nam
 » & infra, De dote, inquit, tanto magis perpurga. Bal-
 » bi regia conditio est delegandi. EGO TAMEN TRIDUUM: hic manebo. Et dictio TAMEN uenuste posita pro certe: qua desiderium rusticandi declaratur. ut hoc dicat: cum primum Balbus redierit, Romam me conferam: sin ille tardius, ego, quod optavi, tamen assequar, ut hic triduum etiam manere possim. Non licet autem quarundam dictionum occultam uim περιεργιας ostendere: sed ingenio paulo acutius qui sunt, facile, quod significabimus, intelliget: ceteris satisfacere neque semper possumus, etiam si uelimus; neque, si possumus, semper uelle debemus.

188.

DOLABELLA etiam mecum] Mansit. Tantum, inquit, abest, ut se à me abalienatum ostenderit, ut etiam hic mecum manserit. Verebatur autem Cicero, ne Dolabella, qui Tulliolam repudiasset, sibi quoque esset infensor. unde illud in epistola ad Voluminium:
 » Dolabellam, quem ego perspicio & iudico cupidissimum
 » esse, atque amantissimum mei, cohortare, & confirma,

COMMENTARIUS

Et redde plane meum. Non dum autem, cum hanc epistolam, Et cum illa ad Volumnium Cicero scripsit, Tulliola perierat.

Ex epistola VIII. pagina 188.

MULTIS res placet.] Apparet, inter hanc epistolam Et superiorem multas desiderari: nam superior ante coeptum Hispaniense bellum, hac autem post confectum scripta est, cum Caesar victor ex eo bello reuertens, ad Urbem iam appropinquaret. Ac ne hoc quidem obscurum est, quasdam ex sequentibus huic esse praeponendas, ut earum argumenta considerantibus patebit. RES PLACET, non ut in Hispaniam ad bellum, quod, ut dixi, confectum iam erat; sed ut Athenas literarum causa proficiscatur. hoc enim Cicero significat, misitque paulo post filium Athenas cum L. Montano. COMESES IDONEVS: Montanus, subintellige: quem cum filio Athenas mittere constituerat: de quo his verbis 203: L. Tullium Montanum » nosti, qui cum Cicerone profectus est. et 231: 232. 261.

188.

ANTE uideamus:] Ante quam Ciceronem Athenas mittamus, uidendum est quo modo prima pensio Caesari soluatur: dies enim, quo prima pensionis solutionem promissimus, adest. ET ILLE CVR- RIT: id est Et Caesar cum celeritate reuertit: (reuer-tebat autem ex Hispaniensi bello) itaque de solutione cogitandum. Hanc autem pecuniam iam ante civile bellum Cicero debuerat: quod ipse declarat: in extrema tertia epistola libri VII. neque Caesar il-
lius

lius nominis exactioni maioribus curis impeditus operam dare potuerat. sed deuicto Pompeio, cum Romam reuertisset, Ciceroni concessit, ut aliquot pensionibus solueret, quo commodius scilicet posset soluere. Cum igitur filio Athenas eunti pecuniam Cicero dare uellet, prius, inquit, de prima pensione soluenda cogitemus.

188.

QVID referat Celer egisse Caesarem cum candidatis,] Celer hic, non est Q. Metellus Celer, qui cum L. Afranio Consul fuit: nam is Marcellino, Philippo Consulibus perierat: sed alius, cuius nomen minus illustre fuit. CAESAREM, ex Hispania, Pompeianis tertio bello uictis, reuertente. CANDIDATIS, qui obuiam ierant, ut ab eo magistratus peterent.

188.

VTRVM ipse in foenicularium, an in capum Martium cogitet.] Vtrum Celer uelit & ipse magistratum petere. nam magistratus in campo Martio petebantur. Et quoniam populus, qui honores dare solitus esset, potestatem eiusmodi nullam habebat, Caesare ex ipsius libidine cuncta administrante: ideo cum irrisione & contemptu foenicularium campum appellat, quoddam Martius ille capus, in quo populus potestatem habuerat, nullus iam esse uideatur. NVNQUID NECESSE SIT: ut scilicet ea, quae Caesar aget, uidear probare, cum intersim; nam omnino, inquit, uenturus sum, ut Piliae roganti satisfaciam: sed nunquid maturandum sit comitiorum causa, scribas ad me uelim.

R R

COMMENTARIUS

Ex epistola I X. pag. 188.

HIC] In Antiati. NI ESSET EA CAVSA, QUAM TIBI SUPERIORIBVS LITERIS SCRIPSI: quæ hæc est causa, cur Cicero minus libèter rusticaretur? nimirum hæc, quodd sine Attico esse non poterat. nam hoc est in ijs literis, quas ipse dicit proxime se misisse: quæ tamen ordine confuso infra leguntur, hoc initio, Te tuis negotijs &c. cum enim in illis literis de Philippi aduentu, in his autè de interpellatione scribat: dubium non est, quin illas Cicero superiores appellet, cum uerisimile sit, prius eas fuisse scriptas, quibus aduentus significatur, quàm has, quibus interpellatio.

188.

AMVNTAE filius] Philippus: cuius interpellationem superioribus in literis scribit se timere. superiores appello, quæ infra sunt, hoc principio, Te tuis negotijs. quas ij, qui descripserunt, per negligentiam, aut certe per imperitiam alieno loco posuerunt de suo deiectas. Sed quæritur, cum in ijs literis aperte Philippum nominet, cur hic circuitione uti uoluerit, ut potius, Amyntæ filius, diceret, quàm Philippus. Respondeo, Ciceronem, cum de Philippi loquacitate uellet scribere, uerentem, ne id emanaret, si forte in alias manus eæ literæ deuenissent, duobus modis rem obscurasse: primū, cum, Amyntæ filius, dixit, Philippum designans: (nam Amyntæ filius fuerat Philippus Alexandri Magni pater) deinde, cum loquacitatem græcis uerbis ostendit: ὁ ἀπεραντολογία δ' οὖς, id est, infinitam loquacitatem

dans, uel, qui solet esse loquacissimus. offendere autem Cicero L. Martium Philippum sine malo non potuisset, quod Philippus apud Cæsarem affinitatis coniunctione multum poterat: Acciam enim, Cæsaris sororis filiam, Octauij, qui Augustus postea cognominatus est, matrē, in matrimonium duxerat. Appianus libro III. Plutarchus in Cicerone, Suetonius.

188.

CAETERA] Præter solitudinē: de cuius iucunditate iam dixit. Quod sequitur, corrigo sic, & interpūgo, coniecturam secutus: Noli putare amabilia fieri posse, uilla, litore, prospectu maris. HIS REBUS OMNIBVS: quas hic habemus. cum enim ea persequi longum esset, quibus in Antiati delectaretur; tribus uerbis, HIS REBUS OMNIBVS, complexus est. NEC ERAT QVOD SCRIBEREM: præter hæc, quæ digna longioribus literis non sunt.

Ex epistola X. pagina 188:

DE Athamante.] Attici seruo, qui perierat.

188:

ALEXIM uero curemus,] Aegrotantem. Et hic Attici seruus erat, à manu, ut legitur pagina 100. & 263: SI QUID HABET COLLIS ἐπιδήμιον, AD ME CVM TESTAMENTO TRANSFERAMVS: collis Quirinallis, in quo tua domus est, si quid habet ἐπιδήμιον, id est, si cælo utitur inclementiore, ut in eo morbi crassentur epidemici: (hoc enim timendum erat, cum eodem tem

RR ij

pore & Athamas periisset, & Alexis egrotaret) transferamus Alexim domum meam in Palatium. CVM TESTAMENTO: hic sine dubio mendum est, & fortasse legendum, CVM THALLVMENTO, Alexis egrotantis custode, aut, ipso quoque egrotante. THALLVMENTVS autem Attici seruus
 22 & ipse erat: quod indicat illud pagina 74: Meos cum
 22 Thallumeto nostro peruolutas libros.

Ex epistola XI. pagina 188:

QVAE ad nos magis pertinent,] Nam illa, quae humanitus accidunt, quoniam uitari nulla ratione possunt, non uidentur esse curanda. Quid autem agamus de senatu, id est, quod consilium capiamus de dicenda in senatu sententia, (nam Romam iturus erat, ut extrema epistolae pars ostendit) hoc uero curandum est. nam si ad Caesaris uoluntatem loquemur, boni uituperabunt: si ex utilitate Reipublicae, Caesar offendetur. NEC TAMEN MVLTTO: ut enim diligenter consideremus, quid agamus de senatu: nihil tamen proficimus: siquidem omnino respuicebit. quod cum ita sit, hoc ipsum de dicenda in senatu sententia non multo magis ad nos pertinet, quam communis omnium interitus, quem certum & immutabilem scimus esse, ut de eo cogitare non debeamus. nam illud, QVAE AD NOS MAGIS PERTINENT, ualet hoc, quae magis curanda nobis sunt, aut de quibus magis cogitare debemus. 188:

POSTHVMIAM Sulpitij] subintellige, uxorem: nam ueteres sic loquebantur, ut dicerent, Te-

rentia Ciceronis, Posthumia Sulpitij, Mutia Pompeij, et huiusmodi, uxor subaudientes. Posthumiam autem Seruij Sulpitij, iuriscōsultorum peritissimi, coniugē fuisse, patet ex libro IIII. epistolarum, ad Sulpitium.

DOMVM AD SE VENISSE: hoc tempore cum Terentiam iam dimisisset, de ducenda uxore Cicerone cogitabat. huius rei causa Posthumia uenerat, ut cum Cesonio loqueretur. Eodem spectant ea, quæ sequuntur. duxit autem postea Publiliam quandam: quā et ipsam deinde, quod Tulliolarum morte letari uideretur, dimisit. auctor Plutarchus in Cicerone.

189.

COMMOTIUNCVLIS συμπαύχων.]

Commotiunculis idem significauit, quod epistola penultima libri X. cum dixit, à nouis tentationibus ualitudinem confirmatam. nam tentationes & commotiunculae non morbi sunt, sed morborum initia. Commotiunculis autem Atticæ: quæ non plane in morbum, sed in febriculam inciderat. supra 185: συμπαύχων: æque afficior, atque illa. unde illud 62. Valde gratum, si Eutychides cognoscet suā illam in meo dolore συμπαύχων mihi non obscuram fuisse.

Ex epistola XII. pagina 188:

DE dote,] Quam nobis Dolabellā reddere oportet, cum Tulliolarum filiā nostram dimiserit. TANTO MAGIS PERPURGA: quo difficilius est, tanto magis perpurga. nam sequitur, Turpe est rem impeditam iacere. PERPURGA, ex plica, confice. Hac de re 235: 237. 238: 246: 263:

R R iiij

COMMENTARIVS

BALBI &c. perpurga, inquit, de dote: facile potes, quoniam Balbus, amicissimus tuus, omnia uidetur posse; ut quasi rex sit, qui potestatem habeat delegandi. Nam cum Balbus, cui Caesar ciuitatis & Reip. curam crediderat, non omnia ipse administraret, sed illius dignitatis atque oneris partem transferret in quos uellet: (hoc enim significat delegare) nimirum hæc regia conditio uidebatur.

188:

INSULA Arpinas] Insulā hanc in Arpinati Fibrenus amnis efficit. de qua libro II. de legibus, his uerbis: Sed uentum in insulam est. hac uero nihil est amœnius. etenim hoc quasi rostro finditur Fibrenus, & diuisus æqualiter in duas partes latera hæc alluit, rapideq; dilapsus cito in unum confluit, & tantum cōplectitur quod satis sit modicæ palestræ loci. quo effecto, præcipitat in Lirem; et, quasi in familiam patritiam uenerit, amittit nomen obscurius. HABERE POTEST GERMANAM ἀποθέωσις: potest uideri locus ad consecrandam Tulliolam aptissimus: sed quia ἐκρύβηται est, id est infrequens, (Cicero autem celebri loco extruere fanum defunctæ filie uolebat) hortos malo: in quibus non ea solitudo, quæ in insula. Horti autem erant circa Romam plurimi, sed transtyberini propter fluminis uicinitatem celebriores: itaque hos maxime uoluisset Cicero: unde illud 191: Cogito interdum trans Tyberim hortos aliquos parare: nihil uideo, quod tam celebre esse possit. & 194. GERMANAM, ueram: ut alibi.

188:

DE Epicuro, ut uoles.] Pro Epicuro loquētes inducam quos uoles, in libris scilicet de finibus, quos, ut supra diximus, hoc tempore scribebat. induxit autem L. Torquatum, qui Epicuri sectam sequebatur, Attici amicissimum. ETSI μεταρμόζομαι &c. Græci uerbi uim latino uerbo non licet exprimere: sed sententiam tamen ostēdemus. De Epicuro, inquit, ut uoles: etsi posthac non eos, qui uiuunt, (nam hoc inuidiosum est, cum omnibus satisfacere non possim, qui meos in libros induci uellent) sed antiquos, id est eos, qui perierunt, inducam loquentes: quod inuidiosum non erit. fecerat autem hoc in libris de Oratore, in Catone, & Lelio. μεταρμόζομαι, commuto, ad alias personas transfero.

REQUIRANT: cupiant loquendi partes in meis libris.

189.

COMMOVET me Attica.] Quia non cōualescit: sed Cratero tamen medico assentior, qui uetat nos de ea quidquam grauius timere. unde illud 189:

De Attica doleo, credo tamen Cratero. Piliam angī ue-
tabat.

189.

BRUTI literæ] Quibus Ciceronem in morte filiae consolatus est. infra de iisdem Bruti literis. Prudenter, inquit, scriptæ, sed nihil quod me adiunarent. Hic est M. Brutus, qui postea Cæsarem facta coniuratione interfecit. ATTULERUNT: dolorem augentes commemoratione miseriæ mearum. unde illud 124. Augemus dolorem retractando. NON REPVGNANTE: paulo post tamen repugnare cœpit: ut ipse declarat his uerbis: Repugno quoad

R R iij

COMMENTARIUS

possum, sed adhuc pares non sumus. Initio enim uictus magnitudine doloris, succubuit: deinde cum iam & dies & ratio ipsa adiuuaret, tentare coepit, num resistere mœrori, & contra fletum pugnare posset. Hæc, quæ ad interpretationem minus pertinent, superuacanea fortasse uidebuntur: sed aliena non sunt: nam eò spe Etant, ne quis miretur, cur eadem de re non eodem modo Cicero scripserit.

189.

SE molestum omnino non futurum.] Ut Romæ irem ad cœnam Auguralem, quam ipse parat in Augurum collegium cooptatus. Qui enim Augures fiebāt, collegis cœnam dabāt, ut libro X. cap. XX. Plinius indicat his uerbis: Pauonem cibi gratia primus occidit
 » Hortensius, adijciali cœna sacerdotij. Ciceronem autē Augurem fuisse, ex ipsius libris notissimum est.

189.

VT excuser morbi causa in dies singulos.] Hoc dicit, quia omnes Augures honoris causa ad illam cœnā ire cogebantur, præter eos, qui morbo se iurarent impediri. IN DIES SINGVLOS: apparet, non uos Augures eas cœnas non uno die, sed pluribus dare
 » solitos esse: nam & infra, Apud Apuleium, quoniam
 » in perpetuum non placet, in dies ut excuser, uidebis. IN DIES igitur singulos, quibus Apuleius collegis cœnam dabit. LAENAS HOC RECEPERAT: notum est, Lenates ex gente Popilia fuisse. LAENAS, unus ex Augurum collegio. RECEPERAT, se curaturum ut apud Apuleium excusarer. Idem in epistola, quæ proxime sequitur.

PRENDE: ut cum Lanate me apud Apuleium excusent. necesse enim erat, ut Augur, qui noui Auguris ad coenam ire nollet, tres è collegio reperiret, quorum iureiurando apud eum Augurem, qui coenam dabat, excusaretur. itaque in epistola, quæ sequitur, Septimium, inquit, uide, & Lanatem, & Statilium: tribus enim opus est. IURATVRVM: me non ualere, & propter morbum ad Apuleij coenas ire non posse.

QVEM ROGARIS: locus neque à sensu obscurus, neque à locutione corruptus: sed quiddam est, cur magis placeat, QVEMQVEM ROGARIS: præsertim cū et in epistola sequenti eadē de re eandem figuram usurpans ita scripserit, Quemcunque appellaris, nemo negabit. PERPETVVM MORBVM IURABO: ut excuser nō in dies singulos, sed in perpetuum, id est in omnes dies, quibus coenæ dabuntur. Infra, Quoniam in perpetuum non placet, in dies ut excuser, uidebis. MALO ID LEGE VIDERI FACERE, QVAM DOLORE: ut homines, inquit, nō propter dolorē amissæ filiae, sed propter inualetudinē cōiuijs me carere suspicentur, perpetuū morbū iurabo. Nā si absque iureiurando, amicorum gratia impetrasset Cicero, ut Auguralibus coenis abstinere posset: incertum fuisset, utrum id morbi causa faceret, an doloris. morbum autem celare uolebat: itaque de morbo iurando cogitabat.

189.

APELLES:] De pecunia, quam nobis debet.
191. 191: DOLORIS MEI: propter Tulliolam defunctam.

COMMENTARIVS

Ex epistola XIII. pagina. 189.

QVEMCVNQVE appellaris,] Supra dixit Prende. NEMO NEGABIT : omnes iurabunt me non ualere. TOTVM : se esse sine alijs effecturum, ut apud Apuleium morbi causa excusarer. TOTVM, negotium.

189.

IVNIO] Iunius Atticum appellauerat, quasi Ciceronis procuratorem, Ciceronem sibi debere dicens, quod pro Cornificio sponddisset. Cicero sponfionis tempus non recordatur, & ait Cornificium ipsum soluere posse. PRO PATRE, ANNE PRO FILIO : nam utrique Cicero coniunctus amicitia fuerat. unde illud in epistola ad Cornificiũ, libro XII. » Quod societatem Reip. conseruandæ tibi mecum, à patre acceptam, renouas ; gratum est. Nũc autem, cum nominat Cornificium ; non patrem intelligit, sed filium : nam pater iã ante perierat. PROCVRATORES CORNIFICII : nam Cornificius aberat, Syriæ præpositus à Cæsare. cognoscitur ex Ciceronis epistolis ad ipsum, & ex historicis antiquis. APVLEIVM : alius hic est ab eo, de quo supra. PRAEDIATOREM : qui prædiorum & prædum iura nouit. VIDEBIS : rogabis : procuratores, ut ipsi soluant : Apuleium, ut aliquam nobis ostendat solutionis effugiendæ uiam.

189:

HOC mœrore] Quem ex interitu filie capiebat. LIBRVM : de consolatione ad se ipsum. cur

ius libri meminit Tertullianus. IMPEDIOR:
ne lacrymis & mœrori me tradam. AD O=
M NIA QVE NITOR: omnia tento: sed uerbū
nitor ἐνεργηκότερον est: nitimur enim cum labore, &
difficultate. QVANQVAM IPSVM DO
LEO: cupio, inquit, tecum esse: quod ipsum tamen
doleo: non enim eū me, quem soles, uidebis. ILLA,
QVAE AMABAS: hilaritas, & suauitas illa
nostra. 189:

QVOD me adiunarent.] Quod mœrorem
meum, ex obitu filiae susceptum, leuarent. 189.

ADESSET: nam erat in Gallia Cisalpina, missus à
Cæsare, ut eam prouinciam administraret. hoc in epi
stola ad Torquatum, Oratore 200. & in historicis.

189:

PANSA quando.] Roma proficiscatur, in Gal
liam iturus, ut Bruto succedat. cum enim scierimus,
Pansa quando proficiscatur; ex ratione dierum scire
itē poterimus, quando Brutus hic futurus sit. hoc aper
tius infra his uerbis: Pansa si hodie, ut putabas, profe
ctus est, posthac iam incipito scribere ad me, de Brutū
aduentu quid expectes, id est quos ad dies. id, si scies
ubi iam sit, coniectura assequere. Et 195. De Bruto,
inquit, si quid habebis: scire enim iam puto, ubi Pan
sam expectet: si, ut consuetudo est, in prima prouincia,
circiter Calendas affuturus uidetur.

189:

DE Attica &c.] Atticam, Attici & Pilia filiā,
Craterus medicus egrotantem curabat. hoc & supra,
189.

COMMENTARIVS

Ex epistola XIII. pagina 189.

PRO omnibus] Nam supra dixit, Prende Septimium, & Statilium. nunc, tu, inquit, hoc oneris pro omnibus suscipe, ut me apud Apuleium excuses. IN PERPETVVM NON PLACET: non placet tibi, ut in uniuersum tempus, quo coenae dabuntur, apud Apuleium semel excusemur, sed ut in dies singulos. FLETVS: ex interitu Tulliolae.

190.

RESCRIBAM.] Ad eas literas, quas ex Gallia consolatorias ad me misit.

Ex epistola XV. pagina 190.

NUNC tamen ipsum] Hanc figuram & supra usurpauit libro VII. 101: Nunc, inquit, ipsum non dubitabo rem tantam abicere. & libro VIII. 123: Quid, nunc ipsum unde se recipienti, quid agenti, quid acturo? & infra 200: Nunc ipsum ea lego &c.

TVAE DOMVI: Romae scilicet. NEC MEAE POTERAM: cum eum locum aspicere non possim, ubi Tulliola perijt. IDEM: tuorum negotiorum cura. 190.

PHILIPPVS] Vide quae diximus ad illud, quod supra est 188. Amyntae filius.

Ex epistola XVI. pagina 190.

LATERENSI, Lenate &c.] Ciceronis in Auguratu collegis. REDDENDAS CVR RES: à te conscriptas, ut supra 172. Tu uelim, si qui

» erunt, ad quos aliquid scribendum à me existimes, ipse
 » conficias. & 172 : 175. itemq; alijs in locis.

190.

REVS] Is, pro quo sponōdi. hoc enim reus quā-
 doque significat. LIBERALIS TAMEN etc.
 quanquam, inquit, timendum non est, ut pro hac spon-
 sione soluamus, siquidem et Cornificius ipse, pro quo di-
 cor sponondisse, locuples est, & Apuleius prædiator ho-
 mo minime fraudolentus, qui nobis & facile, & sine
 dolo sponsonum iura ostendet; in quibus est, ut, cū reus
 locuples sit, sponsores ne appellentur: tamen ex eorum
 tabulis, qui mecum pro Cornificio dicuntur sponondis-
 se, uelim cognoscas an spononderim. POTEST
 TAMEN VIDERI: cognosci, ex consponsorū
 tabulis. SCIRE CERTVM VELIM: nū
 spononderim. APPELLES PROCURA-
 TORES: uide, quid procuratores Cornificij dicant.
 190 : 191: QUID AD ME? doloris & despe-
 rationis significatio, maxime propter interitum filiae;
 qua amissa, nihil præterea sibi curandum esse dicit.
 VERVM TAMEN: subaudi, appelles procura-
 tores. Locutio Ciceroni familiaris 205. 229. & in epi-
 stola ad Tironem 266. eodemq; modo, attamen, usur-
 pavit, 185.

190:

PANS AE profectionem] In provinciam: nā
 Bruto, ut diximus, Galliam Cisalpinam administranti
 successor erat constitutus. 190 : 191:

190:

CVRA] Supra dixit de Atticæ ualetudine.
 CVRA, igitur agrotantem.

COMMENTARIVS

Ex epistola XVII. pagina 190:

DVM recordationes fugio] Dum id ago, ut interitum filiae meae ne recorder. REFUGIO A TE ADMONENDO: non admoneo, inquit, te de fano illo, quod erigere defunctae filiae uolo, propterea quod sine filiae recordatione id facere non possum: recordatio autem illa, quasi morsu quodam, dolorem efficit. non scribo igitur, ut de fano illo mecum cogites, ne in filiae recordationem incidam.

190:

IGNOSCAS] Quod de fano cogitem. EIVSMODI EST: id, quod cogito. Quasi dicat, siue reprehendi debet, siue laudari, eiusmodi est; uidelicet ut omnino fanum extruatur. Tale illud, opinor, apud Terentium: Huiusmodi sum. FIERI ID OPORTERE: fanum esse faciendum ijs, quos amore coniunctos amissimus. NEQUE DE GENERE: cuius generis fanum faciam. CLUATIUS: placet mihi fanum ea forma, qua Cluatus descripsit. Videtur autem Cluatus hic architectus fuisse, aut certe huius generis intelligens. quod etiam infra apparet, 198. DE RE: fanum faciam, nec ne. DE LOCO NON NVNQUAM: non dubito, cuius generis fanum faciam: non dubito, faciam, nec ne: dubito non nunquam, ubi faciam. MONIMENTORVM: refertur ad literas, non ad aedificia. MONIMENTORVM autem ab ingenijs omnium scriptorum et graecorum et latinorum. dabo, inquit, operam, quantum in me erit, ut et ab omnium ingenijs consecratur,

Et omni genere monumentorum. REFRICA-
TURA: dum enim filiam consecrabo, illius recorda-
tione dolor augebitur; & uulnus ex illius interitu ac-
ceptum, quod iam sanari temporis medicina uidebatur,
hac quasi refractione recrudescet.

190:

SED iam &c.] Ut hæc consecratio refractione
uulnus sit, consecrare tamen eam deliberatum est: idq;
duabus de causis: primum, quod secus facere non pos-
sum, cum hoc iam in animo meo filiae manibus quasi
» uouerim, atq; promiserim: (ex quo inquit 199: Hoc mi-
» hi debere uideor, neq; leuari posse, nisi soluerò. Et 201:
» Ego me maiore religione, quam quisquam fuit ullius
» uoti, obstrictum puto) deinde, quod huius uulneris do-
lor non diuturnus est futurus, cum non diu futuri si-
mus in uita. itaque exiguum hoc tempus, dum doloris
sensus in me erit, non tanti apud nos debet esse, quanti
illud æternum, quo scilicet ex his monumentis meæ in
filiam pietatis memoria durabit.

190:

DVM illud tractabam, de quo antea scripsi ad te]
Dum librum scribebam de consolatione: de quo 189:
QVASI FOVEBAM DOLORES ME-
OS: metaphora sumpta à partibus dolore affectis: quas
dum fouemus, puluinis aut sacculis adhibitis; lenatio
quædam doloris uidetur esse. PHILIPPVS:
188: 190. 191.

EPISTOLAM,] Quæ consolatorijs Bruti
literis respondit. QVÆDAM ENIM EX-
PECTO: quædam enim sunt, de quibus scire cupiã.

NE frustretur] Ne nostram expectationē fallat, ne faciat contra quam promisit, ne non soluat, quod se esse soluturum dixit. 189. 191: VTEROS SCRIBIT: hic rationes Ciceronis administrabat. 245: 246. 247: NON INCERTVM PVTO: non dubito, quin Libo nobis, ut pollicetur, pecuniam numeret. 191.

SVLPTIO confido & Egnatio scilicet.] Qui promiserunt se esse praestaturos, ut sors ne pereat. hoc est, ut uniuersa pecunia, quā Cocceius & Libo mihi debent, ne amittatur. Ut illa duo uerba, FRVSTRETVR, & POLLICETVR, non ad uniuersae pecuniae solutionem, sed, ut opinor, ad usurae pensionem referantur: itemq; illud 189. Cocceium uelim appelles.

LABORES?] De me apud Apuleium excusando, quod ad illius angurales coenas non eam. 189. 189: 190. EXCVSATIO FACILIS: nō subscribit causam, cur sit excusatio facilis: sed eam posuit 189: his uerbis: De me excusando apud Apuleium dederam ad te pridie literas. nihil esse negotij arbitror quemcunque appellaris, nemo negabit.

ADVENTV,] Significatur illud tempus, quo M. Antonius Roma profectus, ut in Hispaniam ad Caesarem iret: deinde mutato consilio, reditu admodum celeri per Italiam cucurrit, & noctu Urbem introiuit. cuius festinationis maxime causa fuit, quod, cum tēpus iam

iam adesset eius pecuniæ soluendæ, quam pro emptis in
 auetione Cn. Pompeij bonis Cæsari debebat, uerebatur,
 ne ipso absente, prædes sui uenderentur: itaq; accurrit,
 ut eos liberaret. Vnde illud secunda actione in Anto-
 nium, Ne L. Plancus prædes suos uenderet. Apparet
 igitur, & quid hæc dictio ADVENTV significet;
 & quid illud, quod proxime sequitur, PROPTER
 PRAEDES SVOS ACCVCVRISSE.

NEQVE ista quidem curo.] Infra idem iterat
 non isdem uerbis: Te, inquit, scire uolo, me neque isto
 nuncio esse perturbatum, nec iã ullo perturbatum iri.
 & paulo post item alijs uerbis eandem rem: Non dum
 uideris perspicere, quàm me nec Antonius comouerit,
 nec quidquam iam eiusmodi possit commouere. NE-
 QUE ISTA QUIDEM CVRO: his de re-
 bus non laboro. Et hoc dicit, quia, cum Antonius per
 Italiam cucurrisset, & noctu urbem introisset; homi-
 nes, subito & inopinato aduentu, tanquam re inexpe-
 ctata, & noua, suspensi, non sine metu causam quære-
 bant. deinde, ut Cicero opinabatur, propter prædes suos
 eum uenisse cognitum est. Philippica secunda, 175.

QVOD scribis &c.] Querebatur Terentia,
 se à Cicerone non esse adhibitam ad obsignandum te-
 stamentum, cum ille nescio quos adhibuisset. 191: 192.
 ISTHAE C: huiusmodi res. quasi dicat, maxima-
 rum rerum iacturam passus, de paruis iam non labo-
 ro, ut de obsignatione testamēti. PARVAE CV-
 RAE, AVT NOVAE: parua: parua enim cu-

ra me afficere non potest, cū in maxima uerser. N O =
V AE, auget: nam non solum, inquit, parue curæ ni=
hil est loci, sed omnino nouæ.

191.

QVID simile?] Sensus est: Queritur Terentia,
primum quodd ad obsignandum meum testamentum
ipsam non adhibuerim: deinde, quodd eos adhibuerim,
quos illa ad suum obsignandum non adhibuerat. Quid
simile, inquit? illa cum sciri nollet, quid in testamento
esset; ad obsignandum eos non adhibuit, quos, nisi scis=
sent quid esset, quæsituos existimauit: idq; erat argu=
mento, aliquid in eo Terentiam scripsisse, quod Cicero=
nis è re minus esset. ego autem illos ipsos adhibui; pro=
pterea quodd non fuit mihi timendum, quod illa timuit,
ut ij, qui ad obsignandum adessent, quid esset in te=
stamento quærerent: quid enim ad me, si testamenti
ratio nota illis sit? quasi dicat: nihil in meo testamento
scripsi, quod celatum magnopere uelim: cum illa ualde
uideatur uelle celatum esse id, quod scripsit in suo; quip=
pe quæ ad obsignandum eos non adhibuit, quos existi=
mauit quæsituos, nisi scissent, quid inesset. ex quo fit, ut
ego potius queri de illa debeam, & suspicari, ne quid in
testamento scripserit contra uoluntatem meam, cum in
occultanda scripti sententia maiorem, quàm ego, dili=
gentiã adhibuerit. 191.

DE nepote] Locus mihi obscurus, & fortasse de=
prauatus. 191.

NON aduocauit] Ipsam. TVM: cum testa=
mentum obsignare uellem.

191:

DE tuis aliquos] Miror, cur dicat, aliquos : cum
certum obsignatorum numerum lex constitueret. unde
illud ex edicto Verris, libro IIII. Si de hereditate am-
bigitur; & tabule testamenti obsignatæ nō minus mul-
tis signis, quàm è lege oporteat, ad me proferentur : se-
cundum tabulas testamenti potissimum hereditatem
dabo. IVSSERAM: mandaram tibi, ut de do-
mesticis tuis aliquos adduceres ad meum testamentum
obsignandum. INDE EST NATVM,
VT AD PVBLIVM: vult ostēdere casu esse fa-
ctum, ut Silium & Publium ad obsignandum testamē-
tum adhibuerit. NECESSE NEVTRVM
FVIT: quid enim ad me, utrum Silius & Publius,
an alij ad obsignandū adhiberētur? NEVTRVM,
neque ut ad Silium, neque ut ad Publium mitteretur.

191:

HOC tu tractabis] HOC, de testamenti obsi-
gnatoribus. TRACTABIS, cum Terentia, ne
iniquius ferat, quod eā non aduocauerim ad obsignan-
dum.

Ex epistola XVIII. pagina 191:

HIC] Asturæ. 200: INEVNDA NO-
BIS RATIO &c. possum quidem, inquit, fanum
hic facere: sed illud spectandum nobis est, ut id, quod
faciemus, apud posteros habeat religionem. quod fortas-
se non assequeretur, si in hac solitudine fanum fieret. fa-
ciendum igitur est loco celebri, ut in hortis transtiberi-
nis: quod enim in celebritate erit, posteri tuebuntur;

SS ij

quod in solitudine, contemnent. IN OMNI
 MUTATIONE DOMINORVM: apud
 omnes posteros, apud omnes meorum bonorum posses-
 sores. MUTATIONE DOMINORVM,
 nam dominus mutatur, cum is, qui possedit, alicui sua
 bona uel moriens testamento legat, uel uiuens uendit.
 DOMINORVM igitur, id est omnium, quicun-
 que olim mea pradia uel hereditate, uel emptione pos-
 sidebunt. Hoc enim Cicero laborabat in primis, ut fa-
 num illud etiā posteris in honore esset. itaq; 198: Sepul-
 cri, inquit, similitudinem poteram effugere, si in uilla
 facerem: sed commutationes dominorum reformido.
 in agro ubicunque fecero, mihi uideor assequi posse, ut
 posteritas habeat religionem. Verebatur autem, ne, si
 fanum faceret in uilla, posteris ex fano rursus uillam
 facerent, ubi habitare possent. QVASI CON-
 SECRATVM: tanquam templum aliquod publi-
 ce consecratum. non enim Cicero Tulliolam erecto tē-
 plo consecrare poterat, nisi collegium Pontificum adhi-
 beretur. quod porro non solebat adhiberi, nisi ad eos
 consecrandos, quos publice populus in deorum numerū
 referri uellet. itaq; Cicero fanum illud, quod uidebat
 consecrari non posse, dabat operam, ut quasi consecra-
 tum remaneret. Sed existet, qui ita dicat, Ciceronem
 improprie locutum, qui in his epistolis fanum appellauit
 quod consecrari non posset, cum re uera fanum id di-
 catur, quod à Pontificum collegio consecratum sit, &
 in quo deus aliquis publice colatur. Non difficilis no-
 dus, qui nullo negotio soluetur, nempe sic, si intellige-
 mus id quod res est, Ciceronem appellasse fanum, &

fanum item ab alijs appellari uoluisse; ut, quod re uera fanum non esset, saltem propter nomē in honore esset.

itaque dicit 198. Nollem illud ullo nomine, nisi fani, appellari.

191:

NIHIL egeo uectigalibus] Ipse se exponit, cum infert, Paruo contentus esse possum. Et uult ostendere, cum uectigalibus iam nihil egeat, se non laborare de sumptu, qui propterea faciendus sit, ut fanum diuturna cum religione, et quasi consecratum remanere possit: quod cum ita sit, cogitare interdum de hortis trans Tyberim parandis, quanquam magno uenirent.

191:

OB hanc causam] Ut fanum celebri loco factū, religionem semper habeat.

191:

TV tamē] Refertur ad illud, CORAM VIDE B I M V S. quanquam, inquit, de hortis coram: tu tamen, quod ad columnas attinet, quibus ad fanum utemur, ne expecta aduentum meum, sed confice, id est transige cum Apella Chio, eme eas ab Apella Chio. Nec dubito, quin columnas intelligat ē Chio marmore, qui moneat Atticum, ut ea de re cum homine Chio conficiat. quod si ē Chio marmore; sequitur, ut eas maxime uoluerit, quæ maculis essent uersicoloribus, non solū ad elegantiam, sed etiam ad firmitudinem fani: nam huius generis columnas reliquis fuisse firmiores, scribit Plinius libro XXXVI. cap. VI.

191:

DE iudicatu meo] Ut ego iudicaueram illis esse respondendum. Hi pecuniam Ciceroni debebant 189.

SS iij

COMMENTARIVS

SI QUID PERSPEXERIS : de Cocceio ,
& Libone. 191:

ET tamen] Cogitabat epistolam ita claudere ,
SI QUID PERSPEXERIS VELIM
SCIRE, sed cū illud scripisset, SI QUID PER=
SPEXERIS, subito recordatus de Cornificij re,
addidit, ET TAMEN QUID PROCV=
RATORES CORNIFICII DICANT.
hoc est, Et tamen hoc quoque uelim scire, quid pro=
curatores Cornificij dicant. CORNIFICII
PROCVRATORES: eandem rem saepius de=
clarare, putidum est. uide 189 : & 190:

191:

NE perturbarer.] Quōd Antonius repentino
aduentu noctu Urbem introisset. 191. 192. ISTO
NVNCIO : quōd audiuerim, Antonium, qui ad
Caesarem in Hispaniam iter habebat, mutato consilio
præter omnium expectationem reuersum, noctu Urbem
esse ingressum.

191:

PROFECTVS] Roma, ut in Galliam eat
M. Bruto successurus. 195. diem autem profectiois
fuisse III. Cal. Ianuarij, postea scripsit ipse ad Cas=
sium. epist. fam. 253 :

192.

DE Terentia] De Terentiae querelis, iniquo ani=
mo ferentis, quōd eam ad obsignandum testamentum
non adhibuerim. 191. OFFICIUM AGI=
MEVM QVODDAM: nam si dicar eam, quæ
mihi uxor fuit, (diuortium enim iam fecerant) ad ob=
signandum testamentum non aduocasse : uereor ne in

eo me homines reprehendant, quasi officio defuerim; cum ego illam non aduocauerim, quod in mentem non uenit. CUI TV ES CONSCIVS: cui tu scis me non defuisse: tu enim affuisti, cum testamentum faciebam: quo tempore scis me neque de aduocanda ad obsignationem testamenti, neque de excludenda uxore cogitasse; nihil astute fecisse; sed, quidquid fecerim, fecisse partim ex consilio tuo, partim etiam casu. Vnde
 11 illud 191: Tibi placuit, ut mitterem ad silium: inde est
 12 natum, ut ad Publium. VT NON NVLLI PV-
 TANT CICERONIS REM: credunt enim nonnulli, Terentiam, quod eam ad obsignationem mei testamenti non aduocauerim, Marcum filium in testamento minus liberaliter esse tractaturam, Marci filij non eam, quam uolumus, in testamento rationem esse habituram. QVOD MIHI EST, ET SANCTIVS, ET ANTIQVIVS: officium: quod magis, quam filij commodum, me mouet. HOC ALTERVM NEQVE SINCERVM, NEQVE FIRMVM: Terentia neque, ut opinor, cogitat de filij re, cum cogitare se simulet; (hoc est autem, quod Cicero appellat non sincerum: propterea quod qui simulatione utuntur, non sincere agunt, sed malitiose) & si cogitat, in sententia non permanebit. Notat malitiam Terentiae, cum dicit, NEQVE SINCERVM: leuitatem, cum addit, NEQVE FIRMVM.

Ex epistola XIX. pagina 192.

ANTONIVS] Absurdum est iterare, quae
 ss iij

diximus. lege 191. & 191: DOLERE: propter
interitum filiae. 192.

SERVILIAE Claudij] Vetus locutio: nam
subintelligitur, uxoris. exempla patent in antiquis &
lapidibus, & scriptis.

Ex epistola X X. pagina 192.

AD ea, quæ requisieras.] σὺνταγμα quoddam
M. Brutus conscripserat; ut opinor, in Catonis laudem;
(hanc enim coniecturam duco ex ijs, quæ proxime se-
quuntur) idq; Attico legendum & iudicandum mise-
rat. Atticus respondens, cum quædam minus probaret,
eorum rationem à Bruto requisivit. ille nihil ad ea:
tantum Atticum rogavit, ut, si quid incertius de Sena-
tusconsulto in Catonis sententiam facto protulisset, id
corrigeret: cū in reliquis Attici sententiam minimi fa-
cere uideretur, nihil ad ea respondens, quæ ille requisie-
rat. quod Cicero Bruti in epistola observavit, & quasi
ob eam rem illum reprehendens, AD CAETERA
VERO, inquit infra, TIBI QVEMADMO-
DUM RESCRIPTIT? TANTVM RO-
GAT DE S. C. VT CORRIGAS. Dein-
de sequitur: HOC QVIDEM FECISSET,
ETIAM SI RANIO ADMONITVS
ESSET: hoc sensu: Rogat, ut corrigas eam partem,
in qua est de Senatusconsulto. in quo sanè non pruden-
ter fecit, qui corrigi à te Senatusconsultum uoluerit, cū
id corrigere uel Ranio posset; quippe cum de eo Sena-
tusconsulto cuius liceret ex actis cognoscere. Curā igitur
minimæ rei, utpote quam uel Ranio scriba posset

efficere, tibi commisit: ad cætera, quæ requisieras, quæ scilicet maioris erant ponderis, nihil rescripsit. Hoc est, cur Cicero Bruti epistolâ dicat nō prudenter rescriptâ.

192:

DE animaduersione] De puniendis ijs, qui cum Catilina in patriam coniurauerant. PRAETORIO LOCO: Prætor enim erat Cæsar, quo tempore de coniuratis sententiâ dixit. IN SENTENTIAM CATONIS? subintelligitur, est facta discessio. REMEANDEM: pœnam coniuratorum. quam & alij sua sententia comprehenderât, sed uerbis non tam luculentis, neque tam multis, quàm Cato. RETVLERIM: ad senatum de coniuratis. PATEFECERIM: coniurationem. COHORTATVS SIM: senatum ad animaduersionem. ANTE QVAM CONSVLEREM, IPSE IVDICAUERIM: cum ad senatum retulissem de coniuratione deprehensa, nō expectaui, ut dicerent, &, quid sibi uideretur esse faciendum, ostenderent: sed ante quàm illos consulerem, id est quàm sententiam rogarem, censui ipse de cōiuratis supplicium esse sumendum: Hoc apparet ex oratione III. in Catilinam. PERSCRIBENDA QVE CENSVERAT: ut in publicis tabulis appareret, quid de coniuratis Cicero sensisset.

192:

QVONIAM probas,] Quoniam meum consilium de hortis emendis tibi non displicet, hoc age, hoc cura, ut eos inuenias. In hortis autem fanum facere Tullius cogitabat, ut loci celebritas quasi honorem ad-

deret monumēto. 191: RATIONES MEAS
 NOSTI: meae facultates, & meae rationes tibi notae
 sunt. non ignoras igitur, quanti hortos emere possimus.
 quod si (addit) etiam à Faberio aliquid possumus exi-
 gere: (debebat autem Faberius Ciceroni, ut supra osten-
 dimus) nullo negotio hortos ememus. Et opinor mendū
 esse in uerbo RECEDIT; ac fortasse ita corrigendū,
 RES CEDIT: uel, PROCEEDIT: quale illud
 » Terentianū: Hac non procedit, alia aggrediamur uia.
 ETIAM SINE EO: etiam sine Faberio, etiam
 si à Faberio nihil exigamus. CONTENDE-
 RE: conari, ut hortos uenales inueniam: quod, etiam
 sine Faberio, pecunia pro emptione deesse non possit.
 LAMIANI ET CASSIANI: qui sunt La-
 mia, & Cassij.

192:

DE Terentia] 191. 192. 193. 193: OFFI-
 CIUM &c. agamus cum Terentia, ut debemus; hoc
 est, demus operam, ut eam ne offendamus, id est, si non
 euenerit id, quod optamus; ut ea bono erga nos animo
 sit: malo illius me, quàm mei poenitere, malo, inquit, ut
 id potius illius uitio, quàm mea culpa contingat: malo
 accidere, ut ego potius de illa, quàm de me ipso queri
 possim: non enim habeo, quàm obrem mihi ipse succen-
 seam, cui officium fuerit antiquissimum: habeo autē,
 cur de illa expostulem, quæ à nobis officiosissime tracta-
 ta, non eam gratiam referat, quam debet. quanquam
 enim Cicero cum Terentia diuortium fecerat: tamen,
 nunquam fore putans, ut ea iam ætate prouecta iterū
 uellet nubere; (nupsit autem Crispo Salustio historia-
 rum scriptori, & deinde Valerio Messalæ) id agebat, ut

mulier pecuniosa Ciceronis filij rationem haberet in testamento. itaque mirandum non est, si in ijs epistolis, quæ post diuortium scriptæ sunt, laborare tamen uideatur, ut eam ne habeat offensorem: uidebatur enim Terentia tulisse permolestæ, quod à Cicerone ad obsignationem testamenti non esset adhibita. qua de re 191.

192:

OUIAE C. Lolij] Subauditur, uxoris: figura antiqua, & optimis scriptoribus usitata. POSSE SINE ME: subintellige, curari. SINE ME, nisi ego adsim. 192:

QVOD accipienda aliqua sit, & danda aestimatio.] Cæsar, pulso ex Italia Pompeio, cum Romam reuertisset, fidesq; tota Italia esset angustior, neque creditæ pecuniæ soluerentur; constituit, ut arbitri darentur, per eos fierent aestimationes possessionum, et rerum, quanti quæque earum ante bellum fuissent, atque ea creditoribus traderentur. Hinc est, quod Cicero quâdoque dicit accipere aestimationem, pro accipere à debitore possessionem, aut rem lege Cæsaris aestimatam. quo sensu posuit illud in epistola ad Patum: Non eo sis consilio, ut, cum me hospitio recipias, aestimationem te aliam quam putes accipere. quem locum in scholijs interpretati sumus. ACCIPIENDA ALIQUA, ET DANDA AESTIMATIO: accipienda mihi possessio aliqua, & domus, aut res à debitoribus meis, & ea Ouiæ, cui ipse debeo, tradenda. Et posuit hic Cicero aestimationem pro re aestimata, aestimata inquam ab arbitris Cæsarianis, quanti ante civile bellum fuisset. DIXISSET: num aliqua sit accipien-

COMMENTARIVS

da, & danda aestimatio. SI ENIM &c. scribis mihi paratum esse, unde Ouia soluam: sed id negat posse, nisi me praesente. PER TE &c. tu enim meo nomine aestimationem accipere a debitoribus meis, & eandem Ouia dare potuisti.

193.

IN forum] Ad agendas causas, & ad tractanda iudicia. BONIS MEIS REBUS: ante obitum Tulliolarum. Et uidetur subintelligere, Multo magis nunc fugio, cum meae res pessimo loco sint propter interitum filiae. QUID ENIM &c. ratio, cur etiam bonis suis rebus uersari in foro noluisse.

SINE CVRIA: amisso senatu, cum senatus nullus sit. quasi dicat; cum dignitatem illam fortis & liberi senatoris amiserim, quid est quod me in foro delectare possit? Et posuit forum pro iudicijs, curiam pro senatu, quod iudicia in foro fierent, senatus in curia haberetur. Figura est, quae a grammaticis appellatur μεταρρύθμις.

193.

NEQVE tamen progredior longius] Quonia superiore membro nimium sibi uidebatur arrogasse; quasi se excusans intulit, neque tamen quidquam facio, quod auctoritate doctissimorum hominum tueri non possim. IN EAM SENTENTIAM: de consolatione. REMEDIIS: Quae ego capio doctissimorum hominum scriptis & legendis, & in mea scripta transferendis.

193.

MIHI omne onus imponis,] Omnem illius placandae curam in me reijcis. QUID VERI SIT:

audiuerat Teretiam quidpiam moliri, quod ipse minus uellet. id quid esset, Atticum dicit unum posse perspicere.

193.

DE RUTILIA,] Quæsierat, opinor, nū ea filio mortuo uixisset.

193.

V T non uendam &c.] Sunt, inquit, quæ non inuitus possim uendere, ut habeam unde hortos emam: sed si tu me adiuuas, possum assequi, quod uolo, ut nihil uendam, eiq; a quo emero, usuram tantum modo annuam pendā. QVOD VOLO: quod ago, quod studeo, quod conor: quale illud in epistola ad Lentulū:
 » Scripsi Aristotelico more, quemadmodum quidē uolui,
 » tres libros in disputatione ac dialogo de Oratore. SI
 TV ME ADIUVAS: si tuo studio consequi potes, ut pecuniam ab ijs, qui debent, exigamus. hoc enim non ad facultates Attici, sed ad operam & diligentiam pertinet. & refertur ad illud, Possum assequi.
 NON PLUS ANNVM: tale illud est 95: Num est hoc, non plus annum obtinere provinciam? Dixisset etiam eleganter, Non plus annuam. PARATISSIMI: horti. supra, Venales certe sunt Drusi. PROXIMOS PUTO LAMIAE: proximos, inquit, hortos Lamiae paratissimos esse puto. Non enim dicit proximos hortos puto esse Lamiae: sed proximos hortos Lamiae puto esse paratissimos: cū certum non haberet, horti Lamiae uenales essent, nec ne.
 » quod ostendit insequens membrum; Si quid potes, odore
 » rare. & multo magis illud 192: Venales certe sunt
 » Drusi, fortasse & Lamiani. ODORARE: nū uenales sint horti Lamiae. NE SILIVS QUI

COMMENTARIVS

DEM &c. etiam hortos Silij facile possumus habere: primum quoddam ille nihil utitur: (subintellige, hortis) deinde quoddam usuris, quas nos ei in annum pendemus, facillime sustentabitur. Et uerbum SVSTENTABITVR, egestatem Silij declarat.

193.

HABE TVVM NEGOTIVM,] Exi-
stima tuum esse negotium. hac res tibi cura sit, item
ut si tua res esset. genus loquendi perelegans: quo &
infra utetur, 223. QUID VELIM: habe ra-
tionem meae uoluntatis, non rei familiaris. noli cogita-
re, tantum sumpsum meas facultates non ferre: co-
gita, me maxime cupere; subaudi hortos ad fanum.
Quasi dicat: Etiam si in hortos & in fanum maior
impensa facienda sit, quam ut res mea familiaris po-
stulet; tamen, quando me hanc rem tantopere uides
uelle, adiua, & tuam operam ac diligentiam mihi
præsta.

Ex epist. XXI. pag. 193:

QVAMVIS non curare &c.] Atticus pro-
ximis literis ita scripserat Ciceroni: Quamuis de Hi-
spania non cures, tamen ad te sum scripturus. itaque
putauit se Cicero in ijs literis aliquid noui de Hispania
esse reperturum, neque tamen reperit; propterea quoddam
Atticus non in ijs literis, quas tunc dabat, intellexerat se es-
se scripturum de Hispania, sed in ijs, quas deinde da-
turus erat; cum scilicet de rebus Hispanicis noui ali-
quid Romam esset allatum. gerebat autem Caesar tum
in Hispania bellum contra Pompeij filios.

193:

SED uidelicet meis literis respondisti,] Tantū modo literis meis respondisti, nihil præterea, nihil de Hispania, aut alia de re. VT DE FORO, ET DE CURIA: uide supra 193. DOMVS EST, VT AIS, FORVM: scripserat Atticus: cū Romæ eris, si uersari in foro non libebit, quod quosdam homines a quo animo uidere non possis; at domi esse poteris, quæ tibi erit pro foro. ita & ijs satisfacies, qui à te postulant ut Romæ sis, neque tibi, ut absis, concedunt: & assequeris quod tu uis, ut forum ne frequentes. IAM PRIDEM: cum libertatem amisimus. POSTEA QVAM &c. posteaquā filiam amisi, quod erat unicum solatium in malis. PRAETER ME: omnino, ut opinio mea fert, aptius quiddam & cōcinnius accesserit ad sententiam, si legatur, Præter te.

193:

AT QVE etiam illa causa &c.] CAUSA, quæ proxime sequitur. Sensus est: Præter alias causas, quibus ego adducor, ut Romam non ueniam, (in ijs autem causis hac erat, quod neque curia, neque foro frui poterat, quemadmodum stante Rep. solitus erat) etiam illa est, quod Casariani, si uenero, molestissimi erunt, flagitantes id à me, quod Atedius, id est Caesar ex te quæsierat. Forte autem hoc quæsierat Caesar ex Attico, cur Cicero tam infrequens esset in Vrbe: quem assiduum Romæ esse, & in senatum uenire, summe cupiebat, quo scilicet ea, quæ agebantur, probare uideretur: quæ quidem putabat fore minus inuidiosa, si qui-

COMMENTARIVS

dem essent præsente & assentiente Cicerone, optimo et grauiſſimo uiro, constituta.

193:

MOLESTI sunt.] Caſariani. nam Caſar hoc tempore bellum in Hiſpania gerebat aduerſus Põpeij filios. ſed ipſius amici, & familiares, qui Romæ erant, petebant à Cicerone quod Caſarem uelle ſciebāt, aut fortasſe etiam quod à Caſare in mandatis habebant: petebant autem, quod ſupra proxime diximus, ut in ſenatum uenire, & ipſorum de Rep. conſilijs uellet intereſſe. MOLESTI igitur in petendo.

193:

DE Terentia] 191. 192. 192: 193.

193:

DOLERE, ut non iaceam:] DOLERE, propter interitum filiae. VT NON IACEAM, ut aliquid tamen agam, ut inertiae prorsus me non dediderim. iacere enim dicuntur ij, qui prorsus nihil agūt, & ab omni rerum curatione uacant. unde illud libro III. de officijs, Cum C. Marius ſeptimum annum post Præturam iaceret.

193:

CARNEADES, & ea legatio] Carneades Academicus, Diogenes Stoicus, Critolaus Peripateticus ab Athenienſibus legati Romam uenerunt: ex hiſtoria.

193:

IN tuo annali:] Significat eum Attici librum, quem ad Ciceronem miſit, ut ex proœmio de claris oratoribus apparet. eius libri Cornelius Nepos in Attici uita meminit his uerbis: Antiquitatem adeo diligenter habuit

» habuit cognitam, ut eam totam in eo uolumine expo=
 » fuerit, quo magistratus ornavit: nulla enim lex, neque
 » pars, neque bellum, neque res illustris est, quæ non in eo
 » suo tempore sit notata. Et Cicero in Bruto: Eam uti=
 » litatem habuit Attici liber, quam requirebam; ut, expli=
 » catis ordinibus temporum, uno in conspectu omnia ui=
 » derem. Et ibidem paulo post ex Attici persona: Eisq;
 » nosmet ipsi ad ueterum annalium (sic enim lego) me=
 » moriam comprehendendam impulsī, atque incensi su=
 » mus. Et idem nescio quo in loco, sed idem certe: Quē
 » laborem nobis leuauit Attici nostri labor, qui annorum
 » quingentorū memoriā uno libro colligauit. QV AE
 C A V S A: cur ea legatio Romam uenerit.

193:

DE Oropo opinor,] Recte opinabatur: nam
 Athenienses, afflicti bello Macedonico, summa in pau=
 pertate cum essent, non auaritia aut libidine adducti,
 sed necessitate impulsī, Oropum urbem sibi subditā diri=
 piunt. Oropij querentes ad Senatum Romanorum cō=
 fugiunt. Senatus indicat eam iniuriam Oropijs non
 iure factam. mandat Sicyonijs, ut causa cognita mul=
 tam Atheniensibus auctoribus iniuriæ pro damno dato
 irrogent. Sicyonij, cum ad iudicium Athenienses non
 affuissent, multam dixere talentorum quingentorum.
 sed senatus petentibus Atheniensibus, qui legatos eius rei
 causa tres philosophos Romam miserāt, omnia remisit,
 præter talenta centum. quæ tamen ne ipsa quidem pe=
 penderunt. Hæc ex Pausaniæ historia de Achaicis, Plu=
 tarchi Catone maiore, Gellio libro VII. cap. XIIII.
 libro XVII. cap. ultimo, Macrobio libro I. cap. V.

T T

COMMENTARIVS

SI ITA EST: si est, ut ea legatio Romam uenerit Oropi urbis causa; inter ipsos Oropios, & Athenienses, qui legationem miserunt, quæ controuersia fuerint, scire uelim. QVI PRAEFVERIT HORTIS: quis Epicureorum princeps fuerit, quis primum locum inter Epicureos tenuerit. HORTIS: gymnasium & schola Epicuri: nam ut Lyceum, Peripateticorum; Porticus, Stoicorum; Academia, Platoniorum: sic Horti, Epicureorum. APOLLODORUS: subaudi, libris: figura graeca, qua Cicero etiam alibi usus est, ut cum dixit, ad Martis, in Scapula, per Locusta: subintelligitur enim, eadem, hortos, fundum.

194.

DE Attica] Attica significat agilitudinem.

194.

MAGALA] Huius patricum Ligus cognomen fuerit, ut proxime constat; uerisimile mihi fit, Magalam ipsum, Liguris filium, ex Aeliorum familia fuisse: nam Ligus Aeliorum cognomen fuit, ut ex oratione pro Sestio, & libello consulum apparet. DVBIUM MIHI NON ERAT &c. subintellige, quin ex eo morbo moriturus esset. deinde, causam subscribens, intulit: Vnde enim tanta felicitas patri fuisset, ut tam probo filio diutius frueretur? quasi dicat: Mirabar, Ligurem tam esse felicem, ut ex iis rebus, quibus felicitatem metiri solemus, prorsus nullam amitteret. sed nimirum dii immortales eum filio priuarunt, ne tam felix esset. Et hoc dicit, ut ostendat, felices esse non posse, qui filios amittant; ad obitum filiae spectans, quam amissam lugebat. NAM QUID DE ME

DICAM? sensus est: Ligus, qui tum felix esse uidebatur, nunc amisso filio felix iam esse non potest. nam quid de me dicam? qui etiam si omnia consequar, quæ uolo, tamen non modo felix esse, sed ne leuari quidē eo dolore possum, quem ex interitu filiae suscepi.

194.

QUANTI quanti,] Subintellige, liceant. Etia si, inquit, hortos emam quantiuis, non male emero: si quidem, quod necessarium est, id quāquam magno pretio emptum, bene tamen emptum est. horti autem mihi ad fanum necessarij sunt. non possum igitur eos nisi bene emere, etiam si magno. LEVATIO: si fanum extruo, leuatio quædam est, si minus doloris, at eius officij, quod à me debetur. OFFICII DEBITI: simile illud est 190: iam quasi uoto quodā, & promisso me teneri puto.

194.

L. Cotta.] Qui Consul fuerat cum L. Torquato
210: AD HANC REM: ad fanum, inquit, extruendum loci satis erit.

194.

VIDEO &c.] Video, qui possint hortos habentibus persuadere, ut mihi uendant. uideo, qui me possint adiuuare ad eam rem, quam uolo, consequendam. Et est ad Atticum tacita cohortatio, ut adiuueto sit in ea re, præ qua uideat argentum, uestem, amœna loca nihil putari.

194.

NIHIL enim est melius.] Siliani, inquit, horti supra omnes placent. age igitur cum Silio, ut nobis uendat. MANDAVI ETIAM SICAE:

TT ij

COMMENTARIUS
ut cum Silio de hortis mihi uendendis loqueretur.
CONSTITVTVM etc. constituisse cum Silio,
ut una loquerentur.

Ex epistola X X. pagina 194.

QVI transegerit :] Qui hortos alij uendiderit.
Quod sequitur, DEESSE, refertur uel ad inopiã
Silij, uel ad ipsius promissum; sed potius, opinor, ad ino-
piam Silij, hoc sensu: Ego, si hortos à Silio emissem, pecu-
niam ei grandiore dedissem, quàm cuius alij, habita-
scilicet eius inopiæ ratione: NEQVE ENIM, in-
quit, EI DEESSE VOLEBAM. Insequens
membrum, ET, QUID POSSEM, TIME-
BAM, sic expono: Et tamen uerebar, ne non tantam
pecuniam ei pro hortis possem dare, quantam ad eius
inopiam subleuandam uoluisssem: uel, quantum ipse
posceret.

194.

DE Ouia, confice,] Quid significet, hoc quidem
ex loco non apparet: sed, ut saepe iam dixi, locus locum
illustrat. locos autem ipsos inter se conferre, ut, quæ si-
milia sint, quæ repugnantia, notentur, non solum dili-
gentiæ est, sed etiam iudiciij. Leuamus igitur, quoniam
quidem hoc suscepimus, quanquam fortasse plus susce-
pimus quàm sustinere possimus, sed leuamus, quantum
in nobis est, labore eos & quærendi, & considerandi,
qui suum studiũ ad has Ciceronis epistolas contulerint.
» Supra igitur, 192: de Ouia his uerbis: Ouia C. Lolij
» curanda sunt HS. C. itaque uerbum CONFICE
sic expono, cura ei HS. C. quæ deberi à me scis. eadem
» de re infra 196: Cum Ouia, inquit, quæso quidem ut

conficiatur. 194.

TEMPVS esse iam uidetur] Ut Athenas ad studia proficiscatur. QVANDO PLACEAT: quādo tibi uideatur, ut Athenas Ciceronem mittamus.

194.

P V B L I V S &c.] Hac de re infra 196. His
 21 uerbis: Publius, si æquinoctium expectat, nauigaturus
 22 uidetur. mihi autem dixerat, per Siciliam. A T E =
 23 D I O: supra 186: cum dixit, Horum quid est, quod
 24 Atedio probare possimus? Cæsarem significauit, nomi-
 ne commutato. sed in hoc loco non est ut, Atedium di-
 ci Cæsarem, possit accipi; qui, quo tempore hæc epistola
 scripta est, bellum in Hispania gerebat aduersus Pom-
 peij liberos. A T E D I O igitur accipiamus pro Pu-
 blij amico, & familiari, quemadmodum et infra, 196.

294.

P. C R A S S V S &c.] Habebat in manibus eum librum, quem de obitu filiae, se ipsum consolans, scripsit. ad eum igitur librum, quæ ex Attico quærit, pertinebant. fecit idem supra 192. 193. Atticus autem & habebatur, & erat ἰσοπικώτατος.

194:

C V S P I A N A, & Pretiana.] Nomina, hoc est, debitam mihi à Cuspio & Pretio pecuniam. In-
 fra 216. De nomine, inquit, tu uidebis cū Cuspio. Hoc,
 quod attinet ad sententiam. quod ad genus loquendi,
 216. Si Faberianum, inquit, explicas, hortos emamus
 22 uel magno: sin minus, ne paruo quidem possumus.

194:

O P T I M E:] subaudi, quod leuius ægrotat.

TT iiij

Ex epistola XXIII. pagina 194:

ET res, & conditio] RES, horti ipsi, quos Silius uendere uult. CONditio: uel pecuniā dixerat Silius se esse accepturum pro hortis, uel pro pecunia, ex Ciceronis possessionibus aliquam, facta aestimatione, ut ne minoris esset possessio, quam acciperet, quā quanti essent horti, quos uenderet. hanc conditionem respondet Cicero sibi placere; sed ita, ut numerare pecuniam malit, quā ex suis prædijs ullum tradere. AESTIMATIONE: prædio aestimato, ut pretium hortorum æquet. aestimatio enim hic accipitur pro re aestimata, ut in epistola ad Patum, Quando tuas aestimationes uedere nō potes. VOLUPTARIAS & c. ratio, cur numerato malit, quā aestimatione. Nam neque, inquit, uoluptarias possessiones accipere Silius à me uolet: & eas, quæ fructuose sunt, ego ei tradere nō possum. VECTIGALIBVS: redditibus, fructibus. uectigal enim & publicum est, & id significat quod ex possessionibus capitur.

194:

A FABERIO representabimus] Representare, Budæus hoc loco dicit esse, præsentī pecunia soluere, non, ut alijs locis, ante diem soluere. non improbo eruditi hominis opinionem: quanquam ne cur probem quidem est: cur enim usitatam uerbi significationem sine causa negligimus? sanè mihi placet, ac uehementer. quidem placet, ut hic, representare, ualeat ante diē soluere: contra Budæi sententiam, fateor: sed nunquid apud me plurius esse debet ullius auctoritas, quā

ratio, & ueritas ipsa? neque tamen illum, quem omni-
 bus nostræ ætatis hominibus eruditione uideo præstitis-
 se, ut male sentientem reprehendo: sed quando inter-
 pretis partes suscepi, & præter communem utilitatem
 nihil specto; quod meum officium est, quodq; mihi à
 principio ad hoc opus aggredienti propositum fuit, id
 facio, ut omnia libere exponam, cum hoc tamen, ne
 quid temere affirmem. sensum igitur consideremus, &
 enodatum, quàm planissime poterit, exponamus. Silia-
 ni, inquit, horti, de quibus ad me scripsisti, placet; sed ita,
 ut numerato eos malim accipere, quàm aestimatione. si
 autem numerato accipimus, unde pecunia? habebimus,
 infert, HS DC, ab Hermogene expressa; & DC ite,
 quæ domi sunt. erit igitur, unde sumamus HS MCC.
 quæ autem reliqua pecunia erit, quæ scilicet à nobis su-
 pra HS MCC Silio debetur; ei pecuniæ soluendæ
 diem, puta annuam, uel bimam, præstituemus. interea
 Silio uel usuram pendemus. Quoniam autem hoc po-
 fuerat, V SVRAM PENDEMVS: ueritus,
 ne Attico uideretur insanire, qui hortos usque ed cupe-
 ret, ut etiam usuras subire uellet; quasi se excusans ad-
 iecit, DVM A FABERIO REPRÆ-
 SENTABIMVS; hoc significans, diuturniorem
 usuram non futuram; cum putet se, pecunia à Fabe-
 rio debitore sumpta, repræsentaturum, hoc est solutionē
 facturum ante diem reliquæ pecuniæ soluendæ præfini-
 tam. certe enim hortos, nisi præsentī pecunia potuisset,
 uel pendendis usuris emere cogitabat: quas putabat fo-
 re ut non diu penderet, cū speraret, hortorum pretium,
 pecunia à debitoribus suis exacta, breui se posse totum

» Persolvere . quod confirmat illud 193. Vt usuram ei
 » Pendam, à quo emero, non plus annum, possum assequi,
 » si tu me adiuvas . Simili sententia dixit, representare
 medicinam, in epistola ad Titium; et, representare
 diem, ad Tironem; et, representare libertatem, Philip-
 pica II; et, representare improbitatem, libro XVI.
 ad hunc ipsum . quibus ex locis cum de significatione
 huius uerbi liqueat uni cuique uel negligenter conside-
 ranti; cumq; in eum, quem nos ostendimus, sensum ac-
 cipi hoc in loco nō absurde possit uox illa REPRÆ-
 SENTABIMVS: non uideo, cur assentiar Bu-
 daeo, docto alioqui uiro, & de literis optime merito; cū
 præsertim, representare pro præsentem pecuniam solue-
 re, quo modo ipse exponit, nusquam apud eos, quos ego
 auctores in latina lingua uehementer sequor, positum
 reperiā

194:

COMPARATI,] Drusianos hortos nemo
 unquam Silianis cōparauit . quasi dicat, semper enim
 Siliani celebriores atque amœniores habiti sunt, tale il-
 lud in Lelio, Hi ne comparantur Catoni?

194:

MOVET,] Vt hortos desiderem. Quæ autem
 hæc erat causa, cur tātōpere hortos Cicero desideraret?
 nimirum illa, ut haberet ubi filia fanum extrueret. quā
 causam, ut Attico notissimam, silentio præterit. sed in
 ea fatetur se τετυφῶδαι, id est nimis ambitiosum esse.
 hortos enim adeo cupiebat, ut in ea re suam ipse quasi
 quandam ambitionem agnosceret.

194:

Εὔρηκα:] Senectutis requies, uerbum, quod Ac

ticus usurpauerat in epistola ad Ciceronem, suadens, opinor, ut de senectute cogitaret, ideoq; ne tantam pecuniam in hortos erogaret. ACTVM IAM DE ISTO EST, etc. hanc ego curā iā abieci, hoc mihi iam amplius curae non est: quiduis aliud potius quaero. quasi hoc dicat, de uita iam non cogito.

Ex epistola XXIII. pagina 194:

CONFECERIT] De hortis. VENTVRVM: ad me. quod ex duabus insequentibus epistolis apparet. 194:

DE Nicia] Hic est Nicias grammaticus, de quo Suetonius in libello de claris grammaticis: qui etiā docuisse uidetur Plancum Bursam. in epist. Fam. 131.

195.

VNAM rem] De Terentia scilicet. SPERO ENIM &c. spero, inquit, me à te impetrasse, ut ipse me ista molestia priuaret, hoc est ut hoc onus ipse susciperes. hoc enim Cicero Atticum iam ante roga-
 uerat. quin ipsa uerba recitemus: Quod, inquit, ad Tironem de Terentia scribis, obsecro te mi Attice suscipe totum negotium. Hæc supra, 191: Et in eandem sententiam 193. his uerbis: De Terentia quod mihi omne onus imponis, non cognosco tuam in me indulgentiam: ista enim sunt uulnera, quæ non possum tractare sine maximo dolore: moderare igitur quaeso, ut potes.

Ex epistola XXV. pagina 195.

DE Siliano negotio,] De hortis Silij, de quibus supra. CONditio: uoluntas Silij de uendia

tionem hortorum : ut in epistola, quam subsequitur pro-
xima superior; Mihi, inquit, & res, & conditio placet.
COTTAE: subintellige, uillam: de qua 194.

AD aliam rem loci satis, nihil ad eam, quam quaero.] Non dubito, quin hoc ordine legendum sit: Ad aliam rem loci nihil, satis ad eam, quam quaero. nam, quo modo in uulgatis libris legitur, plane sententiam esse apparet Ciceronis sententiae contrariam. quorsum enim de emenda Cottae uilla cogitabat, si ad eam rem, quam quaerebat, loci nihil? sed quid argumentor? eni, quod nostram opinionem ita confirmet, ut nihil pretere-
rea possit desiderari. Habet, inquit supra, in Ostiensi
Cotta celeberrimo loco, sed pusillum loci, ad hanc rem
tamen plus etiam satis.

DE tempore.] Quando uelit discedere, ut Athenas eat studiorum causa. supra, De Cicerone, inquit, tempus esse iam uidetur: sed quaero, quod illi opus erit Athenis, permutari ne possit, an ipsi ferendum.

DE Bruto tamen,] Quia de Bruti aduentu iam ante Atticum rogatur, ut 189: 191: 191: iccirco dictio-
nem Tamen uenuste usurpauit. quasi dicat, Quam-
uis hac de re saepius iam ex te quaesierim, tamen idem
illud quaero. SCIRE ENIM IAM PAV-
TO: subaudi, te. cum autem scias, ubi Pansam expe-
ctet; facile potes, quo tempore futurus Romae sit, con-
iectura consequi. 191: IN PRIMA PRIO-
VIN CIA: Gallia: cui praefuit. Plutarchus, & Cl-

cero in epistola ad Cæcinā, item in Oratore. VEL
 LEM, TARDIVS: uellem, tardius adesset Bru-
 tus. nam si Calendis Romæ fuerit, ueniendum mihi
 erit, ut ipsi de aduentu gratuler: itaq; , quod uellem,
 consequi non potero, ut in senatum ne ueniam: qui ple-
 runque Calendis habebatur. uide illud. 187: Mihi etsi
 Calendæ uitandæ fuerunt. TARDIVS, post Ca-
 lendas, hoc est post diem, quo senatus habebatur: quo
 die Romæ esse Cicero noluiisset, ne in senatum ueniret.
 MULTAS OB CAUSAS: ex quibus erat il-
 la uel maxima, ne in senatum uenire necesse esset.
 AN EXCVSATIONEM ALIQVAM
 AD ILLVM PAREM: an Bruto me literis ex-
 cusem, & causam aliquam afferam, cur Romam ue-
 nire non possim. 196. FACILE: facilem excusa-
 tionem esse uideo: possum enim uel in morbu, uel mor-
 rorem causam conferre.

Ex epistola XXVI. pagina 195:

MISSVM esse,] A Terentia. ILLI: Terē-
 tiæ. VIDERI: ut uideatur matris causa uoluisse.
 uide 192. 195:

AD consuetudinem] Ad Remp. administran-
 dā. ERAT, VBI ACQVIESCEREM:
 hoc significat; labores, quos olim Reip. causa susceperat,
 minus graues fuisse, cū haberet filiam, cuius in sermone
 & suauitate conuiuere solitus esset: qua amissa, non
 esse cur eosdem labores susciperet, nulla iam allenuatio-
 nis spe relicta. NEC EGO VICTVM, NEC
 VITAM ILLAM COLERE POSSVM:

non modo ferre rationem illam uiuendi non possem, sed ne uitam quidem ipsam uiuere, illi similem. tantū, inquit, abest, ut genus illud uitæ sequi nunc possim; ut etiam uitam me esse amissurū intelligam, si ita uelim uiuere, ut tum uiuebam. quasi dicat, non modo genus illud uitæ colere non possem, sed nec uiuere quidem, si illam uitæ rationē sequi uellem. QUID ALIIS VIDEATVR: forte enim Atticus scripserat, reprehendi Ciceronem, quod in Vrbe non uiueret, quasi prorsus omissa Reip. cura. quod etiā ante Atticum scripsisse, apparet ex illo loco 193. Quod homines à me postulare scribis, ut Romæ sim, neque mihi, ut absim, concedere: iam pridē scito etc. MEA MIHI CONSCIENTIA: mei enim erga Remp. animi cū ipse mihi optime sim conscius, de illorum sermone non laboro. non enim absim, quod eam negligam: sed quod eiusmodi sunt tempora, ut, etiam si adsim, iuuare nihil possim.

195:

CONSOLATVS] In morte filiae scripsit librū de consolatione ad se ipsū. 189:192. NEC, SI POSSEM, VELLE: esset enim inhumanum, amissa unica filia, & tali filia, non dolere. unde illud Crantoris in tertio Tusculanarum: Istuc nihil dolere, non sine magna mercede contingit, immanitatis in animo, stuporis in corpore.

195:

PRO mancipijs] Mancipia Castricius ante. uendiderat Quinto Ciceroni. eorum mancipiorum pretiū, apparet, à Quinto non fuisse ad diem persolutum.

EAMQVE EI SOLVI, VT NVNC

SOLVITVR: ostendit se conditionem eius uenditionis ignorare. si enim Castricius, inquit, à fratre meo pecuniam accipere uolet pro Mancipijs, eamq; pecuniā ita solui, ut nunc soluitur; (dicit autem NVNC, quia debitores eo tempore pecuniā creditoribus ita soluebant, non ut pecuniam darent, sed ut pro pecunia possessiones, tanti aestimatas, quanti ante ciuile bellum fuissent: quod Caesar, & ut debitoribus consuleret, & ut metum nouarum tabularum tolleret, edicto constituerat) certe nihil est commodius: possessionem enim pro pecunia, quam debet, frater aliquam dabit. sin autem ita actū, & hæc inter eos de Mancipijs pactio facta est, ut Castricius, Quinto pretium Mancipiorum intra certam diem non persolvente, ipsa Mancipia, quæ uendiderat, abduceret; hoc mihi non uidetur esse æquum. ut enim ad diem frater non soluerit, ideo tamen eum priuari Mancipijs iniquum est, cum quidem solutionem, quam ciuiliū bellorum difficultate afflictus necessario distulit, eam nunc facere paratus sit. TIBI VIDERI IDEM: tibi quoque uideri, nō æquū esse, ut Mancipia Castricius à fratre abducatur, quod eorum pretiū sibi ad diē non enumerarit. 196.

AEQUINOCTIVM] VERNUM: nam hæc hieme scripta sunt: quod ita esse, proxima superior epistola significat; in qua Pansa in prouinciam Galliam proficiscentis, Brutiq; ex eadem prouincia decedentis mentio fit. Pansam autem III. Cal. Ian. ab Vrbe profectum esse, apparet ex epistola ad Cassium, altero epistolarum uolumine. uernum igitur æquinoctium, nō hiemale significatur; primum ex argumento, quod po-

COMMENTARIVS

fui, de historia sumpto; deinde ex illa clausula, *NAVIGATURUS uidetur*. certe enim post uernum æquinoctium tutior est nauigatio, quàm post hiemale. *ATE = DIVM: 194. NAVIGATURVS: in Africam. supra 194. 196.*

LENTVLVM puerum] Apparet, Ciceronem ei tutorem fuisse; cum inferat, De mancipijs, quæ tibi uidebitur, attribuas. *mācipia* enim accipio, quæ Cicero, sibi à Lentulo pueri patre cum reliquis bonis testamento commendata, tutorum more tuebatur. apertius indicat insequens epistola; si consideretur illud, *Pueros attribue ei quos & quot uidebitur*.

Ex epistola XXVII. pagina 196.

HODIE.] Hoc subaudi: Tecum de hortis, quos ab eo emere uellemus, loquetur. id enim Atticus ad Ciceronem scripserat. *196.*

NEC ego Brutum uito,] Respondet ad alteram partem epistolæ ab Attico acceptæ. in qua ille, ut opinor, ita scripserat; mirari se, cur Brutum uitaret, à quo *levationem* aliquam posset expectare. cui respondens Cicero, *Nec ego, inquit, Brutum uito, nec tamen ab eo leuationem ullam expecto.* *LEVATIONEM: doloris mei, ex interitu filie suscepti. CAUSAE: in ijs, ne in senatum uenire necesse esset. EXCV = SATIO: quodd istuc non ueniam, ad eum amplectendum ex provincia reuersum. 195.*

196.

CAPVT illud est, quod scis.] Caput, & prima causa, cur hortos, desiderem, illa est, quam tu scis; fanū

videlicet; cuius ædificandi scis consilium à me esse cap-
 tum; & hortos ideo quærere, ut celebri loco ædifice-
 tur. SEQUITVR, &c. altera causa, cur hortos
 uelit. Præter fanum, mea etiam causa hortos quæro:
 mihi enim ipsi quiddam opus est: hoc est, locū me oportet
 habere, ubi esse possim. IN TVRBA: Ro-
 mæ. neque Romæ, inquit, esse possum, neque à uobis
 abesse. quòd si hortos habebo, utrunque consequar,
 ut & Romæ ne sim, & à uobis ne absim. abesse
 enim non uidebor, cum in hortis ero, qui Urbem
 quàm proxime sunt: & in Vrbe tamen non ero. 217.
 » Nihil, inquit, aliud reperio, ubi & in foro non sim, &
 » tecum esse possim. 196.

MIHI persuasum est,] Tacite significat, suum
 consilium ab Attico probari, consilium, inquam, Urbis
 fugiendæ. PERSVASVM: non enim Atticus
 aperte scripserat, se probare Ciceronis consilium, ueri-
 tus fortasse, ne id Cæsarem offenderet, si casus tulisset,
 ut in alienas manus literæ deuenirent: sed ipse de Atti-
 ci sensu cōiecturam faciebat. EO MAGIS etc.
 eo magis mihi persuasum est, de hac re quid tui consilij
 sit, quòd tibi quoque intelligo uideri idem quod mihi,
 me ab Oppio & Balbo ualde diligi. quasi dicat: Quā-
 do illi me tam ualde diligunt, abesse possum, illis conce-
 dentibus. nam alioqui offenderentur, & de hac absen-
 tia mea literas fortasse ad Cæsarem iniquiores mitte-
 rent. quòd igitur intelligis, me ab Oppio & Balbo ual-
 de diligi; eo magis mihi persuasum est, hac de re quid
 sentias. SI EXPEDIATUR ILLVD
 FABERIANVM: si debitā mihi à Faberio pecu-

niam exigo. quod facile consequar illis adiuvantibus:
qui Casare concedente omnia possunt.

196.

SINT igitur &c.] Sententia non apparet,
obscurata mendo. & quanquam adiuti coniectura
quiddam uideamus: quia tamen id eiusmodi non est,
ut omnes tenebras discutiat; pratermitto. libros ueteres
adiui, inspexi: nihil adiuventi. relinquo igitur, quod
alii considerent. TVM ENIM &c. connexa
uerba cum superioribus, & connexus item census est:
sed conijcere possumus, hoc dici: Si Balbus & Oppius
in expediendo nomine Faberiano adiutores esse nolue-
rint; tum intelliges, exigenda à Faberio pecuniæ nul-
lam plane spem esse; & intelliges item, quid inclinent
ad hoc meum consilium de fano adiuvandum. si enim
nobis non fauebunt, id agentibus, ut hortorum emendo-
rum causa pecuniam à Faberio exigamus: certe intel-
ligetur, nolle eos de emendis hortis & de edificando fa-
no consilium à nobis captum adiuuare.

196.

SI quid erit,] A' Balbo & Oppio studiij &
auxilij ad Faberianum nomen explicandum. SIN-
MINVS &c. si in exigenda à Faberio pecunia fau-
tores non erunt, consilium tamen de hortis ideo ne omit-
tamus, sed quacunque ratione enitamur. QUA-
CUNQUE RATIONE: nam de Faberiana
pecunia nequaquam erit cogitandum, Balbo & Oppio
non adiuvantibus.

196:

DE illo Ostiensi &c.] Si non assequimur, ut Si-
lianos hortos habeamus: quid agemus? de illo Ostiensi,
hoc est

hoc est de uilla, quam in Ostiensi habet Cotta, nihil est cogitandum: (forte quia pusillum loci uidebatur, ut 194. 195.) Lamiam non puto posse adduci, ut hortos suos uendat: Damasippi experiendum est; subaudi, ut hortos habere possimus. & infra, 197: Damasippum uelim aggrediare. de Lamianis autem hortis, 192: & 193:

Ex epistola XXVIII. pagina 196.

QVOS, & quot] Non omnes, sed quos & quot uidebitur. neque enim omnia mancipia Lentulo puero attribuenda erant ministerij causa. quæ autem puero non attribuebantur, ea tamen illi operam nauabant, uel rure agro colendo, uel in officinis aliquo artificij genere occupata, uel alijs pretio locata. Comprobatur quod supra diximus, Ciceronem Lentulo puero tutorem fuisse, qui ei de mancipijs, quæ uideretur, & quot uideretur, attribueret.

196.

DE Siliij & c.] Scire Tullius auebat, num Silius hortos uellet uendere, & quanti uellet. cui Atticus rescribens, uereri se dixerat, primum ne Silius nollet uendere, deinde ne nollet eo pretio, quo Tullius emere uoluisset. QVANTI: subaudi, uelit uendere.

NE TANTI: uideris, inquit, uereri, ne Silius tanti nolit uendere, quãti nos uellemus. & dixit, tanti, pro, tam paruo: quo modo etiam locutus est Celius: cuius
 » hæc sunt uerba in epistola ad Ciceronem: Aut non erit
 » istic bellum; aut tãtum erit, ut uos, aut successores par-
 » uis additis copijs sustinere possint. & Cæsar libro V I.

VV

» his uerbis: Præsidij tantum est, ut ne murus quidem cin-
 » gi possit, neque quisquam egredi extra munitiones au-
 » deat. & libro III. de bello civili: Tantum nauium
 » reperit, ut anguste XV millia legionariorum militum,
 » & quingentos equites transportare possent. & ipse in
 » epistola ad Cassium: Si quæ, inquit, sunt onera tuorū,
 » si tāta sunt, ut ea sustinere possis; nihil tibi erit lautius,
 » nihil gloriosius: sin maiora; considera, ne in alienissi-
 » mum tempus cadat aduentus tuus. Quibus ex locis
 aperte cognoscitur, in uoce Tantus non semper quanti-
 tatem inesse. quod nos exemplis ideo probare uoluimus,
 ne quis miretur, cur illud TANTI exponamus, tam
 paruo. quod fortasse cuipiam durius aliqui uideretur.

196:

SICA aliter,] Sica aliter dixerat: Sica
 non idem dixerat, quod tu: sed tibi assentior, uerenti
 primum ne Silius nolit, deinde ne tanti. Sica autem
 dixerat, & uelle Silium uendere, & non magno uen-
 diturum. VT EI PLACUIT: opinabatur
 Sica, Egnatij opera Silianos hortos haberi posse: itaque
 Ciceroni suaserat, ut ad illum scriberet. TRAN-
 SIGERE EGNATIVM: in epistola superiore
 locus est de mancipijs Castricianis: quem si quis cum in-
 terpretatione nostra legerit, facile, quid hic significetur,
 intelliget. TRANSIGERE: conficere cum
 Castricio: efficere, ut Castricius à Quinto fratre pecu-
 niam accipiat pro mancipijs, quæ illi uendiderat. quam
 Castricius accipere nolebat; cū à Quinto macipia mal-
 let abducere, quando is pecuniam sibi ad præstitu-
 tam diem non numerasset.

196:

CONFICIATUR.] Curentur ei HS. C. quæ debemus. supra, 192: 194. NOX ERAT: Atticus in epistola sua ad Ciceronē hoc posuerat: Quoniam nox est, plura non scribo. Cui respondens Cicero, Quoniam, inquit, nox erat, et ideo breviores literas misisti; is, quas hodie mittes, plura expecto.

Ex epistola XXIX. pagina 196:

SILIVM mutasse sententiam Sica mirabatur &c.] Silium nolle amplius hortos uendere, Sica mirabatur. ego autem eo magis miror, quod cum ille dicat ideo se non uendere, quia filius nolit; aistamen illum uenditurum, si nos præter eum locum, quem ab ipso petimus, alium petierimus, à quo refugiat, hoc est quem nolit uendere. NON INIVSTA: recte facit, si non uendit, quia filio uelit obsequi, roganti ne uendat; cum eum habeat, qualem uult, hoc est, plane ex animi sui sententia: ut reprehendendus non sit, qui tali filio obsequatur. SI ADDIDERIMVS ALIVD: si petierimus à Silio, ut alium locum nobis uendat, non ut eum, quē antea petebamus. A' QVO REFUGIAT: à quo uendendo prorsus abhorreat: quem nulla conditione uelit uendere. CVM AB IPSO ID FVERIT: cum is locus, quem addiderimus, ualde illius è re fuerit. tunc enim Silius locū antea nobis destinatum uendat, si petierimus ut alium, ipsi cariorē, uendat. Recte igitur dixit Cicero, MIRROR, QVOD AIS &c. nā si hortos ideo Silius uendere non uult, quia filio cupiat indulgere: ne hoc

VV ij

quidem artificio, quo nos uti uis, adducetur ut uendat. Dixit autē **C O N F E R R E T** potius, quā **C O N F E R A T**, ut ostendat Siliū ea excusatione usum fuisse non illis ipsis diebus, quibus hæc scribebat, sed aliquanto ante. 196:

Q V O D summum pretium constituam, **Q u a n t u m** omnino pecunie in hortos uelim impendere.

Q V A N T U M A N T E I R E ISTOS HORTOS DRUSI: subintellige, Putem: hoc sensu:

Queris à me, quantū hortos istos Silianos anteire Drusi hortis putē, pretio uidelicet. **A C C E S S I N V N A**

Q V A M: nunquam accessi ad hortos Drusi: quæ autē uilla ibi est, (Caponiana dicebatur, quod eam ante Drusum aliquis è Coponiorum gente possederat) eam noui, & eodem loco syluam nobilem. **N E V T R I V S**:

neque sylua, neque uilla. quem fructum Drusus capiat aut è uilla, aut è sylua, compertum non habeo: quod tamen, puto, nos scire oportet. Et hoc adscribit, propterea quod unā cum hortis & uillam & syluam Drusus uendere cogitabat. **V T R I V S I S T O R V M**:

utrius hortos æstimem, uel Silij, uel Drusi: æstimare debeo, non quanti sint, sed quanti meum tempus postulare uidetur: hoc est, non ex ipsorum fructu mihi æstimandi sunt, sed ex meo tempore; quod eiusmodi est, ut hortos omnino uelim emere, de pretio non laborem.

V T R I V S I S T O R V M: æstimandi sunt.

P O S S I M A V T E M A S S E Q V I: possim hortos emere. **C O G I T E S**: potes enim hoc uel facile cognoscere, cum mea nomina tractes; & uidere possis, ecquæ sit spes pecunie à nostris debitoribus exigē-

dæ: quod ego absens non possum: itaque tu hoc uelim cogites. 197.

FABERIANVM] Nomen Faberianum: quod mihi à Faberio debetur. cum enim debitam sibi à Faberio pecuniam exigere Cicero non posset, nomen illud alicui uendere cogitabat, ut præsentem pecuniam haberet ad emptionem hortorū. EXPLICARE VEL REPRESENTATIONE NON DUBITAREM: non dubitarem hortos emere, uel si representandum sit: hoc est, uel si pretium nunc enumerandum sit, nulla temporis dilatione. Est enim representare; quod aliquando futurum est, id præripere; ut, nulla interposita mora, statim fiat. Quoniam autem constituerat ita hortos emere, ut partem pecuniæ solueret, reliquæ pecuniæ usuram penderet; (quod ipse ostendit 193. & 194:) nunc si Faberianū nomen posset uendere, dicit se non cogitare de die, neque solutionis tempus uelle differre, sed representaturum, hoc est non expectaturum diem, quam constituerat, uniuersumq; pretiū statim persolaturum. DESILIANIS: ad EXPLICARE refertur. TRANSIREM AD DRVSVM: emerē à Druso. MAGNO ETIAM &c. adiuuabit enim representationē Hermogenes, si soluet nobis HS DC quæ debet. unde illud 194: HS DC exprimes ab Hermogene, cum præsertim necesse erit. 197.

DOLORI meo,] Ex interitu filiae suscepto. REGI: fortasse ego, cupiditate & dolore prolapsus, hortos pluris emerē, quàm quanti æquum esset: itaque uolo à te regi.

LOCVTVS erit] De Drusi hortis. Supra ibi-
 » dem: Transirem ad Drusum uel tanti, quanti illum
 » Egnatius uelle tibi dixit. ID AGENDVM
 P V T O: ad hortos Drusi spectare debemus: nam cū
 silio non uideo confici posse. AGENDVM, cu-
 randum, cogitandum. QUID AGENDVM
 S I T: de tota hac re, id est de hortorum emptione.

Ex epistola XXX. pagina 197.

P V B L I L I A] Altera Ciceronis uxor, quam,
 post Terentiae diuortium, uirginem duxit: cum qua &
 ipsa postea diuortium fecit, quia letari Tulliolae morte ui-
 debatur. Plutarchus in Cicerone, Quintilianus lib. VI.
 Dion libro XLVI. P V B L I L I O: fratre Publi-
 liae, Ciceronis uxoris: nam mulieres familiae nomine ap-
 pellabantur. A F F E C T V M: dolore, quem ex
 obitu filiae capiebat. N O N I L L I V S E S S E:
 apparebat, a matre scriptas, aut dictatas. Q V O D
 F O R E V I D E O: uideo fore, ut omnino ueniant:
 ego autem hoc uolo uitare. V N A E S T V I-
 T A T I O: E T E G O N O L L E M: una tantum
 ratione uitare possum, ne illae ad me profiscantur; si
 ego istuc ad ipsas ueniam: quod nollem: sed necesse est;
 quando haec est una uitatio. Infra clarius his uerbis:
 » Cum scribas, uidendum mihi esse, ne opprimar; ex quo
 » intelligam, te certum illius profectionis diem non habere:
 » re: putaui esse commodius, me istuc uenire.

N E opprimar.] A Publilia, & matre. & hoc

dicat; quia, si scisset, quo die illæ Romæ profecturæ essent, ut ad se uenirent; ipse ante illū diem Romā ad eas proficisci potuisset: quod facere cogitabat. NE OPPRIMAR: ne ueniant cum de illarum aduentu nihil suspicer.

197:

CICERONI] Filio. SI TIBI NON INIQUVM: fortasse n. tibi uidebitur, plus ei dandū esse, quā quodd ex mercedibus Argileti & Auentini recipietur. sed SI TIBI NON INIQUVM VIDEBITVR, hoc est, si putas eum his mercedibus contentum esse debere: propone ei, ut sumptus huius peregrinationis ad eas mercedes accomodet. PEREGRINATIONIS: Cicero filius Athenas iturus erat studiorum causa. Dic, inquit, filio, me pro sumptu, quem Athenis facturus est, tradere ei mercedes Argileti & Auentini. SI ROMÆ ESSET &c. ut Athenis tantos sumptus faciat, quantos Argileti & Auentini mercedes ferre poterunt. quibus sumptibus, si Romæ uiueret, conducta etiam domo, contentus futurus erat: quanto magis, Athenis? ARGILETI ET AVENTINI: in Argileto & Auentino locare uolebat Cicero insulas quasdam, eamq; mercedē assignare filio Athenas proficiscenti. 148: 253: MODERERE: tractes quod attinet ad hanc locationem: uideas, quemadmodum ex his mercedibus suppeditemus ei quod opus sit: hoc est, (quod infra ostēdit) conductores qui sint, & quanti; deinde, ut sit quā ad diem soluat. NEC BIBVLVM, NEC ACCIDINVM, NEC MESSALAM: Calphurnium Bibulum, Manlium Accidinum, Valerium

VV iij

COMMENTARIVS

Messalam. Hos adolescentes Athenas profecturos studiorum causa Cicero audierat. CONDUCTORES QUI SINT, ET QUANTI: qui uelint conducere eas tabernas, aut domos, quas in Argiletum & Auentino uolumus locare. QUANTI: quantum uelint conducere.

Ex epistola XXXI. pagina 197:

IS fuerit, quem tu putas,] Difficilis in hortis uendendis. AGGREDIARE: ut mihi hortos uendat. RIPA: Tyberina: nam hortos transtiberinos querebat Cicero, ut celebri loco fanum extrueret. QUOTENORVM IUGERVM: Damasippus suos hortos in partes diuiserat: & qualibet parte nescio quotena iugera continebantur, certo cuiusque partis pretio. PLURA ENIM NON POSSVM: de hoc ad te scribere, cum & de pedagogo, & de medico, & de tota domo mihi certum sit.

Ex epistola XXXII. pagina 198.

VEL sine Sica] Cuius consuetudine delectabatur: itaque 194: Niciam, inquit, uellem mecum habere: sed mihi solitudo & recessus prouincia est: quod quia facile ferebat Sica, eo magis illum desidero. (TIRONI ENIM MELIUS EST:) causa, cur sine Sica possit esse. Tironem, inquit, mecum habeo, qui iam propè conualuit. FACILLIME: libenter. ut illud in epistola ad Celium: In maritimis facillime sum. Et libro II. de Oratore: Et dici ornatissimi me possunt, & audiri facillime. Et ad hunc ipsum in-

- » sequenti libro : Locum habeo nullum , ubi facilius esse
 » possim, quàm Asturæ. Et Terentius in Heaut. Dabo ti=
 » bi puellam lepidam, quam facile ames. O P P R I A
 M A R : subito aduentu Publiæ . uide supra 197.

Ex epistola XXXIII. pagina 198.

T V tamen,] Quaquam, inquit, breui te uide=
 bo : tamen, si quid de hortis cum Silio confeceris uel il
 lo ipso die, quo ad Sicam uenturus ero ; certiore me
 uelim facias. A D S I C A M : in eius suburbano.
 D E T R A C T I O N E M : cum Silius dixisset, hor
 tos suos se esse uenditurum , sed uelle quendam locum
 excipere : uide, inquit Cicero, ne uelit eum ipsum locum
 excipere in uenditione hortorum, cuius loci causa hor=
 tos ipsos emere cogitamus. D E T R A C T I O N E M :
 exceptionem. E X T R E M I : Extremi
 loci, extremorum hortorum, extremæ partis hortorum.

198.

D E tota re (ut scis)] D E T O T A R E : de
 hortis Siliij emendis. V T S C I S : scis tu, qua in par
 te hortorum fanum ædificare constituerim : itaque si eā
 ipsam partem Silius in uenditione uellet excipere ; cur
 hortos emeremus , causa non esset.

198.

- H I R C I I epistolam] Forte consolatoriam in
 morte Tulliæ. R E C E N T E M : ex Hispania,
 ubi erat Hircius cum Cæsare. & puto eam esse, de qua
 » 203. Sic et infra 258: Regini quidam ed uenerunt Ro
 » ma , sanè recentes.

QVOD lege conceditur,] Lex erat, quæ sum-
 prum sepulcrorum præfinibat : supra eum sumptum si
 quis in sepulcrum impendisset, tātundem populo ut da-
 retur, iubebat. QVOD NON MAGNO-
 PERE MOVERET : quasi dicat : Si uellem
 sepulcrum filiae facere, facerem operosissimum, & ma-
 gnificentissimum; neque me in hoc moueret poena legis:
 sed fanum fieri uolo, non sepulcrum; idq; , non tam
 propter legis mulctam, (nam hæc me minus moueret,
 si de sepulchro cogitarem) quàm ut locus, quasi conse-
 cratus, sempiternam religionem obtineat. Hoc aperte
 paulo post his uerbis : Fanum fieri uolo, neque hoc mihi
 erui potest : sepulchri similitudinē effugere non tā pro-
 pter poenam legis studeo, quàm ut maxime assequar
 ἀποθέωσιν. Recte : quod enim fani nomine appella-
 tur, religionem habet; quod sepulcri, non item.

APPELLARI.] Supra, 191 : lege quæ di-
 ximus ad illud, Quasi consecratum. NISI MV-
 TATO LOCO : cōstitueramus fanum in hortis
 transtiberinis facere : sed mutandus locus est, si asse-
 qui uolumus, ut fani nomine appelletur : in hortis enim
 si faceremus, ubi multa multorum sunt sepulcra; se-
 pulcrum & ipsum uideretur esse, sepulcriq; nomine
 potius appellaretur, quàm fani. MINVS VR-
 GEOR : dolore amissæ filiae.

Ex epistola XXXIIII. pagina 198:

ERV I] Hoc mihi non potest ex animo euelli.

PROPTER POENAM LEGIS: *poena*
 erat, ut quo quis in sepulcrum plus insumpsisset, quam
 nescio quid quod lege concedebatur, tantumdem populo
 daret. *Supra 198.*

198: *nonnulli*

COMMUTATIONES dominorum]

- » 191: de eadem re sic: Ineunda nobis ratio est, quem=
 » admodum in omni mutatione dominorum illud, quasi
 » consecratum, remanere possit. quo in loco uide no=
 stra interpretatione. UT POSTERITAS
 HABEAT RELIGIONEM: ut posteri il=
 lud cum religione conseruent. quod in uilla fortasse
 non facerent: in qua fanum adificatum nescio an
 eadem religione tuerentur: forte enim ex fano rursus
 uillam facerent studio habitandi.

198: *nonnulli*

- RES, locus, institutum] Ut fanum fiat, ubi fiat,
 quale fiat. expono enim INSTITVTVM, fa=
 ni genus à nobis figuratum. nam & supra 190: ubi
 » plane idem dicit, Neque, inquit, de genere dubito; pla=
 » cet enim mihi Cluatij: neque de re; statutum est enim:
 » de loco non nunquam. EAM EFFVGERE
 ne in legis poenam incidamus, si pecunia plus in hoc mo=
 nimentum erogabimus, quam quod lex concedit.

SI TIBI PLACEBIT SIC AGERE etc.
 coepimus agere de fano adificando: nescio, an idem cō=
 silium tibi placeat, ut scilicet fanum filiae faciam pieta=
 tis ergo: sed si placet, cohortare & ex acue Cluatium
 architectum, ut in hac re suo nos consilio iuuare uelit.
 Vide 190:

Ex epist. XXXV. pag. 198:

AD uillam] In suburbano : nam infra, Velim certiorē me facias, quā diu in suburbano sis futurus. quod se contulit rationum causa . deinde easdem rationes cogitauit se posse Romæ conficere , si se domi includeret : itaque in Urbem redijt. 201. 201 :

198:

TV AE literæ mihi redditæ sunt tertio decimo die.] Hoc totum librarius, aut quicumque ille fuit, qui Ciceronis epistolas retulit in uolumina, translatum ex alia epistola, per ignorantiā hic intexuit. cum enim Cicero esset in Antiati, Atticus Romæ, uel in suburbano ; simile ueri non est, tresdecim dies eum, qui Attici literas tulit, tantulo in itinere consumpsisse. sed esto : consumpserit nec opinata re impeditus. quid? non hanc tarditatem Cicero tenui saltem significatione attigisset? at ne literam quidem posuit. itaque redeo ad illud, membrum esse ex alia epistola, translatum in hunc locum ignorantia eorum, qui Ciceronis epistolas in unum conghesserunt. BRVTI LITERAS : ad Atticum scriptas.

199.

RATIONEM tuam de Tusculano.] Consilium tuum, ut fanum in Tusculano faciamus, si in hortis non possumus. & 201. 202. CELEBRITATEM : ut fanum celebri loco fiat. celebriores autem horti, quā Tusculanum, utpote qui prope Urbem essent. IN SCAPVLAE : subintelligitur, hortis. ut illud 194. Ex Apollodori puto posse inueniri:

subaudi, hortis. Scapula hic decesserat, relictis aliquot
 heredibus: à quibus Cicero sperabat fore, ut uenirent
 horti Scapulani. PROPINQUITAS PRAE
 TERE A VBI SIS: prater celebritatem hoc ha
 bent commodi, quodd proxime Romam sunt. VBI
 SIS: ubi sine incommodo esse possis: ut in ijs facile es
 se possis. NE TOTVM DIEM IN VIL
 LAM: ne totum diem ponam, in uillam proficiscens:
 ne mihi semper totus dies sit in itinere consumendus,
 animi causa dum ad uillam me confero. quasi dicat:
 si quādo Urbis satietas me capit, ad aliquam mearum
 uillarum ire soleo: quæ ita longe absunt, ut totum diē
 in uia ponam. quodd si Scapulæ hortos habebo, libentius
 in hortos exhibo propter propinquitatem. OTHO
 NEM: unū ex ijs, quos Scapula heredes reliquerat.

199.

SI nihil erit,] Si nihil erit, quod emamus; tibi
 tamen non desinam molestus esse, ut aliquid inuenias,
 usque eod, ut meam stultitiam stomachere. Deinde
 incipit molestus esse, et infert: DRVSVS ENIM
 CERTE VENDERE VULT: ut tua cul
 pa futura sit, si nihil emamus; quandoquidem uena
 les certe sunt horti Drusiani. SI ERGO ALI
 VDERIT: si, prater Drusi hortos, aliquid inuenie
 mus, quod uenale sit: id nisi emero, non mea erit cul
 pa, sed tua: nam ego quidem, quod ad me attinet, sæ
 pissime te admonebo. Drusianos autem hortos Atticus
 minus probabat: itaque aliud quærebant. Paulo in
 fra: De Drusi, inquit, hortis, quamuis ab ijs abhorreas, ut
 scribis; tamen eod confugiam, nisi quid inueneris.

NE LABAR : ne, prolapsus cupiditate, multo plu-
 22 ris emam, quàm quanti sint. Supra 196: Concede, in-
 22 quit, mihi, ut eo animo sim, quo is debeat esse, qui emere
 22 cupiat. Et tamen seruo ita cupiditati, Et dolori meo;
 22 ut à te regi uelim. PROVIDENDI AV-
 TEM VNA RATIO EST, SI QUID
 DE SCAPVLANIS POSSVMVS: quæ-
 rit aliquis causam, cur hac una sit providendi ratio.
 Respondeo sic: Quia sperabat fore, ut Scapulani horti
 in auctione uenirent. quod si ita esset; labi non pote-
 rat; neque eos multo pluris emere, quàm quâti essent.
 22 itaque infra 200. De hortis, inquit, Scapulanis hoc uide-
 22 tur effici posse, aliud tua gratia, aliud mea, ut præconi-
 22 subiiciantur. id nisi fit, excludemur.

199.

APVD Terentiam &c.] Terentiam iam di-
 miserat: quidpiam fortasse nunc significat de dote red-
 denda.

199.

CORDVBA exisse,] Hac de re Hircius li-
 bro VI. Commentariorum, haud ita procul ab extre-
 mo. NESCIO QVO: Carteiam: ut auctor
 est Hircius libro VI. Commentariorum, ferè in extre-
 mo.

199.

CANINII naufragio] De quo etiam 202:
 22 his uerbis: Volo etiam scire de naufragio Caniniano
 22 quid sit.

199.

Εἰς ἀποθέωσιν] Ad consecrationem filiae. E-
 TIAM OTHONEM VIDE: etiam: quasi,
 iterum: nam dixerat iam, Othonem conuenias per-
 uelim. Iterum, inquit, te admoneo de Othone conue-

niendo . nam VIDE ualet conueni & alloquere.
 ut illud libro IIII. 61. Grauius se acturum cum
 Aquilio, confirmauit. uidebis ergo hominem. Et XII.
 189 : Septimium uide. Et ibidem : Apuleium prædia-
 torem uidebis.

Ex epistola XXXVI. pagina 199:

NOSTRO cognato.] Fratris mei, & sororis tuæ filio . qui erat in Hispania cum Casare aduersus Pompeij liberos bellum gerente, & Ciceroni patruo detrahebat . fuisse autem in Hispania, constat non solum ex proxime sequentibus uerbis , sed etiam ex illis 188. Cum à fratre familiaritate & omni gratia uinceretur.

199:

DOLABELLA obscure,] Manifestum est, subintelligi uerbum, Scripsit : scripsit autem ex Hispania: nam ei bello interfuit ; ut aperte indicat illud II. Philippica. Ter depugnauit Casar cum ciuibus, in Thesalia, Africa, Hispania. omnibus his pugnis affuit Dolabella, in Hispaniensi etiam uulnus accepit. Postea cum in Italiam reuertisset, coram de Quinti maledictis & iniurijs cum Cicerone locutus est. 206.

199:

FIRMITATEM,] Nam imbecilliore animo uidebatur esse, qui filiae mortem tandiu lugeret. Quod putas, inquit, cogitandum mihi iam esse de animi mei firmitate.

199:

ADIVVANDVM : tu effice &c.] ADIVVANDVM : dolore liberandum : quippe qui

COMMENTARIVS

etiam consolatorium librum scripserit ad se ipsum.

EFFICE : effice, ut hortos habeam, ut erecto moni-
mento filiam consecrare possim. HOC MIHI
DEBERE VIDEOR : uideor fanum filiae de-
bere, neque dolore posse liberari, nisi id, quod debeo, sol-
» uero. Idem supra, 190: Quasi uoto quodam, & pro-
» misso me teneri puto. & 201: QVALEM VO-
LO : qui mihi appositus uideatur ad filiam consecran-
dam. ISTOS HORTOS : Scapulanos.
PARTIBVS QVATVOR FACTIS
LICERI COGITANT : quatuor enim erant
cohæredes, Otho, Mustella, Crispus, Virgilius. 202. 205:
124: PVBLICATVS : ut publice uendatur.
Et quod addit, Qui est Trebonij, & Cusnij : tum non
erat, sed fuerat : sicut & hortos Scapulae appellat, iam
mortui. 200: ERAT AD ME ALLATVS :
optio mihi delata est emendi. SCIS AREAM
ESSE : scis in eo ædificati nihil esse, quo maiore im-
pensa fanum esset extruendum. nam si ædificati ali-
quid esset; ueteris ædificij materia ad fani constructio-
nem utens, sumptum facerem multo minorem.
PLACENT : horti. AEDIFICATIO :
scribis, te abhorrere à Drusi hortis, quod minor in ijs
quàm tu uelles ædificatio sit. id (inquit Cicero) me non
mouet : nam ego nihil ibi cogito ædificare præter fa-
num : quod omnino ædificaturus sum, etiam si illos nō
habuero. ædificationem autem uoluisset Atticus esse ma-
iorem in hortis Drusi, ut in fanum deinde minus insu-
meretur : quippe quod ex ipsa ædificatione fieri posset,
impensa multo minore, q̄ si materia fieret importata.

EX

Ex epistola XXXVII. pagina 200.

SVADES] suades, ut certos tabellarios instituam. RESPONDEBANT TEMPO=RI: ibant, redibant ad utrumque nostrum, ea ipsa, qua expectabatur, hora. ERAT ALIQUID &c. Erat quod scriberemus de Silio, de Druso, alijs præterea de rebus. ID IPSVM DILATVM EST: scribere solebamus de Othone, id est de hortis Scapulanis. nunc etiam hoc argumētum literarum ad aliquod tempus est ereptum. abes enim, (erat autem in suburba no, ut patet 198:) & Othonem, qui Romæ est, de hortis colloqui non potes. ita sequitur, ut nec scribere de eo quidquā possis, usque dum in urbem redieris. TAMEN ALLEVOR: etsi ad scribendum argumēti nihil habeo, quādo id ipsum de Othone dilatum est: scribo tamē, quia doloris acerbitem minus sentio, cū tecum quasi loqui uideor.

Ex epist. XXXVIII. pag. 200.

CAESARIS uituperatio] Liber à Cesare scriptus contra Catonem, Ciceronis libro laudatum. Infra, 201. Hircij epistola quasi πρόπλασμα uidetur eius uituperationis, quam Caesar scripsit de Catone. Laudationē suam Cicero inscripsit, Cato; uituperationem Caesar, Anticatores. PERSPEXI EX EO LIBRO: ex Hircij libro contra Catonem scripto coniiciebat Cicero, qualis esset futura Caesaris uituperatio. cū. n. in suo libro Hircius collegisset uitia Catonis, sed cum maximis Ciceronis laudibus; Caesar autem eū

XX

COMMENTARIUS

librum uidisset : (neque enim aliter putandum est , cum Hircius cum Cæsare esset in Hispania bellum gerente) magno id erat argumento , eas Ciceronis laudes Cæsarem probasse . alioqui exire librum passus non esset ; neque Hircio permisisset , ut ad Ciceronem mitteret . ex eo coniecturam Cicero capiebat , Cæsarem acerbius in se nihil scripsisse in suo libro , cuius laudes in alieno probasset. 200.

συμβουλευτικὸν sæpe conor :] Sæpe conor aliquid ad Cæsarem scribere de ordinanda Republica . συμβουλευτικὸν , consilij plenum , quod deliberationem contineat. EIVSMODI : nam si dixero , quæ mihi honesta sint ; illi grata non erunt : rursus si , quæ illi grata ; mea persona minus digna uidebuntur . Idē 213 :

200:

DVM tua me domus leuabat ,] si , dum tuæ domi fui , nemo est à me exclusus ; nemo unquam ad me uenit , quin comiter & humaniter acciperetur : quid est , cur me quisquam dicat dolore uictum iacere ? quando neque , dum apud te fui , quenquam seuerius accepi ; neque , dum Asturæ , cessauī , sed & multa scripsi , et eius generis , quod certe abiecto animo facere nemo posset. LEVABAT : delectabat : nam domi suæ Cicero non sine summo dolore potuisset esse , quæ memoriam amissæ filiae representaret . eademq ; causa Tusculanum , quasi admonitionem Tulliolæ , refugiebat : ut infra 202 : NVNC IPSVM : similiter locutus est 101 : 123 . 190.

200:

DISCESSVS] Post XVI. Cal. Februarij ,

senatores plerique Romā discedebant, quodd senatus reli-
quis Ianuarij diebus per legem Pupiam haberi non po-
terat, ac ne Februario quidem toto, nisi perfectis, aut re-
fectis legationibus. Ad Appium libro III. 40. In ip-
sum discessum senatus incidisse credo meas literas.

H V I V S T E M P O R I S : apta ad oblectandū.
hilaritatis enim tempus illud erat; quo senatores, laxa-
ti à curis, animi causa exhibant. I S, Q V I O-
P T I M A S B A I A S H A B E B A T : qui se ta-
men huc, suis Baijs omiſſis, quotannis conferebat; quodd
hunc recessum amaret, Baianam illam frequentiam fu-
geret. quem significet, diuinare non facile est.

200:

A L I V D tua gratia, aliud nostra,] Partim tua
gratia, partim nostra. E X C L V D E M V R : ue-
rebatur, ne heredes Scapulæ hortos Scapulanos præconi
non subijcerent; sed ipsi inter se licerentur, omnibus ex-
clusis. Si igitur inquit, præconi non subijciuntur, ego
» excludor. Et supra 199: Heredes Scapulæ si istos hor-
» tos, ut scribis tibi Othonem dixisse, partibus quatuor fa-
» ctis liceri cogitant; nihil est scilicet emptori loci. S I N
A D T A B V L A M V E N I M V S : sin præconi
subijciuntur, et auctio fiet. nā T A B V L A M posuit pro
auctione; quodd auctioſis signū tabula figebatur. In ora-
» tione pro Cæcina, Ebutio, inquit, negotiū datur. adest ad
» tabulā, licetur Ebutius. O T H O N I S : Scapulæ
heredis, qui & ipse ad hortorū emptionem animū adie-
cerat. Quanquam, inquit, locuples sit Otho : tamen
mea cupiditas efficiet, ut eum in auctione uincam.
» Infra 202. De Othone, diffido, fortasse quia cupio :

XX ij

COMMENTARIUS

» sed tamen maior etiam res est, quàm facultates nostræ,
» præsertim aduersario & cupido, & locuplete, & hære
» de. & 203. Difficile certamen cum cupido, cum locu
» plete, & hærede. & 216. Si Faberius nobis nomen il
» lud explicat : noli quærere, quanti : Othonem uincas
» uolo. 200:

DE LENTULO &c.] Quod scribis, uiden-
dum esse, ut à Lentulo exigamus : res in eo non est : id
parui refert : magis laborandum de pecunia Faberia-
na : quam si exigimus, quòd uelim enitare ; conseque-
mur quod uolumus, ut hortos habeamus. Faberiani
nominis cum alibi supra, tum 196. meminit his uerbis:
” Cum ijs communices, quantopere, & quare uelim hor-
” tos ; sed ita posse, si expediatur illud Faberianum.

Ex epistola XXXIX. pag. 201.

QV A M sit φιλαίτιον συμφορά,] Quàm sit que
rula res calamitas : quàm facile querantur, qui in cala-
lamine sunt . Tacite Atticum hortatur , ut de fano
maiorē adhibeat diligentiam, cum sciat, quàm sit φιλαί-
τιον συμφορά. quod apertius paulo post : Nisi fanum
fieri uidero , incurſabit in te dolor meus. MINIME
ME IN TE QV IDEM : minime ego quidem
tecum queror : minime ego te accuſo, quod hortos ad-
huc non inueneris : ſed tamen ita auide ſum affectus
de fano, ut, niſi id fieri uidero, incurſaturus in te ſit do-
lor meus. OMNES TVAS &c. ſi me con-
ſolari uiſ, locum fano reperi . hæc eſt una mei conſolan-
di ratio . Paulo poſt : Si me leuari uiſ, hæc eſt ſumma
leuatio, uel, ſi uerum ſcire uiſ, una.

201.

AGET Iniuste,] Iniquum pretium poscet pro
suis hortis. 202: DOMINVM: hortorum Tre
bonij, & Cusini. 199: TVSCVLANVM
PLACET: ubi fanum fiat. Supra 199. & infra
202: PERFICIES: ut locum habeamus ali-
quem, ubi fanum extruere possimus.

201.

Πρόπλασμα] Præfigmentum. qualis, inquit, futu-
ra sit Cæsaris vituperatio de Catone, perspicitur ex ea
epistola, quam ad me Hircius misit. Forte enim Hircius
in epistola idem faciebat, quod in libro suo, ut Catonem
» vituperaret cum laude Ciceronis. Vide illud 200. Per
» spexi ex eo libro, quem Hircius ad me misit.

201:

SCELERE me liberatum non putabo.] Sce-
lerati putantur, qui uota non soluunt. item Cicero sce-
lere se astrictum putabat, donec fanum, quod filia ma-
» nibus promiserat, non fecisset. Infra 202. Ego me ma-
» iore religione, quam quisquam fuit ullius uoti, obstrictus
» puto. Supra 190: Quasi uoto quodam, & promisso
» me teneri puto.

Ex epistola X L. pagina 201:

VIDEBAM enim, quæ scribis:] Cum uide-
rem quæ scribis, te scilicet esse occupatissimum: nullus
à te desideravi diem literarum, hoc est, nunquam de-
sideravi, nunquam expectavi tuas literas. & tamen
etiam, te non habere quod scriberes, intelligebam.

XX iij

COMMENTARIVS

MITTAM : aliquem ex meis, qui tibi à me literas
afferat ; ut habeas cui tuas ad me dare possis.

201:

NIHIL aliud, scire me, noui te nihil habere.]

Scire me, noui te nihil habere, praterea nihil.

SCRIPSI TAMEN : rectius, ut ego existimo,
Scripsisti tamen. quanquam, inquit, essent inanes tuæ li-
teræ : nescio quid tamen de Clodiæ hortis habebant.

201:

RES &c.] Horti Clodiæ. uellem, inquit, Scapu-
lanos hortos emere : secundum eos, Clodiæ cuperem.

SECUNDVM OTHONEM : hortorū Scap-
ulæ pars ad Othonem heredem peruenerat : ideo di-
cit, secundum Othonem, pro secundum hortos Scapulæ :
quo modo & infra paulo post, Malim primum Otho-
nis, deinde Clodiæ, eosdem Scapulæ hortos significans.

201:

ILLVD alterum quàm sit difficile,] Scapula-
nos hortos habere, scis difficile esse. Cur difficile ? quod
& magni pretij res erat ; & eorum hortorum quam
partem Otho habebat, tantum aberat, ut uellet uende-
re, ut etiam à cohæredibus reliquas partes emere cogi-
taret. difficile igitur erat Othonem in emptione uince-
re, qui & cupidus erat, & locuples, et heres. 202. 203.

EXCOGITEMVS : si neque Clodiæ, neque O-
thonis hortos consequi possumus ; enitamur, ut aliud
quidpiam ad fanum excogitemus. Quod idem infra
his uerbis : Si ista minus confici possunt, effice quiduis.

201:

AUT Domum] Romam. Supra 201.

201:

VT id ipsum, quod facis, faceres:] Vt domi te includeres rationum causa. contulerat enim se Atticus in suburbanum, ut rationes suas commodius posset conficere, interpellatione sublata. deinde uenit in mentem, idem illud Romæ posse facere, si se domi includeret. itaq; fecit. 202:203.

201:

COMMODIVS] Romæ, quàm in suburba-
no.

Ex epistola XLI. pagina 201.

QVOD scies recte illam rem &c.] Deprauatus locus: neque scripti libri dissentiunt ab impressis. quodd si coniecturis locus esset, quas ego probare non soleo, nisi cum ad literam admodum accedunt; legerẽ sic: Quod scribis, veri te, illam rem fore leuamento: bene facis: quanquam id esset, mihi crede, perinde, ut existimare tu non posses. ut ILLAM REM fanũ intelligas: & uerbum ESSET referas ad dictio-
nem LEVAMENTO. In epistola ad Pætum si-
militer ferè locutus est, cum inquit: Gaudeo perspectã
tibi esse curam meam ualitudinis tuæ: sed mihi crede,
nõ, ut est reapse, ex literis perspicere potuisti. PER-
INDE VT EXISTIMARE TV NON
POSSES: maiori leuamento, quàm tu existimare
posses. 202.

DIFFIDO,] Me posse eum uincere in horto-
rum licitatione. 200: ADVERSARIO: Otho-
ne: qui & ipse eosdem Scapulæ hortos à cohæredibus

XX iij

» suis emere uoluisset. Infra 203. Difficile certamen cū
 » cupido, cum locuplete, cum hærede.

202.

ISTA] Ut neque Scapulæ possim, neque Clo-
 diæ hortos habere. MAIORE RELIGIO-
 NE &c. fanum filie manibus promissum donec fa-
 ciam, maiore me religione obstrictum puto, quàm qui
 uota non persoluunt. 190:202. TREBONIA-
 NOS: hortos: de quibus 199:201. DOMINI:
 unum dominum nominat 201. sed numero multitudi-
 nis usus est, quia, dominus quisnam esset, ignorabat: ut
 200: NE AESTAS EFFLUAT: conside-
 randum tibi est & de hortis, & de Tusculano: ut, si
 hortos non inuenis, Tusculano utamur: ne aestas ef-
 fluat: hoc est, ut omnino fanum hac æstate absoluator.
 201.214:

Ex epist. XLII. pag. 202.

συμπάθως] Cōdolenter: scripserat enim Hircius,
 Ciceronis casum se dolere de filie morte. TVE-
 NIM ETIAM HUMANIVS: nā si illam
 epistolam misisses, meum dolorem quasi tractando re-
 nouasses. ILLIVS LIBRVM: 200. 202:
 ILLIVS MAIOR LAVDATIO: Cato-
 nis. 202.

AGIS,] De hortis. 203. 207. A' PON-
 TIANO: à quo tempore eius amicū, uel affiné
 defendi Pontianum.

202.

UT aditus sit emptori?] Ut in auctione ueneat.

nam ad emptionem aditus est omnibus, cum quid per præconem uenditur. Verebatur autem, ne cohæredes ipsi inter se licerentur, omnibus exclusis. Supra 199:

- » Hæredes, inquit, Scapulæ si istos hortos liceri cogitant;
 » nihil est scilicet emptori loci: sin uenibunt; quid fieri
 » possit, uidebimus. Et 200: De hortis Scapulanis hoc uir
 » detur effici posse, ut præconi subiciantur. id nisi fit,
 » excludemur. sin ad tabulam uenimus, uincemus factas
 » cultates Othonis nostra cupiditate. PER QUEM
 VIS HAEREDEM: ex quatuor hæredibus Scapu-
 pulæ si unus modo, quilibet, adnitetur, ut horti Scapu-
 lani præconi subiciantur; perficiet. MVS TE-
 LAM: qui erat unus ex hæredibus. 205: ἐγγύαμα:
 ubi in senectute uinam.

202:

- ὁικὸς ἐπὶ οὐρανῷ.] Nō satis officio patris familiæ cō-
 uenire. fortasse quia non essent ita fructuosi horti, ut
 Scapulani. fructum enim & utilitatem spectare de-
 bet paterfamilias. IN VILLA ISTA? sine
 fructu. OTHONIS: hortos, quos hæres Otho
 cupit. 201: DRUSO LVDVS EST SVG-
 GERENDVS: aliquod malitiæ genus est excogi-
 tandum, ut suos nobis hortos Drusus uendat æquiore
 pretio. pro hortis suis iniqua postulabat Drusus. quod
 » indicare uidetur illud, si Silius nolet, Drusus aget iniu-
 » ste, 201. Et quoniam uenditorem artificio decipere cum
 uolumus, aliquem subornamus, qui pretium non nisi mi-
 nimum promittat, ut ille sua spe deiectus ad æquio-
 ra descendat, et nobiscū transigat multo minoris, quàm
 quanti prius dixerat: aut hoc, aut quidpiam huius ge-

COMMENTARIUS

neris significat, cum dicit, Druso ludus est suggerendus.
VTENDVM TVSCVLANO: fanum in
Tusculano faciundum. 199. 201.

202:

DOMI te inclusisti,] Ut rationes conficeres.
» Quod intelligit & supra 201: cum dicit: Venerat mi
» hi in mentem monere te, ut id ipsum, quod facis, face=
» res: putabam enim, cōmodius te idem istud domi agere
» posse interpellatione sublata. Et infra 203: Velim sci=
» re, quid tibi restet, aut iam ne confeceris.

202:

CONTVDI enim animum,] Cum abhorre=
ret à Tusculano, quod quasi admonitio uideretur amis=
se filie; suspensus & incertus per aliquot dies ancipiti
consilio pependit, utrum Lanuuius in Tusculanum, an
» Romam se conferret: itaque 201. Postridie, inquit, Iduiū
» Lanuuij constitui manere, inde postridie in Tusculano,
» aut Romæ. Et 201: Ego me hinc postridie exiturum
» puto, sed aut in Tusculanum, aut domum. Et ibidem:
» Ego postridie Iduum Lanuuij manere constitui, inde aut
» Romæ, aut in Tusculano. et 214: Proficiscar hinc, quod
» autem Lanuuius? conor equidem in Tusculanum, sed
» faciam te statim certiore. Tandem uicit animum re=
pugnantem, & in Tusculanū profectus est. 201: 202.

CONTVDI ANIMVM: pugnaui cum ani=
» mo meo. Idem 203. Vincam, opinor, animum: Lanu=
» uio pergā in Tusculanum. SIMODO PER=
MANSERO: si modo in hac sententia permane=
bo, ut in Tusculanum eam.

NEC Cartini &c.] Narrabat Philotimus, tan-
 tum abesse ut Pompeius Cartini teneretur, ut etiam bel-
 lum esset adhuc satis magnū. CARTINI: rectius
 puto, Carteia: nam, Cartini, mendosa dictio uidetur;
 cū in Hispania, qui hoc nomine appelletur, locus omni-
 no sit nullus. Carteia autem in extrema BatICA oppi-
 dum est ad mare Ibericum, quod Cn. Pompeius Magni
 filius ex fuga se recepit, magno praelio uictus à Casare
 ad Mundam. auctor est, qui librum scripsit de bello
 Hispaniensi. TENERI: quia sine copijs ex-
 ire non audebat: ad extremum, seditione concitata,
 Carteiensium XXX naues longas occupauit, & pro-
 fugit. auctor idem. QUADERE &c. Clo-
 dius Patavinus acceperat literas ex Hispania, Pompe-
 ium Carteia teneri. SEIDFACTVM AR-
 BITRARI: cum dicerent, quod in literis ad Clo-
 dium missis esset scriptum, se id arbitrari uere scriptū
 esse, ut Pompeius Carteia teneretur. FVLVIA-
 STER: Fuluius similis, solet Fuluium imitari, qui
 pro Pompeio facile mentiebatur. solet esse mendax pro
 Pompeio: itaque non uidetur ei magnopere creden-
 dum. 162: NAVFRAGIO CANINIA
 NO: 199.

Ex epist. XLIII. pag. 202:

DVO magna συντάγματα.] Duos libros Acade-
 micos, & quinque de finibus. quæ scripsit Casare in Hi-
 spania bellum gerente contra Pompeij liberos. AB-
 ERRARE: 199: Ego hic scribendo dies totos nihil

equidem lenior, sed tamen aberro. OPTIME: quodd ualeat. Supra meminit de Atticæ inualetudine. ἀκνηδία: torpido. scripserat enim Atticus, insolita quadā torpedine se teneri: quam græco uerbo ἀκνηδία nominauerat. est autem unum ex indicijis, quæ morbum prænunciare dicit Hippocrates. ET SI SCRIBIS NIHIL ESSE: etsi scribis, nullius periculi rem esse. 202:

ἀνερτότερον] Dolor ex interitu filiae tolerabilior Asturæ, quàm in Tusculano. Ut etiam 214: Locū habeo nullum, ubi facilius esse possim, quàm Asturæ. MAGIS ANGVNT &c. magis autem angent in Tusculano, ex filiae recordatione: itaque ἀνερτότερον hic erant. 202:

ET SI tamen] Pro quanquam Cicero dixit tamenetsi; ut in epistola ad Plancium, sed tamenetsi antea scripsi, quæ existimaui scribi oportere: tamen hoc tempore breuiter commonendum putauī, ne quo periculo te proprio existimares esse. quodd si tamenetsi pro tamenetsi ponitur: cur, Etsi tamen, reijciamus? præsertim cum idem Cicero &, Etiam si, dixerit, &, Si etiam, eodem sensu: ut in oratione de Aruspicum responsis: Cuius si etiam uim, & grauitatem illam singularem ac penè diuinam assequi possem: tamen non dubito, quin ea tela etc. Expono igitur, ET SI TAMEN, tamenetsi; uel, quod usitatus est, tamenetsi. ILLA: quæ refricant dolorem. in Tusculano, inquit, magis angor: sed ubique tamen angor: ubique enim refricat amissa filiae recordatio, quanquam magis in Tusculano.

202:

DE Casare uicina & c.] In colle Quirinali & Quirini templum erat, et Salutis ædes, Salutis auguriū dicta. cum autem in Quirini templo statua Casaris posita esset, cum hac inscriptione, Σεω ἀνικτω, ut scribit Dion libro XLIII. facete ominatur Cicero, & ait, eum σούναον Quirini malo, quàm Salutis: id est, Salutis in templo Casarem esse nolo, ut scilicet seruari ne possit; in Quirini uolo, ut ob tyrannidem, quemadmodum ille, crudeliter à ciuibus occidatur. VICINO autem intelligit Attici. & paulo post per iocum, Domum, inquit, tuam pluris uideo futuram uicino Casare. Domū enim Atticus habebat in colle Quirinali, ab auunculo hereditate relicta, ut in ipsius uita Nepos tradit: & habebat prope Quirini téplum, ut in primo de Legibus scriptum est: & P. Victor in VI. regione statim post templū Quirini collocat ædes Attici, eademq; in regione Salutis ædem statuit in colle Quirinali. Vnde illud 53. Tuae uicinæ Salutis. σούναον QVIRINI: infra ipse se exponit (215:) cum dicit, hunc, Quirini contubernalem.

202:

HIRCIVM:] Librum ab Hircio scriptum contra Catonem. AMICI NOSTRI: Hircij.

Ex epistola XLIIII. pagina 203.

VINCAM, opinor, animum] Tusculanum fugiebat, quod eius loci, ubi Tulliola perierat, aspectus renouare dolorem uideretur. itaque supra 202: Contradi animum, & fortasse uici. & infra, 214: Conor equidem in Tusculano. non dixit Cogito, sed Conor, ut in

uitus, & animo repugnante. FVND O ILLO:
Tusculano. MANEBIT: æternus erit. erit qui-
dem dolor meus uitæ æqualis, tantum aliquanto leuior:
dies enim mitigabit. quod si Tusculanum, quasi admo-
nitionem filiæ, refugio: aut ed mihi nunquam eundum
est: (nam dolor idem manebit) aut, si iturus ali-
quando sum, nescio quid intersit, utrum nunc eam,
an ad decem annos. ADMONITIO: Tuscu-
lanum. cuius aspectus admonitio quædam amissæ filiæ
uidebatur. non est, inquit, grauior is dolor, quem ex
Tusculani conspectu capio, quàm qui me dies noctesq;
côficit. QVIBVS ASSIDVE &c. quæ erant
istæ admonitiones, quibus assidue Cicero conficiebatur
uirtutes Tulliolæ.

Ex epistola XLV. pagina 203.

TV igitur,] Subaudi, ad me uenies. VEL
BINAE: priusquàm ad me uenias, uel binas uterque
dare literas poterimus. OCCVRRAM: ue-
niam ipse ad te, si tu ad me minus commode poteris.

203.

MAGNUM opus est.] Ut Scapulanos hortos
habeamus: primum, quod emptori esse aditum heredes
nolunt: (199:) deinde, quod, etiam si permittant, mihi ta-
men in auctione certamen impendet cum Othone, id
est cum cupido, cum locuplete, cum herede. 202.
AD CLODIAM: ut potius de Clodianis hortis
cogitem. EXPLORANDVM EST: uiden-
dum, quid de eo nomine sperare possimus. sine quo neu-
trum possemus, neque Scapulæ hortos emere, neque Clo

diæ. CUM BALBO : quo adiuuante, nomen
 Faberianum facile potuisset expediri: quodd absente Cæ
 sare, cum Oppio Remp. administrabat; & quæ illi egis
 sent, Cæsar omnia probabat. Supra 196. Communices,
 inquit, cum Balbo & Oppio, quantopere & quare ue
 lim hortos; sed ita posse, si expediatur illud Faberianū.

NEC AVDERE INCERTO : non au
 deo hortos emere, incerto isto nomine, hoc est, nisi cer
 tus sim pecuniam à Faberio futuram. QVIA
 TANTI REM AESTIMAS: hic aliquis ex
 poneret; quia scribis, Clodiæ tibi hortos ualde probari.
 Ego malo sic. quia scribis, Clodiæ hortos multo minoris
 esse, quàm Scapulæ: adductus in hanc sententiam ab
 ipso Cicerone; qui se ipse interpretatur 216. A' Clodia,
 inquit, sperare uideor ob eam causam, quodd & multo
 minoris sunt, & Dolabellæ nomen iam expeditum ui
 detur. At relatiuum TANTI nunquid potest ad
 paruitatem referri? potest. & exemplum est 196: in
 terpretatione nostra satis illustratum. ILLVD:
 hortos Scapulanos. 203.

MAGNA res est,] Magni pretij. CUM
 CVPIDO &c. Othonem intelligit, unum ex cohæ
 redibus, qui & ipse eosdem hortos cupiebat. 200: 201:
 203:

HIRCII librum] In quo colligit uitia Catonis.
 200. 202. 202: ARBITRABAR: eum esse
 mendacem, & illa, quæ dixit de Pompeio, uera nō esse.
 unde illud 202: Solet omnino esse Fuluiaster. PLV
 RIS VIDEO FUTVRAM: uideo fore ut
 pluris æstimetur. locatur. VICINO CAESA=

COMMENTARIVS

RE: nō quodd ille prope te habitat, sed quodd eius statua sit in templo Quirini, à quo templo non longe abest tua domus. 202.

Ex epistola XLVI. pagina 203:

CONFECERIS.] Rationes. 201: 202.

TOTVS: cum uniuersa familia. QVOD LICEBIT: quot, in antiquis libris. Ego, quotus. ut dicat, TV AD ME, QVOTVS LICEBIT: pro, cum tot comitibus, quot mea uilla poterit recipere. unde illud apud Horatium in epistola ad Torquatum: Tu, quotus esse uelis, rescribe; & rebus omissis, Atria seruantes postico falle clientem. Quotus esse uelis, dixit, id est, quot comites uelis tecum adducere. Et Martialis: Dic, quotus es, quanti cupias coenare: eodem sensu.

Ex epistola XLVII. pagina 203:

COGNATIONEM,] Quia Ciceronis auus amitam C. Marij septies Consulis in matrimonio habuerat. libro III. de Legibus. QVEM SCRIPSISEM: Cicero scripsit uersibus librū de C. Mario, eumq; in scripsit, Marius. libro I. de Legibus. L. CRASSI AVISVI: L. Licinij Crassi, oratoris eloquentissimi, qui Consul fuit cum Q. Mutio Scaeuola. AVISVI: materni. Etiam 225. appellat eū L. Crassi nepotē. VT SE DEFENDEREM: contra eos, qui negabant C. Marij nepotem esse. Est autē hic, Erophilus ille Equarius medicus, de quo meminit Valerius Maximus cap. XV I. lib. IX. quē Cæsar extra Italiam relegauit, doctus nō C. Marij nepotem, esse, sed

sed Erophilum quendam Equarium. cui deinde post mortem Caesaris unicum esse impactum, quod de interficiendo senatu cogitasset, scribit Cicero Philippica prima. quod etiam significat in sequenti libro 227. PROPINQUIEIVS: C. Marius, ille septem Consulatus insignis, uxorem duxit Iuliam Caesaris amitam. ideo propinquum eius Casarem appellat. Plutarchus in Mario, & Casare: & Suetonius in D. Iulio: qui, eam a Casare pro rostris laudatam, scriptum reliquit. quod et Plutarchus tradidit. 203:

O tempora, & c.] Scripserat Atticus aut sic, aut in hanc ferè sententiam: Curtius Consulatum uellet, sed dubitat petere. O tempora, inquit Cicero cum indignatione: fore, cum dubitet Curtius Consulatum petere? quasi dicat: Curtius igitur Consulatum uellet? infimi igitur homines de Consulatu cogitant? O tempora. FORE: uerbum per se positum: & est figura, ἀποστροφή quam appellat Quintilianus: quam ferè solemus usurpare, cum quid indignantes pronunciamus: quale illud apud Virgilium, Me'ne incepto desistere uitam?

203:

EPISTOLAM ad Casarem tibi misi.] Ut mihi rescriberes, quid & tibi & istis uideretur. Illa epistola Casarem Cicero ad Parthicum bellum cohortabatur. 204: 214: 216:

203.

HORTI] Scapulani: quorum auctio futura erat. paulo post: De Virgilio, ut scribis, hoc tamè uelim scire, quando auctio.

COMMENTARIVS

Ex epistola XLVIII. pagina 203:

SEXTI auctiori] Sextus Peduceus Attici amicissimus quidpiam in auctione uenditurus erat, Attico auctiorem curante amicitiae causa. 204. 205:

Ex epistola XLIX. pagina 204.

SI unus esses.] Si te unum haberem, minus solus essem, quam cum multos habeo: maiorem enim ex tuo unius, quam ex multorum sermone delectationem capio. A PEDUCEO: post auctiorem Peducei. ut 216: Ab ea igitur ad me uenies. ETIAM ANTE: non nihil significas, te esse uenturum etiam ante Peducei auctiorem.

204.

QUANDO auctio.] Hortorum Scapulanorum. nam Virgilius unus ex coheredibus Scapulanis: quod infra 214: non obscure perspicitur: scribit enim sic: De Virgilij parte ualde probo. sic ages igitur. & quidem id erit primum, proximum Clodia. Et 303: Horti quam in diem proscripti sint, uelim ad me scribas.

203.

UT tempora,] Ut postulant tempora. nihil enim scripsi in ea epistola, nisi quod optimum ciuem deceret, sed ut temporibus tamen paruerim. quasi dicat: non plane tamen quod sentiebam, edidi. quid agas? tempora ita ferunt. De eadem epistola paulo ante. ISTI: Caesariani. SIMULATIO: nam si eos simulare senseris, pro eo accipiam, quasi epistolam repudiarint.

204.
 DE Cerelia] Huic debebat. 212. hæc est, quam
 epistolarum, quæ familiares uocantur, libro XIII. com-
 mendat P. Seruilio. PERSCRPTIONEM:
 solutionem. perscribimus enim in tabulis, cui data pecu-
 nia sit. HOC METVERE: uereris, ne sit
 contra dignitatem meam, si ego diutius debeam.
 ALTERVM: perscriptionem. non metuis, ne non
 sit, unde soluamus. Ita locutus est 238. SVSTI-
 NENDA SOLVTIO: uidendum nobis est, ut
 ne Cereliæ prius soluamus, quam de Metone & Fabe-
 rio debitoribus nostris sciamus: uidelicet, an possint &
 ipsi nobis soluere, & id quando uelint.

Ex epistola L. pagina 204.

PROFECTVS est.] Athenas. PRAES
 PRO FLAMINIO: 233:

204:
 QUID egeris,] Num ostenderis ijs, quibus scis
 ostendi me uelle. DE SILIO: de hortis Silij. su-
 pra.

204:
 SPINTHEREM] Opinor intelligi filium
 P. Cornelij Lentuli, eius, quem ab assecla quodam Spin-
 theris cognomen sumpsisse Valerius tradit. nam pater
 iam perierat, ut in libro de claris oratoribus. & Spin-
 theris cognomine filium quoque Plutarchus appellat in
 Casare. 207. 226:

204:
 SECVRIES animi,] Non laboras. Libros de
 philosophia his temporibus Cicero scribebat: quorum
 argumentum & sententias ferè sumebat à Græcis; uer-

YY ij

bisq; utebatur non admodum consuetudine tritis, cum
 Græcorum uerborum uim exprimere Latinis uerbis co-
 geretur, idq; consequi non posset usitatis: ut in eo nimium
 libertatis assumens, de lingua Latina minimum labora-
 re uideretur. TALIA: de philosophia. quos autē
 libros, non scribit: quod, tam propè cum essent, ut non
 modo per literas, sed etiam præsentes sæpe colloqueren-
 tur, nominare uidebatur esse minus necessarium.
 ἀπόγραφα S V N T: hæc, quæ scribo, non scribo cum
 labore, quum è Græcorum libris descripta transferam
 in meos. VERBA TANTVM AFFERO:
 uerba affero de meo, res mutuor à Græcis.

Ex epistola LI. pagina 204:

EPIROTICAE literæ] Quas in Epirū scribis
 tuorū negotiorum causa. FASCICVLVM:
 quem in Epirū mittis, ut ex Epiro deinde Athenas defe-
 rantur: nam Athenis erant Martianus & Montanus
 cum Ciceronis filio.

IN LIBRVM XIII. CICERONIS EPI-
STOLARVM AD ATTICVM,
PAVLI MANVTII COM-
MENTARIVS.

Ex epist. I. pag. 204.

- CICERONEM] Filium. SEVE-
C RIVS: obiurgans eum, quod immoderatos
sumptus faceret. quod indicat illud 222.
» Turpe est nobis illum, qualiscunque est, hoc primo anno
» egere: post moderabimur diligentius. MAGIS,
» QVAM QVEMADMODVM: dictio Quam
» uidetur abũdare. sic infra, Nec in hac quidem re quid-
» quã magis, ut uellẽ, accidere potuit. TVLLIOS:
» Martianum & Montanum, qui cũ Cicerone filio Athe-
» nis erant. quod illud ostendit 204. L. Tullium Monta-
» num nosti, qui cum Cicerone profectus est. Et illud, Misi
» ad te epistolas ad Martianum, & Montanum.

AVT ISTA PROFICIENT: Ista, hac dili-
gentia, qua tu in literis tuis ad Ciceronem & ad Tul-
lios usus es. PROFICIENT, ut Cicero in sum-
ptibus sit restrictior. 205.

DE pecunia] A' debitoribus exigenda, ut hor-
tos emere posset. OB EAM CAVSAM,
QVAE SVSCEPTA EST: ob fanum, quo
filiam consecrare deliberatum est. CUIVS FE-
STINATIONEM MIHI TOLLIS: non
uis me festinare, neque pateris ut ego te urgeam, cum

XX iiij

COMMENTARIUS

hac æstate nos, quod uolumus, habituros affirmes.

205.

ISTIS placeat] ISTIS, *Cæsarianis.*
PLACEAT, *mittenda sit ad Cæsarem, nec ne.* 204.
NICIAS: *hic erat apud Ciceronem.* 294. 204:
QUANTI PATREM FECI: *cuius Quaestor*
Cicero fuerat in Sicilia, auctore Pediano. ET SI
DE EPISTOLA: *ad Cæsare: de qua paulo ante.*

Ex epistola II. pagina 205.

CELERITAS tua,] *In scribendo.* RES
IPSA: *quam scripsisti: qua nihil potest esse indignius.*
HUMANITATEM OMNEM: *omnem*
sensum humanitatis: ut iam neque dolere ullo damno,
neque letari ullo commodo possimus. id autem ob inte-
ritum filiae: qua amissa, nihil iam in reliqua uita sibi esse
curandum statuebat.

205.

VERUNTAMEN.] *Expectabam. Et est*
figura, qua usus est 227. 229. & in epistola ad Tironē
» *his uerbis: Confice professionem: etsi hac pecunia ex eo*
» *genere est, ut professione non egeat: ueruntamen.*

205:

EPISTOLAS] *Quibus eos Cicero rogabat,*
ut exactionem Faberiani nominis adiuuarent. nam &
» *supra 196. Cum Oppio, inquit, & Balbo communices,*
» *quantopere, & quare uelim hortos; sed ita posse, si ex-*
pediatur illud Faberianū. ET TAMEN: quāz
quam ad Oppium & Balbum scripsi de Faberio: tu ta-
men sicubi Pisonem poteris cōuenias, ut cū eo de auro

colloquaris. Et, opinor, hoc intelligit, ut ad emptionem
hortorum auream pecuniam à Pifone argentario mu-
tuam sumeret usura pendenda: uel: ut argentea pecu-
nia Pifoni daretur, Pifo auream redderet. Pifonem au-
tem argentarium fuisse, indicat illud 186: Ad Aulum
scripsi, ut ea, quæ bene nossem de auro, Pifoni demon-
strarem. quo etiam loco de permutatione agitur. Et in-
fra 206. Si quid poteris, inquit, cum Pifone conficies:
Aulus enim uidetur in officio futurus. utrobique enim
Auli mentio: et utrobique eius opera apud Pifonem Ci-
cero uidetur uti. De Pifone autem 206. 208. 208:
227: 205.

ATTRIBVATUR,] Numeretur, solua-
tur. Attributam pecuniâ Pedianus dicit esse, quam in
stipendium militum ex ærario depromptam Tribuni
ærarij Quæstoribus adnumerabant. idem ferè M. Var-
ro. sed à rebus publicis transferri ad priuatas, docet il-
lud 253. Maxime autem me angit ratio reliquorum
meorum. quæ quanquam explicata sunt; tamen, quodd
Dolabella nomen in his est, & attributio est mihi no-
minum ignota, conturbor. Et item illud in epistola ad
Tironem: De attributione conficies. De representatio-
ne uidebis. De domesticis rebus hætenus. de publicis
omnia mihi certa, quid Octanius, quid Antonius.
ACCIPIES AB EROTE: cognosces ab E-
rote quantum nobis à Faberio debeat. is enim Cice-
ronis rationes procurabat. 247: 248. 254. 264:

205.

ARIOBARZANIS filius] Eius, quem à
Mithridate fuisse expulsam legitur in oratione pro lege

XX iiij

COMMENTARIVS

Manilia. EVM SESTIVS NOSTER PAROCHIIIS PVBLICIS OCCVPA-
VIT: ei Sestius noster & domum iam & omnia ad
viētum necessaria de publico curauit. PARO-
CHII S, præbitionibus: & parochus, qui huic mune-
neri præerat, ut sumptu publico siue legatos, siue alios
muneribus ornaret, aut etiā aleret. & dixit OCCV-
PAVIT, quasi ante me cepit, ut ego eum frustra sim
inuitaturus. quale illud in Tusculanis, opinor, quæstioni-
bus: Occupaui te fortuna, atq; cepi, omnesq; aditus tuos
interclusi, ut ad me aspirare non posses. Legendus Acrō-
in illud Horatiij, Proxima Campano Ponti quæ uillu-
la tectum Præbuit, & Parochi quæ prebent ligna, sa-
lemq;. SUMMO BENEFICIO MEO:
nam Ariobarzanem eius fratrem, Cappadociæ Regem,
præsentibus insidijs nec opinantē liberauerat, regnumq;
ei seruauerat, ut in epistola ad senatum, & in ea, quā
eodem libro ad Catonem scripsit. CVM FRA-
TRIBVS ILLIVS: unum Ariobarzanem ser-
uauit, ut ipse ad senatum & ad Catonem scribit: ut
uideatur, fratre legendum potius, quā fratribus: sed,
repugnantibus antiquis libris, nihil muto.

205:

AVCTIO Peducei:] Cui Atticus dare operā
uolebat. 203: CVM POTERIS ERGO:
ad me uenies. FABERIVS: ex ætio nominis
Faberiani. A' DISCIPVLIS: quos Romæ ha-
bebat. & fortasse is est, qui Cicerones filios docuerat:
de quo supra.

Ex epistola III. pagina 205 :

NON dum scilicet,] Literas equidem à te expe-
ctabam, sed non dum tamen. qui enim tabellarij à te
mane discedunt ; (erat autem Atticus Romæ, Cicero
in Tusculano, ut propinqui maxime essent, 208 :) mane
certe huc peruenire non possunt ; multo etiam minus,
qui meridie. 205 :

ISTA nomina] De quibus ad me scribis. Cice-
ro cum pecuniam non haberet, unde hortos emeret :
Attico mandauerat, ut aliquid uenderet. Atticus in
uenditione non pecuniam accepit ab eo, qui emit, sed
nomina ; ita tamen, si ea nomina Cicero probasset, ad
quæ de ea re scripturus erat. VIDERIS DV-
BITARE : quodd & plura sint nomina ; ut exigi
deinde omnia, nisi magna molestia, non possint : & in
istis nominibus non bonum nomen Celius uideatur.

AD ME REFERS : Atticus ad Ciceronem retu-
lerat de nominibus illis, ut faceret ipse quod liberet : hoc
est, ut illa uel acciperet, uel reijceret, quandoquidem ip-
sius res ageretur. IPSE : si ipse adessem, & meum
negotium gererem. VTRVNQVE LAUDO :
utamur, inquit, his nominibus : nam neque mihi plura
uidentur : & Celium probo.

205 :

FACTVS esset] Germani in suis libris, fa-
ctus es : ego, factus esses : hoc sensu : nisi hæc nomina
haberemus, tu aliquando præ factus esses pro me. Et
quia dixerat ALIQUANDO, incertum tempus
& incertam rem significans : definit, & tempus remq ;

COMMENTARIUS

exprimit, cū infert, IN HIS QUIDEM TABULIS. in his quidem tabulis, quas in hortorū emptione facturus sum, pro me certe spondidisses, nisi hæc haberemus nomina, quæ hortorum uenditoribus dari possent. A ME IGITUR OMNIA: fiet. Ego te de sponſione non rogabo: ipse per me omnia cōficiam.

205:

QVOD dies longiores:] Malim sic, Quod dies longior est: ut intelligatur dies nominum exigēdorum, quā scripserat Atticus abesse longius, quā oporteret. TENEAMVS MODO, QVOD VOLV MVS: &c.] Contingat modo, quod optamus, ut scilicet hortos assequamur. nam quod ad diem nominum attinet, quam scribis longiorem esse: puto fore, ut præco, qui Scapulanos hortos in auctione uēditurus est, non præsentem pecuniam ab emptore poscat, sed diem largiatur solutionis faciendæ non minus lōgam, quā ea dies est, ad quam hæc nomina exigentur. quodd si istā diem præco non concedet; non dubito, quin ab heredibus eam impetremus. itaque utamur his nominibus: neque te ista dies moueat; cum æque longa futura sit ea, quam ad hortorum pretium persoluendum si minus præco, heredes certe dabunt.

205:

VIDEBIS.] Ut in auctione Scapulanorū hortorum, quantum poterint, nos adiuent. Erant enim ex cohæredibus: quod insequens membrum declarat. PARS DVORVM: 206. quæ pars hortorum ad Crispum, quæ ad Mustelam pertineat. EPISTOLA M: mihi à Bruto missam.

Ex epistola IIII. pagina 206.

HABEO munus &c.] Infra 214: ita scribit:
 » Sicunde potes, erues, qui decem legati Mumio fuerint.
 » Polybius non nominat. eorum nomina Atticus inuenit, inuenta misit ad Ciceronem. Habeo, igitur inquit, munus à te elaboratum decem legatorum. Et hic quoque perspicuum est, lapsum esse in ordine qui has epistolas retulit in uolumina: cum infra de nominibus decem legatorum Atticum roget, hic autem ea se dicat accepisse. ET QUIDEM PUTO: puto eos fuisse, quos tu scribis. NAM FILIVS &c. dixerat olim Hortensius Ciceroni; in decem legatis cum L. Mumio ad bellum Achaicum profectis Tuditanum fuisse; cum Tuditanum proauum suum intelligeret, Cicero autem de auo dictum acciperet. Sed Atticus proauum fuisse ostendit, eius patrem, quem Cicero significari ab Hortensio putauerat. Respondet igitur ad epistolam Attici, in qua ille scripserat, in decem legatis fuisse Tuditanum Hortensij proauum; cū Cicero eius filium, Hortensij auum, intelligi putasset. Sensus est: Puto plane fuisse decem legatos, quos ad me scripsisti; & fuisse in ijs Tuditanum Hortensij proauum: ego autem de Tuditano eius filio intellexeram: quem in decem legatis non fuisse, nunc quidem facile credo, cum Quæstor fuerit anno post, quam Quæstor Mumius: ut simile ueri non sit, legatum Mumij fuisse, cum adhuc esset adolescens. uide 206: 216: 217: 218. MUMIVS: L. Mumius Achaicus, qui Cōsul fuit cum L. Cornelio Lentulo, clarus euerfa Corintho. DE NO-

COMMENTARIVS

MINIBVS QV AERIS QVID PLACE
AT : de nominibus legatorum à te scriptis. PLA
CERE : ostēdit sibi placere legatorum nomina, cum
dixit, ET QVIDEM PVTO.

206.

CONFICIES :] De auro. 205. AV
LVS &c. Aulus in eo nos adiuvabit.

206.

VELIM ante possis :] Cuperem, ante Bruti ada
uentum, liceret tibi in Tusculanum ad me uenire.

VT QV AERAT : ut quærat de familiaribus, aut
de seruis Bruti, quo die sit uenturus in Tusculanum.

206.

ET uidelicet :] Et uidelicet puto ita esse. cū enim
ad Corinthum fuerit, & fuerit Consulis frater: consen
taneum est, eum in decem legatis, quos frater habuerit,
fuisse.

Ex epist. V. pag. 206.

VRGE.] Vt hortos suos nobis uendat. IL
LAM DIEM etc.] Intelligit hortos Scapulanos,
cum dicit ILLAM DIEM : cum ISTAM,
Silianos. & diem intelligit solutionis. Torquatus enim
hoc dicebat : Silium concedere, ut hortorum suorum
emptor mense Maio pretium persolueret : hæredes Sca
pulæ tam longam diem non concedere. ideoq; Attici
Cicero hortatur, ut urgeat de Silianis.

206.

DE Crispo, & Mustela] Hoc est de hortis Sca
pulanis : uterque enim hæres erat Scapulæ. 205:

ADVENTVM] Cum in Tusculanum ueniet. IN MAGNO NOSTRO NEGOTIO: de hortis scilicet.

Ex epistola VI. pagina 206.

DE aquæductu] Non in agro, sed in Vrbe.

COLUMNARIUM &c. tributum, quod in singulas columnas domum sustentantes exigeretur, propterea quodd opulentiam significarent habitantium. Cæsar libro III. de bello Ciuili: Acerbissime imperatæ pecunia tota provincia exigebantur. multa præterea generatim ad auaritiam excogitabatur. in capita singula seruorum ac liberorum tributum imponebatur. columna, hostiaria, frumentum, milites, remiges, arma, tormenta, uecturæ imperabantur. VIDE NE NULLUM: malo, VLLUM. ut dicat: Vide, ne in columnarium ullum uectigal incidamus. uide, ut omnino columnarij debitionem effugiamus. Forte quidpiam cum columnis Atticus ædificabat Romæ Ciceronis nomine: ut de columnario deinde pendendo non sine causa Cicero timeret. LEGEM: qua columnarium ante pendebatur. 206.

PISONI &c.] Argentario, pecuniam, Cato=ni pupillo, aut eius tutoribus creditam, repenti.

COHAEREDIBVS: Catonis creditoribus.

DE PVERO LVCVLLO: si de pecunia, quæ Luculli pueri tutor in Achaia sumpsit, Piso aget. erat autem, ut est in proæmio libri III. de Finibus, unus è tutoribus Cicero. CVM ILLIVS OBIVR=

GATORIA: qua Brutus eum obiurgauerat, quodd
interitum filiae mollius ferret, quam uirum deceret. ita
que ipse Brutum solans in morte matris: Est, inquit, alie
num tato uiro, ut es tu, quod alteri praeceperit, id ipsum
facere non posse. me quidem cum rationes, quas college
ras, tum auctoritas tua à nimio moerore deterruit: cū
enim mollius tibi ferre uiderer, quam deceret uirū, prae
sertim eum, qui alios consolari soleret: accusasti me per
literas grauioribus uerbis, quam tua cōsuetudo ferebat.

IVDICIALI MOLESTIA VT CARE
AM: scripserat Atticus, esse qui eius patrociniū in
iudicijs desiderarent. uidebis, inquit Cicero, ne quis mihi
molestus sit, ut eum in iudicio defendam. nam iudicia
li molestia omnino cupio carere.

206:

ISTVM,] Quem tu scribis in decem Mumij le
gatis fuisse. FILIUM: istius Tuditani filiū fuisse
putaram in decem: sed uidelicet assentior tibi, qui pa
trem scribis fuisse, cum filius, qui tum erat adolescens, le
gatus esse nō potuerit. MVMIVM FVISSE
ad Corinthum: cū Lucio fratre, qui eam deleuit. 206.
SPVRIVS: nepos, ut opinor, Spuriū Mumij, quē
dicit ad Corinthum fuisse cum fratre. NVPER
EST * EPISTOLAS &c. tale quidpiā
desideratur, MORTVVS: ut, QVINV
PER EST MORTVVS, legatur. MIS
SAS: à spurio Mumio. QVIN FRATRI
fuerit legatus, non in decem. Proficiscentibus ad bellū
legati dabantur: postea, cum quid prospere gestum es
set, decem insuper legati decernebantur. In oratione

» pro Cornelio Balbo, C. Casarem, inquit, senatus & ge=
 » nere supplicationum amplissimo ornauit, & numero
 » dierum nouo. idem in angustijs ærarij uictorem exer=
 » citum stipendio affecit: Imperatori decem legatos de=
 » creuit. Et de prouincijs consularibus: Actum est de
 » decē legatis: quos alij omnino non dabant, alij exem=
 » pla quærebant, alij tempus differebant, alij sine ullis
 » uerborū ornamentis dabant. in hac quoque re sic sum
 » locutus, ut omnes intelligerent, me id, quod Reip. causa
 » sentirem, facere uberius propter ipsius Casaris dignita=
 » tem. Et in epistola ad Lentulum: Stipendium Cæ=
 » sari decretum est, & decem legati. Fuit igitur Spurius
 Mumius in primis fratris legatis, in decem non fuit.
 ILLVM FRATRI: Sp. Mumium L. Mumio.
 IN PRIMIS EIVS LEGATIS: in ijs,
 quos primum eduxit.

Ex epistola VII. pagina 206:

H A E C cures,] H A E C, quæ ad me scripsisti.
 nam Attici literis respondet.

206:

A' CAESARE] In Hispania bellum gerente
 contra Pōpeij liberos. IN EPISTOLA NO
 STRA: intelligit epistolam, quam ad Casarem scri=
 psit: quam tamen, ut opinor, non misit, quod in
 ea Casaris amici, qui Romæ erant, nimium mul=
 ta mutari uellent. 215. 214. Argumētum autem illius
 epistolæ hoc fuit, ut Casar Remp. constitueret; quæ mi=
 nus firma uideretur, legibus, quas ipse tulerat, negle=
 ctis: deinde ad Parthicum bellum proficisceretur. 217:

COMMENTARIVS

LEGES SVAE : ut de iudijs , de sumptibus , de præmijs eorum , qui plures filios suscepissent . quas leges tulit post bellum Africanum . Dion libro XLIII .

EST ὁ λόγος : uelle Casarem Romæ manere propter eam causam . IDQVE ERAM SVSPICATVS &c. ego item existimaui , fore , ut Casar maxime propter eam causam Romæ uellet manere , ne se absente leges suæ negligerentur . idq; scripsi in epistola ad Casarem . SED ISTIS MOS GERENDVS EST : quibus eam epistolam mitti nō placet . 204. 215 . NISI PLACET &c. nisi tu in hac opinione es , ut hanc ipsam sententiam persequamur , hoc est , ut omnino scriptam epistolam ad Casarem mittamus . 207 .

ET Lentulum cum Metella fecisse diuortium .] Refertur ad illud , Sestius narrabat . DE MVSTELA , AVT SI SILIVM VIDERIS : de hortis Scapulanis , & Silianis . hoc supra ita sæpe narratur , ut hic putidum uideatur explanare .

Ex epistola VIII. pagina 207 .

TRIPLICES remiseras .] Modo à me discesseras , & paulo post ego ad te trinas literas miseram , tuq; ad omnia responderas : ut iam , quod scribam , nihil plane sit . TRIPLICES : non dicit , trinas , sed triplices , quasi , tribus meis epistolis respondentes . Et cum dicit , Paulo post triplices remiseras ; plus dicit ad ostendendam argumēti inopiam , quàm si dixisset , Paulo post trinas ad te miseram . Quod enim tribus epistolis Cicero scripsisset , colligere eadem illa , & in quartam conijcere

conijcere potuisset: quod facere non nunquam solemus. ita scribendi sententiam habuisset. cum autem non modo ipse ad Atticum trinas misisset, sed Atticus ad omnia respondens triplices remisisset: iam plane, quod scriberet, reliquum nihil erat.

207.

CELIANORVM] Vide illud 187: In Bruti epitome Favianorum. A PHILOXENO: mitte Panætij librum de providentia, à Philoxeno sumptum.

Ex epistola IX. pagina 207.

DOLABELLA.] Confectum enim bellum erat in Hispania: cui Dolabella interfuit. & ante Cæsarem in Italiam reuertit. ΕΚΤΕΝΕΣΕΩΝ: cum maiore significatione beneuolentiæ. Et subintelligi perspicuum est, illius sermone. VENTVM EST TAMEN AD QVINTVM: pro, tamen, rectius mea sententia legeretur, tandem: sensu non obscuro. MVLTΑ ἀφ᾽ ἑαυτῶν, ἀδ' ἑαυτῶν: dicebat Dolabella à Quinto filio dicta contra Ciceronem in Hispania: quod et antea literis idē Dolabella obscure significauerat. 199: EXERCITVS: Cæsaris in Hispania. non, inquit, secreto, aut inter paucos mihi male dixit Quintus, sed ita palam, ut exercitus omnis intelligeret. & cū alia in me coniecit ἀφ᾽ ἑαυτῶν, ἀδ' ἑαυτῶν, tum unū eiusmodi, quod ego, nisi exercitus id sciret, non dico Tironi dictare, sed ipse scribere nō auderē. SED HACTENVS: reprimit se. nam cum ostendisset, illud maledictum à Quinto in se collatum ita turpe esse, ut scribendum nō

Z Z

uideretur ; sed scribere tamen se uelle, quando id exercitui notum esset uniuerso : uictus acerbitate rei, scribendi consilium omisit, & intulit, SED HACTENVS, figura utens sententiam terminante.

207:

SECVM egissem,] De re Torquati . ut apud Cæsarem aliquid ageret Dolabella Torquati causa; cū Torquatus ipse gratia minus posset, qui Pōpeianus fuisset . intelligo autem Aulum Torquatum : nam Lucius frater perierat, ut in Bruto legitur: quem librum ante hoc tempus scriptum esse, uel id aperte indicat, quod in eo libro Marcellum ait Mitylenis uiuere, hic autem occidisse tradit, 108.

207:

SI quid de Bruto.] Quid significat? Bruti nouas nuptias . nam dimissa Claudia, Appij filia, de qua in Familiaribus epistolis 32 : Porciam duxit Catonis Uticensis filiam : cuius & Plutarchus in Bruto & Catone Uticensi, & Valerius Maximus libro III. meminerunt. NICIAS: qui erat apud Ciceronē 204: 205. CONFECTVM PVTABAT: de Porciæ nuptiis . & cōfectum sanè est ante Cæsaris aduentum . nam infra, Porciæ laudationem scribit esse mittendam Domitio, & Bruto; Domitio, quoddam filius esset; Bruto, quoddam affinis, ex Porciæ coniugio. 219. 222: DIVORTIVM: Claudiæ. LABORO IDEM, QVOD TV: ut Porciam ducat Catonis filiam. OFFENSIONIS: si quid apud homines offendit, quoddam Claudiā repudiarit. HAEC RES: nuptiæ Catonis filiæ. quos enim offendit Clau

diæ diuortio, eos sibi reconciliabit Porciæ coniugio. Et
 » non ita multo eadem de re, Bruto, inquit, quamprimū
 » agendum puto, præsertim si statuit: sermunculū enim
 » omnem aut restinxerit, aut sedarit. Erat enim Cato-
 nis nomen maxime populare, quodd nemo unquam à li-
 bertate constantius stetisset, usque eò, ut sibi mortem cō-
 sciscere maluerit, quàm seruire.

207:

IN Arpinum] Erat enim in Tusculano, cum hæc
 scripsit. CONSTITVI: ut fructus redderent
 uberiores. Fuit faciendum, inquit paulo post, ut consti-
 tuerem mercedulas prædiorum. EXEVNDI:
 si manerem hic ad Cæsaris aduentum, qui ex bello Hi-
 spaniensi Romam uictor redibat: tum mihi in Arpi-
 num ire minus liceret, ne ille suspicaretur iccirco me lō-
 gius discedere, quodd uictorem æquo animo uidere non
 possem. eundum igitur, antequam ueniat. DE
 CVIVS ADVENTV: ad quam diem affutu-
 rus esset. ILLVC: in Arpinum. QUID NE
 GOTII SIT: in constituendis prædiolis.

Ex epistola X. pagina 207:

DE Marcello,] Quem P. Magius Chilo in Athe-
 niensium portu interfecerat. extat de eius interitu Sul-
 pitij epistola ad Ciceronem. NEQVE ACCI-
 DERAT ANTEA: nunquam enim acciderat,
 ut clarissimus uir ab homine teterrimo, ueteri amico, et
 comite, nullam ob causam occideretur. cum autem
 nunc acciderit, quod nemini in mentem uenisset time-
 re: nullum iam est periculi genus, quod metuendum

ZZ ij

non sit. 207:

Παρά τὸ ἰσορίαν tu,] Scripserat Atticus Ciceroni,
ut se diligentissime custodiret, praesertim reliquum con-
sulare. hoc, inquit, est praeter historiam: hoc, quod
scribis, falsum est: quid enim? Seruius Sulpitius non
et ipse consularis? TV: posuisti in epistola tua.
RELIQVVM CONSVLAREM: subin-
telligitur, Vt omni diligentia tuear, atque conseruem.
HOC NULLAM AD PARTEM VA-
LET: haec cautio, atque haec diligentia, quam in
tuenda salute adhiberi uis, quem fructum afferet, mihi
praesertim, qui in uita iam quod agam nihil habeo, ne-
que domi, neque foris? Equidem sic existimo, non mi-
nus bene actum cum illis, qui perierunt; quam nobiscum,
qui fortunae beneficio conseruati sumus. QUID
ENIM SVMVS? non est de pluribus sententia,
sed de ipso tantum. nam infert: Quod nisi hoc mihi ue-
nisset in mentem, scribere ista nescio quae; quid me uerte-
rem, non haberem. 207:

Κοινότερα quaedam, et πολιτικώτερα.] Subaudi,
mittenda. Puto, inquit, quemadmodum tu scribis, li-
brum aliquem ad Dolabellam nobis esse mittendum,
qui contineat non τὰ φιλοσοφικά, sed potius κοινότερα
quaedam, et πολιτικώτερα. quod eius generis scripta
magis uiderentur Dolabellae conuenire, qui non in stu-
dijs doctrinarum, sed in Republica, et in communi
quodam literarum genere uersatus esset. VALDE
ENIM DESIDERAT: 209. Volo Dolabellae
ualde desideranti: non reperio, quid: et simul αἰδέο
μαι τρώως.

207:

BRUTVS si quid ;] Si Porciam in matrimonium duxerit. SISTATVIT : si statuit eam ducere , puto ei faciundum esse ut quamprimum ducat. SERMVNCVLVM : eorum, qui diuortium Claudiae reprehendebant. Nam & supra, Nicias confectum putabat, sed diuortium non probari.

RESTINXERIT, AVT SEDARIT : hoc est quod dixit in epistola proxima superiore : si quid est offensionis , hæc res mederi potest. Nam populum non tam offendit Claudiae dissidio, quàm delectabit Porciae nuptijs. QUI LOQVANTVR ETIAM MECVM : Claudiae diuortium improbantes. IPSE : Brutus. hæc, inquit, ipse optime statuet, præsertim si utetur consilio tuo. mecum enim hæc de re loqui non poterit , qui in Arpinum cogito XI. Cal. Quintiles.

207:

XI. Cal.] Quintilis. profectus tamen est triduo post, nempe VIII. Cal. ut scribit 211 : & 218 : SED TAMEN ILLIC : illic tamen quiddam est, quod agam . quid autem illud erat ? ut scilicet sua prædiola constitueret . lege in ea , quæ hanc antecedit, & ea, quæ consequitur , epistola. SPINTHEREM : hic est, de quo 204 : qui à patre Spintheris cognomen accepit. & 228.

208.

MISIT] Misit, qui Spintherẽ hodie uenturum nunciaret. ut illud ad Tironem : Curio misi, ut medico honos haberetur . & ad Brutum : Mitte ad Lupum nostrum , ut is nobis eas centurias conficiat. DE

Z Z ij

INTERITV MARCELLI: erant enim, qui
 suspicabantur, M. Marcellum à P. Magio fuisse occi-
 sum auctore Casare. CVM DE MAGIO
 CONSTET: cum constet, P. Magium, qui Mar-
 cellum uulnerauerat, paulo post flagitiū agnouisse, seq̃;
 ipsum, sibi è scelere iratum, interfecisse: res indicat,
 eius facti causam non in Casarem, sed in Magij furo-
 rem esse conferendā. NON INTELLIGO:
 cur Brutus Casarem purget. apparet enim, aliquid in
 Casarem dici. quod, quale sit, uelim explanes.
 QV ANQV AM &c. ego, inquit, quod ad me atti-
 net, non dubito, quin Magius amentia impulsus Mar-
 cellum interfecerit inscio Casare: sed illud cogito, quæ-
 nam illi tantæ amentiae causa potuerit esse, ut talem ui-
 rum, amicum suum, etiam sp̃sorem occiderit. NI-
 MIRVM ID FVIT: nimirum propter eā spon-
 sionem Marcellum Magius interemit. cum enim unā
 cum Marcello Romam rediret, & creditoribus non ha-
 beret unde solueret: credo, petiisse aliquid à Marcello
 sponse suo, illum autem non quidem cum opprobrio,
 sed constanter respondisse, negantem se daturum: ex
 eo Magium in iram & amentia prolapsū, illum oc-
 cidisse. Hoc Cicero, coniecturam secutus, opinabatur:
 sed Valerius Maximus libro nono aliam ponit eius
 » amentiae causam. cuius uerba subscribemus: Conster-
 » natum, inquit, Magij Chilonis amentia pectus, qui M.
 » Marcello datum à Casare spiritum sua manu eripuit,
 » uetus amicus, & Pompeianæ militiæ comes, indignatus
 » aliquos sibi amicorum ab eo præferri: Urbem enim à
 » Mitylenis, quod se contulerat, repetentem, in Atheniensium

- » portu pugione confodit, protinusq; ad irritamēta uesa=
 » niae suae trucidanda tetendit.

Ex epistola XI. paginā 208.

CREDEBAM esse facile:] Longius abesse à
 te. nam hæc scripsit Arpini, quod se ex Tusculano contu-
 lerat. POSTEA QVAM SVM A' TE
 DIIVNCTOR: posteaquā huc ueni, è Tuscu-
 lano profectus. ubi minus eram à te diiunctus, quā
 nunc sum. nam Roma multo propius abest Tuscula-
 num, quā Arpinum.

208.

- FUIT faciendum,] Veniendū omnino huc fuit.
 MERCEDVLAS PRAEDIORVM: su-
 » pra: Mihi Arpinum eundum est: nam opus est consti-
 » tui à nobis illa prædiola. MERCEDVLAS:
 uectigal, quod ex prædiorū locatione capiebat: ut 197:
 » Ciceroni uelim hoc proponas, ut sumptus huius peregrini-
 » nationis accomodet ad mercedes Argileti, & Auentini.
 » et 248: Ab Erote quæras, ubi merces insularū. CON-
 STITVEREM: certiores atque uberiores redderē.
 ONVS OBSERVANTIAE BRUTO
 NOSTRO IMPONEREM: cū enim uter-
 que esset in Tusculano, Brutusq; Ciceronem quotidie
 uidere uellet; Cicero autem ad illum quotidie ire non
 posset: sequebatur, ut Brutus ad Ciceronem. quod Cice-
 ro nolebat, indignum existimans, Brutum ad se quotidie
 domum uenire. Exiui, igitur inquit, è Tusculano, ne
 Bruto nostro quotidie ad me ueniendi onus imponerē.
 OBSERVANTIAE: obseruare est assidue cum

ZZ iij

aliquo esse honoris causa. unde illud in prima epistola :
 » Dies ferè nullus est, quin hic Satyrus domū meam uen-
 » titet. obseruat L. Domitium maxime: me habet proxi-
 » mum. Et Philippica II. Custoditus sum à te, tu à me
 » obseruatus in petitione Quæsturæ. COMMODO-
 DIVS COLERE INTER NOS: nā hoc
 tempore minus commode poterant. itaque 213. Nunc,
 » inquit, cum ita simus affecti, ut non possimus plane si-
 » mul uiuere; (intelligis enim profecto, quo maxime po-
 » sita sit συμβίωσις) facile patiebar nos potius Romæ unā
 » esse, quàm in Tusculano. PRIVABATUR etc.
 » mecum esse quotidie uolebat, nec id poterat suo commo-
 do, cum ei ueniendum ad me esset. ita nullam delecta-
 tionem capiebat ex Tusculano.

208.

VENERIT:] Romā. EGERT: de nu-
 ptijs. 207: QUANDO OBVIAM: Casari
 proficiscatur, ex Hispaniensi bello reuerēti. CON-
 VENIAS: uide illud 205. Pisonem sicubi de auro.
 QUAM MATVRVM: aurum enim à Pifone
 quærebat, ut Scapulanos hortos, quos in auctiōe cohæ-
 redes uendituri erant, posset emere. MATVRVM:
 quia dies auctiōis instabat. quod infra paulo apertius,
 » his uerbis: De Scapulanis hortis toto pectore cogite-
 » mus: dies adest.

Ex epistola XII. pagina 208:

DE Attica] Quod eam significabant egrotare.
 209. 209: 210. 212. 213. CONSOLABARE:
 cum causam scriberes, cur eius inualetudinem putares

fore non diuturnam. AEGRITVDINEM:
dolorem & molestiam meam ex Attica morbo susce=
ptam. Et est agrotatio in corpore, agritudo in animo.
ipse Tusculanarum quaestionum libro III. 195.

208:

VENDIDISTI.] Metaphora sumpta de
ijs, qui, quod uendere cupiunt, prius laudant, quo liben=
tius ematur. ex quo illud Horatij: Laudat uenales, qui
uult extrudere, merces. Vendidisti, inquit, praeclare ora=
tiunculam meam pro Q. Ligario: hoc est, ita meam
orationem laudasti, ut alij tuam auctoritatem, tuumq;
iudicium secuti, eam probare coeperint, aequae atque ij,
qui uenditori suas merces laudanti fidem adhibentes,
bonum saepe putant esse, quod uitiosum est. Infra 209.
» Ligarianam, inquit, praeclare auctoritas tua commen=
» dauit: scripsit enim ad me Balbus, ac Oppius, mirifice se
» probare. PRAECONIVM DEFERAM:
perstat in translatione: nam praekonones in auctione uende=
bant. dicit igitur PRAECONIVM, id est uen=
dendi curam. Cum aliquid, inquit, à me scriptum emit=
tere uoluerò, rogabo te, ut id ante, quàm emittatur, tua
auctoritate commendes: ut scilicet alij deinde probent,
quod à te, tali uiro, prius esse laudatum senserint.

208:

DE Varrone] Scribis. Varronem desiderare
aliquid à me, ut scilicet meis eum scriptis intexā. 209:
NVS QVAM: quod neque in orationibus personae
loquentes inducuntur: & in libris, qui rationem ora=
toriam complectantur, scis Varroni locum non esse, ex
eloquentia minus claro, in oratorijs quidem libris ideo

ei locus non fuerat, quodd ab ijs, qui disputant, mentio
 cuiusquam fieri non potuit, nisi eius, qui illis notus, aut
 auditus esset. 63: DENUNCI AVERAT etc.
 dixerat, se magnum quiddam uelle ad me mittere.
 προσφώνησις, libri destinationem, dedicationem, ut nūc
 loquimur, expressit græco uerbo, quod latino non po-
 tuit. De hoc autem libro, Academicarum quæstionum
 » in primo, sic loquitur Varro: Intemperantis esse arbi-
 » tror, scribere, quod occultari uelit. sed habeo opus ma-
 » gnum in manibus; quodd iam pridem ad hunc ipsum
 » (Ciceronem autem dicebat) quædam institui, quæ
 » sunt magna sanè, & limantur à me politius. Et Cice-
 » ro: Ista quidem inquam Varro iam diu expectans, nō
 » audeo tamen flagitare. Et in epistola: Expectabam
 » omnino iandiu, meq; sustinebam, ne ad te prius ipse
 » scriberem, quàm aliquid accepissem, ut possem te remu-
 » nerari quam simillimo munere: sed cum tu tardius id
 » faceres, hoc est, ut ego interpretor, diligentius; teneri nō
 » potui, quin coniunctionem studiorum, amorisq; nostri
 » quo possem literarum genere declararem. προσφώνησις
 autem illa Varronis, ut opinor, opus fuit de lingua latī-
 na, quod Ciceroni inscriptum postea emisit.

208:

Καλλιππίδης] Tragedus fuit percelebris Agesilaï
 ætate, qui cursitans in scena, tamen ne cubiti quidem
 mensuram progrediebatur: unde græcum adagium in
 eos, qui satagunt, & nihil agunt. Suetonius in Tibe-
 rio, & Plutarchus in apophthegmatis. Καλλιππίδης igitur
 Varronem appellat, quodd assidue scribendo, nihilo
 tamen processisset magis, quàm Καλλιππίδης in cursu.

208:

PARABAM] Reddere aliquid pro eo, quod ille dedisset, & reddere pari mensura, aut etiam, si modo potuisssem, cumlatiore. HESIODVS: uersus Hesiodi est, αὐτῷ τῷ μέτρῳ, καὶ λῶϊον, αἶκε δ' ὕμνου. quo uersu eadem mensura iubet reddere, qua acceperis, & cumlatiore, si possis. In primo de officijs: Quod si, inquit, ea, quæ acceperis utenda, maiore mensura, si modo possis, iubet reddere Hesiodus: quidnam beneficio prouocati facere debemus? Et de claris oratoribus: illud Hesiodiū laudatur à doctis, quod eadem mensura reddere iubet, qua acceperis, aut etiam cumlatiore, si possis. αἶκε δ' ὕμνου: proximo superiore uersiculo, cum hemistichium Hesiodi posuisset, adscripsit, Si modo potuisssem: siquidem etiam Hesiodus non hoc modo dicit, αὐτῷ τῷ μέτρῳ, καὶ λῶϊον; sed adscribit, αἶκε δ' ὕμνου.

208:

DESPONDIMVS,] Constituimus Bruto mittere. ILLAM ἀκαδημαϊκὴν: libros duos Academicarum quæstionum: quorum, CATVLVS, priorem inscripserat; LVCVLLVS, alterum; quod duorum dierum sermonem à Catulo & Lucullo habitum exponerent. Postea cum eos libros à Catulo & Lucullo ad Varronem transferre uellet; non solum ut Attico satisfaceret, roganti ut Varronem suis scriptis infereret; sed etiam, quod ἀκατάλληλον uideretur, inducere loquentes de philosophia Catulum & Lucillum, homines illos quidē nobiles, sed earum rerum, quæ in ijs libris disputarentur, minime peritos: ex duobus libris contulit in quatuor, eosq; ad Varronem misit, cum quidem, Ca

COMMENTARIUS

zuli & Luculli omni prorsus mentione sublata, partes
ei Antiochianas dedisset, sibi sumpisset Philonis. sed ac-
cidit uel hominum negligentia, uel temporum iniuria,
ut ex quatuor libris ad Varronem primus duntaxat,
ac ne is quidem integer, ad nostram aetate perueniret.
ex duobus autem, quos primum scripserat, Catulo &
Lucullo inscriptis, de quorum salute multo minus Tullium
laborasse, quam de posterioribus ad Catonem, credibile
est; (quippe, cum dicat paulo post: multo haec erunt
splendidiora, breuiora, meliora) nescio quo modo Lucul-
lum aequior fortuna seruauit. **NULLO MODO**
PHILOLOGI: infra 209: In his rebus & τριπλα.
& 210: **SUNT** Antiochea: cum ij libri sententia
Antiochi de Academia complectantur, Varro autem par-
tes Antiochianas ualde probet: recte ad eum transfe-
rentur. 209: 210: **REPONEMUS:** alijs libris
eos ornabimus. **SITV HOC PROBAS:**
ut ad Varronem transferamus.

208:

DE Brinniana auctione] Brinnius suorum bo-
norum heredes aliquot instituerat, in ijs Ciceronem
eorum bonorum auctione coheredes facere uolebant,
more in omnibus fere hereditatibus usitato, in quibus
scilicet plures heredes essent: ut omni hereditate in pe-
cuniam redacta, suam quisque partem capere facilius
posset. **AIT, SINE VLLA CONTRO-**
VERSIA REM AD ME ESSE COL-
LATAM AD VIII. CAL. QUINT. ait,
VIII. Cal. Quint. coheredum omnium sententia,
magistrum auctonis me esse constitutum. in auctioni-

bus enim hoc seruabatur, ut ex ijs; quorū res in auctio-
 ne ageretur, unus auctiōem gubernaret ac moderare-
 tur, qui scilicet, quanti quæque res uenire deberet, ipse
 statueret arbitrato suo socijs non repugnantibus. In epi-
 stola prima, Vnā, inquit, agebant & ceteri creditores,
 in quibus erat & Lucullus, & P. Scipio, et is, quem pu-
 tabant magistrum fore, si bona uenirent, L. Pontius.
 Et Quintilianus libro VI. ubi de risu agit, Ciceronis
 dictum ponit in Pletorium Fonteij accusatorem: Pletorij
 matrem, dum uixit, ludum; postquam mortua esset,
 magistrōs habuisse. Et ludum per translationem ait esse
 dictum, magistrōs per ambiguitatem: quod ad Pletorij
 matrem, dum uixit, infames fœminæ conuenire solitæ;
 post mortem, eius bona uenibant. P V T A V E =
 R V N T: putauerunt me Romæ fore, aut in Tuscu-
 lano, ut suo commodo me conuenire & colloqui de au-
 ctione possent: cum ignorarent me Arpinī fore usque
 ad Nonas: quod uenturos credibile non est, cum Arpinū
 Roma distet multis millibus passuum. A M I C O
 T V O: Egnatio Maximo. 217:221: P R O F E =
 R A N T A V C T I O N E M: ultra III. Idus: quī
 erat auctiōis dies. Puto, inquit, circiter Nonas me in
 Tusculano fore. ibi me conuenire, & meam de auctio-
 ne sententiam poterunt cognoscere. quod si à Nonis ad
 III. Idus, hoc est ad auctiōis diem, minus interesse spa-
 tij uidetur, quā ipsi uellent: paulum proferāt auctio-
 nem. Infra 208. Obire, inquit, auctiōis diem facile po-
 terunt (est enim III. Idus) si me in Tusculano postri-
 die Nonas mane conuenerint. quod si laxius uolent
 proferre diem, poterunt uel biduū, uel triduum, uel ut

COMMENTARIUS

uidebitur : nihil enim interest.

208:

CUM Pifone Erotem habes .] Nunc & Pifo
& Eros Roma sunt . cum Pifone igitur , fi potes , confice
de auro . & ab Erote cognosce , quantum nobis & a
» Faberio & ab alijs debeat . Supra 204 : Pifonem ,
» inquit , ficubi de auro . Faberius fi uenerit , uidebis ut ta-
» tum attribuat , fi modo attribuet , quantum debe-
» tur . accipies ab Erote . Ita hunc locum , alioqui obfcurum ,
ille locus illustrat , illum autem noftra interpreta-
tio .

208:

DE Scapulanis hortis] Quos emere cupiebat ,
ut in ijs filie monumentum poffet edificare . Et superio-
re proximo uerficulo & de Pifone & de Erote Attici
admonuit horu hortoru causa . DIES ADEST :
dies auctiõis : quo Scapulani horti in auctiõne ueni-
» bunt . Supra , huius auctiõis tempus significans , Pifo-
» nem , inquit , conuenias . uides , quam maturum fit .

Ex epiftola XIII . pagina 209 .

ABSTVLI , tranftuliq ;] Abftulit à Catulo et
Lucullo , tranftulit ad Varronem . Et appellat eos nobi-
liffimos homines , quia patritij fuerant , cum plebeius ef-
fet Varro . MVLT A DETRACTA : quã-
quam hi libri grandiores ſint , quã erant illi ad Catu-
lum & Lucullum : tamen in illis multa erant , quæ in
hos non contuli . QVI INTELEXERIS
ILLVM VELLE : intelligere te ſcribis , Varronem
uelle , ut ego eum meis ornem ſcriptis . nunc mihi perue-
lim ſcribas , quo modo intellexeris hoc illum uelle . 210 .

- » Expecto, inquit, quid ad ea, quæ scripsi ad te: primum,
 » qui intellexeris eum desiderare à me, cum ipse homo πο
 » λυγαφώτατ & nunquam me laceffisset. Ζηλοτυπεί
 » δαι: nam & hoc Atticus adscripserat, intellexisse, ne
 » scio quem à Varrone ζηλοτυπείδαι, eorum, quos Cicero
 » in suis libris intexuisset. 210. BRUTVM: cui
 » opus de Finibus desponderat. ID HERCLE RE
 » STABAAT: εἰρωνικῶς. quasi dicat: Inuidia existit
 » inter pares: at Varro neutiquam Bruto comparādus:
 » cur igitur illi inuideat? Eadem ironia Terentius uten
 » tem Aeschinum inducit in Adelphis: qui lenoni dicenti,
 » Leno sum, fateor, perniciēs communis adolescentium,
 » Periurus, pestis; tamen tibi à me nulla est orta iniuria:
 » respondet: Nam hercle etiam id restat.

209.

LIBRI &c.] Assentior Petro Victorio, homini
 erudito, qui libros de Finibus ad Brutū intelligi putat.
 certe enim quatuor Academicos ad Varronem signifi
 care non potest, qui nō dum exierant: nam si exissent,
 Atticus eos legisset: non legisse autem, aperte indicat il
 lud, Hæc erūt splendidiora, breuiora, meliora. & præ
 terea tota epistola, & sequentes etiam quibus Atticum
 cōsulit, num quatuor Academicos ad Varronē mittat,
 quos tamen iam perfecerat, Varrone partes Antiochia
 nas in ijs defendente: sed, inquit, etsi nomina iam facta
 sunt: tamen uel induci, uel mutari possunt.

209.

ILLAM iacturam] Quos enim libros de quæ
 stionibus Academicis prius scripseram, Catulum uideli
 cet, Lucullum; eos uides frustra à te esse descriptos: si

COMMENTARIUS

quidem hæc ad Varronē posteriora intelliges esse splen-
didiora, breuiora, meliora. BREVIORA: erit,
cui Cicero uideatur eadem de re non idem dicere. quo
modo enim hæc ait fore breuiora, qui paulo ante de ijs-
dem libris hoc scripserit, Grādiore sunt omnino, quā
erāt illi? Nō iniuria dubitabitur. certe enim GRAN-
DIORES & BREVIORA uoces inter se sunt
non modo non cohærentes, sed etiam contrariæ, & pla-
ne repugnāt in sententia. sed refer hanc ad genus nar-
randi, illam ad operis magnitudinem: tolletur omnis
dubitatio. significat enim: cum in his libris plura di-
xerit, quā in illis, quod attinet ad res: pressius tamen
esse locutum, & breuitatem magis adamasse.

209.

Α' πορῶ, quid me uertam &c.] Dubius sum, quid
agam: nam scribere aliquid uellem, quod Dolabella de-
sideranti possem mittere: quid autem mittam, non re-
perio: ego enim nūc τὰ φιλοσοφούμενα persequor; quæ
non uidentur eius personæ conuenire, cum is in philoso-
phiæ studio minime uersetur. præterea, αἰδέομαι τρώας,
hoc est, uereor ne reprehendar à bonis, si quid scripse-
ro in gratiā Dolabellæ, qui contra Remp. arma tulit Cæ-
sarem secutus. uersus est, quo utitur Hæctor apud Ho-
merum, Troianorum & Troianarum reprehensionem
timens, nisi cum Achille fortiter pugnauerit. αἰδέομαι
τρώας, καὶ τρώας ἐλεσιπέπλους. dubius, igitur in-
quit, sum, dem'ne ex meis scriptis aliquod Dolabellæ,
nec'ne. nam & Dolabellæ causa uolo: & idem bono-
rum accusationem timeo. Supra 207: Ad Dolabellam,
inquit, ut scribis, ita puto faciendū, κοινότερα quædam, et
πολιτικώτερα.

πολιτικώτερον. faciendum certe aliquid est: ualde enim desiderat. SI ALIQUID, &c. si aliquid ad Dolabellam misero, non potero bonorum reprehensionē effugere. AUT CESSANDUM IGI-
TUR, AUT ALIQUID EXCOGITAN-
DUM: aut mihi à scriptione desistendum est: aut, si desistere nolo, excogitandum aliquid, quod Dolabellæ dem, quod scilicet ab eius persona uideatur esse non alie-
num. scribere enim si pergo, & ad eū nihil mitto; of-
fendetur, quod alios meis inseram scriptis, ipsum deside-
rantem non inseram. aut igitur nihil omnino scriben-
dum, aut excogitandum quod illi mittam. Quod enim dixerat, NON REPERIO, QUID; intulit,
ALIQUID EXCOGITANDUM.

209.

ANGIT.] Quod infirma est. 208: 209:
REGVSTO: crebro, inquit, tuas literas in manus
sumo: ijs legendis acquiesco, quia scribis te de ea recte
sperare. 210. NOVAS: quæ significant illam
aut iam conualuisse, aut agrotare minus grauitate. Idē
» infra his uerbis: Attica nostra quid agat, scire cupio.
» etsi tuæ literæ (sed iam nimis ueteres sunt) recte spera-
re iubent. tamen expecto recens aliquid. itaque uocem
NONAS, quam alij probarunt, ut perspicue falsam
reijcio.

Ex epistola XIII. pagina 209.

AD me uenire.] In Arpinum: ut ijs de auëtionē
meam sententiam ostendam. In epistola proxima su-
periore. HAEREDITAS TANTI NON
AAA

COMMENTARIVS

EST: ut eius causa hanc molestiam hic subire debeã:
cum huc uenerim, ut constituendis prædiorum meorũ
mercedibus operam darem, non ut occupatus curanda
auctione detinerer. IN TVSCVLANO: ubi
ad Nonas futurus sum. 208: 210. DE BRUTO:
de nouis nuptijs. 207: DE CAESARE: de eius
reditu ex Hispania. 212:

209:

QVOD scripsimus:] Quatuor libros Acade=
micos. TE EI DIALOGO ADIUVN=
CTVM ESSE TERTIVM: infra 210: Tu
es tertius in sermone nostro. NOMINA: Var=
ro, Cicero, Atticus: qui in ijs libris colloquebantur.

Ex epistola XV. pagina 209:

CAVSA fuerat.] Cur quisquam ueniret, cur
quenquam ad me mitteres, quod rem, de qua scriberes,
non haberes.

Ex epistola XVI. pagina 209:

SVSTENTARE nos] Afflictos & debili=
tatos tum ex ruinis Reip. tum ex interitu filie. 211.
E' VILLA: Arpinati. erat enim Arpini, cum hæc
scripsit: & paulo post, in Tusculanũ dicit se esse redi=
turum ad Nonas: idemq; 208:

209:

TRADVXIMVS:] 209. HORTEN=
SII: nam interfuit dialogo, quem secundo libro, Ca=
tulo audiente, Lucullus & Cicero habuerunt. NO=
MINIBVS: homines sciebant, Catulum, Lucillum,

Hortensium esse, non illos quidem rudes, sed earum rerum, quæ in ijs libris agerentur, ignaros. 208: B R V
T V M'QVE : erat enim Antiochius. 214.

209:

T V AE literæ] Quibus ad me scribis te intellexisse, Varronem desiderare, ut ego eum meis scriptis in-
» rerem. 209. NEMINI &c. 211. Ut legituas de
» Varrone, tanquam ἐμῶν arripui. aptius nihil esse po-
» tuit ad id philosophiæ genus, quo ille maxime mihi de-
» lectari videtur. & 208:

210.

PLACEAT'NE tibi &c.] Iam traduxit li-
bros Academicos ad Varronem : sed consulit Atticum,
primum placeat'ne aliquid ad illum mitti ; deinde, si
placebit, hos'ne potissimum de Academia libros. nam
si Attico aliter uisum esset, rursus Academiam à Var-
rone ad alios traduxisset, nominibus mutatis, ut ait
209. quo item loco, Academiam cū dixisset Catulo se
abstulisse et Lucullo, ad Varronemq; transluisse: rogat
Atticum in epistolæ clausula, num ei placeat ad Var-
ronem mitti quod scripserat. & 209: Dandos'ne putes,
inquit, hos libros Varroni, etiam atque etiam uidebis. cū
eos libros in eadem epistola dixerit se iam ad Varronē
transluisse. Perspicuum igitur est, Academicas quæstio-
nes Varroni non ita libenter Ciceronem dedisse : cū de
eo, quod iam scripserat, crebro Atticum consulat, num
mitti placeat. Aperte etiam 211. Mihi inquit, quædam
occurrunt: subaudi, cur Academia Varroni danda nō
» sit. Et 214. Sæpe mihi occurrit uultus eius, querentis
» fortasse uel hoc, meas partes in his libris copiosius defen-

AAA ij

COMMENTARIUS

fas esse, quàm suas. VENIT? Romam. EC-
 QUID AGIT, ECQUANDO? de Porcie
 nuptiis, dictum accipio: ut supra. DE CAESA-
 RE: de reditu Caesaris ex Hispania. 112: AD NO-
 NAS: in Tusculano futurus sum. 208: CVM
 PISONE: conficies. conficies autem quid? de auro.
 uide illud, Pisonem sicubi de auro. 205.

Ex epistola XVII. pagina 210.

DE VI.] DE VI. Cal. TVIS: ut à te
 mihi literas referrent, cum ab alijs expectarem. EA-
 DEM ILLA: cum scribendi sententiam non habea,
 eadem nunc ad te scribam, quæ antea scripsi: hæc scili-
 cet: Quid Brutus cogitet, aut si aliquid egit: hoc est, nū
 Porciam cogitet uxorem ducere, aut si iam duxit.
 QUID A' CAESARE: quid afferatur de eius
 aduentu. 207: 212: QUID AGAT: ut ualeat.
 209.

Ex epistola XVIII. pagina 210.

CONFICIAMVS hortos.] Emamus hor-
 tos: ut & habeam non modo ubi fanum ædificare, sed
 etiam ubi ipse esse possim; & ab Vrbe tamen longe ne
 absim. 198: Maxima, inquit, est in Scapulæ celebritas,
 propinquitas præterea ubi sis, ne totum diem in uillam.
 IAM ERIT: iam ero in Tusculano. Erat enim
 Arpini. DESIDERARE A' ME: ut ad ip-
 sum ex meis scriptis aliquod mittam. 208: 210:
 NVNQVAM MELACESSISSET: ni-
 hil unquam ad me misisset. QVEM ἡλοτυπᾶν:

209. **MVLTO HORTENSIVM MINVS**, etc. sensus est: Scribe ad me, cuius inuideat Varro: nisi forte Bruto: quod si Bruto non inuidet; multo minus Hortensio, aut ijs, quos in libros de Rep. induxi: si quidem omnes mortui, ideoque extra inuidiam. Et uidetur propter breuitatem subobscura sententia. nam ante illud **MVLTO HORTENSIVM MINVS**, apparet aliquid desiderari: & sanè desideratur: quod autè desideratur, hoc est: **NISI FORTE BRVTVM**. id autem Cicero omittit, quod apertius paulo ante scripserat, his uerbis: Illud utique scire cupio, quem intellexeris ab eo $\chi\eta\lambda\omicron\tau\upsilon\pi\epsilon\acute{\iota}\delta\alpha\iota$: nisi forte Brutum. Hortensium autem Cicero inscripserat eum librum, quo philosophiam laudauit. ut in secundo de Diuinatione. Itemque eum incluserat in eum dialogum, qui secundo Academicorum libro explicatur. **VT MITTAM AD EVM, QVAE SCRIPSI**: ut mittam ad eum quatuor libros Academicos. **CORAM**: iam enim ero in Tusculano: quod tu ad me uenies, ut de his rebus coram, 209, 211.

Ex epistola XIX. pagina 210:

NE tristis sis,] Propter ipsius inualetudinem. $\acute{\alpha}\nu\eta\delta\epsilon\iota\alpha$: non periculosa. quod scribis eam non periculose egrotare. 210:

COMMENDAVIT:] Cum enim eam a te laudari Balbus ac Oppius cognouissent, auctoritate te tua permoti probare & ipsi coeperunt. 208. Ligarianam, inquit, praeclare uendidisti.

AAA iij

NE uiderer φιλένδοξος :] Cōstituerat Cicero ne-
minem includere in dialogos, eorū, qui uiuerent: ideoq;
Varronem intexere nusquam poterat. sed commotus
Attici literis, qui scripserat Varronem & desiderare, et
magni aestimare, mutato consilio in libros illum Acade-
micos induxit, Antiochi sententiam de Academia ex-
plicantem. φιλένδοξος, amator illustrium uirorum :
Scripserat enim Atticus: Non semper Ciceroni quaren-
dos esse Catulos & Lucullos, Africanos & Lelios, aut
huiusmodi uiros, quibus sermone tribueret in suis libris,
ne nimis ambitiosus in claros uiros uideretur: sed etiā
dandum esse aliquid ijs, qui minus illustres essent; pro-
ptereaq; de Varrone cogitandum: ne, si semper in suis
dialogis disputantes fecisset homines gloria praestantes,
ut in tribus oratorijs libris, sex de Republica, duobus
Academicis: φιλένδοξος uideretur. Respondet: Acade-
micas quaestiones ad Varronem non ideo transtuli, ne
uiderer φιλένδοξος; (nam ista causa me nō moueret:
siquidem iccirco ego de Varrone minus cogitabam, nō
quodd essem φιλένδοξος, uerum quia constituebam, eo-
rum, qui uiuerent, neminem in dialogos includere) sed
quia scribis, & desiderare illum, & magni aestimare.
E O S: dialogos de Academia: quod per appositionē
explanat, inferens, Academicam omnem quaestionem.
COLLECTA: quae enim Antiochus contra Philo-
nis opinionem colligere solitus erat, asserentis nihil pos-
se comprehendere: ea Cicero Varronem fecit explicantē
in libris Academicarum. IPSE RESPON-
DEO: ideo dicit in epistola ad Varronem: Tibi dedi-

» partes Antiochianas; quas à te probari, intellexisse mihi
 » hi uidebar: mihi sumpsit Philonis.

210:

COTTAM,] L. Aurelium Cottam, L. Torquati in Consulatu collegā, insignem iudicijs inter tres ordines cōmunicatis. IN ANTIQVIS PERSONIS: cum ijs, qui multis annis ante nos fuerūt, sermonem tribuimus: nullas loquendi partes ipsi assumimus: idq; suauiter, & uenuste fit. quod seruauit Heraclides: itemq; nos in de Rep. HERACLIDES: cognomēto Pōticus, siue Pōpicus à mollitie: Platonis, et deinde Aristotelis auditor, cuius scripta non extāt. 330. itē in V. disputatione Tusculana, et Laertius. ΑΡΙΣΤΟΤΕΛΕΙΟΝ MOREM: in quo ita disputatur, ut eius sententia quī illam disputationem scribit, principē locum obtineat. ITA CONFECI: ita, Aristotelico more: in primo enim & secūdo libro cū Torquato, in tertio & quarto cum Catone, in quinto cum Pisone disputat; & ita disputat, ut penes ipsum sit principatus.

211.

SOMNIASSE] vsque adeo Catulus, Lucullus, Hortensius earum rerum, de quibus in duobus Academicis differebant, imperiti, ignariq; erant, ut de ijs ne somniasse quidem unquam uideri possent. 208: 209: DE VARRONE: ut eum desiderantē meis libris intexerē. 209: AD ID PHILOSOPHIAE GENVS: ad Antiochiam rationē, quæ in ijs libris explicatur, aptius nihil esse potuit, q̄ Varro nis persona 208: MEASQUE PARTEIS: recte cecidit, quod ad meas partes attinebat. nam cum

AAA iiij

COMMENTARIVS

Antiochia Varroni dederim, quæ sunt uehementer me-
væ; partes Philonis mihi sumpserim: nō sum consecutus,
ut superior mea causa uideretur. quo maiore à Var-
rone gratiam inibimus. VEHEMENTER π-
εαυα: quæ Varro narrat in ijs libris, ab Antiocho audi-
ta; sunt ad persuadendum aptiora, quàm illa, quæ ego
contra Antiochum ex Philonis sententia disputo: ut hoc
queri non possit, meas partes in his libris copiosius defen-
sas esse, quàm suas. 214. OCCVRRVNT:
cur nō dandos putem. 212: 213: CORAM: nā
in Tusculano iam ero. Quod & in proxima superiore
epistola, & in ea, quæ proxime sequitur, significat. Tu-
sculanum autem, ita propinquum Romæ erat, ut ed sæ-
pe ad Ciceronem Atticus excurreret.

Ex epistola XX. pagina 211.

CONSOLATORIAS,] In Tulliolæ mor-
te. 213. VRBE AVGENDA: ut à ponte
Miluio secundum mōtes Vaticanos Tyberis duceretur.
sic enim fiebat, ut Vaticanis montibus cis Tyberim in-
clusis, & ea fossa, qua prius Tyberis decurrisset, exic-
cata, magnam in amplitudinē Vrbs explicaretur. 218.
218: PROMVLGATVM: scriptum in le-
ge proposita. nam promulgare ualet legem proponere,
facta potestate, ut intercederet si quis uellet. nemine in-
tercedente, ex promulgatione ad populum ferebatur.

211.

NOSTRA officia] Quodd ei Dolabellæ de me-
liore nota commendauerim. 207: DE VXORE
TVBERONIS, ET PRIVIGNA: de rī

xa inter uxorem & priuignam Tuberonis orta.
 NEQVE TVBERONEM VOLO DE=
 FENDERE: qui eam rixam aluerit, cum extin=
 guere deberet. THEATRVM: habuisti, quod,
 tanquam in theatro, spectare posses cū uoluptate. quid
 autem spectare? rixam scilicet inter uxorem Tubero=
 nis, & priuignam. 211.

NIHIL melius:] Stulte ad te scripserā, nihil
 esse melius fama: hoc est, nihil apud nos pluris esse de=
 bere, quā ut homines de nobis honorifice loquantur.
 Nunc de fama nihil laboro: curandum enim non est.
 ATQVE HOC, &c. de fama curandum nō est:
 at hoc quidem est curandum, In omni uita sua quen=
 que à recta conscientia transuersum unguem non opor=
 tere discedere. Ad duas enim dictiones ATQVE
 HOC, subintelligitur Curandum. QVAM φι=
 λοσόφως? quā philosophice tecum agam. & refer=
 tur ad illud, quod proxime dixit, In omni uita sua quē=
 que à recta conscientia transuersum unguem nō opor=
 tere discedere. Est enim philosophica sententia.
 HAEC IN MANIBVS HABERE? libros
 de philosophia tractare? Nam hoc tempore philoso=
 phiā Cicero latinis literis explicabat. Δεδῆχθαι TE
 NOLLEM: nollem te momordisset, quod scripsi ni=
 hil me laborare de fama. ego enim in toto nihil curo,
 nisi ut ei ne desim. QVOD NIHIL ERAT:
 nihil putes licet, quod supra scripsi de fama. Nollem,
 inquit, te momordisset id, quod scripsi de fama: quod
 nihil erat. EODEM: ad id, quod institueram
 scribere de fama. IN TOTO: re ipsa. ID

COMMENTARIUS

AGO SCILICET : ἐγὼ γάρ . quasi hoc dicat :
Non id ago, ut iudicia uidear tenere, ut in iudicijs ui-
dear regnare . itaque, quod attinet ad iudicia, non curo
famam . sed si summam uideas cogitationū & actio-
num mearum, curare me diceres . a recta enim consciē-
tia transuersum unguem non discedo . ita ne famæ qui-
dem desum : siquidem recte uiuentes infamia non se-
quitur . ad speciem igitur nihil ago, ut uidear laborare
de fama : sed in toto, hoc est re ipsa, famæ non desum,
cum ita uiuo, & ita animatus sum, ut nemo me in offi-
cio boni uiri possit reprehendere . Μὴ γὰρ αὐτοῖς :
neque enim ipsis : subaudi, quidquam tribuo . & uide-
tur locus ex uetere scriptore : quem Cicero suo more,
ut Attico satis notum, non totum recitat . DOME-
STICA : quæ sunt domestica, quæ dicit se non posse
ferre ? interitus filiae, Quintorum in se maledicta, patris
& filij . 176 . 199 : 207 . ISTA : urbana . PER-
FECTVM : rectum, & honestū . SENTEN-
TIAM SVAM : ostendere : sed tamen hoc, quod
dicam, uere dictum puta : Quid iudicijs olim operam
dederim, non possum non probare : eadem tamen non
curare pulchre possum .

Ex epistola XXI. pagina 211 :

QV ID possum de Torquato,] scribis, ut signifi-
cē tibi de Torquati negotio : quid possum significare,
nisi aliquid à Dolabella cognouero ? nam illud negotiū
Dolabellæ Cicero cōmendauerat . 207 : QV OD SI-
MVLAC : simul ac scripserit ad me Dolabella quid
egerit cum Cæsare de Torquati re : cōtinuo perscribā .

SCIENTIS : tu, & Torquatus.

211:

AB ἐποχῆς] Ab assensionis retentione. Inhibitio, inquit, non idem est, quod retentio. nam retinere illud est, quod aurigæ faciunt, equorum cursum adductis habenis sistentes : inhibere autem, non cum remiges nauē sistunt, sed cum alio modo remigantes, eam conuertūt ad puppim. uol. p. phil. 15: 23: IN LIBRO : in secundo Academicorum. NEC EST MELIUS QUID QVAM, & c. in II. Academicarum questionum libro, cōtra se ipsum ex Luculli persona sic loquitur Cicero : Nihil me lædit, inquit. ego enim, ut agitator callidus, prius quàm ad finem ueniam, equos sustinebo; eoq; magis, si locus is, quod ferentur equi, præceps erit. sic me ante sustinebo: nec diutius captiose interroganti respondebo. Hic, ut opinor, Atticus Ciceronem monuerat, ut pro, equos sustinebo, scriberet, equos inhibebo. eumq; Cicero secutus, locum mutauit. deinde cum, inhibere non idem esse quod sustinere, didicisset : Attico scripsit, ut restitueretur, sustinebo. NEC EST etc. uerbum, inquit, inhibere, quod ualde arriperat, in istum locum uideo non recte uenire : nec est melius quidquam, quàm ut dicatur, sustinere currum equosq;. Quoniam autem illa, quæ ex Academicarum secundo recitauī, sunt ex Luculli persona, qui futurum dicit, ut ad interrogationes foritarum non minus assensionem sustineat, quàm sustinere equos soleat agitator callidus : ideo in hac epistola Cicero, Nec est, inquit, melius quidquam, quàm ut Lucullus sustineat currum, ut bonus saepe agitator, equosq; : hoc est : Melius nihil

esse potest, quàm ut Lucullus sustinere se dicat siue cur-
rum, siue equos, quemadmodum sæpe sustineat bonus
agitator. Illud autem, Sustineat currum, ut bonus sæ-
pe agitator, equosq; ; sentio uersum esse ex uetere poe-
ta. quem Cicero integrum sumpsit, quòd ad senten-
tiam faciebat. quod & alibi eum fecisse animaduerti-
mus. illud, quod supra posui ex secundo Academicarum;
Ego enim, ut agitator callidus, equos sustinebo; ex eo
uersu esse sumptum, nemo non uidet.

212.

AUT de rumore, aut de Polione.] Scripserat
enim Atticus rumoris esse nescio quid, præsertim de Asi-
nio Polione, qui cum Casare bellum gesserat in Hispa-
nia contra Pompeij liberos. DE PANSA ET-
TIAM: de Pansa etiam curo: siquid certius, ut id
ad me scribas. Credo enim &c. utinam
Attici epistolas ad Ciceronem haberemus. quàm multa
paterent, quæ nunc, tanquam in tenebris abdita, non ui-
demus. Hic certe quid de Pansæ negotio significetur,
si quis ex ingenio uelit quærere; frustra sit diligens.
SI QUID ESSET: scribe, subauditur. CER-
TE NE &c. certe ne ita est, ut ad me scripsisti, de
Metello & Balbino?

212.

DIC mihi, &c.] Leuiter cum Attico queritur,
quòd Balbo quintum de Finibus librum dederit descri-
bendum. FACIEBAT: quod tu facis, cum in-
iussu meo mea diuulgas. uenditabat ille quidem Plato-
nis libros, nunquam tamen eos edidit insciente domino.
λόγοισιν ἐρμώδωσθαι: uerbis lucratur Hermodorus. quod

tum in ore hominum frequentissimum fuit. C V I=
Q V A M : dari. nam quintum librum Balbo dederat
ante, quàm Bruto, ad quem opus mittebatur.

212.

A' δ' ὁρθῶτα,] Imperfecta, non plane correcta. nā
quædam dicit se mutasse in quinto, postquam eum Bal
bus ab Attico descripserat. recte igitur α' δ' ὁρθῶτα. Et
» 211 : Nolebam, inquit, aut obsoletum Bruto, aut Balbo
» inchoatum dari. quo loco inchoatum posuit pro rudi et
impolito : & α' δ' ὁρθῶτα hic in eam sententiam usur=
pavit. sic enim est legendum. Ε'ωλα : obsoleta, ni=
mis uetera. Nam si & Balbus & alij eos libros habe=
bunt ante, quàm Brutus : Ε'ωλα certe erunt, cum illi da=
buntur, eoq; minus grata.

212.

Q V A E scripsi] Quatuor Academicos significat.
M E T I B I D I C E R E ? ut eos de Finibus cõtine=
res. quod si tibi dixissem, non exissent. C E R E=
L I A : cum hac Ciceronem libidinis commercium ha=
buisse, Q. Fusius Calenus in oratione sua apud Dionē
obiecit, libro X V I. A' M E : à meis librarijs : ut
» paulo post : Ad te scripseram, Cereliam quædam habe=
» re, quæ nisi à te non potuerit.

212:

I N T V S C V L A N O.] Me conuenient, ut
de auëctione Brinniana colloquantur. 208:209. A D=
V E N T V : redibat ex Hispania, deuictis Pompeij li=
beris.

212:

LE V I V S :] Aegrotat. 208:209. C O G I T A
T I O N E : cuinam in matrimonio collocetur, cum

COMMENTARIVS
ferè iam sit nubilus. NIHIL TIBI CRE-
DO &c. quippe cum ipse nouerim. credimus autem
ea, quæ non nouimus. HOMINEM: hoc refer
ad genus, non ad mores: infert enim, Ipsum non noui.
DE SCROFA: sic alibi, Audiui de socero meo.
ΕΥΓΕΝΕΣΕΩ: nobilior, quod ad genus attinet, ob mater-
nos affines.

Ex epistola XXII. pagina 212:

QVID tibi placeat, Num ad eum mittendi ui-
deantur quatuor Academici. 211. OCCVR-
RVNT: cur mittendi non sint. INTEXVI:
nam ei dialogo tertius adiunctus es. 209. 210: CRE-
BRIVS: ut te in meis libris intexam.

212:

DE Marcello] De Marcelli interitu. 207: 208.
SERVIVS: Sulpitius. cuius epistolam de interi-
tu Marcelli significat. ea legitur epistolarũ libro III.
ad Sulpitium. 212:

CVLPA libero,] Quod meorum librorum co-
piam fecerint. Paulo ante, Tuorum, inquit, nullum de-
lietum arbitror: à me enim prætermisum est, ut dice-
rem eos exire non dum uelle. ALIVD QVIDE-
DAM: & tamen quasi te accusans scripseram, Cere-
liam quædam habere, quæ nisi à te non potuerit. 212.

212:

SATISFACIENDVM] Ut quintum de
finibus librum describeret. Erat autem Balbi apud Cæ-
sarem summi ponderis auctoritas: ut non sine causa di-
cat, Balbo quidem intelligebam satisfaciendũ fuisse.

212. AVT OBSOLETVM BRVTO,
AVT BALBO INCHOATVM: *nolebā,*
libros de Finibus exire, antequā ego eos ad Brutum cui
desponderem, misissem: ne scilicet, cum mitterem, obso-
leti uiderentur, quos iam multi ante legissent. IN=
CHOATVM: *uolebam eorum librorum Balbo co-*
piam fieri, quod inchoati, & rudes, neque dum perfe-
cti essent. 212. MITTAM: *quatuor Academi-*
cos. 212: QUID AVTEM DVBITA=
RIM: *cur dubitarim, mittendi essent, nec ne; scies,*
cum te uidero. 211.

213.

ATTRIBUTOS] *Assignatos tibi à me,*
quos exigeres. APPELLAS: *ut pecuniam nu-*
merent. 78: DE PRAEDIO AVIAE: *de*
prædio, quod ad te hæreditate peruenerat auia tuae
morte. 2: PERODIOSVM: *opinor de diuor-*
tio: de quo supra. TVLLIVM SCRIBAM:
hic est M. Tullius cognomento Laurea, de quo in episto-
stola ad Rufum, et Plinius. TIBI MANDAS
SEM: *apud Tullium scribam pecuniæ quiddam Ci-*
cero posuerat, Atticoq; dixerat. Atticus, qui à Cicero-
ne haberet in mandatis, ut nominibus exigendis quan-
tamcunque posset ei pecuniam cogeret: arbitratus eam
pecuniam apud Tullium positam nomine uoti, adiuit
ad eum: petijt, quod apud eū Cicero posuisset uoti nomi-
ne, sibi daret. tum ille, uoti nomine quidquam apud se
positum, negauit. NOMINE VOTI: *ad fa-*
num, quod filia uouerat. 190: 202. IN HANC
REM: *in fanum.* DIXI, VBI ESSET:

COMMENTARIVS

dixi, apud Tullium me pecuniæ nescio quid habere.
CONTINVO AD ORIAM VR: hanc quoque pecuniam quamprimum exigamus. HOMINIBVS: ad fanum probo: ad hominum habitatione non probo. ὁ λογιαν: quod probemus. uide epistolā sequentē. QUI OMNIA: qui omnia ad te refero, nihil cōstituēs nisi de cōsilio tuo. ADERO: in Tusculano. SIN QUID, MULTA ENIM &c. sin quid te Romæ detinebit, multa enim possunt; utique postridie mecum sis: etenim cohæredes eo die aderunt, id est postridie Nonas. 209. MALITIA EST: nam si illi me ante aduentum tuum opprimerent, astute factum ab illis uideretur: ut, te absente, facilius mihi de hereditate imponerent. IN OPTIMA SPE PONO: te enim de ea nihil scribente, in spem uenio, aut leuiter ægrotare, aut fortasse etiā iam cōualuisse. 210: 212. EPISTOLAM CAESARIS: quam Cæsar ad Ciceronem misit ex Hispania, consolans de obitu filiae. 211.

Ex epistola XXIII. pagina 213.

MALLEM me accerferet:] Significas, Brutū in Tusculanum ad me uenturum: malle, Romam me accerferet. ITER: cum ire obuiam Cæsari cōstituisset ex Hispania redeūti. 208. LONGVM: cum Cæsari obuiam ire longissime uellet. 220. Aueo scire, qualis ei totius itineris summa fuerit. AFFECTI: uterque curis de Republica, ipse uero etiam in teritu filiae. VIVERE: refertur ad iucunditatē, remissionemq; animorum: quale illud 62: Rosiæ uixi cum

cum Axio. & 237 : cum Pansa uixi in Pompeiano.
 QVO MAXIME POSITA : posita est enim
 in incunditate. cum autem incunde non liceat uiuere,
 nulla potest esse συμβίωσις.

213.

NON morabantur:] Quatuor Academici ad
 Varronem non impediunt, quo minus Romam uenire
 possim. SVNT ENIM DEFECTI : uer=
 bum DEFECTI sententia non patitur, ac ne lin=
 guæ quidem latine consuetudo. quod si PERFECTI,
 aut DESCRIPTI, recte. DVBITASSE : num ad Varronem mitterentur. 213.
 QVOS BRUTO MITTIMVS : libros de
 Finibus.

213.

ISTA retentione] Ut debitam pecuniam non
 omnino soluant, sed aliquid retineant. ISTOS :
 debitores meos, facturos sine dubio, quod ab alijs fieri
 uideant. CONFICE : fac ut habeamus. usita=
 ta locutio. ὁλῶς : honesta conditione. ita confice,
 ut, quod egeris, probare possim. ISTA : faculta=
 tes, & opes : quæ multi curant. CVITRA=
 DAM : quod & de filio desperaret amissa Republi=
 ca. uel, cui tradam, cui tradenda uideantur : quasi fi=
 lium non probaret. & certe non fuit, quem tanti pa=
 tris filium agnosceres. Plinius. QVAM HABE
 RE : subaudi, lator : ut ad duo uerba, Offensioni, &
 Delectationi, duo item mēbra referantur. ILLVD :
 de retentione. IN SERMONEM : cum de=
 bitoribus. PERSECA : ut etiam de retentione
 concedas : iam enim rei familiaris iacturam non curo.

BBB

COMMENTARIVS

CVM ILLO SCAEVA: cum quo soles admodum libere loqui. EOS: Casarianos. CONSECTARI: in rapinis, uel in auctionibus de Pompeianorum bonis. REMISSVROS: impedimento futuros, quo minus id mihi soluatur, quod debetur; cum ipsi etiam non debita consequantur. DEDIE: diem tantum ad soluendum debitoribus concedere, neque tamen eam longiorem.

Ex epistola XXIII. pagina 213:

CICERONEM] Marcum filium. LITERARVM? dedit Cicero, subaudi. AN NON VIDIT? an potius eum Andromenes non uidit? FACIES &c. cognosces ex ipso Andromene, num eum Corcyra uiderit. DE VARRONE: de mittendis ad Varronem quatuor Academicis. QVATVOR διφθέρα: μετανομία: ut illud Virgilianum: Nunc pateras libate Ioui. posuit enim continens pro contento, quatuor libros Academicos significans: nam διφθέρα librorum opercula. IN TVAPOTE STATE: quia, mittendi sint ad Varronem Academici, nec ne, ad te refero. 211. 212:

213:

NEC tamen αὐδέομαι τρώας:] Non equidem uereor, ne quenquam offendam, si Academicos ad Varronem mittam: sed, ipsi quam res illa probaretur, uertus sum: ideoque dubitavi, utrum mitterem: uerum hoc in tua potestate est, mittantur, nec ne. Et illud, αὐδέομαι τρώας, non arbitror hic ad Pompeianos, aut ad Casarianos pertinere, potius generatim esse possumus

tum, hoc sensu, Nec tamen sermones hominum reformi-
do. illud autem 209. Et simul αὐτὸς εὐμαρτεῶς, ad Pō-
peianos spectat. RES ILLA: quatuor Acade-
mici. TV SVS CIPIS: tuo periculo Acade-
micos ad Varronem mitti vis. Et ita promittis fore, ut
illi probetur, ut in te recipias. IN ALTERAM
AVREM: dormio. securi animi sum de Academi-
cis; quando tu hoc suscipis, fore ut Varroni placeant.

Ex epistola XXV. pagina 213:

DE retentione,] Vide supra. ITA PV-
TARAM: non esse verum, quod Clodius cum sibi
dixisse narrabat, Ciceronem filium ab eo visum Corcyræ.
SCISSES: Andromenes tibi dixisset, tuq;
mihi. 214.

TV tamen &c.] Quasi cum admiratione. Ni-
hil, inquit, de te scribis, nihil de Bruto: cum ego de
utroque ex tuis literis expectem. ILLVM: in Tu-
sculanū exiturum. ROMAM: cogito. hac enim
scripsit Arpini. QVONIAM TV TE LE-
GISSE SCRIBIS: hoc ideo dicit, quasi Atti-
cum iudicare velit, num illud ad Brutum sit obscure
scriptum. ideo infert, FORTASSE: quod ipse
certum nesciret, num fuisset obscurior. hoc, inquit, volui
scribere, me ex tuis literis intellexisse, nolle eum &c.

NEC ENIM AD TABVLAM EVM
DESIDERATVRVS ERAM: Brutum cu-
piebam Idibus esse Romæ, non ut auetioni interesset, sed
ut ad obsignandum testamentum adhibere possem.

AD TESTAMENTVM: veteres facto testa-

BBB ij

COMMENTARIUS

mento obsignatores ex lege adhibebant . in Verrem libro IIII. 100. adhibebant autem amicos ferè , aut homines auctoritate præstantes : quo magis ratum haberetur id, quod annulis clarorū uirorum esset obsignatum . ad Atticum 100 : Et apud Valerium Maximū, testamentum Anci Carseolani Pompeium Magnum signasse, legitur lib. VII. MALO ALIO DIE: nolo, ut constitueram , Idibus testamentum obsignare, sed alio die, ne uidear ideo Romam uenisse, (uenturus autem erat pridie Idus, ut paulo ante scripsit) ut Brutū ad obsignationem testamenti adhiberem, post aduētum meum uno tantū die. TOTVM HOC ITA GVERNES : fac quæso, ut Brutus suo commodo in Tusculano sit, de Idibus nihil cogitet : quod iam opus nihil est.

214.
QVIA tuo periculo] Ad proximam epistolam superiorem Atticus responderat, & de Andromene, & de Academicis ad Varronem . de quibus cum Cicero ita scripsisset ; Quoniam tu suscipis, in alteram aurem: Atticus respondens quodam modo refugere uisus est, ut ipsius periculo mitterentur . ad id igitur Cicero, Quid est, inquit, quod perhorrescas, quia tuo periculo iubeam libros Varroni dari? SI QUANDO IN EPEIRVM VENERIS : ubi soles esse otiosus. nunc enim te Alexionis epistolæ occupatū habent. quas te nolo abijcere , tuis de rebus ex Epeiro scriptas , (sic enim opinor) ut meos libros legas. leges autem, si quando in Epeirum ueneris. IN MACROCOLA: in chartas regias . in quas ex archetypo Academicos libros transtulerat . impensam, inquit, iam fecimus in

chartas : facile igitur patior , à nobis propositum te-
neri , ut Academiam Varroni demus : ne , si ad ali-
um , mutato consilio , mittendam censuerimus , rur-
sus mihi impensa facienda sit in alia macrocola .
¶ Plinius libro XIII. cap. XII. SI ADDV-
BITAS : utrum ad Varronem Academia demus.
AD BRVTVM TRANSEAMVS : de-
mus eam Bruto . quod etiam constituerat , antequam
de Varrone consilium caperet ab Attico admonitus.

209: ANTIOCHVS : probat Antiochi par-
tes , quas Varro defendit in Academicis : ut eas à Var-
rone ad ipsum transferre non absurde possimus.

SVI SIMILEM : libri Academici à Cicerone
scripti , cum modo ad hunc , modo ad illum mitterentur ,
similes plane uidebatur Academia , quæ cum affirma-
ret nihil sciri posse , non constare uideretur in sententia :
quoniam si dicis , nihil sciri posse ; dicis idem , affirmari
nihil posse . quodd si affirmari nihil dicis posse : cur hoc
affirmas , nihil sciri posse ? inconstans igitur Academia
ratio .

214:

EPISTOLA mea ad Varronem] Intelligo
epistolam , quæ legitur libro ad Varronem , hoc principio ,
Etsi munus flagitare . quam scripsit , ut cum quatuor
Academicis mitteret . SPINTHERO : seruo
amanuensi . ¶ ostendit , quàm diligenter scripta sit
epistola ad Varronem , cum eam Spinthero syllabatim
dictauerit .

Ex epist. XXVI. pag. 214:

DE Virgilij parte] Hanc epistolam , cum in ordi

BBB ij

nem libri superioris inseri deberet, detruxit in hunc locum ignorantia librariorum. argumentum est uel maximum, quod Astura epistolam scribit, & inde Lanuuium cogitat, Lanuuius in Tusculanum uellet, sed ab eo refugere uidetur, ne dolorem ex Tulliolae morte susceptum locus renouaret: propterea quod in Tusculano perierat. itaque dicit, CONORE QUIDEM IN TVSCVLANVM: quasi animo repugnante. colligamus nunc quae scribit superiore libro. primus
 201. Postridie, inquit, Iduum Lanuii constitui mane-
 re, inde postridie in Tusculano, aut Romae. utrum sim
 facturus, eo ipso die scies. et 202: Ego hinc postridie Idus
 Lanuium, deinde postridie in Tusculano: contudi
 enim animum, & fortasse uici, si modo permansero.
 & 202. Vincam, opinor, animum: Lanuuius pergam
 in Tusculanum. Sunt & alia argumenta: quae omit-
 to, ne perspicua in re sim nimis. DE VIRGILI-
 LII PARTE: Virgilius unus erat ex coheredibus
 Scapulanis; qui fortasse Attico dixerat, se suam partem
 Scapulanorum hortorum Ciceroni concessurum; ut ei
 locus esset, si fortasse coheredes non in auctione hortos
 uendere, sed inter se liceri cogitarent. unde illud 199:
 Haeredes Scapulae si istos hortos, ut scribis tibi Othonem
 dixisse, partibus quatuor factis liceri cogitant: nihil est
 scilicet emptori loci. & illud 202. Perfice aliquid: quid
 autem aliud, nisi ut aditus sit emptori? quod per quem-
 uis heredem potest effici: sed Mustelam id perfecturum,
 si rogaris, puto. Et 205: de parte Crispi & Mustelae
 uult ab Attico certior fieri; cum eam sibi uendi cupe-
 ret. VALDE PROBO: quod dicas te tenta-

turum, num Virgilius, quæ pars hortorū Scapulanorū ad ipsum pertinet, eam partem nobis uelit attribuere.

204. De Virgilio, inquit, ut scribis. hoc tamen uelim sci
 re, quando auctio. ID ERIT PRIMVM,
 PROXIMVM CLODIAE: Scapulanos hor-
 tos primum cupio; secundum eos, Clodiae. Idem scribit
 201. Si quæris, quid optem: primum Scapulæ, deinde
 Clodiae. Et 201: Nescio quid de Clodia scripsisti. ubi
 ergo ea est, aut quando uentura? placet mihi res sic,
 ut secundum Othonem nihil magis. Et 202: Malim
 primum Othonis, deinde Clodiae. Et 204: Tu mihi
 aut Scapulanos, aut Clodianos efficias, necesse est.

METVO, NE TVRBEM, ET IRRV-
 AM IN DRV SVM: hortos cupio usque ad in-
 temperantiam. itaque, nisi tu mihi Scapulanos, aut Clo-
 dianos efficies, Drusianos emam. & ut ostendat, in eius
 rei cupiditate se propemodum insanire, moramq; non
 ferre, communibus uerbis nō contentus, usurpauit trās-
 lata, ad significationem haud paulo plus afferentia.

EIVS REI: fani, cuius causa hortos quæro; ut
 sit, ubi ædificari possit.

214:

- REVOLVOR identidem in Tusculanum:]
 Sæpe uenit in mentem, facere fanum in Tusculano, si
 hortos non inueniam: mihi enim omnino illud hac æsta-
 te absolvere, deliberatum est. 198: De fano, inquit, si
 nihil mihi hortorum inuenis, ualde probo rationem tuā
 de Tusculano. sed nescio quo pacto celebritatem requi-
 ro: itaque hortos mihi conficias, necesse est. Et 202.
 Considerabis etiam de Tusculano; ne æstas effluat: quod

B B B iij

certe non est committendum. & 201.

214:

V T tempus est nostrum,] Quasi dicat: Ne Astura
ra quidem facile sum: sed ut tempus est nostrum; sed
ut in malis, facilius tamen sum, quàm ubiuis. & cum
dixit, NOSTRVM TEMPVS, potius ad mor
tem filiae respexit, quàm ad Reip. calamitatem. Supra,
ἀνεκτότερά erant Asturae. FACILIVS: liben
» tius: ut illud in epistola ad Celium: Quod in maritimis
» facillime sum, mouet suspicionem me uelle nauigare. et
alibi. CONOR: ut inuitus, & contra uolunta
tem. abhorrebat enim à Tusculano. uide 202: TV
LITERAS CONFICIES: dicit hoc, Tu ad
me uelim saepe scribas.

214:

EPISTOLAM ad Caesarem:] Hæc est epi
stola, de qua 203. 204. 204: 206: 215. 216: NIHIL
SANE EST NECESSE MITTERE:
nam uidetur erga nosita, ut uolumus, esse animatus:
ut necesse non uideatur, ei me hac assentatoria epistola
» blandiri. In epistola, quæ proxime sequitur: Quod aliud
» argumentum epistolæ nostræ, nisi κολακία fuit? NI
SI FORTE ROMAM: nam si Lanuuius Ro
mam me conferam, ipse epistolam mecum afferam.

Ex epistola XXVII. pagina 214:

ISTI ante legerent:] ISTI, Caesariani.
ANTE, quàm ad ipsum mitterem. 204. 205.
QUANQVAM DE BELLO PARTHI
CO &c. quanquam non est, cur illam partem repres

hendant, quæ est de bello Parthico. quodd enim hortatus
 Cæsarem sum, ut id bellum susciperet, nihil spectavi, nisi
 quod illum arbitrabar uelle: sciebam enim, quod ego
 suaderem ut faceret, id ipsum iam in animo habere.
 quod si ita est, quamobrem eam partem isti non pro-
 bant? Maluissent autem Cæsaris amici, ut potius ei Ci-
 cero commorationis urbanæ suator esset, ne se amplius
 fortunæ committeret, confectis iam omnibus civilibus
 bellis, & Pópeianis partibus plane deletis. QUID
 SPECTARE DEBVI: Ciceronem, cum illa
 ad Cæsarem scripsit de bello Parthico, debuisse spectare
 incertos bellorum euentus, communemq; Martem, Cæ-
 saris amici dicebant. quod si fecisset, Cæsari potius ur-
 banum otium, quàm bellicam fortunam laudasset.
 Ego inquit, cum illa scripsi, quæ isti non probant; ipsius
 uoluntatem sum secutus, (quid enim aliud spectare
 debui, nisi quod illum uelle arbitrabar?) quem ad bellū
 Parthis inferendum ualde scirem sua sponte esse pro-
 pensum.

215.

TOTIS igitur &c.] Prorsus non mittenda
 est illa epistola. ἐπίτευμα MAGNUM: quod lu-
 crum illa epistola Cicero sequebatur? Cæsaris beneuo-
 lentia. ἀπότευμα VEL NON MAGNUM
 MOLESTVM FUTVRVM SIT: uel
 minima enim apud Cæsarem offensiuncula mihi esset
 permolesta: itaque periclitari nolo. ME NISI
 TOTO &c. me expectasse exitū Hispaniensis belli,
 deinde scripsisse: quasi antea ideo non scripserim, quod
 de Pompeianorum uictoria sperauerim. QVASI
 CATONIS μέλιγμα: ne putet me ob eam causam

COMMENTARIUS

hanc sibi epistolam misisse, ut hoc quasi munere eum placarem, alienatum eo libro, quem scripsi de laudibus Catonis. VALDE ME POENITEBAT: poenitebat me, eam epistolam scripsisse: & plane cupiebam, istis non probari, ut causam haberem non mittendi. accidit igitur ut uolebam, quod studium in ea scribenda à nobis positum non probarunt.

215.

IN illos,] Qui apud Cæsarem sunt. qui ex illa epistola nacti occasionem calumniandi, operam darent, ut me in odium Cæsaris adducerent. COGNATVM TVM TVVM: Quintum Ciceronem, Pomponie, quæ Attici soror erat, filium. quem de Cicerone patruo apud Cæsarem detrahere solitum, supra ostendimus 199: 207.

215.

ILLVC] Ad hortos uidendos. Insequens epistola primo uersu declarat. QUID QUID ERIT: siue futurum est, ut Scapulanos hortos emamus: siue etiam non est: pecuniam exigamus à Faberio debitore. AVCTIONIS: hortorum Scapulanorum. Sic
 » 204. De Virgilio, ut scribis. hoc tamen uelim scire,
 » quando auctio. Erat enim auctio futura hortorū Sca-
 » pulanorum. quod indicat illud 205: Puto fore istam
 » etiam à præcone diē, certe ab heredibus. De Crispo &
 » Mustela uidebis: & uelim scire, quæ sit pars duorum.
 Erat autem Mustela Scapulæ heres, itemq; Crispus. &
 de Mustela perspicuum est 202.

Ex epistola XXVIII. pagina 215.

C R A S scilicet.] Ex tuis literis cognoscam.

Volebat autem Atticus hortos Scapulanos diligentius inspicere, ut, quoniam eorum auctio futura erat, ante cognosceret, quanti à Cicerone recte possent emi.
DE FABERIO: de exigenda à Faberio pecunia, pro emptione hortorum.

215.

DE epistola ad Casarem &c.] Quod me hortaris, ut epistolam aliquam ad Casarem conficiam, eiq; proponam quod ad laudem sempiternam ualeat: iurato mihi crede, non possum: non quod me turpitudine deterreat, (etsi maxime deterrere debebat: scribere enim ad Casarem sine assentatione nihil possum: porro cum nobis uel ipsum uiuere turpe sit, libertate amissa; quanto est turpius, ei, quo eripiente amisimus, assentari?) sed quia prorsus nihil uenit in mentem, quod ad illum scribam. Idem 200. VELLEME QUIDEM &c. uelle, me turpitudine deterreret: essem. n. qui esse debebam: hoc est: in seruitute non uiuerem, sed ab hac turpi uita uel morte me uoluntaria uindicare Catonis exemplo. HOMINVM ELOQVENTIVM ET DOCTORVM: ut Aristotelis & Theopompi. 200: VERISSIMAE GLORIAE: non enim uera gloria incensus Casar est, sed falsa, & inani, quam ex interitu Reip. quaesiuit. EGO QUID POSSVM? ad ueram gloriam cohortanti uerba non deessent: sed id quidem tuto non possum. hoc autē erepto argumento, praeterea quod scribā non reperio. TAMEN NESCIO QUID &c. scripseram tamen nescio quid, & mehercule cum labore, ut quasi è quercu uiderer excu-

pere, quæ est arbor durissima. SIMILE SIMV
 LACRI: uult ostendere: quemadmodum è quercu
 simulacrum facere difficultatis sit, duriore materia,
 quàm ut circuncidi, aut expoliri possit; ideoq; potius si-
 mulacri quiddam simile, quàm simulacrum efficiatur:
 sic se, cum ad Cæsarem scriberet, argumento admodum
 angusto, (neque enim quod & ipsi honestum esset, &
 Cæsari gratum, scribere licebat; itaque difficili in loco
 uersabatur, ut quasi è quercu uideretur exculpere) per-
 fectum opus non potuisse facere, sed fecisse nescio quid,
 quod operis tamen simile uideretur: more fabrorum
 lignariorum, qui è quercu non perfectum simulacrum
 formant, quod propter ligni duritiem difficillimum est,
 sed quod simulacri simile sit. Et significat epistolam ad
 Cæsare, de qua 203: 214: REPREHENDVN
 TVR: à Cæsarianis, qui Romæ sunt: à quibus, pla-
 cuit nobis, ut epistola legeretur, antequam eam ad
 Cæsarem mitteremus. 214: QVOD ME MI-
 NIME POENITET: quod mihi est minime mo-
 lestum. PERVENISSENT: ad Cæsarem.

215:

HVNC de pompa, Quirini contubernalem,]
 Cæsarem. cuius simulacrum, quasi alicuius dei, per pō-
 pam inter deorum signa gestatum est in ferculo. quod
 » Suetonius declarat his uerbis: Non honores modo ni-
 » mios recepit, ut continuum Consulatum, perpetuā Di-
 » Etaturam, statuam inter reges; sed & ampliora etiam
 » humano fastigio decerni sibi passus est, sedem auream
 » in curia, & pro tribunali thensam, et ferculum Circæ-
 » si pompa, templa, aras, simulacra iuxta deos, puluinar,

22 Flaminem, Lupercos. Et Dion libro XLIII. καὶ τότε
 22 μὲν ἀνδριάντα αὐτοῦ ἐλεφάντινον, ὕστερον δὲ καὶ ἄρμα
 22 ὅλον ἐν ταῖς ἵπποδρομίαις μετὰ τῶν δέων ἀγαλμάτων
 22 πέμπεσθαι ἐγνώσαν : ἄλλην τέ τινα εἰκόνα ἐς τὸν τοῦ κυ-
 22 βίνου ναὸν, θεῶ ἀνικῆτῳ, ἐπιγράφαντες . hac sententia :
 Decreuerunt, ut eburnea Caesaris statua, & currus etiā
 solidus, quo die cursus equorum in Circo spectantur,
 inter deorum imagines in pompa gestaretur: et ut alia
 præterea statua in Quirini templo poneretur, cum hac
 inscriptione, Deo invincibili . Ideoq; eū appellat Cicero
 Quirini contubernalem, & supra 202 . græco uerbo
 σύνναον, quod in eodem templo simul habitarent . idq;
 etiam Suetonius significat, cum dicit, Simulacra iuxta
 deos . H V N C : qui deorum in numero habeatur ;
 cum & imago eius inter deorum imagines per pompā
 sit uecta, & eiusdem statua, quasi dei, Quirini in tem-
 plo collocata . P O T I V S N O N S C R I -
 P T A & c . potius ad se nihil scribi uult, quā scribi
 quod non prober . P O S T R E M O , V T V O -
 L E T : iam non laboro, quo animo erga me sit . abiit
 illa cura, quæ me antea stimulabat : cum hoc quæreba,
 qua ratione & Cæsarem mihi conciliarem, & personā
 tamen optimatis sustinerem . quod tibi quoque dabam
 cogitandum, ut consilio me iuuares . eāq; tunc erat
 quasi Archimedis quæstio, obscura scilicet, & inexplica-
 bilis . 186 . C A S V M I L L V M : interitum meū .
 significat enim illud tempus, cum in Italiam reuertit,
 Pompeio in Pharsalia deuicto . quo tempore sollicitus
 erat de salute sua, maxime timens, ne Cæsar in eos quī
 Pompeium secuti essent, foret acerbior . hinc illa libro

XI. plenæ doloris et desperationis epistolæ. MIHI
OPTATO VENERIS: scripserat enim At-
ticus, se uelle ad illū, si uideretur, proficisci. PRO-
FECTVS EST: cum aliquot dies cum Cicerone
fuiſſet. 204. 204: 207:

Ex epistola XXIX. pagina 215:

DE philologis] De peritis ad disputandum. 208:
211. IN TALNAM: in sermonem de Talna.
DE INGENIO &c. ingenium Talne Nicias
laudabat, sed non supra modum. frugi hominem &
modestum dicebat esse. HOC MIHI NON
PLACUIT: quod eius rem audiui non maiorem
esse DCCC. HOC PUTAUI TE SCI-
RE OPORTERE: forte, quod Atticus aliquam
sibi affinitatis, aut amicitie iure deuinctam, cogitabat
Talne in matrimonio collocare.

DE hortis] Scapulanis: quos Atticus inspexerat.
215. ET CHRYSIPPO: & Chrysippi ser-
mone: hortis enim cum Attico inspectis, ad Ciceronem
profectus est. Erat autem architectus, fueratq; Cyri ar-
chitecti libertus. 227: & in epist. fam. 102. IN
VILLA: quæ in hortis est. INSULSITA-
TEM: insulsa placere non solent. recte igitur & ue-
nuste insulsiatatem tribuit uillæ, quæ nihil haberet, cur
placere posset. contraq; cum de uilla loquitur elegan-
ti, salis, inquit, satis est. in epistola ad Patum. VI-
DEO NIHIL, AUT PAUCA MUTA-
TA: putabam dominos in uilla multa mutasse, à quo

tempore nos eam uidimus. sed, ut è Chrysippi sermone
intelligo, nihil, aut pauca mutata: ut eadem sit insulsi-
tas. HIBERNA: uillæ partem ad hibernum tē-
pus ædificatam. AD ID, QVOD VOLV-
MVS, ἀφιδεύμα: ad fanum filiæ dedicandum.

CELEBRITATEM NULLAM: quo enim
tempore ego illum noui, non frequentabatur. τὸν
τύπον & c. obsequere cupiditati meæ. τύπος enim ualet
elatio: quæ ad cupiditatē transfertur: unde illud primo
libro de Diuinatione: Ducem ei præcepisse, ne respice-
ret: illum autē id diutius facere non potuisse, elatumq;
cupiditate respexisse. Et ad hunc ipsum epistola VI.
libri I. In hoc genere sic studio efferimur, ut abs te ad-
iuuandi, ab alijs propè reprehendendi simus.

216.

SI Faberius & c.] Si Faberius soluit quam nobis
pecuniam debet: noli quærere, quanti horti uendatur:
eme, quouis pretio: uince Othonem in certamine licita-
tionis. Erat enim Atticus Ciceronis nomine licitaturus.

Othonem autem, qui & ipse eosdem hortos cupiebat,
aduersarium in auctione timebant. unde illud 203.

Difficile certamen cum cupido, cum locuplete, cum hæ-
rede. & 200: 202. 217. 217:

INSANITV-
RVM: insanire dicuntur, qui aliquam rem multo plu-
ris emunt, quàm quanti sit. unde insana cupiditas li-
bro VI. in Verrem. TRACTATVM: in
re minus nota. VT MIHI & c. ut hortos emptu-
rus nō uideatur. QUID ENIM PATERE-
TVR? imperfecta sententia. abiecit enim, recordatus
in Faberiano nomine totū esse. SI FABERIA=

COMMENTARIUS

NVM EXPLICAS: si pecuniam exiguis à Fa-
berio. 194: CLODIAM IGITVR: ag-
grediamur. uideamus, inquit, de hortis Clodiae. 203.

MVLTO MINORIS SVNT: quàm Sca-
pulani. Et 203. de iisdem hortis: Quia tanti rem aesti-
mas, ed prorsus spectro. ET DOLABELLAE
NOMEN: & Dolabella, quam pecuniam debet,
iam eā nobis soluet. debebat autem ex dote Tulliolae.
REPRÆSENTATIONE: hortos Scapu-
lanos emissem, die sumpta. Clodia uero si emimus; de
die nihil cogito; repræsentare possum; cum & multo
minoris sint, quàm Scapulani, & Dolabellae nomen iā
expeditum uideatur. REPRÆSENTATIO-
NE igitur expono, solutione facienda ante illud tem-
pus, quod in emptione Scapulanorum hortorum cogi-
taueram. de quo 205: his uerbis: Quod dies longior
est: (sic enim puto legendum) teneamus modo, quod
uolumus: puto fore istam etiam à pracone diem, certe
ab hæredibus. 216.

CRAS aut te, &c.] Concisa sententia, nec sa-
tis omnibus aperta. exponamus igitur: ut consulatur
etiam ijs, quorum acies ad intelligendum est obtusior.
Cras, inquit, aut te expecto, aut causam cur non uene-
ris. causam autem, quæ te moretur, hanc puto fore, ut
pecuniā exigas à Faberio. sed si poteris, omnino uelim
uenias.

Ex epistola XXX. pagina 216.

CICERONIS epistolam &c.] Quinti filij
ad Atticum. O' TE FERREVM: cum iro-
nia.

nia. PERICVLIS: de quibus tam multa scribit. ME QVOQVE: cum scribat nō modo tua, sed mea quoque culpa factū esse, ut in Hispaniā ad bellū ire coactus sit. EAM EPISTOLAM: ad me missam à Quinto. MISISSEM: nisi te cras expectare. quod proxime dixit. EODEM EXEMPLO: puto ipsē uerbis scripsisse ad te de rebus à se gestis, quibus ad me scripsit. QVAS PHARNACI DEDERAS: ad me perferendas; ut ego eas deinde ad Vestoriū curare. IN EIVS EPISTOLA: in epistola, quam is attulit à te scriptam. AVCTIONEM BIDVVM: aucionem hortorum scapulanorum biduum futuram. sic & libro IIII. 61. Idibus aucionem Larini uideo, & biduum praterea. AB EA IGITVR: ad me uenies. CONFECTO NEGOTIO FABERIANO: exacta à Faberio pecunia. QVEM QUIDEM &c. negat Eros Faberium hodie Romæ futurum. unde illud 215. De Faberio, cum uenerit. et 205. COLENDVS: Faberius. obserua eum diligenter, ut quasi assentatione quadam ab eo pecuniam elicias. KORAXIA: assentationes: in quibus turpitudine, & propè scelus est. PERENDIE: uidebo.

216:

NON sanè quadrat.] si enim Prætor est factus XIII. annis post, quàm Consul Mumius: apparet, quo tempore Consul Mumius ad oppugnandam Corinthum est profectus, adolescentem fuisse, ut legatus esse non potuerit. 206: 217, 218.

CCC

VOLO aliquem etc.] Hoc ne Atticus quidem intellexit: ut apparet ex epistola, quæ post proximam sequentem legitur.

Ex epistola XXXI. pagina 216:

MORABOR te:] Moræ causam afferam. retinebit enim te negotiū Faberianū. CVM POTERIS IGITVR: uenies, cum per negotia licebit. QVONIAM ETIAM DVM ABES: quoniam non dum in uiam te dedisti; & cum hæc ad te afferetur epistola, etiam dum Romæ eris: ideo illud scripsi, ut uenias cum poteris.

DICAEARCHI quos scribis libros,] Libros de anima. 217. καταβάσεως: librum, quæ scripsit Dicaearchus περὶ τῆς εἰς τροφῶνίου καταβάσεως: de quo Athenæus libro XIII.

κεπρικὰ.] κέπος auis est ita levis, ut, quæcunque in partem uentus flauerit, in eam auferatur. κεπρικὰ igitur μεταφορικῶς dixit, pro, leuia, & inania. non recte inquit, isti me ad Cæsarem epistolam reprehendunt; et ea, quæ dicunt, minimi sunt pöderis, plane κεπρικὰ. nā quod illum aiunt scribere, se, nisi constitutis rebus, non iturum in Parthos: idem ego suadebam in illa epistola. 206: 214: AVCTORE ME: ego enim suasi, ut & res constitueret, & Parthis bellum inferret.

AGGREDERE Othonem,] Velim, quod

scribis te facturum, Othonem moneas, ne contra nos
 liceatur, quo facilius ad hortos pervenire possimus. Idē
 paulo post. ISTAM REM: hortos Scapulanos:
 quorū auctio futura erat. ET TECUM ES-
 SE POSSIM: propter vicinitatem. Hoc est, quod
 » dicit 196. De hortis, quāso, explica. caput illud est, quod
 » scis. sequitur, ut etiam mihi ipsi quiddam opus sit: nec
 » enim esse in turba possum, nec à vobis abesse. huic meo
 » consilio nihil reperio isto loco aptius. QUANTI
 AVTEM: quanti putem nos emere posse Scapula-
 nos hortos, ita ratiocinor: Cum C. Albanius proximus
 vicinus ∞ iugerum HS CXV. de M. Pilio emerit;
 nunc, iacentibus omnium rerum pretijs, debere Scapu-
 lanos hortos multo minoris esse. NVNC MI-
 NORIS: ob civilem calamitatem, & Reip. pertur-
 bationem. ACCEDIT CVPIDITAS:
 cuius causa pluris hortos aestimare debemus, quā quanti
 sint. MOVERE: ut nobis hortos concedat.
 CANVM: Attici & Othonis amicum. & forte is
 est, de quo 250: O' GVLAM INSVLSAM:
 Othonis, qui hortos tam auide appetat uoluptatis modo
 causa.

Ex epistola XXXII. pagina 217.

DE Faberio:] Expedi nomen Faberianum:
 sine quo hortos consequi non possumus. QVOD
 COGITAMVS: intellige, hortos. NON LA-
 BORAREM: de pecunia à Faberio exigenda.
 ISTVC: ad istam diligentiam.

CCC ij

VTROSQVE] Vtrunque sermonē de mortalitate animorū. duos. n. sermones, alterū Corinthi, alterū Mitylenis habitū, ternis libris explicauit. Cicero Tusculanarum primo. καταβάσεως : librum περὶ τῆς εἰς τρωφώνιον καταβάσεως. 216: τριπολιτικόν : Dīcearchi librū : cuius mentio apud Athenæū lib. I I I I. **ARISTOXENVM** : Aristotelis discipulum, philosophum, & medicum nobilissimum, maximēq; in musica præstantem. Suidas. Cicero de Orat. lib. 3. Tusculanarum primo. **AD ID, QVOD COGITO** : ad Tusculanas quæstiones : quas scribere in animo habebat. quarum libro primo, Dīcearchi utitur sententia contra immortalitatem animorum. **TORQVATVS** : liber Torquati nomine inscriptus ; ut de senectute, Cato ; de amicitia, Lælius. **CATVLVM, ET LVCVLLVM** : Academicos libros, quos primum scripserat : quorum alterum, CATVLVS ; alterum, LVCVLLVS, inscripserat. Vide illud 208 : Illam ἀκαδημαϊκὴν &c.

EAS literas] Ea procœmia. quandoque enim literæ pro scriptis ponuntur: ut libro I. meis omnibus literis in Pompeiana laude perstrictus. **IN LIBONIS** : in Libonis annali. 216:

LEGATVS esse potuisset.] Cum admiratione dictum: ut significet, non putare se Tuditanū Cōsuli Mumio X I I I I. annis ante, quàm Prætor factus est, legatū esse potuisse. fuisse enim amodum adolescens:

utpote quatuordecim annis infra Præturam, quæ dabatur anno ætatis uno & quadragesimo. Consulatus autem Popilij & Rupilij à Consulatu Mumij distat annorum XIII. interuallo. NISI ADMODUM SERO etc. annus Quæsturæ legitimus erat trigesimus tertius, Aedilitatis trigesimus sextus, Præturæ unus & quadragesimus, Consulatus quadragesimus quartus: ut inter omnes magistratus biennium necessario interesset. eos autem magistratus legitimis annis capere, in primis erat honorificum: quod Cicerò sæpe de ipso gloriatur. nam repulsam multi ferebant: ut honores consequi non possent anno legitimo. Quod si quis Quæsturam, aut Aedilitatem non suo anno, sed serius cepisset, magistratus quoque reliquos serius capiebat: eorum enim tempus necessario protrahebatur, cum inter omnes biennij spatium oporteret esse. Recte igitur, NISI ADMODUM SERO QUÆSTOR EST FACTVS. nam si factus est Quæstor admodum sero, ut anno trigesimo octauo, aut quadragesimo: potuit esse legatus Mumij Tuditanus et XIII. annis ante Præturam, nec tamen adolescens. quod si Quæstor suo anno factus est, hoc est trigesimo tertio: necesse est legatus fuerit admodum adolescens.

217:

CVRVLES magistratus] De curulibus magistratibus in suo libro plenius. curulis autem magistratus Prætura fuit. quam si Tuditanus cepit anno legitimo, hoc est uno & quadragesimo; eiusq; Præturæ annus, quæ fuit Popilio & Rupilio Consulibus, annis XIII. distat à Consulatu Mumij: sequitur, ut le-

CCC iiij

gatus Consul Mumij fuerit annum agens sextum & uigesimum: quod non quadrat: non enim, illa etate qui sunt, ijs honorem legationis demandare moris est. SCIEBAM FVISSE: in decem legatis. CVM LVCVLLO FVIT: Consul, anno ab V.C. 603. ADDIDISTI: confirmans id quod sciebam. AD ILLVM σύλλογον &c. dignum, qui in illa ciuium collectione numeretur. VIDE= BIS IGITVR CAETEROS: scribes, qui praterea in decem Mumij legatis fuerint. πομπεύσαι καὶ τοῖς προσώποις: ex personarum dignitate quasi pompam agere.

Ex epistola XXXIII. pagina 217:

NEGLIGENTIAM miram] Balbi, & Faberij, qui ne semel quidem mihi dixerint, professionem in tabulas publicas relatam. PROFESSIO= NEM: omnium bonorum. OPORTERE: ut aliquem mitterem, qui profiteretur; si ego de illa causa Romam ire nollem. LIBRARIVM: eum, qui cuiuslibet professionem in tabulas publicas referebat. SED SCRIBIS, ET QUIDEM CONFECTVM: sed scribis, librarium te nosse: & addis etiam, de professione confectum. LITERAS MISI: admonens eum, & rogans, ut pecuniam nobis debitam persolueret.

217:

ALIQUID fecisse H.] Aliquid fecisse hodie. sic enim interpretor antiquam notam. & FECISSE, de nomine Faberiano: ut Balbo adiuvante, pecu-

nia exigeretur à Faberio. simile illud est, uel potius idē
 22 est, 196. Cum Oppio & Balbo communices, quanto pe-
 22 re & quare uelim hortos; sed ita posse, si expedia-
 22 tur illud Faberianum. Et 203. In utroque Faberianum
 22 nomen explorandum est. de quo nihil nocuerit, si ali-
 22 quid cum Balbo eris locutus, & quidem, ut res est, eme-
 22 re nos uelle, nec posse sine isto nomine, nec audere incer-
 to. Scripserat autem Atticus Ciceroni, se esse eo die cū
 Balbo locuturum in Capitolio.

217:

IN Virgilio &c.] Othonis hærede. 214:
 Δυσωπία: stulta uerecundia. fortasse, quod ab aliquo
 ex cohæredibus partem hortorum emere cogitaret.

DEBEO: ut eius causa ne emā. QVOD PO-
 STVLET: quod me emisse queratur. VIDE-
 BIS CVM CVSPPIO: ut Cuspianus nobis satisfaciat.
 de quo nomine 194: Cuspiana, inquit, explicabis.
 DESTINAT: statuit hortos emere. DIFFI-
 CVLTATEM: in auctione magnum haberemus
 aduersariū. ISTA RES: auctio Scapulanorū
 hortorum. POSSE VINCI: in certamine li-
 citationis. 216.

217:

DE æstimatione &c.] Hortorum Scapulanorū.
 SCRIPSIT: fortasse Cæsar. ut in lege non præfi-
 nierit, quo ne quis plus iugerum emeret; sed de modo
 agri, id est, quo ne quis plus haberet. CVM PI-
 SONE, SI QUID POTERIT: conficies.
 22 & de auro intelligendum. Vide illud, Et tamen Piso-
 22 nē sicubi de auro. 204: DICA ARCHI LI-
 BRVM: librum posuit pro uolumine. nam Dicæ-

CCC iij

archi duos sermones de anima, quos intelligit, non uno libro, sed ternis explicatos, manifestū est ex prima quæstione Tusculana. Etiam 252: ita locutus est, ut pro toto opere librum usurparet: scribit enim sic: Librum tibi celeriter mittam de gloria: cū duos libros significaret. κατὰ βόσσεως: librum hoc titulo. DEDERIS: cui uidebitur ex tuis seruis. ut quærat de decem L. Mumij legatis in eo libro, in quo sunt eius anni S. C. quo ipse Mumius cum Cn. Cornelio Consul fuit. ANTIUCHO: seruo tuo literato. scies autem, si ei negotium dederis, ut quærat.

218.

MEMINI enim tui:] Feci, quod memini te solere: qui ita inuitare soles, ut penulā tamen cuiusquam nō scindas. CAMPVM MARTIVM COÆDIFICARI: cum campo Vaticano: ut ex duobus campis, Martio & Vaticano, qui Tyberi interfluente discludebantur, unus fieret Martius campus, fossa Tyberis obthurata. & agrum, qui est inter montes Vaticanos & Tyberim, quem agrum horti omnem tenebant, appellat Cicero campum Vaticanum. AT EGO AD TABVLAM: cum audissem, quid quid inter Tyberim & montes Vaticanos interiacet, fore ut Martius campus efficeretur: statim ad tabulā ueni, id est, in sermonem de auēctione scapularum hortorum, ut cognoscerem, si eos recte possem emere. CAVE FACIAS: caue hortos emas. Si enim, a ponte Muluio secundum montes Vaticanos Tyberi ducto, totus ille tractus, qui citra Tyberim futurus esset, Martius campus fieret: actum erat de transtyberinis

hortis: siquidem, ubi campus Martius futurus esset, quod populus ad comitia coibat, ibi omnia complanarentur, necesse erat: ut si sciret Cicero, de Scapulanis hortis consiliū omittere deberet, qui cum ceteris hortis eandē complanationem subituri essent. ISTA LEX PERFERETVR: de Vrbe augenda. & PERFERETVR, quia tantum promulgata fuerat. 211. VULT: ideoq; promulgationi intercedet nemo.

218:

NON concedit Camillo.] Ut credā, quod dixit de lege perferenda, uerum esse. DE IDIBVS: num Idibus hortorum auctio sit futura. istius enim rei causa, legis uidelicet de Vrbe augenda promulgata, Romae esse uellem. nam si perferretur, de hortis minime esset cogitandum. 218:

QVAS consequi tamen &c.] Aliarum rerum causa non refert Idibus ne Romae sim: siquidem eas nihilo minus biduo post, aut triduo conficiam. at uero hortorum auctio si omnino Idibus fiat, aduolandum est, ut de lege cognoscam. nā si Casari fixum ac statutum esse intelligam, ut perferatur: ego uero Scapulanos hortos abiicio, ne tanta impense iacturā faciam. TETAMEN &c. etiam si ego differam aduentum meum, te tamen ad me nolo uenire, ne, cum tanti calores sint, (hac enim scripta uidentur exeunte Iunio) itineris labore conficiaris. Et hoc dicit, quia scripserat Atticus se uelle ad eum. 216: IGNOSCO: si ad me non uenit. IDIBVS MAII: manifestum mendum. nec dubito, quin legendum sit, Idibus Iulij: uel, Idibus, mense subaudito, nam de Maio absurdum est intelligi:

COMMENTARIUS

cum è Tusculano profectus esset Arpinū VIII. Cal.
Quint. & recurrere Nonis Brinnianæ auctōnis causa
cogitaret, Nonis inquam Quintilibus.

Ex epistola XXXIIII. pagina 218:

VIII. Cal Iul.] Profectus è Tusculano 211:
TREIS HORAS ACQVIEVERAM:
quā ob causam Arpinum, angustiis temporis exclusus, eo
die peruenire non potui, & Asturæ mansi. EFFI-
CIAS: cum heredibus Brinnianis cohæredibus meis.

208: Dices, inquit, uel amico tuo, uel Othoni cohæredi
meo, uel Labeoni nostro, paulum proferant auctōnem,
me circiter Nonas in Tusculano fore. ILLVC:
in Tusculanum. 218:

ILLVD in primis] Diuortium fecerat cum Pu-
blilia: nunc de dote agebatur: de cuius solutione 253:
258. PUBLILIO: fratre Publiliæ, quæ Cicero-
nis uxor fuerat.

218:
ME penè absente] 222: Te, inquit, spero cum
Publilio confecisse. me absente omnia cum illis transi-
gi malo. PENE, quia re uera non aberat, cum cir-
cum uillulas suas, quæ propè Romam sunt, erraret, Ro-
mam etiam aliquando se conferret. DE QVO:
de diuortio Publiliæ scribes, inquit, num populus me re-
prehendat. NON MEHERCVLE ARBI-
TROR: non mehercule arbitror populum hoc fa-
ctum reprehendere; quippe qui Publiliæ nuptias impro-
bauerat: ut omnibus essem quasi fabula, quodd' atate
pronectus puellā uirginē duxissem. Hoc & Calenus ei

per contumeliā exprobrat apud Dionē libro XLVI.
 HAEC DECANTATA ERAT FABV=
 LA: populus multa ridicule dixerat de Publiliā ma=
 trimonio: diuortium igitur non improbabit. IPSE
 ENIM ADSVM: in Tusculano. iam, inquit,
 adest meus aduentus. 214. SCRIPSI enim ad
 te de hortis: ut de hortorum auēctione certiozem me
 faceres. quam si scribes prorogari: futurum est, ut
 meum aduentum ego item prorogem.

Ex epistola XXXIII. pagina 218:

GENTILIS tuus] Nouum hominem signi=
 ficat, cui Caesar Urbis augendae negotium dederat. 218.
 SIMVL AC VENERIT: subaudi, Datu=
 rum quatuor Academicos. quod significat insequens
 uerbum. quo modo & alibi locutus est Cicero. DA
 TI IGITVR IAM SVNT: dies enim iam
 praeterijt, quo eum Romae affuturum scripseras.
 NEC TIBI INTEGRVM EST: ad=
 emptā tibi facultas est deliberandi, utrum dandi sint;
 siquidem iam dedisti. QVANTO PERICV
 LO TVO: quia Varroni fortasse non probabun=
 tur: tu autem dixisti fore, ut probarentur. Ad hanc
 22 sententiam facit illud 213: Ipsi quā res illa probare=
 22 tur, uerebar: sed quoniam tu suscipis, in alteram partē.
 LITERAE MEAE: quibus scripsi, ut Acade=
 micos Varroni dares tuo periculo. HAS PRO=
 XIMAS: quibus significas te daturum, simul ac
 uenerit. QVOMODO RES SE HABE=
 AT: num Academicos Varroni dederis.

COMMENTARVS

Ex epistola XXXVI. pagina 218:

AMORE] Erga me.

Ex epistola XXXVII. pagina 218:

HAS alteras] Ad te mitto.

218:

DE Xenonis nomine,] Atticus debitam sibi à Xenone pecuniam, & HS insuper XL, quæ in Epeiro habebat in nominibus, solui uolebat Ciceroni filio, qui erat Athenis, ut Romæ tantundem ipse postea exigeret ex nominibus Ciceronis. uide 233:253:255: CVM QVINTO: fratris filio, omnibus locis, maximeq; in conuiujs mihi maledicente. REDIRE AD PATREM: etiam de patre detrahente. & uenuste, REDIRE; quasi domum. REGEM: Cæsarem. ANIMI: aduersus ipsum. CICERO-NEM MEVM VEXARI: filium meum à Quinto filio. ARBITRATV SVO: Quin-ti filij. LAUDATIONEM: mortuos Roma-ni ueteres in funere laudabant, præsertim ortos illustri familia. laudabant autem non modo propinqui, sed & amicitia coniuncti. Cicero Porciam laudauit, Ca-tonis sororem, laudatione non habita, sed scripta PORCIAE: quæ L. Domitij Aenobarbi uxor fue-rat. Plutarchus in Catone Uticensi. QVA-M TVAS ACCEPERIM LITERAS: qui-bus monebas, ut quædam corrigerem. gaudeo igitur me

eam Leptæ tabellario iam dedisse ad te perferendam :
laborem enim correctionis effugiam, cum ad te missam
corrigere non sit integrum. correxit tamen, ab Attico
remissam. 222: ISTO MODO: ut est à me
scripta, omissa, quam tu adhiberi uelles, correctione.

MITTENDAM: Romæ enim non erant, Cæsari
longe obuiam profecti quasi uictoriam Hispaniæsem
gratulaturi. DOMITIO: Porciæ filio, ex L. Do-
mitio Aenobarbo. 222: 136. et Philippica II. 166:

BRUTO: Porciæ affinitate cōiuncto; cum ea Ca-
tonis esset soror, ipse autem Catonis filiam haberet in
matrimonio. de cuius nuptijs 207:

219.

BALBUM] Qui Cæsaris, ut puto, cohæredis res
curabat. 224. OFFILIVM: ut cohæredem.

AVCTIONE: Cluuianorum bonorum. Cluuius
enim Puteolanus hæredes scripserat T. Hordeonium, et
Ciceronē, alios item, ut patet 258. inter cohæredes autē
de auctione conuenerat, ut, bonis in pecuniam redactis,
suū quisque capere facilius posset. 222. OMNIA:
Cluuiana bona, quæ in auctione uenibunt. PRO-

PINQVVM DIEM: auctiōnem proscribi
non longe à Cæsaris aduentu, sed propinquo die; ut
post aduentum fieri statim posset: quod si Cæsar mora-
retur; futurum, ut eum diem, in quem proscripta esset
auctiō, prorogare possemus, quoad ille in Urbem se rece-
pisset. Romæ autem proscribi auctiōnem, non Puteolis,
Balbo placebat. PLACET ENIM VE-

STORIO: Balbi sententiam Vestorius probabat,
ut Romæ auctiō proscriberetur.

Ex epistola XXXVIII. pagina 219.

CONTRA Epicureos,] Tusculanarum secundum, quem scripsit de tolerando dolore; contra Epicuri sententiam, qui summum malum ponebat in dolore.

FORTASSE οὐκ ἐπέσθον : fortasse lapsus est per ignorantiam, cum non intelligeret contumeliosum esse quod scribebat. ISTVM : Quintum Ciceronem, sororis tuæ filium. COMMOTVM autem, cum præsens præsentem audiret : Brutus enim tunc erat apud Cæsarem, cum ex Hispania redeunti longe obviam processisset; ut eum de Ciceronis laudibus prædicantem Quintus, cum Cæsare ex eodem bello reuertens, audire posset.

219:

SCRIPSISTI] Mendosa dictio: & omnes in mendo consentiunt antiqui libri. equidem sententiam uideo; neque enim est obscura: sed immutare uerba nō ausim sine uetustis exemplaribus; ne plus ipse mihi sumam, quàm quantum alijs licere uolo. IDQVE VT SCIAM : num ad te quoque scripserit Quintus, significabis. Πότερον &c. utrum iuste agere sit tutum: hoc est, utrum aperte Quintū filium asperner, ac respuam, sicuti iustum est; an obliqua fraude utēs dissimulem. Plato libro I. πολιτικός hoc Pindaricum & ipse usurpat. Αἰτέειαν εἰπῶν : uerum dicere, uere agere cum Quinto, sine dissimulatione. ILLUD APTIVS : illud, quod primum posuit de iustitia seruanda. SED HOC : obliqua fraude uti, & dissimulare. IDEM MIHI etc. sequar

consilium, & sententiam tuam. OPPRIMAR:
ne ueniat ad me Quintus filius, dū in Tusculano sum.
ego autem alicubi mallem, ubi maior esset hominū fre-
quentia: nam in turba facilius dissimularem. 220.
» illum, inquit, hic excipere nolo. ASTURAE? me-
lius esset Quintum excipere? sed quid? Cæsar uidetur
Asturæ cum illo iam affuturus. iuuat me igitur consi-
lio. Asturam autem postea Cæsar cum uenisset, apud Ci-
ceronem cœnauit. 224.

Ex epistola XXXIX. pagina 219:

VANITATEM:] Quinti filij; qui ad pa-
trem scripserit, domo sibi carendum propter matrem:
at quam matrem? plenam pietatis. HIC AV-
TEM: Quintus pater. LANGVESCIT:
filio placari cœpit. SED VTAR &c. non agā
acerbe cum Quinto filio, sed in congressu acceptam in-
iuriam dissimulabo: tibi enim ita uideo placere.

219:

IN scribendo hæreo.] Totus in scribendo sum.
scribebat autem quæstiones Tusculanas. BRV-
TVM, &c. Brutum ais eadem de Republica sentire.
bene est. sed nisi hoc esset; id est, nisi recte sentiret; nō
ego, ut ei reditum gratularer, Romam redirem: neque
enim ista res tanti esset, ut me cogere posset: uerum ideo
ueniam, quia recte sentientem libenter uideo. VN-
DE MALLEM: mallem, hoc iter suscepisset ut uī-
etoribus Pompeij liberis obuiam iret, quā ut Cæsari.
TOTIVS ITINERIS: obuiā Cæsari longe
prodierat, cum eodemq; reuertebat. 223.

Φαίδρου &c.] De hoc libro, cuius uideo corruptū esse titulum, certi nihil esse potest. ILLVM: Cæsarem ad bonos uiros ἀγαγέτω ferre: hoc est, uenire Romā eo cōsilio, ut Remp. cōstituat. VBI EOS? inueniet? SVSPENDIT: nisi forte Brutus simulat. FVLTVM EST? qui poterit hic simulatam personam suslinere? Φιλοτέχνημα: tuum illud iactantiæ plenum, à te positum Athenis in Parthenone templo. posuerat autem Atticus nomina Alæ & Bruti uindicum libertatis: à quibus utrisque Brutus genus ducebat, paternum à Bruto, qui Tarquiniū eiecit; maternum à Seruilio Alā, qui Q. Melium regnum appetentem occidit: ut ad imitationem præclari facinoris accendi Brutus deberet, Cæsaremq; tyrannum interficere. QUID FACIANT? etiāsi nunc uiuant Alā & Brutus, quid faciant contra tam potentem tyrannum?

OMNIVM flagitiorum auctor,] Hircius potius, quàm Cæsar: nam is ad Cæsarem Quinto filio aditum aperuit: (182.) ut quacunque flagitia Quintus committit, Cæsaris gratia fretus, Hircio ascribi iure possint. BENE DE NOSTRO: bene sentit de propinquo nostro, id est de Quinto filio. AT VELLEM &c. uellent, Brutus aliquid de fabulis degustasset: certe Quintum filium non amaret. sermones autem, quos & de ipso habuerat Quintus acerbissimos, et item de Attico auunculo, fabulas appellat, quod à ueritate nihilo minus abessent, quàm fabulæ, quibus fictæ

res

res & commentitia narrantur. ILLVM HIC
 EXCIPERE: Quintum filium. hoc & in proxi-
 ma epistola superiore, his uerbis: Vereor, ne in Tuscula
 no opprimar: in turba hac essent faciliora: utrum igitur
 Asturæ? PATER HODIE: iturus erat.
 SAXA ACRIMONIA: loci nomen ignoti.
 antiquiores libri Acrunoma.

220.

E GO ipse κέπφωμα.] Leue quiddam sum, qui
 obiurgauerim fratrem filio iratum, à quo sum grauius
 offensus. itaque posthac non obiurgabo. QUID
 DE ADVENTV MEO CENSEAS: ibi
 „ dem paulo ante: Quid mihi auctor es, aduolò'ne, an
 „ maneo?

Ex epistola XL. pagina 220.

E GO uero &c.] Quinto fratri epistolam misi,
 à te scriptam ad sororem: ut uideret, quæ scriberes.
 DOMO CESSVRVM: uide 219: ILL-
 VM: Quintum filium. ALTERVM MI-
 RABATUR: mirabatur, filium commodas ad
 matrem literas misisse, à qua paulo ante sciret il-
 lum fuisse alienissimum. SVAM CULPAM:
 quòd filius nullas ad te literas misisset, in eo suam ipse
 culpam frater agnoscebat, qui sæpe grauius ad filium
 de tua in illū iniuria scripsisset. DICIT: frater,
 qui se aiebat filio penè placatū. 219: ME NON
 FORE: sicuti fueram: non fore inquam iratum
 Quinto filio. id autem simulauī, ex tuis literis: in quī
 bus uidi σκολιὰ tibi placere. 219: MENTIO CA
 DDD

NAI: de Canai filia Quinto filio collocāda. sic enim expono, ex epistola sequēti. ID CONSILIVM: ut Quintus filius uxorem duceret. ESSET NECESSSE: ut placarer ei re uera, non simulate: nostrarum enim discordiarum opinio ualde illi ad uxore inueniendam obesset. GRAVITATIS: leues enim uideri possimus, si acceptis à Quinto filio grauissimis iniurijs, statim ei nos totos remittamus. VTRIUSQUE NOSTRVM: debemus uterque aut placari, aut iniuriarum memoriam retinere; cum utrunque ille offenderit: etsi me quidem grauius, & apertius. 219. AFFERET: quod audierit à Quinto in me dictum. redibat enim Brutus cum Cæsare, ut iam diximus. NULLA DVBITATIO: quin me Quinto filio iratum infensumq; prebeam. CRAS: in urbem ueniā. COMMOVTVS: de meo ueniendi consilio.

Ex epistola XL. pagina 220:

VENIT ille ad me,] Quintum filium intelligit. QVOD ITER INSTET: quodd mihi eundum cito sit ad bellum. TVM PERICVLOSVM, TVM ETIAM TVRPE: periculosum, quia contra Parthos, gentem bellicosam, & iam Romanis cladibus insignem: turpe, propter aes alienum, & inopiam uiatici. QVAE VIS IGITVR: te ad huiusmodi bellum extrudit nolentem? AES ALIENVM: in vrbe. quod quia non est unde dissoluam, appellationes creditorum fugies ad bellum ire cogor. TACVI: quodd ad uiaticum ego

quidem nihil ei pecunie conferre uellem. AVVN-
 CVLVS: Atticus. QVAM DVCEREM:
 uxorem. REM PROBO: uxorem ducam ar-
 bitratu matris & auunculi. de tempore ipsi statu-
 ant. CENSEO PRIVS, QVAM PROFI-
 CISCARIS: censeo prius uxorem ducas, quam ad
 bellum proficiscaris. PATRI QVOQVE: nō
 solum matri, & auunculo. ADERIS IGI-
 TVR: uenies in Tusculanum, ut natalem meū un-
 celebremus. SCRIPSERAM IAM: cum
 hoc scripsissem, ecce tibi literæ à M. Lepido Consule, qui
 bus orat &c. VT VENIAM: quodd Augur
 sim. VENIAM, Romam. AVGVRES
 NIHIL HABERE: ne sint Augures otiosi, ad
 templum effandum accersuntur.

220:

» AD templum effandum] Effari templa dicun-
 » tur, cum ab Auguribus effantur qui in his fines sunt. et
 » fana nominata, quodd Pontifices in sacrando fati sint fi-
 » nem. Hæc Varro. Seruius autem ubi illud Virgilianū
 » exponit, Sic effatus uestigia pressit, Proprie, inquit, effa-
 » ta sunt Augurum preces. unde ager post pomœria uo-
 » cabatur effatus, ubi captabantur auguria. Et Linius li-
 » bro X. In pugna ad Luceriā facta Iouis Statoris ædem
 » scribit uotam, ut Romulus ante uouerat: sed fanū tan-
 » tum, id est locus templo effatus sacratus fuerat. Et Gel-
 » lius ex Augurū libris pomœrium ita definit: Pomœriū
 » est locus intra agrum effatum, per totius Urbis circuitū
 » ponē muros regionibus certis determinatus, qui facit fi-
 » nem urbani auspicij. eodemq; cap. Auentinum montē,

DDD ij

inquit, neque Ser. Tullius Rex, neque Sulla, neque po-
 stea Caesar, cum pomerium proferret, intra effatos vr-
 bis fines incluserunt. Cicero autem libro I I. de Legibus:
 Urbem, agros, & templa liberata & effata habento.
 Et pro domo sua: Nec institutas ceremonias persequi,
 nec uerbum ullum solenne potuit effari. Neque solum
 in templorum dedicationibus, sed etiam in foederibus
 uerbum effari animaduertimus usurpatum, ut apud
 Liuium libro I. Fecialis M. Valerius patrem patratum
 Sp. Fusium facit, uerbena caput, capillosq; tangens: fo-
 dus multis uerbis, quæ longo effata carmine non opere
 est referre, peragit. SATURNI ἀπὸνδου: Sa-
 turni immitis, siue implacabilis: tale enim eius astrū,
 ut inter astrologos omnes conuenit. VIDEBI-
 MUS TE IGITUR: Romæ.

Ex epistola XLII. pagina 220:

V T A R prorogatione diei:] Cum Atticus Cice-
 roni scripsisset, auctorem hortorum Scapulanorum ul-
 tra Idus esse reiectam: respondet, se non iturum Ro-
 mam qua constituerat die, sed usurum prorogatione
 diei. Supra, 218. Facies, inquit, me certiore de Idibus:
 ista enim me res adducebat: ed adiunxeram cæteras;
 quas consequi tamen biduo, aut triduo post facile pote-
 ro. et fortasse fuit hæc epistola ante proximam superio-
 rem collocanda. A B L V D I S: cum alij specta-
 culis operam dant, tu ad me scripsisti. humanitatē igitur
 tuam agnosco. uel A B L V D I S; cum tu simul
 cum Attica spectares. spectauit enim Attica, ut in epi-
 stola sequenti; nec, puto, sine patre. C O N S E

QVEMVR BIDVO POST: conficiemus.

- » Idem scribit 218. his uerbis: Ista me res Romam addu-
 » cebat: eò adiunxeram ceteras; sed consequi tamen bi-
 » duo, aut triduo post facile potero.

Ex epistola XLIII. pagina 221.

- ACERBA pompa:] Acerbum, quod scripsisti
 de pompa. pompam autem intelligit Circensem, qua Cæ-
 saris signum inter deorum signa gestatum est decreto
 senatus. Dion historiæ libro XLIII. & Suetoni-
 nius in Iulio. VEL DE COTTA: uel id,
 quod scribis de Cotta percrebescere. Percrebuerat enim,
 » ut ait Suetonius in Iulio, L. Cottam XV uirum senten-
 » tiam dicturum proximo senatu, ut, quoniam libris fas-
 » talibus contineretur, Parthos nisi à Rege non posse uin-
 » ci, Cæsar Rex appellaretur. quæ causa coniuratis ma-
 » turadi fuit destinata negotia, ne assentiri necesse esset.
 » Idem in secundo de Diuinatione legitur, ita scriptum:
 » Sibyllæ uersus obseruamus, quos illa furens fuisse dici-
 » tur: quorum interpretis nuper falsa quadam hominum
 » fama dicturus in senatu putabatur, eum, quem re uera
 » Regem habebamus, appellandum quoque esse Regem,
 » si salui esse uellemus. PROPTER MALVM
 VICINVM &c. cū in pompa signū victoriæ, quæ
 apud Romanos ut dea colebatur, per ora populi uehere-
 tur, populus cōtra consuetudinē plausum non dedit, ne
 Cæsari dare uideretur, cuius signum prope victoriæ si-
 gnum gestabatur. sed Cicero circuitione utens, victoriæ
 malum uicinū Cæsarem appellat. NE VICTO-
 RIAE QUIDEM: cui maxime plaudī solet.

DDD ij

ALIQUID ad Cæsare.] Scribere. SED
 POMPAM VIDERET : opinor hoc intelligi:
 Non uidetur ad eum esse scribendum, qui iam colatur
 ut deus, cum in solenni pompa inter deorum statuas
 eius quoq; statua gestetur. quidquid enim scripsero, fa-
 „ slidiet. In eandem sententiam scripsit 215 : Quid, tu,
 „ inquit, hunc de pompa, Quirini contubernalem, his no-
 „ stris moderatis epistolis letaturum putas ? Est autem
 antiquis scriptoribus usitata locutio : ut apud hunc ip-
 „ sum libro III. de Officijs : Male Curio, cum causam
 „ Transpadanorum aquam esse dicebat ; semper autem
 „ addebat, Vincat utilitas. potius diceret, non esse aquā,
 „ quia non esset utilis Reipublicæ etc. pro dicere debebat.
 „ Et alibi. TV TAMEN etc. respondet ad aliā
 partem epistole ab Attico acceptæ. Tu tamen ausus
 es Varroni dare quatuor Academicos, quanquam ego
 sepe ad te scripserim me dubitare, num essent dandi.
 212. 212. 214. 218.

PROBO] Quid eam ludis interesse uolueris.
 SPECTATIONE : ludorū. RELIGIO
 NIS : quia uideret deorum simulacra in Circensi pō-
 pa gestari. Circēses autem ludos Cæsar dedit, & in Cir-
 cēsi pompa, quæ ante ludos ducebatur, ferculo tanquā
 deus simul cum alijs dijs gestatus est. Suetonius de Cæ-
 saris ferculo : Dionysius de Circensi pompa.

COTTAM etc.] Tres libros intelligit, cum
 dicit, Cottam, Libonem, Cascam. & de Libonis annali,

quem scribit secū habere, 216: 217: ANTE CASCAM: ante Libonē, Cascam habuerā. T. LIGARII: fratris eius, pro quo est oratio. PHARNACI, ANTAE O, SALVIO: librarijs tuis. TOLLATUR: idq; factum. nam in oratione Ligariana Curfidius nusquam appellatur.

Ex epistola XLIII. pag. 221.

QVAM ille Diocharinē,] Forte rectius, Quam illa Diocharinē: ut subaudiatur, data: quanquā adhuc putem superesse mendum: nam Diocharinē mentionem apud cosmographos nullam inuenio; & loci tamen apparet esse nomen. AD LVDOS OMNIA PARARET: cum Aedilis esset. Aediles autem solēnes ludos curabant, lege ita praescribente, Sinto Aediles curatores Urbis, annonae, ludorumq; solennium. libro III. de legibus, septimo in Verrem, tertio ad Quintum fratrem: alibi. de Lamia uero Aedilitate, in epist. Fam. 175: ANTE EAM DIEM: qua ludi Romani committi solerent.

DIES feriarum] Diutius possum quasi feriari, quando auctionem Brinnianam scribis esse dilata, cuius causa Romam cogitaueram. Neque dubium est, 22 Brinnianam auctionem intelligi, cum inferat, Quam 22 diu feriari possim, de Egnatio scire poteris. quem cohaeredibus Brinnianis amicum & familiarem fuisse, iam 22 ante ostendit 218: scribit enim sic: Tu uelim, si graue 22 non erit, efficias, ne ante Nonas mihi illuc ueniendum 22 sit, id potes per Egnatium Maximum. & 208: De Brin

DDD iij

» niana auctione accepi à Vestorio literas . ait, re ad me
 » collatā ad V I I I. Cal. Quintileis. dices igitur uel ami-
 » co tuo , uel Othoni cohæredi meo , uel Labeoni nostro,
 » paulum proferāt auctiōnem, me circiter Nonas in Tu-
 » sculano fore. Idemq. 109.

221:

TORQUATI causa] Ut agam de eius re
 cum Dolabella. uide 207:211: PUTEOLOS:
 ut cretionem Cluuij, & rationem testamenti cognosce-
 rem. hoc autem ei curādum erat, qui sciret se à Cluui-
 hæredem institutū. 222. 258. AD TEMPVS:
 ut aduenientem Cæsare possim excipere. Et infra 222.
 » Puteolos, inquit, non fuit eundum, cum ob ea, quæ ad te
 » scripsi, tū quodd Cæsar adest. MULTOS NUM-
 MOS: à Cluuij relictos. DOMI: Cluuij.
 DIVIDI: cohæredibus. AUCTIONEM:
 bonorū Cluuijanorū. 219. PRAETER PRAE-
 DIA: exceptis prædijs Cluuijanis: forte, ut integrum
 esset Cæsari, si quod eorū cōcedere amicis, aut familiari-
 » bus uellet. Et infra in epistola proxima: Etia de hortis
 » Cluuijanis egi cum Balbo. liberalius: se enim statim ad
 » Cæsarem scripturum. Horti enim auctiōnem non sub-
 ibant, cū inter prædia numerarentur. & uidetur unus
 ex cohæredibus Cæsar fuisse: cuius res Balbus curabat.
 QUID TIBI PLACEAT: utrum auctiōni
 Brinnianæ Vestorium præficiam, an ipsi nostrum ne-
 gotium curemus, ne negligentiores esse uideamur.
 IDEM TE FECISSE: scripsisse ad Vestoriū,
 de auctiōnis curatione. erat autem is hoc tempore Pu-
 teolis, hoc est in patria. 223:66. HOC SATIS

VIDETVR: satis esse puto, si Vestorius inter-
sit auctioni, qui & diligens homo est, & officiosus.

NEGLIGENTIORES: qui nostram re non
agamus, alteri mandantes. POLLEX: Puteolis
profectus.

Ex epistola XLV. pagina 221:

PLANE pollex, non index.] Nullas à Vestor-
io literas attulit, ut cognoscere quidquam possem de
cretione Cluuij. itaque fuit plane pollex, non index. Ios-
cus in ambiguitate nominis. pollex enim etiam digitus
in manu: quem index pone sequitur. COGNO-
SCES IGITVR EX IPSO: ex ipso Pollice,
quem ad te mitto, cognosces, cur ei Vestorius nihil dede-
rit literarum. 222. Tu uelim è Pollice cognoscas ratio-
nes nostras sumptuarias. ex quo apparet, à Cicerone ad
Atticum iuisse. 221:

DE sua ui in curatione laborans,] Ut aliqua sibi
curatio daretur munerum regionum, hoc est, ludorum,
qui apparabantur in Caesaris aduentum per omnes Vr-
bis regiones. In epistola ad Leptam, De curatione, in-
quit, aliqua munerū regionū cum Oppio locutus sum:
nam Balbum, posteaquam tu es profectus, non uidi. Et
Suetonius in Iulio: Edidit spectacula uarij generis, mu-
nus gladiatorium, ludos etiam regionatim Vrbe tota.
Quod autem legitur, VI IN; ego, ut dicam quod
sentio (quanquam, possum falli ut humanus) corruptā
suspicio lectionem. & uerbum VIS quor modis ac-
cipiatur, non me latet: sed hic, ut quidem ego existimo,
locum non habet.

IN eo autem Lanuino,] Pater meus impresserat
 in suis libris, Meo autem Lanuino: alij, Me autē La-
 nuio: ego, In eo autem Lanuino, nulla prope mutatio-
 ne, correctionem indicante sententia, uel ipso potius Ci-
 cerone; cuius hæc sunt uerba 223. Cum mihi Balbus
 nuper in Lanuino dixisset, se, & Oppium scripsisse ad
 Cæsarem, me legisse libros contra Catonem, & uehemē-
 ter probasse: conscripsi de his ipsis libris epistolā Cæsari.
 Lanuinum autem, prædium in agro Lanuino: ut For-
 mianum, Pompeianum, & similia. Supra, 144. De La-
 nuino, statim, ut audiui Phameam mortuū, optaui, ut
 id aliquis emeret meorū. & 149: EX EO HOC
 PRIMVM: cognoui. quid autem est, quod ex Bal-
 bo primum cognoui? eum tradidisse Lepido Lanuinū.
 ACCEPERAM: Lamia paulo ante mihi ostende-
 rat eas literas, in quibus hoc Cæsar magnopere confir-
 mat, se ante ludos Romanos affuturū. 221. LEGI
 EPISTOLAM: Balbo à Cæsare missam.

MEO Catone:] Intelligit librum à se scriptū de
 laudibus Catonis. 200. BRVTI CATONE: Brutus
 Catonis consilium, qui se interfecerat, edito libro
 reprehēdit. Plutarchus. DISERTVM: his uer-
 bis Cæsar ostendebat, Ciceronis consilium sibi nō place-
 re, qui Catonem laudaret; Bruti placere, qui reprehen-
 deret. res enim in Bruto, in Cicerone uerba laudat.

CRETIONEM Cluij] Cernere, ut ait Fa-
 stus, quandoque ualet hereditatē adire. inde cretio, hæc

» reeditatis aditio. 178. Galeonis hereditatem creui: puto
 » enim cretionem simplicem fuisse, quoniam ad me nulla
 » missa est. & apud Varronem de lingua Latina; Quod
 » in testamentis, crento: id est, facito uideant te heredem
 » esse: itaque in cretione iubent adhiberi testes. sic enim
 est legendum, non, ut in omnibus libris, creatione.

Et apud Iurisconsultos. Expono igitur sic: Ex eo cogno-
 ui cretionem Cluuij: id est, quid in testamento Cluuij
 scriptum sit. NEGLIGENTEM: qui nihil signi-
 ficauerit. Paulo post aperte. LIBERAM: ut qui-
 uis posset interesse, cum testamentum recitaretur.

ILLE: Vestorius. ARCESSENDVS: huc,
 ut ei mandarem aliquid de cretione. VT MEO
 IVSSV CERNAT: ut adeat hereditatem, mihi à
 Cluuij relicta. id est, ut auclionem curet faciundam eo-
 rum bonorum, quæ mihi, et T. Hordeonio Cluuius lega-
 uit, itaq; cernat, hoc est, meam partem capiat meo nomi-
 ne. IDEM IGITUR POLLEX: idem
 Pollex, qui à Vestorio uenit, remittendus est ad eum, ut
 meo iussu cernat. In epistola, quæ sequitur proxima:
 Idem, inquit, Pollex remittendus est, ut ille cernat.

222.

DE hortis Cluuijanis Ostendi Balbo, me cupere
 Cluuijanos hortos. respondit liberaliter, se esse de ijs hor-
 tis ad Casarem scripturum. Hoc autem, quia bonorum
 Cluuijanorum auclio futura erat, prædijs exceptis, de
 quibus Casar suum arbitrium esse uellet. itaque & pau-
 » lo ante, Lamia, inquit, à Balbo audierat, auclionem,
 » præter prædia, primo quoque tempore fieri oportere.
 CLVVIVM AVTEM: refertur ad uerbum,
 Cognoui.

A' Tito Hordeonio] Hic haud dubie constat, hæredes Cluuij fuisse Hordeonium, & Ciceronem. quam & alij erant, ut apparet 258. Est autem hic, ut opinor, C. Cluius Puteolanus, quē cōmendat Q. Terentio in epist. fam. 224: Et, legare ab Hordeonio Terentia, pura locutio: ut si diceret, Iubere ut Hordeonius Terentia numeraret. Pro Cluentio: Grandem ei pecuniam legat à filio, si qui natus esset: ab secundo herede nihil legat. Et in Topicis, Paterfamilias uxori ancillarum usum fructum legauit à filio. Eademq; figura dixit 114. Quintus frater laborat, ut tibi, quod debet, ab Egnatio soluat. & 83. HSLDD: ut Terentia daret nūmos aureos præterea in sepulcrū, multasq; res pecunie quiddam erogaret. NIHIL A' NOBIS: ita meliore ego conditione sum, quā Hordeonius coheres meus. illi enim de sua parte detrahendum est, quod Terentia soluat, quod sepulcro, multisq; rebus: mihi prorsus nihil. BALBO: significasse.

NE per meos quidem.] Erat enim apud Vestorium Ciceronis puer, ob hoc ipsum existimo, ut esset quæretionem Cluuij statim significare posset. quod epistolæ clausula declarat.

QVINTO delegabo,] Delegare dicimur, cū, id, quod nostrum est, ad alium transferimus: ut de Oratore libro II. Hæc ipsa, quæ nunc ad me delegare uis, ea semper in te præstantia fuerunt. Et ad hunc ipsum 188: Balbi regia conditio est delegandi. Cum igitur,

inquit, æs meum alienum dissoluero, & emero ea, quæ mihi emenda sunt; tum, si quid pecuniæ supererit, tradam Quinto fratri: sed puto fore, ut etiam æs alienum mihi sit faciendum ex emptionibus: tantum abest, ut pecuniam sperem superaturam. TESTAMEN-
TI: à Cluvio scripti.

Ex epistola XLVI. pagina 222.

NISI Torquatus esset] Cuius causa hic me te-
net. 221: QVOD IVSSERAS EDO-
LAVI: rude opus quasi dolabra poliui. ILLVM:
Marcum filiū. QVALISCVNQUE EST:
hoc dicit, quia Marcus filius, qui se Athenas contulerat
studiorum causa, tantos sumptus faciebat, ut assignata
pecunia non sufficeret. ideoq; etiam Atticus leuiter eū
» literis castigauerat. quod indicat illud 204: Ad Cicero-
» nem ita scripsisti, ut neque seuerius, neque temperatius
» scribi potuerit. MODERABIMVR: modum
illius sumptibus statuemus.

222.

VT ille cernat.] Ut Vestorius meo iussu heredi-
» tatem adeat. supra: Mittendum, inquit, est, ut meo ius-
» su cernat. idem igitur Pollex. PUTEOS
NON FVIT EVNDVM: respicit ad illud,
» quod scripserat 221: Nisi me Torquati causa teneret;
» satis erat diu, ut Puteolos excurrere possem, et ad tē-
pus redire. OB EA, QVAE AD TE SCRIP-
PSI: ob Torquati causam, & Dolabellæ consuetudi-
nem.

222.

MAGISTRVM molestum.] MAGI

COMMENTARIUS

STRVM, (sic etiam appellat eum in epist. fam. 129:) quia docebat Ciceronem, quonam modo se gereret aduersus Casarem, & quibus maxime rebus posset illius animum recolligere. MOLESTVM: quodd apud Ciceronē frequentior erat, quā ille, otij cupidus, uoluisset. ROGAT: erat enim Consul cum Casare. NIHIL ESSE: nullam rem esse, cuius causa necesse sit me adesse in senatu. AEGER: podagra laborabat. Nam in epistola ad Leptam, quam hoc ipso tempore scriptam, manifestum est, Balbum, inquit, posteaquam tu es profectus, non uidi. tantis pedum doloribus afficitur, ut se cōueniri nolit. DOMI: Romæ. Sic 201: Ego me hinc postridie exiturum puto, sed aut in Tusculanum, aut domum.

222:

CALENDIS in Tusculanum recurram.] Dimisso senatu, statim in Tusculanum recurram. CVM ILLIS: cum Publilio, & sorore, ac matre. TRANSIGI: de dote reddenda. nam & cum Publilia, quā duxit dimissa Terentia, diuortium fecerat. agebatur igitur de dote reddenda. 218: Illud in primis cum Publilio me penè absente conficies. QVOD TIBI SATIS SIT: in qua tamen ea de te scripta sint, quæ tibi satisfacere possint. ACCVRAM: Romā. OPINOR EX VNCIA: puto Casarem Babulij heredem esse ex uncia: etsi de hoc nihil adhuc intellexi. Vniuersa hereditas nomine assis, aut libræ significatur. heres igitur ex uncia dicitur is, ad quem duodecima pars omnium bonorum pertinet: heres ex triente, ad quem tertia. SI AC

CIERIT: ut ego eum in hoc negotio Cæsaris amicis, meis familiaribus, commendem. Valebat autem gratia Tullius apud eos, qui apud Cæsarem multum poterant. itaque eundem Leptam paulo ante Balbo commendauerat in curatione ludorum. Et in epistola ad

» Gallum: Olim, cum regnare existimabamur, non tam ab
 » ullis, quam hoc tempore obseruor à familiarissimis Cæ-
 » saris. CVM P O T E R I S: mitte ad me, ut ego
 eum ad Vestorium remittam cretionis causa. 222.

Ex epistola XLVII. pagina 222:

C O R R E C T A M:] Correxerat eam ab Attico
 » admonitus. supra enim 219. Laudationem, inquit, Por-
 » cia gaudeo me ante dedisse Leptæ tabellario, quam tuas
 » acceperim literas. eam tu igitur, si me amas, curabis, si
 modo mittetur, isto modo mittendam Domitio & Bru-
 to. H A E C M I T T E R E T V R: hæc, quæ cor-
 rexi: ad differentiā prioris, quam ante Attico miserat,
 Leptæ tabellario data. 219. V A R R O N I S, E T
 L O L L I I: qui & ipsi Porciam laudauerant.

223.

D E Tigellio,] Tibicine, & cantore, Cæsaris fa-
 miliari, Phameæ nepote. Placet epistolæ partem subiice-
 re, quam hac de re scripsit ad M. Fabium Gallum. sic
 » igitur scribit: Phameæ causam susceperam, ipsius quidē
 » causa: erat enim mihi sanè familiaris. is ad me uenit,
 » dixitq; iudicem sibi operā dare constituisse eo ipso die,
 » quo de P. Sestio in consilium iri necesse erat. respondi,
 » nullo modo me facere posse: quem uellet alium diem
 » si sumpisset, me ei non defuturum. ille autem, qui sci-

COMMENTARIUS

ret se nepotem bellum tibicinem habere, & sat bonū cantorem, discessit à me, ut mihi uidebatur, iratior. habes Sardos uenales, alium alio nequiores. Etiam Horatius, Sardum fuisse Tigellium, & Caesaris amicum, his uersibus ostendit:

- » Omnibus hoc uitium est cantoribus; inter amicos
- » Ut nunquam inducant animum cantare, rogati;
- » Iniussi, nunquam desistant. Sardus habebat
- » Ille Tigellius hoc. Caesar, qui cogere posset,
- » Si peteret per amicitiam patris, atque suam, non
- » Quidquam proficeret: si collibisset, ab ouo
- » Usque ad mala citaret, Io Bacche.

223.

NECESSERAT:] Quare dicit, Necesse erat? quia Pompeij lex, testibus datis, uno die atque eodem et ab accusatore, & ab reo perorari iubebat, ita ut duæ horæ accusatori, tres reo darentur. Hoc Padianus. In libro autem de claris oratoribus: Lege Pompeia ternis horis ad dicendum datis ad causas simillimas, uel potius easdem noui ueniebamus quotidie. ILLORVM IUDICIORVM: quæ fiunt lege Pōpeia, de ambitu, et de ui. Padianus. PRAESTITUTOS: ut ijs diebus prætermiſſis, in alios dies reijcere causas nō liceret. quo fiebat, ut die præstituto causam agere patronus cogeretur. QUID EGO DEBEREM SESTIO: qui Ciceronis restitutionem in Tribunatu præcipue iuuerat: ut in oratione pro ipso. ALIENI: qui mihi arcta necessitudine deuinctus antea non fuisset. quale illud in epistola ad Lentulum: Enitor, ut neque amicis, neque etiam alienioribus opera, consilio,

ra, consilio, labore desim. Et pro Muræna: Ea condi-
 tione uidebatur nobis in ciuitate natus, ut eius opes
 ingenium præsidio multis etiam alienissimis, uix cuiquā
 inimicus esse deberet. Et ad Appium: Tuum factum
 ijs, qui, quo animo inter nos simus, ignorant, alieni homi-
 nis, (ut leuissime dicam) & fugientis congressum; meū
 uero coniunctissimi & amicissimi uidetur esse.

QUID AUDISSEM: dixi Balbo, me audisse,
 Tigellium mihi esse iratum. NEQUE NOMI-
 NAVI BALBVM MINOREM: non dixi,
 me id audisse à Balbo minore. Is enim, cum Tigellio fa-
 miliariter uteretur, in consuetudine cognouerat, illius
 animum offensioem esse Ciceroni propter Phameam,
 eaq; de re certioem fecerat Ciceronē. HABUIT
 SVVM NEGOTIVM GALLVS: hac
 de re ita laborauit, ut ipsius res si ageretur. duxit
 suum negotium. Eadem figura usus est 193: AIT
 ILLVM: cum Tigellio Gallus dixisset, Ciceronem
 audisse, sibi illum esse iratum: respondit Tigellius,
 Ciceronem id à nemine audiuisse; sed animi conscien-
 tia id de se suspicari, quia Phameam destituisset.

AIT ILLVM: ait Gallus Tigellium dicere, Me
 animi cōscientia etc. HACTENVS MAN-
 DO: hoc tantum tibi mando: de me ne quid labores.
 DE ILLO NOSTRO: de Balbo minore. co-
 gnosce de Balbo, quo animo Tigellius in me sit. 223:
 ET QVEM ADMODVM: mallet, Quem-
 admodum &. NON OMNIBVS SER-
 VIRE: epistolæ, quam scripsit ad Gallum, cuius para-
 tem supra recitauimus, principium hoc est: Amoris tui,

EEE

COMMENTARIVS

quoquid me uerti, uestigia, uel proxime de Tigellio. sensi
enim ex literis tuis ualde te laborasse. amo igitur uolu-
tatem. sed pauca de re Capius, opinor, olim, Non omni-
bus dormio: sic ego non omnibus mi Galle Seruio.

Ex epistola XLVIII. pagina 223:

LIBROS contra Catonē] A' Casare scriptos.
200. AD DOLBELLAM: ut is eam Casari
redderet. MANCIPIO DARI: uendi lege
mancipij. PRO MEA PARTE: nam etiam
ad alios, quos heredes cum Cicerone Brinnius relique-
rat, is fundus pertinebat. 209. VT IPSE EI etc.
ut caueretur Heteroio: cui si fundum iniussu Ciceronis
Vestorius dedisset, non bene dedisset.

223:

CVM Tigellio,] Egisse de reconciliatione. Pau-
lo post: Tigellium totum mihi, et quidem quamprimū.
VEL VT HOC IPSVM: si nihil aliud, uel
hoc ipsum ut sciamus, quantum acceperit, ut in trium-
phis canat, quos Casar de hostibus uictis acturus est.
NEC TAMEN FLOCCIFACIO: quan-
quam hoc apud me minimum est: quanquam ne flocci
quidem facio. Intellectum est, (inquit 62.) tres & 60=
παιῖτας ambitum, comitia, interregnum, maiestatem, to-
tā denique Remp. flocci non facere. QUID CO-
GITEM DE OBVIAMITIONE: quā-
longe Casari cogitem obuiā prodire. NISI AL-
SIVM? Alsium usque obuiam ibo, non ultra.
DE HOSPITIO: ut me Alsij hospitio acciperet.
PROFECTVM: opinor Alsij non esse, obuiam
Casari cum Matio profectum.

SALVSTIVS igitur urgebitur.] salustij
igitur hospitio utemur. SILIVS: salustius, legen-
dum uidetur: cum proxime dixerit, salustius igitur
urgebitur. TOTAM VILLAM: itaque no-
bis in ea locus non esset.

Ex epistola XLIX. pagina 223:

V T me puderet tui,] Noli putare, me tibi eius
epistolæ exemplū ideo non misisse, quasi puderet me tibi
eam nimis assentatorie scriptam ostendere. tale enim
in ea nihil est. nec aliter scripsi, ac si scriberem ad æqua-
lem. nam quod illius libros contra Catonem laudavi,
non sum assentatus, bene enim existimo de illis libris.
NE RIDICVLE MICILLVS: donec melius
inuenero, sequar eorum opinionem, qui sic interpretan-
tur: Assentatorie non scripsi; ne ridicule quasi Micil-
lus fierem; id est, me ipse indignum patria ostenderem,
cum tyranno assentarer: sicuti illum apud Ovidium
libro XV. Met. iubet Hercules patriam deferere.
MIHI EST EXPLORATVM: eam bene
ualere. Et dicit, NVNC DEMVM; quia cum
Atticus antea scripsisset, eam febris carere; post idem cō-
firmavit. Nunc demum igitur, inquit, mihi est explora-
tum. TOTVM MIHI: restitue. Erat enim
iratus Ciceroni propter Phameam. 223.

QVINTVS cras,] Quintus filius cras Romā
ueniet, id est VIII. Cal. sic enim ad me scripsit.
AD ME, AN AD TE: domum meam, an tuā.

EEE ij

COMMENTARIVS
ROMAM VIII. CAL. subaudi, se esse uen-
turum. VENIENDVM EST: mihi ipsi.
ILLE: Cæsar.

Ex epistola L. pagina 224.

HOSPITEM mihi tā graue ἀμεταμέλητον:]
Non poenitet Cæsarem apud me coenasse. locutio similis
» 221. Suaues tuas literas: etsi acerba pompa. Et 226.
» Meam stultam uerecundiam, qui legari noluerim ante
» res prolatas. AD PHILIPPVM: affinem,
quodd Acciam, Iulia Cæsaris sorore natam, in matrimo-
nio habebat. Plutarchus in Cicerone. SVM COM-
MOTVS: quia Cæsar postridie apud me coenatu-
rus erat. CVSTODES DEDIT: dedit, qui
meam uillam custodirent, & ex militibus neminem in-
troire paterentur. CASTRA IN AGRO:
milites igitur omnes in agro discubuerunt. Et castra pro
militibus posuit, poetice, et quasi per iocum, ut cū infert,
Villa defensa est: pro, ex militibus nemo uillam introi-
uit. RATIONES OPINOR CVM
BALBO: puto, rationes confecit cum Balbo: de pecu-
nia uidelicet, quam Balbus ex publicis uectigalibus Cæ-
sar's nomine exegerat. AVDIUIT: qui eū allo-
qui, aut rogare aliqua de re uoluerunt. DE MA-
MURRA: quod antea de Mamurra decretum fue-
rat, non mutauit, fixum esse uoluit. BENE, CO-
CTO, & c. uerba Lucilij poetæ de cœna:
» =Bene, cocto,
» Condito sermone bono, & si quæris, libenter.
Eadem uerba transtulit in secundum de finibus, 70.

ἐπιστάμεναι: diuersorium. potius enim certe diuersorium fuerat, quàm hospitium, cum tam multi cœnassent: nam ad hospitium non ita frequentes confluere solemus, ut ad diuersoriū. NON MOLESTAM: uult ostendere, se non laborare de sumptu. CVM PRAETERIRET: Caesar. NEC VSQVAM ALIBI: quasi ab uno Dolabella timeret. EX NICIA: cognoui. is enim erat apud Dolabellā. 215.

IN LIBRVM XIII. CICERONIS EPISTOLARVM AD ATTICVM,
PAVLI MANVTII COMMENTARIVS.

Ex epist. I. pag. 224:

D illum,] Sine dubio Matium intelligit:
A quem aperte nominat duabus epistolis, quæ post proximam inferiorem leguntur. & si loca conferas inter se, Matium hic significari, non obscure uidebis. quem quidem & Caluenam, & Madarum, ficto nomine, appellat 225. 227: NIHIL PERDITIVS: aiebat, subintelligitur: ut sit sensus: Res publica nihil aiebat esse perditius, nihil desperatius: perisse omnia. EXPLICARI REM NON POSSE: hoc dicebat, Remp. interitu Caesaris ita esse perturbatam, ut constitui nullius consilio posset. quis enim id poterit, quod Caesar ipse, qui tali præditus ingenio, non potuit? GAVDENS: gaudebat Ma-

EEE ij

rius tanta perturbatione Reip. utpote qui cuperet mortem
Caesaris omnibus esse acerbam. quod ipse in episto-
la, quæ legitur libro XI. fam. in extremo, perspicue
dicit. T V M V L T V M G A L L I C V M: pu-
tat futurum, ut Galli audita Caesaris morte, deficiant
à nobis; & nostram dissensionem suam occasionem pu-
tantes, bellum inferant. Idem 225: his uerbis: Doleo,
quod nunquam in ulla ciuitate accidit, non unà cum
libertate Remp. recuperatam. horribile est, quæ loquan-
tur, quæ minitentur. ac uereor Gallica etiam bella. Et
227. Quid Galli, quid Hispani, quid Sextus agat, ue-
hementer expecto. Item 227: P O S T I D V S
M A R T I I: quo die Caesar fuerat interfectus.
P R A E T E R Q V A M L E P I D I: hoc dicebat
Matius, ut ostenderet, nulla se inire cōsilia contra Rēp.
qui Caesarianorum sermonibus nollet interesse, cum ta-
men in Caesaris amicissimis fuisset. L E P I D I: mal-
lem, L E P I D O. I L L V M: Cæsare. Q V O D
Q V E N Q V A M B O N V M O F F E N D A T:
quasi Matius non prudenter faceret, qui bonis odiosa lo-
queretur. 224:

D E S e x t o] Pompeio, Magni filio. S A T I S
N E C E R T V M: cum esse in armis. 225: 229:

D E B r u t o n o s t r o:] Scribe, si quid habes de Bru-
to nostro. Brutus enim Antonium timens, & populum
ab eo concitatum, Vrbe excesserat, Antiq; morabatur,
ut, cum primū plebis iracundia defernisset, recurreret.
Plutarchus, et alij. D E Q V O Q V I D E M etc.
de Bruto Matius aiebat Cæsarem solitum dicere: Ma-

gni refert, & quæ sequuntur. Eadem uerba Plutar-
 chus in Bruto refert. EVM: Cæsarem. CVM
 PRO DEIOTARO NICEAE DIXE-
 RIT: Deiotaro, Bithyniæ Rege, qui pro Pompeio cō-
 tra Cæsarem in Pharsalia pugnauerat. NICEAE, Bi-
 thyniæ urbe. DIXERIT, Brutus. cuius defensionis
 meminit Plutarchus. VT QUIDQVE SVC-
 CVR RIT: ex ijs, quæ mecum Matius locutus est.
 APVD EVM: cum ad Cæsarem uenissem, ut age-
 rem cum eo de P. Sestio restituendo, qui exulabat ambi-
 tus opinor crimine damnatus: nam 222. apparet accu-
 satū lege Pōpeia, quæ de ambitu erat. ET EIVS-
 MODI MVLT A: mecum locutus est Matius.

Ex epistola II. pagina 225.

THEATRVM, Publiumq; cognoui,] Plau-
 sum significat, qui Publio Dolabellæ datus est theatrum
 ingrediēti. cū. n. perditī homines (ut est in prima Philip-
 pica, 153: & apud Suetoniū in Iulio) columnā propē
 XX pedum lapidis Numidici in honorem defunēti
 Cæsaris in foro posuissent, & inscripsissent, Parenti pa-
 triæ, ut Suetonius tradit: Dolabella columnam euertit,
 & ex ijs alios cruci affixit, alios de Capitolio præcipita-
 uit. quod infra 232: declarat his uerbis: O mirificum
 Dolabellam meum: iam enim dico meum, antea (crede
 mihi) subdubitabam. magnam & vā. δέωσις res habet:
 de saxo, in crucem, columnam tollere, locū illum ster-
 nendum locare. quid quæris? heroica. et in epist. Fam.
 183. Manabat illud malum urbanum, et ita corroborā-
 batur quotidie, ut ego quidē et Vrbi, & otio diffiderem

EEE iij

» urbano: sed ita compressum est à Dolabella meo, ut mi
 » hi uideamur omne iam ad tempus ab illo duntaxat for
 » didissimo periculo tuti futuri. De theatri autem plau-
 » su quo magis perspicuum sit, uerba subiiciemus ex Phi-
 » lippica prima, 158: Dicerem (inquit) Dolabella, qui re-
 » ète factorum fructus esset, nisi te paulisper esse expertum
 » uideremus. quem potes recordari in uita tibi illuxisse
 » diem latiore, quam, cum, expiato foro, dissipato con-
 » cursu impiorum, principibus sceleris poena affectis, te
 » domum recepisti? cuius ordinis, cuius generis, cuius
 » denique fortunæ studia tum laudi & gratulationi tuæ
 » se non obtulerunt? recordare quæso Dolabella consen-
 » sum illum theatri, cum omnes earum rerum obliti, pro-
 » pter quas tibi fuerant offensi, significauerunt se benefi-
 » cio nouo memoriâ doloris ueteris abiecisse. BONA
 » SIGNA: è consensu illo multitudinis, qui perspectus
 » est in theatro, uidetur bene sperandum de Rep.

225.

L. Cassio] Is erat C. Cassij frater, eius, qui Cæsa-
 rem occiderat. In epistola ad C. Cassium, de eodem
 » plausu his uerbis: Tuus necessarius affinitate noua dele-
 » ctatur: itaque iam non est studiosus ludorum, in finis
 » toq; fratris tui plausu dirumpitur. Erat autem L. Cas-
 » sius hoc tēpore Tribunus pl. ut in Philippica III. 188.
 » DATVS: in theatro. FACETVS: cur fa-
 » cetus? quia quodam modo ridiculum erat, L. Cassium
 » à populo plausum excipere propter ea, quæ Caius fra-
 » ter fecerat. Caius enim, non Lucius, Remp. seruitute li-
 » berauerat interfecto Cæsare. DE MADARO:
 » de Matio. caluus enim Matius, ut infra: et caluus græ-

ce μαδαρός. præterea, idem agitur, quod in proxima superiore epistola: in qua Matium significari, manifestum est. σκαλάκωμα: nullum meum σκαλάκωμα fuit, nulla inanis iactantia, tanquam interitu Cæsaris recuperata Republica. PROCESSI: in uia. AIE= B A T: Matius. φαλάκωμα: Matium significat, sed caluitium appellat, quia caluus erat Matius. itaque eū & infra Caluenam uocat, 225: & 227: H A B E S φαλάκωμα: habes de Matio: habes, quod Matius me= cū locutus est. INIMICISSIMVM OTII: qui quidem Matius inimicissimus otij uidebatur, id est Bruti. nam si, ut ille cupit, omnia misceantur: Brutus, qui Cæsare interfecto liberam fore, & sine ullo negotio Remp. sperauit, opinione deceptus, ipse ueniet in dubiū de sua salute. ita qui inimicus otij, idem Bruti. TIBI IGNOSCO: qui illam tecum esse uelis.

Ex epistola III. pagina 225.

TRANQUILLAE] Tranquilla nuncian= tes, & de Rep. quæ uolumus. MATIVS POSSE NEGABAT: negabat Matius otii fore diu= turnum; sed impendere, & prope adesse omnium rerū perturbationem. Hic apparet, Matium fuisse illum, ad quem Cicero se scribit diuertisse in epistola huius libri prima: eundemq; esse, quem in proxima superiore otij inimicissimū appellat. 225.

STRUCTORES nostri] li, quorum hic utor opera ad uillam ædificandam. Et paulo post Corū bum architectum expectat. PROPECTI: Ro

nam, ut emptum frumentum referrent. Πανικόν
 CERTE: oportet hoc subitum quiddam fuisse, ter-
 roribus simile, quos Græci appellant πανικόν. subitum hoc
 fuit Antonij consilium de frumento ad se comportan-
 do: nam si diebus superioribus id curasset, tu mihi ali-
 quid significasses. SCRIPSISSES ENIM:
 nisi hoc subitum quiddam, et plane πανικόν esset, tu ad
 me scripsisses literis superioribus.

225.

CORVMBVS Balbi] subintellige, seruus.
 NULLVS ADHVC: adhuc non uenerat. et
 NVLLVS, pro non, eleganter et antique positum:
 ut 184. Philotimus nullus uenit. et 251. Sextus ab ar-
 mis nullus discedit. ARCHITECTVS: ideo
 Cicero eum expectabat; ut haberet adiutorem, et con-
 siliarium in ratione ædificandi.

225.

VOLVNT] Caesariani, à quibus ad obigna-
 tionem testamenti adhibitus es. ITA PVTARE:
 ut tu scripsisti. Διαδεσιν: sensum, animumq;
 in Remp. Επισυναγωγία: quia populus, cum in thea-
 trum, aut aliud spectandi gratia conuenisset; quid de ci-
 uibus sentiret, plausu et acclamatione significabat: ut
 34. Populi sensus maxime in theatro et spectaculis per-
 spectus est: nam gladiatoribus quæ dominus, quæ ad-
 uocati sibilis conscissi. Et 13. Ludis et gladiatoribus mi-
 randas επισυναγωγίας sine ulla pastoritia fistula aufere-
 bamus. Et pro Sestio: Tribus locis significari maxime
 potest populi Romani iudicium, ac uoluntas, concione,
 comitijs, ludorum gladiatorumq; confessu.

Ex epistola IIII. pagina 225:

QVID putas me Lanuuij?] Noui habere.

ISTIC: Romæ. CVM MATIVS: libro

» IX. 146: Matius ad me uenit, homo, ut mihi uisus est,
 » temperatus, & prudens, existimatus quidem est semper
 » auctor otij. Dicit igitur: Cum Matius, quem studio=
 sum Reip. putabamus, is nūc inimicissimus otij sit; quid
 » censes ceteros? Paulo ante: Habes φιλάνθρωπον, inimi=
 » cissimum otij. MINITENTVR: ij, qui Cæsa=
 ris mortem se dicunt persequi uelle. AC VERE=
 OR: non modo civilem contentione, sed Gallica etiā
 bella uereor. Verebatur autem è Matij sermone, qui
 affirmauerat, minus diebus XX tumultum Gallicū.

224:

225:

IPSE Sextus] Etiam uereor, quid acturus sit
 Sextus Pompeius. mihi enim certum non est, utrum
 hoc exercitu, quem habere dicitur, ad recuperandam
 Remp. sit usurus, an et ipse tyrannidem spectet Cæsa=
 ris exemplo. Ne de ipso quidem Sexto securi, inquit,
 animi sum. QVO' EVADAT: quid acturus.

225:

OMNIA licet cōcurrant,] Ut omnia misce=
 antur; me tamen semper Idus Martiæ, quo die tyran=
 nus est interfectus, uoluptate afficient; hoc est; nun=
 quam erit, ut quod Idibus Martiis transactum est, id cu=
 piam infectum. ἡγεῖς: Brutus, & alij, qui Cæsare
 oppresserunt.

COMMENTARIUS

Ex epistola V. pagina 225:

SPERO] Dicit SPERO, quia nihil At-
ticus proximis literis significauerat. Spero te nunc re-
cte ualere. QVA'M LEVITER COM-
MOTVS ESSES: ut bene ominaretur, non di-
xit QVA'M GRAVITER, aut QVO
MODO, sed QVA'M LEVITER, usus ami-
cissimi animi significatione.

225:

» CALVENA] Matius. 227: Omnia plena
» pacis, aliter, ac mihi Caluena dixerat. Et 225. Habes
» φαλάγγωμα. ubique de Matio. SVSPECTVM:
quasi Caesarianum, & Reipublicæ, id est libertati, non
amicum. Cur autem signa bella dicit esse, quod Ma-
tius moleste ferret, se suspectum esse Bruto? quia, cum
de Bruti gratia Matius laboraret, apparebat eum Cæsa-
rianorum partibus diffidere, ut infirmis. CVM SI-
GNIS: hoc, quod ad sententiam spectat, minime ne-
cessarium uidebatur: (quis enim nescit sua cuique le-
gioni esse signa?) sed addidit, ut quasi iocaretur am-
biguo signorum nomine. IDEM POSTVLA-
TVRAS? rumor enim erat, legiones, quæ in Gallia
fuerant praesidij causa, Romam uenire, postulaturas,
ut promissum sibi à Cæsare solueretur. TRANS-
PORTAVIT: in Græciā, ad bellum contra Par-
thos à Cæsare cogitatum. CANINIUM: non
Annius. Φυεμὸς πολὺς: multa miscet & turbat
aleator. item ego in nominibus, cum Annium pro Ca-
ninio posui.

NAM ista &c.] Ab ista quidem Caesaris liber
 eorum coniuratione haud magnopere timeo : quæ faci
 le opprimeretur, si recta saperet Cōsul Antonius. Eam
 postea coniurationem alter Consul oppressit Dolabella,
 ut est in Philippica I. Cum serperet in Vrbe infinitum
 malum, idq; mandaret in dies latius ; iudemq; bustum in
 foro facerent, qui illam insepultam sepulturam effece=
 rāt; et quotidie magis magisq; perditī homines, cum sui
 similibus seruis, tectis ac templis Urbis minarentur: ta=
 lis animaduersio fuit Dolabellæ cum in audaces scelera
 tosq; seruos, tum in impuros & nefarios liberos, talisq;
 euersio illius execrata columna, ut mirum mihi uideat=
 tur, tam ualde reliquum tempus ab illo uno die dissen=
 sisse. Et in eadem aliquanto post : Quem potes recor=
 dari Dolabella in uita tibi illuxisse diem latiorē, quā
 cum, expiato foro, dissipato concursu impiorum, princī=
 pibus sceleris pœna affectis, te domū recepisti? Item alijs
 in locis.

LEGARI noluerim ante res prolatas,] Lega=
 tionem liberā à senatu petere noluerat, ne Rēpublicam
 uideretur deferere, illā quidem è seruitute ereptā Casar=
 is interitu, sed non dum tamen plane cōfirmatam, An=
 tonio & Lepido perniciofa molientibus. expectabat igi=
 tur anni tempus, quo nihil neque publice, neque priua=
 tim ageretur ; ut, uacatione omnibus cōcessa, honestius
 discederet. nam prolatae res dicebantur, cum omnes fe=
 riarentur. 109: HVNC RERVVM TVMO=
 REM : interitum Caesaris magnæ turbæ statim conse=
 cutæ sunt. eas tumorem appellat, sumpta tralatione à

corporibus male affectis: ideoq; infert, **MEDERI.**
 Etiam in epistola proxima superiore: Tumēt negotia.
VIDES MAGISTRATVS: qui Cæsaris
 partes fouebant, cū ab ipso creati essent. **VIDES**
TAMEN &c. se ipse corrigit, qui magistratus ap=
 pellauerit eos, quos tyrannus constituerit: & uocādos
 potius ostendit, tyrāni satellites in imperijs. **EXER**
CITVS: qui Cæsaris profectionem in Parthos expe=
 ctantes, in Vrbe manserant. **IN LATERE:**
 in Campania: nam agri Cāpani partem incolebant à
 Cæsare assignatam. hos postea quingenis denarijs Oetā=
 uianus in suas partes traduxit. 260. **Εὐρίπιδος:** mobi=
 lia, tanquā Euripus, qui sæpius in die fluit, & refluit. ti=
 mendum igitur, ne cōtra libertatis patronos, hoc est Cæ=
 saris inimicos, moueantur. **EOS AVTEM:** in=
 telligit maxime Brutum & Cassium. **PARIE**
TIBVS CONTINERI: quia Cæsarianorum
 metu prodire in forū non audebāt. **QVO QVO**
MODO BEATI: etiam si parietibus continean=
 tur, beati tamen, qui tam præclarum facinus consciue=
 rint. **MISERA:** quæ tyranno liberata, libera ta=
 men non sit. 226.

ADVENTVS Oetani,] Cum, audita Cæ=
 saris nece, Apollonia Romam uenit. Velim, inquit, sci=
 re, aduentus Oetani quid pariat. **νέωτ ἐγίστον:** rerū
 nouarum, ex aduentu Oetani.

Ex epistola VI. pagina 226.

PRIMUM igitur &c.] Primū cognoui, te re=
 tius ualere: deinde, bonam spem esse de Republica.

nam illa fuerant odiosa, legiones è Gallia uenire.

S V S' Q V E D E' Q V E: non laboro, in utranque partem æquo animo sum, siue ad eum concursus fiant, siue non fiant. Quia paulo ante scripserat: Velim scire
 » quid aduentus Octauij, num qui concursus ad eum :
 Nunc, De Octauio, inquit, susq; deq;.

226.

DE Mario :] Hic à Cæsare relegatus, quodd im-
 pudenti mendacio C. Marij septies Consulis nepotem se
 esse dictitabat, qui re uera Erophilus esset Equarius me-
 dicus : postea reuersus in Urbem Cæsare interfecto, cū
 de interficiendo senatu consilium cepisset, pœnas dedit.
 » hoc Cicero significat Philippica I. cum dicit : Liberatus
 » cædis periculo senatus: uncus impactus est fugitino illi,
 » qui in C. Marij nomen inuaserat. & Valerius Max.
 lib. IX. et Appianus lib. III. S V B L A T V M :
 cum exularet. sic ferè tyranni sunt : quos in Vrbe oc-
 cidere non audent, eos primum astuto consilio relegāt,
 deinde ab oculis populi remotos interfici mādant. Cum
 autem Cæsar hunc pseudoMarium relegasset, suspicabatur
 Cicero postea de medio sublatum, ne quid unquā
 nouare posset.

226.

COLLOQVIVM cum heroibus nostris]
 Cum ijs, qui Cæsare occiderant. PRORENA
 T A : quod ad præsens tempus attinet. 106 : III :
 S E S T I L I I F V N D V M : hunc fundum Cæ-
 sar ademptum Sestilio, qui Pompeianas pares securus
 erat, Verberoni Curtilio tradiderat. 228.

226.

BIENNIVM,] subaudi habebimus?

QVOS ILLE VOLVIT? quos Caesar designavit? Caesar enim contra Parthos profecturus, Consules & Tribunos pl. designavit in biennium. Dion libro XLIII. in extremo. EXULTANT LAETITIA: propter interitum tyrani. DE RE: De Caesaris nece. NEC VLLA INTEREA DE CRETA: à senatu, pro tyrannoctonis. πεπολι-
 τώμεθα: Rempublicam gessimus. VICTOS: Casarianos. hoc est, quod scribit in epistola ad Cassium
 » contra M. Antonij potentiam: Dominum ferre non po-
 » tuimus; conseruo seruiamus.

Ex epistola VII. pagina 226:

PAVLVM] L. Aemilium Paulum, in Consu-
 latu collegam C. Marcelli, fratrem M. Lepidi. DE
 MARIO: pessime in Remp. animato: utpote qui
 de occidendo senatu cogitavit. 226. 227. A' TE
 SCILICET NIHIL: de his rebus tu nihil ad
 me dedisti literarum: nec mirum: nemo enim meorum
 Roma profectus est, cui dare posses.

226:

A' CICERONE] Filio. CAETERA
 AVTEM: optabilia de moribus illius afferuntur:
 sed ea fingi possunt: doctiorem quidem ex ipsius literis
 uideo esse. Πῖνον: elegantia. Sudas recitat Dama-
 sij locum his uerbis. ὁ δ' ἐν καὶ λέγειν ἱκανὸς, οὐ τοὺς
 νεωτέρους ἐκμιμνήσκων σοφιστὰς, ἀλλὰ πρὸς τὸν ἀγ-
 χαῖον πῖνον τῆς λογογραφίας ἀμιλλώμενον. SIER-
 GO EST: hic aliquid desidero: non enim cum se-
 quentibus apte coniungitur.

Ex

Ex epistola VIII. pagina 227.

PROBE.] Qudd ei uncus est impactus pro fa-
 cinore cogitato. 226: NEPOTEM: 203:
 IVNIAM: Bruti sororem, coniugem M. Lepidi.
 MODERATE, ET AMICE SRI-
 PTAS: à viro suo, M. Lepido, qui tunc erat in Gal-
 lia Trāsalpina cum exercitu. MODERATE,
 ET AMICE: cum in ijs literis ostenderet, neque se
 ullam potentiam uelle, quæ supra leges esset: neque in
 eos, qui starent à partibus Reipublicæ, aliter, ac deceret,
 esse animatum. A' FRATRE: M. Lepido, Iu-
 niæ viro. NEC MIHI PLACEBAT: cur?
 quia uidebat, eos, qui insidias tenderent Lepido, otium
 non ferre, sed res novas quærere.

227.

REGINAE] Cleopatra, Aegypti Regina: quā
 Caesar amauit; filiumq; natum appellare suo nomine
 passus est. de quo intelligi puto 237. De Regina uelim,
 atque etiam de Casare illo. Præterea, quam hic Reginā
 appellat, eam esse Cleopatram, argumento est etiam il-
 lud 247: Reginam odi: me iure facere scit. sponsor
 promissorum eius Ammonius. Nam Ammonio & Pto-
 lemaeus, pater Cleopatræ, usus fuerat legato, cum id
 ageret, ut à senatu in regnū restitueretur. ut est in epi-
 stola ad Lentulum: Ammonius Regis legatus aperte
 pecunia nos oppugnat. FVGA: ex Vrbe. Venerat
 igitur Romam etiam post Caesaris mortem. nam ante
 Caesar ipse accitam, cum habuisset in amoribus, postea
 r emisit, maximis honoribus, præmijsq; auctam. Sueton-

FFF

COMMENTARIVS

nus. QVID GALLI, QVID HISPANI:
num bellū inferre nobis cogitent. 224: 225: SEX=
TVS: Pompeius, Magni filius. 224:

227.

NAVSEOLAM] Scribis, te, quod incidisses
in nauseolam quandam, abstinuisse à negotijs: itaque
» mihi nō displicet, eā tibi causam ori dedit. 228. Tua
» tamen ὁπνεῖμι nausea iam ne plane abiit?

227.

S P E R O iam tuto uel solum &c.] Sperabat,
quod Antonius & Dolabella Consules curam Reip. ui
debantur suscepisse, qui Marium illum falso creditum
de senatus cæde cogitantem occidissent. Supra in hac
ipsa epistola, De Mario probe. V E R V N T A=
M E N: subaudi, scribito ad me de Bruto, ubi sit, quid
cogitet. Et est usitata figura. 205. 229.

Ex epistola I X. pagina 227.

M V L T I I V G E S] Literas multijuges ualet
plures epistolas. C L V V I A N A: ea, quæ mihi
Cluuius testamento legauit. Et infert, D E L E=
C T A N T, quia tunc erat Puteolis, præsensq; uidebat
quæ sibi Cluuius Puteolanus reliquerat. 222.
C H R Y S I P P V M: architectum. 216. I N=
Q V I L I N I: iocose: nam inquilinus ipse erat, no=
uusq; habitator, cum paulo ante ex hereditate Cluuiæ
na eas tabernas accepisset. D A M N V M Q V A E
» S T V O S V M: infra dicit, Ruina rem fecit fru=
» Etuosiore, 228:

227:

Q V A S I designati Consules.] Hircius & Pāsa: (ut infra 228:239.) quos Cæsar in annum sequentem designauerat, ut scribit Dion, & alij. Q V A S I DESIGNATI: qui ita Consules futuri putantur, quasi à Republica, non à tyranno designati sint.

227:

FACTA defendimus?] Quia senatusconsultum factum fuerat, ut quæ Cæsar egisset, rata manerent, ipso maxime suadente Cicerone. quod & Dion libro XLIIII. Et ipse in epistola ad Cassium his uerbis: Vltima Resp. suas iniurias est per uos interitu tyranni; nihil amplius: ornamenta uero sua quæ receperat: an quod ei mortuo paret, quem uiuum ferre non poterat? cuius æra refigere debebamus, eius etiam chi-rographa defendimus? at enim ita decreuimus. fecimus id quidem temporibus cedentes, quæ ualent in Rep. plurimum: sed immoderate quidam, & ingrate nostra facilitate abutuntur.

227:

A' V E T E R E] C. Antistio Vetere, partium Cæsarianarum. P R I D I E C A L. I A N. ante Cæsaris interitum.

227:

C A E C I L I V S] Q. Cæcilium Bassum, qui Pompeium Magnum secutus fuerat, excitasse bellum in Syria; & à C. Antistio Vetere Apameæ circumfessum, tamen, Parthis auxiliantibus, maximeq; Alchandonio Arabæ, obsidione esse liberatū, scribit Dion lib. XLVII. BELLVM ILLVD: nam Cæcilius Parthorum

FFF ij

COMMENTARIVS

subsidij fultus id aget, ut eas regiones occupet. DO
LABELLA: cui Syria prouincia, & Parthicum
bellū est decretū. Appianus libro III. NICIAS:
qui cum Dolabella proficiscetur. erant enim arcta fa=
miliaritate deuincti. 214: 249: In Fam. 131. ME=
LIORA DE GALLIA: contra opinionē Ma=
tij: qui affirmauerat, minus diebus XX tumultum
Gallicum. 224: RE AVDITA DE CAE=
SARE: audita Caesaris nece. CALVENA:
Matius: qui dixerat, omnia perijsse. 222:

Ex epistola X. pagina 227:

IT A'NE uero &c.] Hæc cum indignatione
sunt scripta. Ideo'ne, inquit, Brutus Casarem occidit, ut
deinde Lanuuij esset? ut in Vrbe tuto esse non posset?
ut Trebonius quasi fugiens in prouinciam occulte profi=
cisceretur? PROVINCIAM? Asiam.
CLAMARE: me. VOCARI? uocandum
senatum esse in Capitolium à Bruto & Cassio Pratori
bus illo ipso die, quo à Caesaris nece in Capitolium se re=
ceperunt. quod si fecissent; tum quidem latantibus o=
mnibus bonis, fractis & perterrefactis perditis homini=
bus, facile fuit ea decernere pro statu Reipublicæ, quæ
nunc minime licet, audentibus latronibus quod ausi tū
non essent. VOCARI: uocandum esse, uocari
debere: & est figura, quæ properationem significat: ut
hoc loco: nam dixit, illo ipso primo Capitolino die. Bru=
tus autem & Cassius magnam occasionem amiserunt,
cum primo Capitolino die senatum in Capitolium non
uocarunt. itaque & infra 232. reprehendit Cicero

sessionem illam, id est moram Capitolinam. Et 245.

» Dicebam, senatum uocari oportuisse, populum ardentē

» studio uehementius incitari, totam suscipere Remp.

228.

LIBERALIA] Quo die factum est S. C. de
præmijs ueteranorum, (232.) multa q; alia in æde Tellu-
ris decreta. Philippica I. 153. 158: IAM PRI-
DEM: & hic moram illam Capitolinam carpit.

CAVSAM: libertatis, & Reip. FVNERE
ELATVS: perspicuum est, Cæsarem intelligi. Etiā

» 232. Recordare, inquit, tua. non ne meministi clama-

» re te, omnia periisse, si ille funere elatus esset? sapienter

» id quidem: itaque, ex eo quæ manarint, uides. Scribit

Suetonius, animum fuisse coniuratis occisi corpus in

Tyberim trahere, bona publicare, acta rescindere; sed

metu Antonij Consulis, et magistri equitum Lepidi de-

stitisse. Et Plutarchus Bruti consilium reprehendit, qui

Antonio, roganti ut Cæsar funere efferretur, cōcesserit,

Cassio contra dicente. nam Antonius cum eum mise-

rabiler laudaret, explicata ueste cruenta, & ictibus

perforata, ita populum commouit, ut cum facibus ad

tecta coniuratorum accurrerit. unde illud in I. I. Phi-

» lippica: Tu funeri tyranni sceleratissime præfuisi: tua

» illa pulchra laudatio, tua miseratio, tua cohortatio: tu,

» tu illas faces incendiisti, & eas, quibus semiusculatus il-

» le est, & eas, quibus incensa L. Bellieni domus deflagra-

uit. NOSTRA: bonorum uirorum. nam re-

uera tantummodo ad coniuratorum domus cum faci-

bus plebs cucurrit. QVÆ DEINDE? quæ de-

inde sunt consecuta? eiusmodi, ut audeant dicere: Cæ-

FFF ij

far hoc cogitavit, nemo igitur contra. tale illud in epi-
 stola ad Cassium: Interfecto Rege, regios omnes nutus
 tuemur. AVDEANT: homines perdit, & li-
 bertatis inimici. COGITO: cogitabat in Græ-
 ciam. 230. Ἰπὺν ἐμὴν NAVSEA: quæ, quasi
 sub vento exposita, haud diuturna solet esse. 227.

228.

THEBASSOS, Scævas, Frāgonēs,] Nomi-
 na veteranorum, qui ex Cæsaris largitione Pōpeiano-
 rum bona possidebant. Et dixit REDEO, non
 quia Thebassī, aut Scævæ, aut Frangonis supra mentio-
 nem fecerit: sed REDEO, ad eos, quibus tranquil-
 la Resp. non placet. ILLA: agros à Cæsare dona-
 tos. cupiunt igitur omnia misceri. ISTI: maxi-
 me designat Antonium, qui erat Consul.

228.

DE Curtilio &c.] Cum scripsi, indignum esse,
 quod Sestiliū fundum Curtilius Verbero possideret: si-
 gnificaui etiam de fundo Cēsorini, de Messalæ, de Plan-
 ci, de Posthumij: quorum fundos Cæsariani à Cæsare
 donatos possiderent. QVOD NVNQVAM
 ACCIDISSET: ut, interfecto tyranno, melius
 fuerit perire, quàm superesse. IN CUMANO:
 eodem die Balbus in Cumanum ad me venit. dicebat,
 Oclauium hereditatem Cæsaris aditurum.

228.

Πρόδομι] Hominis eruditi, Petri Victorij senten-
 tia mihi non displicet, uel dicam maxime placet. putat
 enim rectius, πρόδομι, id est concertationem. & sanè
 inter Oclauium & Antonium graues discordie pro-

pter Caesaris hereditatem consecuta, cum Antonius omnem pecuniam auertisset.

228.

BUTHROTIA mihi tua res] Buthrotij cum pecuniam imperatam non soluerent, Caesar eorum agrum proscripsit. Atticus, qui civitatem conservatam cuperet, pecuniam numeravit de suo; & à Caesare decretum abstulit, quo Buthrotij liberabantur. illud decretum Atticus interfecto Caesare cum à Consulibus confirmari uellet, quibus & senatusconsultum, & lex cognitionem dabat earum rerum, quas Caesar statuisset, decrevisset, egisset: Ciceronis in ea re tum gratia, tum auctoritate utebatur. 232:265.266.

228.

IAM ne ad centena Cluuiantum?] Subaudi, perducatur. nam in epistola, quae sequitur proxima:

De Cluuiano, res ad centena perducitur. & ut dicam quod sentio, libentius ita legerem: Quod quaeris, iam ne ad centena Cluuiantum: aduentare uidetur: sed primo anno LXXX deterimus. ut sensus hic sit: Quod scire uis, num ego hic Cluuiana bona ita constituerim, ut ex ijs posthac centena HS quotannis capere possim: breui futurum spero, ut ita sit: & hoc ipso anno, quo Cluuianam hereditatem adiui, LXXX HS cepi.

CENTENA: centum HS in singulos annos: ut in

libello Paradoxorum: Caput ille ex suis praedijs sexcenta

HS, ego cetena ex meis. **CLUUIANVM**: Cluuiana res, quam ex hereditate Cluuii acceperat. 220.

ADVENTARE: ad centena, ad fructum centenarum sestertiorum. **DETERSIMVS**: ce-

FFF iij

pimus: sed uenustius, deterius, quàm cepimus. IL
LE AVTEM: Quintus filius.

Ex epistola XI. pagina 228:

QVAE proxime.] Quae mihi proximis literis si-
gnificasti. VELIM ME HERCVLE: Atti-
cus scripserat, Brutum Astura futurum. ISTO-
RV M: Caesarianorum: qui non contenti Senatuscō-
sulto, quod in eam sententiā factum est, ut, quae Caesar
egit, statuit, decreuit, fixa sint, maiore ad licentiā pro-
grediuntur. DE TANTO VIRO, DE
CLARISSIMO CIVE: uerba sunt ex Ana-
tonij concione, quibus Caesarem appellauerat. 249:
AD RISVM, significat: se à philosophia cōfirma-
tum humana contemnere, ut ea, quae accidunt, et si nō
ferenda, iam tamen penè rideat. NOSTRI IL-
LI: qui tyrannum occiderunt.

228:

DE Cicerone,] Filio, qui Athenis dabat operam
philosophiae. VELIM SINT PROSPE-
RA: optat eam Remp. filio, in qua uirtutis percipere
fructus possit. ME IPSVM DILIGENTIA
VINCIS: hoc dicit, quia literis identidem Atticus
quærebat, num ita rem Cluuiānam constituisset, ut ue-
ctigal inde posset capere centum sestertiorum in singu-
los annos. 228. RVINA: duae tabernae corruer-
ant è Cluuiāna re. REM NON FECIT
DETERIOREM: non imminuit uectigal quod
antea capiebam, potius auxit. eas enim ita rursus aedifi-
co, ut hoc damnum quæstuosum sit. 227:

HIC] Puteolis. nam de bonis Cluuianis mentio-
nem fecit : & in epistola sequenti dicit se scripsisse apud
Vestorium Puteolanum. utranque autem eodem in lo-
co scriptam esse, patet ex Octauij mentione. **PHI-**
LIPPI : uirici. **MIHI TOTVS DEDI-**
TVS : Octavius enim Antonio inimicus, quia ex Cæ-
saris hereditate grandem pecuniam auerterat; suaden-
tibus maxime uirico Philippo, et Marcello sororis uiro,
ad Ciceronem se contulit, seq; ei & suam causam cõ-
mendauit, id spectans, ut propter gratiam & auctori-
tatem Ciceronis à senatu contra Antonium iuuaretur.
Historici omnes.

Ex epistola XII. pagina 229.

PRAETER lætitiā] Interitus tyranni præ-
ter lætitiā nihil attulit : siquidem libertatem non re-
cuperauimus. **ODII POENAM, AC DO-**
LORIS : punire odium, ac dolorem, est, odio ac dolo-
ri satisfacere. Nostrum igitur dolorem & indignatio-
nem, nostrumq; in Cæsarem odium puniuimus nos quĩ-
dem illius interitu, sed Remp. tamen in libertatem mi-
nime uindicauimus. Pro Milone : Fuit ultor iniuriæ,
punitor doloris sui. Et de Orat. lib. I. Iracundia est cu-
piditas puniendi doloris. ὡς πρᾶξεν &c. d pulchrū
facinus, sed imperfectum. Ideo autem imperfectum,
quia suum ius Resp. non recuperauerat. mortem enim
Cæsaris significat, cum dicit, ὡς πρᾶξεν καλῆς.

CLIENTELAM] Siculi Ciceronis erant in

clietela, eorumq; causa C. Verré accusauerat, cū Quæstor apud eos fuisset Prætor Sex. Peduceo. LATINITAS: ius ciuium Romanorum. nam Latini ciues Romani: itaque & suffragia ferebant, & magistratus gerebant. Si igitur Siculis Cæsar ius Latij concessisset, res fuisset non ferenda, ueruntamen ferri potuisset. ut autem Antonius legem figat, quasi à Cæsare latam, qui nullam hac de re mentionem unquam fecit: hoc uero neutiquam ferri potest.

229.

ACCEPTA:] A' Siculis. FIXIT LEGEM: de Siculis ciuitate donanda: cuius rei neque mentionem ullam Cæsar fecerat: & si fecisset, figere tamen neque de ea re, neque de alia legem ullam licebat: cum S. C. esset factū, ne qua tabula post Idus Martias ullius decreti Cæsaris, aut beneficij figeretur. Philippica I. & II. FIXIT: quia incisæ in æreis tabulis leges affigebantur parietibus, ut inquit Seruius ad illud Virgilianum: Fixit leges pretio, atque refixit: quo etiā loco Virgilium credit ad M. Antonium respexisse. Et Philippica I. De exilio reducti sunt à mortuo: ciuitas data non solum singulis, sed etiam nationibus, & provincijs uniuersis. Item V. Falsas leges C. Cæsaris nomine in æs incidendas, & in Capitolio figendas curauit.

A' DICTATORE COMITIIS LATAM: impudens Antonij mendacium: nam Cæsar nō modo legē comitijs non tulerat de Latinitate Siculis danda, sed nec mentionē eius rei ullam fecerat. Quoniā autem Cæsaris acta senatus rata esse uoluerat; Antonius, ut ostenderet legem esse Cæsaris, non suam, incidit

IN LIB. XIII. EPIST. AD AT. 414
in tabula, eam legem à Dictatore comitijs latam.

229.

NON similis?] Ostendit, & Siculos esse bonos
uiros, & Deiotarum omni regno dignum: sibi tamen
non placere, quòd hic regnum à Fulvia, illi ciuitatem
ab Antonio pecunia emerent. De Armenia per Anto-
nium Deiotaro restituta, quasi ex Caesaris decreto, Phi-
lippica II. 178. PER FVLVIAM: Fulvia, an-
tea P. Clodij coniugè què Milo interfecit, M. Antonius
uxorem duxit Antonia repudiata, C. Antonij filia. Et
Antonio cum Fulvia ante nuptias consuetudinem suis-
se, indicat illud in Philippica I. Vxorem tuam, & so-
rorem eiecisti, alia còditione quæsita, & ante perspecta.
PER FVLVIAM: ad hoc spectauit in V. Philip-
pica, cum dixit: Mulier sibi felicior, quàm uiro, auctio-
nem prouinciarum, regnorumq; faciebat.

229.

ILLVC refero.] Hæc ideo dico, ut ostendam;
cum hæc de Siculis & Deiotaro fiant, quæ sunt iniquis-
sima; rem fore non ferendam, si nos tam testatā rem,
tamq; iustam Buthrotiā non teneamus. Quanam autē
res esset Buthrotia, supra diximus, ad illud, Buthrotia
mihi tua res est, ut debet, eritq; curæ, 228. TAM
CLARAM, TAMQVE TESTATAM:
nā eā Caesar decreto concesserat, nō ut de Siculis, aut de
Deiotaro, de quibus non modo decretū, sed nec mentio-
nem ullam fecerat. ALIQUA EX PAR-
TE? quasi dicat, omnia tentabimus ut teneamus.
QVO ISTA PLURA: quo plura ista sunt, quæ
ab Antonio tam improbe sunt: eo magis obtinere de-

bebimus Buthrotiam rem, quæ & iusta est, & iam ab ipso Casare concessa.

229.

PHILIPPVS] Vitricus Octauij. POSSE BONVM CITEM: esse. NOSTRIS: liberatoribus Reip. Cassio, Bruto, et alijs. NEGAT HAEC FERRI POSSE: quæ sunt ab Antonio, ut de Siculis, de Deiotaro. QUID CENSES &c. si absens irascitur Antonio: multo grauius, cum Romæ erit. uidebit enim ea, quæ nunc, cum audit, ferre non potest. NOS (NISI ME FALLIT) IACEBIMVS: dicit quod supra 226. Illi
 » quoquo modo beati, ciuitas misera. Et 228: Illis magna
 » consolatio conscientia maximi & clarissimi facti: nobis
 » quæ? quî interfecto Rege liberi non sumus. Et 232.
 » Idus Martiæ nostris amicis diuinis uiris aditū ad coelū
 » dederunt, libertatem populo R. non dederunt.

229.

NEC Pelopidarum] Locus ex Accij tragoedia, quæ inscribitur Atreus. eum locum recitauit integrum
 » 245. & item in epistola ad Curium: Euolare cupio, et
 » aliquid peruenire, ubi nec Pelopidarum nomen, nec facta audiam. Et ad eundem, non integro uersu: Quod
 » tu pedibus es consecutus, ut ibi esses, ubi nec Pelopidarū;
 » nosti cetera: nos idem propemodum consequimur alia
 » ratione. Huc etiam spectauit Philippica XIII. cum
 » dixit: Moueri sedibus huic urbi melius est, atq; in alias,
 » si fieri possit, terras demigrare, unde Antoniorum nec
 » facta, nec nomen audiat; quàm illos Cæsaris uirtute
 » eiectos, Bruti retentos, intra hæc moenia uidere. Et Pelos

pide μεταφορικῶς uocantur homines, qui res turpes honestis anteponunt: qualis erat M. Antonius. INQVIT: Accius. 229.

VEL hos designatos] Ne Hircium quidem & Pansam, Consules designatos, amo: quanquam ipsi me amare uideatur. 227:228: ETIAM ME DECLAMARE COEGERVNT: ideo 238: suum discipulum appellat Hircium. APVD A=QVAS: Baianas: quod se non solum ualetudinis, sed etiam uoluptatis causa permulti conferebant. Baianus enim sinus amœnitate præcellens. unde illud Horatiani: Nullus in orbe locus Baijs præluet amœnis.

ERAT QVONDAM QVASI NECESSE: quia, cum Cæsar uiueret, satisfacere necesse erat & Hircio, & Pansæ, & cæteris, qui apud illum gratia multum poterant. nunc meæ facilitatis est, quod ijs rogantibus concedo ut declamē. QVOQVO MO=DO SE RES HABET: quoquo in statu Respublica est, non tamen seruimus, ut antea: itaque declamē nec ne, positum in me est: sed declamo tamen propter meā nimiam facilitatem. IN ARITHMETICIS: in scientia numerandi. & hoc significat, deditū pecuniæ magis, quàm literis, Vestorium. AMBV=LATIONE ἀλιτενεί: locis humilibus.

229:

Αλλ' οὐ δ' αὐτὸς &c.] Vlysses apud Homerū legatus ab Agamemnone ad Achillem, ut iratum illi placaret propter abreptam Briseida: acceptus ab Achille magno & splendido epularum apparatu, pronunciat hos uersus in. λ. quos Cicero aptissime usurpat, ut significet,

COMMENTARIVS

non se nunc de tumultis, aut de ambulatione ἀλιτεῖν cogitare, sed de Reip. salute sollicitum esse.

229:

ADVENTV] In Galliam citeriorem.
SVAS LEGIONES: tres, una tironum, ueterane duæ. Appianus libro III. SEXTVS: permanebit. QUID NOBIS FACIENDVM: non se tantum intelligit, sed etiam Atticum, ut patet 238: NEQVE HVC, NEQVE ILLVC: licuit mihi Cæsaris & Pompeij bello neutram partem sequi. BRVTI: Decimi, qui tres legiones habebat. nam de Marco non est ut accipi possit, cui nullæ erant copiæ, circa Lanuvium aut Aëtium privato comitatu uersanti. Τέκνον ἐμὸν &c. uerba sunt Paridis ad fratrem, ἰλιάδης ε. 230.

PROFICISCOR &c.] Deliberatiue positum: ut sit: si proficiscor, ut constituerā, legatus in Græciam, cædis impendentis periculum non nihil uitare uideor, sed casurus &c. CAEDIS IMPENDENTIS: idem. 149. LEGATVS: legatione libera. IN DISCRIMINE: si maneo, uideo me in discrimine manere. ILLVC: in Græciam: nam Cicero filius Athenis philosophiæ studium colebat, Cratippo magistro. 233. & libro I. de Officijs. LEGARI AB CAESARE: nam etiam uiuo Cæsare liberam legationē ab eo petere cogitauerat, hanc unam ob causam, ut in Græciam filij causa proficisceretur. 230.

QVINTO] Fratri. IMPENSO PRETIO: non soluto. QVO'INTRODVCA=

T V R: ut Aquilæ, de cuius nuptijs patrem suum cogitare Quintus filius Attico dixerat, ea uilla dotis cautio sit. DEBITIONE DOTIS: satis habet negotij reddenda tibi dote. factio enim diuortio cum Pomponia, Attici sorore, dotem reddere Quintus Cicero co-
gebatur. Q. EGNATIO: qui pecuniam fortasse ad solutionem dotis obtulerat.

230.

S E X. Clodij:] Qui exulabat, condénatus quod eo duce populus in curiam P. Clodij corpus intulisset, cremassetq; subsellijs, et mensis, & codicibus librariorū: quo igne & ipsa curia, & curiæ iuncta Porcia basilica flagrauerat. Pedianus in argumento Miloniana, et in extremo eiusdem orationis commentario. F A L-
S I S: nam in commentarijs Caesaris delebat, reponebat Antonius arbitratu suo; cum in eo Q. Faberij manu, scribæ Caesaris, uteretur. Appianus libro III.

Ex epistola XIII. pagina 230:

DEBERE tueri commentariū Caesaris.] Quia senatus decreuerat, ut, quæ Caesar egisset, decreuisset, statuisset, rata manerent. sed Antonius, cum haberet penes se Caesaris commentarios, abutens facilitate senatus addebat, tollebat, mutabat ad arbitriū, & libidinem suā. P. CLODIVM: Antonij priuignum, P. Clodij filiū, quocum inimicitias Cicero grauissimas gesserat: priuignum autem, quia Fuluiam eius matrem Antonius duxerat uxorem. HANC FAMILIAM: Claudiam. CONTVMACIAE: priuati odij.

COMMENTARIVS

Ex epistola XIII. pagina 231.

NEC his praesidijs nosmet ipsos esse spoliandos.]
 Nam si insectaremur amicos inimicorum nostrorum,
 spoliaremus ipsi nos omni amicorum praesidio. nemo enim
 amicis abundaret, si acerbiores uellemus esse non modo
 aduersus inimicos, sed etiam aduersus eos, qui nostris
 essent inimicis amicitia coniuncti. TVAS PAR-
 TES: qui utricus illi es. PVERO QVOQVE
 HOC A' ME DABIS: puero dices, mihi place-
 re Sex. Clodij restitutionem, quod omnem ueterum ini-
 micitarum memoria ex animo deleuerim. QVAM
 DOMVS: propter Fuluiam Antonij coniugem, quae
 P. Clodij prius uxor fuerat.

Ex epistola XV. pagina 231:

ITERA dum] Vide in II. Academica 22. &
 in II. Tusculana 184:

231:

CORONATVS Quintus noster Parilibus?]
 Puto Parilia illa significari, quae dedisse Octauium suo
 sumptu, ut populum muneribus caperet, scribit Dion libro
 XLV. CORONATVS: coronati. n. cum tibijs et
 cymbalis Parilia celebrabat. Athenaeus VIII. δεσπο-
 σοφισάν. QVINTVS NOSTER: Quintus fi-
 lius: qui Parilia coronatus celebrauerat, ut amorem
 suum erga Caesarem etiam mortuum ostenderet: ut est
 234; De coronatis, cum sororis tuae filius a patre accu-
 satus esset; rescripsit, se coronam habuisse honoris Cae-
 saris causa, posuisse luctus gratia: postremo se libenter
 uituperationem

uituperationem subire, quod amaret etiam mortuum
Cæsarem.

231:

DE hæresi Vestoriana,] Quid, cū ego ad te scri-
psissem Vestorium à dialecticis remotum, in arithmeti-
cis satis exercitatum; ipse eos, qui pecuniæ studiosiores
essent, quàm doctrinæ, hæresin Vestorianam appellasti.
PHERIONVM: hoc uidetur cognomen familie
Puteolanae: quorum consuetudinem, de qua scripserat
Atticus, ualde se risisse Cicero significat.

232.

DE Clodio:] De Sex. Clodio: quem Antonius
dicit se restituere ex commentarijs Cæsaris: cum Cæsar
non modo hoc non facturus, sed ne passurus quidem
fuerit. SEQUETVR: restituetur & Rufio Ve-
storianus, & Victor, quem Cæsar nunquam in commē-
tarijs scripsit se uelle restitui: item ceteri, quos Antonius
uoluerit: denique quis nō restituetur? NON VE-
NIRE? uenimus enim coacti ab Antonio Consule.
DEFENDENDI FVERVNT? hoc in Phi-
lippica I. 158. & hic 228.

232.

SESSIONEM] Moram, & ignauiam. nā
sedere quandoque ualet nihil agere, tempus otiose tere-
re: ut 202. Quid enim sedere totos dies in uilla ista?
Et apud Terentium, ut opinor; Virginem tam grandē
sedere domi? Reprehendit Brutum & Cassium, qui
illo ipso primo Capitolino die senatum in Capitolium
non uocarint, sed otiosi tempus consumpserint. 228.
BRVTORVM? Marci, & Decimi. uel Brutos
posuit pro omnibus, qui patriam tyranno liberauerant.

GGG

COMMENTARIVS

ALIORVM BRVTORVM: optimates intel-
ligit. Et in uoce BRVTORVM amphibologiam
quaesuit: nam & hominum & bestiarum inest signi-
catio; cum tamen ad bestias potius Cicero respexerit.
LAE T A R I: interitu tyranni. G R A T V L A-
R I: tyrānoctōnis. N V L L I S P E R M A N E-
R E: cum à bona mente, quam latitia & gratulatione
ostenderant, postea descuerint. I S T O S: Brutū,
Cassium, alios, qui Casarem regnantem occiderunt.

232.

E X eo quæ mandant,] Corpora tyrannorum
abijci insepulta, leges iubebant. (Appianus libro III.)
itaque non fuit concedendum, ut Casar funere efferre-
tur: concessum tamen est. ille fuit quasi fons omnium
malorum. nam Antonius, cum Casarem in funere lau-
daret, permiscuit quædam ad misericordiam commo-
uendam, ut populus ad coniuratorum domos cum faci-
bus accurreret, qui perculsi metu ex Vrbe aufugerunt.
inde perturbatio Reip. & immoderata Antoni licen-
tia. 228. V T R I S Q V E: Gallijs, Cisalpina, &
Transalpina. Et sanè Calendis Iunijs Antonius nume-
rum annorum provincijs prorogauit: ut in II. Philip-
pica 181. D I E S: legitimum tempus.

232.

A D Opis] Subintellige, ædem: usitata figura.
Antonius Casaris pecunias, in Opis templo positas, ad se
transtulit. unde illud in II. Philippica: Vbi est septies
millies sestertium, quod in tabulis, quæ sunt ad Opis, pa-
tebat? quonam modo sestertium quadringenties, quod
Idibus Martijs debuisti, ante Cal. Aprilis debere desisti?

» Et in V. Illa dissipatio pecuniæ publicæ ferenda nullo
 » modo est, per quam septies millies falsis perſcriptionibus,
 » donationibusq; auertit: ut portenti ſimile uideatur, tan
 » tam pecuniam populi R. tam breui tempore perire po-
 » tuiſſe. Et in I. Pecunia utinã ad ædem Opis maneret,
 » cruenta quidem illa, ſed ijs temporibus, cum ijs, quorum
 » eſt, non redditur, neceſſaria. quanquam ea quoque ſit
 » effuſa, ſi ita in aëtis eius fuit. Antonius enim, cū diceret
 » in aëtis Cæſaris eſſe, ut ea pecunia diſtribueretur; diſtri-
 » buit ex libidine ſua quibus uoluit, et quātū uoluit; Dola-
 » bellamq; ære alieno oppreſſum, data ei grādī pecunia, in
 » ſuas partes traduxit, quaſi in aëtis Cæſaris ita ſcriptum
 » eſſet: itemq; è ſeditioſis et egentibus quos uoluit. E-
 » GREGIIS VIRIS: interfeſtoribus Cæſaris.

232:

EORVM ſcelera,] Libertatis inimicos, maxi-
 meq; Cæſarem ſignificat. OBSIDEMVR?
 quaſi dicat: facerem cum periculo: nam liberi non
 dum ſumus: etiam nunc dominos habemus. intelligit
 autem Antonium. Et OBSIDEMVR μεταφορι-
 κῶς: nam qui obſidentur, liberi non ſunt: liberati autē,
 qui ex obſidione exempti. itaque in epiſtola ad D. Bru-
 » tum, Cum te, inquit, incluſo ſpem maximam omnes ha-
 » buiſſent in tua uirtute, florente Antonio: quis erat, qui
 » quidquā timeret, proſtigato illo, te liberato? NEC
 ME RAVDVSCVLVM MOVET: lau-
 dare cogar eos, qui te obſignatorem adhibuerunt: non
 propter rauduſculum, id eſt propter pecuniam, (æs enim
 ueteres raudum dicebant) quam mihi debent; quòd ue-
 rear, ne, ſi illos non laudauero, ab alienati pecuniam nō

GGG ij

COMMENTARIVS

soluant: sed ideo laudabo, quod eos beneuolentia prosequor: beneuolos autem homines, qualescunque sunt, graue est insequi contumelia. Nec dubito, quin Dolabella significet, amicum suum, eundemq; debitorem. nam in
 » fra, 236: Tibi assentior, maiorem πεῖξις Dolabellæ fore
 » re, si mihi, quod debuit, dissoluerit. Et 237. L. Antonij
 » horribilis concio, Dolabellæ præclara. iam uel sibi ha-
 » beat numos, modo numeret Idibus. Adhibuerat autem
 obsignatorem Atticum, opinor, in testamento facien-
 do. 225. QVALESCVNQVE SVNT:
 hoc dicit, quia Dolabellæ mores non admodum probati,
 ut qui contra Reip. partes à Cæsare steterat.

232:

DE BUTHROTIS] Vide 228. de Buthrotia re.
 VICINIS TVIS: quod Atticus prædia prope
 Massiliam haberet. SVA REDDIS: quæ illis
 Cæsar ademerat, quia sibi portas clausissent belli civilis
 initio. Antonius in epistola, quæ legitur Philip. XIII.
 » cum multa obiecit Hircio & Cæsari, tum infert: Mas-
 » siliensibus iure belli adempta reddituros uos pollicemini.
 REDDIS: redditum iri putas à Rep.

Ex epistola XVI. pagina 232:

MELIORA,] De Rep. MAGNAM
 ἀναδεύσας: magna administravit, magna gessit Do-
 labella: administratio autem hæc fuit: DE SAXO;
 subaudi, præcipitare eos, qui Cæsari columnam erexer-
 rant; & impunita quadam licentia grassantes, bonis ci-
 uibus pericula intendebant. IN CRUCEM: tol-
 lere. nam ex illa seditiosorum manu, qui liberi homines

fuerunt, eos Dolabella de saxo Capitolino deiecit: seruos
 in crucem egit. COLUMNAM TOLLE-
 RE: quam prope uiginti pedum lapidis Numidici, ut
 Suetonius tradit, de plebe homines perdit in foro statue-
 rant, inscriptam, Cæsari parenti patriæ. LOCUM
 ILLUM: ubi plebs bustum & monumentum Cæsa-
 ri fecerat. Hæc ex historia colliguntur: sed ipse aperte
 » in I. Philippica, his uerbis: Cum serperet in Vrbe infi-
 » nitum malum, idq; manaret in dies latius; ydemq; bu-
 » stum in foro facerent, qui illam insepultam sepulturâ
 » effecerant; & quotidie magis, magisq; perdit homines,
 » cum sui similibus seruis, tectis ac templis urbis minitarê-
 » tur: talis animaduersio fuit Dolabellæ cū in audaces,
 » sceleratosq; seruos, tum in impuros et nefarios liberos,
 » talisq; euersio illius execratæ columnæ, ut mirum mihi
 » uideatur, tam ualde reliquum tempus ab illo uno die
 » dissensisse. Et in eadem: Quem potes recordari Dola-
 » bella in uita tibi illuxisse diem latiore, quàm cū, ex-
 » piato foro, dissipato concursu impiorum, principibus sce-
 » leris pœna affectis, te domum recepisti? Et in II. Qui
 » dies ille, d. Antoni, collegæ tui, cū illud, quod tu uenerari
 » solebas, bustum in foro euertit? SIMULATIO-
 NEM DESIDERII: dictio DESIDERII
 refertur ad tyrannidē & potentiā supra leges: hoc sen-
 su: Videbatur antea desiderare tyrannidē Dolabella, qui
 re uera minime desideraret. nūc, cū tanto malo laborā-
 tē Rempublīcā sanauerit, prorsus, quæ fuit in eo simu-
 latio desiderij, eam sustulit. Ostendit enim simulatio-
 nem desiderij in Dolabella fuisse, desiderium non fuisse.
 ACTA NEFARIA: Cæsaris. NON POS-

COMMENTARIUS

SVNT OMNIA SIMVL: explicari eodem
tēpore omnia nō possunt. gradatim ad suū ius, suamq;
dignitatem Resp. perueniet.

233.

SI mihi cū illo nihil fuisset,] Si nulla mihi cū eo
consuetudo aut amicitia fuisset. Locutio Ciceroni usi-
tata. Mihi ante Aedilitatem nihil erat cum Cornificio,
inquit 190: Et in epistola ad C. Marcellum: Si mihi te=
cum minus esset, quā est cum tuis omnibus; allegarem
ad te illos, à quibus intelligis me prācipue diligi.

Ex epistola XVII. pagina 233.

CLUVIANIS] In agro Puteolano: ex hae-
reditate C. Cluuij Puteolani. EPICOPVM:
remigabilem, ut ita dicam: id est, qui iam in eo erat, ut
remis impelleretur. TRADIDISSEM: ut
uilla, & uillicis procuratoribus uteretur, tanquā suis.

233.

TYROTARICHVM] Patinam tyrota-
richi, quā me Papirius Patus accipere solitus est. In epi-
stola ad Patum: Quem tu mihi Pompilium, quem de-
narium narras? quā tyrotarichi patinam? facilita-
te mea ista ferebantur antea: nunc mutata res est. Est
autem tyrotarichus, caseus sale cōditus. IN POM-
PEIANVM: rediturus. ibi enim cū fuisse V. Cal.
Maij, patet ex insequenti epistola. hāc autem scripta
est V. Nonas Maij. REGNA: regna appellat,
Puteolana & Cumana pradia; quōd ijs mirifice dele-
taretur, ut quasi in regno wideretur esse.

ἀεὶς' αὖ.] Intelligit quod scripsit in epistola proxima superiore, de columna eversa, & sceleratis hominibus supplicio affectis. QUID DE RE, QUID DE VIRO: de re, quam gessit: DE VIRO, ipso Dolabella. PROPOSITA CRUCE, VEL SAXO? alludit ad factum Dolabellæ, qui liberos homines Remp. perturbantes de saxo præcípites deiecerat, seruos cruci affixerat. Nemo igitur, inquit, tam erit inimicus otij, qui Brutum audeat uiolare, proposita cruce, uel saxo. INFIMORVM? hoc dicit, quia seueritas animaduersionis non solet esse popularis. sed illam tamen Dolabellæ seuerissimam animaduersionem infimus quisque uehementer probauerat. 235. EXPEDIAS: ita expedias uelim mea negotia, ut hic me nulla res possit morari.

EPISTOLA Leonidæ,] In qua Ciceronem filium ita laudauerat, ut diceret: Quo modo nūc est uidetur de eo bene sperandum. ILLE: Cicero filius. QVO MODO NUNC EST: uerba sunt ex Leonidæ epistola de Cicerone filio. Et 248. Leonides, inquit, retinet suū illud Adhuc. Apparet autem, hominem fuisse magna auctoritate, & existimatione: cum Cicero filius ad Tironem ita scribat: Multum etiā mecum est Epicrates princeps Atheniensium, & Leonides, et horū cateri similes. κατὰ μίτον: diligentissime omnia de filio: quasi, per filium. Pherocrates apud Varinū: κατὰ μίτον τὰ πράγματα ἐκλογίζομαι. AD XENONEM SCRIPSISTI: ut Athenis Cicero

COMMENTARIUS

ni filio suppeditaret. 253: 255. DE MONTANI NEGOTIO: quid significet, ipse declarat 204. NE PRO SE &c. puto fore, ut ipse soluat quod Planco debet, non ut Montanus præs pro illo dependat. NON BELLE VALVISSE: ægrotasse.

Ex epistola XVIII. pagina 233:

IN Cumano] In uilla mea Cumana ad Lucrinum. 233. IN FORTUNA: itaque nunc ipsi nobis consulere non possumus. HIS DE REBUS: subaudi, consilium capiemus.

233:

PROFICIAM] Erat enim Consul Antonius: ideoque cum eo agendum erat, ut decretum à Cæsare factum de Buthrotiorum agro liberato, confirmaret. MAGNO REIP. MALO: hac de re » in III. Philippica 179: O' præclaram illam percur- » tionem tuam mense Aprili, atque Maio, tum, cum etiã » Capuam deducere conatus es. & quæ sequuntur. L. CAESARI: Antonij auunculo. AD CAL. IVN. quo die coacto senatu agetur de Rep. 232. TRACTANDA, ET PERFICIENDA: remedium afflictæ Reip. non modo quærendum est, sed etiã inueniendum.

234.

μείσαι.] Ipse uiderit, ipse cogitet. NON MODO ACTA: senatus enim consulto sancitum erat, ut acta Cæsaris rata manerent. REM: Montani negotium. de quo 204. 233:

Ex epistola XIX. pagina 234:

IN hæc loca] Ad salubres Baiarū aquas . 229.
 SORORIS FILIVM : M. Antonium, alterū
 Consulē. DE FACTO, AC DE RE GE
 STA : de colūna eversa, seditiosis supplicio affectis.
 232: CERNERE : adire. 178. 222. IDI-
 BVS MARTIIS : quo die Brutus Cæsarem occi-
 dit. AD CAVSAM : ad rem ipsam, quā ges-
 seras. Fecit enim sapienter Dolabella : qui, cum uere-
 retur ne plebis animos incenderet, si & ad mentionem
 summæ animaduersionis, quæ non solet esse popularis,
 repente uenisset, & in ea commemoranda diutius per-
 stitisset : gradatione quadam usus est, & pedetentim
 tum accessus ad causam fecit, tum recessus. VR-
 BEM PERICVLO, CIVITATEM ME-
 » TV : tecta ab igne, ciues à cæde. Pro Sylla: In qua
 » ciuitate res tantas gesserim memini; et in qua urbe, in
 » telligo.

Ex epistola XX. pagina 235:

AB ALIENA VIT] Quia mihi non soluit
 quod debet. Debebat autem ex dote Tulliolæ, cum qua
 diuortiū fecerat. In epist. Fam. 50. 92. PVDEN-
 TEM : ἐγκρατικός.

235:

FABERII manu] locatur. Quintus enim Fa-
 berius, Cæsaris scriba, ad arbitrium Antonij, ut scribit
 Appianus, mutabat, aut addebat in Cæsaris libellis, ita

COMMENTARIUS

magnā pecuniæ partem, à Cæsare relicta, interuertit, ad
 seq; transtulit Antonius : eaq; pecunia cum alios, tum
 collegam suū Dolabellam, magno ære alieno oppressum,
 ad suas partes traduxit. itaque non Antonio solum, sed
 & Dolabellæ beneficium attulit Faberij manus. Philippica
 VIII. 219. ET OPEM AB EO PE-
 TIERIT : alludit ad ingentem illam uim pecuniæ,
 quam à Cæsare de Pompeianorum bonis redactā, &
 ad ædem Opis custodiæ causa positā, Antonius diripuit,
 posteaq; se distribuisse dixit è Cæsaris libellis, usus in eo
 » Faberij manu. Philippica II. 167. Maximote, inquit, ære
 » alieno ad ædē Oppis liberaſti, per easdemq; tabulas in=
 » numerabilem pecuniam dissipauisti. Ea igitur pecunia
 » emptus ab Antonio Dolabella, graui se alieno ære libe=
 » rauit. 263: Dolabella, inquit, cū Remp. me auctore de=
 » fendere cœpiſſet, non modo eā deſeruit emptus pecunia;
 » sed etiā, quātum in ipſo fuit, euertit. Et oratione prima
 » in Antonium : Per deos immortales, te enim intuens
 » Dolabella, qui mihi carissimus es, nō possum de utrius=
 » que ueſtrum errore reticere. credo enim, uos homines
 » nobiles, magna quædam ſpectantes, non pecuniam, ut
 » quidam nimis creduli ſuſpiciantur, sed charitatem ci=
 » uium, & gloriam cōcupiſſe. Et Paterculus hiftoriæ ſuæ
 » libro II. Septies millies HS depositum à C. Cæsare ad
 » ædē Opis, occupatum ab Antonio, corruptis eiufdem cō=
 » mentarijs. atque omnia pretio temperata, uendente Rē
 » pub. Conſule. VIII. IDVS LITERAS
 DEDERAM : quas paulo poſt aculeatas appellat,
 quòd in ijs Dolabellam quaſi aculeis pungeret, & exci=
 taret ad ſolutionem pecuniæ.

235.

ALBIANVM] Negotium . 237. 209 .
 SUPPEDITATVS ES : suppeditasti : utrūque enim eadem significatione usurpatur . Dederat Atticus pecuniam Ciceroni , tantundemq; se scripserat exacturum à Petulcio , qui Ciceroni debebat .

AD ISTA EXPEDIENDA : ad mea nomina exigenda . FACTVM &c. uidebar mihi Erotem reliquisse aptissimum ad ista expedienda . FA-
 » Etum : quasi à natura : ut in I. de Officijs, Facti ad lu
 » dum : pro Milone, Ad eam legem non docti, sed facti.
 VACILLARVNT : nomina : id est, exacta non sunt .

236.

IN foro,] Quia scripserat Atticus, Brutum Cal. Iun. Romæ futurū , sed in senatum nō esse uenturum .
 DE GRÆCIA : de profectiōe in Græciam .
 230. 233: EXILIVM , VT SCRIBIS IPSE, MEDITANTI : nam si aliquid meditaretur pro Republica, nō discederem . sed exilium meditati non uideo quid prodesse possim . itaque in Græciam cogito . NON SATIS DELECTARVNT : quia de Cicerone filio scripserat , Quo modo nunc est . 233 . HERODE : hic Athenis morabatur . 233: 248 . SAVFEIVM] saufeij librum . 241: 242 .

Ex epistola XXI. pagina 236.

AVARITIA] Quia non soluit, quod debet .
 235: ALIVM PORTVM : mortem uidelicet . HVIC AETATI : meæ . NON V=

COMMENTARIVS

TRVMVIS : non licet nunc mihi , quod Cæsaris bello licuit, non interesse civili bello. nūc in manu mea non est, ut faciam utrum uolo. 229:

236.

DE Clodio] Sex. Clodio: de quo scripserat Cice- ro, se libenter concedere, ut restitueretur. 231. DE DEIOTARO : cui ereptam à Cæsare Armeniā Antonius accepta grandi pecunia restituerat, idq; se dixerat facere ex eiusdem Cæsaris commentarijs. 229. et in II. Philippica 178. itē in V. 196: FACTVM DOLABELLAE : animaduersionē in seditiosam illam manum, & euersionem columnæ. 232:

236:

DE coronatis,] De ijs, qui Parilia coronati celebrauerant. 231: LVCTVS GRATIA : propter Cæsaris necem . Parilibus enim cum per aliquod spatium coronam gestasset, deposuit. SCRIPSI DILIGENTER : de pecunia scilicet , quā utriusque debebat Dolabella. 235: HOC ONERIS : ut tu Dolabellam appelles de solutione. TRICATVS EST : tricatur , qui falsa loquitur. 246: MISSA AB ISTIS : Publio, matre, & sorore . MISSA , ut ageret cum eo de reducenda Pubilia. 218: 239: VIDERO : qui uersabatur in ijs locis, tum cum coloniam Cassilinum deduxit. 233: DE BVTHROTO : hoc exposuimus 228. FACERE MAGNAM ^{πραξις} DOLABELLAE : præclarum ducere factum Dolabellæ. 232: EX TVIS LITERIS : unis, & alteris. 235: DE PROFECTIONE : in Græciam . 230.

236. DE MATRE: quodd ei totam uillam ad
Lucrinum, uillicosq; procuratores tradiderim. 233.

DILIGENTER TVEBIMVR: quia mi-
nus recte ualebat. 239.

Ex epistola XXII. pagina 237.

A' LVCVLLO postridie eadē ferē hora, qua
ueni,] Subaudi, alteras literas accepi. POSTRI-
DIE, quinto Idus. EADEM FERē HORA,
QVA VENI: hora ferē tertia. DE TVO
AVTEM: negotio. Rem Buthrotiā intelligit. 228.

236: QUID SPERES: hoc non ad Buthro-
tum, sed ad Remp. refertur. nam Antonius cursabat
huc illuc, ut agros ueteranis diuideret, quibus beneficio
deuinctis uteretur adiutoribus ad omnia. 233: RO-
MAE IGITVR: agemus cum Antonio Calendis
Iunij. 232: L. ANTONII: qui Tribunus erat
plebis, Marci frater.

237.

I AM uel sibi &c.] Concedo, ut quos mihi nū-
mos Dolabella debet, eos sibi habeat, modo usuram Idi-
bus pendat. Mos fuit apud ueteres, ut Idibus usuræ sol-
uerentur. Ideoq; in oratione I. in Catilinam, Præter-
mitto, inquit, ruinas fortunarum tuarum, quas omnes
impendere tibi proximis Idibus senties: propterea quodd
Idibus soluere fœneratoribus usuras cogeretur. Et in
I I. Philippica: Vbi est septies millies sestertium, quod in
tabulis, quæ sunt ad Opis, patebat? tu autem sestertiū
quadringenties, quod Idibus Martijs debuisti, quonam
modo ante Cal. Apr. debere desisti? Ex usura, quam

COMMENTARIVS

Idibus Martijs Antonius soluerat, apparebat eum debere sestertium quadringentis. Sed Horatius perspicue:
» Fœnerator Alphius Omnem relegit Idibus pecuniam.

237.

TERTVLLAE] Tervulla, Bruti soror, uxor Casij, abortum fecerat. Fœminæ appellabantur familie nomine: sed ut internoscerentur, cum duæ erant, maior & minor uocabantur: ut apud Suetonium in Augusto, Oclauia maior, & Oclauia minor. cum tres erant, quæ tertia nata esset, Tertia dicebatur: cum quatuor, Quarta: cum quinque, Quinta: unde in oratione pro M. Celio, & de aruspicum responsis Quinta Claudia. Ergo Tertia, siue Tervulla per diminutionem, Bruti soror, quia post duas edita esset. 244: de qua Macrobius hæc Saturnaliorum libro I I. Mater
» M. Bruti Seruilia, cum pretiosum ære paruo fundum
» abstulisset à Casare subijciente hasta bona ciuium, non
» effugit dictum tale Ciceronis: Et quidem, quo melius
» emptum sciatis, comparauit Seruilia huc fundum Tertia deducta. filia autem Seruilia erat Iunia Tertia,
» eademq; C. Crassi (hic pro Crasso Cassium repone)
» uxor, lasciuiente Dictatore tam in matrem, quam in puellam. DE REGINA &c. uide 227.

237.

DE Quintis,] Patre, & filio. BVTHRO
TO: re Buthrotia. 228. 265. CICERONI:
filio. 234. SCRIPTAM CONCIONEM:
qua Brutus utatur, cū in urbē redierit. IN QVI-
BUS SATIS EXERCITATI SV-
MVS: quoniā, inquit, in literis satis exercitatus sum,

eo debes putare certius, quod dicturus sum. Nemo unquam &c. 237.

IN edicto] Brutus edictum composuit, quo postulavit ab Antonio Consule, ut sibi & Cassio Pretoribus liceret ab Urbe abesse: quod leges vetabant. quibus ille item edicto respondit minaci, & contumelioso. In epist. Fam. 169. NON PROBARI: Brutus enim orationis vim, & sententiarum gravitatem contemnebat, Atticos oratores imitabatur, humili quodam in genere versantes. 240.

237.

NON scite:] Non scite scripsit Attilius, suam cuique sponsam, mihi meam; suum cuique amorem, mihi meum: siquidem aliena contemnere, sua nimis amare, non sapientis est. & tamen nemo unquam fuit neque orator, neque poeta, qui non se meliorem arbitra retur, quam quævis alium. POETA DVRSIMVS: Licinius enim Attilium uocauerat ferreum scriptorem. In primo de Finib. in proœmio. ISTI: Bruto. DVCEM: Antonium.

237:

» QVOD Hircium &c.] 242: Cassius uehementer orat, ac petit, ut Hircium quamoptimum faciam. Erat enim Hircius maxime deditus eloquentiæ, ideoque
» Ciceroni familiarissimus. In epistola ad Patum: Hircium & Dolabellam dicendi discipulos habeo, cœnandi
» magistros. Et in hoc libro 229. Qui etiam me declamare coegerunt. CVM BALBO: qui cum Cæsare
» amicissimus fuerit, quo modo in Rep. sit animatus, non facile potest dijudicari. VALDE PLACE

COMMENTARIVS

RE: quia rem publicam præclarissime gessit. 232:
 » VIXI: iucundissime fui. ut 62: Vixi cum Axio.
 EDICTVM BRVTI, ET CASSII: in
 epist. Fam. 169. ISTIS: Bruto, & Cassio.
 » IBATRES: erat, cur bene speraremus. 232: Inci-
 » pit res melius ire. DVCEM: Octaviū significat,
 ad quem ueterani confluebant. Dion, Appianus.

237:

Μὴ πολιτεύεσθαι.] Abstinendum administratione
 Reip. nam Epicurus ad se ipsum omnia referebat, alie-
 na causa nihil dicebat esse agendum. Ideoq; in epistola
 ad Trebatium, quem audierat Epicureū esse factum,
 » iocans ita scribit: Quonam modo ius civile defendes,
 » cum omnia tua causa facias, non ciuium? Et in eadē:
 » Quid fiet populo Vlubrano, si tu statueris πολιτεύεσθαι
 » non oportere? BRVTI NOSTRI: qui Stoi-
 cos sequens, dissentiebat ab Epicuro. VULTICV
 LV S: talis apparet Brutus in antiquis & lapidibus,
 & nūmis, uultu macie attenuato. EST DEX-
 TELL A: eo quasi dextra utemur ad auferendum
 ab Antonio quod uolumus, de re Buthrotia. nā Quin-
 tus filius erat Antonij familiaris. 234. LANTO
 NIV S: qui erat Tribunus plebis. & Tribunis lice-
 bat quem uellent in concionem abreptum interrogare
 qualibet de re: ut in libro de magistratibus exemplorū
 copia probabimus. CONCIO: Octaviū.
 HAEC SCRIPSI: quasi dicat, Propere, quia
 statim discessurus erat Cassij tabellarius. SALV-
 TATVRVS: in uilla Cumana ad Lucrinū. 233.
 AD EPVLAS VESTORII: Puteolos. 229:

Ex

Ex epistola XXIII. pagina 238.

VENIT] Roma. NON DERE
MEA: non de pecunia, quā mihi debet. NON
DVM ENIM MEAS ACCEPERAT:
intelligit eas literas, quas appellauit aculeatas 235:
QVARVM EXEMPLVM TIBI MIS
SERAM: quarum est principium, Et si contentus
eram mi Dolabella tua gloria, 234.

238.

» TIMERE:] Nolle. sic paulo post: Nemo
» est istorum, qui otium non timeat. Et in ea, quæ sequi=
» tur, Timent otium. quod contra dixit, cupere pa=
cem, 237: NOSTI VIRVM, QVAM
» TECTVS: sic Celijs ad Ciceronem: Nosti Mar=
» cellum, quā tardus: itemq; Seruium, quā cun=
» ctator. Plautus in Aulul. Tu me, & ego te, qualis sis,
» scio. Terentius in Ad. illum, ut uiuat, optant.

ACTA CAESARIS: uide or. uol. III. 229.
DVVMVIRI: municipiorum præfecti. DE
SVA INUIDIA: quodd inuisus esset quasi Cæ=
sar's amicus. ILLA RES: Cæsaris interitum
significat. REGNI HAEREDEM RELI
CTVM: Antonium. HOC METVERE,
ALTERVM IN METV NON PONE
RE: Regem metuere, hæredem regni non metuere.
Et latenter significat, Antoniū occidi debuisse. Locu=
tionem usurpauit eandem 204.

238.

NEAPOLITANVM] Fundum in agro
HHH

» Neapolitano : ut in Academicis : Erat constitutum Lu-
 » cullo in Neapolitanum, mihi in Pompeianū nauigare.

M A T R E T Y R A N N O C T O N I : Ser-
 uilia, Bruti matre : quæ fundum illum ab hasta Cæsa-
 ris minimo acceperat . dilexit enim Cæsar usque adeo
 Seruiliam , ut bello civili , quemadmodum Suetonius
 tradit, super alias donationes amplissima illi prædia ex
 auktionibus hastæ nūmo addiderit : cum quidem ple-
 risque utilitatem mirantibus , facetissime Cicero , Quo
 melius, inquit, emptum sciatis, Tertia deducta est. exi-
 stimabatur enim, Seruiliam etiam filiam suā Tertiam
 cōciliare Cæsari. Erat igitur plane ὑποσώλοικον, cū Bru-
 tus Cæsarem occidisset , Seruiliam possidere fundum à
 Cæsare datum. 238.

C A T O maior.] Liber de senectute, ita inscri-
 ptus : in quo libro multa præclara ad toleranda sene-
 ctutis incommoda : ideoq; sibi eum sæpe esse legendum,
 dicit. 238.

Πεντέλοιστον] Puteolis fuerat Cicero cum quinque
 Cæsarianis, Balbo, Hircio, Pansa, Octavio, Philippo,
 ut scribit 228: Cum autem Octavius cum Philippo vi-
 trico Romam isset , Cicero tres reliquos, Balbū scilicet ,
 Hircium, & Pansam, omni studio conabatur ad Rép-
 tuendam traducere. ita modo hunc, modo illum ad pa-
 cem atque otium hortabatur. Πεντέλοιστον igitur, id est
 qui reliqui sunt de quinque , (reliqui autem erant, ut
 dixi, Balbus, Hircius, Pansa) ad optimates, & ad partes
 Reip. cogito traducere, sic Hircium quoque. vide 240:
 V I D E A M V S : paremus, inquit , talaria, ut hinc
 abeamus. OCTAVII CONCIONEM :

237: AN IN MEO NOMINE: an propter pecuniam, quā mihi debet, legem tulerit de tabulis nouis, qua credita pecuniae debitoribus condonabatur.

Ex epistola XXIII. pagina 238:

ISTI] Qui otium timent. MEVS VERO DISCIPVLVS: Hircius. ILLVM: Caesarem. IRRITA FORE &c. fore dicebat, ut nos, qui Caesaris acta decreto sanximus, & confirmauimus, iidem illa infirmemus, atq; tollamus, timore liberati. QVA SI VSVS NON FVISSET: quia interfectus est ab ijs maxime, quos Pompeium secutos, cum posset occidere, seruauit. Et sane Hircius illi auctor fuerat, ut crudelitate potius uteretur, quam clementia, si tenere diutius uellet, quod armis quaesierat. quod ex Paterculo didicimus. cuius

» uerba subiiciemus: Laudandum experientia consilium
 » est Pansa, atque Hircij, qui semper praedixerant Caesari,
 » ut principatum, armis quaesitum, armis teneret. ille di-
 » litans mori se, quam timeri malle, dum clementiam,
 » quam praestiterat, expectat, incautus ab ingratis occupa-
 tus est. POMPEIVS: Sextus, Magni filius.

229:

238:

QVOD tibi tum licuit,] Quod tibi Caesaris bello licuit, ut neutram partem sequeremur: id nobis nunc licebit; quos haec perditorum pars in hostium numero habebit, quia non obscure Caesaris morte letati sumus.

229: NOS INGRATOS: quia letati sumus eius nece, quibus ille non solum pepercerat, sed etiam redditum in patriā concesserat. MILLIES MO

HHH ij

COMMENTARIVS

» RI MELIVS : quàm ire in castra. Supra: Tala=
» ria uideamus : quiduis enim potius, quàm castra.

HVIC PRAESERTIM AETATI: senes
Etuti: cui propinqua mors impèdet. MAGNUM
MENDVM : acta enim illa res est animo uirili, cò
silio puerili. 238. ILLI IUVENES : tyrann=
noctoni. αλλοις εν εοδαοις &c. alijs in bonis hanc ef=
fugiunt uituperationem. hoc dicit : Ita de Republica
meriti sunt, ut ad eos hoc dedecus non pertineat.

PLVRA AVDIS : cū Romae sis. INTER=
ES CONSILIIS : quodd cum Caesarianis assi=
» due colloquaris. Sic in epistola ad Cassium : Tu eam
» partem petisti, ut & consilijs interesses, et, quod maxi=
» me curam leuat, futura animo prospicere posses. Erat
enim Cassius apud Caesarem. SUPER LEGA=
TIONE VOTIVA : quam petere cogitabat ;
discessionis causa ; quemadmodum & petijt, & usus
» est. Quod ipse in I. Philippica significat his uerbis: Quae
» cum audire mallet, quàm uidere, haberemq; ius lega=
» tionis liberum ; ea mente discessi, ut adessem Calendis
» Ianuarij ; quod initium senatus cogendi fore uideba=
» tur. Votiuam autem & liberam legationem idè esse,
non dubitabit qui leget quod scriptum est 33:245:

CALENDIS : ne in senatu Calēdis Iunijs adsim.
232:233: MILITES AD EAM DIEM
COMPARATI: uide 242. & in II. Philippica
181. ISTOS : Brutum, & Cassium.

IN LIBRVM XV. CICERONIS EPI-
STOLARVM AD ATTICVM,
PAVLI MANVTII COM-
MENTARIVS.

Ex epist. I. pag. 239.

DE ALEXIONE.] Medicus Ciceronis Ale-
xio perierat. 240: DE ANTONIO: 237:
EGIPRIMVM, QVOD ATTINET:
egi cum eo de re Buthrotia. NIHIL MIHI
CONCEDEBAT: rem Buthrotiam aque, atque
» ego, uidebatur cupere. Sic 218. Nosti diligentiam Capi-
» tonis in rebus nouis perquirendis: non concedit Ca-
» millo. HVIVS REI: Buthrotiae. CON-
SVLATVS SVI: erat enim Consul designatus.
INEO NEGOTIO: in re Buthrotia. 236:
NOSTROS: Brutum, & Cassium. SA-
TIS FECI: probavi mihi non licere, quod rogaret.
236: LABORARE: de ea re, quam rogabat.

239:

ISTAM uero,] Opinor, Publiliae matre. 236:
QVID EST HOC? quo de nunc agitur. quid
est, cur simulem, & quasi cum persona ambulem? tū
laudaui, quia debui: at hoc, quod nunc agitur, cuius-
modi est? QVOD BRVTVS ROGAT:
quod Brutum scribis rogare, ut ante Calendas Iunias
eum conueniam: ad me quoque scripsit. ANTE
CALENDAS: hoc est, ante quam in Urbem re-

HHH ij

COMMENTARIVS

deam: nam ad eum diem Cicero affuturus erat, (232.
233:) Brutus autem redire ipse in Urbem non aude-
bat metu ueteranorum. In epist. Famil. 168:
SVAE IMMORTALITATI: cum tyrā-
num interfecit. NOSTRO OTIO: quia
Rege interfecto liberi tamē non sumus. 226. 228. 229.
DE REGINA: Cleopatra. 227. DE FLAM-
MA: de Flaminio Flamma obsecro te, si quid potes,
age: id est, ne Montanus pro eo dependat. 204. 233:
PENE VALENTM: nam egrotauerat. 236:
CLAM IIS: mallem, CLARIVS: ut certius
Attico significet de ualitudine Piliae, quam non domi
subobscurae, sed in publico clare uiderit.

240.

VT ne ambitiose corrigerem,] Ut eam ne parce
corrigerem. nam ambitiose corrigere dicitur is, qui in
amici scriptis pauca mutat, quod uereatur ne eum of-
fendat, ambitiosus in eius gratia retinenda. ὑπόθεσις,
VIDES, QVAE SIT: uides, quod sit argu-
mentum, quae dicentis persona. argumentum est, de ty-
ranno interfecto, patria liberata: loquitur Brutus, qui
tam praeclari facinoris auctor fuit. ardentius igitur scri-
bi debuit oratio. ALIVS SVM: aliud sequor
genus orationis. Et sanē Ciceronis & Bruti non idem
erat iudiciū de oratore perfecto. 237. ὑπεραττικὸς:
admodum Atticus: hoc est: uereor, ne, quia cognomē
tibi est Attico, ualde propensus sis ad ea probanda, quae
sunt attice scripta. nam Brutus eam rationem scriben-
di in oratione sua secutus erat, quam Attici oratores
adamauerant. Atticum autem oratorem Cicero talem

» inducit in libro de perfecto oratore: Summissus est, &
 » humilis, de numeris non laborans, suppressus ut uoce,
 » sic etiam oratione. non faciet Remp. loquentem, nec ab
 » inferis mortuos excitabit, nec acervatim multa frequen-
 » tans, una complexione deuinciet. Hūc igitur oratorem
 & probabat Brutus, & imitabatur: cum eum Cicero
 principem poneret, non qui uno in genere excelleret, si-
 cut atticus in humili, sed qui parua summissa, magna
 grauita, mediocria temperate posset dicere. ἄττικῶς
 τὰτὰ GRAVISSIME DICI: qui atticus
 maxime uelit esse, grauita tamen posse dicere. Graui-
 tatem Cicero, & uim cum uerborum, tum sententiarū
 in oratione Bruti desiderabat; qui ea neglexerat, quod
 Atticorum consuetudinem imitans, tenuitatem seque-
 retur.

Ex epistola II. pagina 240.

DE BUTHROTO:] Nimum multis uer-
 bis de Buthrotia re mecum agis. 228. 265. CON-
 CIONATVM ESSE: 237. de concione L.
 Antonij. EA NON SCRIBAM: opinor,
 historiam. 232. NON SATIS &c. non mul-
 tum mihi sperare uideris à senatu de re Buthrotia.

240:

LUDORVM' QVE eius] Intelligit eos lu-
 dos, quos Cæsaris uictoria Cæsar adolescens fecit: de quib-
 » bus Suetonius his uerbis: Ludos uictoriae Cæsaris, non
 » audentibus facere quibus obtigerat id munus, ipse edi-
 » dit. Et Matus in epistola ad Ciceronem: At ludos,
 » quos Cæsaris uictoria Cæsar adolescens fecit, curauit: at

HHH iij

COMMENTARIVS

id ad priuatum officium, non ad statum Reip. pertinebat. COLLEGA DIGNVS: dignus Martij ac Posthumi collega: quia cum ijs ludos procuraret. BALBUM: Balbum uellem leuare inuidia possemus. uide illud 238. Questus est etiam de sua inuidia.

240:

PRIMA disputatio Tusculana] Quod scribis, te, legendo Tusculanarum questionum libro primo, hoc assequi, ut mortem contemnas: sanè gaudeo. Primus enim Tusculanarum liber mortem docet non esse malum. NEQVE ENIM VLLVM EST PERFVGIVM AVT MELIVS, AVT PARATIVS: quàm mortem contemnere. BENE LOQVITVR: de suo ære alieno soluendo. 204. 233:

240:

HOS tamen πεντέλοιπον] Hircium, Pansa, Balbum: quos appellat πεντέλοιπον, quasi reliquos de quinque. nam Octauio & Philippo Romam profectis, tres de quinque remanserant Hircius, Pansa, Balbus. uide 238. ISTA: quæ sunt ab Antonio. PECVNIAE: publicæ, quam Antonius erogauit ad arbitrium suum, cum ea pertineret ad populum Romanum. Philippica V. 196. Illa dissipatio pecuniæ publicæ ferenda nullo modo est. Et in II. 178. DOLEO: quoddam uita excesserit. 239.

Ex epistola III. pagina 241.

MVLT A potiora.] Nam exilium & mortem & quiduis aliud seruituti antepono. ACTA IN

AEDE APOLLINIS: pro Republica, erumpente flamma bellorum civilium. NEC SIMILE TEMPVS: tunc enim tuto licuit consulere Reipublicae, quod item nunc licere non uidetur, praesertim cum scribas Marcellum, aliosque ab Vrbe discedere. NOVI CONVENTVS HABITATORES: intelligit colonias proximis superioribus diebus ab Antonio in Agrum Campanum deductas. Philippica II. 179. IN MAGNIS ENIM VERSAMVR ANGVSTIIS: quod iam neque in his locis mihi uideor tuto esse posse, propter novos habitatores Antonio beneuolos; neque Romae, propter milites non solum Antonij, sed etiam Octauij, quorum neutri τὸ πρῶτον est salus Reip. 229. 239. DE MARIO: hic est M. Marius, de quo 315: & in Fam. 94: QVAE DESIDERABAM: cognoscere cupiebam ex tuis literis & secundos Alexionis haeredes, & testamenti diem: cognoui. & λας: non displicet eorum coniectura, qui legendum putant, ALIAS: ut sit: De Quinto filio, ut scribis, alias considerabimus, uel agemus.

241.

IDEM te, quod me, sentire uideo:] Tu quoque sentis ardentius debuisse scribi. 240. QVASI ABRVTO HABITA ORATIONE: uis me in eandem sententiam scribere, quod Bruti nomine diuulgetur: quasi eam orationem, quae scribatur à me, Brutus habuerit in concione Capitolina. quod ego, qui fieri possit, parum intelligo; cum ille eam, quam scripsit, iam ediderit: ut alia deinde oratio de iisdem rebus cum eiusdem nomine non uideatur edi posse.

COMMENTARIUS

ALIO MODO: atque scripsit Brutus. 240.

TEMPORE: scribendi expectandum tempus matu-
turius. 242.

BENE Tribuni.] Recte factum à Tribunis,
qui Caesaris sellam in spectaculis apponi uetuerunt. quā-
quam uetuisse Antonium Consulem, non Tribunos, Ap-
pianus tradit: sed credendum potius Attico praesenti.

- » De hac sella Suetonius sic: Ampliora humano fastigio
- » sibi decerni passus est, sedem auream in curia, & pro
- » tribunali thensam, & ferculum Circensi pompa.

PRAECLAROS ETIAM XIII. OR-
DINES: scripserat Atticus de equitibus Romanis stu-
dium erga Rempublicam in theatro significantibus. hi
sedebant in XIII. ordinibus lege Roscia datis. Cice-
ro, Plinius, Pedianus, Tranquillus. APVD ME:
in aliqua uilla Ciceronis.

Ex epistola IIII. pagina 241.

VIII. ferè] VIII. ferè hora: ut ita subaudia-
tur, hora; quemadmodū subauditur, dies. Q. FV-

- » SIO: Caleno, Ciceronis inimico iam inde à temporis
- » bus Clodianis. Asconius in Miloniana: Postea Ciceroni
- » acerbè Antonium in senatu accusanti, non minus acer
- » ba oratione respondit, quā recitat Dion libro XLVI.

NISI FORTE: nobis omnia uideantur insulse
fieri ab ijs, quos nō amamus. ET LEVIOREM
LAUDO: corrupte. placeret sic, De Lenio, rem lau-
do: aut quiddam huiusmodi: ut omnino dictio LE-
VIOREM diuidatur. CALFULENVS:
si ita sentit, ut scribis. D. Carsuleni mentio est in III.
Philippica, & in epistola Asinij ad Ciceronem, apud

Appianum Carsuleij. ἄνω ποταμῶν : retro flumina
feruntur . adagium est περὶ τῶν ἀδυνάτων .

241:

PER populum agat,] Sicut egit : nam corru-
ptis Tribunis plebis, populi suffragijs Celticam provin-
ciam, D. Bruto antea decretam à senatu, obtinuit. Ap-
pianus lib. III. DE ILLIVS NERVIS: de
Bruti uirtute. NON VIDETVR FIERI
POSSE SINE BELLO: si provinciam Bruto
adimere uolet Antonius, bello adimat necesse est.
NON CUPIO : non cupio Brutum armis tueri
provinciam: quia, si tueretur, acta Cæsaris confirmantur:
(Cæsar enim eam provinciam Bruto regendam assi-
gnauerat) quodd si acta Cæsaris confirmantur ; sequi-
tur, ut caueatur Buthrotijs, id est, ut Buthrotij omni mo-
lestia liberentur, sicut Cæsar decreto iusserat . Hic exi-
stet, qui dicat: Ergo Buthrotijs nō amicus Cicero : imo
amicissimus; sed usque eò ambitiosus erat in eorū agro
liberando, ut eos id consequi ab alio doleret. Laborabat
autē ea de re propter Atticum, qui pecunias Cæsari de
suo numerauerat, ut Buthrotius ager ne diuideretur.
232:240:265. NOSTRIS : Bruto, et Cassio.
STULTA : stulte facerem, si me Idibus Martijs
consolarer. 230. 238:242. EXCISA : tyrannus
quidem est occisus, sed quædam quasi radix remansit,
unde tyrannis enascatur. REDEAMVS &c.
Legamus Tusculanas disputationes, quæ nos aduersus
omnia, quæ possunt accidere, confirmant. SÆPE
VSVRPAS : sæpe in tuis literis mentionem facis
Tusculanarum disputationum . 240: SAVFE-
IVM PETE : disputa contra philosophum Epicu-

COMMENTARIUS

reum de contemnenda morte : ita ut ille nesciat, argu-
menta te sumpsisse de meis libris.

241:

LANVVIVM] Ad Brutū. 227: NON
SINE MVLTTO SERMONE: dabit enim
sermonem hic meus cum Bruto congressus. CON-
TENDIS COMMITTERE: vis me ean-
de scribere orationem, quā Brutus scripsit. vis igitur nos
inter nos committere, & quasi in quoddam certamen
adducere. Tranquillus in Caligula: Nec cessauit cri-
minari alterum alteri, atque inter se omnes committe-
re. ἡγορεύειον ALIQUOD: hortaris, ut praecla-
rum aliquid de Rep. scribam, quod quasi Heraclidis
opus uideatur. 210: 246. 252: 255. COMPO-
NENDVM ARGVMENTVM EST,
ET SCRIBENDI EXPECTANDVM
TEMPVS MATVRIVS: hoc est, quod dixit
241: Sed alio modo, & tempore. nam hoc tempore nō
uidebatur sibi de Rep. sine periculo posse scribere, cum,
interfecto Caesare, minime tamē esset recuperata liber-
tas. itaque dicit expectandum tempus maturius.

242.

SI haec ita manant, ut uidentur,] Si, ut uidetur,
perditorum vis & audacia quotidie magis corroborat-
ur, iam mihi nullam asferet delectationem Caesaris in-
teritus. NVNQVAM REVERTISSET:
ex bello, quod Parthis inferre cogitabat, & diuturno,
& admodum periculoso. EIVS ACTA: quae
decreto confirmauimus, ipso interfecto. 226. & Fam.
183.

242.

A V T ut in Saufeianam etc.] Videtur locus obscurior, qui tamen illustrabitur distinctione. sic igitur distinguamus: Aut (ut in Saufeianā, reliquasq; disputationes, ad quas tu etiā Vestoriū hortaris) ita gratiosi etc. hoc sensu: ille nunquā reuertisset, aut, si reuertisset ita gratiosi eramus apud illum, ut nostræ ætati, si quidem dominū habituri fuimus, non fuerit dominus ille fugiendus. illud autē, V T I N S A V F E I A N A M etc. expone sic: Vt contra ea dicam, quæ in Tusculanis disputationibus sunt à me scripta: in ijs. n. multa de morte contemnenda: qui autem dominum fert, is ideo ferre uidetur, quia mortem timet. Et primam, opinor, disputationem, id est primum librum Tusculanarum, Saufeianā appellat, quia cōtra Saufeij sententiā, qui Epicurum sequebatur, multa complectitur de animorum æternitate. N O S T R A E A E T A T I: qui senes sumus. N O S T R I S: Bruto, et Cassio. 241.

242.

Q V I D etiam nobis,] Vtrum Calendis Iunijs in senatu adsim. 239. S T V D I V M T V V M N A V A R E: ad eum cuperem ire potuisses. 244: L I T E R A S: mittam, quibus te excusam. 242: M I S I: Romam, ubi erat Atticus: ideo infert, Eum ad te uocabis. C V M M A N D A T I S, E T L I T E R I S: de legatione impetranda. 243: Q V O D P L A C E A T: quod scribendū uideatur. A' B A L B O: nihil dū à Balbo cognouerā, ut possem ad te particulatim scribere de consilijs Antonij, quæ admodum superioribus diebus feceram, ex eiusdem Balbi sermone. 238.

COMMENTARIUS

Ex epistola V. pagina 242:

V T R V M de duobus.] Romam eant, nec ne. id enim considerabant, sed ueteranos timebant, quorū ad Calendas Iunias magna multitudo in Vrbe affutura erat. in libro superiore in extremo, Moneor, inquit, à multis, ne in senatu Calendis: dicuntur enim occulte milites ad eam diem cōparati, et quidem in istos, qui mihi uidentur ubiuis tutius, quā in senatu fore. Et in epistola, quæ utriusque nomine ad Antonium scripta legitur in Fam. 168. cum hoc ipsum consultarent, num in Vrbe tuto esse possent, scribitur, inquit, nobis, magnam ueteranorum multitudinem Romam conuenisse iam, & ad Calendas Iunias futuram multo maiorem. petimus à te, facias nos certiores tuæ uoluntatis, putes ne nos tutos fore in tanta frequentia ueteranorū, quos etiam de reponenda ara cogitare audimus. Congruit igitur et tēpus, & sententia; ut exponā sic, V T R V M D E D V O B V S, utrum Romā eant, an in iisdem locis maneant. 242:

ὁ θησαυρὸς ἀνθρώπων.] Adagium est, ab eo, qui thesaurum sperans carbones inuenit. transfertur ad eos, quibus opinione & spe frustratis aliquid euenit cōtra, quā uolebant. Ergo sensus est: Cassium nunquā putauī fore tam stultum, ut crederet Hircium à me fieri quam optimum posse. Cum enim Cæsarem Hircius magnopere dilexisset, Cassio & Bruto Cæsaris interfectoribus qui poterat non inimicus esse? aperte indicant quæ scripta sunt 238: Meus, inquit, discipulus (Hirciū significat) ualde amat illum, quem Brutus noster sau-

- » ciavit: & , si quæris, timent otium : ὑπόδεσιν autem
 » hanc habent, eamq; præ se ferunt, uirum clarissimum
 » interfectum &c. 242:

EPISTOLAM tibi misi.] Quā Cassius ad
 me misit. VT TV DE PROVINCIA etc.
 ut tu scribis de provincia Bruto, itemq; Cassio per S. C.
 mandāda, ita & Balbus scribit. IAM IN TV=
 SCVLANO EST: ut iā in Urbē peruenierit, cū
 in Tusculano sit. PERICULI CAUSA:
 suadet, ne Romam proficiscar; quod ibi non putet me
 sine periculo esse posse. SIBI ETIAM: se etiā
 dicit abfuisse periculi causa. TANTVM AB=
 EST etc. si Romam non uenio, suspicari poterit An=
 tonius ideo me non uenire, quod eum summis opibus,
 summaq; dignitate florentem non libenter uideam. sed
 ego, tantum abest ut hanc eius suspicionem curem fuge=
 re, ut etiam ob id ipsum Romam uenire nolim, ne illum
 uideam. FUGERE NON CVREM: per=
 spicuum est, negatiuam abundare. QUI REII=
 CIANTVR: à portione publici agri. In epist. Fam.
 168: INTER ISTOS? inter Casarianos: cū
 in Vrbe ero. L. ANTONIVS: Marci frater.
 IN DECIMVM: in Decimum Brutum profectu=
 rus est. NOSTROS: hac uoce semper M. Brutū
 » & C. Cassium designat, ut 239: Redeamus ad nostros.
 » Et 241: Scribis te nescire, quid nostris faciundum sit.
 Item 242: 243. SERVIVI: Casare uiuo.

Ex epistola VI. pagina 243.

CAVSAE:] Casariana. ISTOS: Hirciū,
 & alios Casaris amicos.

COMMENTARIUS

Ex epistola VII. pagina 243.

CALEANT,] In agendis rebus acriter uersentur: μεταφορικῶς : quale illud 65 : Iudicia calent, pro exercentur. Et 325. Gabinium ad populum luculente calefecerat Memmius. AD NONAS : ut in senatu adsim. nam eo die senatus erat futurus. 244.

243.

PRAESIDIA : magistratus in biennium designati ; Consules quidem, Hircius, & Pansa ; post eos, D. Brutus, & L. Plancus. Nam Caesar ad bellum Parthicum profecturus, paucis diebus ante, quam occideretur, designauerat magistratus in biennium : ut essent, qui ipso absente res urbanas administrarent. Dion. PER SE : Bruto enim & Cassio rem ad contentionem deducuntibus, haec mala diuturna erunt, quae ipsa per se non essent. Verebatur enim Hircius, ne Cassius & Brutus eo consilio discederent, ut, exercitu comparato, armati redirent de Rep. dimicaturi. ideo dixit Cicero :
 » Isti uerentur, ne nostri plus animi habeant, quam habent.
 » bent. 243:

SERVILIAM] M. Bruti matrem, sororem Catonis Uticensis. REDIISSSE : Lanius, ubi filium & Cassium erat allocuta. NON DISCES SVROS : Brutum et Cassium ex Italia non exituros.

Ex epistola VIII. pagina 243:

SEXTI : Pompeij. SERVIVS VERO PACIFICATOR : Servius Sulpitius legatus ad Antonium

Antonium missus est, qui rem componeret. hoc Philippica IX. quam legationem nunquam Cicero probauit: itaque & hic deridet, qui sciret Antonium ab armis non discessurum; ideoq; bellum decerni, quam legationem, mallet. quod etiam euentus comprobauit.

CVM LIBRARIOLO: in Sulpitij iuriconsulti consuetudinem; qui librariolo uti solitus esset, in quo de iure ciuili multa scripsisset ad captiunculas effugiendas. quasi dicat: Quid hic poterit cum suo librariolo? eius scientiae locus in hac re non est. non iure ciuili contra Antonium utendum fuit, sed armis. NON EX IVRE MANVM: uide Gelliū lib. XX. cap. IX. Fam. 101: & pro Muræna.

Ex epistola IX. pagina 143:

VETERANIS.] Quod tam frequentes Romam uenerint spe nouarum rerum à Consulibus incitati. Puto enim significari quod est in I. Philippica 154.
 » Veterani qui appellabantur, quibus hic ordo diligentissime cauerat, non ad conseruationem earum rerum,
 » quas habebant, sed ad spem nouarum prædarum incitabantur. DE CAL. MARTIIS: de eo, quod eo die agere decreuerunt. sed locum hic esse Calendis Martijs non uideo: Iunijs posset esse: quibus futurum erat, ut ageretur in senatu de commodis ueteranorum. Fam. 168: EVTRAPELV M: Volumniū Eutrapelum, Antoniij familiarissimum, qui etiam illi amicam suam Cyteridem cōcesserit. in Fam. 143. & Seruius in ultima ecloga. VTRAQVE: utar tam prouinciali, quam uotina. DE TE: scripserat At

COMMENTARIUS

ticus, sibi quoque in animo esse legationem liberam petere, sed usurum in ea re Ciceronis consilio. uide 244.

CORAM: mecum de tua legatione deliberare.

VT ILLE: ut poeta ille scriptum reliquit. uidetur enim, CAVENDVM QVAE PLVRES VIDENT, de uetere poeta sumptum.

Ex epistola X. pagina 244:

VLLAM ab istis,] Vllam provinciam accipere à Cæsarianis? Maluisset enim Cicero utrunque in Vrbe manere; quodd ijs præsentiibus magnum præsidiū Resp. uideretur habitura. LEGATARIAM: per contemptum; quodd quasi legati ad curandum frumentum mitterentur. Scribit Appianus libro III. Senatū Bruto & Cassio timentem, demando rei frumentariae munere, honeste illos amandasse. ADEVROTAM: usque ed legatariam istam provinciam parui facio, ut nesciam, utrum ea sit melius uti, quàm prorsus nihil agere, & Lanuuij sedere. Lanuuij enim erat Brutus. EVROTAM: fluuium Laconia, Lanuuij pictum in porticu, quæ Persice dicebatur, fortasse quodd in ea simulacrum pugnae fuerit, qua Persæ à Græcis cæsi sunt. PROVINCIAE DECERNANTVR: ad quas ex Prætura proficiantur. nunc enim & Cassius & Brutus Prætores erāt, neque provincias poterant administrare, nisi post confectum annum Præturae tempus. interea datum negotium, ut frumentū curarent. NOLO ENIM &c. quia Eurotam nominavi, fortasse poteras accipere de Lacedæmone, quā præterfluit Eurotas: ideo addidi de Persi-

ce porticu: ut intelligeres, me de Eurota picto locutum,
 & Lanuvium significare, non Lacedæmonem.

244.

CASVS armorum?] Rixam significat nescio
 quam in Attici domo ortam, ita, ut ad arma ventum
 sit. NIMBVM CITO TRANSIISSE:
 rixam mature sedatam. TRISTI: quod Atti-
 cus legationis specie migrare aliud uellet, ne tam tur-
 bulenta in Vrbe uiueret. DIFFICILI AD
 CONSILIANDVM: de qua ego tibi consilium
 dare non facile possim. Hac de re in epistola proxima
 superiore, his uerbis: De te quaeso etiam atque etiam
 uide.

Ex epistola XI. pagina 244.

QVID scribam?] Ad Brutum, & Cassium.
 BENEFICIO ISTORVM: curatione fru-
 mentaria.

244.

SI uero aliquid de Decimo gratius:] Si quid de
 Decimo Bruto latius affertur, ut de Antonio repulso, de
 prouincia Gallia in senatus potestate retenta: quæ no-
 stris, id est Bruto & Cassio, uita? quasi dicat, obscura
 prorsus, & inhonorata, qui Lanuuij sedendo tempus tri-
 uerint. Antiquus liber Caualcantis; SI VERO
 ALIQUID DE D. GRATIIS QVÆ NO-
 STRIS: ut nulla ferè mutatione locum, ut opinor,
 restituerim. LVDOS VERO NON FA-
 CERE: Prætores ludos facere soliti erant. ideoq; tur-
 pe dicit futurum M. Bruto, si eos prætermisisset. qui po-
 stea constituit, ut absente se fierent, cum ipse in Vrbe

III ij

COMMENTARIVS

tuto esse non posset. 245. & Plutarchus. FRV-
MENTVM IMPONERE: mandare Bruto,
& Cassio, ut frumentum curent, hoc est eos specie lega-
tionis tanquam in exilium mittere: sicuti Dionysius ty-
rannus Dionem ablegauit, cum tamen eum diceret nō
in exilium à se missum, sed paululum secessisse. Plutar-
chus, & Probus: quanquam apud eos legationis nulla
mentio: sed potuit Dionysius, ad tollendam inuidiam
facti, inter cetera & hoc fingere, Dionem à se legatum
aliquò missum. PRORSVS QVIDEM etc.
in tali re si quis uelit illis consilium dare, sine periculo
non possit: sed ego, si modo quid proficere, & illos con-
silio iuuare possem, periculum negligerem. FRV-
STRA: quia nihil proficerem, etiam si proponerem
illi quod maxime gloriosum esset: me enim non audiret,
qui matri talibus in rebus obtemperet. CVM
VTATVR: Brutus. QVO GENERE
VTAR LITERARVM: ad illos. MIT-
TAM: literas uel Antium, uel Circaos. nam alter-
utro in loco futuri erant Brutus & Cassius.

Ex epistola XII. pagina 244:

SERVILIA, Tertulla, Porcia,] Matre,
sorore, cōiuge Bruti. VT SALVOS ESSE:
ut saluti consuleremus: uel, ut saluus esse posset: sic enim
licet exponere, cum in antiquo Causalantis libro, VT
SALVVS ESSE, scriptū sit. IN SICILIA M: rei frumentaria causa. 244. EGO'NE:
ego'ne, Cassius aiebat, ut beneficium accepisse uidear in
contumelia? ut quæ contumelia est, eam beneficij loco

ponam? Clarius exponamus. Si hac, inquit, frumenta=
ria uterer curatione, quodam modo fateri uiderer, be=
neficiū mihi esse datum; cum ego ita sentiam, tam
sordido munere demandato, non datum esse beneficiū,
sed impositam contumeliam. 245:

245.

NE QVE NŪC,] Quia tum gerebat Præturam
Brutus. DECIMVM QVE GRAVITER
ACCVSABAT: qui cum & Galliam provin=
ciam, & in ea tres legiones haberet, otiosus nihil pro
Republica moliretur. QUID OPORTVIS=
SET: ab illis fieri. QVENQVAM PRAE=
TEREA OPORTVISSE TANGI: etiā
M. Antonium oportuisse occidi. Id autem M. Brutus
uetuerat, ut tantūmodo tyrannum odisse uiderentur.
Sed quoniam uideo esse antiquos libros, à quibus absit
dictio TANGI; uenio in opinionē, distinctione muta=
ta sic esse legendum: Nec tamen illum locum, attinge=
re quenquam præterea oportuisse, sed senatum uoca=
re, populum ardentem studio uehementius incitare, to=
tam suscipere Rempublicam: Ut actiue, quemadmodū
grammatici loquuntur, omnia ponantur. SENA=
TVM VOCARI: uide 228. 237. TVA FA=
MILIARIS: Seruilia Bruti mater. ITV=
RVS: in Achaïam. NOSTER: Brutus. 245:
INANI SERMONE: cum dixit, se Romam
iturū. VELLE ENIM SE DIXERAT:
uti Asiatica curatione frumenti.

245.

ἢ δ' εὖ γ' ὁ δὸς & c.] Homeri uersum usurpans lo=
III iij

COMMENTARIVS

quitur ad se ipsum: Quid profecisti d Cicero hoc tuo
ad Brutum itinere? nihil sanè: tantum amoris satis at-
que officio fecisti. PELOPIDARVM: malo-
rum ciuium. 229. 245:

AD IIII. Non. Apr.] Vt ad IIII. Non.
Apr. cum eo legatus in Syriã proficiscar. VOTI-
VA: legatio. LIBERAE LEGATIO-
NES: quarũ in numero uotina erat. 33: ID'QUE
ADEO GENVS LEGATIONIS: libe-
ra. QVOD NVNC MIHI ADDITVM
EST: ut, quanquã nõ sit hæc mea libera legatio, liceat
mihi tamen introire, exire, cum uelim. QVIN-
QVENNII LICENTIA: ut legatus per quin-
quennium abesse possim. CONTRAHI: cum
res ad bellum & cædem spectare uideatur. βλά-
σφημα MITTAMVS: ne nobis male ominemur,
quasi ad quinquennium uicturi non simus.

Ex epistola XIII. pagina 245:

CVM literis] De re Buthrotia. QUID
NO CET? quanquam tu scribis, bono loco Buthrotiã
rem esse: tamen quid nocet ad Dolabellam ea de re li-
teras misisse? 245:

DE nostris autem Antiatis] Intelligit Brutum,
& Cassium, & Antiates appellat, quod Antii moraren-
tur. VSVRI'QUE BENEFICIO AN-
TONII: abfuturi ab Vrbe. quod Antonius Con-
sul illis concedebat: alioqui, cum Pratores essent, abesse
non licuisset. CONTVMELIOSO: quia,
cum illis Antonius daret, ut abesse possent; adiunxit de

inde, ut alter in Asia, alter in Sicilia frumentum emendum, & ad Urbem mittendum curarent. in quo uidebatur esse contumelia: nullum enim munus in Rep. sordidius. 244: 245:

NOSTER uero,] Brutus. 245. καὶ μάλα σεμνὸς : ἑρωνικῶς : quod Brutus ut ad illustrem & gloriosam provinciam, sic ad sordidam rei frumentarie curationem æquo animo profisceretur. sic Plutarchus de Cicerone, cum, affectis supplicio coniuratis, magno optimatum comitatu insignis domum rediit. αἱ δὲ γυναικες ἐκ τῶν τεγῶν προύφαινον ἰδίῃ τιμῇ καὶ δέα τοῦ ἀνδρὸς ὑπὸ πομπῇ τῶν ἀρίστων μάλα σεμνῶς ἀνιόντος. IN ASIAM: erat profecturus.

254: SINE cura me esse iubet.] Vult me non timere Tusculani mei diuisionem. hoc primum est beneficiū, quia me iubet esse sine cura: alterum fortasse consequetur: quod? hoc inquam, si in Tusculanum uenerit: id est, si ad diuisionem uenerit eorum prædiorum, quæ sunt in agro Tusculano: forte enim, quod literis pollicetur, id re præstabit, ut mea prædia in diuisione excipiat. Philippica V. 195: τὰν δ' αἰτίαν &c. causam Brutorum, quis erat, qui tueretur? animatus quidem erga eos ita, ut uellemus, fore uidetur Octavianus; sed, quid ætati credendum sit, quid nomini, quid hereditati, quid κατήχησις, magni consilij est: quod & adolescens est, & Cæsaris cognomine appellatur, & hereditatem habet ab illo relictam, & utitur eorum consilio, qui Cæsarem amant mortuum, nostris liberatoribus inimici. κατήχησις enim ualet, instructio, eruditio, do-

Etrina, consilium. habebat autem Octavianus apud se non qui illum ad pacem hortarentur, sed qui ad persequendam Caesaris mortem incitarent. ut est 229. Octavianum nego posse bonum ciuem; ita multi circumstant, quidē nostris mortem minitantur. VITRICVS: Philippus, Octaviani vitricus, nihil ei censebat esse credendum, propter aetatem, propter nomen, &c.

246.

MARCELLVS] Hic Octaviani sororem in matrimonio habebat; eiusque pater fuit, cuius mortem Virgilius deplorat in sexto: Heu miserande puer, si quā fata aspera rēpas, Tu Marcellus eris. NOSTRO NOSTRI: Quinto Quinti filio. hoc ad Attici epistolam refero; qui scripserat, Marcellum Quinto filio praecipere, quas partes in Republica sequeretur, quod antea ualde familiaris Antonio fuerat: & eidem postea fuit inimicus. Philip. III. 186: ILLE: Quintus filius, uel Octavianus. ἐὰν διαμείνῃ: si permanferit. & hoc uel ad Quintum, uel ad Octavianum referri potest: malim tamen ad Octavianum.

Ex epistola XIII. pagina 246.

NEC duces simus, nec agmen cogamus,] Ut nullum in his dissensionibus neque magnum, neque paruum munus suscipiamus, faueamus tamen Remp. defendentibus. metaphora sumpta de re militari.

246.

ORATIONEM] Opinor secundā in Antonium. uide 261. QUANDO ILLVM DIEM: quando ita liberi uiuemus, ut eam orationē

tuto proferre possimus? INDVCIAS: scribis fore optimum, si quæ induciæ fieri possint inter hos, quorum animus ad pugnam & ad cædem spectare uidetur. hoc non uideo qui fieri possit. melius est silere, de inducijs uerbū non facere. LEGIONES DV=

AS: M. Antonius Caium fratrem in Macedoniam misit, qui legiones, quas ibi Cæsar ad bellum Parthicū collocauerat, in Italiam transportaret. ad easq; ipse Brundisium mox profectus, cum eas primum ad Urbē ducere instituisset, ut audiuit Octauij studio atque uirtute firmo præsidio munitam esse Rempublicam, mutato consilio in Galliam contra Decimum duxit. Puer
 » egregius (inquit in epistola ad Cornificium) præsidium
 » sibi primum, & nobis, deinde summæ Reip. cōparauit.
 » qui nisi fuisset, Antoniū reditus à Brundisio pestis pa-
 » triæ fuisset. Et Philippica III. 189. Quid hic uictor
 » non audebit, qui senatum stipauerit armatis; armatos
 » in cella Concordiæ, cum senatum haberet, incluserit; ad
 » legiones Brundisium cucurrerit; cum exercitu Romā
 » sit ad interitum nostrum, & ad disperditionem Urbis
 » uenire conatus. PRIVS: auditis. IAM

PROBO ἡγεκλείδιον: quod antea petenti Attico, ut aliquod ἡγεκλείδιον scriberet, negauerat; ideo dicit, IAM PROBO. 242.

246.

SIC enim mauis &c.] Hic facilius est sententiam uidere, quàm uerba restituere. opem expectemus antiquorum librorum. RES HISPANIENSES: optima nunciantur de Sex. Pompeio. is enim contra Cæsaris partes bellum parabat in Hispania.

246:

SELICIA,] Forte legendum, Seruilia : ut de Bruti matre intelligatis. sed hæc, siue Selicia, siue Seruilia, uenisse aiebat Scaptiū à Bruto. Erat autē hic Scaptius natione Cyprius, Bruto familiaritate coniūctus. 82: NON QVA POMPA : non qua pompa olim solebat, nō illo quo solebat insignem comitatu. STATIM : ad te scribam.

246:

ALEXANDRINAS,] Quatuor legiones ; quas è Pompeij, Crassiq; clade dispersas, Cleopatra sub Cæsare collectas retinebat. has cum A. Allienus à Dolabella missus educeret, Cassius cum octo legionibus in Palæstina adortus, omnes ad se traduxit. In epist. Fam. 188. & Appianus lib. III. BASSVM ARCESSI : à legionibus Alexandrinis, quæ illi tradere se uellent. De Cæcilio Basso 227: NE QUID ANTE : modo ne quid ante accidat. AD BAIAS : Baianas aquas Dolabella petierat ualeitudinis causa. quarum salubritatem illi gratulatus est Cicero epistola, quæ legitur libro IX. Fam. hoc principio: Gratulor Baijs nostris, siquidem, ut scribis, salubres repente factæ sunt. DE ATTRIBUTIONE OMNIA SVMMMA FECISSE : ut ij, qui ipsi debent, mihi se soluturos pollicerentur. 255: Attributa pecunia dicebatur, auctore Pediano, quam in stipendiū militum de ærario promptam Tribuni ærarij adnumere Questori solebant. Deinde etiam ad alias res, nō minus priuatas, quàm publicas, loquendi consuetudo deflexit exēplis plena. sunt omnia. VECTENVM

ACCUSAT: debitorem suum; qui sibi, qua die promiserat, non soluerit. **SUSCEPISSE**: quoniam ipse ad Baias futurus esset, ut à debitoribus suis non posset exigere, quod Ciceroni numeraturum se diceret. **QUAERO AUTEM**: ostendit Dolabellam eo consilio rem differre, ut nunquam solueret. Cur, inquit, sua nomina Sestio potius tradidit exigenda, quàm nobis? quid potest in ea re Sestius, quod quivis nostrum non possit? sed uidelicet de solutione non cogitat, ideo nobis nomina nō assignavit. **PRAETER SPEM**: si qua spes est exigendæ à Dolabella pecunia: quod ego quidem antea non speravi. itaque prater spem erit, si quid exigetur.

246:

Τὰ περὶ τοῦ καθήκοντος.] Quæ de officio sunt. scribebat enim libros de officijs, quos ad filium misit.

TANTUM QVOD: commodum, vix, tantum:

» ut in III. Verrina: Tantū quod hominem non nominat: causam quidem totā perscribit. **ORATIONEM**: quam in M. Antonium scriptam, ad Atticum miserat. 246. 261.

Ex epistola XV. pagina 247.

QUAE TU UELLES.] De re Buthrotia.

Ex epistola XVI. pagina 247:

Σωτάξεις.] Scriptionem librorum περὶ τοῦ καθήκοντος. 246: **MINIATA CERULA**: Atticus in Ciceronis libris ea, quæ non probaret, notare miniata cera solitus erat. 260: Nostrū, inquit, opus tibi pro-

COMMENTARIVS

» bari letor. ex quo ante ipse posuisti, quæ mihi florentio=
» ra sunt uisa tuo iudicio : cerulas enim tuas miniatulas
» illas extimescebam.

Ex epistola XVII. pagina 247:

L. ANTONIO &c.] L. Antonius Se=
ptemuir agris diuidendis, quod Philippicæ orationes
ostendunt, agri Buthrotij diuisionem urgebat. TE=
STIMONIVM : quo testor ea, quæ de Buthro=
tjjs me præsentē cum Cæsare sunt acta. NUM=
MOS ARPINATVM : Arpinates num=
mos apud Ciceronem deposuerant. AEDILIS :
Aedilitas erat in Arpinati municipio, alius magistratus
præterea non creabatur. In epist. Fam. 209. SI
ERGO : superiore uersu κατὰ παρέρθεσιν interposit=
to, redit ad nummos Arpinatum. ITEM : præter
nummos Arpinatum puto pecuniæ quiddam apud me
depositum. EROTEM : hic, ut antea diximus,
Ciceronis rationes administrabat. PROMIS=
SORVM : Ciceroni quiddam spononderat Ammo=
nius pro Regina. 227. 237. CVM ISTIS :
subintellige, sit. Nolo, inquit, mihi quidquam esse cum
istis. NEC TAM ANIMVM &c. putant
me neque animum habere, ut ulcisci possim ; neque sto=
machum, ut irasci.

248.

PROFECTIONEM meam,] in Graciã.
230. 233. DISPENSATIO : male dispens=
savit Eros pecuniam ex meis nominibus exactam.
EX RELIQUIS : Eros Nonis Aprilibus rationes

omnes confecerat : summaq; facta, quantum pecuniæ Ciceroni deberetur, quantum alijs ab ipso, apparebat Ciceroni tantum pecuniæ superare, ut non modo nō egeret, sed etiam abundare deberet. RELIQUIS: reliqua fecerat Eros, quæ Cicero haberet in nominibus.

- » eandem uocem usurpauit 264: Cum tāta reliqua sint,
 » ne Terentiæ quidem adhuc quod soluam expeditū est.

250. EX ISTIS FRUCTIVOSIS REBUS RECEPTVM: mercedes intelligit, quæ Romæ capiebantur ex insulis, & ædibus locatis.

248: AD ILLVD FANVM: quod erigere filiæ cogitauerat. libro XII. SEPOSITVM PVTABAM: nunc uideo id ab Erote in alias res erogatum. quod si seposuisset ad fanum, ut ego existimabam; nunc ea pecunia uti possem, cum interea cogor mutare. TIRONI MANDAVI: ut meas rationes cum Erote cognosceret. 248:250.

NIHIL DATVM ESSE: in sumptū huius anni. NUMERABIT: quantum tu Athenis filio permutandum curaueris, tantundem tibi Eros numerabit. EIVS REI CAUSA: ut cognitis cum Erote rationibus, curaret quod tibi numeraretur.

Ex epistola XVIII. pagina 248.

πέντωμένως] Eleganter. 226: PRAECLARA SCRIBVNT: de filio. RETINET SVVM ILLVD ADHVC: Leonides cum Ciceronem meum in suis literis laudat, semper adiungit, ADHVC: quasi uereatur, ne diuturnum id non sit

COMMENTARIVS

futurū. Et fortasse ita scripserat Leonides: Filius tuus adhuc præstat se, qualē uolumus. 233. SUMMIS VERO LAUDIBVS: summe laudat filium Herodes. 233: A' TVIS: qui Athenis tua negotia curant. QVOD PERTINEAT AD ME: quo significetur aliquid de filio.

248.

HAE C loca] Pompeianum intelligit. 246: $\delta\iota\kappa\epsilon\phi\iota\lambda\omicron$: domum suam appellat Tusculanum; quod ibi frequentior solet esse, quā ubiuis. ET TAMEN HAE C: ut omittam, quod $\delta\iota\kappa\epsilon\phi\iota\lambda\omicron$: præterea quæ nūc me delectat uirgultorū humiliumq; plantarum in ripa fluminis descriptio, ea uidetur celarem habitura satietatem. RANAE ENIM $\xi\eta\tau\omicron\varsigma\beta\omicron\upsilon\sigma\iota\nu$: imminentis pluuiæ signum ranarum que rela. unde illud Virgilij: Et ueterem in limo ranae cinere querelam.

Ex epistola XIX. pagina 248:

FICTO timore] Antonius enim barbaris stipatus procedebat, cum sibi fingeret timere, alijs re uera timorem incutere uellet. $\tau\alpha\ \mu\epsilon\iota\ \delta\iota\delta\omicron\mu\epsilon\nu\alpha$? & pro uerbiū ignotum, & res, de qua scribit, propter breuitatem obscurior. 95. DETERREBIS: efficies, ut Buthrotijs molestus nō sit. 247: AVCTORITATE, VEL VI: antiquus liber Caualcantis, ANTHRONI VEL VI: is, qui fuit Bessaronis; ANTONII VEL VI. Locus male affectus, nec sine ueterum exemplarium ope sanabilis. LITERAS: quarum est principium, L. Antonio male

fit: 248: NEC CUIQVAM: dederis nummos
Arpinatum. uide 248:

248:

MERCEs insularum.] Merces, quæ recipi-
tur ex insularum locatione. Insula in urbe, domus est
nullis cohærentibus ædificijs agglutinata, quam undique
uiæ circumambiât. 253:197: DE ITINERE:
de profectione mea in Græciâ. NISI EXPLI-
CATO Δ: nisi prius ita explicauero meas ratio-
nes, ut ijs, quibus debeo, paratum sit unde soluatur. hoc
» aperte 250. Nisi explicata solutione non sum discessu-
» rus. Sententia quidem non obscura: sed illa nota Δ,
quæ est etiam in meo antiquo libro, ea uero obscurum
quidem est quo modo ad solutionem pertineat.

248:

ID EST Bruto.] Seruiliæ pecuniam nume-
rauerat Atticus, quam illa Bruto daret in Asiam pro-
ficiscenti. nam ipsi Bruto circa Lanuvium morâti nu-
merare Atticus non poterat: ire autem ad eum, apud
Antonium & Cæsarianos suspiciosum fuisset. mittebat
igitur per Seruiliâ. & opinor intelligi HS C, quæ Bru-
to Italia cedenti ab Attico muneri missa, scribit Nepos
in eius uita. EX TIRONE: quem Romam
miserat ea causa, ut rationes Ciceronis ab Erote admi-
nistratas cognosceret. 248: MESSALA: qui et
ipse Athenis fuerat studiorum causa. is Ciceroni de fi-
lio mirabilia narrabat. 297:284: AB ILLIS: à
Bruto, & Cassio. IN ACROASI: multis
audientibus, in auditorum conuentu: quod alibi dixit,
In concione. BVCILIANO: Bucilianus & se

COMMENTARIVS

stius ex percussoribus Cæsaris fuerunt . de quibus etiā
256 : Appianus Bucolianum uocat.

Ex epistola X X . pagina 249.

IN lacu] De hoc opinor lacu 230. SI EI
VIDERETVR : hoc dicit , quia uideri uolebat ,
se ideo discedere , quodd à Dolabella mandata haberet ,
cuius legatus erat . 245 : 250. DE MULIS : ut
mulos mihi dandos curaret pro uectura itineris . publi-
cis enim magistratibus & mulos , & tabernacula de pu-
blico dari solita , ipse auctor est VII . accusatione in
Verrem . VT IN EIS : ut in talibus rebus , ut in
eiusmodi negotijs . refertur ad infra positum uerbum
Tribues . CVM INTELLIGO : cum uolet
quoniam , ut alijs in locis . Quoniam , inquit , te esse di-
stentissimum intelligo tum in re Buthrotia , tum in Bru-
ti negotijs : iccirco non mihi à te multum operæ , sed , ut
in eiusmodi re , paulū tribui uolo . SVORVM :
hanc uocem arbitror abundare . de Bruti ludis ipso ab-
sente factis , 245 . 251 : 256 : 257 . præterea historici ferè
omnes . VT ERGO IN EIVSMODI
RE : recolligit prope dimissam sententiam usitata fi-
gura . nam quia de occupationibus Attici longius me-
brum interposuerat : ad prima illa , VT IN EIS ,
redit . MVLTOMALO : quàm in Graciam ,
aut quouis aliò proficisci .

Ex epistola X X I . pagina 249.

QVIDNAM est &c.] Cū omnia iam tenta-
ueris , neque tamen quidquam impetraueris . STE-
TISSE :

TISSE: expectatē ut aliquid ex sentētia tua decerneretur. REFERT: sibi in animo esse?

DETENTVM: & de Buthrotijs, & de Bruto. supra. DECEM HOMINIBVS: homines appellauit, non uiros, per contemptum. nam ad agrorum diuisionem Decēuiri creati erāt. Fam. 177. 178.

REFERENDVM EST ACCEPTVM: ut agros meos ne diuidant. ἐργῶδες, sed ἀνεκτόν: laboriosum, sed tolerabile. DE ARMIS: rē ad eadem spectare. ET, VT AIS, CORAM: his de rebus colloquemur. NE QUID TEMERE FIAT: ne consilium capiam temerarium. considera igitur diligenter, quid agendum; domine maneam, an, quod statueram, alias regiones petam Italia relicta.

249:

STATIVS] Libertus Q. Ciceronis. 302:

Q. CICERONEM: filiū. uide 250: σχεδία= σπα: subitum & artificiosum consilium, ut à patre pecuniam eliciat. SCIT ENIM & c. ideo pater conturbatus est, quia scit quæ Statius de filio ad me scripsit. MECVM QUIDEM ἀφ᾽ ἑαυτοῦ: mecum quidem Quintus pater locutus est quædam non dicenda. NOLIM: nollem, transiret ad Brutum & Cassium Quintus filius. esset enim uerendum, ne iratus ob eam rem Antonius suam deinde iracundiam in nos exerceret. QUID VELIT: putat Cicerō malitiam subesse, & Statium ac Quintum eam fallaciam excogitasse ad emungēdam à patre pecuniam. Plane, inquit, ignoro, hoc stratagemate quid sibi uelit Quintus filius.

K K K

ID EST nihil.] Dolabella mihi in mādatis da-
bit, quod uoluerō, id est prorsus nihil. Cum enim Cicero
ius exeundi, quod uellet, ideo haberet, quia legatus esset
Dolabellæ: tamen dari sibi ab eo mandatorum aliquid
uolebat, ne discedere sine causa uideretur. neque uero
tam ipsa mandata, quàm speciem mandatorum aliquā
quærebat. ideo dicit, ID EST NIHIL. Et in
» epistola, quæ sequitur proxima: Dolabellæ mādata sint
» quælibet, modo aliquid, uel quod Niciæ nunciem.

SEPTENVIR?] Ita ne est ut scribis, C. An-
toniū uoluisse fieri Septemuirum? Septemuiros autem
diuidūdis agris præfuisse, perspicue notum ex Philippi-
ca XIII. 252. 255. FVIT CERTE DI-
GNVS: hoc ad hominis contemptum. nam in Se-
» ptemuiratu nulla ferè dignitas.

Ex epistola XXII. pagina 249:

SINT quælibet,] Mandet mihi quidlibet Dola-
bella, modo aliquid. VEL QVOD NICIAE
NUNCIEM: quem Dolabella præmiserat in pro-
uinciam. 227: VT SCRIBIS ANTE?
NE: forte sic: Ut scribis, ante me? subaudi, perferet:
ita sum propere discessurus. deinde, Nunc dubitare etc.
IN CONCIONE: quam habuit M. Antonius
in funere. 228: NOSTROS: Brutū, et Cas-
sum. CASVRVSES: de uno Attico dixit,
quod de omnibus intelligi uoluit: ut si dixisset, Quo ca

suri sumus. FOEDVM: ex culpa eorum, qui cū
Antonij perditis conatibus obuiam ire debuerint, tantū
abest ut id fecerint, ut etiam in ipso spem omnem uitæ
reposuerint. Bruti & Casij Lanuinam sessionem si-
gnificat. QVASI DENUNCIA TVM:
ita manifestum, ut ea res, quæ ante denunciantur.

CARTHEIAE: oppidū in extrema Batica. Sex.
Pompeium audita Caesaris morte scribit Dion Baticam
occupasse, cum aliquandiu apud Lusitanos latuisset.

CONTRA HVNC: cōtra Sextū. VTRA
ERGO CASTRA? utra castra sequar, illa Se-
xti, quæ sunt infirma; an hæc Casarianorum, quæ sunt
nefaria? MEDIA ENIM TOLLIT AN-
TONIVS: equidem neque hæc uellem, neque illa:
sed Antonius, qui, nisi uictorem, neminem dicit esse ui-
cturum; facit, ut omnino alterutra sequi sit necesse.
non enim illo uincente tutus essem, etiam si bello absti-
nuissem. 229: 251. PROPEREMVS IGI-

» TVR: ut in castra. & 250: Ego propero, ne ante
» Sextus: quem aduentare aiunt.

250.

BRVNDVSIO ne,] Proficiscar. SV-
BITO: profecturus est. Profectus est autem Puteo-
lis VII. Cal. ut est 251: QVANDO ENIM
ILLVM? quando erit, ut illum uideam? VI-
DERE NON POTES: impeditus re Buthro-
tia. DII ILLI MORTVO: Casarem dii
mortuum perdant, qui unquam Buthrotum proscripse-
rit: si quidem te nunc eius ciuitatis liberandæ cura Ro-
mæ tenet, ut Brutum uidere discedentē non possis. 265.

KKK ij

RATIONES Erotis,] Tironē miserat, qui rationes domesticas ab Erote administratas cognosceret.

248. VERSVRAM SCRIBIS ESSE FACIENDAM: uersuram facit, qui rem multo pluris emit, quā quanti est, pretio intra certam diem soluendo: item, qui mutuam sumit pecuniam magno fœnore reddendam. MENSIVM QVIN=

QVE: ut ducenta HS, quæ nunc ex uersura sumā, post quinque menses, id est ad Cal. Nou. persoluam. in eam diem scribis cadere nummorum solutionem, qui mihi à Quinto debentur. VIDEAS: des operā, ut habeas ducenta illa HS, deinde mihi feras expensā, id est mihi cures numeranda. nam qui pecuniam alicui dat, is, quantum dedit, ei, cui dedit, expensum in tabulas refert. RELIQUA: quod mihi reliquum est in nominibus. uim & significationem huius uerbi cognosce 248.254:

EX HOC IPSO: ex Erote, cum ad me uenerit. ueturum autem apparet ex eo, quod paulo ante scripsit, Et si ipsum nondum uidi. & mox uenisse constat 254. DE MERCEDI=

BVS: exquiram, ubi mercedes, quæ receptæ sunt ex prædijs dotalibus. DOTALIUM PRÆ=

DIORVM: ex Terentiae dote. Nec dubito, quin intelligat insulas in Argileto & Auentino: quarum fructus Ciceroni filio in annum sumptum assignauerat. tria loca, 197:248:254. confer in unum, & considera: mecum senties. at insulae in urbe, & prædia non idem sunt: imo uero sunt: nam prædiorum nomine, auctore Pediano, & domus, & agri comprehendun=

tur. QV ANQV AM VOLO LAXIVS:
 respexit ad insequens membrum : hoc sensu: Dotalium
 prædiorum mercedes si fideliter Ciceroni curabuntur,
 nihil ei prope in annum sumptum deerit : quãquam
 non hoc solum uolo, ut nihil ei desit, sed ut etiam abun-
 det, et ut illi largius prolixiusq; suppeditetur. SED
 ID: Ciceroni ita soluetur, ut ex prædijs dotalibus cadet:
 mihi autem quod pro uiatiko opus est, non duabus tri-
 busue dādum est pensionibus, ut Ciceroni filio, sed uni-
 uersum simul ante quã discedā. ISTE, QVI
 VMBRAS TIME T: fingeat Antonius Con-
 sul se timere, ut haberet ob eã rē barbaros Ityreos circa
 se, ad omne facinus paratos. NISI EXPLI-
 CATA SOLVTIONE: nisi uidero esse, unde
 de satisfiat creditoribus meis. EXCITATA:
 mallem, explicata. ALII NEMINI: num-
 mos Arpinatum, apud me depositos, L. Fabio reddes,
 præterea nemini. 247:

Ex epistola XXIII. pagina 250:

ET quidem CCCC certa,] vsque eo Quin-
 tus pater letus est, ut nunc quidem CCCC HS filio
 det, reliqua promittat. Et ostendit Cicero, σχεδὶ ἴστωρ
 illud Quinti filij fuisse, quemadmodum ipse coniecerat,
 ut à patre pecuniam eliceret. 249: RELIQUA:
 Quinto filio ad dissoluendum æs alienū necessaria. 251:
 220: 254. CERTIOREM NEBVLO-
 NEM? qui gaudere se simulet hac Quinti patris &
 filij recōciliatione, quasi amantiissimus eorū sit; cū de ijs

KKK iij

COMMENTARIVS

neutiquā laboret. Ε'ποχὴν VESTRAM: ἐποχὴ
in libris Academicis est assensus retentio: hic ualet re=
tentio simpliciter: ut sit, Ε'ποχὴ deliberationis, quod de
liberare noluitis de re Cani. 217. Α'κεραίως RE=
STITVTAM ARBITRABAR: & hoc
ad ignotum nobis Cani negotium pertinet. ES E=
NIM OCCVPATVS: ideo tabellarios meos
cito remittere cum tuis literis non potes. QVOD
AD XENONEM: quod ad Xenonem scripsisti,
ut Ciceroni filio meo suppeditaret: probe. 233: 253:
255. QVOD SCRIBO: quod opus nunc in
manibus habeo, mittam ad te, cum absoluero.
BRVNDVSIVM: me ire Brundisium, ut in=
de in Graciam nauigem. 250. ET QVIDEM
DICERE ALIQVID DE MILITIBVS:
& ait te quiddam loqui de legionibus Macedonicis
Brundisium aduentantibus: ut eō proficisci minus tu=
to possim. De his legionibus, in epist. Fam. 197: & Phi=
lippica III. 189: MOVEBANT ME
TVAE QVINQVE HORAE: ut ego Hy=
druntē ire uellem, ibiq; nauim conscendere, faciebat
illud, quod te mihi recordabar dixisse, ab Hydrunte in
Graciam traiectum esse quinque horarum. hic autem
si conscenderem, quā longa esset nauigatio? Et sa=
nē ab Hydrūte ad Euboeae continentem minimum esse
interuallum, & Plinius, & omnes cosmographi aucto=
res sunt. PROPERO: maturo profectionem
meam, ne ante Sex. Pompeius in Italiam cum exercia=
tu ueniat: quod ego nnā cum illo uellem. 250.

Ex epistola XXIII. pagina 250:

SI expediet.] Si ipsius in rem erit. ILLOS
VIDEBIT? qui iam discedent, longinquas regio-
nes petituri. 251.

QVOVSQVE ludemur?] Putat Pansam
ea, quæ loquatur, non loqui ex animo, sed simulate:
ut ab eo uerba dari uideatur. EGO AVTEM:
in Attici epistola caput erat de Sex. Pompeio: quo ca-
pite quærebat de Cicerone, num de Sexto certi aliquid
haberet, quem scripserat aduentare. AB AR-
MIS'QVE NULLVS DISCEDERET:
hoc dicit, quia senatus ex M. Lepidi sententia decreue-
rat, ut in patriam Sextus Pompeius redire posset, di-
misso prius exercitu. Philippica V. 202:

251.

CTERIVS,] M. Antonius: à Cyteride
mima, quam usque adeo amavit, ut in Galliam cum le-
gionibus proficiscens, hiberno tempore secum abduxerit.
hoc & Virgilij carmine notum est:

» Galle quid insanis, inquit? tua cura Lycoris

» Perq; niues alium, perq; horrida castra secuta est.

Seruius in eam eclogā, Plutarchus in Antonio, & ipse
in Philippica II. 171: et ad hūc libro X. 164: NISI
VICTOREM NEMINEM VICTVS

» RVM: Antoni minæ. Ideoq; 250. Media, inquit,

» Antonius tollit. VTRO ERIT: apertior sen-
tentia, si legatur, CVM VTRO ERIT: ut
Antonium & Sex. Pompeium significet, quemadmo-
dum et 250. Vtra ergo castra? VT SCRIBIS:

KKK iij

COMMENTARIUS

quia te scribis hodie, aut cras ad me uenturum.

Ex epistola XXV. pagina 251.

TORQUEOR,] Mihi de meo itinere delib-
ranti ita multa ueniunt in mentem in utranque par-
te, ut in capiēdo consilio mirifice torquear. QVO-
VSQVE, INQVIES? quousque deliberabis?
Cicero de profectione tua? deliberabo, inquit, dum in-
tegrum erit: erit autem, usque dum ad nauem uene-
ro. CUI ὑπόμνημα COMPOSITVM: da-
bis, subaudi. fortasse enim aliquid pratermitteret, si
tu illi uoce mandares. ὑπόμνημα: commentarium, col-
lectionem rerum nouarum. CUIVS DE ITI-
NERE: quando sit discessurus.

Ex epistola XXVI. pagina 251.

CAVSAM] Silij. Supra dixit ὑπόμνημα.

Ex epistola XXVII. pagina 251.

MULTI enim ad me.] Multi enim ad me scri-
bunt, alij consilium meum de profectione probantes, alij
reprehendentes. COGITAMVS? an probas
meum discessum, si ad Cal. Ian. futurus Romæ sum?
» Sic in I. Philippica: Ea mente discessi, ut adessem Ca-
» lendis Ianuarij; quod initium senatus cogendi fore ut-
» debatur. Et ad hunc ipsum 258: Quamuis non fueris
» suasor & impulsor profectionis meæ, approbator certe
» fuisti, dū modo Cal. Ian. Romæ essem. EST AE-
QVVS: in utranque partem, siue ad discedendum,
siue ad manendum. potest legi cum antiquis libris.

Meus animus est æquus, si tamen, ut si nihil offensionis sit, & tu. hoc sensu: Ita meus animus æquus est, si tamen & tu æquus es, ut nihil putes offendi posse neque in discessu, neque in mansione. sed malim, Et tuus, pro Et tu: ut periodus hic terminetur.

251:

OLYMPIA] Cum mysteria scilicet in Græcia celebrabuntur: ut ipse infert ad expositionem Olym-
piorū. nam erant & mysteria Romana, ut epistola I. libri VI. VT TV SCIRES: placeret, Vt tu scribis, casus consilium nostri itineris iudicabit. DV-
BITEMVS: ne statuamus, sed consilium tempo-
ris expectemus. ODIOSA: esset autem hiberna, si post mysteria discessum differrem. & mysteria tamē effugere uelim, ne uidear eam ob causam in Græciam profectus: quod leuitatis uideretur. VISVM IRI: ante nauigationem. uidit autem eum in Neside, ut est
254: & Philippica X. 226.

Ex epistola XXVIII. pagina 251:

QVID sit.] Atticus enim hoc uerbo usus erat in epistola sua. quo quid significaretur, Cicero minus erat affecutus. LVDOS SVOS: quos absens dedit 245: & Plutarchus. PROPECTVM: longius Roma discessisse. nam antea fuerat in propin-
quis locis. POST HAEC ARMA: postquā Antonius & Octavius grauissimis contentionibus rem ad arma perduxerunt, cum uterque magnum nume-
rum militū iam contraxisset. AB IPSA COM

COMMENTARIUS

MISSIONE : ab ipso statim ludorum initio.
EPISTOLAE : quam ad me Brutus misit.
ILLA NANQVE IN VTRANQVE :
subaudi, partem . multa in epistola Bruti scripta sunt
in utranque partem : ut modo fortis, & ad omnia
paratus uideatur, modo nimium sui dissimilis. VT
POSSES INTERPRETARI : erat enim
ita scripta, ut, quid significaret, uix Cicero posset inter=
pretari. quod & infra scribit 252 : Et Plutarchus ni=
miam breuitatem notat in epistolis Bruti.

252.

APVD Talnæ] subaudi, fundum : locu=
tione in his libris usitata. DE ILLO TVL=
LIANO : de Tulliano semisse, cupide libero M. Ae=
lium. & ut caute res agatur, Caselium consule, peri=
tissimum iuriconsultum . uide ultimam epistolam hu=
ius libri.

252.

SI mihi imposuisset aliquid,] Si me Aelius, ut est
callidus, in fraudem induxisset . Sic ad Quintum fraz=
trem locutus est : Catoni egregie imposuit Milo noster.
AD STRANE : ut legitur hic locus, fateor me
sententiam non assequi . & cum nostris impressis con=
sentiunt antiqui libri : nisi quod in quibusdā, pro IN
AEDIVM, legitur MEDIVM. reliqua eadem.
MVNDVS ISTVM : ita concisa breuitas, ut
cōiecturæ uix locus uideatur. TE MIHI SVA=
DERE : suaserat Atticus, ut scriberet ad Sestium
quàm posset humanissime.

Ex epistola XXIX. pagina 252.

QVOD Puteolos prosequitur,] Quod me Puteolos, ut tu scribis, prosecuturus est; humane facit: quod autem queritur, quia de Cosano redeuntem non expectavi; hoc scilicet iniuste.

252:

LACRYMASSE,] Quod ego ex Italia discedere. MUTASSEM: fortasse consilium de profectioe abiecissem. CONGREDIENDI: speras enim te esse uenturum ad me in eas regiones, in quibus ego cōfедero. 253. Quod promittis, dii faxint. 254. MEAE TIBI LITERAE NON DEERVNT: hoc dicit, propterea quod Atticus id rogauerat, ut literas saepe ad se mitteret, quibus desiderium absentis lenire posset. SCRIBAM AD TE OMNIA: cum eum conuenero. 253:

252:

LIBRVM] Librum accipe pro uolumine. si quidem libros fuisse duos de gloria, & ipse testatur 255. & Franciscus Petrarcha in epistolis auctor est, qui duos Ciceronis libros de gloria scribit apud se aliquandiu fuisse. DE GLORIA: libros duos significat, quos de gloria scripsit: qui usque ad patrum nostrorum aetatem peruenerunt: nam Bernardus Iustinianus in indice librorum suorum nominat Ciceronem de gloria. is liber postea, cum uniuersam bibliothecam Bernardus monacharum monasterio legasset, magna conquisitus cura, neutiquam est inuentus. nemini dubium fuit, quin Petrus Alcyonius, cui monachae medico suo eius tractatu

COMMENTARIVS

de bibliotheca potestatem fecerunt, homo improbus furto auerterit. & sanè in eius opusculo de exilio, aspersa non nulla deprehenduntur, quæ non olere Alcyonium auctorem, sed aliquanto præstantiorem artificem uideantur. EXCVDAM: scribam aliquid eiusmodi, quod simile uideatur scriptorum Heraclidis. neque hoc refertur ad librum de gloria, ut manifestum fit 255. quo loco & se de gloria misisse dicit, nec dum tamen ἡγεμῶν scribere aggressum. 242. 246.

252:

DE Planco,] Quod ad me scribis faciam, ut L. Planco rem Buthrotiam commendem 265. IVRE QUERITVR: quodd tibi à me discedenti nō mandauerim, ut eam meis uerbis salutare. hoc & in epistola, quæ proximo loco sequitur. ET DE HERODE ET METIO MEMINERO: mandauerat Atticus Ciceroni, ut & cum Herode & cum Metio Athenis quiddam ageret. Herodem enim fuisse Athenis, apparet 233: 248.

252:

MODO turpem] Vt dicam quod sentio, malle sic: Quæ te uelle suspicer modo. Turpem sororis tuæ filium, cum hæc scriberem. cur autem turpem Quintū filium? quia, cum patrum grauitè læsisset, (ut supra) ad eum tamen iret. turpem igitur propter impudentiam. CVM HAEC SCRIBEREM: cum hæc enim scriberem, de illius aduentu allatum est.

Ex epistola XXX. pagina 252:

DE ludis] Bruti. 251: VT OMNEM

CULPAM IN TE TRANSFERAS: dic me quidem tibi mandasse ut ei salutem diceres, sed oblitū te esse. ME MINIME TOTVM etc. quanquam longius discedam, futurum tamen, ut animus meus ab ea me absente non absit: hoc est, ut absens eam æque diligam, ac si unā essemus.

Ex epistola XXXI. pagina 252:

BRUTI ad te epistolam misi.] Eam, de qua in epistola proxima superiore. LVDORVM: Bruti. 252: 253.

NVLVS tu quidem domum ueneris,] Non tu quidem ad eum domum ueneris: sed sicubi incidet, alloqueris. 252. MAXIANVM ADHIBEBIS: ut cautius agatur: ne nobis Aelius aliquid imponat. 252: 253.

LEGATIONEM probari meam] Idem 253: Meam profectiōem laudari gaudeo. Verebatur enim, ne discedens reprehenderetur, quodd Reip. deesset tam graui tempore. uide 230. 245: QVOD PROMITTIS, DII FAXINT: ut breuī congregiamur. 252: MEIS: dandi casu, non auferendi. nam quodd copulam omisit, fecit idem 308: & in epist. Fam. 207: 214. ISTAM, QVAM TV EXCIPIS, METVO: ego te (sic opinor Atticus scripserat) breui tempore uidebo, nisi si Attica mee infirma ualetudo impediet. erat enim puella imbecillior. 253.

DE Planco, & Decimo,] Qui erant Consules

COMMENTARIVS

futuri post annum insequentem, id est post Hircium & Pansam, ex Cæsaris designatione. SEXTVM: Pompeiũ. SCVTVM ABIICERE: arma deponere: ut defensæ Reip. laus ad Plancum & Decimum, mihi amicissimos, perueniat: si quidem, ut tu scribis, id cogitant. VSQVE PVTEOLOS, mecum uenit. FAVONIVM: Fauonius Cato- nis imitator, Reip. amantissimus, ex historia notus.

ASINIVM: Polio; qui bonarum partium studio- sissimus uidebatur: ut indicant ipsius epistolæ libro X.

Fam. DVAS OB CAVSAS: Puteolos ue- nit. αἰτάσθαι: foedus facere, conciliari. BRV-

TO ET CASSIO: à quibus antea grauissime diffederat, ut qui etiam Parilia coronatus celebrasset honoris Cæsaris causa. 231: 236: AIT HIC: ait Quintus, Iuliam suas illi nuptias deferre; constituisse enim diuortiũ facere cū Othone. sed tu, qui sis Otho- num familiaris, hoc quæres, & me certiozem facies.

PATER: Quintus pater. QVALIS ESSET

FAMA: de Iulia. 218; De quo quæ fama sit, scribes.

& 117. NISI DE ORE, ET PATRE: dixi, me Iuliæ patrem cognouisse, illam autem de facie tantum: de fama nihil scire. CVRTV: cum in

antiquis libris scriptum uideam, CVRSVS: addu- cor in hanc opinionem, ut credam ueterem & germa- nam lectionem fuisse, QVORSVS. VELLE:

Iuliam ducere. PVTAVI ILLA: uereor, ne mendum lateat in his uerbis: primum ex- obscuritate sententiæ; deinde ex antiquorum librorum uarietate,

Bessarionis exemplar pro, PVTAVI ILLA, ha-

bet, FABABVLLA: Byzantio aduectum, quod
 mihi Arnoldus Germanus comodaui, PVBABVL=
 LA: aliud, PVTARE ILLA. σκοπός: no=
 tat Quinti patris auaritiam, qui nihil spectaret aliud,
 quam ut filio ne quid in sumptum praberet, ideoq;
 ei concederet de uxore ducenda. HVIC NO=
 STRO: Quinto patri. ILLA AVTEM:
 Iuliam intelligit. οὐ παρὰ τούτῳ: non apud Quin=
 tum filium est mansura: nam eius mores ferre non po=
 terit, diuortiumq; item cum eo faciet. HVNC:
 Quintum filium. FACILE AVTEM PO=
 TES: propter Othonum familiaritatē. HVNC
 BUTHROTIVM: hunc, qui profectus erat ad
 agrum Buthrotium diuidendum. 265. DEMIS=
 SVM, ET SINE PHALERIS: tristem, et
 uestitu mœrorem indicante. AGRIPETAS:
 qui Plancum secuti, partem agri Buthrotij petierant,
 sedem in alieno quærentes. 253: 256: MACTE:
 laudat Buthrotios, qui Plancum & agripetas eiecif=
 sent.

IN LIBRVM XVI. CICERONIS EPI-
STOLARVM AD ATTICVM,
PAVLI MANVTII COM-
MENTARIVS.

Ex epist. I. pag. 253:

ONIS Iulij?] Scripserat Atticus Ci-
N ceroni, Bruti ludos esse proscriptos sic, A-
NONIS IVLIIIS ad III. IDVS:
ut scilicet populo significaretur, ad sextum diem ludos
esse duraturos. eam proscriptionem ut maxime turpem
Cicero detestatur: nec id quidem iniuria: quia certe
nimis absurdum uideretur, apparere Iulij nomen in
proscriptione ludorum, quos Brutus daret, is, qui ipsum
Iulium non ferens uita priuasset. oportebat autem non
NONIS IVLIIIS proscribere, sed NONIS
QVINTILIBVS; primum ne tyranni nomen
usurparetur; deinde, quæ ad Cæsaris honorem ciuitas
non libera constituisset, ea ne confirmarentur: nam ex
historia notum est, decreuisse senatum, ut Iulius mensis
è Cæsaris nomine uocaretur, Quintilis ante dictus. Sed
de Bruti ludis ita proscriptis unde afferam, si quis quæ-
rat: locus est infra, unde didici. quo ex loco descripta
uerba recitabimus. sic igitur 353: In Nesida VIII.
Idus. ibi Brutus. quàm ille doluit de Nonis Iulij: miri-
fice est conturbatus: itaque sese scripturum aiebat, ut
uenationem etiam, quæ postridie ludos Apollinares fu-
tura est, proscriberent, III. IDVS QVINTI-
LEIS,

LEIS, non III. IDVS IVLIAS. ut extremū
 ludorum diem fuisse constet IIII. Idus, cum dies ue=
 nationis, quæ ludos est Apollinares consecuta, III. Idus
 sit. MEHERCVLE ISTIS: dices, mehercu=
 le Nonis Iulij futura erat commissio ludorum. quid
 igitur erratum? Enimvero, inquit Cicero, uis me totū
 diem stomachari, cum etiam defendere conaris fœdissi=
 mū imprudentiæ lapsus. quid? potest esse Bruto quid=
 quā turpius, quā IVLII? cur nō potius, QVIN=
 TILIBVS, ut odiosum uerbum uitaretur? Etiam
 illud obseruo, Ciceronem initio huius epistolæ effugisse
 acerbam dictionem Iulij, & maluisse Nonis Quintili=
 bus. REDEO AD MEVM IGITVR
 εἰλωμεν: ad illud meum, Abeamus, discedamus ex Ita=
 lia. NIHIL VIDI: potest esse ἀποσιώπησις:
 ut sit, Nihil uidi turpius. AGRIPETAS BV=
 THROTI CONCISOS: eos, qui Buthrotiū
 agrū petierant, à Buthrotijs male mulctatos. 253. 256:

253:

ITA enim meditabar diem & noctem.] Cum
 de mendo suspicarer, neque tamen ex coniectura pro=
 babile quidquam possem eruere; adiui antiquos libros,
 inspexi. omnes in scriptura consentientes. unum Bessa=
 rionis animaduerti pro MEDITABAR, habere
 MEDIABAM. tum uero quasi lucem aliquam
 secutus, qui antea in tenebris errassem; putavi, inter=
 pūgendi ratione mutata, restitui locū ita posse: Quid
 autem Plancus tam cursim (ita enim audiebam) diem
 & noctem? Nam certe, ut de Planco diem & noctē
 Cicero meditaretur, nequiquam mihi probatur. fuerit

LLL

COMMENTARIUS

in quærendo & percunctando curiosus : diurna uero
 simul & nocturna meditatio quem hic habere locum
 potest? age, ad uerbū C V R S I M refer illud D I E M
 E T N O C T E M : quanto aptius? nam in itinere
 maturātes, noctem diei coniungere, notissimū est. etiam
 » Cæsar in I I I. de bello civili, Vibullius, inquit, cōtinua-
 » to & nocte & die itinere, atque mutatis ad celeritatē
 » iumentis, ad Pompeium contendit. Et in eodem, pau-
 » lo post: Cæsar properans noctem diei coniunxerat, ne-
 » que iter intermiserat. Testatus sum opinionem meam:
 docti iudicabunt. M E A M P R O F E C T I O -
 N E M: ex Italia. 251. 253. D Y M A E O S &c.
 Pompeius, ut Plutarchus scribit, captis Piratis, magnam
 eorum partem constituerat in agro Dymæo, quod erat
 & fertile territorium, & à cultoribus infrequens. ij
 postremo pulsī ea sede, quam assignatā à Pompeio per
 aliquot annos tenuerant, rursus se ad piraticam ueterē
 artem contulerunt. Dyme ciuitas est in Achaia.
 V I D E N D U M E S T, V T M A N S I O
 L A V D E T U R : domi manere, quā proficisci,
 maluisset, cum alijs de causis, tum quod à Dymæis mā-
 » re tutum non esset. 254: Pirate apparere dicuntur.
 ἐν ὁμοπλοίᾳ B R V T I : tutū putabat nauigare cum
 » Bruto. itaque & infra: Hæc nauigatio quia quasdam
 » habet suspensiones periculi, cōstituebā uti ὁμοπλοίᾳ. 256:
 257. S E D O P I N O R M I N U T A N A -
 V I G I A : Brutū habere. S E D I A M S C I A M :
 quia Brutum conuenire uolebat : qui & ipse erat in
 Neside, sed cum Cicero non dum uiderat. postea cum
 eum conuenisset, de nauigijs hæc scripsit ad Atticum :

- » Paratiorem offendi Brutum, quàm audiebam: nam et
 » ipse Domitius bona plane habet dicota: suntq; nauigia
 » prater ea luculenta Sestij, Buciliani, ceterorum.

253:

πανικόν] Inanem timorem, & sine causa: forte
 quòd Ventidius, qui erat Antonij amicissimus, coactis
 militibus aduentare diceretur. DE SEXTO:
 Pompeio. AD ARMA: rem esse uenturā. 250.
 SINE BELLO CIVILI VIDEO SER-
 VIENDVM: uidetur addendum, Non. ut dicat,
 Non sine bello civili seruiemus. CALENDIS
 IANVARIJ: quo die magistratum erant inituri
 Pansa & Hircius Consules designati, eodemq; die rela-
 turi de Rep. ex ueteri consuetudine: quod factum esse,
 docent duæ Philippicæ, quinta, et sexta. λῆρος πολὺς:
 se ipse accusat, qui dixerit in Pansa spem esse; cum ab
 ijs, qui se crapulæ & inertiae dederunt, sperari nihil
 posset. CICERONIS RATIONES
 EXPLICENTVR: uelim uideas, quantum ac-
 ceperit Cicero meus. cui si minus datum est, quàm nos
 ei annuum in sumptum daturos esse promisimus: quod
 ei reliquum deberi ex rationibus cognosces, persolua-
 tur. 248. HS LXXII SATIS ESSE: Ci-
 ceroni filio. cui HS LXXII assignata erant in an-
 nuum sumptum. XENONEM: hic Attico mā-
 dante pecuniam Athenis Ciceroni numerabat, sed eam
 perexiguae, multisq; pensionibus concisam. 255. ID
 EST MINVTATIM: ut opinor, & certe hoc
 abundat. fuit enim glossema ad græcam diCTIONEM
 γλίσχρας, receptum in epistolam ignorantia describen-

LLL ij

COMMENTARIVS

tiū. QVO PLVS PERMVTAſTI etc.
ſcis conueniſſe, ut Ciceroni tantum daremus, quantum
reciperetur ex inſularum fruētū. eo ſi quid plus Athe-
nis permutaſti Ciceronis cauſa, uolo id ei concedatur
ſupra annuam penſionem, pro ſumptu, quem primo an-
no fecit dum Athenas proficiſcitur. IN SVLA-
RVM: in Argileto, & Auentino. 197: 248:
HINC EX CAL. APR. & quoniam aſſigna-
uimus Ciceroni quantum ex inſulis reciperetur: dein-
ceps detur ei ad HS LXXX; quoniam tanti nunc
inſulæ locantur, quæ antea tantummodo LXXXII lo-
cabantur. EX CALENDIS APR. Ci-
ceroni filio id erat annui temporis initium. uide 248.
VIDENDVM ENIM EſT &c. curandum
nobis eſt, ut ſit, quod filius in ſumptum habeat, cum Ro-
mæ erit. cum enim Publiliæ uxoris meæ matrem ferre
non poſſim, diuortium erit faciendum: ita dote reddi-
ta, re familiari comminuti, unde filio ſuppeditabimus?
254.

SE Catonem.] Amantiſſimum Reipublicæ.
quod in Quinto filio deſiderabatur. uide 236: 256:
VT TIBI SPONDEREM: eum fore Cato-
nem, id eſt hominem in omni uita perfectiſſimum.
MEMOTVM: me fidem habuiſſe uerbis Quinti
filij. ATTRIBUTIONEM IN IDVS:
Idibus Romæ ſit neceſſe eſt propter attributionem, quā
in eum diem ait eſſe collatam. Et attributionem po-
ſuit pro ſolutione pecuniæ, quam debebat Quintus
filius. 220: 250: VRGERI: à creditoribus.

Ex epistola II. pagina 254.

LONGE alia fama] Scribis, agrum Buthrotiū
dici à Planco diuisum agripetis : at nos hic contra au=
dieramus , agripetas à Buthrotijs concisos , & eiectos.

253. 253:

254.

V T esset cū Hortensio,] Hortensius Cluuij hæres,
quæ illi bonorū Cluuijanorū pars ex hæreditate obuene=
rat, eā Ciceroni uēdidit cohæredi, pactus ut pecunia sibi
tribus pensionibus numeraretur. ex ijs pensionibus Cice=
ro duas soluerat , & maiorē etiam tertiæ partem ante
diem solutioni præfinitam, id est ante Cal. Sextilis : ut
impudenter faceret Hortensius, qui, quod sibi ex tertia
pensione deberetur, ante diem postularet, cum præser=
tim eius ipsius pensionis maiorem iam partē exegisset.

- » Hac de re 258. cum inquit: Diligentia opus est, cohæ=
» redibus pro Cluuiano Calendis Sextilibus persolutum
» ut sit. Quo ex loco, non Hortensium modo , sed & cæ=
teros cohæredes Ciceroni uendidisse, quæ illis Cluuius te=
stamento legauerat, perspicuum est. ET QVIA
EQVITIBVS : ut infra patet, Publilium & Pu=
bliliæ propinquos significare uidetur: qui erant ex ordi=
ne equestri. Publiliam enim cum dimisisset, urgebatur
à Publilio fratre de dote reddenda . cui Eros, qui Cice=
ronis domesticas rationes dispensabat, promiserat se esse
Idibus perscripturum. In antiquo Bessarionis libro pro,
equitibus, scriptum est, equibz

254.

QVOD perscribi oportet,] Perscribere, est credi=
tori, non præsentī pecunia numerata , sed perscripturā

LLL iij

COMMENTARIVS

satisfacere . Sic enim Donatus exponit illud in Phormione: Perscripsi omnibus, quibus debui. Nec Ciceronis exempla non idem ostendunt. DE IVRE NOSTRO DECESSERIMVS: planum fit ex hoc loco, intra certam diem reddendam fuisse dotem ab ijs, qui diuortium facerent. Cicero autem de suo iure decedens, etiam ante eam diem, exceptis C C HS, omnem dotem numerauerat. de quibus C C ut sibi fieret perscriptio, Publilius urgebat. 258. QVI DE RESIDVIS CCCC HS: qui cū apud me residua essent ex dote HS CCCC, neque dum solutionis dies adesset, ex ijs ipsis tamen CCCC HS praesentia soluimus C C, reliquorum facimus perscriptionem. PRAESENTIA: nulla interposita mora: ut in
 „ Verrem libro III. Praesens pecunia solvatur. IACTURA FACTA IVRIS: cum tanto ante diē soluerimus, de nostro iure sponte accedentes. Sic infra 258. Publilius non debet urgere, quoniam iure non
 „ utimur. 254:
 „ QVO AD eris Romae,] Nam & Atticus ex Italia discedere cogitabat. itaque 252: Praclare, inquit, quod te consolata est spes breui tempore congregiendi.
 „ & 255: NIHIL A ME EXPECTES: nihil ad me referas, sed agas ipse quod ageres in rebus tuis. 205: Illud non accipio in bonam partem, quod ad me refert. quid? ipse negotium meum gererem, nisi cōsilio tuo? RELIQUA: collocatis creditorum & debitorum nominibus, cum eam pecuniam, quam ipsi debemus, & quam alij nobis, redigimus in summam; id quod superat à nobis, reliqua dicuntur. 248. FA=

MA MEA: magnum enim subirem discrimen exi-
stimationis meae, nisi ad tempus, quibus debeo, solueretur.

NOS VINDICABIS: nostris creditoribus sa-
tisfacies. 254:

IN Neside,] Hunc in Neside congressum signi-
ficans Philippica X. 226. Brutum, inquit, his ipsis ludo-
rum diebus uidebam in insula clarissimi adolescentis
Luculli propinqui sui nihil nisi de pace & concordia
cuius cogitantem. Nos autem parua insula. Lucanus,
& Papirius laborare eam graui caelo uersibus ostendunt.
DELECTARI: gaudere, quod ludis Apollinaribus
Tereu Accij tragœdiam, populo recitatam, magno plausu
clamoreque acceptam ex tuis literis cognouerat. 256: & in
I. Philippica ad extremum. QUAM ANTONIO:
cum maiorem habere Antonio debeat. plau-
sum enim populus non ideo dedit, quod Accij admira-
retur ingenium, sed quod Antonium oderit Bruto Bru-
tiq; similibus inimicum. itaque plausum illum Antonio
magis, quam Accio, Brutus debet. ISTORVM:
Antonium maxime significat, qui patriae liberatores ode-
rat, ad tyrannidem aspirans. INCENDI: irri-
tari, quod uideant populum Bruto absenti plausum da-
ri. REPRESENTANDAM: citius ali-
quanto, quam fecissent, ostendendam. DOLEANT:
dolebant, quod populus Romanus Bruti absentis deside-
rium illo plausu declararet. CONSILIUM
MEVM: discededi ex Italia. TRAHEBAM:
procrastinabam. uide 251. BRVNDVSIVM
COGITO: ut ibi potius conscendam, quam Puteolis.
250. Inua me consilio, Brudusio ne, an Puteolis. Et 250:

COMMENTARIVS

LEGIONVM: quas ab Antonio accersitas, profectas è Macedonia, Brundisium aduentare fama erat. Brundisium tamen, & iter illud postea vitauit, ut ipse narrat in I. Philippica. PIRATARVM: Dy-
maeos intelligit, qui agro pulsi mare infestum habebant.
253: EXPECTABATUR: à Bruto, ut una discederent. 257. V. CAL. cum Cassius iam uenisset, nimirum uel eo die, quo hæc scripta sunt, uel post-
stridie uisurus eum Cicero fuit. quod si, cum eum uidisset, abire in Pompeianum cogitabat: non recte scriptum est, V. CAL. non enim tot dierum interuallum esse potest, cum dicat se discessurum à Cassij congressu. Potius igitur (nihil tamen muto repugnantibus antiquis libris, tantum indicare placet meam sententiam) legendum uideretur V. IDVS: ut insequentem diem significet: nam hæc scripsisse apparet VI. Idus. ACVLANVM: forte, Herculanium: quod à Pompeijs non longe Plinius in Campaniæ litore constituit. NOSTI RELIQUA: scis enim, inde me Brundisiū cogitare.

254:

SCRIPSI equidem,] Commendans illis rem Buthrotiam. NE NECESSE HABVERIS REDDERE: ne putato reddi meas literas necessarium esse. Eas enim Cicero ad Atticum mittebat, ut ipse Planco & Oppio redderet. OPPIO QUIDEM VTIQUE: subaudi, Ne putaris necessarium reddere.

255.

QVA' M mihi in Italiam te auctore ueniendum est.] Id est ante mensem Ianuarium. Nam Atticus

auctor erat Ciceroni, ut omnino Romæ adesset Calēdis
 Ianuarijs; quòd eo die futurum erat, ut à nouis Con=
 sulibus Pansa & Hircio de Rep. referretur. 258: Meæ
 profectionis approbator fuisti, dummodo Calendis Ia=
 nuarijs Romæ essem. et 258. ALIQUEM NA
 CTVS: quécunque habueris, cui des. DOMO:
 domesticis tabellarijs. Η'εακλέειον: quod tu à me
 tantopere postulasti. 242. 245. 252: NOTEN=
 TVR ECLOGARII: notentur aut minio, aut
 quapiam simili re nomina eorum, qui in his libris de
 gloria loquuntur. QVOS SALVIVS: quos
 libros de gloria Saluius anagnostes tuus, bonos naētus
 auditores, in conuiuio tantum uelim legat.

Ex epistola III. pagina 255.

QVOD manus dedisti,] Quòd Antonij senten
 tiam (opinor, de re Buthrotia: nam publicam nulla
 ex parte Pomponius attingebat) etsi non probandam,
 probasti tamen, manusq; dedisti, ut etiam ultro gratias
 egeris. A' RE FAMILIARI: ratio, cur At=
 ticus etiam gratias egisset Antonio. nam etsi magnam
 rei familiaris iacturam faciam, si Buthrotium nego=
 tium eripitur (his ferè uerbis, aut certe in hanc senten
 tiam Atticus scripserat) tamen huiusmodi iacturam
 eo tolerabilius æquū est ferre, quòd à Rep. citius, quàm
 à re familiari, deferemur.

255.

MAGIS delectari d' Tite, si quid ego:] To=
 tum hoc, O' TITE, SI QUID EGO, ideo scri=
 psi literis grādiusculis, ut intelligatur initium libri de se

neſtute : quo quidem libro ſe delectari Atticus ſcripſe-
 rat, quia ſuam ſeneſtutem, quam publica ruinae graui-
 rem in dies efficerent, eius lectione leuaret. Et ait MA-
 GIS, propterea quod medicina uim magis agrotantes
 ſentimus, quam ualentes. Etiam 261. O' TITE,
 tibi prodeſſe letor. letor, inquit, quod ea, quae ſcripſimus
 in libro de ſeneſtute, tibi ad ferendam ſeneſtutem pro-
 ſint. ALACRITATEM : quandoquidem te
 delectat ea, quae ſcribimus. GAUDEO NON
 FEFELLISSE &c. munuſculum enim ad te per-
 ferendum Eroti dedi, duos libros de gloria. IDEM
 σιώταγμα : eosdem libros de gloria, quos Eroti dederat,
 poſtea retractatos, et reſectos denuo miſi, ſed ἀρχέτυπον
 ipſum, cum antea deſcriptum exemplar miſiſſem.
 MACROCOLVM : regiam chartam à Catul-
 lo dictam. uide 214. LEGE ARCANO :
 ne quis audiat præter cōuiuas tuos. quod ſupra monuit
 his uerbis: Saluius in conuiuiis duntaxat legat. Antea,
 LEGE IN ARCANO. Suſtuli particulam
 IN, Chariſium ſecutus, qui hunc locum recitat, et ait
 arcano dictum eſſe pro arcane. præterea conſentire ui-
 dentur antiqui libri: nam in manuſcripto Beſſarionis,
 LEGI ARCANO. ſic et Caſar locutus libro I.
 de bello civili: Domitius arcano cum paucis familiari-
 bus ſuis colloquitur. VT AUDIUIVS :
 audiebat autem præclara. 248. CORA'M: cum
 Athenis ero. NEQVE INDILIGENTER,
 NEQVE ILLIBERALITER : hic Athenis
 pecuniam Ciceroni filio ſummiſtrabat, ſed neque dili-
 genter, & ſatis illiberaliter. itaque 253: Xenonem, in

quit, perexigue et γλίσχεως præbere. DE HERO
DE : & hic Athenis uinebat. 233:248.

255:

GAVDEO TIBI &c.] Ut cognosceres, il-
lum tibi literas à me redditurum, ipsius arbitratu scri-
ptas : sciresq; , nolle me, ut ijs literis mouereris. 254.

SVO MORE VTERQUE : tu sapienter, ille
stulte. EAS LITERAS : quibus ad me scri-
bes dialogum tuū cum Quinto filio. COMME-
NDATIONIS TVAE : scripserat enim Atticus,
se esse literas ad eum commendatitias Curio daturum.

255:

RELINQUEMV S pacem,] Q. Fusius Ca-
lenus Dionis historiarum libro XLVI. Ciceroni acer-
be in Antonium inuecto non minus acerba oratione re-
spondens, ait eum, cum otium non ferret, discessisse; po-
stea, tumultu & bello inter ciues orto, reuertisse. quasi
amator esset contentionū, pacis inimicus. VT AD
BELLVM REVERTAMVR : apparebat
enim, ad paucos menses fore bellum; cū & Antonius
Octaviusq; grauiter inter se dissidentes iam in armis
essent; & Sextus Pompeius aduentare cum exercitu
diceretur; præterea magnum Antoni cū Decimo Bru-
to certamen impendere de Celtica prouincia. 241:

ADERIS : uenies in eas regiones. 255. RE-
LIQVORVM MEORVM : diximus, reliquo-
rum nomine eam pecuniam intelligi, quæ, subductis ra-
tionibus, & collatis creditorū debitorumq; nominibus,
superat à nobis. 248. DOLABELLAE NO-
MEN : à quo pecuniam exigere difficillimum scie-

COMMENTARIUS

bat. 235: 246: ATTRIBUTIO EST MI
HI NOMINVM IGNOTA: quæ nobis
exigenda tradidit Dolabella. 246: VT NON
CONCVRRERENT NOMINA: ut ad
tempus non responderent ij, qui debent. 254:

256.

NON amas Eram?] In oratione pro Deiotaro Hieram & Blesamium eius legatos nominat: ut for-
tasse & hic, Hieram, legendum sit. Et est dictum ἐγών-
κως. cur, inquit, Eram, æque atque Deiotarum, odio di-
gnum non putas? qui, cum ei præscriptum esset à Deio-
taro, ne quid sine Sestij nostri sententia ageret, neque ad
illum, neque ad quenquam nostrum retulit. Miserat au-
tem eum Deiotarus, ut Armeniã, sibi à Cæsare ereptã,
emeret ab Antonio: quod factum est, Fulvia, quæ An-
tonij uxor erat, intercedente, id est, cum Deiotari lega-
tis de pretio pacifcente: unde illud 229. Deiotarus no-
ster dignus ille quidem omni regno, sed nõ per Fulviã.
Armeniam autem cū Deiotaro Antonius accepta gran-
di pecunia uenderet, dixit se restituere ex Cæsaris libel-
lis. quod ei Cicero II. oratione in criminibus obijcit his
uerbis: Quid ego de commentarijs infinitis, quid de in-
numerabilibus chirographis loquar? sunt ea quidem
innumerabilia, quæ à diuersis emebantur non insciente
te: sed unum egregium de Rege Deiotaro populo R.
amicißimo decretum in Capitolio fixum. quo proposi-
to, nemo erat, qui in ipso dolore risum posset continere.
quis enim cuiquam inimicior, quàm Deiotaro Cæsar?
& quæ sequuntur. NEQVE AD ILLVM,
NEQVE AD QVENQVAM NO-

STRVM: & de hoc in eadem Philippica paulo
 » post: Syngrapha HS ceties per legatos, uiros bonos, sed
 » timidos, & imperitos, sine reliquorum hospitum Regis
 » sententia, facta in gynæceo. DICAS: Attica re=
 feres, Pilia dices: quia non, ut Attica, salutem miserat
 Pilia.

Ex epistola IIII. pagina 256.

ITA ut heri &c.] Ut in literis, quas ad te scri=
 psi, heri legisti, uel fortasse hodie, (Quintus enim, cui eas
 literas dedi, altero se die Romæ futurum aiebat) in Ne=
 sida ueni VIII. Idus. ut sit, ITA UT HERI,
 principium epistolæ. DE NONIS IULIIS:
 quod in ludorum suorum proscriptione, Nonis Iulijs,
 legeretur. uide nostram interpretationem ad illud,
 Ita'ne, Nonis Iulijs? 253. A' SECTO: Pom=
 peio. SIVE QVO ALIO NOMINE:
 quasi Consules appellandi non essent Antonius, & Do=
 labella, qui non agerent quod Consules deceret. SI
 QUID VIDERETVR: ut corrigeremus, si
 quid uideretur. PAVCA παρά λέγειν: non nulla
 minus proprie dicta. NON CONTVMA=
 CITER: sine superbia. QVOD ERAT,
 COSS. SOLVM: sextus epistolam suam ita in=
 scripserat: SEX. POMPEIVS CN. F.
 CONSVLIBVS S. D. nos addidimus,
 PRAETORIBVS, TRIBVNIS PL.
 SENATVI. DE CAESARE: Romæ oc=
 ciso. IN VLTIORE: Hispania. NI=
 HIL ESSE &c. se non discessurum ab armis, nisi

COMMENTARIUS

sibi paterna domus restitueretur . eam autem ab hasta
Caesaris emptam possidebat Antonius . Philippica . II.
173. VT OMNES EXERCITVS DI
MITTANTVR : se non esse exercitum dimissu
rum, nisi omnes omnium exercitus dimitterentur . uide
illud, Ab armisq; nullus discederet, 251.

256:

NIHIL reperiēbam.] Quod certum uideretur.
CONCISOS AGRIPETAS : idem 253.
253: ACCEPTIS NUMMIS : à Buthro-
tjjs. RELICTIS ILLIS : agripetis: quos secū
duxerat, ut agrū eis Buthrotium assignaret. QUID
EIVS SIT : quid de ea re sit. ALIQUID
LITERARVM : ad me miseris.

256:

DVBITABAM,] Incertus eram, utrum irē
Brundisium, an Puteolis conscenderem. 250. SVB-
LATVM VIDETVR : non est cur Brundu-
sium ire debeam. quod tamen se scripserat iturum 254:
HAEC AVTEM NAVIGATIO: si Puteo-
lis conscēdo. SVSPICIONES PERICV-
LI : propter piratas. 254: 253: ὁμοπλοία : societate
nauigandi. ET IPSE DOMITIUS: Cn.
Domitius . qui cum Bruto nauigaturus erat , unus de
percussoribus Caesaris, Aenobarbi filius ex Porcia Cato-
nis sorore. 222: & Philippica II. 165: SESTII,
BVCILIANI : & hi Caesarem percusserant. au-
tor Appianus lib. II. ULTRA FRETVM:
qua usurus non sum, quod syriam, non, ut Brutus &
Domitius, Græciam, petet . erat autem ultra fretum

Siculum. EXPLORATIONE VIDE= B V N T V R : à piratis tuta nauigatio. tarde igitur potius cum Bruto nauigabo, quàm ut omnino non nauigem. et, si, cum procefferimus, exploratoria uidebuntur, omiffa $\delta\mu\omicron\pi\lambda\omicron\iota\alpha$ uel testis utemur, celerrimo genere nauiculæ. Testæ nomen, ut opinor, à testæ similitudine deriuatum. Iuuenalis satyra XV. Et breuibus pictæ
 „ remis incumbere testæ.

256:

DE Tereo Accij.] Quodd Tereum Accij tragœdiam populus magno plausu accepiisset. 254: B R V T V M : aliam Accij tragœdiam, Bruti ludis recitatā. N E S C I O Q U I D A F F L A V E R A T : nescio quid rumoris affluxerat. C O M M I S S I O N E G R A E C O R V M : cum Graci ludi cōmitterentur, infrequentem populum affuisse. C O M M I S S I O N E : ipso initio. D E G R A E C I S L V D I S E X I S T I M E M : minime dignos, qui spectentur. Fam. 95. Q V I N T V S : filius. I N Q U O M I N I M E S A T I S F A C I E B A T : intelligit amicitiam Quinti cum Antonio, & consensum cum Casarianis. 231: 234. 236:

257.

I N I E C I S S E M] In sermone. A R R I P E R E : auide amplecti. M O R A R I : nauigationē proferre. S I Q V I F O R T E C A S V S : si forte quid accideret eiusmodi, ut eum discedere non oporteret. D V B I T O : cogitare cœpi. nam antea statuerat nauigare cum Bruto ; sed eo morante, nouū consiliū capit. E X P E C T E M D E L E G I O

COMMENTARIVS

NIBVS ; dum audiã , traĩciant ne legiones è Græcia, an, ut quidam arbitrantur, nullæ ueniant. Verebatur autem maxime, ne, si ipse Hydrunte, aut Brūdusio traĩceret in Græciam, incideret in legiones Macedonicas, quas in Italiã aduentare rumor increbuerat. 250: 256: NEVT RV M : si neutrum erit tutũ , neque Hydrũtẽ ire, neq; Venusiæ manere. EODEM: in hæc loca. CIRCVNSPICE : locus concisus , & obscurior , quàm ut certam interpretationem afferre possimus . O' DIES &c. descripti dies erant, quibus Lepidum, qui erat Pontifex Maximus, cũ Augurum collegio dare operam auspicijs oportebat. lætatur igitur, eam sibi fore causam, cur mature ad Urbem redeat : erat enim Augur.

257:

MAGNA εὐπρία] Valde me ad profectiõnem impellunt literæ tuæ . in easdem enim regiones promittis te uenturum. 253 : 252: TE ILLIC : adueniens inueniam. MEORVM ? scriptorum. ET AIS μετ' αὐμύμων : & ais illum nullius affini culpæ , ut prorsus reprehendi non possit. αμύμων : errans, non recto iudicio, qui mea scripta non putet legenda.

Ex epistola V . pagina 257 :

VIBONEM ad Sicam.] Contra ueteres libros, Ad Sicam, restitui, cum legeretur, Et Sicam. significat enim, apud Sicam se esse amicum suum : qui Vibone habitabat. & paulo post : I X. Cal. igitur ad Sicã. ibi tanquam domi meæ scilicet . Et quo tempore Clodia

dia rogatione pulsus in exilium abiit, Vibone itē apud
eundem Sicā diuersatus est: ut apparet 40: PRO=
DROMI: Aquilones uenti exortum caniculæ octo
diebus antecedunt. ideo prodromi dicti à præcurrendo.
Plinius. PEDIBVS: sine nauī. E' QVIS:
quodd aquæ multo minus esset, quàm soleret. OB=
DVXI: consumpsi. *δολιχὸν πλόον*: uide 259:
CORBITA: oneraria nauī. STATIM
NE FRETO, AN SYRACVSIS: sta=
tim ipsum fretum traiciens in Græciam recta nauigē,
an prius deflectam Syracusas, inde in Græciam.
ἢ δ' εὖ γ' ὁδός: uide 245. ID SATIS, SV=
PER' QVE: sæpe id iam scripsimus, tecum me non
esse, quia periculum fugiam.

258.

IN cœlum ferri] Qudd omnibus perspicuum
sit, me periculi causa discedere. AD CAL.
IAN. à quo die sine periculo Romæ esse licebit,
Pansa & Hircio Consulibus. EXPEDI,
EXOLVE: uelim omnino satisfacias quibus debeo.
BELLA RELIQVI: reliqui unde sumeres ad
meorum nominū solutionem. COHÆREDI=
BVS PRO CLUVIANO: ut cohæredibus
meis, qui mihi uendiderunt quod ipsis de Cluuiana re
obuenerat, Calendis Sextilibus id, quod debeo, persolutū
sit. 254. de Hortensio cohærede, & 222. de Hordeonio.
CVM PUBLILIO: huic Cicero pecuniam de=
bebat ex dote Publiliæ, quam dimiserat. QVO=
NIAM IURE NON VTIMVR: quoniā
MMM

COMMENTARIVS

de CCCC HS ante diem CC numeravi; qui si
uoluisssem uti iure meo, diem solutionis expectassem. ut
inique facturus sit Publilius, si de ducentis urgeat. ui-
de 254. ANTE DIEM: subaudi, Terentiae nu-
mera quod debemus. IN EPIRVUM: uenturus
es. 255. 255: QVOD SATIS DATO DE-
BEO: satisfato debet, qui creditori cavit fideiussori-
bus datis.

Ex epistola VI. pagina 258:

CVM à Leucopetra profectus] Narrat idem in
I. Philippica his uerbis. Cum me ex Sicilia ad Leucope-
tram, quod est promontorium agri Regini, uenti detu-
lissent; ab eo loco conscendi, ut transmitterem: nec ita
multum prouectus, reiectus Austro sum in eum ipsum
locum, unde conscēderam. cumq; intempesta nox esset,
mansissemq; in uilla P. Valerij comitis, & familiaris
mei; postridieq; apud eundem uentum expectans ma-
nerem: municipes Regini complures ad me uenerunt,
ex ijs quidam Roma recentes: à quibus primum acci-
pio M. Antonij concionem: quæ ita mihi placuit, ut ea
lecta de reuersione primum coeperim cogitare. nec mul-
to post, edictum Bruti affertur, & Cassij: quod quidē
mihi, fortasse quod eos etiam plus Reip. quàm familia-
ritatis gratia diligo, plenum æquitatis uidebatur. adde-
bant præterea, rem conuenturam, Calendas Sextilibus
senatum frequentem fore, Antonium, repudiatis malis
suasoribus, remissis Gallis prouincijs, ad auctoritatē se-
natus esse rediturum. VT ADESSENT: in

senatu. SENTENTIAM COMMV-
TASSE: qui cum antea meam profectionem pro-
baueris, idē nunc reprehēdas. IN FLAMMAM

» IPSAM VENIREM: uide illud 255: Relin-
» quemus enim pacem, ut ad bellum reuertamur.

A' VE ΜΕ ΣΗΤΑ: quodd ego ex Italia discederem, dum peri-
culi minus esset; eo consilio ut Calendis Ianuarijs ad es-
sem, cum omnia contentionibus arderent: omnino non
prudenter faciebam, sed id tibi esse inuidiosum, aut ul-
lam asferre infamiam non potest: primum, quodd ego
meam sententiam secutus, discedebam: deinde, etiam
si te auctore, non debet is, qui consilium dat, quidquam
præstare præter fidem. BENE IGITUR etc.
rectum igitur putas d Cicero patriam relinquere, dum
ὁ δ' ἀνασίστην sequeris? Et cum dixit Atticus ὁ δ' ἀνασίστην,
» respexit ad id quod Cicero scripserat 250. Ex hac nassa
» exire constitui, non ad fugam, sed ad spem mortis me-
» lioris. 259.

OPORTUISSE te istuc facere.] Quo
σχολίῳ defendas profectionem tuam, & ostendas oportu-
uisse te discedere. QVIBVS INVITIS,
ET DISSVADENTIBVS: nam tu quidē
suasisti, ut discederem. SI PERSEVERAS-
SEM: si perrexissem in Graciam: sed uides me re-
uertī. SI A' PHAEDRO NOSTRO: si
hoc fieret à Phædro nostro, facilis illi excusatio esset:
sic enim responderet: Ego de honesto nihil cogito, dolo-
rem fugio, summum bonum in uoluptate pono. nunc
quid tu respondebis d Cicero, qui non, ut Phædrus, Epi-

MMM ij

cuream sectam, sed illam Socraticam, quæ uirtutem et officium colit, es secutus? A' PRIMO: ante quam discederem. FVISSES CATO: nūquam discessissem: tuum cōsiliū, ut Catonis, essem secutus. 259.

NON audet &c.] Nimirū scribis Attice, ideo Brutum nihil dicere super discessione mea, quia me nō audeat, hominem id ætatis, monere. qui si auderet, me scilicet patriam relinquentem reprehenderet. aliud enim te nō arbitror significare. VEL POTIVS

REVERSIONE: qui enim regreditur ante quam eō perueniat, quod animum intenderat; is nō redire dicitur, sed reuerti; redire autem, qui cōceptum iter absoluit. Reuersione igitur, quia, cum processisset, ab astro retro uersus est. EFFVDIT ILLA OMNIA, QUAE TACVERAT: dixit me

facere præclare quī Romam reuerterem, abiecto discessionis consilio. PISONEM: in I. Philippica

- » 154: Ex Bruto primum cognoui, quæ Cal. Sextilibus
- » in senatu fuisset L. Pisonis oratio. qui quanquam pa-
- » rum erat, à quibus debuerat, adiutus: tamen & Bruti
- » testimonio, quo quid potest esse grauius? & omnium
- » prædicatione, quos postea uidi, magnam mihi uidebatur
- » gloriam consecutus. Et in epist. Fam. 183. Nec Pisoni,
- » qui in Antonium primus inuectus est nullo assentiēte;
- » nec mihi, qui idem tricesimo post die feci; nec P. Ser-
- » uilio, qui me est cōsecutus, tuto in senatum uenire licet.

RELIGATIONIS REIP. antiqui libri, religio nis: ego tamen, reliktionis, probaui, ex correctione Be-

roaldi : non solum, quodd parua mutatione sententia re
stituitur sanè quàm apta, et cum uerbo præcedenti opti
me consentiens : uerum etiam, quodd accusatione I I I
in Verrem, ubi in uulgatis libris legitur, illam reiectio=
nem, prodicionemq; Consulis sui, Maffæi manuscriptus
habet, relictionem, prodicionemq;. **QVEREBANA**
tur : ante quàm discederet. non enim loquitur de ijs,
qui cum Bruto erant : sed eos intelligit, quibus disce=
dens affirmauerat, se celeriter esse rediturum.
NON PROBABAM : non persuadebam.

259:

ME existimari ad Olympia.] Ideo me homines
discedere crediderant, quodd in Græciam ad spectaculũ
ludorum Olympiorum properarem. hanc igitur uitu
perationem reuertens effugi. **SED HOC** : hoc
tam turbulento Reip. tempore si ad Olympia profectus
essem, ἀναπολόγητον fuisse, id est nulla prorsus ratione
meum factũ defendere potuissem. **GRATIAS**
MIRAS : elegans figura sine uerbo: uenustius enim
subintelligitur, ago, quàm legitur. itaque sustuli, appro=
bante Bessarionis libro. **QUI ME** : qui me in
Græciam nauigantem aduersus flatu maximo Regium
retulerit. **SPECIOSAS** : quia reuerteret, quodd
intelligeret non esse desperandum de Rep. ut exposuit
epistolæ initio. **PROVIDE** : provide, d Cicero,
si cui quid debes, ut sit unde tantũdem solui possit quã=
tum debetur. **Δυσχερσία** : difficultas uersuræ facien
dæ. quodd cum ita sit, unde solves? 250. **PRAE**
SENS ME IPSE DEFENDEREM: hæc

MMM iij

una prouidendi ratio mihi in mentem ueniebat, quòd,
 si Romæ essem, ipse me còtra meos creditores tueri pos-
 sem, tu mei defendendi aut excusandi nullum onus su-
 stineres. itaque uideo, mea etiã causa, nò Reipublicæ mo-
 do, mihi esse reuertendum. A' BRUTO: datũ.
 HORVM: Bruti & Cassij, Prætorum. Fam. 169.
 CENSEBAT: censebat Brutus, ut istuc uenirem
 ad Remp. capeffendam. PISONI: cui in sena-
 tu in Antonium inuehenti nemo assensus est armorum
 metu. Fam. 183: & Philippica I. 154: REDIIT:
 quasi non perfliterit in sententia: aut non redijt Anto-
 nij metu. SED ABESSE & c. ideo redeo, quia
 senem, cui mors impendet, non decet longe abesse à se-
 pulcro, id est à patria, in qua solemus sepulcrum nobis
 cõstituere. redeo igitur, ut, quidquid acciderit, in patria
 moriar. DE BRUTO? à Bruto. PILIAM:
 uxorẽ tuam tentari morbo, quem πᾱράλυσιν appellant.

Ex epistola VII. pagina 260.

QUINGENOS denarios] Appianus &
 Dion drachmas uocant. VIDE NOMEN,
 VIDE AETATEM: turpe nobis est sequi eum,
 qui & Cæsar appelletur, & adolescens ac penè puer
 sit. VEL CAPVAE: uide, quàm pueriliter, qui
 putet uel Capuæ clàm mecum posse loqui. non enim po-
 stulat, ut obscuro in oppido, aut in aliqua latebra con-
 grediamur, sed in urbe Capua. ALAUDA-
 RV M: Cæsar legionem Alaudarum ab aue nomina

uit, quæ Gallico uocabulo dicitur Alauda. Plinius, Suetonius. AD VRBEM PERGERE: Antonium ab Vrbe Octavianus auertit, quod ille infestus cum legione Alaudarum Brundisio ueniebat. Philippica III. 189: in epist. Fam. 198: LEGIONEM SVB SIGNIS DVCERE: in omnibus libris, & impressis, & manuscriptis, legionem suis signis ducere. nos ex obseruatione latinarum locutionum, quarum genera in usum nostrum notare consueuimus, & hic, & alibi mendum deprehendimus: legiones enim sub signis ducere, & sub signis habere, usitata figura ueteres dicebant. Lucretius lib. V. 96.

- » At non multa uirum sub signis millia ducta
- » Vna dies dabat exitio.
- » Cicero in epist. Fam. 148. Legiones habeo quinque sub
- » signis. & 166. Legiones sub signis armatas treis. & Li
- » uius lib. III. Sub signis urbē intrauere. et lib. VIII.
- » Sub signis alij XV. ordines locabatur. ∞∞∞∞:
- tribus millibus. nā mille hac nota CIO ueteres significa
- bāt: inde factū ∞, librarijs antiquæ notæ figurā im-
- mutantibus, cum propter celeritatem describendi uno
- calami ductu perficerent. TREIS LEGIO-
- NES MACEDONICAS: quarū duas, Mar-
- tiam, & Quartam, ad ipsum transisse, & Appianus
- trahit libro III. & noster Philippica III. CON-
- VITIVM GRANDE FECERVNT:
- Antonium centenas drachmas pollicentem milites irri-
- serunt. Appianus libro III. SI FIDEM FE-
- CERIT: non enim satis Octauiano credebant boni

MMM iij

COMMENTARIVS

uiri, quod Caesaris et haeres & filius ex testamēto esset.
 ALIQVID TALE: ut praesens auctoritate &
 uirtute sua Rēp. iuuare posset, cui nūc in uno Octauio
 contra Antonium & spes & praesidium est. FV=
 GIAM ROMAM: antiqui libri, Caualcantis, et
 Bessarionis, FVGAM ROMAM. procul dubio
 corruptus locus.

Ex epistola VIII. pagina 260:

CVI ego,] Rescripsi. CONSILIO
 TVO: scribit, se uelle rem agere per senatum consi-
 lio meo. VALEAT: copys. quod si esset, rursus
 de Gracia cogitarem: ideoq; a mari non libet discede-
 re. CONSILIVM PVERI: non probat
 Varro, quod exercitum contra M. Antonium O=
 ctavius pararit. BRVTVM: Decimum: quem
 Antonius Celtica prouincia nō decedentem, armis ex-
 pellere parabat. CENTVRIAT: centurias
 conficit ueteranorum. DINVMERAT: pe-
 cuniam unicuique numerat, quingenos scilicet dena-
 rios. 260.

260:

VI. Arpinum ueni, ad IIII. in Sinuessanum.]
 Bessarionis liber sic; CII. ueni ad me in Sinuessanū:
 Caualcantis; VI. ueni ad me in Sinuessanum. uulga-
 ta lectio perspicue deprauata. nam si epistolae adscripta
 dies est VI. Idus in Sinuessano: quo modo se ad IIII.
 uenisse dicit in Sinuessanum? praeterea non recte, AR

PINVM VENI: nondum enim ed peruenerat:
quod ostendunt quæ proxima subsequuntur. AR=
CANO: Quinti fratris prædio. MANEAM
NE ARPINI: quod iter habebat. LITE=
RAS VI. IDVS MANE, IN SINVES
SANO: Bessarionis liber sic: Literas Idus mane in
suaseno: duabus dictionibus interiecto spatio seiunctis.
dixi iam, in dierum nota mendum esse.

Ex epistola IX. pagina 260:

NOSTRVM OPUS] Puto librum de gloria.
258. EX QVO ANTE: Atticus excerpta
quædam ex illo libro scripserat in paginis ante librum
positis. EXTIMESCEBAM: Atticus enim,
quæ minus probabat in Ciceronis libris, ea notare mi=
niata cera solitus erat. 247:

260:

ITA est, ut scribis.] Ita accusandus mihi est An=
tonius, ut Sicam amicum nostrum cum contumelia ne
nominem. erat autem Sica mentio quodam loco facien=
da, quod eo usus erat Antonius. AEGRE ME
TENVI: uix à me ipso impetraui, ut Sica nō no=
tarem: cum orationem in Antonium scriberem. Sica
autem Ciceronis amicus, & hospes. 257: PER=
STRINGAM: Antonium. μεταφορικῶς perstrin=
gere ualet leuiter offendere. Pro Plancio: Granus
L. Crassi uoluntatem a superioribus uerbis sæpe perstrin=
xit impune. SEPTIMIAE: uxoris, opinor, Si

ca. παῖδες παίδων : omnis posteritas : unde apud
 Virgilium, Et nati natorum, & qui nascentur ab illis.
 manasse proverbium uidetur ab Homeri uersu : καὶ
 παῖδες παίδων τοῖκε μετόπισθε γένωνται. SINE
 VALLO LVCILIANO : forte, aperte intelli-
 gant : quia non scripta sunt obscure : quo se quasi uallo
 saepe muniuit Lucilius, poeta maledicus. EVM :
 M. Antonium : cui & in II. Philippica per contume-
 liam obiicit, suscepisse eum liberos ex Q. Fadij liber-
 tini hominis filia. quem hic Caium legimus, ibi Quin-
 tū : ut alterutrū sit mutandū. ILLIS TRIVM-
 VIRIS : hoc sine epistola Attici non licet nobis diui-
 nare. NISI FACETE : subaudi, scripsisti de
 Triumuiris. 261.

LEGES Sexto,] Meam in Antonium oratio-
 nem leges Sexto Peduceo, qui mihi unus mille hominū
 loco est. ut 25 : Quid Cato ille noster, qui mihi unus est
 pro centum millibus. magni autem ponderis fuisse Sex-
 tum Peduceum apud Ciceronem, patet 154 : 246.

CALENI : cauebis, ne, dum leges meam orationem,
 Q. Fusius Calenus, aut Cn. Matius interueniat. uter-
 que enim Antonio amicitia coniunctus. Caleni etiam
 orationem pro Antonio bene longam, & liberam ad-
 uersus Ciceronē recitat Dion historiārū libro XLVI.
 Matium uero, quem Caluenam uocat, ut etiam 225 :
 amicum Antonio fuisse, inimicum Bruto & Cassio,
 hoc est libertatis & Reip. patronis, docet ipsius epistola
 in Fam. 181. EPISTOLA LONGISSI-
 MA QVAEQVE OPTIMA : idem de De-

mosthenis orationibus solitū dicere, tradit Plutarchus.

261.

QVO Rubriana] Ita nunc corrigam, quæ à te sunt in meo libro animaduersa, ut antea correxi quæ de Rubrio scripseram, non ut quæ de Scipione. Attico enim iam antea monenti ut de Rubrio scripta emendaret, Cicero paruerat: de Scipione, non item. ET DE LAUDIBVS DOLABELLAE: & te suadente partem tollam earum laudum, quibus Dolabellam ornaueram. EVM CONTRA CIVES: mihi, præter obscuritatem sententiæ, etiam antiqui libri, Causalantis & Bessarionis, suspensionem afferunt de mendo: in utroque enim scriptum animaduerto, EVM PER CONTRA CIVES. placet, quod alijs, EVM TER CONTRA CIVES: hoc sensu: Videor Dolabellam in Philippica II. laudare: sed bella εἰρωνεία est: nam re uera uitupero: siquidem eū ter in acie statuo contra ciues, cū dico interfuisse omnibus bellis civilibus, in Thessalia, Africa, Hispania. Philippica II. 174: INDIGNIVS ESSE: de Antonio loquitur: quem uult indignum uitæ uideri, sic inquam indignum, quàm quod maxime.

261.

πεπλογραφίαν Varronis] Varro clarorum uirorum nomina unum in librum congefferat, eumq; inscripserat, πεπλογραφίαν: quod Athenienses (auctores sunt Euripides in Hecuba, Harpocraton, alij) in peplo eos, qui aliquid fortiter gessissent, expingere consueuerant. & Porphyrius ab Aristotele scriptum com

mentarium tradit, pepli nomine inscriptum; quo com-
mentario & nauium, quæ ad Troiam profectæ essent,
numerus, & ducum genealogias persequabatur.

Ἡρακλείδου: aliud Varronis opus. Ἡρακλείδου autem
appellat, uel quia de Rep. (Heraclides enim Ponticus de
Rep. scripserat, ut est 210:330.) uel quod egregie scri-
ptum, ut quasi Heraclidis opus uideri posset. O' T I-
T E: librum de senectute: cuius initium est, O' Tite,
siquid ego &c. uide 255. ταξιάρχης: princeps gla-
diatorie turmæ. nominat eosdem secunda in Antoniū,
his uerbis: Cum duos secum Anagninos haberet, Mustel-
lam, & Laconem: quorum alter gladiatorum est prin-
ceps, alter poculorum. Respondet Attico, nomina Ana-
gninorum, quos secum Antonius haberet, scire cupienti.

261.

ABSOLVI duobus:] Quatenus de officio Pa-
nætius scripsit (scripsit autem tribus libris) ego duobus
absolui. in tertio deinde libro quæstionem illam expli-
cauit, qui discerni posset officium, cum id, quod speciem
haberet honesti, pugnaret cū eo, quod utile uideretur:
quod Panætius cum promississet se esse dicturum, non
persoluerat. Ante, ABSOLVIT, legebatur; itaq;
est in antiquis quoque libris: nō tamen, ABSOLVI,
sententiam postulante. QVALIS CAUSA
REGVLI: M. Attilio Regulo utile fuit Romæ ma-
nere, honestum ad Carthaginienses redire, sicuti disce-
dens iuramento promiserat. hoc exemplum plenissime
in III de Officijs, 71: POSIDONIVS:
Panætij discipulus, Rhodius philosophus, è Stoica disci-

plina. DILVCIDE: scripsisti.

261:

INTERVM Rēp. seruarem] Seruauerat enim antea, cum Catilinæ coniurationē in suo Consulatu oppressit. αὐδ' αὐδ' εὐ: significat, neque se suscipere quod Octavius uellet, periculi metu: neque abnuere, propter pudorem: quemadmodum ij, quos ē Græcorum exercitu Hector in certamen prouocauerat. 89. CALENDIS IAN. quo die nouis Consulibus magistratum ineuntibus de Rep. referetur. ERIT: Octavius. Nam ut senatus Cal. Ian. tuto haberi, sententiæq; de summa Rep. libere dici possent, de præsidio prius erat uidendū. qua de re Tribunos pl. uerba fecisse, patet in extrema III. Philippica. STIPVLATIONES: eos, qui stipulatione se daturos esse pecuniam spondent. uult enim, opinor, ē suis prædijs aliud quod ab Attico uendi. CATINAM &c. Catinensium suffragijs, item Tauromeniorum, & Syracusanorum, assequi nescio quid in Sicilia Valerius interpretari cupiebat. 6: GRATIOSORVM: in suffragijs. NOSTRIQVE FAMILIARES: à Quæstura sua Siciliensi. PVBlice: ad Catinenses, Tauromenenses, Syracusanos. AUT MIHI NOMINA MITTERET: quasi dicat: Si uti, nollet eis literis, mitteret mihi nomina gratiosorum. BALBUS AD ME: scripserat.

262.

MEQVE Torquati] Vt in nostro libro, item est in duobus manuscriptis, Causalcantis & Bessarionis.

COMMENTARIUS

Placeret : Me de Torquati negotiolo scitutum puto .
uel, ut alij emendarunt : Deq; Torquati negotiolo scitu
rū puto. QVAM VALDE EVM AMA=
RET: Quintum, filium suum.

Ex epistola X. pagina 262.

MVGINARIS,] Nihil explicans differ=
CEPI CONSILIVM DOMESTI=
CVM : hoc consilium cepi, ut Romam uenirem.
INTERCLVDERER : aduentu Antonij ad
Vrbem. POTES : ad rationem cōiecturæ suæ.
ut ego, inquit, opinor, Antonius ad Vrbem iam aduen=
tat. TECVM POTIVS : subintellige, Romæ
sim. NEGOTIA SALSA : facete scripsisti
de ἡρακλειδέω Varronis: meq; ea pars literarum tuarū
ita deletauit, ut nihil unquam magis 260:

Ex epistola XI. pagina 262.

ῥολιχὸν πλόον] Reflexit ad Homeri uersum, quē
infra paulo post recitabimus. Dicit autem, ῥολιχὸν
πλόον ὁρμώοντα, quia rursus nauigare in Graciam co=
gitabat, si armis ualeret Antonius : ideoq; 260: Ve=
reor, ne ualeat Antonius; nec à mari discedere libet.
ἀπροσδιόνυσον: ab urdum, alienum à re. CON=
SILIVM PETIERAM : quid mihi esset agē=
dum, manendum ne Arpini, an propius accedendum,
an ueniendum Romam. 260:

262:

Πάρ' ἡνεμόεντα] Nestoris uerba sunt Odyssæ li-
bro III. Telemacho narrantis reditum Græcorum à
Troia. Scripserat autem Atticus, qua uia Cicero profi-
cisci Romam tuto posset: ualde enim Antonium times-
bat, ut significat ipse 260: & eam rationem itineris ab
Attico descriptam, Homericis uerbis Cicero exponit.
poetæ uersus ex Odyssæ tertio subiiciemus.

- » ὁ φέ δ' ἐ δ' ἡ μετ' ἀνῶϊ κίε ξανθὸς μενέλαος :
» ἐν λείσβῳ δ' ἔκχε δολιχὸν πλόον ὁρμαίνοντας
» ἡ καθύπερθε χίοιο νεοίμεθα παπυλοέσσης
» νήσου ἀδ' ἡ φυρίης αὐτὴν ἐπ' ἀρίστ' ἔχοντες ,
» ἡ ὑπένερθε χίοιο παρ' ἡνεμόεντα μίμαντα .

quod autem Cicero & Mimanta, & Psyrîam in hunc
locum transfuit, non ea ipsa intelligit loca, (non enim
Atticus ad eam nauigationem hortabatur, sed ut An-
tonium uitaret ad Urbem uenientem) sed quasi per io-
cum usurpauit Homeri uerba, non dissimili sententia.
APPIAM: uiam. DIMITTEREM: lite-
ras. qua de causa, non scribit, sed reijcit Atticum ad
Tironis sermonem.

262:

PARES] Si pares copijs sunt Antonius &
Octavius, Romæ tibi censeo manendū: ipsi enim in-
ter se aliquandiu pugnabunt, intereaq; periculi exper-
tes erimus. sin superior alteruter est, discedendum.
utercunque enim ualeat, latius periculum manabit, et
primo ad nos (se ipsum, & alios intelligit, qui Remp.
fortiter defenderant) deinde ad omnes communiter,

COMMENTARIUS

ideoq; etiam ad te, quamuis Reip. administratione semper abstinueris. SIN: hic particula Sin ualet sin aliter: ut illud apud iocosum laudatorem obscaeni dei:

- » Donec proterua nil mei manu carpes;
- » Licebit, ipsa sis pudicior Vesta.
- » Sin: hac mei te uentris arma laxabunt.

Ex epistola XII. pagina 263.

IN Telluris,] Templo. quo in loco decretum est, ut quæ Caesar statuisset, decreuisset, egisset, rata manerent. POSTRIDIE: dixit se Romæ fore postridie q̄ Puteolis discessisset. VT PEDETENTIM: ut in consilio capiendo ne properem. Et hoc monebat Atticus, quia Cicero iam illud iterum rogauerat, quid sibi esset agendum, manendum Arpini, an propius accedendum, an eundem Romam. 260:262: ALITER COGITABAM: nolebam diutius animi pendere, suspensus in deliberando: sed parebo tibi, qui me mones, ut pedetentim. NEC ME PHILIPPVS: monuerat Ciceronē Atticus, ut Philippū & Marcellum imitaretur, nihil propere agentis. habebat autem L. Philippus in matrimonio Acciam Octauiani matrem, C. Marcellus Acciæ filiam Octauiani sororem. Oratione III. in Antonium. ALIA ENIM &c. licet illis quiescere: aut, si non licet, licere tamen uidetur. non enim ab illis eadem expectantur, quæ à nobis, qui tantas res pro Republica gessimus. ET SI NON EST: quasi dicat: reuera omnium

civium

ciuium eadem ratio est, (Remp. enim tueri æque omnes debent) sed diuersa tamen uidetur esse, cum aliud à me postuletur pro ante acta uita, aliud à Philippo & Marcello. ita quiescere illis licet, mihi nō licet. SED IN ISTO IUVENE: dolet, quodd sibi Remp. defendere cupienti non satis præsidij sit contra Antonium in Octauiano admodum adolescente. NE ID MELIUS SIT: quàm esse, ubi nunc sum, in Arpinati. AN HOC: an potius suades, ut in Tusculanum prius ne ueniam, quàm Antonius in Urbem. QVOD GRAECI καὶ ἄλλοι: pertinet hoc ad inscriptionem librorum de officijs. 259.

263.

MALE narras] Quodd mortuus sit Nepotis filius. sic 239. O' factum male de Alexione. Bene narras, & male narras, eleganter dicimus; illud, cum iucundam rem audimus; hoc, cum molestam. exempla maxime apud comicos. NON INGRATVM: eius enim causam Cicero defenderat: ut in epistola ad Marium, Dirupi penè me in iudicio Galli Caninij. NIHIL EST, QVOD HORTERE: ut mittat, quæ ab illo petieram, τὰ κεφάλαια, ex Posidonij libro excerpta. 258: QVINTVS TVIPATRIS NEPOS: hoc dicit: Quintus sororis tuæ filius scribit ad Marcum filium meum. Et utitur, ut interdum solet, circuitione.

263:

EX Nonis ijs, quibus nos magna gessimus,] EX Nonis Decembribus: quo die Lentulum, Cethegum, NNN

COMMENTARIUS

aliosq; ex coniuratione Catilinaria, liſtori tradidit ne-
candos. Ex Nonisigitur Decembribus, ubi Tribunatū
plebis inierit Quintus. inibant enim eo die magistratū
Tribuni plebis, ut aperte ostendit Pedianus, locum expo-
nens in ſecunda Verrina. AEDEM OPIS
EXPLICATVRVM: rationem exacturum ab
Antonio eius pecuniæ, quā ex æde Opis abstulit, à Cæ-
ſare depositam. uide in Philippica II. 178. SEX-
TI IUDICIUM: quid iudicet Sextus Peduceus
de oratione mea in Antonium. 261. Tu uero, inquit, le-
ges Sexto, eiusq; iudicium mihi perſcribes.

Ex epistola XIII. pagina 263:

ALEXIM uideor agnoſcere.] Alexidis manū
in tuis epistolis agnoſco. erat autē Attici amanueſis. 100.
SI ME NON IMPROBISSIME &c.
qui cum mihi pecuniā deberet, & de ſolutione aſſe-
ueranter quotidie promitteret; diu uarijs excuſationi-
bus ludificans, ad extremum, ne nūmo quidem perſolu-
to, in Syriam profeſtus eſt. 246: REMISSIOR
ESSEM: in exigenda pecunia. EMPTVS:
ab Antonio. uide illud, Cum ſe magno ære alieno fa-
berij manu liberarit, 235: EVERTERIT: qui
aduerſante ſenatu legem pertulerit de eripienda Caſſio
Syria prouincia. Appianus libro III. CVM
DIES VENERIT: exigendæ pecuniæ. VE-
LIM EIVSMODI SIT: uelim ita fortuna
ferat, ut, cum exigendæ pecuniæ dies erit, tum ego Ro-
mæ eſſe tuto poſſim. SPONSORES AB=

PELLARE &c. si ego eos, qui pro Dolabella spopō
derunt, appellē, pudenter nimiū faciā; cū à Dolabella
improbissime tractatus, inuadere potius in ipsius bona,
quàm sponsores debeam appellare. POSSV=
MVS ENIM &c. possumus ita rem agere. intro=
ducemus procuratorem, qui sponsores appellet. illi iudi=
cio nō disceptabunt, sed nos ad Dolabellæ bona reiiciēt.
ita & ipsi liberabuntur, & nos tum demum honeste
ius nostrum persequentes, è Dolabellæ re eam partem
capiemus, quā, facta æstimatione, debitæ pecuniæ respon=
deat. LITEM CONTESTABVN=
TUR: rē in iudiciū adducent. ILLI: Dolabellæ.
QVOD SATIS DATO DEBEAT: quod
si ipse non soluet, soluere sponsores cogentur. NO=
STRAE GRAVITATIS: arbitror esse nostræ
gravitatis, ius nostrum ita persequi, ut ne cum summa
Dolabellæ ignominia. certe enim summa esset ignomi=
nia, si non appellatis sponsores, absentis bona auctio=
ni subiecta statim uenderemus. primo igitur per procu=
ratorem sponsores appellemus: deinde ius nostrum per=
sequamur: quod tum quidem cum illius aliquanto mi=
nore fiet ignominia. ET NON DVBITO:
& Canalcantis & Bessarionis duo per antiqua exem=
plaria negatiuam tollunt, quam tamen retinet senten=
tia. itaque uel, ET NON DVBITO, ut est in
uulgatis libris; uel, HAVD DVBITO, legendū
crediderim; ut, quàm minime possumus, à uetere scri=
ptura discedamus: est enim in duobus illis, ET DV=
BITO.

NNN ij

ISTE puer] Octavianus. QUAE CON-
CIONE? in ea concione Octavianus gesta patris Iulij in
memoriam populo redegit: Antonium accusavit: mi-
lites, qui se ducem secuti essent, laudibus ornavit; seq;
una cum ijs ita animatum esse dixit, ut obsequi ad o-
mnia, & inservire patriae uellet. hæc autem in templo
Castoris, & Pollucis, cum ei Tiberius Canutius Anto-
nio infensus concionem aduocasset. Dion libro XLV.
Appianus III. ITA SIBI PARENTIS
HONORES CONSEQUI LICEAT:
ut patriæ defensionem suscepit. ET SIMVL
DEXTRAM INTENDIT AD STA-
TVAM: per parentem iuravit, manu statuæ illius
imposita. $\mu\eta\delta\epsilon\ \sigma\omega\delta\epsilon\acute{\alpha}\nu$: ne sim saluus, si quis un-
quam tam egregie concionatus est.

CASCAE nostri Tribunatum:] Vix enim pu-
to fore, ut Octavianus Cascam, parentis sui percusso-
rem, gerere Tribunatum patiatur. Hoc & M. Anto-
nius in epistola, quam recitat Cicero Philippica XIII.
Octaviano & Hircio Pansæq; Consulibus exprobrat:
In Syriam, inquit, Cassium misistis: Cascam Tribuna-
tum gerere passi estis. VETERANORVM:
qui Octavianum sequebatur. 260. ANTE IAN.
quo die senatu à novis Consulibus coactò, suam vetera-
norumq; causam magnopere cupiebat Octavianus cõ-
mèdari. id quod postea factum, declarat Philippica V.
203. NIHIL OPVS EST: nam ante Cal.

Ian. quo die magistratum noui Consules erant inituri,
 senatusconsultum fieri pro Octauiano nullū poterat,
 Consule Antonio eius inimico. ANTE IDVS
 DEC. uidebimus, num Cascam, unum ex tyrannocto
 nis, Tribunatū plebis gerere patiatur. quod cum passus
 esset, exprobrauit, ut iā ostēdimus, Antonius in epistola.
 IN CASCÀ: in Cascæ Tribunatu uoluntatem
 Octauiani ante Idus Dec. perspiciemus. A' SEX=
 TO: Pduceo: cuius expectabat iudicium de oratio=
 ne sua in Antonium. 261. 263:

264:

CVM enim tanta reliqua sint,] Cum supra id,
 quod debemus, tantum habeamus in nominibus. sed
 reliquorum nomine quid significetur, planius 248. ad
 illud: Cum ex reliquis abundare debeam. & 254: Cū
 reliqua satis apta sint ad soluendum. NE TE=
 RENTIAE QUIDEM: cui satisfieri quampri=
 mum uolebam. cum enim multis deberet, in primis ta=
 22 men Terentiæ numeratum cupiebat. & 258. Terenz=
 22 tiæ uero, inquit, quid ego dicam? etiam ante diem, si
 22 potes. HS XXII: quæ Montanus, qui Ciceroni
 filio comes Athenas erat profectus, Plāco debebat. 204.
 VT IDE SVO: ut HS illa XXII soluerentur
 de suo, detracta uidelicet de ea summa, quam illi in an=
 nuum sumptum præstituimus. LIBERALIS=
 SIME: de meo, inquit, me esse soluturum promise=
 ram, non de pensione Ciceronis, ut ipse petierat.
 NON MODO: non modo non hoc Eros fecit,
 quod ei mandaueram. AVRELIVS: qui Mō

NNN ij

COMMENTARIUS

tani absentis nomine Romæ soluit. **COCCEII**
RESPONSVM: Cocceius, unus ex procuratoribus
 Dolabellæ in Syriam profecti, Attico pecuniam Cice-
 ronis nomine petenti ita responderat, ut sperandum
 non uideretur. **IN IPSAM FLAMMAM**:
 publicarum contentionum. **PRIVATIM**: ære
 alieno oppressum. **PUBLICÆ**: reipublicæ cau-
 sa. **PERTURBATO ANIMO**: pertur-
 batus animo cum essem, ceteris de rebus, quas ad me
 suauissime scripsisti, rescribere, ut consueueram, non po-
 tui. **UT ME EXPEDIAM**: ære uidelicet
 alieno. **QUI MINVS**: cur ego istic æque tuto
 esse non possim, atque est Marcellus? Hic autem, ut
 supra diximus, Octauiani sororem habebat in matri-
 monio. **NON ID AGITVR**: non de hoc
 laboro, sed de ære alieno, ut uides.

Ex epistola XIII. pagina 265.

OCCVPATIONE ista] De re Buthro-
 tia.

Ex epistola XV. pagina 265.

L. PLANCO Prætor. Des.] Vel tollenda præ-
 nominis nota, uel legendum **CN. PLANCO**: qui
 fuit Lucij frater, & hoc anno Prætor erat designatus:
 insequenti enim Præturam gessisse, planum fit ex epi-
 stola Lucij Planci ad Ciceronem, in epistola Fam. 153:
 nam Lucius ipse cum D. Bruto à Casare Consul fuerat

designatus post Hircium & Pansam, anno uidelicet,
qui est proximum subsecutus.

265.

PROSCRIPTVM] A' Casare, quod Buthrotij pecuniam imperatā non soluerent. LIBELLVM COMPOSUIT: quo libello petebat à Casare, ut agrum Buthrotium liberarent: Buthrotios enim, quod reliquum pecuniæ deberent, intra certam diē soluturos. PECUNIAM RELIQVAM: nam imperatæ pecuniæ partem iam antea soluerant: reliquæ solutionem cum differrent, Casar eorum agrū proscripserat. DECRETVM: quo Casar Buthrotium agrum liberabat. EINNEGOTIO: agro Buthrotio diuidēdo PRAESENTIVM: qui diuisionem agri Buthrotij præsentes petebant.

265:

CVM mare transissent,] Buthrotū enim proficiscentibus mare transeundum erat. uide 253. de agripetis eiectis. CAVSAS CONSVLES COGNOSCERE: post interitum Casaris, factum est S.C. in æde Telluris, ut, quæ Casar statuisset, decreuisset, egisset, rata essent; earumq; rerum cognitio Consulibus data. 266: PROBAVERUNT CAVSAS: mallem, CAVSAM: ut subaudiatur, Buthrotiam. AD TELITERAS: ut ijs, qui tecum mare transissent, in agrum Buthrotium ne diuideres. ET LEX: quia præter senatusconsultum, etiam lege negotium Consulibus est datum, ut de actis Casaris cognosceret. 266: CONSVLVMD

COMMENTARIVS

CRETVM: quod enim Cæsar in causa Buthrotia nobis postulantibus decreuerat, id postea Consules Dolabella & Antonius decreto probauerunt. RES SOLVM FAMILIARIS: nūmos enim Cæsari numerauerat de suo pro agri Buthrotij liberatione. quod nisi consequeretur, eos nummos à Buthrotijs exigere non potuisset.

Ex epistola XVII. pagina 266.

VT supplex ad te uenirem:] locatur in Capitonem, haud magnæ auctoritatis hominem: cum dicat, nunquam se futurum putasse, ut illius opera ualde egeret. Et est C. Atteius Capito, de quo 62:218. item in epistola Fam. 216: & Plutarchus in Antonio.

266:

AGRARI] Qui mare trāsibant, ut sibi ager diuideretur. PLANCVM DEDERVNT: haud aliter scriptum est in antiquis libris: me tamen in hanc opinionem ratio ipsa perducit, ut legendum credā, LITERAS AD PLANCVM DEDERVNT. uideo enim ita scriptum 265: Consules probauerunt causas sine ulla dubitatione, seq; ad te literas daturos esse duxerunt.

267.

QVORVM INTEREST,] Ad quos ex Cæsaris actis uel utilitas, uel honor peruenit. OTII CAUSA: magna enim oriretur omnium rerum

IN LIB. XVI. EPIST. AD A T. 469

rerum perturbatio, si ea, quæ Cæsar egit, in dubium venirent.

Ex epistola XIX. pagina 267.

C V M tota potestas eius rei tua sit,] Quod ei negotio Cæsar eum præfecerat. 265.

Ex epistola ultima, pagina 267 :

OFFICII tui,] Ex ipsa sententia perspicuum fit, OFFICII S V I, legendum. ueteres tamen libri, T V I.

F I N I S.

SERIES LITERARVM.

* ABCDEFGHIKLMNOP Q RSTV
XYZ. AA BB CC DD EE FF GG HH II KK LL
MM NN OO PP Q Q RR SS TT VV XX YY
ZZ. AAA BBB CCC DDD EEE FFF GGG HHH
III KKK LLL MMM NNN.

*Omnes quaterniones, præter * NNN ternionem.*

APVD ALDI FILIOS.

VENETIIS, M. D. XLVII.

5818124



